

# ՀԱՅԱՍՏԱՆԻ ԿՆՏԱՆՆԵՐ



ԵՐԵՎԱՆԻ  
ՈՐՈՇԱԿԱՆՈՒԹՅԱՆ

ՏԱՍԸ  
ՀԱՏՈՐՈՎ




ՀԱՅԱՍՏԱՆԻ ԿՆՏԱՆՆԵՐ  
ԵՐԵՎԱՆԻ 1962

# BRITISH LIBRARY



VOL. 11, JULY

RUSSIA  
AND  
SOUTH AFRICA



20.000 L30  
200 SU4



A V531-3 m4

BRITISH LIBRARY 1963



**Խմբագրական կոլեգիա՝  
Հարությունյան Սաղաթել, Հրաչյան Խաչիկ,  
Սիմոնյան Կարեն**

**Ձևավորումը՝  
Լ. Քերքեռյանի**

**ЖЮЛЬ ВЕРН**

**СОБРАНИЕ СОЧИНЕНИЙ**

**в десяти томах**

**Том четвертый**

**20 000 ЛЬЕ ПОД ВОДОЙ**

**(на армянском языке)**

**Армянское государственное издательство**

**(Айпетрат), Ереван, 1963**

Թարգմանութ յունր՝

Հ. ՄԱԶՄԱՆՅԱՆԻ





ԱՌԱՋԻՆ ՄԱՍ

## ԳԼՈՒԽ ԱՌԱՋԻՆ

### ԼՈՂԱՅՈՂ ԽՈՒԹԸ

1866 թվականը նշանավոր դարձավ արտասովոր դեպքերով, որ հավանորեն մինչև այսօր էլ շատերը չեն մոռացել: Այդ դեպքերի լուրերը հետաքրքրութուն առաջ բերին մայր ցամաքների բնակչության մեջ, գրգռեցին նավահանգստային քաղաքների բնակիչներին և առանձնապես անհանգստացրին ծովագնացներին: Վաճառականները, նավատերերը, նավապետները, ռազմական նավաստիները և նույնիսկ Հին ու Նոր Աշխարհի մի շարք պետությունների կառավարությունները, — բոլորն էլ վերին աստիճանի շահագրգռված էին արտասովոր այդ երևույթով:

Այդ թվականին մի քանի նավեր ծովում հանդիպեցին ինչոր մի երկար, իլիկաձև առարկայի. իր մեծությամբ ու արագաշարժությամբ դա գերազանցում էր կետ ձկան. երբեմն պայծառ լույս էր արձակում:

Այդ հանդիպումների վերաբերյալ լուրերը, որոնք գրված էին զանազան նավերի մատյաններում, միատեսակ էին նկարագրում նույն առարկայի կամ էակի արտաքինը, միևնույն ձևով հաղորդում նրա շարժման շուրջ արագութունը: Եթե այդ կետ ձուկ էր, ապա իր մեծությամբ գերազանցում էր բոլոր այն կետերին, որոնք հայտնի են գիտության: Սակայն հոշակավոր գիտնականներից ոչ մեկը, — ոչ Կյուպեն, ոչ էլ Լասեբեդը, Դյումերիլն ու Կատրֆաժը, — չէր ուզում հավա-

տալ, թե այդքան մեծ կենդանիներ գոյություն ունեն, «մինչև որ շտեմներ իր սեփական աչքով»:

Ամփոփելով բազմաթիվ լուրերը, որոնք մերթ ասում էին, թե իբր այդ հազվագյուտ առարկայի երկարությունն ընդամենը երկու հարյուր ոտնաչափ է, մերթ էլ ասում, որ իբր առարկան ունի երեք մղոն երկարություն և մեկ մղոն լայնություն, այնուամենայնիվ կարելի էր համարձակ հայտարարել, որ այդ արարածը, եթե միայն իրոք գոյություն ունի, անհամեմատ ավելի մեծ է, քան ձկնաբաններին հայտնի բոլոր կենդանիները: Մինչդեռ անկասկած էր նրա գոյությունը, անվիճելի փաստ էր այդ:

Ու քանի որ մարդկությունն առեղծվածներով գրավվելու հակում ունի, ուստի այդ լուրերը ծայրահեղության շափ հուզեցին ամբողջ աշխարհը: Այստեղ բոլորովին անտեղի կլիներ կասկածամիտ լինել կամ հնարովի համարել այդ լուրերը:

Եվ իսկապես, 1866 թվականի հուլիսի 20-ին «Նահանգապետ Հիգինսոն» շոգենավը, որ պատկանում էր «Կալիֆոռնիայի շոգենավային ընկերությանը», Ավստրալիայի արևելյան ափից ոչ հեռու, հանդիպեց այդ շարժուն զանգվածին:

Նավապետ Բեկկերը սկզբում կարծեց, թե գտել է քարտեղի վրա չնշանակված մի խուժ. նա արդեն ուզում էր որոշել խուժի կոորդինատները, երբ հանկարծ տարօրինակ առարկայի միջից ջրի երկու սյուներ թռան ու բարձրացան մինչև հարյուր հիսուն ոտնաչափ: Եթե այդ ստորջրյա մի հեյզերի ժայթքում չէր, ապա պարզ էր, որ «Նահանգապետ Հիգինսոնը» հանդիպել է ինչ-որ անհայտ ծովային կաթնասուն կենդանու, որը պինչերից գոլորշիախառն ջրասյուներ էր բաց թողնում:

1866 թվականի հուլիսի 23-ին Խաղաղ օվկիանոսում նույնպիսի մի հանդիպում ունեցավ «Քրիստափոր Կոլումբոս» շոգենավը, որ պատկանում էր «Արևմտա-Հնդկական և Խաղաղ-օվկիանոսյան շոգենավային ընկերությանը»: Պարզ էր, որ այդ տարօրինակ կետն իսկապես ընդունակ էր շարժվել հրեշավոր արագությամբ, քանի որ «Նահանգապետ Հիգինսոնը» և «Քրիստափոր Կոլումբոսը» երեք օրվա ընթացքում

նրան հանդիպեցին երկրի մակերևույթի այնպիսի երկու վայրերում, որոնք յոթ հարյուր ծովաչին մղոն հեռու են մեկմեկուց:

Տասնհինգ օրից հետո «Ազգային ընկերության» «Հելվեցիա» և «Ռոյալ Մեյլ» ընկերության «Քանաան» շոգենավերը, հանդիպելով Ատլանտյան օվկիանոսում, Ամերիկայի ու Եվրոպայի միջև, հյուսիսային լայնության  $42^{\circ}15'$  և արևմտյան երկարության  $60^{\circ}35'$  տակ հայտաբերեցին «հրեշին»: Երկու շոգենավերի նավապետներն այդ կաթնասուն կենդանու երկարությունը որոշեցին առնվազն երեք հարյուր հիսուն անգլիական ոտնաչափ<sup>1</sup>. «Քանաանը» և «Հելվեցիան», որոնց ամենաառաջին ծայրից մինչև ամենահետին ծայրը հարյուր մետր էր, իրենց ծավալով փոքր էին այդ «հրեշից»: Մինչդեռ ամենախոշոր կետերը, որոնք լինում են Ալեուսյան կղզիների շրջանում, հիսունվեց մետրից ավելի երկարություն երբեք չեն ունեցել:

Այդ հաղորդագրությունները և միմյանց հետևող այն լուրերը, որ «Պերեյրա» անդրատլանտյան շոգենավը նույնպես հանդիպել է հրեշին, որ «էտնա» նավը ընդհարվել է նրա հետ, վերջապես, Ֆրանսիական «Նորմանդիա» մարտանավի սպաների կազմած արձանագրությունը և այն մանրամասն հաշվետվությունը, որ անգլիական ծովակալությունը ստացել էր «Լորդ Քլայդ» նավի հրամանատար Ֆիտց Ջեմսից, — այս բոլորը ծայրահեղ շափով հուզեց հասարակական կարծիքը: Մի քանի երկրներում մարդիկ միայն ծիծաղում էին այդ արտասովոր երևույթի վրա, սակայն լուրջ ու դրական պետություններում՝ Անգլիայում, Ամերիկայում ու Գերմանիայում, կենդանի հետաքրքրություն առաջացավ «հրեշի» շուրջը:

Բոլոր մեծ կենտրոններում «հրեշը» դարձավ խոսակցության սովորական նյութ: Նրա մասին երգեր էին երգվում էստրադաներից: Կրագրերում ղետեղվում էին «հրեշի» ծաղրանկարները, թատրոններում ներկայացնում էին նրան: Բոլոր լրագրերում երևացին մտացածին և իսկապես գոյություն ունեցող վիթխարի էակների պատկերները՝ բևեռամերձ ծովե-

<sup>1</sup> Անգլիական մի ոտնաչափը հավասար է 30,4 սանտիմետրի:

րի սարսափելի, սպիտակ կետից մինչև ֆանտաստիկ ութոտնիկները, որոնք իբր թե ընդունակ են իրենց շոշափուկներով բռնել հինգ հարյուրտոննանոց նավը և տանել ծովի հատակը: Արխիվներից շտապ հանվում էին հնամյա փաստաթղթերը, Արխատտելի և Պլինիոսի վկայությունները, որոնք հնարավոր էին համարում ծովային հրեշների գոյությունը. նորվեգացի ծովագնացների պատմությունները, որ գրանցել էր Պոնդոպիզանի եպիսկոպոսը, Պաուլ Հեդգեդի հաղորդագրությունները և, վերջապես, Հարրինգտոնի վկայություններն այն մասին, որ նա 1857 թվականին տեսել է հրեշավոր մեծությամբ ծովային մի օձ: Իսկ Հարրինգտոնի անկեղծությունը հեռու է ամեն մի կասկածից:

Այն ժամանակ դիտական ընկերություններում հավատացողների ու շահավատացողների միջև անվերջ վեճեր սկսվեցին: Բոլորի մտքերը զբաղված էին «հրեշի» հարցով: Այդ նշանավոր վեճի ժամանակ թանաքի հեղեղներ էին, որ թափվում էին:

Վեց ամիս պայքարը շարունակվում էր փոփոխակի հաջողություններով: Բուլվարային մամուլը ծաղրի առարկա դարձրեց այն հողվածները, որ ղետեղվում էին «Բրազիլիայի աշխարհագրական ինստիտուտի լրաբերում», «Բեռլինի դիտությունների ակադեմիայի տարեգրություններում», Վաշինգտոնի Սմիթյան ինստիտուտի հանդեսում: Բուլվարային մամուլը ծաղրում էր Պետերմանի լուրջ հանդեսների—«Հնդկական արշիպելագի» և «Միջերկրական ծովի» վիճաբանությունը, Եվրոպայի լավագույն դիտական հանդեսների տված տեղեկությունները: Կրկնելով Լիննեյի այն հայտնի խոսքը, թե «բնությունը հիմարներ չի ստեղծում» (այդ խոսքը հիշատակել էր «հրեշի» հակառակորդներից մեկը), լրագրողները համոզում էին գիտնականներին, որ սրանք «չվիրավորեն բնությունը, վերագրելով նրան այնպիսի անօգտակար հսկաների ստեղծումը, որոնք կարող են գոյություն ունենալ միայն հարբած նավորդների երևակայության մեջ»: Վերջապես, հանրամատչելի երգիծաբանական մի շաբաթաթերթ ամենահայտնի մի գրողի գրչով այնպես գրոհեց «հրեշի» վրա, որ բոլորը ծիծաղից թուլացան և «հրեշի» պաշտպանները ստիպված եղան նահանջել: Այսպիսով սրամտությունը հաղթեց գիտությանը:

1867 թվականի առաջին ամիսների ընթացքում «հրեշի» հարցը կարծես արդեն թաղված էր և հույս չկար, որ հարուստն կառնի: Սակայն ընթերցող հասարակությունը նոր փաստեր իմացավ: Խոսքն արդեն վերաբերում էր ոչ թե մի վերացական, դիտական խնդիր լուծելուն, այլ մի լուրջ և բուրբուխ ունակ վտանգի դեմ պայքարելուն: Հարցը լուսարանվեց նոր ձևով: «Հրեշն» էլի դարձավ փոքրիկ մի կղզի, ժայռ, խութ, բայց այնպիսի մի խութ, որը շարժուն էր, անմատչելի ու առեղծվածային:

1867 թվականի մարտի 5-ի գիշերը «Մորավիա» շոգենավը, որ պատկանում էր «Մոնրեալյան օվկիանոսային ընկերության»,  $27^{\circ}30'$  լայնության և  $72^{\circ}15'$  երկարության տակ հանդիպեց մի ժայռի, որը շէր նշանակված ոչ մի քարտեզի վրա: Բարեհաջող քամու և շորս հարյուր ձիաուժանոյ մերենայի շնորհիվ «Մորավիան» ընթանում էր տառնեղիք հանդուլցի արագությամբ: Եթե շոգենավն ամուր չլիներ, այդչափ արագ գնալով ջրասույզ կլիներ ժայռին դիպնելուց, տանելով իր հետ երկու հարյուր երեսունյոթ ճանապարհորդներին և նավը սպասարկողներին:

Ընդհարումը տեղի ունեցավ առավոտյան ժամը հնգին: Դեռ նոր էր լուսանում: Հերթապահ սպաներն այս ու այն կողմ նետվեցին: Նրանք ամենամեծ ուշադրությամբ դիտեցին օվկիանոսի մակերևույթը, բայց կասկածելի ոչինչ չնկատեցին, եթե չհաշվենք մի մեծ ալիք, որ կարծես բարձրացավ մի զորեղ նավապտուտակի ուժով, երեք կաբելտով՝ տարածության վրա: Նշելով այդ տեղի ճշգրիտ կոորդինատները, «Մորավիան» շարունակեց իր ճանապարհը: Շոգենավն արտաքուստ ոչնչով չէր վնասվել և հրամանատարական կազմը գլուխ էր ջարդում այն հարցի վրա, թե արդյոք ի՞նչի հետ է ընդհարվել շոգենավը՝ ստորջրյա մի ժայռի՞, թե՞ մի որևէ ջրասույզ նավի հետ:

Երբ «Մորավիան» հասավ նավահանդիստ, պարզվեց, որ նրա ողնուցի մի մասը ջարդվել է:

---

1 Կաբելտովը ծովային փոքր տարածությունները չափելու միավոր է, հավասար է մոտավորապես 200 մետրի:



Այս տարօրինակ դիպվածը, ինչպես և շատ ուրիշ պատահարներ, երևի շուտով կմոռացվեն, եթե երեք շաբաթից հետո չկրկնվեն նույնպիսի պայմաններում: Միայն թե այս անգամ դեպքի համբավը տարածվեց լայն շափով և արձագանք դտավ ամբողջ աշխարհում, որովհետև վնասված նավը պատկանում էր ամենահայտնի մի շոգենավային ընկերության:

Հավանորեն բոլորը գիտեն անգլիացի նավատեր Քյունարդի անունը, քանի որ նրա շոգենավերն առաջին անգամ սկսեցին կանոնավոր հաղորդակցություն պահպանել Եվրոպայի ու Ամերիկայի միջև: Քյունարդի նավագնացության քսանյոթ տարվա գոյության ընթացքում նրա նավերն ավելի քան երկու հազար անգամ անցան Ատլանտյան օվկիանոսը, ոչ մի անգամ չուշացան, ոչ մի անգամ չփոխեցին երթի ժամանակը, իրենց հանձնված փոստից ոչ մի նամակ չկորցրին: Քյունարդի նավագնացության համբավն այնքան բարձր էր, որ նա բոլորովին չէր վախենում մրցակցությունից: Հենց այս էր պատճառը, որ կայծակի արագությամբ տարածվեց ընկերության լավագույն նավերից մեկի հետ պատահած դեպքի լուրը:

1867 թվականի ապրիլի 13-ին, երբ ծովը ջինջ էր հայելու նման ու քամին բոլորովին դադարել էր, «Շոտլանդիան» գտնվում էր  $15^{\circ}12'$  լայնության և  $45^{\circ}37'$  երկարության սակ: Իր հաղար ուժանոց մեքենայի շնորհիվ շոգենավն ընթանում էր մեկ ժամում տասներեք ամբողջ քառասուներեք հարյուրերորդական հանգույցի արագությամբ: «Շոտլանդիայի» անիվները ժամացույցի ճոճանակի պես համաչափ պտտվելով, ճեղքում էին ջուրը:

Ժամի 4-ից 17 րոպե անց, երբ ճանապարհորդները մեծ դահլիճում թեյ էին խմում, «Շոտլանդիան» մի փոքր ցնցվեց թեթև հարվածից: Հարվածը հասել էր նրա աջ կողքին, անիվից մի քիչ հեռու:

Ցնցումն այնքան թույլ էր, որ տախտակամածի վրա գտնվող մարդկանցից ոչ ոք ուշադրություն չէր դարձնի, եթե նավամբարից չսվեր հետևյալ ճիշը.

— Այստեղ ջուր է լցվում: Օգնեցե՛ք:

Ճանապարհորդների մեջ բնականաբար իրարանցում սկսվեց: Նավապետ Անդերսոնը շտապեց հանգստացնել նրանց:

Իսկապես, մի ճեղքվածքը շէր կարող վտանգավոր լինել «Շոտլանդիայի» համար, որն անթափանց յոթ միջնորմներով էր շրջապատված:

Նավապետ Անդերսոնն անմիջապես իջավ նավամբար: Նա պարզեց, որ հինգերորդ միջնորմում ջուր է լցվել: Զուրն արագությամբ ավելանում էր և այդ ցույց էր տալիս, որ ճեղքվածքը բավական մեծ պետք է լինի: Բարեբախտաբար այդ միջնորմում շկային շոգեկաթսաները տաքացնող հնուցներ, որոնք իհարկե անմիջապես կհանգչեին:

Նավապետ Անդերսոնը կարգադրեց կանգնեցնել մեքենաները: Նավաստիներից մեկին նա հրամայեց մտնել ջրի մեջ: Նավաստին զեկուցեց, որ նավի դրսի կողմից երկու մետր լայնությամբ ճեղքվածք է առաջացել: Ծովի վրա հնարավոր չէր այդպիսի ճեղքվածքը ծածկել: «Շոտլանդիան» կիսով չափ ջրասույզ եղած իր անիվներով մի կերպ շարունակեց ճանապարհը:

Այդ ժամանակ նավը գտնվում էր Կղեր կոչված հրվանդանից երեք հարյուր մղոն հեռավորության վրա: Նավը երեք օրով ուշ հասավ Կիվերպուլի նավակայանը և դա ամբողջ Անգլիայում մեծ անհանգստություն առաջ բերեց:

«Շոտլանդիան» դուրս բերին ծովափ: Ընկերության ինժեներները սկսեցին դիտել նավը: Նրանք ուղղակի չէին հավատում իրենց աչքերին.— ջրագծից երկու և կես մետր ներքև երևում էր մի ճեղքվածք, որն ուներ կանոնավոր, հավասարակողմ եռանկյան ձև: Ծեղքվածքի ծայրերը բոլորովին հարթ ու հավասար էին, կարծես դիտմամբ այդպես էր արված:

Պարզ էր, որ նավը ճեղքող գործիքը խիստ սուր է եղել: Ավելի մեծ տարակուսանք առաջ բերեց այն հարցը, թե այդ ինչպե՞ս է եղել, որ գործիքը ճեղքել է շորս մատնաշափ հաստությամբ երկաթն ու դուրս պրծել: Այդ բոլորովին անբացատրելի էր թվում:

«Շոտլանդիայի» հետ պատահած դեպքն էլի՛ գրգռեց հասարակության հետաքրքրությունը, որ մի փոքր սառել էր: Այդ ժամանակից սկսած՝ «հրեշիւն» էին վերագրվում բոլոր ծովային աղետները, որոնց պատճառները չէին պարզվում: Եվ որովհետև տարեկան երեք հազար աղետ էր պատահում նա-



վերի հետ և սրանցից երկու հարյուրն անհայտ կորչում էին, ուստի երևակայական «հրեշի» մեղքն օրեցօր ավելի էր ծանրանում:

Այդ բոլոր փորձանքների պատասխանատվությունն արդարացիորեն թե անարդարացիորեն դնելով «հրեշի» վրա, բոլոր երկրների հասարակական կարծիքը խիստ անհանգստացավ, որովհետև մայր ցամաքների միջև հաղորդակցությունը վտանգավոր էր դարձել, և սլահանջեց կառավարություններից, որ վերջապես, ինչ կերպ էլ լինի, ծովերն ազատվեն այդ սարսափելի արարածից:

## ԳԼՈՒԽ ԵՐԿՐՈՐԴ

### Թ Ե Ր Ե Վ Դ Ե Մ

Այն ժամանակ, երբ կատարվում էին հիշատակված դեպքերը, ես վերադառնում էի գիտական ճանապարհորդությունից, որ կատարել էի Հյուսիսային Ամերիկայի Միացյալ Նահանգների Նեբրասկ կոչված խուլ վայրերում: Ինձ ուղարկել էր Ֆրանսիական կառավարությունը. ես բնագետ էի և Փարիզի բնագիտական թանգարանի պրոֆեսոր, ակադեմիկոսի օգնական: Վեց ամսվա ընթացքում Նեբրասկում թանկարժեք հավաքածոներ կազմելով, 1867 թվականի մարտի վերջին ժամանեցի Նյու-Յորք: Ես պետք է Ֆրանսիա վերադառնայի մայիսի սկզբներին, դրա համար էլ որոշեցի իմ տրամադրության տակ եղած ժամանակն օգտագործել հանքաբանական, բուսաբանական ու կենդանաբանական հավաքածոները կարգի բերելու համար: Այդ ժամանակ էր, որ փորձանք պատահեց «Շոտլանդիայի» հետ:

Իհարկե ես միանգամայն իրազեկ էի այն բոլոր դեպքերին, որ հուզում էին հասարակական կարծիքը: Ուրիշ կերպ չէր կարող լինել, որովհետև բոլոր լրագրերն ու հանդեսները լիքն էին այդ դեպքերին վերաբերող լուրերով: Այդ հանելուկը վառեց իմ հետաքրքրությունը: Չգիտեի ինչպես բացատրել դեպքերը և մեկ ծայրահեղությունից մյուսին էի դիմում: Ան-

չուշտ այստեղ ինչ-որ մի առեղծվածային բան կար. բավա-  
կան էր, որ շհավատացողները տեսնեին «Շոտլանդիայի»  
ճեղքված կողքը, որպեսզի համոզվեին դրանում:

Երբ ես ժամանեցի Նյու-Յորք, ամբողջ քաղաքը հուզված  
էր: Շարժվող կղզու, անհայտ խուժի վերաբերյալ ենթադրու-  
թյունները, որ անում էին անիրազեկ մարդիկ, արդեն վերջ-  
նականապես հերքվել էին: Հիրավի, դժվար էր բացատրել, թե  
այդ լողացող խուժն ինչպե՞ս կարող է արագ շարժվել, եթե  
ուժեղ մեքենա չունի:

Հերքվեց նաև այն ենթադրությունը, թե «հրեշը» ջրասույզ  
եղած ինչ-որ մի վիթխարի նավ է, որովհետև «հրեշի» շարժ-  
ման արագությունը դրանով էլ չէր բացատրվում:

Այսպիսով խնդիրը կարելի էր միայն երկու կերպ լուծել.  
«հրեշը» կամ հսկայական մի կենդանի էր, կամ ստորջրյա մի  
նավ, որը պետք է շափաղանց ուժեղ մեքենա ունենար:

Սակայն այս վերջին ենթադրությունն էլ, որ մոտիկ էր  
ճշմարտության, երկու կիսագնդերում կատարված քննությու-  
նից հետո հօդս-ցնդեց: Անկարելի էր պատկերացնել, որ այդ-  
պիսի ստորջրյա նավը մասնավոր մարդու է պատկանում:  
Այն պետք է ինչ-որ մի տեղ կառուցված լիներ, բայց ինչպե՞ս  
կարող էր գաղտնի մնալ այդքան մեծ նավի կառուցումը:

Միայն մի որևէ պետություն կարող էր այդպիսի սարսա-  
փելի և ավերիչ ուժ ունեցող մեքենա ստեղծել: Մեր ապրած  
տխուր ժամանակներում, երբ մարդկությունը վարժվում է  
մահացու, ավերիչ, նորանոր ղենքեր հնարելու մեջ, հնարա-  
վոր է, որ մի որևէ պետություն ծածուկ կառուցել է այդպիսի  
մի մարտանավ և գործի դրել:

Սակայն մարտանավի վերաբերյալ ենթադրությունը նույն-  
պես հօդս ցնդեց, որովհետև բոլոր պետություններն էլ  
հայտարարեցին, թե ոչ մի առնչություն չունեն այդ դեպքերի  
հետ: Քանի որ «հրեշը» սպառնում էր միջազգային օվկիա-  
նոսային հաղորդակցության, ուստի կասկած չէր կարող լինել  
կառավարությունների հաղորդագրության նկատմամբ: Բացի  
դրանից, անկարելի էր պատկերացնել, որ նման ստորջրյա  
վիթխարի նավի կառուցումը կարող էր մնալ իբրև խոր գաղտ-  
նիք: Եթե այսպիսի պայմաններում մասնավոր մարդու հա-

մար դժվար է գաղտնիք պահել, ևս այս անգամ էլ ավելի դժվար է պետության համար, որի յուրաքանչյուր քայլին եռանդով հետևում են մրցակից պետությունները:

Այսպիսով ստորջրյա հաժանավի վերաբերյալ ենթադրությունն էլ վերջնականապես չճշտվեց այն ժամանակ, երբ այդ մասին տեղեկություններ հավաքվեցին Անգլիայում, Ֆրանսիայում, Ռուսաստանում, Գերմանիայում, Իտալիայում, Ամերիկայում և նույնիսկ Թուրքիայում:

Չնայելով բուլվարային մամուլի ծաղրին, ծովում նորից երևաց վիթխարի կենդանին: Մարդու գրգռված երևակայությունն էլի՛ սկսեց առասպելական ենթադրություններ անել:

Նյու-Յորքում շատերն ինձ խնդրեցին, որ հայտնեմ իմ կարծիքը բոլորին հուզող այդ հարցի նկատմամբ: Ֆրանսիայից մեկնելու նախօրյակին ես լույս էի ընծայել երկու հատորից բաղկացած իմ աշխատությունը, որի վերնագիրն էր «Ծովի հատակի գաղտնիքները»: Այս գիրքը, որ գիտական աշխարհում լավ ընդունելություն գտավ, հաստատեց բնագիտության այդ ճյուղում մասնագետ լինելու իմ իրավունքը, մի ճյուղ, որ համեմատաբար քիչ է ուսումնասիրված:

Ինձ համառությամբ հրավիրում էին իմ կարծիքը հայտնելու: Ես զանազան պատրվակներով խուսափում էի, սակայն «Նյու-Յորք Հերալդի» պնդերես թղթակիցները այնքան խընդրեցին, որ ես ստիպված եղա խոսք տալ, որ հասարակությանը կհայտնեմ իմ մտքերը օվկիանոսում տեղի ունեցող տարօրինակ երևույթների մասին:

Եվ ահա ապրիլի 30-ին թերթում երևաց «մեծարգո պրոֆեսոր Պիեր Արոնաքսի» բաղմակողմանի հոդվածը, որտեղ մանրամասն քննված էր «հրեշին» վերաբերող հարցը և բոլոր հայտնի փաստերին գիտական գնահատական էր տրված:

Ահա մի հատված այդ հոդվածից.

«Այսպես ուրեմն, — գրում էի ես, վերլուծելով եղած բոլոր ենթադրությունները, — քանի որ չկա քննադատության դիմացող մի այլ ենթադրություն, մեզ մնում է ընդունել, որ «հրեշն» ուրիշ բան չէ, եթե ոչ հսկայական ուժով օժտված մի ծովային կենդանի:

Օվկիանոսների խորքերում եղած կյանքը բոլորովին ան-

ժանոթ է մեզ: Այդ խորքերը դեռևս չեն ուսումնասիրված: Ի՞նչ է կատարվում այդ անհատակ անդունդներում: Մովի մակերևույթից տասներկու-տասնհինգ հազար մետր ցած ի՞նչ էակներ են ապրում և ինչ էակներ կարող են ապրել: Ինչպիսի՞ օրգանիզմ ունեն այդ էակները: Դժվար է այդ մասին նույնիսկ ենթադրություններ անել:

Մեր առաջ դրված խնդիրը երկու կերպ կարելի է լուծել. մեզ հայտնի են կամ աշխարհիս բոլոր արարածները, կամ նրանց միայն մի մասը:

Եթե մենք գիտենք ոչ բոլոր էակներին, որոնք բնակվում են մեր մոլորակի վրա, եթե բնությունը դեռ մեզանից գաղտնիքներ է պահում, մանավանդ ձկնարանության բնագավառում, ապա ոչ մի հիմք չկա ժխտելու մեզ անհայտ տեսակի կամ ցեղի, առանձնահատուկ կազմվածք ունեցող ձկների կամ ծովային կաթնասունների գոյությունը, — որոնք ապրում են հետազոտությանն անմատչելի օվկիանոսային խորքերում և ինչ-որ անհայտ պատճառներով կամ առանց որևէ պատճառի երբեմն դուրս են գալիս այդ խորքերից:

Ընդհակառակը; եթե մենք գիտենք կենդանի արարածների բոլոր տեսակները, ապա մեզ զբաղեցնող «հրեշին» պետք է որոնել արդեն դասակարգված ծովային կենդանիների շարքում: Այս դեպքում ես հակամետ կլինեի ընդունելու ինչ-որ մի վիթխարի միաժանու գոյությունը:

Մովորական միաժանին հաճախ ունենում է վաթսուն ոտնաչափ երկարություն: Հնգապատկեք, տասնապատկեք այդ չափը, ընդունեք, որ այդ կենդանին իր մեծության համապատասխան ուժ ունի, համեմատական չափով պատկերացրեք նրա ժանիքի հզորությունը, — և դուք պարզած կլինեք ձեզ հուզող գաղտնիքը: Այս կենդանին կունենա «Քանաանի» սպանների մատնանշած ծավալը, կունենա այնպիսի մի ժանիք, որը կարող է նույնպիսի մի ճեղքվածք առաջացնել, ինչ որ եղել է «Շոտլանդիայի» վրա, կունենա մի ուժ, որը կարող է օվկիանոսային շոգենավը նետել մինչև ծովի հատակը:

Եվ իսկապես, միաժանին գինված է յուրահատուկ ոսկրյա մի տեղով, կամ գեղարդով, ինչպես ասում են մի քանի բնագետներ: Այդ գեղարդը պողպատի ամրություն ունի: Այդպի-

«ի գեղարդ հաճախ գտնվել է կես ձկան մարմնի մեջ, որի հետ կովելիս միաժանին համարյա միշտ հաղթում է: Այդպիսի գեղարդները դժվարությամբ են հանվել փայտյա նավերի միջից, խրված լինելով դրանց մի կողքից մինչև մյուսը: Փարիզի բժշկական ֆակուլտետի թանգարանում գտնվում է նման մի գեղարդ, որն ունի երկու ամբողջ և մեկ քառորդ մետր երկարություն ու բութ ծայրում քառասունութ սանտիմետր հաստություն:

Այսպես ուրեմն, պատկերացնենք մի այդպիսի միաժանի, սովորականից տասն անգամ մեծ, տասնապատիկ մեծությամբ գեղարդով կամ ժանիքով, ընդունենք, որ նա կարողանում է մեկ ժամում անցնել քսան ծովային մղոն տարածություն, նրա ծավալը բազմապատկենք արագության վրա, և դուք շեք զարմանա, եթե նրան ընդհարվող ամեն մի նավի դժբախտություն պատահի: Վերջում պետք է ասեմ հետևյալը.— քանի դեռ ավելի մանրամասն տեղեկություններ չկան, ես այդ «հրեշին» պետք է համարեմ մի հսկայական միաժանի, որը զինված է ոչ թե հասարակ գեղարդով, այլ ինչպես զրահապատ մի մարտանավ,— իսկական բաբանով և որի մեծությունը և ուժն այդպիսի մարտանավից պակաս չի լինի:

Այսպես և միայն այսպես կարելի է բացատրել այդ անբացատրելի երևույթը, եթե... այն իսկապես գոյություն ունի: Իսկ այդ դեռ կարոտ է ստուգման»:

Վերջին նախադասությունը վախկոտության արդյունք էր: Ես ուզում էի պահպանած լինել իմ,— գիտնականիս արժանիքը և ծաղրի առիթ չտալ ամերիկացիներին, որոնք գիտեն և կարողանում են ծիծաղել: Այսպիսով ես ինձ համար հող պատրաստեցի հետագայում արդարանալու, թեպետ ինքս չէի կասկածում, որ «հրեշը» գոյություն ունի:

Իմ հողվածը ջերմ արձագանք գտավ և մեծ հռչակ ստացավ: Նույնիսկ որոշ թվով կողմնակիցներ եղան: Իմ հողվածում լուսաբանված հանելուկի լուծումը առատ սնունդ էր տալիս երևակայության: Մարդիկ սիրում են երազել գերբնական երևույթների մասին: Ծովն էլ հենց այն միակ միջավայրն է, որտեղ իսկապես պայմաններ կան վիթխարի էակների զարգացման համար, որոնց հանդեպ երկրային հսկաները,—



փղերն ու անգեղջյուրներն ուղղակի թղուկներ են: Մովերում  
ապրում են կաթնասունների ամենախոշոր ներկայացուցիչ-  
ները, օրինակ՝ կետերը: Ինչո՞ւ չկարծել, որ այնտեղ ապրում  
են նաև վիթխարի կակղամորթներ, սարսափելի ծովային  
խեցգետիններ, որոնք ունենում են հարյուր մետր երկարու-  
թյուն և երկու հարյուր տոննա ծանրություն: Չէ՞ որ մեր մո-  
լորակի մանկության ժամանակներում շորս ու շորս ձեռք  
ունեցող կենդանիները, թռչուններն ու սողունները հսկայա-  
կան մեծություն ունեին և միայն տասնյակ ու հարյուր հազա-  
րավոր տարիներից հետո են փոքրացել և ընդունել ժամանա-  
կակից մեծությունը: Իսկ երկրաբանական ամենահին դարա-  
շրջանների կենդանական աշխարհի ներկայացուցիչներն ին-  
չո՞ւ չեն կարող պահպանված լինել ծովում, որի կաղմը բո-  
լոր ժամանակներում մնացել է անփոփոխ, մինչդեռ երկրի  
կեղևը փոխվում է անընդհատ: Ինչո՞ւ ծովն իր խորքերում  
չէր կարող պահպանել այդ վիթխարի նախաստեղծ էակներին,  
որոնց կյանքի տևողությունը չափվում է ոչ թե տարիներով,  
այլ դարերով կամ հազարամյակներով:

Սակայն ևս տարվեցի ցնորքներով, իսկ դա ինձ ավելի քիչ  
է սազում, քան ուրիշ որևէ մեկին:

Կրկնում եմ, այդ արտասովոր երևույթի բնությունն այլևս  
վեճեր չէր առաջացնում, և հասարակությունն ընդունեց ինչ-  
որ մի հսկայական կենդանու գոյությունը, մի կենդանու, որն  
ընդհանուր ոչինչ չունի ծովային առասպելական օձերի հետ:  
Բայց եթե ոմանց համար այդ հարցը վերացական էր, ու-  
ներ միայն զուտ դիտական հետաքրքրություն, ապա մյուս-  
ների, ավելի գործնական մարդկանց համար, մանավանդ  
անգլիացիների ու ամերիկացիների համար, որոնք շահագրք-  
գրոված են օվկիանոսային հաղորդակցության ապահովու-  
թյամբ, միանգամայն անհրաժեշտ էր դառնում բոլոր միջոց-  
ները ձեռք առնել և անհապաղ ազատել ծովերն այդ վտան-  
գավոր հրեշից:

Ֆինանսական և առևտրական մամուլն այժմ միայն այդ  
տեսանկյունով էր զբաղվում հրեշին վերաբերող հարցով:  
«Մովային տեսությունը», «Էլոյդի թերթը», «Պակետրոտը»,  
«Մովային առևտրական թերթը», — ապահովագրական ընկե-

բությունների այդ բոլոր տպագիր օրգանները միաբերան պահանջում էին անխնա պատերազմ հայտարարել հրեշին, որովհետև այդ ընկերություններին խոշոր վնասներ էին սպառնում:

Հասարակական կարծիքը, առաջին հերթին Միացյալ Նահանգները, կողմնակից էր լրագրերին: Նյու-Յորքում սկսեցին մի գիտական արշավախումբ պատրաստել միաժամուն օրսալու համար: Այդ նպատակով սարքավորվում էր «Աբրահամ Լինկոլն» արագընթաց մարտանավը: Զինապահեստի դռները լայն բացվել էին մարտանավի հրամանատարի՝ նավապետ Ֆարագուտի առջև, որն ամեն կերպ աշխատում էր արագացնել արշավախմբի մեկնումը: Սակայն, ինչպես միշտ լինում է այդպիսի դեպքերում, հենց որ ընդունվեց հետապնդելու որոշումը, հրեշն այլևս չէր երևում: Երկու և կես ամիս ոչ մի լուր չկար նրա մասին: Ոչ մի նավ չէր հանդիպում նրան: Կարելի էր կարծել, որ միաժամին զգացել է իրեն սպառնացող վտանգը: Այդ մասին այնքան էին խոսել օվկիանոսի ստորջրային հեռագրաթելով... Կատակասեղներն ասում էին, թե միաժամին բռնել է բազմաթիվ հեռագրերից մեկն ու փախելով գիտե ուր:

Այսպիսով, երբ մարտանավը սարքավորվել էր արտասովոր օրսի համար անհրաժեշտ բոլոր պարագաներով և պատրաստ էր ճանապարհվելու, ոչ ոք չգիտեր, թե ուր պետք է ուղևորվել:

Հնդհանուր անհամբերությունն իր գագաթնակետին հասավ, երբ հուլիսի 2-ին լուր տարածվեց, թե Սան-Ֆրանցիսկոյից Շանհայ մեկնած մի շոգենավ մոտ երեք շաբաթ առաջ հանդիպել է կենդանուն խաղաղ օվկիանոսի հյուսիսային մասում:

Այս նորությունը հսկայական տպավորություն թողեց: Նավապետ Ֆարագուտին նույնիսկ քսանչորս ժամվա արձակուրդ էլ շտվեցին: Պարենը բռնվեց նավի կողքերին, նավամբարները վիքը լցվեցին ածուխով, բոլոր նավորդները ներկա էին: Մնում էր միայն վառել հնոցները, շոգի պատրաստել ու ճանապարհ ընկնել:

Նավապետ Ֆարագուտին շէին ների, եթե նա ուշանար թե-  
կուզ կես օրով: Ասենք նա ինքն էլ էր շտապում մեկնելու:

«Աբրահամ Լինկոլնի» մեկնելուց երեք ժամ առաջ ինձ  
հանձնեցին հետևյալ բովանդակութեամբ մի նամակ.

«Պարոն Արոնաֆան,

Փարիզի բանգարանի պրոֆեսորին.

«Հինգերորդ ավենյու» հյուրանոց,

Նյու-Յորք.

‘Հարգելի’ պարոն,

Եթե դուք կցանկանաք միանալ «Աբրահամ Լինկոլ-  
նի» գիտական արշավախմբին, ապա Միացյալ Նա-  
հանգների կառավարութեանը հանելի կլինի զիտեճալ,  
որ Ֆրանսիան հանձին ձեզ մասնակցում է այդ ձեռ-  
նարկման: Նավապետ Ֆարագուտը Ձեզ առանձին հա-  
վասենյակ կտրամադրի:

Մրտագին բարևներով՝

Սովալին մինիստր՝ Դ. Բ. ՀՈՒՍՈՆ:

## ԳԼՈՒԽ ԵՐՐՈՐԴ

### ԻՆՉՊԵՍ ՈՐ ՊԱՐՈՆԸ ԿԱՄԵՆԱ

Սովալին մինիստրի նամակը ստանալուց երեք վայրկյան  
առաջ իմ մտքովն անգամ չէր անցնում միաժամուն հետա-  
պնդելը, ճիշտ այնպես, ինչպես Հյուսիս-արևմտյան անցքի՝  
սառույցների միջով ճանապարհորդելը: Նամակը ստանալուց  
երեք վայրկյան հետո ես հասկացա, որ իմ իսկական կոչու-  
մը, իմ կյանքի միակ նպատակն է հետապնդել այդ վտան-  
գավոր «հրեշին», և աշխարհը փրկել նրանից:

Սակայն ես հենց նոր էի վերադարձել դժվար ճանապար-  
հորդութունից, շափից դուրս հոգնել և հանգստի կարիք էի

<sup>1</sup> Ատլանտյան օվկիանոսից դեպի Խաղաղ օվկիանոսը տանող մի անցք,  
որ գտնվում է ամերիկական ցամաքի հյուսիսային ափերի մոտ:



զգում: Ես երազում էի վերադառնալ հայրենիք, իմ բարեկամ-  
ների մոտ, իմ փոքրիկ բնակարանը, որ գտնվում էր բուսա-  
բանական այգուց ոչ հեռու, երազում էի տեսնել նորից իմ  
սիրած ու անգին հավաքածուները: Սակայն էլ ոչինչ չէր կա-  
րող հրապուրել ինձ: Ես մոռացա ամեն ինչ՝ հոգնածությունս,  
բարեկամներիս, հավաքածուներս, և առանց երկար մտածե-  
լու ընդունեցի ամերիկյան կառավարության հրավերը:

«Մանավանդ որ, — մտածում էի ես, — բոլոր ճանապարհ-  
ները դեպի Եվրոպա են տանում և կարող է պատահել, որ  
միաժամին սիրալիր կերպով ինձ առաջնորդի դեպի Ֆրանսի-  
սիական ափերը: Թերևս այդ արժանավոր կենդանին թույլ  
տա իրեն հաշիվը մաքրելու եվրոպական ծովերում: Այդ դեպ-  
քում ես նրա գեղարդի առնվազն կեսմետրանոց մասը կտա-  
նեմ Փարիզի բնապատմական թանգարանը»:

Սակայն միաժամուն առայժմ պետք էր փնտրել խաղաղ  
օվկիանոսի հյուսիսային մասում, այսինքն Ֆրանսիա վերա-  
դառնալ միայն շուրջերկրյա ճանապարհորդությունից հետո:

— Կոնսե՛լ, — կանչեցի ես անհամբերությամբ:

Կոնսելն իմ սպասավորն էր և բոլոր ճանապարհորդու-  
թյունների ժամանակ ուղեկցում էր ինձ: Ես անկեղծորեն սի-  
րեցի այդ համակրելի ֆլամանդացուն, նա էլ՝ ինձ: Այդ մի  
սառնարյուն, դրական ու լուրջ մարդ էր, ջանասեր ու գործուն-  
յա, հանգիստ դիմավորում էր բոլոր կենսական անակնկալ-  
ները, ամեն բանում վարպետ էր, սիրում էր աշխատել և հա-  
կառակ իր անվան<sup>1</sup>, երբեք ու ոչ ոքի խորհուրդներ չէր տա-  
լիս, եթե նույնիսկ նրանից խնդրեին այդ խորհուրդները:

Մշտապես շփվելով գիտնականների շրջանի հետ, որոնք  
այցելում էին իմ փոքրիկ բնակարանը, Կոնսելն ինքն էլ հե-  
տըզհետե շատ բան սովորեց և բնադիտական դասակարգման  
բնագավառում դարձավ մասնագետ, այնպես որ, հրաշալի  
գիտեր բոլոր բաժինները, խմբերը, դասերը, ենթադասերը,  
ջոկատները, ընտանիքները, ցեղերը, տեսակներն ու ենթատե-  
սակները: Բայց նրա բոլոր գիտելիքները հենց դրանով էլ սահ-  
մանափակվում էին: Դասակարգել. — դրանում էր հենց նրա

<sup>1</sup> Conseil — խորհուրդ (ֆրանս.):

ամբողջ կյանքը և դրանով էլ նա բավարարվեց: Կինելով մի-  
անգամայն տեղյակ դասակարգման թեորիային և շատ հեռու  
գործնական գիտելիքներից, նա, իմ կարծիքով, շէր կարողա-  
նամ կետը դանազանել վիշապաձկնից:

Եվ այնուամենայնիվ ի՞նչ հրաշալի մարդ էր նա:

Տասը տարի Կոնսեյը շարունակ ուղեկցում էր այնտեղ,  
ուր ինձ տանում էր գիտությունը: Երբե՛ք և ո՛չ մի գանգատ  
երկարատև ճանապարհորդության կամ հոգնածության մա-  
սին: Միշտ համաձայն էր մեկնել ուր ասես, որ երկիրն ասես,  
լիներ այդ Չինաստանը, թե՛ Կոնգոն, ու շէր հարցնում, թե  
ինչո՞ւ է գնում:

Նա ուներ հիանալի առողջություն և ոչ մի հիվանդություն  
սարսափելի շէր նրա համար, ուներ սլինդ մկաններ և խկա-  
պես որ երկաթե ջղեր:

Նա երեսուն տարեկան էր: Նրա տարիքը իր ախրոջ տարի-  
քին հարաբերական էր այնպես, ինչպես տասնհինգը քսանին:  
Ներողություն եմ խնդրում, որ մի քիչ բարդ ձևով խոստովա-  
նեցի իմ քառասուն տարեկան լինելը: Կոնսեյն, ուներ միայն  
մի պակասություն: Կինելով անուղղելի ձևամուլ, նա ինձ դի-  
մում էր ոչ այլ կերպ, քան երրորդ դեմքով, և այդ հաճախ  
ինձ հանում էր համբերությունից:

— Կոնսե՛յ,— կրկնեցի ես, միաժամանակ սկսելով տեն-  
դային պատրաստություն տեսնել ճանապարհվելու համար:

Ես վստահ էի, որ Կոնսեյն անսահմանորեն հավատարիմ է  
ինձ: Սովորաբար ես նրան երբեք չէի հարցնում, թե արդյոք  
համաձա՞յն է ինձ ուղեկցել: Սակայն այս անգամ ձեռնարկ-  
վում էր մի գիտարշավ, որը կարող էր անվերջ շարունակվել  
և բացի դրանից, խիստ վտանգավոր էր: Հանաք բան չէր.  
պետք էր հետապնդել մի կենդանու, որ մարտանավն ընդու-  
նակ է ջրասույզ անել ինչպես ընկույզի կեղև: Մովում ամե-  
նամեծ սառնասրտություն պահպանող մարդն անգամ կաս-  
կածանքով կվերաբերվեր այս ձեռնարկմանը: Հասցա ի՞նչ  
կասեր Կոնսեյը:

— Կոնսե՛յ,— կանչեցի ես երրորդ անգամ:

Կոնսեյը երևաց:

— Պարոնն ինձ կանչո՞ւմ է,— ներս մտնելով հարցրեց նա:

— Այո, սիրելիս, Պատրաստիր այն ամենն, ինչ որ հարկավոր է ինձ ու քեզ համար: Երկու ժամից հետո մենք ճանապարհվում ենք:

— Ինչպես որ պարոնը կամենա,— հանգիստ պատասխանեց Կոնսելը:

— Ոչ մի բան չի կարելի կորցնել: Պայուսակիս մեջ դիր այն բոլորը, ինչ որ անհրաժեշտ է ճանապարհին,— զգեստներ, շապիկներ, գուլպաներ: Վերցրու դրանցից այնքան, ինչքան կտեղավորվի պայուսակում, միայն թե որքան կարելի է շո՛ւտ:

— Իսկ պարոնի հավաքածոնե՞րը,— հարցրեց Կոնսելը:

— Դրանցով մենք հետո կզբաղվենք: Դրանք կպահվեն հյուրանոցում:

— Իսկ եղջերային վարա՞զը:

— Առանց մեզ էլ կկերակրեն նրան: Հա՛, ես կկարգադրեմ, որ մեր ամբողջ գազանանոցը Ֆրանսիա ուղարկեն:

— Ուրեմն մենք Փարիզ չե՞նք վերադառնալու,— հարցրեց Կոնսելը:

— Ինչպես ասեմ,— խուսափողաբար պատասխանեցի ես,— կվերադառնանք, բայց մի փոքր պետք է զարտուղի ճանապարհանցնենք...

— Ամեն մի զարտուղի ճանապարհ կանցնենք, եթե այդ հարկավոր է պարոնին:

— Օ՛, դատարկ բան է, նույն ճանապարհն է, բայց մի քիչ ավելի երկար: Ուրիշ ոչինչ: Մենք ճանապարհվում ենք «Աբրահամ Լինկոլն» նավով:

— Ինչպես որ պարոնը կամենա,— հանգիստ պատասխանեց Կոնսելը:

— Գիտե՞ս, բարեկամս, գործը վերաբերում է հրեշին... հռչակավոր միաժանուն... Մենք պետք է օվկիանոսներն ազատենք նրանից... «Ծովի հատակի գաղտնիքները» երկհատորյակի հեղինակը չի կարող հրաժարվել նավապետ Ֆարագուտի հետ ճանապարհորդելուց... Սքանչելի, բայց և վտանգավոր է այս գործը: Բոլորովին անհայտ է, թե ուր կհասց-

նի մեզ միաժամին... Այդ կենդանին կարող է շատ քմահաճ  
լինել: Այնուամենայնիվ մենք կմեկնենք: Մեր նավապետը  
հիանալի մարդ է:

— Ուր որ պարոնը գնա, ես էլ այնտեղ կգնամ, — ասաց  
Կոնսելը:

— Լա՛վ մտածիր: Ես ոչինչ չեմ ուզում թաքցնել քեզնից:  
Սա այնպիսի ճանապարհորդութուններից է, որոնցից երբեմն  
չեն վերադառնում:

— Ինչպես որ պարոնը կամենա...:

Քառորդ ժամ հետո մեր պայուսակները պատրաստ էին:  
Կոնսելը մի քանի թուղթերով վերջացրեց ամեն ինչ, ու ես հա-  
մոզված էի, որ նա ոչինչ չի մոռացել: Այդ մարդը շապիկներն  
ու զգեստները դասավորել էր նույնքան լավ, որքան և թռչուն-  
ներն ու կաթնասունները: Հյուրանոցի սպասավորը մեր իրերը  
դարսեց նախասրահում: Ես իջա ստորին հարկը, վճարեցի  
հաշիվը մեծ բարձրասեղանի մոտ, որ միշտ պաշարված է լի-  
նում այցելուներով, և կարգադրեցի, որ իմ տրամադրության  
տակ եղած կենդանիներն ու շորացրած բույսերն ուղարկվեն  
Փարիզ: Ես բավականաչափ վարկ բաց թողեցի եղջերային  
վարագի համար և վերջապես, կառք նստեցի Կոնսելի հետ:  
Կառքը Բրոզվելով սլացավ մինչև Յունիոն այգին, դարձավ  
դեպի Չորրորդ ավենյուն, անցավ մինչև Կատրին-սթրիթ և  
վերջապես, կանգ առավ Երեսունչորսերորդ առափնյա փողո-  
ցում: Այստեղից մենք բոլորս, — մարդիկ, ձիերն ու կառքը, —  
լաստով տեղափոխվեցինք Բրուքլին՝ Նյու-Յորքի արվարձանը,  
որ գտնվում է Հուդզոն գետի ձախ ափին: Մի քանի թուղթից  
հետո կառքը մոտեցավ հենց «Աբրահամ Լինկոլնի» կամրջա-  
կին: Նավի երկու ծխնելույզներից քուլա-քուլա բարձրանում  
էր սև ծուխը:

Մեր իրերն անհապաղ տեղափոխվեցին մարտանավի  
տախտակամածը: Ես շտապ վազեցի սանդուղքով և հարցրի,  
թե որտեղ կարելի է գտնել նավապետ Ֆարագուտին: Նավաս-  
տիներից մեկն ինձ տարավ դեպի կամրջակը և մատնացույց  
արավ բարձրահասակ, համակրելի դեմքով մի սպայի: Վեր-  
ջինս ձեռքը մեկնեց ինձ:

— Պարոն Պիեր Արոնա՞քսն եք, — հարցրեց նա:

— Այո, ես եմ, — պատասխանեցի, — նավապետ Ֆարագո՞ւտն եք:

— Այո, այո: Բարով եք եկել, պարոն պրոֆեսոր: Նավասենյակը ձեզ է սպասում:

Ես գլուխ տվի, ու շուղենալով խանդարել նավապետին մեկնման այդ տենդային բոպեններում, խնդրեցի նավաստուն ցույց տալ ինձ հատկացված նավասենյակը:

Չեոնարկված գիտարշավի համար «Աբրահամ Լինկոլնի» ընտրությունն ավելի քան հաջող էր կատարված:

Այդ արագընթաց մի մարտանավ էր, ուներ ամենակատարելագործված մեքենաներ, որոնց շնորհիվ մեկ ժամում կարող էր անցնել տասնութ ամբողջ երեք տասնորդական մղոն: Սակայն այդ հսկայական արագությունն էլ բավական չէր վիթխարի միաժանու դեմ կռվելու համար:

Նավագնացության համար որքան լավ էր այդ մարտանավը, նույնքան լավ էր և նրա ներքին սարքավորումը: Ես միանգամայն գոհ էի ինձ տրամադրված նավասենյակից, որ գտնվում էր սպայական բաժանմունքում՝ նավի հետնամասում:

— Մենք շատ լավ կտեղավորվենք այստեղ, — ասացի Կոնսելին:

— Պարոնի թույլտվությամբ ես կասեի՝ նավասենյակը մեզ համար նույնքան հարմար է, որքան խխունջի խեցին կիսադիի համար, — պատասխանեց իմ կրթված սպասավորը:

Ես Կոնսելին թողեցի նավասենյակում, որ բաց անի պայուսակները, իսկ ինքս բարձրացա տախտակամածը, որպեսզի դիտեմ մեկնելու պատրաստությունները:

Հենց այդ բոպեին նավապետ Ֆարագուտը հրամայեց քանդել պարանները, որոնք «Աբրահամ Լինկոլնը» պահում էին Բրուքլինյան առափնյա փողոցի մոտ: Բավական էր, որ ես քառորդ ժամով ուշացած լինեի, և «Աբրահամ Լինկոլնը» կմեկնի առանց ինձ, ու ես չէի մասնակցի այդ արտասովոր գիտարշավին, որի վերաբերյալ ամենաճշմարիտ հաշվետվությունն անգամ հավանորեն անվստահությամբ կընդունվի կասկածամիտ մարդկանց կողմից:

Նավապետ Ֆարագուտը ոչ թե մեկ օրով, այլ մի ժամով,



նույնիսկ մի րոպեով էլ չէր ուզում հետաձգել միաժամու դեմ ձեռնարկված արշավանքը:

Նա կանչեց նավի ինժեներին:

— Շոգու ճնշումը բավարար է, — հարցրեց նա:

— Այո, նավապետ:

— Դանդաղ ընթացք, — հրամայեց նավապետը:

Ստանալով այս հրամանը մեքենայական հեռագրով, որն աշխատում էր խտացրած օդի շնորհիվ, մեխանիկը շրջեց գործարկման լծակը: Շոգին սուլելով նետվեց դեպի գլանները և մխոցները պտտեցրին անխիղճ: Պտուտակի բերանները սկսեցին հետզհետե արագ պտտվել և «Աբրահամ Լինկոլնը» շարժվեց ծանր ու վեհաշուք, հարյուրավոր նավաղիների և բուքսիրային շոգենավակների ուղեկցությամբ, որոնք լիքն էին ճանապարհներով:

Բրուքլինի առափնյա փողոցները հեղեղված էին հարյուր հազարավոր հետաքրքրվող մարդկանցով: Ինչպես որոտ, երեք անգամ թնդաց «ուռա»-ն, որ պոռթկում էր հինգ հարյուր հազար կոկորդից: Հազարավոր թաշկինակներ ծածանվում էին օդում, ստվար ամբոխների գլխավերևում, ողջունելով «Աբրահամ Լինկոլնին», մինչև որ մարտանավը մտավ Հուդզոն գետի ջրերը, այն թերակղզու վերջավորության մոտ, որի վրա գտնվում է Նյու-Յորք քաղաքը:

Անցնելով Հուդզոն գետի հոսանքով դեպի ներքև Նյու-Ջերսիի ափերով, որտեղ երևում էր գեղեցիկ դղյակների շարանը, «Աբրահամ Լինկոլնը» հասավ ամբուլթյուններին և ի պատասխան սրանց ողջունի—թնդանոթային կրակոցի—երեք անգամ բարձրացրեց և իջեցրեց իր հետնամասում գտնվող դրոշակը, որ զարդարված էր երեսունինը աստղերով: Այնուհետև դանդաղեցնելով ընթացքը, մարտանավը մտավ ծովային ջրանցքը, որ նշված էր ձողերով, անցավ Սենդի-Հուկա կոչված ավազոտ ցամաքամասը, որտեղ նրան կրկին ողջունեց հազարավոր բազմությունը, և դուրս եկավ քաց օվկիանոս:

Մեծ ու փոքր նավակների մի ամբողջ խումբ ուղեկցեց մարտանավին մինչև լողացող փարոսները, որոնց լույսը նավերին ցույց է տալիս Նյու-Յորքի մուտքը:

Կեսօրվա ժամը երեքն էր: Լոցմանը հեռացավ կամրջա-  
կից, մակույկը նրան արագութեամբ հասցրեց մինչև շողենա-  
վակը և «Աբրահամ Լինկոլնը» արագացնելով իր ընթացքը,  
լողաց Լոնդ-Այլենդի ափերի երկարութեամբ: Երեկոյան ժա-  
մը ութին շքացան Ֆայր-Այլենդի լույսերը, և մարտանավն իր  
ամբողջ արագութեամբ սլացավ Ատլանտյան օվկիանոսի  
մթին ջրերով:

## ԳԼՈՒԽ ՉՈՐՐՈՐԴ

### ՆԵՒ ԼՆԵՒԸ

Նավապետ Ֆարագուտը լավ ծովագնաց էր, միանգամայն  
արժանի իր հրամանատարութեան տակ գտնվող հիանալի  
մարտանավին: Ֆարագուտն ու նավը կարծես լինեին մի մար-  
մին, որի մեջ նավապետն ուղեղի դեր էր կատարում: Ֆարա-  
գուտը բոլորովին շէր կասկածում միաժամու գոյութեան մա-  
սին և շէր թույլ տալիս, որ իր ներկայութեամբ որևէ վեճ լի-  
նի այդ առթիվ: Հրեշտ գոյութեուն ուներ և Ֆարագուտը պետք  
է նրանից փրկեր ծովերը, նա այդպիսի երդում էր տվել:

Կամ նավապետ Ֆարագուտը կսպանի միաժամուն, կամ  
միաժամին կսպանի նավապետ Ֆարագուտին, ուրիշ ելք չկար:

Նավի սպաները բաժանում էին իրենց պետի հավատը:  
Հաճելի էր լսել, թե ինչպես նրանք խոսում են հրեշտին շու-  
տափույթ հանդիպելու հնարավորութեունների մասին, հաշ-  
վում էին նրա շարժման արագութեունը, նրան աչքերով  
փնտրում էին օվկիանոսի հարթ տարածութեան վրա: Անգամ  
նրանք, ովքեր սովորական պայմաններում հերթապահութեու-  
նը ձանձրալի անհրաժեշտութեուն էին համարում, այս ան-  
գամ միշտ պատրաստ էին ավելորդ հերթապահութեուն անել:

Քանի դեռ արեգակն իր ճանապարհն էր անցնում երկնա-  
կամարում, կայմերի վրա տեղավորվել էին նավաստիների  
խմբերը, որոնք գերադասում էին նստել առագաստակալնե-  
րին ու աչքերով փնտրել հրեշտին, քան թե ժամերով կանգնել  
տախտակամածի տաքացած, ոտներն այրող տախտակների

վրա: Այնինչ «Աբրահամ Լինկոլնը» դեռ հեռու էր Խաղաղ օվկիանոսի կասկածելի տեղերից:

Նավորդները մի վառ ցանկություն ունեին՝ հանդիպել հրեշիւն, եռաժանիով հարվածել նրան, հանել նավի վրա և կտորկտոր անել: Բոլորը, ուլքեր աղատ էին լինում աշխատանքից, լարված ուշադրությամբ դիտում էին ծովային հարթ տարածությունը: Ի դեպ ասած՝ նավապետ Ֆարագուտը խրախուսում էր այդ, նա խոստանում էր երկու հազար դոլլար սարգև, որ կարող էր ստանալ ամեն մեկը՝ նավի սպասավորը, նավաստին, ավագ նավաստին կամ սպան, եթե առաջինը նկատեր միաժանուն: Դժվար չէ սլատկերացնել, թե մարտանավին սպասարկող կազմն ինչպիսի՞ ջանասիրությամբ էր դիտում ծովը:

Ինչ վերաբերում է ինձ, ես էլ ետ չէի մնում մյուսներից և ամբողջ օրերով բարեխղճարար կանգնում էի տախտակամածի վրա: Միմիայն Կոնսելն անտարբեր էր դեպի այդ ամենըն ու չէր մասնակցում մյուսների դբադմունքին:

Ես արդեն ասել եմ, որ նավապետ Ֆարագուտը մարտանավում ստեղծել էր բոլոր հարմարությունները վիթխարի կետեր որսալու համար:

Հազիվ թե կետ որսող մի այլ նավ այնքան հարմարություններ ունենար, որքան «Աբրահամ Լինկոլնը»:

Մենք ունեինք կետ որսալու բոլոր գործիքները, սկսած ձեռքի եռաժանուց մինչև ատամնաձև նետերը, որոնք արձակվում էին հատուկ թնդանոթներից: Նավի առջևի ծայրում դրված էր արագածիգ, կատարելագործված մի հրանոթ, որը շորս կիլոգրամանոց արկերով կրակում էր տասնվեց կիլոմետրի վրա:

Այսպես ուրեմն, «Աբրահամ Լինկոլնը» չէր կարող գանգառվել մահաբեր զենքերի պակասությունից: Դեռ ավելին, աչնտեղ էր գտնվում ինքը, Նեդ-Լենդը, եռաժանին բանեցնելու գործում մեծագույն վարպետը:

Նեդ Լենդը ծնվել էր Կանադայում, կետ որսալու մեջ ամենահմուտ մարդն էր աշխարհում, մի մարդ, որ մրցակից շուներ այդ վտանգավոր գործում: Նա օժտված էր միանգամայն բացառիկ սառնասրտությամբ, ճարպկությամբ, խիղա-



խությամբ ու աշքաբացությամբ: Կետը կամ վիշապածուկը, պետք է շափից դուրս խորամանկ լիներ, որ կարողանար ազատվել նրա սարսափելի եռաժանուց:

Նեղ Լենդը մոտ քառասուն տարեկան էր: Այդ մարդը, բարձրահասակ էր, ուժեղ ու ահարկու: Նա սակավախոս էր, տաքարյուն, և հեշտությամբ էր զայրանում, երբ մեկը շնչին շափով հակաճառում էր նրան:

Ակամա ուշադրություն էր գրավում նրա արտաքինը, մանավանդ աչքերը, որ շափազանց սուր էին և յուրահատուկ արտահայտություն էին տալիս նրա ամբողջ դեմքին:

Իմ կարծիքով նավապետ Ֆարագուտը միանգամայն ճիշտ վարվեց, երբ նրան մասնակից դարձրեց արշավախմբին: Երբ ուժեղ ձեռքի և սուր աչքերի կարիք-զգացվի, միմիայն Նեղ Լենդն ավելի պետքական կլինի, քան բոլոր մյուս նավորդները: Նրան կարելի էր համեմատել մի ուժեղ հեռադիտակի հետ, որին միացրած թնդանոթը միշտ պատրաստ է կրակելու:

Վերջապես, Նեղ Լենդը նույնպես Ֆրանսիացի էր և որքան էլ լիներ լուսկյաց, այնուամենայնիվ ես պետք է մատնանշեմ, որ նա շուտով մտերմացավ ինձ հետ, — ըստ երևավույթին նրան գրավում էր իմ ազգությունը: Նրան ուրախացնում էր Ֆրանսերեն խոսելու առիթը: Իսկ ինձ համար հաճելի էր լսել Ֆրանսիական մի հին բարբառ, որ Ռաբլեի ժամանակներից սկսած՝ անաղարտ պահպանվել էր, Կանադայի մի քանի նահանգներում:

Նեղ Լենդը պատկանում էր Կվեբեկի մի հին ընտանիքի, որը բազմաթիվ խիզախ ծովագնացներ է տվել դեռ այն հեռավոր ժամանակներում, երբ այդ քաղաքը պատկանում էր Ֆրանսիային:

Նեղ Լենդը կամաց-կամաց գրավվում էր ինձ հետ ունեցած զրույցներով, ես հաճույքով լսում էի նրա պատմածները բևեռային ծովերում իր ունեցած արկածների մասին: Նա այնպես անբռնադատ և բանաստեղծորեն էր պատմում որսորդության ու ճակատամարտերի մասին, որ երբեմն ինձ թվում էր, թե լսում եմ բևեռային երկրների «Իլիականը» երգող մի ինչ-որ կանադական Հոմերոսի:

Այդ խիզախ մարդուն ես նկարագրում եմ այնպես, ինչպես

որ ճանաչում եմ այժմ. մենք հին բարեկամներ ենք և մեր բարեկամութունը, որ ծնունդ է առել սարսափելի փորձութունների օրերում, ուժեղ է և անխորտակելի:

Ի՞նչ կարծիք ունեւ Նեղ Լենդը ծովային հրեշի մասին: Պետք է խոստովանեմ, որ նա շէր հավատում միաժամու գոյության և ամբողջ նավում միակ մարդն էր, որ հակառակ էր քնդհանուր կարծիքին:

Մի անգամ, երբ ես փորձեցի իմանալ նրա կարծիքը, նա խռատիեց այդ թեմայի շուրջը խոսելուց:

Մեր ճանապարհվելուց երեք շաբաթ հետո, հուլիսի 30-ին մարտանավը գտնվում էր Բայա--Ֆլանկից ոչ հեռու Պատագոնիայից երեսուն մղոնի վրա: Մենք արդեն անցել էինք Այծեղջյուրի արևադարձը և հիմա Մադելլանի նեղուցը գտնվում էր մեզանից դեպի հարավ, յոթ հարյուր մղոնից պակաս հեռավորության վրա: Եվս ութ օր, և «Արրահամ Լինկոլնը» կճեղքի եաղաղ օվկիանոսի ջրերը:

Նեղ Լենդի հետ ես նստել էի նավի հետին մասում: Մենք խոսում էինք ինչի մասին ասես և դիտում խորհրդավոր ծովը, որի խորքերը մինչև հիմա մարդկային հայացքին անմատչելի են մնում: Բնականաբար ես խոսք բացեցի վիթխարի միաժամու մասին ու սկսեցի քննարկել այն բոլոր սլայմանները, որոնցից կախված էր մեր ձեռնարկման հաջողութունը կամ անհաջողութունը: Սակայն տեսնելով, որ Նեղ Լենդը լուություն է պահպանում, ես հարցը դրի ուղղակի կերպով:

— Այդ ինչպե՞ս է, Նեղ Լենդ,— ասացի ես,— որ ձեզ կասկածելի է թվում մեր հետապնդած վիթխարի միաժամու գոյութունը: Արդյոք դուք որևէ առանձնահատուկ հիմք ունե՞ք այդպես թերահավատ լինելու:

Նեղ Լենդը մի քանի վայրկյան լուռ նայում էր ինձ: Նախքան պատասխանելը նա իր սովորական ձևով ձեռքը տարավ ճակատին, կկոցեց աչքերը, կարծես մի փոքր մտածեց և միայն դրանից հետո ասաց.

— Թերևս այդպես է, պարոն Արոնաքս:

— Լսեցեք, Նեղ, շէ՞ որ դուք վարպետ եք ծովային կենդանիներ որսալու մեջ, ձեր կյանքում հարյուրավոր վիթխարի ծովային կաթնասուններ եք տեսել: Դուք պետք է ավելի

շուտ հավատաք հսկա կետանման արարածի գոյության, քան որևէ ուրիշը: Այսպիսի հանգամանքներում դուք վերջին մարդն եք, որը կասկածելի է համարում այդ կենդանու գոյությունը:

— Հենց այստեղ է, որ դուք սխալվում եք, պարոն պրոֆեսոր, — պատասխանեց Նեդը, — տգետը հաճույքով կհավատա հրեշավոր կենդանիների գոյության, որոնք բնակվում են երկրագնդի անմատչելի վայրերում, — այդ միանգամայն բնական է: Սակայն երկրաբանը երբեք հավատ չի ընծայի այդ հեքիաթներին: Կետորսը՝ նույնպես: Ես հետապնդել եմ հարյուրավոր կետանման արարածներ, սրանցից տասնյակներին բռնել եմ եռաժանիով ու շատերին էլ սպանել: Բայց որքան էլ նրանք եղել են մեծ և ուժեղ, ոչ նրանց պոչերը, ոչ էլ ժանիքներն ի վիճակի չեն եղել ծակելու նավի շուրջը պատած թերթավոր երկաթը:

— Այնուամենայնիվ, Նեդ, եղել են դեպքեր, երբ միաժանու առամը ծակել ու անցել է նավի մի կողքից մինչև մյուսը:

— Դրանք փայտյա նավեր են եղել, պրոֆեսոր, փայտյա նավեր, — հակաճառեց Նեդը, — բայց ճիշտն ասած, ես դրան այնքան էլ չեմ հավատում: Անձամբ ես նման բան չեմ տեսել: Այդպես ուրեմն, քանի դեռ իմ կարծիքը ժխտող փաստ չկա, ես պնդում եմ, որ վիշապաձկները, կետերը կամ միաժանիները չեն կարող այդպիսի ավերածություն կատարել:

— Կսեցեք, Նեդ...

— Ոչ, պրոֆեսոր, ոչ: Ինչ բանի մասին ասեք կհավատամ, միայն ոչ դրան: Գուցե մի վիթխարի ութոտնանի...

— Ո՛չ մի դեպքում, Նեդ: Ութոտնանին հսկայական մեծությամբ մի կակղամորթ է և փափուկ, թույլ մարմին ունի: Թեկուղ նա հինգ հարյուր ոտնաչափ երկարություն ունենա, միլենույն է, անողնաշար է, հետևապես ոչ մի վտանգ չի սպառնում այնպիսի նավերին, ինչպիսին են «Շոտլանդիան» կամ «Աբրահամ Լինկոլնը»: Ժամանակն է մի կողմ թողնել այն հեքիաթը, թե ութոտնանիները կարող են վտանգավոր լինել նավերի համար:

— Այդպե՛ս ուրեմն, պարոն բնագետ, — հեզնանքով ասաց Նեդը, — դուք համոզված եք, որ գոյություն ունի վիթխարի միաժանին:

— Այո, Նեդ, ես համոզված եմ և իմ համոզմունքը հիմնը-  
ված է մի շարք անհերքելի փաստերի վրա: Ես չեմ կասկա-  
ծում հսկայական, կետանման մի կենդանու գոյության մա-  
սին, որը, ինչպես նաև կետերը, վիշապաձկներն ու դելֆիննե-  
րը, պատկանում է ողնաշարավորների թվին և ունի շափա-  
զանց պինդ մի ատամ, եղջյուր կամ ժանիք:

— Հը՛մ,— ասաց Նեդը և կասկածանքով օրորեց գլուխը:

— Իմացեք, իմ սիրելի կանադացի,— շարունակեցի ես,—  
որ եթե այդպիսի մի կենդանի ապրում է օվկիանոսի խորքե-  
րում, ջրի մակերևույթից մի քանի մղոն ներքև, ապա նա բա-  
ցառիկ ուժեղ օրգանիզմ պետք է ունենա:

— Ինչո՞ւ,— հարցրեց Նեդը:

— Որովհետև չլսված ուժ է հարկավոր, որպեսզի կենդա-  
նին, այդքան խորը տեղ գտնվելով, դիմանա ջրի հսկայական  
ճնշման:

— Իսկապե՞ս,— հարցրեց Նեդը, անվստահությամբ կկո-  
ցելով աչքերը:

— Իսկապես: Այդ ապացուցելու համար կարող եմ մի  
քանի թիվ բերել:

— Օ՛, թվե՛րը,— ձայնը երկարացնելով ասաց Նեդը,—  
թվերով կարելի է ինչ ասես ապացուցել...

— Ո՛չ միշտ և ո՛չ ամեն ինչ, Նեդ: Հապա լսեցիք ինձ: Են-  
թադրենք թե երեսուներկու ոտնաչափ ջրի սյան ճնշումը հա-  
վասար է մեկ մթնոլորտ ճնշման: Իրականում ջրի սյան  
բարձրությունը պետք է մի քիչ պակաս լինի, քանի որ ծովի  
ջուրը ավելի թանձր է, քան սովորական ջուրը: Այդպես ու-  
րեմն, Նեդ, երբ դուք սուզվում եք ջրի մեջ, ձեր մարմինը  
զգում է այնքան մթնոլորտ ճնշում, այսինքն ձեր մարմնի յու-  
րաքանչյուր քառակուսի սանտիմետրի վրա լինում է այնքան  
կիլոգրամ ճնշում, որքան որ երեսուներկու ոտնաչափ ջրա-  
սյուներով դուք հեռացած եք ծովի մակերևույթից: Այստեղից  
հետևում է, որ երեք հարյուր քսան մետր խորության տակ  
այդ ճնշումը հավասար է տասը մթնոլորտի, երեք հազար եր-  
կու հարյուր ոտնաչափ խորության տակ՝ հարյուր մթնոլոր-  
տի, իսկ երեսուներկու հազար ոտնաչափ խորության, այսին-  
քն մոտ երկու և կես մղոն խորության տակ՝ հազար մթնո-

լորտի: Ուրիշ խոսքով, եթե ձեզ հաջողվե՞ր հասնել այդչափ խորության, ձեր մարմնի յուրաքանչյուր քառակուսի սանտիմետրի վրա կլինե՞ր հազար կիլոգրամ կամ մեկ տոննա ճընշում: Ի դեպ, սիրելի բարեկամ, գիտե՞ք արդյոք, թե ձեր մարմնի մակերևույթը քանի քառակուսի սանտիմետր ունի:

— Այդ մասին բոլորովին գաղափար չունեմ:

— Մոտ տասնյոթ հազար:

— Այդքան շատ:

— Բայց որովհետև իրականում մթնոլորտի ճնշումը մի քիչ ավելի է իմ հիշած թվից, — մեկ քառակուսի սանտիմետրի վրա մեկ կիլոգրամ, — ուստի ձեր մարմնի մակերևույթի տասնյոթ հազար քառակուսի մետրն այս րոպեին գտնվում է տասնյոթ հազար հինգ հարյուր վաթսուներեք կիլոգրամ ճընշման տակ:

— Եվ ես այդ շե՞մ նկատում:

— Այո, դուք այդ շեք նկատում: Այդ հսկայական ծանրությունը ձեզ չի ճզմում միայն այն պատճառով, որ ձեր մարմնի մեջ գտնվող օդը հավասարակշռում է այդ ճնշման: Այդ պատճառով դուք ոչինչ չեք նկատում: Սակայն բավական է, որ դուք ընկնեք ջուրը, և խախտվում է այդ հավասարակշռությունը...

— Հասկանում եմ, — ընդհանց ինձ նեղը, որ ըստ երեվույթին հետաքրքրվել էր իմ բացատրությամբ, — չէ՞ որ ջուրն ինձ կշրջապատի ամեն կողմից, բայց չի թափանցի իմ օրգանիզմի մեջ:

— Հենց այդ է բանը, նեղ: Այսպիսով երեսուներկու ոտնաչափ խորությամբ մտնելով ծովի ջուրը, դուք ձեզ վրա կունենաք տասնյոթ հազար հինգ հարյուր վաթսուներեք կիլոգրամ ճնշում. երեք հարյուր քսան ոտնաչափ խորությամբ այդ ճնշումը կտասնապատկվի, այսինքն հավասար կլինի յոթանասուն հինգ հազար վեց հարյուր ութսուն կիլոգրամի: Երեք հազար երկու հարյուր ոտնաչափ խորությամբ այդ ճնշումը կավելանա հարյուր անգամ և կկազմի մեկ միլիոն յոթ հարյուր հիսունվեց հազար ութ հարյուր կիլոգրամ: Վերջապես, երեսուներկու հազար ոտնաչափ խորությամբ այն կուժեղանա հազար անգամ, և ձեր վրա կլինի տասնյոթ մի-



լիոն հինգ հարյուր վաթսուներեք հազար կիլոգրամ ծանրություն: Ուրիշ խոսքով՝ դուք վայրկենապես կդառնայիք լավաշ, ամենաբարակ թերթիկ, որպես թե ձեզ հանեին վիթխարի ջրաբաշխական մեքենայի տակից:

— Վա՛յ, սատանան տանի,— բացականչեց Նեդը:

— Այսպե՛ս ուրեմն, թանկագին ընկեր, եթե մի քանի հարյուր մետր երկարություն ունեցող ողնաշարավոր կենդանին կարող է գոյութիւն ունենալ այդպիսի խորքերում, ապա նրա մարմնի մակերևույթի միլիոնավոր քառակուսի սանտիմետրերի վրա կլինի մի քանի միլիարդ կիլոգրամ ճնշում: Հիմա մտածեցեք, թե այդ կենդանիներն ինչպիսի մկանային ուժով պետք է օժտված լինեն և ինչպիսի դիմադրութիւն պետք է ցույց տա նրանց օրգանիզմը, որպեսզի կարողանա անպատիժ կրել այդ ծանրութիւնը:

— Դուրս է գալիս, որ նրանք, ինչպես զրահակիրները, պետք է պատած լինեն ութ մատնաչափ հաստութեամբ երկաթով,— ասաց կանադացին:

— Ծիշտ է, Նեդ: Հիմա մտածեցեք, թե այդպիսի կենդանին, հանդիպելով նավին, ինչքան սարսափելի ավերածութիւն կգործի, եթե նա ընդունակ է ջրի մեջ շարժվել մեր ամենաարագընթաց գնացքների արագութեամբ:

— Այո... իսկապես...— անվստահ քրթմնջաց կանադացին, շփոթվելով այս հաշիվներից, բայց դեռ շքանկանալով անձնատուր լինել:

— Հիմա համոզվեցի՞ք:

— Ես համոզվեցի, պարոն պրոֆեսոր, որ եթե այդպիսի կենդանիներ իրոք գոյութիւն ունեն օվկիանոսի խորքերում, ապա պետք է որ շատ ուժեղ լինեն:

— Ի՛նչ համառ մարդ եք եղել: Իսկ եթե դրանք գոյութիւն չունեն, ապա ինչո՞վ եք բացատրում «Շոտլանդիայի» հետ պատահած դեպքը:

— Գուցե...— տատանվելով սկսեց Նեդը:

— Խոսեցեք:

— Գուցե... այդպիսի դեպք չի էլ եղել,— անսպասելի կերպով վրա բերեց կանադացին:

Սակայն այդ պատասխանը ցույց էր տալիս միայն նրա

համառությունը և ուրիշ ոչինչ: Այդ օրն այլևս ես չփորձեցի նրան համոզել: «Շոտլանդիայի» հետ պատահած դեպքը միանգամայն անվիճելի էր: Ճեղքվածքն այնքան մեծ էր, որ հարկավոր եղավ ծածկել այն: Ես կարծում եմ, որ սա միակ համոզիչ ապացույցն է ճեղքվածքի գոյության նկատմամբ: Ոչ մի կասկած չէր առաջացնում նաև այն, որ այդ ճեղքվածքը չէր կարող ինքն իրեն գոյանալ, և որովհետև բոլորովին անհավանական էր համարվում նաև ընդհարումը ստորջրյա քարին կամ խուժին, ապա անհրաժեշտ էր ճանաչել ծովային կենդանու զարհուրելի ատամի գոյությունը:

Անձամբ ես, վերոհիշյալ բոլոր նկատառումներով գտնում էի, որ այդ կենդանին պատկանում է ողնաշարավորների թվին, կաթնասունների դասին, ձկնանմանների ենթադասին և կետանմանների ջուկատին: Ինչ վերաբերում է այն հարցին, թե հրեշն ինչ ընտանիքի է պատկանում՝ կետերի, վիշապաձկների կամ դելֆինների ընտանիքի՞ն, ենթաընտանիքի՞ն, թե՞ տեսակին, ապա այդ հարցին կարող էր պատասխանել միայն ապագան:

Այդ հարցը լուծելու համար հարկավոր էր դիտատել անհայտ հրեշին, իսկ դիտատելու համար անհրաժեշտ էր նախ՝ բռնել նրան: Բռնելու համար հարկավոր էր գործադրել եռաժանին, — սա վերաբերում էր Նեդ Լենդին: Եռաժանին գործադրելու համար հարկավոր էր տեսնել հրեշին, — սա էլ բոլոր նավորդների գործն էր: Տեսնելու համար հարկավոր էր հանդիպել նրան, — սա էլ արդեն պատահականութունից էր կախված:

## ԳԼՈՒԽ ՀԻՆԳԵՐՈՐԴ

### ԿՈՒՐՈՐԵՆ ՀԵՏԱՊՆԴՈՒՄ

«Աբրահամ Լինկոլնով» ճանապարհորդելու առաջին օրերին ոչ մի արկած չպատահեց: Միայն մի անգամ տեղի ունեցավ մի դեպք, որը ցույց տվեց Նեդ Լենդի ապշեցուցիչ արվեստը և ապացուցեց, որ անպայման կարելի է հույս դնել այդ մարդու վրա:

Հունիսի 30-ին «Աբրահամ Լինկոլնը» Ֆալկլենդյան կղզիներից ոչ հեռու հանդիպեց ամերիկական «Մոնրոյե» նավին, որ կետ էր որսում: «Մոնրոյեի» նավորդները ոչինչ չէին լսել միաժամու մասին: Սակայն նրա նավապետը իմացավ, որ «Աբրահամ Լինկոլնում» է գտնվում հռչակավոր Նեդ Լենդը և խնդրեց որ վերջինս օգնի արդեն նկատված կետը որսալու համար: Նավապետ Ֆարագուտը, որ ուզում էր տեսնել Նեդ Լենդի աշխատանքը, թույլ տվեց վերջինիս անցնել «Մոնրոյե» նավը:

Կանադացու գործը հաջող գնաց. մեկ կետի փոխարեն նա եռաժամիով հարվածեց երկուսին, առաջին կետին նա տեղն ու տեղն սպանեց, ցցելով եռաժամին նրա սրտի մեջ, իսկ երկրորդին սպանեց մի քանի րոպե հետապնդելուց հետո:

Թող միայն հրեշը երբևէ հանդիպի Նեդ Լենդի եռաժամու զորությա՛ն: Այդ դեպքում ես շատ կզարմանամ, եթե հրեշն անվնաս մնա:

Մարտանավը շարունակում է մեծ արագությամբ լողալ Ամերիկայի հարավ-արևելյան ափերի ուղղությամբ: Հունիսի 3-ին մենք մոտեցանք Աղջկանց հրվանդանին, որ գտնվում է Մազելլանի նեղուցի մերձակայքում:

Սակայն նավապետ Ֆարագուտը կարգադրեց շմտնել այդ ոլոր-մոլոր նեղուցը և ընթանալ դեպի Հորն հրվանդանը:

Նավորդները միաբերան հավանություն տվին այդ որոշման: Եվ իսկապես, այնքան էլ հավանական չէր թվում, որ միաժամին հանդիպի այդ փոքրիկ նեղուցում: Նավաստիներից շատերը համոզված էին, որ հրեշն իր հաստության պատճառով չի կարող անցնել Մազելլանի նեղուցից:

Հունիսի 6-ին, կեսօրվա ժամը մոտ երեքին «Աբրահամ Լինկոլնն» անցավ մենավոր մի կղզու և ամերիկյան ցամաքի ծայրում գտնվող ժայռի մոտից, որին հոլանդական ծովագնացներն անվանել են Հորն հրվանդան, իրենց հայրենի քաղաքի անունով: Մարտանավն ուլևորվեց դեպի հյուսիս-արևմուտք և նրա պտուտակն սկսեց փրփրեցնել խաղաղ օվկիանոսի ջրերը:

— Աչալուրջ եղեք, լավ դիտեցեք, — ասում էին «Աբրահամ Լինկոլնի» նավաստիները:



Եվ նրանք իսկապես որ աշալուրջ էին: Երկու հազար դու-  
լար շահելու համար մարդիկ սևեռել էին իրենց հայացքներն  
օվկիանոսի մակերևույթին: Գիշեր ու ցերեկ նրանց աչքերն ու  
հեռադիտակները մի վայրկյան անգամ հանգիստ չէին մնում:  
Նիկտալուպները, որ ընդունակ են գիշերները տեսնել նույն-  
քան պարզ, որքան և ցերեկը, երկու անգամ ավելի տվյալներ  
ունեին պարզեր ստանալու, քան նորմալ տեսողություն ունե-  
ցող մարդիկ:

Ես էլ ամբողջ օրերով համառությամբ դիտում էի ջուրը,  
թեպետ պարզեն ինձ ամենևին չէր գայթակղեցնում: Օրական  
քնելով ընդամենը երեք-չորս ժամ և մի քանի րոպե էլ գոր-  
ծադրելով ուտելու վրա, ես ամբողջ մնացած ժամանակը  
կանգնում էի տախտակամածում, անկախ նրանից, թե ինչպի-  
սի եղանակ էր լինում:

Հենվելով մերթ նավի առջևի մասի բազրիքին ու մերթ նա-  
վախելին, ես ազահությամբ դիտում էի միալար, փրփրադեղ  
ալիքները, որ տարածվում էին ամեն կողմ, ինչքան որ աչքդ  
տեսներ: Շատ հաճախ ես, ինչպես և մյուս նավորդները, խորը  
հուզումի րոպեներ էի ապրում, երբ հորիզոնում երևում էր կե-  
տի սև մեջքը: Բոլոր նավորդները վայրկենապես դուրս էին  
թափվում տախտակամած: Այս կամ այն դռնակից հորդում  
էր նավաստիների և սպաների հեղեղը: Ամեն մեկը շնչասպառ,  
տեսողությունը շարժելով այնքան, մինչև որ աչքերը ցավում  
էին, հետևում էր կետի շարժումներին: Ես էլ էի նայում, այն-  
քան նայում, մինչև որ աչքերս ուղղակի մթնում էին:

Պաղարյուն կոնսելն այսպիսի դեպքերում հանգիստ ա-  
սում էր ինձ.

— Պարոնն ավելի շատ բան կտեսներ, եթե քի՛չ հառեր  
աչքերը:

Սակայն ամեն անգամ մեր հուզումն ապարդյուն էր լի-  
նում: «Աբրահամ կինկոլներ» մոտենում էր կարծեցյալ թշնա-  
մուն և համոզվելով, որ այդ ամենասովորական վիշապաձուկ  
է կամ կետ, կրկին բռնում էր նախորդ ուղղությունը, հազա-  
րավոր անեծքներ թափելով բոլորովին անմեղ կենդանու վրա:

Եղանակը միշտ նպաստավոր էր և մենք լողում էինք ամե-  
նալավ պայմաններում, շնայելով, որ հարավային կիսագնդի

հուլիսը համապատասխանում է հյուսիսային կիսագնդի հուն-  
վարին և այդ ժամանակ այնտեղ, — հարավային կիսագնդում  
առատ անձրևներ են լինում: Այնուամենայնիվ ծովը հանգիստ  
էր, տեսանելիությունը հրաշալի:

Նեղ կենդն առաջվա պես թերահավատ էր մնում: Նա մին-  
չև անգամ դիտմամբ շէր դիտում ծովն այն ժամերին, երբ ա-  
զատ էր լինում հերթապահությունից, կամ երբ կես ձուկը շէր  
երևում:

Այդ վրդովեցուցիչ էր, որովհետև նրա բացառիկ սրատե-  
սությունը կարող էր մեծ ծառայություն մատուցել գիտարշա-  
վին:

Սակայն կամակոր կանադացին գերադասում էր քանչորս  
ժամից տասնվեցն անցկացնել իր նավասենյակում, — քնել  
կամ կարդալ: Ես հարյուրավոր անգամ հանդիմանում էի  
նրան իր անտարբերության համար:

— Ինչո՞ւ, պրոֆեսոր, — պատասխանում էր նա, — նախ  
և առաջ ընդհանրապես ոչինչ չկա, իսկ եթե նույնիսկ գոյու-  
թյուն ունենար որևէ մի կենդանի, որքա՞ն հավանական կլի-  
ներ նրան հանդիպելը: Չէ՞ որ մենք նրան հետապնդում ենք  
կուրորեն, ենթադրաբար: Ասենք թե որևէ մի նավ Խաղաղ օվ-  
կիանոսում իսկապես հանդիպել է այդ խորհրդավոր կենդա-  
նուն: Բայց չէ՞ որ այն ժամանակից արդեն անցել է մոտ եր-  
կուս ամիս, իսկ այն, ինչ որ մեզ հայտնի է այդ միաժանու-  
բնավորության մասին, ցույց է տալիս, որ նա չի սիրում եր-  
կար ժամանակ միևնույն տեղում մնալ: Դուք ինքներդ ընդու-  
նում եք, որ նա ընդունակ է տեղափոխվել հսկայական արա-  
գությամբ, և իմ կարծիքով դուք կհամաձայնեք ինձ հետ, որ  
բնությունն աննպատակ ոչինչ չի անում և չէր կարող դան-  
դաղաշարժ միաժանուն քամու արագությամբ սլանալու ըն-  
դունակություն տալ: Հետևապես, եթե այդ կենդանին գոյու-  
թյուն ունի, նա արդեն հեռու է այստեղից:

Այս դատողության դեմ առարկելու ոչինչ չկար: Իսկապես  
որ մենք կուրորեն էինք ճանապարհորդում: Բայց ուրիշ ի՞նչ  
կարող էինք անել: Նեղ կենդն իրավացի էր: Շատ շնչին էր  
հրեշիս գտնելու հավանականությունը: Այնուամենայնիվ վերջ-  
նական հաջողությունը կասկածելի չէր ոչ ոքի համար և ոչ մի

նավաստի շէր համարձակվի գրաւ դալ միաժանուն շուտափութ հանդիպելու դեմ:

Հուլիսի 12-ին մենք դարձյալ  $105^\circ$  երկարության տակ անցանք Այծեղջյուրի արևադարձը, իսկ նույն ամսի 27-ին  $110^\circ$  միջօրեականի տակ կտրեցինք հասարակածը: Նույն օրը մարտանավը դարձավ դեպի արևմուտք, դեպի Խաղաղ օվկիանոսի կենտրոնական ավազանը: Նավապետ Ֆարագուտը խելացիորեն գտնում էր, որ հրեշը պետք է հանդիպի օվկիանոսի խոր տեղերում, մայր ցամաքներից ու կղզիներից հեռու, որոնց մոտենալուց մինչև այժմ խուսափել է նա, «երևի այն պատճառով, որ այնտեղ ծովը բավականաչափ խոր չէ նրա համար», — ինչպես բացատրում էր մեր ավագ նավաստին:

Այսպիսով մարտանավն անցավ Պաուամոտու, Մարքիզյան, Սանդվիչյան կղզիների մոտով,  $132^\circ$  երկարության տակ կրտրեց Խեցգետնի արևադարձը և ուղևորվեց դեպի Չինական ծով:

Վերջապես, մենք հասանք այնտեղ, որտեղ վերջին անգամ երևացել էր հրեշը: Բոլորի սրտերը խփում էին այնպիսի տենդային արագությամբ, որ սրտի հիվանդություններն անխուսափելիորեն և մեծ չափով պետք է տարածվեին մարտանավում: Բոլոր նավորդները կարծես տառապում էին մտքի լարվածությունից: Մարդիկ ամբողջ շաբաթներով ոչ քնում էին, ոչ ուտում: Օրական քսան անգամ տեսողության պատրանքները բուռն ցնծություն էին առաջ բերում և ամեն անգամ շարդարացվող այդ ակնկալիքները նավորդներին պահում էին այնպիսի ջղաջին լարվածության վիճակում, որը ոչ մի լավ բան չէր խոստանում:

Եվ իսկապես, ռեակցիան շուտով ունեցավ իր ազդեցությունը: Ամբողջ երեք ամիս (երեք ամիս, որոնց ամեն մի օրը մի դար էր թվում) «Աբրահամ Լինկոլնը» շրջեց Խաղաղ օվկիանոսի ամբողջ հյուսիսային մասը, հալածելով նկատված կետերին, հանկարծակի փոխելով ընթացքի ուղղությունը, հանկարծակի կանգ առնելով, մերթ արագացնելով ու մերթ դանդաղեցնելով ընթացքը և վտանգելով մեքենայի կանոնավոր աշխատանքը: Ճապոնիայի ափերից մինչև ամերիկյան ցամաքը շմնաց մի կետ, որ հետազոտված չլիներ: Սակայն այդ հսկայական տարածության վրա ոչինչ, ոչինչ չհա-

ջողվեց հայտնաբերել, ոչ մի բան, որ գեթ որևէ նմանություն ունենար վիթխարի միաժանուն, ստորջրյա կղզուն կամ խորտակված նավին, շարժվող խութին կամ մի որևէ այլ առարկայի: Ոչի՛նչ:

Տեղի ունեցավ հոգելքում: Հուսահատությունը ճանապարհ բացեց թերահավատության համար: Բոլորին տիրեց մի զգացում, որի երեք տասնորդական մասն ամաչկոտություն էր, իսկ յոթ տասնորդականը վիրավորանք:

Ամեն մեկն ամաչում էր, որ հավատալով անհեթեթ առապելին, հիմար դրության մեջ է ընկնում, և ամաչելուց ավելի շատ վիրավորանք էր զգում: Անթիվ ու անհամար ապացույցները, որ մի ամբողջ տարվա ընթացքում կուտակվել էին իրար վրա, մեկ օրում և միանգամից օդը ցնդեցին: Հիմա ամեն մեկը մտածում էր միայն այն մասին, թե ինչպես անի, որ քնելու և ուտելու միջոցով հատուցում ստանա այնքա՛ն հիմար կերպով կորցրած ժամանակի համար:

Մարդիկ մի ծայրահեղությունից դիմում էին մյուսին, մի բան, որ հատուկ է մարդկային մտքի փոփոխականության: Չեռնարկման ամենաջերմ կողմնակիցները դարձան նույն ձեռնարկման ամենակատաղի թշնամիներ: Թերահավատությունը տիրեց ամբողջ մարտանավը, սկսած նավամբարից մինչև ընդհանուր նավասենյակը, և եթե շիներ նավապետ Ֆարագուտի անհասկանալի համառությունը, «Աբրահամ Լինկոլնն» անմիջապես կդառնար դեպի հարավ:

Սակայն այդ ապարդյուն որոնումները չէին կարող անվերջ շարունակվել: «Աբրահամ Լինկոլնն» ինքն իրեն կշտամբելու ոչ մի հիմք չուներ, — նավն արել էր այն ամենն, ինչ որ կախված էր իրենից, որպեսզի հաջողությամբ կատարի իրեն տրված հանձնարարությունը: Ամերիկյան նավն սպասարկող կազմը դեռ երբեք այդչափ ջանասիրություն ու երկարատև համբերություն չէր ցուցաբերել: Վերջապես, չէր կարելի ասել, որ ձեռնարկումն անհաջող է կազմակերպված: Ըստ երևույթին հարկավոր էր վերադառնալ, ուրիշ ելք չկար:

Նավապետ Ֆարագուտին այդ մասին համապատասխան հայտարարություն արվեց: Նա համառում էր:

Նավաստիները շէին թաքցնում իրենց դժգոհությունը: Կարգապահությունը թուլացավ: Ես շեմ ուղում ասել, թե նավում խռովություն սկսվեց, սակայն նավապետ Ֆարազուտը, ինչպես իր ժամանակին Կոլումբոսը, մի քիչ էլ դիմադրելուց հետո խնդրեց նավորդներին, որ երեք օր էլ համբերեն: Եթե այդ երեք օրվա ընթացքում հրեշը չգտնվի, ապա մեքենավարը կդարձնի ղեկանիվը և «Աբրահամ Լինկոլնը» կբռնի վերադարձի ճանապարհը:

Այդ խոստումը տրվեց նոյեմբերի 2-ին: Նավորդների տրամադրությունը միանգամից բարձրացավ: Մարդիկ նորից սկսեցին ուշադրությամբ դիտել ալիքները: Նորից գործի դըրվեցին հեռադիտակները: Դա մի վերջին մարտակոչ էր հսկայական միաժանուն և թվում էր, որ հիմա նա չի կարող չընդունել իրեն ցույց տալու հրավերը...

Այսպես անցավ երկու օր: «Աբրահամ Լինկոլնը» գնում էր դանդաղ: Նավորդները հազար ու մի միջոց էին հնարում հրեշի ուշադրությունը գրավելու կամ նրա անտարբերությանը վերջ տալու համար, եթե իհարկե նա հեռու շիներ: Ճարպի ահագին կտորներ էին նետում ծովը, մեծագույն հաճույք պատճառելով շնաձկներին, որոնք խմբերով ուղեկցում էին մարտանավը: Մակույկներն ակոսում էին ծովը, հետադուռելով նրա յուրաքանչյուր քառակուսի մետրը: Սակայն արդեն նոյեմբերի 4-ի երեկոն էր, իսկ ստորջրյա գաղտնիքը դեռ չէր բացվում:

Հետևյալ օրը, նոյեմբերի 5-ին լրանում էր նշանակված ժամկետը: Ժամը ուղիղ տասներկուսին նավապետ Ֆարազուտը, լինելով իր խոսքի տերը, պետք է հրամայեր դառնալ դեպի հարավ-արևելք և հեռանալ Խաղաղ օվկիանոսի հյուսիսային մասից:

Այդ ժամանակ մարտանավը լողում էր  $31^{\circ}15'$  հյուսիսային լայնության և  $136^{\circ}42'$  արևելյան երկարության տակ: Ճապոնիան գտնվում էր առնվազն երկու հարյուր մղոնի վրա: Գիշերը վրա հասավ: Ծովային ժամացույցը խփեց ժամը ութը: Խիտ ամպերը ծածկեցին կիսալուսինը, որ կաղմում էր ամբողջ լուսնի մի քառորդ մասը: Ծովը համաչափ օրորում էր մարտանավը:



Այդ բոլորին ես կանգնած էի նավի աջ կողմում, հենվելով տախտակամածի բազրիքին: Կոնսելն ինձ մոտ էր և անտարբեր նայում էր առաջ: Առադաստակալների վրա բարձրացած նավաստիներն այդ օրը վերջին անգամ դիտում էին հորիզոնը, որ հետզհետե ծածկվում էր խավարով: Սպաները գիշերային հեռադիտակներով դիտում էին օվկիանոսի մակերևույթը: Լուանի շողերը երբեմն ամպերի վարագույրի միջից արծաթե ցուլք էին նետում անիքների վրա, սակայն նորից ծածկվում էին ամպերով, ու դարձյալ ամեն ինչ կորչում էր խավարում:

Ուշադրությամբ նայելով Կոնսելին, ես նկատեցի, որ մեր ճանապարհորդության ընթացքում առաջին անգամ այդ հանգիստ մարդը հուզված է մյուսների նման:

— Հը՛, Կոնսել,— ասացի ես,— ո՞նց է երկու հազար դոլլար վաստակելու բանը:

— Պարոնի թույլտվությամբ ասած՝ ես երբեք հույս չեմ ունեցել այդ գումարը գրպանս դնելու,— պատասխանեց Կոնսելը,— Միացյալ Նահանգների կառավարությունը կարող էր խոստանալ ոչ թե երկու, այլ հարյուր հազար դոլլար, և նա դրանով չէր աղքատանա:

— Դու իրավացի ես, Կոնսել: Վերջին հաշվով սա մի հիմար ձեռնարկում էր ու ես էլ անխելքությունն արի, որ մասնակցեցի այս գործին: Որքա՛ն ժամանակ վատնվեց զուր տեղը, որքան թանկ նստեց մեր ջղերի վրա: Դեռ վեց ամիս առաջ մենք կարող էինք վերադառնալ Ֆրանսիա...

— Պարոնի փոքրիկ բնակարանը, նրա թանգարանը,— ավելացրեց Կոնսելը:— Ես էլ կդասավորեի մեր հավաքածոյի հանածոները, տիրոջ բերած եղջերավարազն էլ կնստեր կենդանաբանական այգու վանդակում, ու Փարիզի բոլոր ծայրերից դեպի իրեն կգրավեր հետաքրքրվողների բազմությանը:

— Այդ բոլորը հենց այդպես էլ կլիներ, Կոնսել: Իսկ հիմա մենք թե այսքան նեղություն ենք քաշել և թե պիտի ծիծաղեն մեր վրա...

— Անկասկած,— սառնասրտությամբ շեշտեց Կոնսելը,— ես հավատացած եմ, որ պիտի ծիծաղեն պարոնի վրա: Զգիտեմ, արժե՞ ասել, որ...



— Ասա, ասա, Կոնստ'լէ

— Ես կարծում եմ, որ պարոնն արժանացել է այդ ծի-  
ծաղին:

— Իսկապե՞ս:

— Երբ մարդ այդպիսի խոշոր գիտնական լինելու պատիվ  
ունի, չպետք է փորձ անի:

Կոնստելը շվերջացրեց իր խոսքը: Մեր շուրջը թագավորող  
լուսթյան մեջ լսվեց հնչուն մի ձայն:

Այդ նեղ կենդի ձայնն էր:

Կանադացին գոչեց:

— Հե՛յ, հրեն մեր փնտրածը, քամու կողմը, մեր քթի  
տակ:

## ԳԼՈՒԽ ՎԵՑԵՐՈՐԴ

### ԱՐԱԳ ԸՆԹԱՅՔ

Այդ բացականչությունը լսվեց թե չէ, բոլոր նավորդնե-  
րը, — նավապետը, սպաները, սպասավորները, նույնիսկ ին-  
ժեններն են ու մեխանիկները, որոնք թողեցին իրենց մեքենա-  
ները, նույնիսկ հնոցապանները, որոնք թողեցին իրենց հնոց-  
ները, բոլորը վազեցին դեպի նեղ կենդը:

Նավապետը հրամայեց կանգնեցնել նավը:

Անթափանցելի խավարը պատել էր ամեն ինչ: Թեև ես  
գիտեի, որ կանադացին հիանալի տեսողություն ունի, այ-  
նուամենայնիվ ինքս ինձ հարցնում էի, թե այդպիսի խավա-  
րում նա ինչպե՞ս և ի՞նչ կարող էր տեսնել:

Սիրտս խփում էր այնքան ուժեղ, որ քիչ էր մնում պայ-  
թեր:

Սակայն նեղ կենդը շտապվեց: Շուտով մենք բոլորս տե-  
սանք այն, ինչ որ նա ցույց էր տալիս ձեռքով:

«Աբրահամ կինկոլնից» երկու կաբելտով հեռու, նավի աջ  
կողմում ծովը թվում էր ներքուստ լուսավորված: Անկասկած,  
այդ սովորական ֆոսֆորային լուսավորությունն չէր: Հրեշը,  
որ մի քանի մետր ջրի տակ էր գտնվում, արձակել էր պայծառ

ու տարօրինակ մի փայլ, որի մասին շատ նախապետներ գրել էին իրենց հաշվետվություններում: Պետք է որ այդ լուսավորությունն ունենար մի շատ պայծառ աղբյուր: Օվկիանոսի մակերևույթի լուսավորված մասը բռնում էր երկար, ձվաձև մի տարածություն: Այդ տարածության կենտրոնում լուսավորությունը խիստ ուժեղ էր, իսկ ծայրերում — թույլ:

— Դա ուղղակի ֆոսֆորափայլ մոլեկուլների կուտակում է,— բացականչեց սպաներից մեկը:

— Ո՛չ, դուք սխալվում եք,— համոզված առարկեցի ես,— քարակերները կամ սայլաբերը ոչ մի դեպքում չէին կարող այդպիսի պայծառ լույս արձակել: Այդ լույսն անկասկած մի որևէ էլեկտրական աղբյուր ունի... Սակայն նայեցեք, նայեցե՛ք... Նա շարժվում է... նա դեպի մեզ է գալիս:

Տախտակամածի վրա հավաքվածները ճիշտ արձակեցին:

— Լո՛ւ, — հրամայեց նավապետ Ֆարագուտը, — անցնել դեկի՛ն: Դանդաղ ընթա՛ցք:

Բոլորը նետվեցին դեպի իրենց տեղերը: Հրամանն անմիջապես կատարվեց, ու «Աբրահամ Լինկոլնը» մի կիսաշրջան գծեց:

— Այս ուղղությամբ արագ դեպի առա՛ջ, — հրամայեց նավապետ Ֆարագուտը:

Պտուտակն էլի՛ սկսեց գործել՝ և մարտանավը հապճեպ հեռանում էր պայծառ լույսից:

Ես սխալվեցի, մարտանավն ուզում էր հեռանալ, սակայն գերբնական կենդանին կրկնակի արագությամբ մոտենում էր նրան:

Մենք շնչներս պահած՝ քարացանք մեր տեղերում առանց մի բառ արտասանելու, և այդ ոչ այնքան երկյուղից, որքան զարմանքից: Կենդանին ասես կատակի տալով, մոտենում էր մեզ: Նա հասավ մարտանավին, որ սլանում էր տասնչորս հանգույցի արագությամբ, և մեր վրա արձակեց իր էլեկտրական ճառագայթները, որոնք կարծես լուսեղեն փոշի լինեին: Հետո նա հեռացավ երկու կամ երեք մղոն, թողնելով ֆոսֆորափայլ մի հետք, որ նման էր ճեպընթաց գնացքի շոգեքարշի ծխի քուլաներին: Հանկարծ հրեշը սաբսափեցնող արագությամբ նետվեց դեպի «Աբրահամ Լինկոլնը», անսպասելի

կանգ առավ նրանից քսան քայլ հեռու և... հանգավ: Նա ջրասույզ շեղավ, որովհետև այդ դեպքում նրա արձակած լույսը հետզհետե կաղոտանար, այլ միանգամից հանգավ, կարծես թե հանկարծակի խորտակվեց այն աղբյուրը, որից առաջանում էր լույսի այդ հեղեղը: Մի ակնթարթում հրեշը նորից երևաց մարտանավի մյուս կողմից, — երևի անցել էր «Աբրահամ Լինկոլնի» կողքից, կամ նրա ողնուցի տակից:

Ամեն վայրկյան կարող էր ընդհարում լինել, որն անխուսափելիորեն ճակատագրական հետևանք կունենար մեղ համար:

Մարտանավի շարժումները զարմացնում էին ինձ: Նա փախչում էր և ոչ թե կռիվ սկսում հրեշի հետ: Մարտանավը, որ ուղարկված էր հրեշին հետապնդելու, ինքն էր ընկել հետապնդվողի դրուժյան մեջ: Այդ մասին ես դիտողություն արի նավապետ Ֆարագուտին: Նրա դեմքը, որ միշտ հանգիստ էր, այժմ ծայրահեղ տարակուսանք էր արտահայտում:

— Ահա թե ինչ, պրոֆեսոր, — սլատասխանեց նա, — ես չգիտեմ, թե ինչ վիթխարի գազանի հետ գործ ունեմ և շեմ ուզում իմ մարտանավը վտանգի ենթարկել այս անթափանցելի խավարում: Ինչպե՞ս կարելի է գրոհել անհայտ թշնամու վրա, կամ պաշտպանվել նրանից: Սպասենք մինչև լուսաբաց, այն ժամանակ դերերը կփոխվեն:

— Նավապետ, էլ հո չե՞ք կասկածում այդ արարածի բնության և գոյության նկատմամբ:

— Ոչ, պրոֆեսոր, ըստ երևույթին այդ մի վիթխարի միաժանի է, սակայն էլեկտրական միաժանի:

— Գուցե, — ասացի ես, — նրան մոտենալը նույնքան վտանգավոր է, որքան հիմնոտին՝ կամ լողացող ականի՞ն:

— Միանգամայն հնարավոր է, — համաձայնվեց նավապետը, — և եթե նա իր բոլոր հատկություններով հանդերձ զինված է էլեկտրականությամբ, ապա իսկապես որ ամենավտանգավոր կենդանին է աշխարհում: Ահա թե ինչու ես որոշել եմ զգույշ լինել:

Ամբողջ գիշերը նավորդներից ոչ ոք չքնեց: Բոլորը տախ-

<sup>1</sup> Հիմնոտ — էլեկտրական օձաձուկ:

տակամածում էին: Համոզվելով, որ միաժամուհեւ հետ իր արագութեամբ չի կարող մրցել, «Աբրահամ կինկոլներ» դանդաղեցրեց իր ընթացքը:

Իր հերթին միաժամին նույնպէս սկսեց դանդաղ շարժվել և համաչափ օրորվել ալիքներում: Թվում էր, որ նա միտք էլ շունի հեռանալու կովի դաշտից:

Մոտավորապէս գիշերվա կեսին նա շքացավ, կամ ավելի ճիշտ հանգավ ինչպէս մի մեծ լուսատիտիկ: Արդյոք փախա՞վ նա: Դա ավելի շուտ երկյուղալի էր, քան ցանկալի: Սակայն գիշերվա ժամը մեկից յոթ ընդմէջ պակաս լսվեց խլացուցիչ մի ֆշշոց, որ նման էր ուժեղ ճնշման տակ նեղ անցքից ժայթքող ջրի աղմուկին:

Այդ ժամանակ նավապետ Ֆարագուտը, նեղ կենդն ու ես գտնվում էինք տախտակամածում: Մենք ազահութեամբ դիտում էինք մեզ շրջապատող անթափանցելի խավարը:

— Նեղ կենդ,— ասաց նավապետը,— արդյոք դուք հաճախ եք լսել կետի բարձրացրած աղմուկը:

— Հաճախ, նավապետ, սակայն մինչև այժմ ես չեմ հանդիպել այնպիսի կետի, որին նկատելն ինձ տար երկու հազար դոլլար:

— Իսկապէս որ դուք արժանացաք այդ պարգևին: Բայց ասացեք խնդրեմ, արդյոք այս ձայները նման են կետի պինջերից թափվող ջրի աղմուկին:

— Չայները նման են, միայն թե անհամեմատ ավելի ուժեղ են սովորականից: Սակայն կասկածելու կարիք չկա, մեր առաջ անպայման գտնվում է կետանման մի արարած, և ձեր թույլտվութեամբ, նավապետ,— ավելացրեց նեղ կենդը,— վաղը լուսաբացին ես կխոսեմ նրա հետ:

— Եթե միայն նա բարեհաճեր լսել ձեզ, նեղ,— ասացի ես,— սակայն դա այնքան էլ հավանական չի թվում:

— Եթե ինձ հաջողվի բավականաչափ մոտենալ նրան,— հակաճառեց կանադացին,— ապա նա ստիպված կլինի ծանոթանալ ինձ հետ:

— Սակայն դրա համար հարկավոր կլինի ձեզ մի մակույկ տրամադրել, այնպէս չէ՞,— հարցրեց նավապետը:

— Անշո՞ւշտ:

— Թիավարողների կյանքն էլ վտանգի կենթարկվի  
— Ինչպես նաև իմ կյանքը, — հանգիստ պատասխանեց  
Նեդ Լենդը:

Գիշերվա ժամը մոտ երկուսին էլեկտրական փայլը, որ  
պայծառ էր առաջվա պես, նորից երևաց հողմի ուղղությամբ,  
«Աբրահամ Լինկոլնից» հինգ մղոնի վրա: Չնայելով այդ մեծ  
հեռավորության, քամու և ծովի աղմուկին, պարզ լսվում էր,  
թե ինչպես կենդանու վիթխարի պոչը ճողփում է ջուրը և ինչ-  
պես շնչում է նա:

Կարելի էր կարծել, որ երբ միաժամին ջրի երեսն է ելնում  
շունչ քաշելու համար, օդը նրա թոքերն է լցվում այնպիսի  
ուժով, ինչպես գոլորշին — երկու հազար ուժանոց մեքենա-  
յի գլանները:

«Գրողը տանի, — մտածեցի ես, — այն կետը, որ մի  
ամբողջ հեծելազորային գնդի ուժ ունի, պետք է որ արտասու-  
վոր կետ լինի»:

Ամբողջ գիշերը մենք սպասողական դրության մեջ էինք և  
ճակատամարտի էինք պատրաստվում: Նավի կողքերից դեպի  
ծովն էին նայում կետ որսալու թնդանոթները: Նավապետի  
երկրորդ օգնականը հրամայեց լցնել եռաժանու թնդանոթ-  
ները, — որոնք եռաժանիները նետում էին մի ամբողջ մղոն, —  
և կարճ հրացանները, որոնց պայթող գնդակներով կարելի  
էր մահացու վիրավորել նույնիսկ ամենախոշոր կենդանի-  
ներին: Նեդ Լենդը բավականացավ նրանով, որ սրեց եռաժա-  
նին, նրա ձեռքում սարսափելի այդ զենքը:

Ժամը վեցին բացվեց արշալույսը: Կույսի առաջին ճա-  
ռագայթները շողալուն պես, միաժամու շուրջը եղած էլեկ-  
տրական փայլը շքացավ:

Ժամը յոթին արդեն բոլորովին լույս էր, սակայն առա-  
վոտյան թանձր մշուշը, որ անթափանցելի էր անգամ ամե-  
նաուժեղ հեռադիտակների համար, սահմանափակում էր տե-  
սանելիությունը: Դժվար չէ պատկերացնել, թե նավորդները  
որչափ էին վրդովվում ու զայրանում:

Ես բարձրացա հետակայմի առաջին շեղափայտի վրա: Մի  
քանի սպաներ ավելի վերև բարձրացան:

Ժամը ութին մառախուղը սահեց սլիֆների վրայով, ապա



դանդադ, քուլա-քուլա բարձրացավ վերև: Հորիզոնը պարզվում էր և միաժամանակ լայնանում:

Ինչպես նախընթաց օրը, հանկարծ լավեց նեղ Լենդի ձայնը.

— Միաժամին քամու կողմում է, նավի հետևում, — գոռաց նա:

Բոլորի հայացքները դարձան դեպի մատնանշված կողմը: Այնտեղ, մարտանավից մեկ և կես մղոն հեռու, երկար ու սև մի մարմին մոտավորապես մի մետրի շափ դուրս էր եկել ջրից: Ինչպես երևում է, նրա սրտը գալարվում էր արագությամբ, որովհետև այնտեղ ծովը փրփրում էր ու ալեկոծվում: Մեզ հայտնի և ոչ մի կենդանի չէր կարող այդպիսի ուժով ալեկոծել ծովը: Հրեշն առաջ էր շարժվում և նրա հետևից մնում էր ծուռումուռ գիծ կազմող, ձյան պես սպիտակ փրփուրի հսկայական մի հետք:

Մարտանավը շարժվեց դեպի կետանման այդ արարածը: Ես, ուշադրությունս լարած, ուսումնասիրում էի նրան: «Քանաանի» և «Հելվեցիայի» զեկուլցներում մի քիչ շափազանցրած էր հրեշի մեծությունը: Ես հաշվեցի, որ նրա երկարությունը պետք է լինի ընդամենը երկու հարյուր հիսուն ոտնաչափ: Նրա հաստության մասին դժվար էր գաղափար կազմել, սակայն ես այն տպավորությունն ստացա, որ կենդանու երկարությունը, լայնությունն ու բարձրությունը մի հիանալի համաչափություն են կազմում:

Այն ժամանակ, երբ ես հետևում էի այդ արարածին, նրա պինդերից դուրս թռան ջրի երկու սյուն ու քառասուն մետր դեպի վեր բարձրացան: Այդ երևույթի շնորհիվ ես մոտավորապես պատկերացրի, թե նա ինչպես է շնչում: Ես վերջնականորեն եկա այն եզրակացության, որ կենդանին պատկանում է ողնաշարավորների թվին, կաթնասունների դասին, միափորների ենթադասին, ձկնանմանների խմբին, կետանմանների ջոկատին, իսկ թե որ ընտանիքին էր պատկանում, այդ ես դեռ չգիտեի: Կետանմանների ջոկատն ունի երեք ընտանիք — կետեր, վիշապաձկներ ու դելֆիններ: Վերջին ընտանիքին պատկանում են նաև միաժամիները: Այդ ընտանիքներից յուրաքանչյուրը բաժանվում է բազմաթիվ ենթաընտա-



նիքների, վերջինները — ցեղերի, իսկ ցեղերը, — տեսակների: Տեսակ, ցեղ, ենթաընտանիք և ընտանիք, — այդ մասին ես դեռ չէի կարող դատել, սակայն կասկած չկար, որ շուտով, նեղ կենդի վարպետության և նավապետ Ֆարագուտի փորձառության շնորհիվ կստանամ և այդ տվյալները:

Նավորդներն անհամբերությամբ սպասում էին իրենց պետի հրամանին: Ուշադրությամբ դիտելով կենդանուն, նավապետը հրամայեց կանչել ինժեներին: Վերջինս անմիջապես ներկայացավ:

- Գոլորշին բաց թողնված է, — հարցրեց նավապետը:
- Ճիշտ այդպես, նավապետ, — պատասխանեց ինժեները:
- Լավ, ուժեղացրեք հնոցների կրակը:

Այս հրամանն ընդունվեց երեք անգամ կրկնվող «ուռալով»:

Հասավ պայքարի ժամը:

Մի քանի բոպեից հետո մարտանավի երկու ծխնելույղներից քուլա-քուլա բարձրացավ սև ծուխը: Տախտակամածը սկսեց դողդողալ կաթսաներում եռացող ջրի ուժից:

«Աբրահամ կինկոլնի» հզոր պտուտակը մարտանավը տարավ ուղիղ դեպի կենդանին: Վերջինս անտարբերությամբ թույլ տվեց, որ նավը մինչև կես կաբելտով մոտենա իրեն: Հետո, առանց ջրասույղ լինելու, սկսեց հանդարտ հեռանալ, պահպանելով նախկին տարածությունն իր և մարտանավի միջև:

Հետապնդումը շարունակվեց երեք քառորդ ժամ, սակայն այդ ժամանակվա ընթացքում մարտանավին չհաջողվեց թեկուզ մեկ ոտնաշափով ավելի մոտենալ: Պարզ էր, որ այդպիսի արագությամբ անկարելի էր հասնել կենդանուն:

Նավապետ Ֆարագուտը բարկացած շփում էր իր խիտ մորուքը:

- Նեղ կենդ, — գոչեց նա:

Կանադացին մոտեցավ:

- Հապա, պարոն մասնագետ, — դիմեց նրան նավապետը, — արդյոք դուք խորհուրդ տալի՞ս եք այժմ գործի դնել մակույկները:

— Ո՛չ, — պատասխանեց Նեդ Լենդը, — այդ կենդանուն կհաջողվի բռնել, եթե նա ինքն ընկնի մեր ձեռքը:

— Հապա ի՞նչ անել:

— Արագացնել նավի ընթացքը, եթե այդ հնարավոր է: Իսկ ես ձեր թույլտվութեամբ կլինեմ նավի սուղեի մասում ու հենց որ մենք բավականաչափ մոտենանք նրան, ես կխփեմ եռաժանիով:

— Կավ, Նեդ, — ասաց նավապետը և խոսափողով հրամայեց ինժեներին. — արագացնել ընթացքը:

— Այո՛, արագացնե՛լ ընթացքը, — պատասխանեց ինժեները:

Նեդ Լենդը գնաց իր տեղը: Հնոցներն ածուխի նոր պաշար լցվեց և պտուտակը սկսեց մի բռնեում քառասուններեք պտուտ անել: Արագությունը շափող գործիքը ցույց տվեց, որ «Աբրահամ Լինկոլնը» մի ժամում անցնում է տասնութ և կես մղոն:

Սակայն անիծված կենդանին նույնպես սկսեց մեկ ժամում տասնութ և կես մղոն անցնել:

Մարտանավը մի ամբողջ ժամ դնում էր այդ արագութեամբ, առանց մի սանտիմետր տարածութուն անգամ շահելու: Այդ ստորացուցիչ էր ամերիկական տորմիդի ամենաարագընթաց նավի համար: Բոլոր նավորդները զայրույթից շփտեին ինչ անեն: Նավաստիները թունդ հայհոյում էին միաժանուն, բայց վերջինս լուր էր արհամարհանքով: Նավապետ Ֆարագուտն արդեն ոչ թե շփում, այլ կծում էր իր մորուքը:

Ինժեներին էլի՛ կանչեցին դեպի կամրջակը:

— Արդյոք նավը գնո՞ւմ է ամենամեծ արագութեամբ, — հարցրեց նավապետը:

— Այո՛, — պատասխանեց ինժեները:

— Քանի՞ մթնոլորտ է գոլորշու ճնշումը:

— Վեց և կես:

— Ճնշումը հասցրեք մինչև տասը մթնոլորտի:

Այդ զուտ ամերիկական մի հրաման էր: Ավելին չէր կարող ասել նույնիսկ Միսսիսիպիի շոգենավի պետը, որ ձգտում է առաջ անցնել մրցակցից:

— Կոնսե՛լ,— դիմեցի ես իմ հիանալի սպասավորին, որ կանգնած էր ինձ մոտ,— գիտե՞ս արդյոք, որ մենք հավանորեն հօդս կցնդենք:

— Ինչպես որ պարոնը կամենա,— պատասխանեց Կոնսելը:

Խոստովանում եմ, որ ինձ նույնիսկ դուր եկավ նավապետի հանդուգն համարձակությունը:

Հնոցապաններն ասուլիս ավելացրին կրակակալների վրա: Հողմահարիչներն օդի հեղեղներ էին նետում հնոցների մեջ: Շոգոս ճնշումն ավելի ուժեղացավ: «Արրահամ կինկոլներ» առաջ էր սլանում: Կայմերը դողդողում էին մինչև հիմքերը և, ծոփսը մրրիկի ուժով ժայթքում էր ծխնելույզների նեղ անցքերից:

Երկրորդ անգամ շափվեց նավի արագությունը:

— Որքա՞ն է,— հարցրեց նավապետը:

— Տասնինը ամբողջ երեք տասնորդական մղոն:

— Նորի՛ց արագացնել:

Ինժեները հնազանդվեց: Խտաշափի սլաքը ցույց էր տալիս տասը միջնուորտ: Բայց ըստ երևույթին հրեշը նույնպես ավելացրեց իր ընթացքի արագությունը: Հիմա նա, առանց որևէ նկատելի ջանք թափելու, մեկ ժամում անցնում էր տասնինը ամբողջ երեք տասնորդական մղոն...

Ինչպե՛ս էինք հետապնդում կենդանուն: Ո՛չ, ես չեմ կարող նկարագրել իմ հուզումը:

Ես ամբողջովին դողում էի ջղայնությունից:

Նեղ կենդր եռաժանին բռնած՝ կանգնել էր նավի առջևի մասում:

Կենդանին մի քանի անգամ թույլ տվեց, որ նավը մոտենա իրեն:

— Հասնո՛ւմ ենք, հասնո՛ւմ ենք,— գոչում էր կանադացին:

Սակայն այն բոլորին, երբ նա բարձրացնում էր ձեռքը, որպեսզի նետի եռաժանին, հրեշը հանկարծ հեռանում էր, երևի մեկ ժամում առնվազն երեսուն մղոն արագությամբ: Այդ բավական չէր. մենք ընթանում էինք ամենամեծ արագությամբ, նա, կարծես մեզ ծաղրելով, լայն պտույտ էր կատարում:

րում մեր շուրջը: Բոլորը կատաղության ճիշեր էին արձակում:  
Կեսօրին մենք գտնվում էինք միաժանուց նույնքան հեռու,  
որքան առավոտյան ժամը ութին:

Այդ ժամանակ նավապետ Ֆարագուտը որոշեց ուրիշ մի-  
ջոցներ գործադրել:

— Ուրեմն այդպե՞ս, — բացականչեց նա, — այդ կենդանին  
ավելի արագ է լողում քան «Աբրահամ Լինկո՞ւնը»: Կա՛վ: Հա-  
պա տեսնենք, թե կարո՞ղ է նա խուսափել կոնաձև ռումբից:  
Ավա՛գ նավաստի, ուղարկի՛ր հրետաձիգին առջևի թնդանոթի  
մո՛տ:

Թնդանոթն անմիջապես լցվեց և ուղղվեց միաժանուց վրա:  
Կրակոցը որոտաց, սակայն արկը թռավ կենդանուց մի քանի  
ոտնաչափ վերև: Կենդանին գտնվում էր մեզանից կես մղոն  
հեռու:

— Թող մի ուրիշ, ավելի ճարպիկ հրետաձիգ կրակի, —  
գոչեց նավապետը, — ով խփի այդ անիծված արարածին,  
հինգ հարյուր դոլար կստանա:

Ալեհեր մորուքով մի ծեր հրետաձիգ, — ես այժմ էլ պարզ  
հիշում եմ նրա անդորր հայացքը և սառնարյուն դեմքը, — մո-  
տեցավ թնդանոթին և մանրակրկիտ նշան բռնեց: Նորից որո-  
տաց կրակոցը, որին անմիջապես հետևեց հուժկու «ուռան»:

Արկը խփել էր կենդանուն: Սակայն ցանկալի հետևանք  
չստացվեց, արկը սահեց նրա կլորաձև մարմնի վրայով ու  
թռավ դեպի ծովը:

— Ա՛խ, սատանա, — բացականչեց զայրացած հրետաձի-  
գը, — մի՞թե այդ զզվելի արարածը վեց մատնաչափ հաս-  
տությամբ զրահով է պատած:

— Անե՛ծք, — գոռաց նավապետ Ֆարագուտը:

Հետապնդումը շարունակվում էր:

Մատենալով ինձ, նավապետն ասաց.

— Ես պետք է հետապնդումը շարունակեմ այնքան, մինչև  
որ մարտանավը հօդս ցնդի:

— Ճիշտ է, — պատասխանեցի ես, — այդպես էլ հարկա-  
վոր է:

Կարելի էր հուսալ, որ կենդանին վաղ թե ուշ կհոգնի,  
անկարող լինելով մրցել անընդհատ աշխատող շոգեմեքենայի

հետ: Սակայն առայժմ այդ շէր նկատվում: Անցնում էին ժամերը, իսկ կենդանին հոգնածության ոչ մի նշան չէր ցույց տալիս:

Ի պատիվ «Աբրահամ Լինկոլնի» պետք է ասել, որ նա մեծադույն համառությամբ շարունակում էր հետապնդումը: Իմ հաշվով նա այդ շարաքաստիկ օրը, նոյեմբերի 6-ին, անցավ առնվազն հինգ հարյուր մղոն: Նորից իջավ գիշերը և խավարը պատեց ալեծուփ ծովը:

Այդ րոպեին ես մտածում էի, որ մեր արշավն արդեն ավարտված է, և մենք այլևս երբեք չենք տեսնի առասպելական կենդանուն:

Սակայն ես սխալվեցի:

Երեկոյան ժամը 11-ից 10 րոպե պակաս էլեկտրական փայլը նորից երևաց մարտանավից երեք մղոն հեռավորության վրա:

Միաժամանակ անշարժ էր թվում: Գուցե ցերեկը հոգնել էր ու հիմա քնել ծփող ալիքներում: Հարկավոր էր օգտվել այդ հանգամանքից, և նավապետը որոշեց էլի՛ փորձել մեր բախտը:

Նա կարգադրություն արեց: «Աբրահամ Լինկոլնը» դանդաղ շարժվեց առաջ, ս յնպես, որ շղարթեցնի կենդանուն: Օվկիանոսում հաճախ կարելի է հանդիպել խորը քնած կետերի և նեղ կենդր բաղմաթիվ կետեր է սպանել հենց նրանց քնած ժամանակ: Կանադացին նորից տեղ դրավեց նավի առջևի մասում:

Մարտանավն անաղմուկ մոտեցավ այնքան, որ մինչև կենդանին մնում էր ընդամենը երկու կաբելառով: Այնուհետև մեքենան կանգ առավ, և նավն իներցիայով էր շարժվում:

Նավորդները դիտում էին լարված ուշադրությամբ: Տախտակամածում գերեզմանային լռություն էր տիրում: Մինչև շողշողուն, ձվաձև մարմինն ընդամենը հարյուր քայլ էր մնում և նրա լույսը կուրացնում էր մեզ:

Այդ րոպեին նայելով նեղ կենդին ես տեսա, թե ինչպես նա բարձրացրեց իր սարսափելի զենքը:

Մարտանավն ավելի մոտեցավ անշարժ կենդանուն, ընդամենը քսան քայլ էր մնում:

Հանկարծ նեղ Լենդի ձեռքը հուժկու թափով մի կիսաշըր-  
ջան կատարեց օդում և թռավ եռաժանին: Ես լսեցի բարձրա-  
ձայն մի շրխկոց, կարծես հարվածը հասել էր մի ինչ-որ  
կարծր մարմնի:

Էլեկտրական փայլը վայրկենապես հանգավ և ջրի երկու  
սյուներ հանկարծակի խփեցին տախտակամածին, վայր դցե-  
լով մարդկանց և ավերելով ամեն ինչ:

Ապա հետևեց զարհուրելի մի ցնցում և ես, շկարողանա-  
լով բռնել բազրիքից, ընկա ծովը:

Չնայելով, որ դա բոլորովին անսպասելի էր, ես մի առ  
մի հիշում եմ այն ամենը, ինչ որ սլատահեց ինձ հետ:

Սկզբում ես ջրասուլզ եղա:

Ես լավ եմ լողում, թեպետ իհարկե այդ արվեստի մեջ չեմ  
կարող մրցել այնպիսի վարպետների հետ, ինչպիսին են  
Բայրոնը և Էդգար Պոն: Ջրասուլզ լինելիս ես ինձ շկորցրի:  
Ոտների երկու ուժեղ շարժում կատարելով, ես դուրս եկա  
օվկիանոսի մակերևույթը:

Առաջին հերթին ես աչքերով փնտրեցի մարտանավը: Ար-  
դյոք այնտեղ նկատե՞լ են իմ անհետանալը: Արդյոք նավա-  
պետ Ֆարադուտն ինձ որոնելու համար մակույկ ուղարկե՞լ է:  
Արդյոք ես կարո՞ղ եմ փրկության հույս ունենալ:

## ԳՆՈՒԽ ՅՈՒԹԵՐՈՐԻ

### ԿԵՏԻ ԱՆՀԱՅՏ ՏԵՍԱԿԸ

Չնայած խավարին, արևելքում ես նկատեցի ինչ-որ մի  
սև զանգված, որը, ինչպես ցույց էին տալիս նրա վրա եղած  
լույսերը, հեռանում էր: Մարտանավն էր այդ:

Հագուստս նեղում էր ինձ: Թրջվելուց հետո այն կաշում  
էր մարմնիս և խանգարում շարժումներս: Շունչս կտրվում էր:  
Արդեն քիչ էր մնում, որ ջրասուլզ լինեի...

— Օգնեցե՛ք:

Իմ վերջին ճիշն էր այդ: Հուսահատված թպրտում էի,  
զգալով, որ ջրասուլզ եմ լինում:



Հանկարծ ուժեղ մի ձեռք բռնեց իմ օձիքից և միանգամից հանեց ջրի երես:

Ես լսեցի հետևյալ խոսքերը, որ արտասանվեցին հենց իմ ականջի մոտ.

— Եթե պարոնը բարեհաճի հենվել իմ ուսին, նրա համար լողալն ավելի հարմար կլինի:

Ես բռնեցի ինձ հավատարիմ Կոնսելի թևից:

— Այդ դո՞ւ ես, — բացականչեցի, — դո՞ւ...

— Ես եմ որ կամ, — պատասխանեց Կոնսելը, — պատրաստ եմ ձեզ ծառայելու:

— Ուրեմն դու է՞լ ինձ նման ծովն ընկար ցնցումից:

— Ո՛չ երբեք: Ծառայելով պարոն պրոֆեսորի մոտ, ես պարտք համարեցի հետևել նրան:

Այդ սքանչելի մարդուն բնական էր թվում իր վարմունքը:

— Իսկ մարտանա՞վը, — հարցրի ես:

— Մարտանա՞վը, — Կոնսելը կրկնեց հարցը, դառնալով մեջքի վրա, — ինձ թվում է, որ ավելի լավ կլիներ, եթե պարոնն օգնություն չսպասեր նրանից:

— Ինչո՞ւ:

— Որովհետև այն բոլորն, երբ ես ջուրը նետվեցի, հերթապահ նավաստին գոչեց՝ «Պտուտակն ու դեկը ջարդված են»:

— Զարդվա՞ծ են:

— Այո, ջարդված են հրեշի ատամի հարվածից: Կարծեմ «Աբրահամ Լինկոլնը» պրծել է այդքանով: Սակայն ավստոս նավն այլևս չի աշխատելու:

— Ուրեմն մենք կորա՞ծ ենք:

— Հնարավոր է, — հանգիստ պատասխանեց Կոնսելը, — սակայն մեր տրամադրության տակ դեռ մի քանի ժամ կա և կարելի է շատ բան անել:

Կոնսելի անօրինակ սառնասրտությունը քաջալերեց ինձ: Ես սկսեցի ավելի եռանդով լողալ: Բայց հագուստս էլի խանգարում էր ինձ, շէր թողնում, որ մնամ ջրի երեսին:

Կոնսելը նկատեց այդ:

— Խնդրեմ պարոնը թույլ տա կտրատել նրա հագուստը, — ասաց նա:

Եվ նա դանակով պատռեց իմ հագուստը վերևից մինչև

ներքև և արագ հանեց վրայիցս, իսկ ես մեզ երկուսիս պահում էի ջրի երեսին: Իմ հերթին ես էլ նույնը արի Կոնստանտինոպոլի հետ: Այնուհետև մենք սկսեցինք լողալ կողք-կողքի:

Դրանով, սակայն, շփոխվեց մեր հուսահատական դրուժյունը: Մեր անհետանալը կարող էր շնկատվել, իսկ եթե նույնիսկ նկատվեր, դեկը և պտուտակը կորցրած մարտանավը չէր կարող ընթանալ հողմի դեմ ու որոնել մեզ: Հետևապես մենք կարող էինք հույս դնել միայն մակույկների վրա:

Փալով այդ եզրակացության, մենք որոշեցինք որքան հնարավոր է մնալ ջրի երեսին: Մեր ուժերը միաժամանակ շվատնելու համար որոշեցինք վարվել այսպես. մեզանից մեկը ձեռները խաշած և պահած անշարժ կպառկի մեջքի վրա, իսկ մյուսը կլողա ու առաջ կմղի պառկածին: Յուրաքանչյուր տասը րոպեից հետո պետք է փոխեինք մեր դերերը: Այսպիսով մենք կարող էինք ջրի վրա մնալ մի քանի ժամ, գուցե և մինչև արեւվածագը:

Փրկության ինչպիսի՞ աննշան հույս: Սակայն մարդուն հատուկ է հուսալ, որքան էլ անհուսալի լինի նրա դրուժյունը: Չէ՞ որ մենք երկու հոգի էինք...

Մարտանավի և միաժամու ընդհարումը տեղի ունեցավ երեկոյան ժամը մոտ տասնմեկին: Հետևապես մինչև առավոտ մենք ութ ժամի շափ պետք է մնայինք ջրի երեսին: Անշուշտ այդ հնարավոր էր, եթե հաճախակի փոխվեին մեր դերերը: Երբեմն ես փորձում էի որևէ բան նկատել անթափանցելի խավարում, ուր մեր շարժումներից ալեկոծվող ջուրը ֆոսֆորային փայլ էր արձակում: Ես նայում էի այդ առկայծող ալիքներին, որ դիպչելով իմ թևին, փշրվում էին և նրանց հայելանման մակերևույթը վայրկենապես ծածկվում էր աղոտ բծերով: Թվում էր, թե մենք լողում էինք սնդիկային վաննայում:

Մտավորապես գիշերվա ժամը մեկին ես մահացու հոգնածություն զգացի: Ոտներս ու ձեռներս սաստիկ ջղաձգվում էին:

Կոնստանտին վիճակվեց շարունակ օգնել ինձ և մենակ հողալ մեր փրկության մասին: Շուտով խեղճը սկսեց շնչել արագ և ծանր, ես հասկացա, որ նա այլևս երկար չի դիմանա մեր վիճակին:

— Թո՛ղ ինձ, թող, — ասացի ես:

— Թողնե՞մ պարոնին, երբե՛ք,— պատասխանեց իմ հավատարիմ սպասավորը,— ես հաստատ որոշել եմ ավելի շուտ խեղդվել, քան թե նա:

Այդ բոլորին լուսինը երևաց մթին ամպերի միջից, որոնց հողմը դեպի արևելք էր տանում: Օվկիանոսի մակերևույթը պայծառացավ լուսնի շողերից: Այդ փրկարար լույսը վերադարձրեց իմ ուժերը: Ես բարձրացրի դուխս և դիտեցի հորիզոնը:

Ես տեսա մարտանավը, որ գտնվում էր մեղանից հինգ մղոն հեռու: Այդ հեռավորության վրա նա հազիվ նկատելի մի կետ էր թվում: Ոչ մի մակույկ չէր երևում:

Ես ուզում էի ճշալ: Բայց ինչ օգուտ, երբ իմ ճիշը տեղ չէր հասնի: Եվ արդյոք իմ ուռած շրթունքները չէի՞ն խանգարի որևէ ձայն հանելու: Կոնսելը դեռ կարող էր ճշալ: Ես լսում էի, թե ինչպես կրկնում է նա...

— Օգնեցե՛ք, օգնեցե՛ք:

Մի քանի ակնթարթ կանգ առնելով, մենք ականջ դրինք: Ի՞նչ էր այդ, ականջնե՞րս էին խշշում արյունս դիխիս խփելուց, թե՞ իսկապես որևէ մեկը պատասխանում էր մեզ:

— Դու լսեցիր,— շշնջացի ես:

— Այո, այո՛:

Եվ Կոնսելը կրկին մի հուսահատական ճիշ արձակեց:

Այո, ո՛չ մի կասկած: Մարդկային մի ձայն պատասխանում էր Կոնսելին: Արդյոք պատասխանողը որևէ մի դժբախտ մա՞րդ էր, որ կորել էր անսահման օվկիանոսում, նավի ցնցման զոհ դառել մեզ նման: Կամ գուցե խավարում աննկատելի մակույկի՞ց էին մեզ ձայն տալիս:

Կոնսելը սոսկալի շափով լարեց ուժերը և հենվելով իմ ուսին,— ես էլ դրա համար լարեցի վերջին ուժերս,— կիսով չափ դուրս եկավ ջրից, սակայն ուժասպառ եղավ ու էլի վայր ընկավ:

— Ի՞նչ տեսար:

— Ես տեսա... — շշնջաց նա,— տեսա... բայց ավելի լավ է լռենք, խնայենք մեր ուժերը...

Ի՞նչ տեսավ նա: Չգիտեմ ինչու, բայց այդ բոլորին միտքս եկավ հրեշը...

Կոնսելը շարունակում էր առաջ մղել ինձ: Երբեմն նա բարձրացնում էր գլուխը և կանչում ինչ-որ մեկին: Նրան անմիջապես պատասխանում էր մի ձայն, որ հետզհետե մեղ էր մոտենում: Բայց ես արդեն լավ շէի լսում: Բոլորովին ուժասպառ էի եղել: Մատներս թուլացել էին: Չէի կարողանում հենվել ձեռներիս: Աղի ջուրը լցվում էր ջղաձողորեն բացվող բերանս: Ցուրտը մինչև ոսկորներս էր թափանցում: Ես վերջին անգամ բարձրացրի գլուխս, որպեսզի հրաժեշտ տամ կյանքին...

Այդ վայրկյանին ես զգացի ինչ-որ մի կարծր մարմին: Բռնեցի դրանից: Հետո զգացի, որ ինձ դուրս են քաշում ջրից, որ կուրծքս շնչում է ազատ, և կորցրի գիտակցությունս:

Ինչպես երևում է, ինձ խնամող կար, որովհետև շուտով ուշքի եկա:

Աչքերս կիսով շափ բաց արի:

— Կոնսել—շնչացի ես:

— Պարոնը կանչո՞ւմ է ինձ,— իսկույն արձագանքեց Կոնսելը:

Այդ վայրկյանին, հորիզոնում թաքնվող լուսնի վերջին լույսի տակ ես տեսա մի դեմք: Այդ Կոնսելը շէր, այլ մի ուրիշը, որ լավ ծանոթ էր ինձ:

— Նե՛ղ,— բացականչեցի ես:

— Հենց նա է որ կա, պարոն պրոֆեսոր: Ինչպես տեսնում եք, աշխատում եմ ստանալ իմ պարգևը,— պատասխանեց կանադացին:

— Նավի ցնցման ժամանակ դուք ծո՞վն ընկաք:

— Այո, պարոն պրոֆեսոր, միայն թե իմ գործն ավելի լավ գնաց, քան ձերը,— ես համարյա անմիջապես ընկա լողուն մի կղզյակի վրա:

— Կղզյակի՞:

— Այո, կամ ավելի ճիշտ՝ ձեր վիթխարի միաժանու՞ւ վրա:

— Պարզ խոսեք, Նեղ:

— Եվ միայն այստեղ ես հասկացա,— շարունակեց կանադացին,— թե ինչու իմ եռաժանին շխոցեց նրա մաշկը, այլ առհեղով անցավ նրա վրայից:

— Ինչո՞ւ, Նեղ, ինչո՞ւ:

— Որովհետև, պարոն պրոֆեսոր, այդ կենդանին ծածկված է պողպատյա սալերով:

Կանադացու խոսքերը հանկարծակի, հեղաշրջում առաջ բերին իմ մտքերի մեջ:

Ես արագ վեր կացա և ուղիղ կանգնեցի կիսով շափ ջրասույզ եղած արարածի մեջքին, կամ այն առարկայի վրա, ուր մենք ապաստան էինք գտել:

Ոտս խփելով այդ առարկային, ես համոզվեցի, որ նա անխոցելի է ու կարծր, և ոչ թե պիրկ ու փափուկ, ինչպես լինում է խոշոր կաթնասունների մարմինը:

Մի քանի վայրկյան ես մտածեցի, որ մենք գտնվում էինք ոսկրաշատ գանգի վրա, որը նման է անդրջրհեղեղյան կենդանիների գանգերին: Այս դեպքում պետք էր հրեշին դասել երկկենցաղ սողունների շարքը, ինչպես, օրինակ, կրիաներին և ալիգատորներին:

Բայց ոչ: Նրա սև մեջքը, որի վրա ես կանգնած էի, հարթ էր ու հղկված և ոչ թե թեփուկապատ: Խփելիս նա մետաղի ձայն էր հանում և որքան էլ այդ անհավանական թվա, նա կարծես պողպատյա թերթերից էր կազմված: Այլևս կասկածից դուրս էր, որ այն կենդանին, հրեշը, բնական ֆենոմենը, որի գաղտնիքը հուզել էր ամբողջ գիտական աշխարհը և ցնցել երկու կիսագնդերի ծովագնացների երևակայությունը, դուրս եկավ ավելի դարմանալի ֆենոմեն, որ ստեղծված էր մարդու ձեռքով: Այդ մենք տեսնում էինք մեր սեփական աչքերով:

Եթե ես հայտնաբերեի ամենաարտառոց, ուղղակի առապելական մի կենդանու գոյությունը, իմ զարմանքն ավելի մեծ և ավելի ցնցող չէր լինի, քան այժմ: Որ բնությունը հրաշքներ է ստեղծում, այդ բոլորովին զարմանալի չէ: Բայց հանկարծ տեսնել սեփական աչքերով, որ մարդը ստեղծել է հրաշք, գերբնական մի առարկա, ուղղակի գծվել կարելի է դրանից:

Այնուամենայնիվ կասկածել չէր կարելի: Մենք գտնվում էինք մի յուրահատուկ ստորջրյա նավի վրա, որ ըստ երևույթին իր ձևով նման էր վիթխարի, պողպատե ձկան: Նեղ կենդան

այդ մասին արդեն հաստատուն կարծիք էր կազմել: Ինձ և Կոնսելին մնում էր միանալ այդ կարծիքին:

— Սակայն այս դեպքում, — ասացի ես, — այդ նավը պետք է ունենա շարժիչ և ամեն տեսակ մեխանիզմներ, հետևապես պետք է լինեն նաև այդ մեխանիզմները կառավարող մարդիկ:

— Անշուշտ, — պատասխանեց Նեդ Լենդը, — բայց և այնպես, երեք ժամ գտնվելով այս լողացող կղզու վրա, ես կյանքի նշույլ անգամ չնկատեցի:

— Այս նավը չէ՞ր շարժվում:

— Ոչ, պրոֆեսոր: Նա օրորվում է ալիքների ուժով, բայց տեղից չի շարժվում:

— Սակայն մենք լավ գիտենք, որ նա կարող է շարժվել մեծ արագությամբ: Ու քանի որ դրա համար մեքենա և մարդիկ են հարկավոր, ես գտնում եմ, որ... մենք փրկված ենք:

— Հը՛մ, — թերահավատությամբ ասաց Նեդ Լենդը:

Այդ բոպեին, կարծես իմ խոսքերը հաստատելու համար, տարօրինակ նավի հետին կողմից լավեց ինչ-որ խլիխլոց ու նավը շարժվեց տեղից: Հստ երևույթին նա շարժվում էր ինչ-որ պտուտակի միջոցով: Մենք հազիվհազ մեզ պահեցինք ամենաբարձր տեղում՝ նավի առջևի մասում, որ ութսուն սանտիմետրի շափ բարձր էր ջրի մակերևույթից: Բարեբախտաբար նավն այնքան էլ արագ չէր ընթանում:

— Քանի դեռ նա լողում է հորիզոնական դիրքով, — քրթմնջաց Նեդ Լենդը, — ես առարկելու ոչինչ չունեմ: Բայց եթե նա ջրասույզ լինի, ես իմ կաշու համար երկու դուլար էլ չեմ տա:

Կանադացին կարող էր ավելի քիչ գնահատել իր կաշին: Ակներև էր, որ մենք պետք է անհապաղ հարաբերության մեջ մտնեինք այդ լողացող ապարատի ներսում գտնվող մարդկանց հետ, ովքեր էլ որ լինեին:

Ես սկսեցի մի որևէ անցք փնտրել նավի վրա... Սակայն պողպատյա թերթերն ամեն տեղ ամուր և միատեսակ ձուլված էին մեկմեկու:

Բացի դրանից, լուսինը մայր մտավ, և անթափանցելի խավարը ծածկեց ամեն ինչ: Այդ ստորջրյա նավի մեջ մտնելու համար հարկավոր էր սպասել մինչև լուսաբաց:



Այսպէս ուրեմն, մեր կյանքն ամբողջովին կախված էր նալի խորհրդավոր ղեկավարների քմահաճույքից: Եթէ նրանք ջրասույզ լինեն, մենք կորած ենք: Իսկ եթէ այդպէս չլինի, անկասկած մեզ կհաջողվի նրանց հետ հարաբերութեան մեջ մտնել: Եվ իսկապէս, եթէ նրանք նալի ներսում թթվածին չէին արտադրում, ուրեմն ժամանակ առ ժամանակ պետք է դուրս գային օդի պաշարը լրացնելու: Այստեղից հետևում էր, որ պետք է գոյութեան ունենար մի որևէ անցք, որով օդն անցներ նալի ներսը:

Մենք արդէն կորցրել էինք նավապետ Ֆարագուտի միջոցով փրկվելու հույսը: Մի ժամում տասներկու մղոն անցնելով, մենք գնում էինք դեպի արևմուտք: Պտուտակը համաշափ ճեղքում էր ջուրը ու երբեմն ջրի փայլուն սյուների շարտում դեպի վեր:

Առավոտյան ժամը մոտ շորսին նալի ընթացքն սրագացավ: Մեզ համար դժվար էր մնալ նալի վրա, մանավանդ, երբ ալիքները խփում էին մեզ: Բարեբախտաբար Նեդը ձեռքով շոշափելիս դտավ ինչ-որ մի օղակ, և մենք բոլորս բռնեցինք այդ օղակից:

Վերջապէս, անցավ այդ երկար ու ձիգ գիշերը: Այժմ ես շեմ կարող հիշողութեանս մեջ վերականգնել իմ բոլոր ապրումները, սակայն մի բան լավ եմ հիշում: Երբեմն, երբ հանդարտվում էին քամու աղմուկը և ալիքների երգը, ինձ թվում էր, թէ լսում եմ ինչ-որ երաժշտութեան ձայն, թրթռուն ակկորդներ և անավարտ մեղեդի:

Ի՞նչ գաղտնիք կար այդ ստորջրյա նավում: Ի՞նչ տարօրինակ արարածներ էին ապրում նրա մեջ: Այդ ի՞նչ շարժիչ էր, որի միջոցով այդչափ արագ էր ընթանում նավը:

Կուսացավ: Առավոտյան մշուշը պատեց մեզ, հետո շքացավ: Ես փորձեցի մանրամասն դիտել նալի այն մասերը, որ ջրից դուրս էին գտնվում, սակայն հանկարծ նա սկսեց ջրասույզ լինել:

— Հե՛յ, գրողը ձեզ տանի,— գոռաց Նեդ Լենդը և ինչքան ուժ ուներ, ոտով խփեց թնդացող մետաղին,— թողեք որ ներս գանք...

Սակայն նրա ձայնը կորավ պտուտակի հանած խլացուցիչ աղմուկում: Բարեբախտաբար նավն այլևս ջրասույզ չեղավ:

Հանկարծ նավի ներսից լավեց բացվող փականքների շրխկոց: Բացվեց ինչ-որ անցքի կափարիչը և այնտեղից դուրս նայեց մի մարդ: Նա ճշաց ու վայրկենապես շքացավ:

Մի քանի րոպեից հետո անցքից դուրս եկան ութ աժդառ հա մարդիկ: Առանց մի բառ արտասանելու նրանք մեզ տարան հանելուկային նավի ներսը:

## ԳԼՈՒԽ ՈՒԹԵՐՈՐԴ

### MOBILIS IN MOBILE<sup>1</sup>

Այդ գործողութունը կատարվեց կայծակի արագությամբ, այնպես որ, ոչ ես, ոչ էլ իմ ընկերները չկարողացանք նույնիսկ մի բառ ասել մեկմեկու: Չգիտեմ թե նրանք ինչ զգացին, երբ մտան այդ լողացող բանտը, բայց ես այդ ժամանակ ինչ-որ մի սարսուռ զգացի: Ո՞ւմ հետ գործ ունեինք: Անկասկած նոր տեսակի ծովահենների հետ:

Հենց որ մեր հետևից փակվեց անցքի փոքրիկ կափարիչը, մեր շուրջը բոլորովին խավարեց: Իմ աչքերը, որ ընտելացել էին ցերեկվա պայծառ լույսին, ոչինչ չէին տեսնում: Մերկ ոտներով ես կարողանում էի շոշափել երկաթի փոքրիկ սանդուղքը:

Ինձ հետևում էին Նեդ Լենդը և Կոնսելը, որոնք նույնպես շրջապատված էին պահակներով:

Սանդուղքի ներքևում գտնվում էր մի դուռ, որը բացվեց և իսկույն շրխկալով փակվեց մեր հետևից:

Մենք երեքով էինք: Ո՞րտեղ: Այդ ես չէի կարող ասել և նույնիսկ չէի կարող պատկերացնել: Մեր շուրջը խավար էր, այնքան խավար, որ այնտեղ երկար ժամանակ գտնվելուց հետո աչքերս լույսի ոչ մի նշույլ չէին տեսնում:

Մինչ այս մինչ այն, Նեդ Լենդը, որ զայրացել էր այդպիսի կոպիտ վարմունքից, սկսեց թափել իր բարկութունը:

<sup>1</sup> Շարժականը՝ շարժականի մեջ (լատ.):

— Գրո՛ղը տանի,— գոռաց նա,— ա՛յ քեզ մարդիկ, որոնք իրենց հյուրընկալութեամբ շեն զիջում կալեդոնիական վայրենիներից ամենավայրենիներին: Ո՞վ գիտե, գուցե և մարդակեր են սրանք: Այդ ինձ ամենևին չի զարմացնի... Բայց ես վաղօրոք հայտարարում եմ, որ ով փորձի ինձ ուտել, նա կիմանա, թե ինչ է իմ բոունցքը:

— Հանգստացեք, Նեդ, հանգստացեք,— սառնարյուն հորդորում էր Կոնսելը,— շարժե վաղօրոք տաքանալ: Կարծեմ դեռ մեզանից խորոված չեն անում:

— Համաձայն եմ, դեռ մեզանից խորոված չեն անում,— պատասխանեց կանադացին,— սակայն շշերն արդեն պատրաստում են, այո՛: Այստեղ բավականաչափ մութն է: Բարեբախտաբար դանակս մոտս է, և այն գործի դնելու համար ես այնքան էլ լույսի կարիք չեմ զգա: Այդ ավազակներից հենց առաջինը, ով ինձ ձեռք տա...

— Նեդ, մի աղմկեք,— ասացի ես,— և մի բարդացնեք մեր դրությունը... Ո՞վ գիտե, գուցե նրանք լսում են մեր ասածները: Ավելի լավ է փորձենք պարզել, թե որտեղ ենք գտնվում:

Ես զգուշութեամբ մի քանի քայլ արի և հանդիպեցի մի պատի, որ ծածկված էր երկաթյա շերտով: Այնուհետև շոշափելով գտա փայտյա մի սեղան, որի շուրջը մի քանի աթոռներ էին դրված: Մեր բանտի հատակին խսիր էր փռված, այնպես որ քայլերի ձայնը չէր լսվում: Ոչ լուսամուտ կար, ոչ էլ դուռ: Կոնսելը, որ պատը շոշափելով հակառակ կողմն էր գնացել, հանդիպեց ինձ, և մենք միասին վերադարձանք սենյակի մեջտեղը: Սենյակի երկարությունը քսան ոտնաչափ էր, լայնությունը՝ տասը: Բարձրությունը որոշել մենք չէինք կարող, որովհետև նույնիսկ Նեդ Լենդը, շնայելով իր բարձր հասակին, չէր կարողանում ձեռքն՝ սուստադին հասցնել:

Անցավ մոտ կես ժամ, սակայն դրությունը չէր փոխվում: Հանկարծ կուրացուցիչ ու պայծառ լույս վառվեց: Իր գունեղութեամբ այդ լույսը հիշեցնում էր հենց այն էլեկտրական փայլը, որ մենք նկատել էինք ստորջրյա նավի շուրջը: Առաջին վայրկյանում ես ակամա կկոցեցի աչքերս: Վերստին նա

յելով ես տեսա, որ լույսը տարածվում էր առաստաղին ամ-  
րացված ինչ-որ կիսագնդաձև լապտերից:

— Վերջապե՛ս, ամեն ինչ երևում է,— բացականչեց Նեդր:  
Նա կանգնել էր սլաշտպանողական դիրք բռնած, դանակը  
ձեռքին:

— Այո,— պատասխանեցի ես ու կատակով ավելացրի,—  
չի երևում միայն մի բան, թե ինչ կպատահի մեզ հետ:

— Պարոնին խորհուրդ եմ տալիս զինվել համբերու-  
թյամբ,— ասաց սառնասիրտ Կոնսելը:

Պայծառ լույսի շնորհիվ մենք կարողացանք մի լավ դի-  
տել մեր բանտը: Մի սեղան և հինգ աթոռ, ահա ամբողջ կա-  
հավորանքը: Գաղտնի դուռը փակված էր այնպես, որ հետքն  
էլ չէր երևում: Մենք ոչ մի ձայն չէինք լսում: Կարծես ամ-  
բողջ նավում գերեզմանային լուսթյուն էր տիրում: Ես չէի  
կարողանում որոշել, արդյոք նա կանգնա՞ծ է միևնույն տե-  
ղում, շարժվո՞ւմ է արդյոք, ջրասո՞ւյզ է եղել, թե՞ առաջվա  
պես լողում է ջրի երեսին:

Պարզ էր սակայն, որ էլեկտրական լապտերը վառվել էր  
ինչ-որ նպատակով: Ես չէի կասկածում, որ նավորդներից  
մեկն ու մեկն իսկույն կերևա,— հո իզուր չէի՞ն լուսավորել  
մեր սենյակը:

Ես շտապեցի: Շուտով լավեց հետ տարվող սողնակների  
ձայնը, դուռը բացվեց և ներս մտան երկու հոգի:

Նրանցից մեկը կարճահասակ էր, մկանոտ, լայնաթիկունք,  
մեծ գլխով, խճճված, սև մազերով, երկար բեխերով և խորազը-  
նին հայացքով: Նրա դեմքին երևում էր այն հարավային  
կայտառությունն ու աշխուժությունը, որ Ֆրանսիայում, օրի-  
նակ, հատուկ են պրովանսալցիներին:

Երկրորդ անձնավորությանը պետք է ավելի մանրամասն  
նկարագրել: Մեծ դիմագետների աշակերտը,— Գրասիոլեն կամ  
էնգելիան,— այդ մարդու դեմքին կկարդար նրա բնավորու-  
թյունը, ինչպես գրքում: Ես առանց տատանվելու որոշեցի  
նրա գլխավոր հատկությունները. ինքնավստահություն,— գլու-  
խը հպարտ, բարձր դիրք ուներ և սև աչքերը նայում էին սա-  
ռը վճռականությամբ. հանգստություն,— նրա մաշկի գունա-

տությունը սառնասրտություն էր ցույց տալիս. եռանդ,— այդ երևում էր հոնքավերևի մկանների արագ սեղմվելուց. վերջապես, համարձակություն,— այդ էլ երևում էր նրա զորեղ շրջառությունից, որը նաև կենսական ուժի մեծ պաշար էր դրսևորում: Ավելացնեմ և այն, որ այդ մարդը հպարտ էր, որ նրա անդորր ու հաստատուն հայացքը արտացոլում էր մտքների վեհություն և որ ընդհանրապես նրա դեմքը խորն անկեղծության տպավորություն էր գործում:

Հենց որ նա ներս մտավ, ես իսկույն ղգացի, որ կարելի է շանհանգստանալ մեր բախտի նկատմամբ և որ նրա հետ տեսնվելը բարեհաջող հետևանք կունենա մեզ համար:

Այդ մարդուն կարելի էր համարել երեսուն հինգից մինչև հիսուն տարեկան,— ես շկարողացա դրանից ավելի ճիշտ որոշել նրա հասակը: Նա բարձրահասակ էր, լայնաճակատ, ուղիղ քթով, համաշափ բերանով, հիանալի ատամներով, բարակ ու գեղեցիկ ձեռներով: Ընդհանրապես նա ներկայացնում էր տղամարդու գեղեցկության ամենակատարյալ օրինակ, ինչպիսին ես հազվագյուտ դեպքերում էի տեսել:

Չմոռանամ նաև նրա դեմքի մի յուրահատուկ, աչքի ընկնող կողմը. լայնադիր աչքերը մի հայացքով կարող էին ընդգրկել հորիզոնի առնվազն քառորդ մասը: Այս հատկությունը, ինչպես ես հետո իմացա, լրանում էր սուր տեսողությամբ,— նա ավելի սրատես էր, քան Նեդ Լենդը:

Երբ այդ անծանոթը հայացքը հառում էր որևէ առարկայի, նրա հոնքերը մթնում էին, կոպերը մոտենում իրար՝ սահմանափակելով տեսողության դաշտը, և նրա հայացքը խորը թափանցում էր իր դիտած առարկայի մեջ: Ինչպիսի՛ հայացք: Նա մեծացնում էր հեռավոր առարկաները, խորանում մեր ուղեղի ամենամեծ գաղտնիքներում, թափանցում ջրերի մեջ ու կարդում ծովի խորքերում գոյություն ունեցող կյանքի մասին, ինչպես գրքում:

Երկու անծանոթները ծածկել էին ջրասամույրի մորթուց կարած գդակներ, հագել փոկի կաշուց պատրաստված երկարաճիտ, ծովային կոշիկներ: Նրանց կոստյումները շգիտեմ ինչ կտորից էին, բայց հարմար էին, գեղեցիկ, շէին խանգարում մարմնի շարժումները:



Բարձրահասակ մարդը, որ ըստ երևույթին պետն էր, մեծագույն ուշադրութեամբ նայեց մեզ, բայց ոչ մի բառ չասաց: Ապա դառնալով դեպի իր ուղեկիցը, նա խոսեց մի լեզվով, որն անժանոթ էր ինձ: Այդ մի հնչեղ, ճկուն, սահուն լեզու էր, որ հարուստ էր ձայնավորներով ու կայտառ շեշտերով:

Մյուսը գլխով նշան արավ և իր հերթին երկու-երեք նույնքան անհասկանալի բառեր արտասանեց:

Այնուհետև պետը նայեց ինձ, կարծես ուղում էր ինչ-որ հարց տալ:

Ես մաքուր ֆրանսերենով պատասխանեցի, թե չեմ հասկանում նրա հարցը: Սակայն նա էլ ըստ երևույթին շհասկացավ ինձ: Դժվար դրութիւն էր ստեղծվում:

— Պարոնին խորհուրդ եմ տալիս պատմել մեզ հետ պատահածը, գուցե սրանք որևէ բան հասկանան,— ասաց Կոնսելը:

Ես հետևեցի այդ խորհրդին, պատմեցի մեր գլխով անցածը, շեշտելով յուրաքանչյուր բառը և բաց շթողնելով ոչ մի մանրամասնութիւն: Վերջում ես թվեցի մեր անուններն ու կոչումը քաղաքավարութեան բոլոր կանոնների համաձայն, անժանոթներին ներկայացրի պրոֆեսոր Արոնաքսին, նրա սպասավոր Կոնսելին և եռաժանի նկատելու գործում վաստակավոր վարպետ Նեդ Լենդին:

Նա, որ ուներ իւրը և բարի աչքեր, քաղաքավարի և ուշադրութեամբ լսում էր ինձ: Սակայն նրա դեմքը ոչինչ չէր արտահայտում, չկար որևէ նշան, թե նա գեթ մի բառ է հասկացել իմ ասածներից:

Մնում էր դիմել անգլերենի օգնութեան: Թերևս այդ լեզուն, որ համարյա միջազգային է, ավելի հեշտ հասկացվի: Անգլերեն, ինչպես և գերմաներեն, ես գիտեի այնքան, որ կարողանում էի կարդալ առանց բառարանի, բայց ազատ խոսել չէի կարող: Մինչդեռ այստեղ հարկավոր էր հնարավորին շափ լավ խոսել:

— Այժմ հերթը ձերն է,— ասացի ես Նեդ Լենդին,— սկսեցեք, մեջտեղ բերեք ձեր անգլիական նուրբ լեզուն և աշխատեցեք ավելի լավ արդյունքի հասնել, քան ես:



Նեղը երկար սպասեցնել շտվեց և անգլերենով կրկնեց իմ ասածները: Ավելի ճիշտ՝ նա հայտնեց իմ ասածների էությունը, սակայն բոլորովին այլ ձևով: Կանադացին խոսում էր բավական տաքացած: Նա կտրականապես բողոքում էր մեր վերաբերմամբ կատարված բռնության դեմ, որը, ինչպես նա արտահայտվեց, հակասում է մարդկային իրավունքներին: Հարցնում էր, թե ի՞նչ օրենքի հիման վրա են մեզ բանտարկել այս սենյակում, դատարանով սպառնում էր նրանց, ովքեր իրեն զրկել էին ազատությունից, ձեռներով զանազան շարժումներ էր անում, գոռում և վերջիվերջո հասկացրեց, որ մենք մեռնում ենք սովից:

Այդ միանգամայն ճիշտ էր, սակայն մենք գրեթե մոռացել էինք դրա մասին:

Շուաժանու վարպետը մեծ զարմանքով համոզվեց, որ իր ճառը նույնքան քիչ էր հասկացվել, որքան և իմը: Մեզ այցելողներն իսկի աչքերն էլ շթարթեցին: Ակներև էր, որ նրանք Ֆարադեյի լեզուն գիտեին այնքան, որքան և Արագոյի լեզուն:

Անհաջողությունից շփոթված, սպառելով իմ լեզվագիտական պաշարը, ես շգիտեի ինչ անել: Այդ ժամանակ Կոնսելը դիմեց ինձ:

— Եթե պարոնը թույլ կտա, ես միեկնույն բանը կպատմեմ գերմաներեն:

— Ինչպե՛ս, դու խոսո՞ւմ ես գերմաներեն, — զարմացած հարցրի ես:

— Ինչպես ամեն մի ֆլամանդցի, եթե պարոնին հաճելի է գիտենալ այդ:

— Հաճելի է, հաճելի է, Կոնսել: Շուտ արա, խոսի՛ր:

Ու Կոնսելը բոլորովին հանգիստ կրկնեց մեր արկածներին վերաբերող պատմությունը: Սակայն, շնայելով պատմելու նուրբ ձևերին և հոետորական ճարտարության, գերմաներեն լեզուն էլ հաջողություն չունեցավ:

Վերջապես, երկար մտածելուց հետո ես կարողացա վերհիշել դպրոցական օրերը և նույն պատմությունը սկսեցի լատիներենով: Եթե Ցիցերոնն ինձ լսեր, կփակեր ականջներն ու

ինձ կքշեր խոհանոց, բայց և այնպես, ես կարողացա վերջացնել ճառս:

Նորից նույն անբավարար հետևանքը:

Իմ վերջին անհաջող փորձից հետո անժանոթները մի քանի բառ փոխանակեցին իրենց լեզվով, որ անհասկանալի էր մեզ, ապա հեռացան, առանց մեզ պատասխանելու հանգրտացուցիչ ժեստով, որը միատեսակ է բոլոր երկրներում ու բոլոր ժողովուրդների մեջ:

Դուրս գալով, նրանք փակեցին դուռը:

— Սա ստորություն է,— գոռաց Նեդ Լենդը, որ արդեն քսաներորդ անգամ թափում էր իր զայրույթը,— ինչպե՛ս, նրանց հետ, այդ անկիրթների հետ խոսենք Ֆրանսերեն, անգլերեն, գերմաներեն, լատիներեն, և ոչ մեկը ոչ մի բառով չպատասխանի՞:

— Հանգստացեք, Նեդ,— ասացի ես եռաժանու վարպետին,— բարկությունից բան դուրս չի գա:

— Բայց դուք հասկանո՞ւմ եք, պրոֆեսոր,— պատասխանեց հուզված կանադացին,— հասկանո՞ւմ եք, որ այս երկաթե վանդակում մենք սովամահ կլինենք:

— Հը՛մ,— առարկեց Կոնսելը փիլիսոփայի հանգստությամբ,— դա այնքան էլ շուտ չի լինի:

— Բարեկամներս,— ասացի ես,— չպետք է հուսահատվել: Մենք ավելի մեծ փորձանքներ ենք տեսել: Բարի եղեք այդքան շուտ շդատափետել այս նավի պետին և մյուս նավորդներին: Մենք դեռ ժամանակ կունենանք նրանց մասին կարծիք կազմելու:

— Ես արդեն վերջնականապես կարծիք եմ կազմել,— հայտարարեց Նեդը,— դրանք սրիկաներ են:

— Կավ, բայց որտեղացի՞ են,— հանգիստ տոնով հարցրեց Կոնսելը:

— Սրիկաների երկրից:

— Սիրելի Նեդ, այդ երկիրը բավանակաչափ պարզ չի գծված աշխարհագրական քարտեզի վրա, ուստի խոստովանում եմ, որ ինձ համար դժվար է որոշել այդ մարդկանց ազգությունը: Կարելի է միայն համոզված ասել, որ նրանք ոչ անգլիացիներ են, ոչ էլ Ֆրանսիացիներ ու գերմանացիներ: Ես

այսպիսի տպավորութիւն ստացա, պետք և նրա ուղեկիցը ծնվել են մի երկրում, որը դառնվում է լայնութեան ցածր աստիճանների տակ, նրանց արտաքինի մեջ ինչ-որ հարավային բան կա: Սակայն նրանց ցեղային առանձնահատկութիւններն այնքան սլարդ չեն արտահայտված, որպեսզի հնարավոր լինի վատահութեամբ ասել, թե ովքեր են նրանք,— իսպանացիներ՝, թուրքեր՝, արաբներ՝, թե՛ հնդիկներ: Նրանց լեզուն բոլորովին անծանոթ է ինձ:

— Ահա թե որքան վատ բան է բոլոր լեզուները շղիտենալը,— ասաց Կոնսելը,— ինչքան լավ կլիներ, եթե գոյութիւն ունենար միջազգային մի լեզու:

— Դրանից ոչինչ չէր դուրս գա,— առարկեց Նեդ Լենդը,— մի՞թե դուք չեք տեսնում, որ սրանք ունեն իրենց լեզուն, իսկ ինչի՞ համար է հնարած այդ լեզուն՝ ուտելիք խնդրող մարդկանց հոգին հանելու համար: Ամբողջ աշխարհում, բոլոր երկրներում մարդիկ հասկանում են, թե ինչ է նշանակում բացված բերանը, ճքճքացող ատամները, շարժվող ծնոտները: Կվեբեկում, Փարիզում, Պառլամտոյում, հակոտնյաների՝ մեջ,— ամենուրեք այդ բոլորը միայն մի նշանակութիւն ունի՝ ես քաղցած եմ, ուտելու բան տվեք:

— Հը՛մ,— հանգիստ արձագանքեց Կոնսելը,— կա՛ն այդպիսի անհասկացուլ մարդիկ...

Այդ ժամանակ դուռը բացվեց ու ներս մտավ սպասավորը: Նա մեղ համար հագուստեղեն էր բերել,— բաճկոն և շալվար, որոնք կարված էին ինձ անծանոթ՝ ինչ-որ գործվածքից: Ես շտապեցի հագնվել: Ընկերներս հետևեցին իմ օրինակին:

Այդ նույն ժամանակ սպասավորը, որ համր էր, գուցե և խուլ, մեզ համար սեղան պատրաստեց:

— Այ քեզ լավ բան,— ուրախացավ Կոնսելը,— չէ, գործը լավ է գնում:

— Տեսնե՛նք,— քրթմնջաց հիշաշար Նեդը,— երևակայում եմ, թե այստեղ ինչով են կերակրում,— երևի ձողաձկան լյարդով, պերկեսի սուկիով կամ ծովաշան մսից պատրաստված բիֆշտեքսով:

<sup>1</sup> Հակոտնյաներ — երկրագնդի հակադիր կետերում բնակվողներ:

— Շուտով մենք այդ կիմանանք,— պատասխանեց Կոնսելը:

Ափսեները ծածկված էին կափարիչներով ու համառափ դասավորված սփռոցի վրա: Մենք սեղան նստեցինք: Կասկած չկար, որ մենք գտնվում էինք քաղաքակիրթ մարդկանց մեջ, և եթե շիներ էլեկտրական լուսավորությունը, կարելի էր կարծել, որ մենք գտնվում ենք կիվերպուլի Ադելֆի հյուրանոցի ճաշարանում կամ Փարիզի Գրանդ-օթելում:

Սակայն հարկավոր է հիշատակել, որ հաց և գինի բոլորովին չկար: Զուրը թարմ էր ու հստակ, բայց այդ միայն ջուր էր, որ խիստ տխրեցրեց նեղին:

Սեղանի վրա գտնվող ուտելեղենների թվում կային ձրկնեղեն կերակուրներ, որոնք շատ լավ էին պատրաստված: Իսկ մյուս կերակուրները: Արդյոք մսեղեն էին, թե՞ բուսեղեն,— այդ ես չէի կարող տեսլ:

Ճաշի ամանները շափազանց նուրբ էին ու գեղեցիկ: Յուրաքանչյուր գդալի, սլատառաքաղի, ափսեի, անձեռոցի և այլ իրերի վրա գրված էր հետևյալը.

*Mobilis in mobile*  
N

Շարժականը շարժական միջավայրո՛ւմ,— այս նշանաբանը միանգամայն հարմար էր ստորջրյա նավին: «N» տառն ըստ երևույթին ստորջրյա նավի հանելուկային պետի անվան սկզբնատառն էր:

Նեղ կենդր և Կոնսելը մտքերով չէին ծանրաբեռնում իրենց: Նրանք ուտում էին ագահությամբ: Շուտով ես էլ հետևեցի նրանց օրինակին: Հիմա մեր դրությունն ինձ չէր անհանգստացնում: Ինձ համար պարզ էր, որ նավի տերերը մեզ քաղցած չեն թողնի:

Սակայն այս աշխարհում անցնում է ամեն ինչ, նույնիսկ քաղցը այն մարդկանց, որոնք տասնհինգ ժամ ոչինչ չեն կերել: Մի լա՛վ կշտանալով, մենք զգացինք, որ քունը հաղթա-

հարում է մեզ: Այդ միանգամայն բնական էր, քանի որ ամբողջ գիշերը մենք մաքառել էինք մահվան դեմ և խիստ հոգնել:

— Հը՛մ, ես հաճույքով կքնեի,— ասաց Կոնսելը:

— Ես արդեն քնում եմ,— հայտարարեց Նեդ Լենդը: Իմ ուղեկիցները մեկնվեցին հատակին փռված խսիրի վրա և անմիջապես խոր քուն մտան:

Ես չէի կարող այդքան շուտ քնել: Չափազանց շատ մրտքեր էին պաշարել ուղեղս, շափազանց շատ, դեռ չլուծված խնդիրներ էին հուզում ինձ և բազմաթիվ դեմքեր պատկերանում իմ առաջ: Երկար ժամանակ չէի կարողանում փակել աչքերս: Ո՞րտեղ էինք մենք գտնվում: Ի՞նչ տարօրինակ ուժ էր իշխում մեզ վրա: Ես զգում էի, ավելի ճիշտ ինձ թվում էր, որ զգում էի, թե նավը սուզվում է օվկիանոսի խորքերը: Մրդաձավանջները հալածում էին ինձ: Այդ խորհրդավոր անդունդներում, իմ աչքի առջև երևում էր անհայտ կենդանիների մի ամբողջ աշխարհ, կենդանիներ, որոնք կարծես հարազատ էին այդ ստորջրյա նավին, նրա պես վիթխարի էին, նրա պես արագաշարժ և ուժեղ:

Բայց շուտով այդ պատկերներն աղոտացան, ուղեղս ընկղմվեց նիրհի մշուշի մեջ, ու ես քնեցի:

## ԳԼՈՒԽ ԻՆՆԵՐՈՐԴ

### ՆԵՒ ԼԵՆԴԸ ՎՐԳՈՎՎԱԾ Է

Զգիտեմ որքան տևեց իմ քունը: Սակայն, ըստ երևույթին երկար էի քնել, որովհետև արթնանալով, ինձ զգացի բոլորովին թարմացած ու կայտառ:

Առաջինը ես արթնացա: Իմ ընկերները դեռ խորը քնած էին:

Վեր կենալով իմ բավականաչափ կոշտ տեղից, զգալով, որ ուղեղս հանգստացել է ու վերստին ընդունակ է կանոնավոր աշխատելու, ես ամենից առաջ զբաղվեցի մեր նավասենյակի ամենաուշադիր ուսումնասիրությամբ:

Մեր քնած ժամանակ այնտեղ ոչինչ չէր փոխվել: Բանտը մնացել էր բանտ և կալանավորները—կալանավորներ: Սպասավորը կամացուկ հավաքել էր սեղանը: Այսպիսով շկար մեր բախտի փոփոխութեան որևէ նշան, ու ես անհանգստացած հարցնում էի ինձ, թե արդյոք մենք մշտապես չե՞նք արգելափակվել այդ վանդակում:

Այդ հեռանկարն ինձ մռայլ թվաց, մանավանդ որ թեև ուղեղս ազատվել էր երեկվա մղձավանջներից, բայց կուրծքս ինչ-որ բան էր ճնշում: Դժվար էր շնչել: Խեղդուկ օդը խանգարում էր թոքերիս նորմալ աշխատանքը: Չնայելով, որ նավասենյակը փոքր չէր, մենք ըստ երևույթին արդեն կլանել էինք օդում եղած թթվածնի մեծ մասը: Հիրավի, մի ժամում մարդու շնչառութեան համար այնքան թթվածին է ծախսվում, որքան պարունակվում է հարյուր լիտր օդում: Եվ այդ օդը, հավասարաչափ քանակութեամբ ածխածինով հագեցած, անսկսք է լինում շնչառութեան համար:

Այսպիսով հարկավոր էր շտապ կարգով թարմացնել մեր բանտի, գուցե և ամբողջ ստորջրյա նավի օդը:

Հարց էր ծագում, թե նման դեպքերում ի՞նչ է անում ստորջրյա նավի հրամանատարը: Արդյոք նա քիմիական միջոցով է թթվածին ստանում, շիկացնելով բերտուլետյան աղը: Այս դեպքում նա իհարկե պետք է կապ պահի ցամաքի հետ, որպեսզի լրացնի աղի սպառարը: Գուցե նա բավականանում է նրանով, որ օդը խտացնում է հատուկ տեղերում և ապա օդատագործում է հետզհետե: Կարող է և այդպես լինել: Գուցե, վերջապես, յուրաքանչյուր քսանչորս ժամը մեկ անդամ նա դուրս է գալիս նավից և օդի սպառար է վերցնում:

Բայց այդ միջոցներից որն էլ որ նա գործադրելիս լիներ, իմ կարծիքով ժամանակն էր թարմացնել մեր բանտի օդը:

Ես արդեն ստիպված էի երկու անգամ ավելի արագ շնչել, որպեսզի ներշնչեի թոքերիս համար անհրաժեշտ օդը: Հանկարծ նավասենյակը լցվեց թարմ օդի մի հոսանք, որից աղի հոտ էր գալիս: Այդ ծովային քամի էր, որը զովացուցիչ էր ու յոդով հագեցված: Ես լայն բաց արի բերանս և ազահութեամբ կլանում էի օդը: Այդ նույն րոպեին նավը սկսեց օրորվել, ճիշտ է, ոչ ուժեղ, սակայն բավականաչափ զգալի: Պարզ



էր, որ ստորջրյա նաւը, այդ երկաթե հրեշը կետի նման բարձրացել էր օվկիանոսի մակերևույթը, որպեսզի մաքուր օդ վերցնէր:

Այսպիսով միանգամայն պարզվեց, թե նավում ինչպես է տեղի ունենում օդափոխութիւնը:

Մի լավ ծծելով օդը, ես սկսեցի փնտրել այն անցքը, որտեղից ներս էր լցվել կենսապարար գազը: Առանց դժվարութեան ես գտա այդ անցքը, որ գտնվում էր դուռնի վերևում:

Հենց այդ բոպեին նեղը և Կոնսելը գրեթե միաժամանակ արթնացան: Նրանք տրորեցին աչքերը, ձգվեցին ու վեր կացան:

— Ինչպե՞ս քնեց պարոնը, — հարցրեց Կոնսելն իր սովորական քաղաքավարութեամբ:

— Շատ լավ, սիրելիս, — պատասխանեցի ես, — իսկ դո՞ւք, նեղ:

— Մեռածի պես էի քնել, պարոն պրոֆեսոր: Այս ի՞նչ է կարծես ծովի շունչն եմ զգում:

Ես պատմեցի կանադացուն, թե ինչ էր կատարվել նրա քնած ժամանակ:

— Այդպե՞ս, — ասաց նա, — դրանով հրաշալի բացատրվում է այն տարօրինակ բառաշոյրը, որ մենք լսեցինք այն ժամանակ, երբ «միաժանին» երևում էր «Աբրահամ Լինկոլնից»:

— Ճիշտ է, նեղ, այդ նա էր «շնչում»:

— Գիտե՞ք ինչ, պարոն պրոֆեսոր, ես ոչ մի կերպ չեմ կարողանում պատկերացնել, թե ժամը քանիսն է հիմա: Ճաշելու ժամանակը չէ՞ արդյոք:

— Ճաշելու ժամանակը: Երևի դուք ուզում էիք նախաճաշի մասին հարցնել, նեղ, չէ՞ որ մի ամբողջ օր ու գիշեր մենք քնած ենք եղել:

— Չեմ վիճի ձեզ հետ, — պատասխանեց նեղ կենդը, — սակայն ես գրկաբաց կընդունեմ սպասավորին, ինչ էլ որ նա բերի, ճաշ, թե նախաճաշ:

— Մանավանդ եթե նա բերի թե մեկը և թե մյուսը, — ավելացրեց Կոնսելը:

— Ճիշտ է, — ասաց կանադացին, — մենք իրավունք ու-

նենք ստանալու թե մեկը և թե մյուսը: Անձամբ ես դեմ չեմ  
սլատվով ընդունելու թե նախաճաշը և թե ճաշը:

— Կսպասենք, Նեդ,— ասացի ես,— պարզ է, որ այդ  
մարդիկ մտադիր չեն մեզ քաղցած թողնել, այլապես ինչո՞ւ  
պետք է երեկ ճաշ տային:

— Գուցե նրանք ուզում են մեզ կերակրել, շաղացնել հե-  
տո մորթել,— առարկեց Նեդը:

— Ո՛չ, Նեդ, արդարացի եղեք: Մի՞թե իսկապես դուք  
կարծում եք, որ մենք սովորական մարդակերների ճանկն  
ենք ընկել:

— Մի անգամ մարդ ուտելը սովորությունն չէ,— լուրջ պա-  
տասխանեց կանադացին,— ո՞վ գիտե, գուցե այդ մարդիկ  
վաղուց թարմ միս չեն կերել... Իսկ այդ դեպքում երեք ա-  
ռողջ, լավ կազմվածքով և գիրուկ մարդ, ինչպես սլարոն պրո-  
ֆեսորն է, նրա սպասավորն ու ես...

— Բավական է, Նեդ,— ընդհատեցի ես կանադացուն,—  
հրաժարվեցեք այդ մտքերից: Գլխավորը՝ չլինի թե այդպես  
խոսեք մեր տերերի հետ, դրանով կարող է վատթարանալ մեր  
դրությունը:

— Ինչեիցե,— ասաց Նեդ Լենդը,— բայց ես քաղցած եմ  
շան պես, իսկ մեզ նախաճաշ կամ ճաշ չեն բերում:

— Սիրելի Նեդ, մենք պետք է ենթարկվենք այստեղ գոյու-  
թյուն ունեցող կարգերին: Ես կարծում եմ, որ մեր ստամոքս-  
ներն ավելի են շտապում, քան նավի խոհարարի ժամա-  
ցույցը:

— Ի՛նչ արած,— ստամոքսներիս սլաքը հետ կտանենք և  
ամեն ինչ կարգին կլինի,— հանգիստ ասաց Կոնսելը:

— Դրանով էլ ճանաչիր քեզ, Կոնսել,— ասաց անհամբեր  
կանադացին,— դուք, ինչպես միշտ, պահպանում եք ձեր ջղե-  
րը: Ի՛նչ հանգիստ մարդ եք եղել: Դուք պատրաստ եք ավելի  
շուտ քաղցից մեռնելու, քան բողոքելու:

— Բողոքելս ո՞րն է: Միևնույն է, դրանից բան չի դուրս գա:

— Ինչպե՛ս թե բան չի դուրս գա: Չէ՞ որ հենց միայն բո-  
ղոքը թեթևացնում է մարդու սիրտը: Իսկ եթե այդ ծովահեն-  
ները,— ես նրանց ծովահեններ եմ անվանում միմիայն պա-

րոն պրոֆեսորին հարգելու համար, որն արգելում է նրանց մարդակեր անվանել, — եթե, ասում եմ, այդ ծովահենները կարծում են, որ ես լոռեթյամբ թույլ կտամ պահել ինձ այս որջում, ուր ես շնչասպառ եմ լինում, և նույնիսկ շեմ ծանոթացնի նրանց իմ հայհոյանքների ռեպերտուարի հետ, ապա նրանք շարաշար սխալվում են: Կսեցեք, պարոն պրոֆեսոր, ասացեք անկեղծությամբ, ձեր կարծիքով նրանք մեզ երկա՞ր պիտի պահեն այս վանդակում:

— Ճիշտն ասած, Նեդ, ես այդ մասին գիտեմ այնքան, որքան և դուք:

— Բայց այդ առթիվ դուք ի՞նչ եք մտածում:

— Ես մտածում եմ, որ մենք պատահամբ իմացել ենք մի կարևոր գաղտնիք: Եթե ստորջրյա նավի անձնակազմը շահագրգռված է այդ գաղտնիքի պահպանությամբ, և այդ շահագրգռվածությունն ավելի կարևոր է, քան երեք մարդու կյանքը, ապա մեզ լուրջ վտանգ է սպառնում: Հակառակ դեպքում այս «հրեշը», որ կլանել է մեզ հենց առաջին հարմար դեպքում կվերադարձնի այն աշխարհը, որտեղ մեզ նման մարդիկ են բնակվում:

— Կամ թե չէ մեզ կընդունեն նավախումբը, — ավելացրեց Կոնսելը, — և կթողնեն այստեղ...

— Այնքան ժամանակ, — վերջացրեց նրա նախադասությունը Նեդ Լենդը, — մինչև որ «Աբրահամ Լինկոլնից» ավելի արագընթաց և ավելի զորեղ մի մարտանավ կգրավի այս ավազակային բունը և ամբողջ նավակազմը մեզ հետ միասին կբարձրացնի միջնակայմի ծայրը:

— Խելացի դիտողություն ես անում Նեդ, — ասացի ես, — սակայն, որքան հայտնի է ինձ, նման առաջարկներ առայժմ մեզ ոչ ոք չի արել: Այս պատճառով շարժե քննարկել թե տվյալ դեպքում մենք ինչպես պիտի վարվենք: Կրկնում եմ, զինվե՛նք համբերությամբ, սպասենք, հաշվի առնենք հանգամանքները և առայժմ ոչինչ շանենք, որովհետև միևնույն է, ոչինչ չենք կարող անել:

— Ընդհակառակը, — առարկեց համառ կանադացին, որ շէր ուզում պարտվել, — անհրաժեշտ է որևէ քայլ անել:

— Բայց ի՞նչ քայլ, Նեդ:

— Ազատվե՛լ:

— Խավար բանտից փախչել շափաղանց դժվար է, իսկ ստորջրյա բանտից փրկվելը բոլորովին անկարելի,— առարկեցի ես:

— Հը՛, սիրելի Նեդ,— ասաց Կոնսելը,— ի՞նչ կարող եք պատասխանել պարոնի դիտողութեան: Ես գիտեմ, որ ամերիկացիք խոսքի տակ շեն մնա:

Նեդ կենդր լռում էր շփոթված: Այն պայմաններում, որոնց մեջ մենք գտնվում էինք, իրոք որ անկարելի էր փախչել: Սակայն կանադացին կիսով շափ ֆրանսիացի է: Նեդ կենդն այդ ապացուցեց իր պատասխանով:

— Պարոն պրոֆեսոր,— ասաց նա մի քանի րոպե մտածելուց հետո,— դուք շգիտե՞ք թե ինչ պետք է անեն այն մարդիկ, որոնք շեն կարող փախչել բանտից:

— Ոչ, բարեկամս:

— Բայց շէ՞ որ դա պարզ է միանդամայն: Նրանք հարմարվում են այնպես, որ բանտում մնալը հաճելի լինի...

— Իհարկե,— ասաց Կոնսելը,— ավելի լավ է գտնվել ստորջրյա բանտի մեջ, քան նրա տակը կամ վրան:

— Սակայն հարկավոր է վաղօրոք դուրս շարտել բանտապահներին, դռնապաններին ու պահապաններին,— ավելացրեց Նեդ կենդր:

— Ի՞նչ եք ասում, Նեդ, մի՞թե դուք լուրջ մտածում եք տիրանալ այս նավին:

— Բոլորովին լուրջ,— պատասխանեց կանադացին:

— Այդ անկարելի է:

— Ինչո՞ւ, պրոֆեսոր: Կարելի է, եթե դրա համար հարմար առիթ լինի: Եվ ինչո՞ւ չօգտվել այդպիսի առիթից: Իմ կարծիքով այս նավում քսան հոգուց ավելի շեն լինի: Այդքան մարդիկ շեն կարող հաղթահարել երկու ֆրանսիացու և մեկ կանադացու:

Ավելի լավ էր լռութեան մատնել կանադացու առաջարկը, քան թե վեճի բռնվել նրա հետ: Ուստի ես սահմանափակվեցի հետևյալ խոսքերով.

— Սպասենք այդ առիթին, Նեդ, հետո կտեսնենք: Իսկ մինչ այդ խնդրում եմ զսպել ձեր անհամբերութիւնը: Այս-

տեղ կարելի է գործել միայն խորամանկությամբ, իսկ ձեր տաքարյուն լինելն այնքան էլ չի նպաստում հարմար առիթի երևան գալուն: Խոստացեք համբերությամբ և առանց բարկանալու սպասել այդ առիթին:

— Ես այդ խոստանում եմ ձեզ, պարոն պրոֆեսոր, — պատասխանեց Նեդ Լենդը ոչ այնքան վստահ ձայնով, — դուք ինձանից ոչ մի կոպիտ խոսք չեք լսի, ոչ մի կտրուկ ժեստ չեք տեսնի, — եթե նույնիսկ մեզ ուտելիք չմատուցվի այնպես, ինչպես ցանկալի ենք համարում:

— Հիշեցեք ձեր խոսքը, Նեդ, — պատասխանեցի ես կանադացուն:

Խոսակցությունը դադարեց, և բոլորս մտածմունքի մեջ ընկանք: Ինչ վերաբերում է ինձ, ես պետք է խոստովանեմ, որ չնայելով եռաժանու վարպետի բոլոր հավաստիացումներին, ոչնչի վրա հույս չէի դնում: Ես հնարավոր չէի համարում և ոչ մի երջանիկ պատահականություն, որի մասին խոսում էր Նեդ Լենդը: Կասկած չկար, որ ստորջրյա նավն ուներ բազմաքանակ անձնակազմ, հետևապես, կովելու դեպքում մենք պետք է գործ ունենայինք բավականաչափ ուժեղ մի թշնամու հետ: Սակայն Նեդ Լենդի պլանն իրագործելու մասին լուրջ մտածելու համար ամենից առաջ հարկավոր էր, որ մենք ազատ լինեինք, մինչդեռ մենք գերի էինք: Ես ոչ մի հնարավորություն չէի տեսնում այդ երկաթե, հերմետիկորեն փակված վանդակից ազատվելու համար: Եվ եթե նավի տարօրինակ պետը ինչ-որ գաղտնիք էր պահում, — մի բան, որ շատ հավանական էր, — նա չի թույլ տա, որ մենք անարգել շրջենք իր նավի մեջ: Արդյոք նա շուտով կազատվի մեզնից, թե հետագայում կթողնի մի կտոր անբնակ հողի վրա, — այդ բոլորովին անհայտ էր: Բոլոր ենթադրություններն ինձ միանգամայն հավանական էին թվում և նման պայմաններում ազատության հույս ունենալու համար հարկավոր էր միայն Նեդ Լենդ լինել: Ես հասկանում էի, որ Նեդ Լենդն ինչքան շատ մտածի, այնքան շատ կջղայնանա: Ես արդեն զգում էի, որ նա պատրաստ է թափելու իր բարկությունը և տեսնում էի, որ նրա շարժումները հետզհետե ավելի սպառնական են դառնում: Նա ետ առաջ էր վազում ինչպես վայրի գազանը վանդակում, և ոտ-

ներով ու բռունցքներով խփում էր պատերին: Ճամանակն անցնում էր, քաղցը շարաշար կերպով զգալ էր տալիս իրեն, իսկ սպասավորը դեռ չէր երևում: Այդ անուշադիր վերաբերմունքը ոչ մի լավ բան չէր խոստանում մեզ, դժբախտ պատահարի ենթարկվածներիս: Նեղ կենդր ջղաձգված տանջվում էր սովից և ավելի ու ավելի դայրանում: Չնայելով նրա խոստումին, ես վախենում էի, որ նավորդներից որևէ մեկի երեվալու դեպքում կպայթի նրա բարկութունը:

Հետևյալ երկու ժամվա ընթացքում Նեղ կենդի ցասումն ավելի սաստկացավ: Կանադացին կանչում էր, ճշում, բայց իզո՛ւր: Կռում էին երկաթե պատերը: Ես ոչ մի շշուկ չէի լսում այդ նավի մեջ, որը կարծես բոլորովին մեռած էր: Նա կանգնած էր միևնույն տեղում, այլապես մենք կզգայինք, որ երեբվում է պտուտակի շարժումներից: Ընկղմված լինելով ջրային անդունդը, նավն այլևս չէր պատկանում երկրին: Զարհուրելի էր այդ լուսթյունը:

Ես վախենում էի նույնիսկ մտածել, թե մենք որքան ժամանակ պետք է բանտարկված լինենք այդ երկաթե վանդակում:

Այն հույսերը, որ իմ մեջ ծագել էին նավաստի հետ տեսնվելուց հետո, հետզհետե շքացան: Փաղաքշական հայացք, դեմքի պարզ արտահայտություն, հիանալի կեցվածք, — այս ամենը ջնջվեց իմ հիշողությունից: Այդ հանելուկային մարդուն ես պատկերացնում էի այնպես, ինչպես իրոք նա կար, — դաժան և անգութ: Ես նրան պատկերացնում էի մարդկայնությունից զերծ, կարեկցության զգացումից զուրկ, մարդկանց անհաշտ թշնամի, այնպիսի մեկը, որ երդվել էր մըշտապես ատել նրանց: Սակայն մի՞ թե այդ մարդը թույլ կտա, որ մենք քայքայվենք ու մեռնենք այս նեղ բանտում, ենթակա լինելով այդ զարհուրելի գայթակղություններին, որոնք հաղթահարում են սովատանջ մարդուն: Այս ծանր միտքը մի վայրկյան անգամ հանգիստ չէր տալիս ինձ: Ես սարսափում էի: Կոնսելը հանգիստ էր մնում: Նեղն ավելի և ավելի էր տաքանում:

Այդ վայրկյանին պատի հետևից ձայներ լսվեցին: Ոտնաձայներն արձագանքվում էին մետաղյա պատերում: Սողնակի ճռոռց: Դուռը բացվեց ու երևաց սպասավորը:



Կանադացին հարձակվեց այդ դժբախտի վրա, գցեց հատակին ու բռնեց կոկորդից, այնպես որ ես նույնիսկ չկարողացա միջամտել: Սպասավորը շնչասպառ էր լինում կանադացու ուժեղ ձեռներում:

Կոնսելը փորձում էր ազատել կանադացու զոհին, որ արդեն խեղդված էր կիսով չափ, ես էլ պատրաստվում էի իմ ջանքերը միացնել Կոնսելի ջանքերին, երբ հանկարծ տեղումս քարացա, լսելով հետևյալ ֆրանսերեն խոսքերը.

— Հանգստացեք, միտքը կենդ, դուք է՛լ, պարոն պրոֆեսոր: Խնդրեմ լսեք ինձ:

## ԳԼՈՒԽ ՏԱՍՆԵՐՈՐԴ

### ԱՆԴՈՒՆԴԻ ՄԱՐԴԸ

Այդ ասուղը նավապետն էր:

Նեղ կենդը մի ակնթարթում վեր թռավ: Սպասավորը, որ քիչ էր մնում խեղդվելու, ենթարկվեց իր տիրոջ հրամանին և օրորվելով դուրս գնաց նավասենյակից: Եվ շնայելով, որ նավապետն իշխող դեր էր կատարում այնտեղ, ոչնչով շարտահայտեց այն ատելությունը, որ անշուշտ պետք է տաժեր դեպի կանադացին: Ես ու Կոնսելն ապշած սպասում էինք, թե ինչով պիտի վերջանա այդ տեսարանը:

Նավապետը ձեռները կրծքին խաշած, խորին ուշադրությամբ նայում էր մեզ: Գուցե նա շէ՛ր ցանկանում խոսել: Գուցե ափսոսո՞ւմ էր, որ ֆրանսերեն մի քանի բառ է արտասանել: Այդ շատ հավանական էր:

Մի քանի վայրկյան տիրեց լռություն, որը մեզանից ոչ ոք չէր խախտում:

— Պարոննե՛ր, — վերջապես, ասաց նավապետը, — ես բոլորովին ազատ խոսում եմ ֆրանսերեն, անգլերեն, գերմաներեն ու լատիներեն: Հետևապես, հենց մեր առաջին հանդիպումին կարող էի պատասխանել ձեզ: Սակայն ես ուզում էի նախ՝ դիտել ձեզ, մտածել ձեր մասին: Դուք բոլորդ մեկմեկ պատմեցիք ինձ միևնույն բանը, այդ միանգամայն հա-

մոզեց ինձ, որ դուք հենց այնպիսի մարդիկ եք, ինչպիսին ցույց եք տալիս ձեզ: Հիմա ես գիտեմ, որ առիթ եմ ունեցել հանդիպելու պարոն Պյեր Արոնաքսի, Փարիզի թանգարանի բնապատմության պրոֆեսորի հետ, որը գիտական միսիայով ուղարկվել է արտասահման, ապա նրա սպասավոր Կոնսելի և կանադացի նեդ կենդի, «Աբրահամ Լինկոլն» մարտանավի եռաժանի նետողի հետ, իսկ այդ մարտանավը մտնում է Հյուսիսային Ամերիկայի Միացյալ Նահանգների ռազմական նավատորմի ղի կազմի մեջ:

Ես գլխով համաձայնության նշան արի: Նավապետն ինձ հարց չէր տալիս, հետևապես պատասխան էլ չէր պահանջվում: Այդ մարդը ֆրանսերեն խոսում էր բոլորովին մաքուր, առանց ամենաչնչին օտար շեշտադրության: Նրա արտասանությունն անթերի էր, բառերը՝ ճիշտ, խոսվածքը՝ թեթև ու անբռնադատ: Չնայելով այդ բոլորին, ես չէի ղզում, որ նա կարող է իմ հայրենակիցը լինել:

Նա շարունակեց իր ճառը.

— Իհարկե դուք դժգոհ եք, պարոններ, որ մի քիչ ուշացավ իմ երկրորդ այցելությունը: Սակայն երբ ես իմացա ձեր ով լինելը, պետք է կշռադատեի, թե ինչպես վարվեմ ձեզ հետ: Երկար ժամանակ ես տատանվում էի: Վրդովեցուցիչ հանգամանքները մեզ հանդիպեցրին իրար, մինչդեռ ես մի մարդ եմ, որը խզել է իր կապն ամբողջ մարդկության հետ: Դուք խախտեցիք իմ առանձնությունը...

— Մեր կամքից անկախ, — ասացի ես:

— Ձեր կամքից անկախ, — ձայնը բարձրացնելով կրկնեց անժանոթը, — մի՞թե «Աբրահամ Լինկոլնը» աննպատակ էր որոնում ինձ բոլոր ծովերում: Մի՞թե ակամա դուք ձեռնարկեցիք ձեր ճանապարհորդությունն այդ մարտանավով: Մի՞թե ձեր ռոմբերն աննպատակ էին խփում իմ նավին: Հապա կե՞նդր, նա է՛լ աննպատակ էր խփում ինձ եռաժանիով:

Ես նավապետի խոսքերում զսպված բարկություն զգացի: Սակայն այդ բոլոր կշտամբանքներին ես ունեի բոլորովին բնական մի պատասխան:

— Պարոն, — ասացի ես, — անկասկած ձեզ հայտնի չեն այն վեճերը, որ դուք առաջացրել եք Ամերիկայում ու Եվրո-

պայում: Դուք շփտեք, որ մի շարք պատահարներ առաջացել են ձեր ստորջրյա նավի և ուրիշ նավերի քնդհարումից, և երկու մայր ցամաքներում հուզել են հասարակական կարծիքը: Ես կարող եմ թվել անհամար ենթադրություններ՝ այս առեղծվածը լուծելու փորձեր, իսկ այդ լուծման հնարավորությունը միայն ձեզ է հայտնի: Սակայն իմացեք, որ հետապնդելով ձեզ մինչև Խաղաղ օվկիանոսի ամենահեռավոր մասերը, «Լեքրահամ կինկոլներ» հավատացած էր, թե հետապնդում է ինչ-որ մի հզոր ծովային հրեշի, որից պետք է փրկեր ծովերն ինչ գնով էլ լիներ:

Ժպիտի պես մի բան երևաց նավապետի դեմքին:

Նա ավելի հանգիստ տոնով ասաց.

— Պարոն Արոնաքս, արդյոք դուք կհամարձակվե՞ք պրնդել, որ ձեր մարտանավը կարող էր շհետապնդել և շամբակոծել ստորջրյա նավը, ճիշտ այնպես, ինչպես և ծովային հրեշին:

Այս հարցը շփոթեցրեց ինձ, որովհետև նավապետ Ֆարագուտն իրոք որ առանց տատանվելու կաներ այդ: Նա պարտք կհամարեր ոչնչացնել ստորջրյա նավը, ինչպես և վիթխարի միաժանուն: Ես ոչինչ չպատասխանեցի:

Նավապետը շարունակեց.

— Այսպե՛ս ուրեմն, դուք հասկանում եք, որ ես իրավունք ունեմ ձեզ հետ վարվել ինչպես թշնամիների հետ:

Ես կրկին լուռ էի, այն էլ բոլորովին դիտակցաբար: Ի՞նչ կարիք կա քննարկել նման հարցերը, երբ ուժը կարող է ոչընչացնել ձեր լավագույն ապացույցները:

— Երկար ժամանակ ես տատանվում էի, — շարունակեց նավապետը, — ինձ ոչինչ չէր պարտավորեցնում հյուրասեր լինել: Եթե որոշած լինեի ազատվել ձեզնից, այլևս անիմաստ կլիներ մի անգամ ևս տեսնվել ձեզ հետ: Ես կարող էի ձեզ դուրս անել նավից, խորասուզել ծովի մեջ և... մոռանալ, որ դուք երբևէ գոյություն եք ունեցել: Մի՞թե ես այդպիսի իրավունք չէի ունենա:

— Այդ կլիներ վայրենու և ոչ թե կուլտուրական մարդու իրավունք, — պատասխանեցի ես:

— Պարոն պրոֆեսոր, — աշխուժությամբ առարկեց նաւապետը, — ես չգիտեմ, թե դուք ինչն եք անլտանում օկուլտուրական մարդու իրավունք»։ Հասարակության հետ ես իմ կապերը խզել եմ մի շարք պատճառներով, որոնց լրջության մասին միայն ես իրավունք ունեմ դատելու։ Ես չեմ ենթարկւում նրա օրենքներին և առաջարկում եմ ձեզ դրանց մասին երբեք չհիշեցնել ինձ։

Այդ ասված էր խիստ կտրուկ։ Անհայտ մարդու աչքերը վառվեցին բարկությամբ ու արհամարհանքով։ Այդ ակնթարթում ես մտածեցի, որ անծանոթ մարդու անցյալում ինչ-որ սարսափելի բան է պատահել։ Ի դուր չէ, որ նա իրեն բարձր է դասում օրենքներից, առանձնացել է մարդկությանն անմատչելի տեղերում, անկախ է դարձել այդ բառի ամենալայն իմաստով։

Ո՞վ կհամարձակվի նրան հետապնդել ծովի խորքերում, երբ նույնիսկ ծովի վրա նա հեշտությամբ ջախջախում էր իրեն դեմ պայքարելու ամեն մի փորձ։ Ո՞ր նավը կարող է դիմադրել նրա ստորջրյա գրահանավին։ Ո՞ր նավի ղրահը կլինի այնքան ամուր, որպեսզի դիմանա նրա սարսափելի ժանիքի հարվածներին։ Աշխարհումս ոչ ոք չի կարող նրանից հաշիվ պահանջել իր գործողությունների համար։

Այսպիսի մտքեր էին պաշարել ուղեղս այն ժամանակ, երբ այդ տարօրինակ մարդը ետ ու առաջ էր քայլում, նույնպես մտքերի մեջ խորասուզված։ Հետաքրքրության ու սարսափի խառը զգացմունքով ես նայում էի նրան։

Երկար լռելուց հետո նավապետը սկսեց խոսել։

— Այսպես ուրեմն, ես տատանվում էի, — շարունակեց նա, — սակայն ես մտածեցի, որ իմ շահերը կարելի է համատեղել բնական կարեկցության հետ, որին արժանի է յուրաքանչյուր մարդկային արարած։ Քանի որ դեպքերի բերմամբ դուք ընկել եք այստեղ, կմնաք իմ նավում։ Դուք ազատ կլինեք և այդ ազատության համար, — որ սակայն խիստ սահմանափակ է, — դուք պետք է համաձայնվեք միայն մի պայմանի։ Եթե դուք խոստանում եք ենթարկվել այդ պայմանին, ես միանգամայն բավարարված կլինեմ։

— Խոսեցեք, նավապետ,— ասացի ես,— հույս ունեմ ձեզանից լսել այնպիսի մի պայման, որն ընդունելի կլինի ազնիվ մարդու համար:

— Անկասկա՛ծ: Ահա իմ առաջարկը: հնարավոր է, որ մի քանի շնախատեսնված հանդամանքներ ինձ ստիպեն մեր նավասենյակներում ձեզ փակված պահել մի քանի ժամ, գուցե և մի քանի օր, հիմա այդ դժվար է որոշել: Չցանկանալով ոչ մի դեպքում դիմել բռնության, ես ուզում եմ ձեզնից խոստում ստանալ, որ դուք անպայման կհնազանդվեք այդպիսի դեպքերում: Առաջարկելով ձեզ, ես ամբողջովին ազատում եմ ձեզ այն պատասխանատվությունից, որ դուք պիտի կրեիք այս կամ այն դեպքի համար, քանի որ դուք հնարավորություն չեք ունենա տեսնելու այն, ինչ որ շպետք է դիտենաք: Ընդունո՞ւմ եք այս պայմանը:

Ուրեմն ստորջրյա նավում երբեմն տեղի էին ունենում այնպիսի դեպքեր, որոնք նույնիսկ անհայտ պիտի լինեին մարդկային օրենքներից մեկուսացածներին: Սպասվող անակընկալներից դա ամենաանհաճելին էր ինձ համար:

— Ընդունում ենք,— պատասխանեցի ես,— միայն թե... թույլ տվեք, նավապետ, մի հարց տալ ձեզ:

— Խնդրեմ:

— Դուք ասացիք, որ մենք նավի մեջ ազատ կլինենք:

— Այո, միանգամայն:

— Ես խնդրում եմ բացատրել, թե այդ ինչպես պիտի հասկանալ:

— Դուք կարող եք շրջել ամբողջ նավում, տեսնել, դիտել այն ամենն, ինչ որ կատարվում է այստեղ, շնչին բացառություններով: Մի խոսքով, լինել նույնքան ազատ, որքան ես և իմ ուղեկիցները:

Պարզ էր, որ մենք շենք հասկացել իրար:

— Ներեցեք, նավապետ,— ասացի ես,— բայց այդպիսի ազատություն կարող է ունենալ նաև կալանավորը, որին թույլատրվում է քայլել բանտում: Մենք շենք կարող դրանով բավականանալ:

— Այնուամենայնիվ դուք պետք է բավականանաք դրանով:



— Ինչպե՛ս, մենք այլևս երբեք չենք կարող վերադառնալ հայրենի՞ք, մեր ընտանիքների ու բարեկամների մո՞տ:

— Այո: Սակայն հրաժարվել այն զզվելի ճնշումից, որ կոչվում է հասարակության օրենք և որը մարդիկ կուրորեն ազատություն են համարում, — այդ այնքան էլ ծանր չէ, որքան կարծում եք դուք:

— Ինչ վերաբերում է ինձ, — բացականչեց Նեդ Լենդը, — ես երբեք չեմ խոստանա, որ այստեղից փախչելու փորձ չեմ անի:

— Ես այդպիսի խոստում չեմ է՛լ խնդրում ձեզանից, միստեր Լենդ, — սառը պատասխանեց նավապետը:

— Նավապետ, — գոչեցի ես, այլևս չկարողանալով ինձ զսպել, — դուք ի շարն եք գործ դնում մեր վրա ունեցած իշխանությունը: Այդ դաժանությո՛ւն է:

— Ո՛չ, պարոններ, սա գթություն է: Դուք ճակատամարտից հետո գերի եք ընկել այստեղ: Ես ձեզ կյանքից չեմ զրրկում, թեպետ կարող էի ձեզ շարտել օվկիանոսը: Դուք հարձակվեցիք ինձ վրա: Դուք իմացաք այն գաղտնիքը, որ չպիտի իմանար ոչ մի մարդ, իմ կեցության գաղտնիքը: Եվ դուք կարծում եք, որ ես ձեզ թո՛ւյլ կտամ անարգել վերադառնալ այն աշխարհը, որտեղ ոչ ոք չպիտի իմանա իմ գոյության մասին: Երբեք: Պահելով ձեզ իմ ստորջրյա նավում, ես մտածում եմ ոչ թե ձեր, այլ իմ սեփական շահերի մասին:

Նավապետի ձայնը հնչում էր այնպես վճռական, որ ես նրան համոզելու փորձերն այլևս աննպատակ համարեցի:

— Այդպե՛ս ուրեմն, նավապետ, դուք մեզ ուղղակի առաջարկում եք կամ գերություն կամ մահ:

— Բոլորովին ճիշտ է:

— Բարեկամներս, — դիմեցի ես Կոնսելին և Նեդ Լենդին, — քանի որ հարցն այդպես է դրվում, ուրեմն կարիք էլ չկա վիճելու: Սակայն հիշեցեք, որ մենք և ոչ մի խոստումով կապված չենք այս նավի տիրոջ հետ:

— Ո՛չ մի խոստումով, — կրկնեց նավապետը:

Ապա ավելի մեղմ նա շարունակեց.

— Հիմա խնդրում եմ լսեք այն, ինչ որ ես դեռ պիտի ասեմ: Ես ձեզ ճանաչում եմ, պարոն Արոնաքս: Զգիտեմ ձեր



ընկերներն ինչպես կվերաբերվեն դեպի այս ամենը, սակայն անձամբ դուք դժգոհ չեք լինի այն առիթից, որով մենք հանդիպեցինք մեկմեկու։ Այն գրքերի թվում, որոնցով ես միշտ օգտվում եմ, դուք կգտնեք նաև ձեր աշխատությունը ծովի հատակի գաղտնիքների մասին։ Հաճախ ես վերընթերցում եմ այդ աշխատությունը։ Ձեր գրքով դուք հասել եք իմացության այն սահմանը, որը մատչելի է երկրային գիտության։ Սակայն դուք չգիտեք ամեն ինչ, որովհետև քիչ բան եք տեսել։ Թույլ տվեք հավաստիացնել ձեզ, որ դուք չեք պղջա այս նավում անցկացվելիք ժամանակի համար։ Դուք կճանապարհորդեք հրաշքների աշխարհում։ Զմայլանքը, խորագույն ու հիացմունքով լի զարմանքը հավանորեն կպարուրեն ձեր միտքը։ Դուք շուտ չեք հագենա այն տեսարաններից, որոնք անընդհատ կպատկերանան ձեր աչքերի առաջ։ Ես որոշել եմ ձեռնարկել մի նոր, ո՞վ գիտե, գուցե վերջին ստորերկրյա ճանապարհորդություն աշխարհի շուրջը, որպեսզի ամփոփեմ այն բոլոր գիտողությունները, որ արել եմ նախկին անհամար ճանապարհորդությունների ժամանակ։ Այդ աշխատանքի ընթացքում դուք պետք է օգնեք ինձ։ Այսօրվանից սկսած դուք ընկնում եք բոլորովին մի նոր աշխարհ։ Դուք կտեսնեք այն, ինչ որ չի տեսել ոչ մի մարդ, չհաշված ինձ և իմ ընկերներին, և մեր մոլորակը ձեր առաջ բաց կանի իր վերջին գաղտնիքները։

Ձեմ կարող շխոստովանել, որ նավապետի խոսքերը հրակայական տպավորություն թողեցին ինձ վրա։ Նա շոշափեց իմ էության ամենազգայուն շարը, և ես մի ակնթարթ մոռացա, որ այդ հրաշքները տեսնելը չէր կարող փոխարինել կորցրած ազատության։ Սակայն ես հույս ունեի, որ ապագայում առիթ կունենամ անդրադառնալու այդ կարևոր հարցին։ Այս պատճառով ես տվի հետևյալ պատասխանը։

— Նավապետ, ես հուսով եմ, որ դուք, խզելով ձեր կապը մարդկությունից, պահպանել եք մարդկային ղգացումները։ Մենք պատահարի ենթարկված մարդիկ ենք, որոնց դուք զթացիք և ապաստան տվիք ձեր նավում։ Ոչ ես, ոչ էլ իմ ընկերները երբեք այդ չենք մոռանա։ Խոստովանում եմ, որ անձնապես ինձ համար գիտության շահերին ծառայելու

հնարավորութիւնը որոշ շափով փոխարինում է կորցրած ազատութեան:

Ես կարծում էի, թե նավապետը ձեռքը կմեկնի ինձ, որպեսզի դրանով վալերացնի մեր սլաշմանը: Սակայն նա այդպես չարեց: Ես էլ հոգուս մեջ անկեղծորեն խղճացի նրան:

— Մի հարց ևս, — ասացի ես այն րոպեին, երբ այդ տարօրինակ մարդն արդեն հեռանալ էր ուզում:

— Կտում եմ, պարոն պրոֆեսոր:

— Մենք ինչպե՞ս պիտի անվանենք ձեզ:

— Դուք ինձ կանվանեք միայն նավապետ Նեմո, իսկ դուք ինքներդ և ձեր ուղեկիցները ինձ համար կլինեն միայն «Նաուտիլուսի» ճանապարհորդներ:

Նավապետ Նեմոն կանչեց ինչ-որ մեկին: Սպասավորը մտավ նախասենյակ: Նավապետը դարձյալ ինձ անծանոթ լեզվով հրաման տվեց նրան: Այնուհետև դառնալով դեսպի կանադացին և Կոնսիլը, նա ասաց.

— Ձեր նավասենյակում նախաճաշը ձեզ է սպասում: Խնդրում եմ հետևեք այս մարդուն:

— Ձեմ հրաժարվի, — ասաց եռաժանոս վարպետը:

Կոնսելն ու Նեդ Լենդը դուրս եկան այս վանդակից, որտեղ մենք համարյա թե երեսուն ժամ բանտարկված էինք:

— Հիմա հերթը ձերն է, պրոֆեսոր: Նախաճաշը սպասում է մեզ: Թույլ տվեք ձեզ ցույց տալ ճանապարհը:

— Խնդրեմ, նավապետ:

Ես հետևեցի նավապետ Նեմոյին: Մենք դուրս եկանք էլեկտրականութեամբ լուսավորված մի միջանցք, որ նման էր նավերի սովորական միջանցքներին, և անցնելով տասը մետր, կանգ առանք մի փակ դռան առաջ:

Նավապետ Նեմոն բաց արեց դուռը և ինձ ճանապարհ տվեց: Ես մտա մի սեղանատուն, որ նուրբ ճաշակով կահավորված էր ու զարդարված: Դահլիճի հակադիր ծայրերում տեղավորված էին բարձր, կաղնի ծառից սլաքապատված դարակները, որոնք դրվագված էին սև գույնի փայտով: Դարակներում փայլում ու ճառագում էր բյուրեղապակյա, ճենապակյա ու արծաթե ամանեղենը, որի գեղարվեստական ձևավորումը բարձր էր ամեն մի դնահատութիւնից: Սեղանատան

պատերի նուրբ արտաքինը մեղմացնում էր առաստաղից տարածվող լույսի անսահման պայծառությունը:

Դահլիճի մեջտեղում ճոխ սեղան էր բացված: Նավապետ Նեմոն ինձ տեղ ցույց տվեց:

— Նստեցեք և կերեք, — ասաց նա, — երևի դուք մեռնում եք սովից:

Ես շատիպեցի երկրորդ անգամ խնդրել:

Նախաճաշը բաղկացած էր մի քանի ձկնեղեն ուտելիքներից և այնպիսի կերակուրներից, որոնք շգիտեմ թե ինչ մթերքներից էին պատրաստված: Դրանք բոլորը համեղ էին, թեպետ ինչ-որ անախորժություն ունեին, որը, սակայն անցնում էր հետզհետե: Այդ մթերքները հարուստ էին ֆոսֆորով: Մտածեցի, որ դրանք ձեռք են բերվել ծովում:

Նավապետ Նեմոն անթարթ նայում էր ինձ: Ես ոչ մի հարց չէի տալիս, բայց նա շտապեց պատասխանել շտրված հարցերին, որոնք, իհարկե, սաստիկ հետաքրքրում էին ինձ:

— Այս կերակուրների մեծ մասն անծանոթ է ձեզ, — ասաց նա, — այնուամենայնիվ դուք կարող եք ուտել առանց վախենալու: Դրանք բոլորն առողջարար են և սննդատու: Վաղուց է, որ ես հրաժարվել եմ ցամաքային մթերքներից և շնայելով դրան, ինձ շատ լավ եմ զգում: Իմ բոլոր նավորդները, որոնք սնվում են այնպես, ինչպես ես, նախանձելի առողջություն ունեն:

— Ուրեմն այս բոլոր կերակուրները ծովային մթերքներից են:

— Այո, պրոֆեսոր, ծովը բավարարում է իմ բոլոր պահանջները: Երբեմն ես ծովն եմ նետում ուռկանը և առատ որս անում: Երբեմն ես որսի եմ գնում դեպի տարերքը, որ անմատչելի է ուրիշ մարդկանց, և որսում եմ իմ ստորջրյա անտառներում ապրող «թռչուններին»: Իմ հոտերը, ինչպես ծերունի հովիվ Նեպտունի հոտերը, հանգիստ արածում են օվկիանոսային արոտներում: Իմ կալվածքները մեծ են ու անսահման և նրանցից միայն ես եմ օգտվում:

Ես զարմանքով նայեցի նավապետ Նեմոյին և պատասխանեցի նրան.

— Հասկանում եմ, նավապետ, որ ձեր ուռկանը հիանա-

լի ձկներ է հանում ծովից, որոնցով ճոխանում է ձեր սեղանը: Հնարավոր եմ համարում նաև այն, որ դուք կարող եք «թռչուններ» որսալ ձեր ստորջրյա անտառներում, թեպետ չգիտեմ թե այդ ինչպես է լինում: Սակայն մի բան բոլորովին անհասկանալի է ինձ, — ո՞րտեղից է ձեր սեղանի վրա եղած միսը, թեպետ և դուք այն քիչ եք գործածում:

— Բայց ես երբեք չեմ ուտում ցամաքային կենդանիների միսը, — առարկեց նավապետը:

— Իսկ սա՞, — հարցրի ես, ցույց տալով մի ափսե, որի մեջ մի քանի պատառ սուկի կար:

— Այդ ուտելիքը, որ դուք մսի տեղ եք ընդունել, ուրիշ բան չէ, բայց եթե ծովային կրիայի սուկի: Ահա դելֆինի լյարդից պատրաստված սոուս, որն իր համով ձեզ կթվա խողի ուզու: Իմ խոհարարն իսկական արտիստ է իր գործի մեջ և ոչ ոք չի կարող նրա նման ուտելիք պատրաստել ծովային ձկներից ու կենդանիներից: Ահա ձկնականջից պատրաստված պահածոներ, որ յուրաքանչյուր մալաչացի լավագույն կերակուրը կհամարի աշխարհում, ահա կրեմ, որի համար սերն ստացված է կետի կրծքային գեղձից, իսկ շաքարը՝ Հյուսիսային ծովի ջրիմուռներից: Վերջապես, ահա ծափկոտրուկներից եփած քաղցրավենիք, որ իր համով չի զիջում ցամաքային ամենաքաղցր պտուղներին:

Ոչ թե ազահուլթյունից, այլ հետաքրքրուլթյունից դրդված, ես փորձում էի այդ բոլոր կերակուրները և հրապուրված լսում նավապետ նեմոյի պատմածը:

— Մովը ոչ միայն կերակրում, այլև հաղցնում է ինձ, — շարունակեց նա, — այն գործվածքը, որից կարված է ձեր հագուստը, հյուսված է ծովային մի շարք խխունջներից: Այդ հագուստը ներկված է ծիրանի գույնով, որը պատրաստելու գաղտնիքը շքացել է հնադարյան հռոմեացիների և հույների հետ միասին, իսկ այդ ներկը ես ձեռք եմ բերել Միջերկրական ծովում, ջրիմուռներից: Այն օժանելիքը, որ գտնվում է ձեզ հատկացված նավասենյակի արդուղարդի փոքրիկ սեղանի վրա, ստացվել է ծովային մի քանի բույսերից: Ձեր ներքնակն օվկիանոսային լավագույն խոտերից է պատրաստված: Այն գրիչը, որով դուք պետք է գրեք, պատրաստված է կետի

բեղից, իսկ թանաքը — թանաքաձկան արտադատումից: Այն ամենը, ինչով ես օգտվում եմ հիմա, ծովն է հայթայթում ինձ և երբևէ դրանք էլի՛ կվերադառնան ծով:

— Դուք սիրո՞ւմ եք ծովը, նավապետ:

— Այո, այո, սիրում եմ: Ծովն ամեն ինչ է: Նա ծածկում է երկրագնդի յոթ տասնորդական մասը: Նրա գոլորշիացումները թարմ են և կենսաբեր: Նրա վիթխարի անապատում մարդն իրեն մենակ չի դգում, որովհետև շարունակ իր շուրջը զգում է կյանքի շունչը: Եվ իսկապես, չէ՞ որ ծովում կան բնության երեք թագավորությունները, — հանքային, բուսական ու կենդանական: Վերջինս բաղկանում է զոոֆիտների՝ չորս խմբերից, հողվածոտունքների երեք դասից, կակղամորթների հինգ դասից, ողնաշարավորների երեք դասից, կաթնասուններից, սողուններից և անթիվ ձկներից, կենդանիների հսկայական մի խմբից, որի մեջ ավելի քան տասներեք հազար տեսակներ են մտնում, իսկ սրանցից հազիվ մեկ տասներորդ մասն է ապրում անուշահամ ջրերում: Ծովը բնության վիթխարի ջրամբարն է: Երկրագնդի վրա կյանքը սկսվել է ծովում և ո՞վ գիտե, արդյոք ծովում չի՞ վերջանալու: Ծովում տիրում է բարձրագույն անդորրությունը... Ծովը չի պատկանում բռնակալներին: Սրանք դեռ կարող են ծովի մակերևույթի նկատմամբ իրավունքներ բանեցնել, ճակատամարտել, կլանել մեկ-մեկու, կրկնել ցամաքային կյանքի ամբողջ սարսափը: Մակայն երեսուն ոտնաչափ խորության տակ վերջանում է նրանց իշխանությունը, չքանում նրանց հզորությունը: Ա՛խ, պրոֆեսոր, ապրեցե՛ք ծովի խորքերում: Միայն այնտե՛ղ է լիակատար անկախությունը, միայն այնտե՛ղ է, որ իսկապես ազատ է մարդը, միա՛յն այնտեղ ոչ ոք նրան չի կարող ճնշել:

Նավապետ Նեմոն հանկարծ ընդհատեց իր թունդ ճառը: Արդյոք չէ՞ր գղչում, որ շեղվել է իր սովորական զսպվածությունից: Արդյոք չվախեցա՞վ, որ ավելորդ բան է ասել:

Մի քանի րոպեի ընթացքում, դեռևս հոգոված, նա հետ ու

---

1 Զոոֆիտներ — կենդանական բույսեր: Առաջ այդպես էին կոչում կորալիոնե պոլիպներին, մամռակենդանիներին ու ասղամորթներին:



առաջ էր քայլում սեղանատանը: Այնուհետև, հանգստացնելով իր ջղերը, վերադին սառը վսեմության արտահայտութուն տալով իր դեմքին, նա ինձ դիմեց հետևյալ խոսքերով.

— Իսկ այժմ, պրոֆեսոր, եթե ձեզ համար հաճելի է դիտել «Նառուտիլուսը», ես պատրաստ եմ ձեզ ծառայելու:

## ԳԼՈՒԽ ՏԱՍՆՄԵԿԵՐՈՐԳ

### «ՆԱՌՈՒՏԻԼՈՒՍԸ»

Նավապետ Նեմոն քայլեց դեպի դուռը: Ես հետևեցի նրան: Սեղանատան խորքում երկփեղկ դուռը բացվեց, և մենք մտանք հարևան սենյակը, որ ուներ նույն մեծությունը, ինչ որ այն սենյակը, ուր մենք քիչ առաջ գտնվում էինք:

Այդ գրադարանն էր: Բազմաբանակ, միատեսակ կազմով գրքերը շարված էին բարձր, մինչև առաստաղը հասնող պահարաններում, որոնք ծիրանափայտից էին և բրոնզով դարդարված: Պահարանները տեղավորված էին սենյակի բոլոր պատերի երկարությամբ: Պահարանների տակ դրված էին լայն, կինամոնագույն կաշիով պատած բազմոցներ, որոնք շատ հարմար էին հանգստանալու համար: Բազմոցների մոտ կային թեթև, շարժական գրակալներ: Սենյակի մեջտեղում գտնվում էր մի մեծ սեղան, որի վրա գրքեր էին կուտակված: Նույն տեղում կային մի քանի լրագրեր, որոնք արդեն հնացած էին:

Այս հույակապ դահլիճը լուսավորվում էր շորս էլեկտրական հսկա լապտերներով, որոնք կիսազնդածև լուսամփոփներով տեղավորված էին առաստաղում:

Ես հիացմունքով դիտում էի այդ սենյակը, որ այնքան փարթամ ու գեղեցիկ էր կահավորված:

— Նավապետ Նեմոն,— ասացի ես գրադարանի տիրոջը, որ մեկնվել էր բազմոցներից մեկի վրա,— սա մի գրասենյակ է, որով կարող էր հպարտանալ ցամաքի ամեն մի պալատ: Ես ուղղակի հուզված եմ այն մտքից, որ այս հրաշալի գրադարանը ձեզ ուղեկցում է օվկիանոսների խորքերում:

— Էլ ուրիշ որտե՞ղ դուք կարող եք այսչափ նպաստավոր



պայմաններ գտնել աշխատանքի համար, պրոֆեսոր,— ասաց նավապետը,— մի՞թե թանգարանում եղած ձեր առանձնասենյակը ձեզ այսպիսի անխռով հանգստութիւն է տալիս:

— Իհարկե ոչ... Ես պետք է խոստովանեմ, որ իմ առանձնասենյակը շատ աղքատ է այս դահլիճի համեմատութեամբ: Դուք այստեղ ունեք վեց-յոթ հազարից ոչ պակաս գիրք, այո՞:

— Տասներկու հազար, պարոն Արոնաքս: Սա միակ բանն է, որ ինձ կապում է երկրի հետ: Սակայն աշխարհն ինձ համար այլևս գոյութիւն չունի այն օրից, երբ «Նաուտիլուսն» առաջին անգամ ջրասույզ եղավ: Այն օրը ես գնեցի վերջին գրքերը, վերջին բրոշյուրները և լրագրերի վերջին համարները: Այն ժամանակներից սկսած մարդկութիւնն ինձ համար այլևս չի մտածում, չի գրում: Այս գրքերը գտնվում են ձեր լիակատար տնօրինութեան տակ, պրոֆեսոր, օգտվեցեք նրանցից, երբ և որքան կուզեք:

Շնորհակալութիւն հայտնելով նավապետ Նեմոյին, ես մոտեցա գրքերի դարակներին: Գրքերը բոլոր լեզուներով էին ու վերաբերում էին ստույգ գիտութիւնների զանազան ճյուղերին, փիլիսոփայութեան, գրականութեան: Իմ աչքով ընկավ հետաքրքիր մի հանգամանք.— գրքերը դասավորված էին այբբենական կարգով, անկախ նրանից, թե ինչ լեզվով էին գրված: Այդ վկայում էր, որ նավապետ Նեմոն հավասարաչափ տիրապետում է բոլոր լեզուներին:

Գրադարանում ես տեսա հին և ժամանակակից հեղինակների երկերը, այն լավագույնը, ինչ որ մարդկային հանճարը ստեղծել է գիտութեան, գեղարվեստական արձակի ու պոեզիայի բնագավառում, Հոմերոսից մինչև Վիկտոր Հյուգոն, Քսենոֆոնից մինչև Միշլեն, Ռաբլեից մինչև Ժորժ Սանդը: Այնուամենայնիվ այս գրադարանում գրքերը գերակշռող թիվ էին կազմում: Չգաբանական<sup>1</sup>, ջրաբանական<sup>2</sup>, օդերևութաբա-

<sup>1</sup> Չգաբանութիւնը մի գիտութիւն է, որն ուսումնասիրում է թնդանոթի արկերի թռիչքի օրենքները:

<sup>2</sup> Ջրաբանութիւնը մի գիտութիւն է, որն ուսումնասիրում է երկրագնդի ջրային մասի (օվկիանոսների և ծովերի) ֆիզիկական հատկութիւնները:

նական, աշխարհագրական, երկրաբանական և այլ գրքերը ոչ պակաս տեղ էին գրավում, քան բնագիտական աշխատությունները, իսկ բնագիտությունը, որքան ես հասկացա, նավապետ Նեմոյի գիտական զբաղմունքների գլխավոր առարկան էր: Դարակներում դրված էին Հումբոլդտի և Արագոյի լրիվ երկերը, Ֆուկոյի, Հանրի Սենի, Կղեր-Դեվիլի, Շասլյայի, Միլն էդվարսի, Կատրֆաժի, Տինդալի, Ֆարադեյի, Բերտելլոյի, աբբա Սեկկիի, Պետերմանի, Մորիի, Ագասսիսի և այլոց աշխատությունները, գիտությունների ակադեմիայի «Տարեգիրը», զանազան աշխարհագրական ընկերությունների բյուլետենները և այլն: Նույն տեղում, այդ պատկառելի գրադարանում գտնվում էին այն երկու հատորները, որոնց համար ես ինձ երախտապարտ զգացի նավապետի հանդեպ: Ժողեֆ Բերտրանի «Աստղաբաշխության հիմունքները» գիրքը ինձ հնարավորություն տվեց պարզելու հետևյալը.— ես գիտեի որ այդ գիրքը լույս է տեսել 1865 թվականի կեսին, հետևապես, «Նաուտիլուսը» դրանից առաջ չէր կարող հեռանալ ցամաքից: Այդպե՛ս ուրեմն, նավապետ Նեմոն ստորջրյա ճանապարհորդ է դարձել ոչ ավելի, քան երեք տարի առաջ: Ես մտածեցի, որ եթե հաջողվի գտնել էլ ավելի նոր գրքեր, կարելի է ավելի ճիշտ որոշել ստորջրյա նավի ծով մտնելու օրը: Սակայն այդ անելու համար ես դեռ բավականաչափ ժամանակ ունեի, իսկ առայժմ չէի ուզում հետաձգել «Նաուտիլուսի» հրաշքների հետ ծանոթանալու գործը:

— Շնորհակալ եմ ձեզնից, նավապետ,— ասացի ես,— որ դուք թույլ տվիք օգտվել ձեր գրադարանից: Սա գիտության իսկական գանձարան է և ես կօգտվեմ այս գանձարանից:

— Այս սենյակը ոչ միայն գրադարան է, այլև ծխարան:

— Մխարա՞ն,— զարմացած բացականչեցի ես,— մի՞թե «Նաուտիլուսում» ծխում են:

— Անշուշտ:

— Այդ դեպքում, նավապետ, ես պետք է ենթադրեմ, որ դուք կապ եք պահում Հավաննայի հետ, այո՞:

— Ոչ մի կապ,— պատասխանեց նավապետ Նեմոն,— ա՛յ, փորձեցեք այս սիգարը, պրոֆեսոր: Թեպետ դա Հավաննա-

չից չէ, բայց եթե դուք գիտակ էք ծխախոտի նկատմամբ, այս սիգարը դուր կգա ձեզ:

Ես վերցրի սիգարը, որ իր ձևով հիշեցնում էր Հավաննայի սիգարների լավագույն տեսակները, բայց ավելի բաց գույն ուներ և պատրաստված էր ավելի դեղին տերևներից: Ես սիգարը վառեցի կանթեղից, որ դրված էր բրոնզե մի նուրբ պատվանդանի վրա, և ծուխը ներս քաշեցի այնպիսի ազահուլթյամբ, ինչպիսին հատուկ է լինում թունդ ծխողին, երբ նա երկու օր ծխած չի լինում:

— Սա հրաշալի սիգար է, բայց... կարծես ծխախոտ չէ:

— Այո, — պատասխանեց նավապետը, — այս ծխախոտը ո՛չ Հավաննայից է, ոչ էլ Արևելքից: Սա ծովային շրիմուռների մի տեսակն է, որը հարուստ է նիկոտինով: Հիմա դուք արդյոք ավստոսո՞ւմ եք, որ Հավաննայի սիգար չեք ծխում:

— Այս բոլորից սկսած Հավաննայի սիգարներն արհամարհելի են ինձ համար:

— Այդ դեպքում ինչքան ուզում եք ծխեցեք, առանց հարցնելու, թե որտեղից են սիգարները: Ծխախոտի ոչ մի մենաշնորհով հարկ չի գանձվում դրանց համար: Բայց այդպիսով դրանց որակը չի իջել, այնպես չէ՞:

— Իհարկե:

Այդ բոլորին նավապետ նեմոն բաց արեց մի դուռ, որ գտնվում էր այն գոան դիմաց, որտեղից մենք ներս մտանք գրադարանը: Ես մտա մի մեծ, հիանալի լուսավորված սրահ:

Այդ մի ընդարձակ, քառանկյունի դահլիճ էր կտրտված անկյուններով, ուներ տասը մետր երկարություն, վեց մետր լայնություն և հինգ մետր քարձրություն: Առաստաղը զարդարված էր արաբական պարզ և նուրբ նախշերով: Առաստաղում թաքնված լապտերները պայծառ, բայց ո՛չ կուրացուցիչ լույս էին սփռել այդ թանգարանում հավաքված հրաշալի իրերի վրա: Այո, այդ իսկական թանգարան էր... Հմուտ և կարող ձեռներն այստեղ հավաքել էին քնության ու արվեստի բոլոր գանձերը և դասավորել այնպիսի գեղարվեստական կարգով, որը հատուկ է նկարչի բնակարանին: Պատերը ծածկված էին նկարագեղ պաստառներով: Մեծ վարպետների երեսուն նկարները, որոնք միատեսակ շրջանակներ ունե-

ին, զարդարում էին թանգարանը: Նկարների միջև գտնվում էին վահաններ ու զենքեր, ինչպես նաև արձաններ, որոնց վրա հարմարեցված էին ասպետական բոլոր զենքերը: Ծա տեսա հսկայական արժեք ունեցող պատկերներ, որոնք եղել էին Եվրոպայի ցուցահանդեսներում և մասնավոր պատկերասրահներում: Հին վարպետների գործերից այստեղ կային Ռաֆայելի «Մադոննան», Լեոնարդո-դա-Վինչիի «Կուլյսը», Կորբոջիոյի «Համբը», Տիցիանի «Կինը», Վերոնեզի «Մոգերի երկրրպագությունը», Մուրիլլոյի «Հարությունը», Հոլբեյնի «Դիմանկարը», Վելասկեզի «Վանականը», Ռիբեյրայի «Նահատակը», Տենիրսի «Տոնավաճառը», Ռուբենսի ֆլամանդական երեք բնակարաները, երեք փոքր նկարներ, որոնք պատրաստված էին Ժերարդ-Դոուի, Տերսուի, Պոլ Պոտտերի ժանրով, Ժերիկոյի և Պրուդոնի երկու պատկերները, Բայկուզենի և Վեոնեի մի քանի ծովային տեսարանները: Ժամանակակից նկարչական գործերի թվում ես տեսա պատկերներ, որոնց վրա գտնվում էին Դելակրուայի, Էնգրի, Դեկանի, Տրուայնի, Մեյսոնեյի, Դոբինյիի և այլոց ստորագրությունները:

Այս փառահեղ թանգարանի անկյուններում, բարձր պատվանդանների վրա դրված էին անտիկ քանդակագործությունների փոքրացրած, մարմարե ու բրոնզե, սքանչելի պատճենները:

Նավապետ Նեմոյի ասածներն իրականանում էին. «Նաուտիլուսը» դիտելու հենց առաջին քայլերից ես ապշած էի մնացել:

— Հուշս ունեմ, պրոֆեսոր, որ դուք ինձ կներեք ձեզ ընդունելու համարձակությանս և այն անկարգության համար, որ տիրում է այս սենյակում, — ասաց այդ տարօրինակ մարդը:

— Նավապետ, — պատասխանեցի ես, — պետք է ասեմ, որ դուք իսկական արտիստ եք:

— Օ՛ ոչ, միայն սիրող եմ, — առարկեց նա, — ինձ հաճելի էր հավաքել մարդկային հանճարի այդ հոյակապ արտադրությունները: Ծա անխոնջ էի իմ որոնումներում և սիզահայտ կամ այն իրը ձեռք բերելու մեջ: Այդ ինձ հնարավորություն տվեց գտնել մի շարք իսկապես որ բարձրարժեք իրեր:

Դրանք իմ վերջին հուշերն են ինձ համար մեռած երկրի մասին: Ձեր ժամանակակից նկարիչներն անգամ հին վարպետներ են իմ աչքում: Ես այնպես եմ դիտում նրանց նկարները, որ կարծես սրանք երկու-երեք հազար տարի առաջ են ստեղծագործված: Հանճարների համար հասակն այնքան էլ նշանակութուն չունի:

— Իսկ այս երաժիշտները,— հարցրի ես, ցույց տալով Վերբերի, Ռոսսինիի, Մոցարտի, Բեթհովենի, Հայդնի, Մեյերբերի, Վագների, Օբերի, Գունոյի և այլոց երկերը, որ թափված էին մի մեծ դաշնամուր-երգեհոնի կափարիչի վրա: Դաշնամուրն ասագին տեղ էր բռնել սրահում:

— Այս երաժիշտներն Օրփեոսի՝ ժամանակակիցներ են ինձ համար: Մեռածների հիշողութունից ջնջվում են տարբերութունները, իսկ ես մեռած եմ, պրոֆեսոր, մեռած եմ ճիշտ այնպես, ինչպես և ձեր այն բարեկամները, որոնք նիրհում են վեց ոտնաչափ գետնի տակ:

Նավապետ Նեմոն լռեց և խորը մտածմունքի մեջ ընկավ: Ամենաջերմ հետաքրքրությամբ ես դիտում էի նրան և լուռ ուսումնասիրում նրա դեմքի առանձնահատկութունները: Հենված լինելով մի թանկագին, գեղազարդ սեղանի, նա շէր տեսնում ինձ և կարծես բոլորովին մոռացել էր իմ գոյության մասին:

Ես որոշեցի շխանգարել նրա մտորումները և շարունակեցի դիտել սրահում ժողովված հրաշքները:

Արվեստի կոթողների հետ միասին աչքի ընկնող տեղ էին գրավում նաև բնության հազվագյուտ իրերը: Դրանք գլխավորապես բույսեր էին, և խեցիներ և օվկիանոսի բուսական ու կենդանական աշխարհին պատկանող այլ նմուշներ, որոնք ըստ երևույթին հավաքված էին հենց նավասպետ Նեմոյի ձեռքով: Սրահի մեջտեղում գտնվում էր մի շատրվան, որը ներքևից լուսավորված էր էլեկտրականությամբ: Ջրի կաթիլները թափվում էին ավազանի մեջ, որ կառուցված էր մի վիթ-

---

1 Օրփեոսն ըստ հին հունական դիցաբանության, եղել է մի երգիչ, որն իր երգերով իրր թե շարժել է ծառերն ու ժայռերը և սանձահարել վայրենի գազաններին:



խարի խեցիից: Խեցիի շրջագիծը հասնում էր վեց մետրի: Ուրեմն դա գերազանցում էր նույնիսկ այն հռչակավոր խեցիից, որ վենետիկի հանրապետությունը նվիրել էր թագավոր Ֆրանցիսկ առաջինին:

Ավազանի շուրջը, ապակյա գեղեցիկ փեղկերում, որոնք գեղազարդված էին պղնձով, դասավորված էին ծովային ամենաթանկարժեք և ամենահազվագյուտ իրեր, որոնց նմանը հազիվ թե տեսած լինի մի որևէ բնագետ: Կարելի է պատկերացնել, թե դրանք որչափ ուրախացրին ինձ:

Կենդանաբույսերի բաժնում գտնվում էին կակղամորթների ու ասղամորթների նմուշները: Առաջին խմբում գտնվում էին հովհարանման գորգոններ, ծովային օրգանիկներ, սիրիական շրթնիկներ, Մոլուքյան կղզիների կորալներ, այլցիոնի հիանալի մի նմուշ, գրավիշ հովհարատերևներ, Ռեյունյոն կղզու ակնավորներ և մադրեպորների մի ամբողջ հավաքածո, որոնց մեջ առանձնապես ուշադրություն էր գրավում Անթիլյան կղզիների «Նեպտունի կառքը»: Այստեղ հավաքված էին կորալների ամենատարբեր տեսակները, որոնց գաղութները կազմում են ամբողջ կղզիներ, ո՞վ գիտե, գուցե դարերի ընթացքում նաև ցամաքներ: Իրենց փշոտ թաղանթով աչքի ընկնող ասղամորթների խմբում գտնվում էին ծովաստղերի, ծովագլանների, ողնիների, մազաճիճուների, օձաստղերի, տուբիպորների մի քանի տեսակները:

Եթե իմ տեղը լիներ թույլ ջղերով մի խխունջագետ, զարմանքից կքարանար, տեսնելով հարևան ցուցափեղկերը, ուր տեղավորված էին կակղամորթների հավաքածոները: Այդ նմուշները բարձր էին ամեն մի գնահատությունից և կարելի էր մի ամբողջ հատոր նվիրել նրանց նկարագրության: Ես կսահմանափակվեմ միայն ամենահետաքրքիր նմուշները թվելով: Այստեղ էին գտնվում Հնդկական օվկիանոսի նրբագեղ ուռնաձուկը, որի կարմիր-կինամոնագույն մարմնի վրա կանոնավոր դասավորված էին սպիտակ բծերը. այսպես կոչված՝ «կայսերական սպոնդիլը», որ ամբողջովին պատած էր գնդիկներով ու վառ գույն ուներ, — մի կենդանի, որի համար եվրոպական ամեն մի թանգարան շէր խնայի քսան հազար ֆրանկ. ավստրալիական հասարակ ուռնաձուկը, որ համար-



յա անկարելի է գտնել. սենեգալյան միջուկավորները, որ երկ-  
փեղկ էին, սպիտակ, այնպես փխրուն, որ ցնդում են. նույն-  
իսկ ամենաթեթև հողմից, ինչպես օճառի պղպջակներ. Ճա-  
վայի մի շարք ծովային ցնցուղները, ծալ-ծալ վերջավորու-  
թյուններ ունեցող կրալին փողիկներ, որոնք սերողների կողմից  
բարձր են զնահատվում. մի ամբողջ շարք փորոտանիներ,  
որոնցից դեղին-կանաչագույնները լինում են ամերիկ-  
յան ծովերում, իսկ թուխ-դարչնագույնները՝ Նոր Զելանդիայի  
ափերի մոտ, Մեքսիկայի ծոցում, և աչքի են ընկնում իրենց  
կղմինդրաձև խխունջներով. դարմանալի ծծմբային թելիներ,  
ցիտրաների թանկագին տեսակներ, ցանցավոր արևուկներ,  
մարմարե կուբարներ իրենց սաղափե բծերով: Այնուհետև  
դասավորված էին ճենախխունջների բոլոր տեսակները, որոնք  
Հնդկաստանում գործ են ածվում դրամների փոխարեն. «ծո-  
վի փառքը»՝ Արևելյան Հնդկաստանի ամենաթանկագին խե-  
ցին: Վերջապես, դափնյաներ, յանտիններ, ձվակերպներ,  
խուլքեր, սաղավարտանմաններ, ծիրանեձկներ, տավիղա-  
նմաններ, տրիտոններ, պտերոցերներ, սյատելներ, հիալեններ,  
կղերոզորներ, քնքուշ ու փխրուն խեցիներ, որոնց գիտնա-  
կանները գեղեցիկ անուններ են տվել:

Առանձին ցուցափեղկերում դրված էին շտեմնված գեղեց-  
կության մարգարիտների թելեր, որոնք շքեղ առկայծում էին  
էլեկտրական պայծառ լույսի տակ: Այնտեղ էր վարդագույն  
մի մարգարիտ, որը հանվում է Կարմիր ծովի հատակից, այն-  
տեղ էին կանաչ, դեղին, կապույտ ու սև մարգարիտները՝ զա-  
նազան կակղամորթների մարմնի ուռուցքները, որ պատա-  
հում են համարյա բոլոր ծովերում և օվկիանոսներում:

Այդ մարգարիտներից մի քանիսն աղավնու ձվից մեծ էին:  
Նրանց արժեքը գերազանցում էր այն մարգարիտի արժեքից,  
որ ճանապարհորդ Տավերնեն երեք միլիոնով ծախել էր պար-  
սից: շահին, իսկ գեղեցկությամբ նրանք ավելի բարձր էին  
Մասկատի իմամի մարգարտից, որը ես աշխարհում առաջինն  
էի համարում:

Այսպիսով անկարելի էր որոշել այդ հավաքածույի ար-  
ժեքը: Նավապետ Նեմոն պետք է միլիոններ ծախսած լիներ,  
այն ձեռք բերելու համար:

Ինքս ինձ հարց էի տալիս, թե ո՞րն է այդ շլուված հարրու-  
տության աղբյուրը: Հանկարծ նավապետը դիմեց ինձ:

— Դուք իմ հավաքածոնե՞րն եք դիտում, պրոֆեսորս  
Դրանք իսկապես որ արժանի են քննադատի ուշագրության:  
Իսկ ինձ համար նրանց արժեքն առավել քարձր է այն շափով,  
որ շափով նրանցից յուրաքանչյուրը ես իմ սեփական ձեռքե-  
րով եմ հավաքել: Երկրագնդի վրա չկա մի ծով, որն ինձ մի  
որևէ քան տված չլինի այդ ցուցափեղկերի համար:

— Նավապետ, ինձ միանգամայն հասկանալի է այն  
բերկրանքը, որ դուք պիտի զգաք այս հարստությունները  
տեսնելիս: Սվրոպական ոչ մի թանգարան չունի օվկիանոսի  
արտագրության այդչափ զրիվ հավաքածու: Սակայն եթե ես իմ  
ամբողջ հիացմունքը սպառեմ թանգարանը դիտելով, էլ ի՞նչ  
կմնա իմ մեջ, նավի մնացած մասը դիտելու համար: Ես բո-  
լորովին չեմ ուզում անհամեստ լինել ու քրքրել ձեր գաղտ-  
նիքները, բայց խոստովանում եմ, որ ինձ վերին աստիճանի  
հետաքրքրում է «Նաուտիլուսը», նրան շարժող ուժը, այն կա-  
ռուցվածքները, որոնց միջոցով նաև Վարդանան է շարժ-  
վել մեծ արագությամբ: Այս սրահի պատերի վրա ես տես-  
նում եմ այնպիսի պարագաներ, որոնց նսլատակը պարզ չէ  
ինձ համար: Արդյոք կարո՞ղ եմ հարցնել...

— Պարոն Արոնաքս, — ընդհատեց ինձ նավապետը, — ես  
արդեն ասացի, որ դուք ազատ եք այս նավում, հետևապես  
«Նաուտիլուսում» չկա մի անկյուն, որի մուտքն արգելված  
լինի ձեզ համար: Կարող եք նավը դիտել որքան ուզենաք, իսկ  
ես պատրաստ եմ լինելու ձեր ուղեկիցը:

— Չգիտեմ ինչպես շնորհակալ լինեմ ձեզնից, նավապետ:  
Կաշխատեմ ի շարը շգործադրել ձեր սիրալիրությունը: Թույլ  
տվեք միայն իմանալ, ինչի՞ համար են այս ֆիզիկական պա-  
րագաները:

— Ճիշտ նույնպիսի պարագաներ կան նաև իմ առանձ-  
նասենյակում, պրոֆեսոր, այնտեղ ես ձեզ կբացատրեմ դրանց  
նշանակությունը: Սակայն նախ անցնենք ձեզ հատկացված  
նավասենյակը: Չէ՞ որ դուք պետք է իմանաք, թե ինչ պայ-  
մաններում պետք է ապրեք «Նաուտիլուսում»:

Նեղ միջանցքով ես հետևեցի նավապետին: Անցնելով նավի առջևի մասը, նավապետ Նեմոն ինձ տարավ շքեղ կահավորված, ընդարձակ մի սենյակ, ուր աչքովս ընկան մահճակալը, արդուզարդի սեղանը, բաղկաթոռները և այլն:

Ես շնորհակալության խոսքեր չէի գտնում:

— Ձեր նավասենյակը կից է իմ առանձնասենյակին, — ասաց նավապետը դուռը բանալով, — իսկ իմ առանձնասենյակն էլ միանում է այն սրահին, ուր մենք քիչ առաջ գտնվում էինք:

Մենք մտանք նավապետի սենյակը, որ ուներ վերին աստիճանի պարզ ու հարմար կահավորություն: Երկաթե մահճակալ, աշխատանքի սեղան, մի քանի աթոռ, լվացարան՝ ահա այդ սենյակի ամբողջ կահավորանքը: Միայն անհրաժեշտ իրեր և ոչ մի շքեղություն:

Նավասենյակում կիսախավար էր տիրում:

Նավապետ Նեմոն ցույց տվեց ինձ աթոռը.

— Խնդրեմ նստեցեք:

Ես նստեցի: Նա մի փոքր լռեց և ապա սկսեց խոսել:

## ԳԼՈՒԽ ՏԱՍՆԵՐԿՈՒԵՐՈՐԴ

### ԱՄԵՆ ԻՆՉ ԷԼԵԿՏՐԱԿԱՆՈՒԹՅԱՆ ՄԻՋՈՑՈՎ

Նայեցեք, պրոֆեսոր, — սկսեց նավապետ Նեմոն, ցույց տալով պատերից կախված պարազաները, — սրանք այն ապարատներն են, որոնք օգտագործվում են «Նաուտիլուսը» կառավարելու համար: Ինչպես սրահում, այնպես էլ այստեղ նրանք միշտ իմ աչքերի առաջ են և ինձ ճշգրիտ ցույց են տալիս, թե «Նաուտիլուսն» օվկիանոսի որ կետում է գտնվում և դեպի ուր է գնում: Այդ պարազաներից մի քանիսը հայտնի են ձեզ: Ահա ջերմաչափը, որը ցույց է տալիս օդի բարեխառնությունը «Նաուտիլուսում»: Ահա ծանրաչափը, որը ցույց է տալիս օդի ճնշումը և հենց դրանով նախատեսում եղանակի փոփոխությունը: Ահա խոնավաչափը, որը ցույց է տալիս խոնավության աստիճանը մթնոլորտում: Կողմնացույցը որոշում

է նաւի ուղղությունը: Ահա անկյունաշափը, որը հնարավորություն է տալիս արեւի բարձրութեամբ որոշել տեղի լայնությունը: Սա էլ ժամանակաշափ է, որի միջոցով մենք գտնում ենք արեւմտյան կամ արեւելյան երկարությունը: Վերջապես, սրանք էլ ցերեկվա և գիշերվա հեռադիտակներ են, որոնցով ես դիտում եմ հորիզոնն այն ժամանակ, երբ «Նաուտիլուսը» բարձրանում է ջրի երեսը:

— Այդ բոլոր պարագաները, — պատասխանեցի ես, — սովորական են ծովագնացութեան մեջ և վաղուց ծանոթ են ինձ: Սակայն այստեղ կան ինձ անհայտ ինչ-որ պարագաներ: Ինչպես երևում է, հենց դրանց մեջ են թաքնված «Նաուտիլուսը» կառավարելու առանձնահատկությունները: Արդյոք խտաշափ չէ՞ այս մեծ թվացույցն իր շարժական սլաքով:

— Այդ իսկապես որ խտաշափ է: Կապված է ծովի հետ և ցույց է տալիս ջրի ճնշումը, միաժամանակ նաև «Նաուտիլուսի» ընկղմման խորությունը:

— Իսկ սրանք մխաններ են:

— Այո, միայն թե նոր կառուցվածքի մխաններ: Իրանք ջերմաշափի դիր են կատարում, — ցույց են տալիս ջրի զանազան շերտերի բարեխառնությունը:

— Իսկ այս պարագաները: Ես չեմ պատկերացնում, թե ինչի համար են:

— Այստեղ հարկավոր կլինի մի քանի բացատրութայուններ տալ ձեզ, պրոֆեսոր, — պատասխանեց նավապետ Նեմոն: Նա մի փոքր լռեց և ապա շարունակեց.

— Բնութեան մեջ կա հնազանդ, արագաշարժ և հասարակ ձևով գործադրվող մի ուժ: Այդ ուժն ամեն ինչ կատարում է իմ նավում, լուսավորում է, տաքացնում, աշխատեցնում մեքենաները: Այդ էլեկտրականութայունն է:

— Էլեկտրականութայունը, — զարմացած բացականչեցի ես:

— Այո՛:

— Սակայն, նավապետ, ձեր նավն արտասովոր արագութեամբ է շարժվում: Դա քիչ է կապվում այն ամենի հետ, ինչ որ մեզ հայտնի է էլեկտրականութայան մասին: Մինչև այժմ էլեկտրականութայան մեխանիկական ուժի մասին եղել է այն կարծիքը, թե խիստ սահմանափակ է այդ ուժը:

— Գիտե՞ք ինչ, պրոֆեսոր, — պատասխանեց նա՛վապետ Նեմոն, — էլեկտրականութեան էներգիան ես չեմ օգտագործում այնպես, ինչպես առհասարակ ընդունված է օգտագործել: Թույլ տվեք ինձ սահմանափակվելու միայն այս բացատրութեամբ:

— Ինչպես կուզեք, նա՛վապետ, թեպետ ես բոլորովին ապշած եմ ձեր հաղորդած տեղեկութեանից: Խնդրում եմ ձեզ պատասխանել միայն մի հարցի, եթե իհարկե այդ հարցը ձեզ անհամեստ չթվաւ: Չէ՞ որ այն տարրերը, որոնք աղբյուր են ծառայում այդ զարմանալի ուժն ստանալու համար, պետք է որ շուտով սպառվեն, մանավանդ ցինկը: Հասա՞ ինչպե՞ս եք լրացնում դրա պաշարը, եթե կապ չեք պահում երկրի հետ:

— Հաճույքով կպատասխանեմ ձեր այդ հարցին, — ասաց նա՛վապետ Նեմոն, — ամենից առաջ իմացեք, որ ծովի հատակում կա ցինկ, երկաթ, արծաթ, ոսկի և այլ մետաղներ, որոնց շահագործումն անպայման հնարավոր է: Սակայն ես չեմ օգտվում այդ մետաղներից և հենց ծովից եմ ստանում էներգիայի այն քանակը, որ անհրաժեշտ է ինձ:

— Ծովի՞ց:

— Այո, պրոֆեսոր, ծովից: Այդ կերպ էներգիա ստանալու համար կան բազմաթիվ միջոցներ: Օրինակ՝ ես կարող էի հաղորդիչ մարմինները դանազան խորութեամբ ընկղմել ծովը և ջրի շերտերի բարեխառնութեան տարբերութեանից էլեկտրական հոսանք ստանալ: Սակայն ես գերադասեցի ընտրել մի այլ, ավելի գործնական միջոց:

— Այսի՞նքն:

— Դուք գիտե՞ք ծովի ջրի բաղադրութեանը: Դրա հարցուր մասից իննսունվեց և կես մասը մաքուր ջուր է, իսկ մոտ երկու և երկու երրորդ մասը՝ քլորային նատրիում: Ապա նրա մեջ պարունակվում է քիչ քանակութեամբ քլորային մագնիում և քլորային կալցիում, բրոմային մագնիում, ծծմբաթթվուտային մագնիում, ծծմբաթթվուտ և ածխա-կալցիումային աղ: Ինչպես տեսնում եք, ծովի ջուրը բավական ղգալի քանակութեամբ քլորային նատրիում է պարունակում: Եվ ահա իմ մարտկոցի համար օգտագործվում է հենց այդ քլորային նատրիումը, որը հանվում է ծովից:



— Քլորային նատրիումը:

— Այո: Միանալով սնդիկին, քլորային նատրիումը կազմում է ամալգամ, որը Բունզենի տարրերում փոխարինում է ցինկին: Սնդիկն տարրերի մեջ չի քայքայվում: Այսպիսով ծախսվում է միայն նատրիումը, որը ես ձեռք եմ բերում ծովից: Պետք է նաև ասեմ ձեզ, որ նատրիումի տարրերն առնրվազն երկու անգամ ուժեղ են ցինկային տարրերից:

— Նավապետ, ես հասկանում եմ նատրիումի առավելություններն այն պայմաններում, որոնց մեջ գտնվում եք դուք: Մովում ինչքան ուղեք նատրիում կգտնեք: Հրաշալի: Սակայն չէ՞ որ նատրիումը պետք է զատել իրեն միացած քլորային նյութերից: Իրա համար դուք ի՞նչ եք անում: Իհարկե ձեր մարտկոցները կարող էին օգտագործվել քլորային նատրիումի էլեկտրալուծման համար, սակայն, եթե ես չեմ սխալվում, էլեկտրալուծման համար ավելի շատ նատրիում է հարկավոր, քան այդ էլեկտրալուծումից ստացվող նատրիումը: Եվ դուք ավելի շատ նատրիում կծախսեք, քան կըստանաք:

— Հենց այդ պատճառով է, պրոֆեսոր, որ ես նատրիումը ձեռք եմ բերում ոչ թե էլեկտրալուծման միջոցով, այլ քարածխի այրվելուց առաջացող էներգիան օգտագործելու շնորհիվ:

— Քարածխի՞: Ուրեմն այնուամենայնիվ դուք կապված եք երկրի հետ:

— Ո՛չ: Եթե ուզում եք, այդ ածուխը կարող եք անվանել ծովային:

— Նշանակում է դուք գտել եք մի միջոց, որով կարելի է շահագործել ստորջրյա ածխաշերտերը:

— Այդ դուք կտեսնեք ձեր սեփական աչքերով, պրոֆեսոր: Ես ձեզ խնդրում եմ միայն մի քիչ համբերել, մանավանդ որ ժամանակը միանգամայն թույլ է տալիս ձեզ համբերող լինելու: Հիշեցեք միայն մի բան, ես բացարձակապես ամեն ինչ ստանում եմ օվկիանոսից: Նա ինձ տալիս է էլեկտրականություն, իսկ էլեկտրականությունը «Նաուտիլուսին» տալիս է տաքություն, լույս, շարժվելու հնարավորություն, մի խոսքով կյանք:

— Բացի շնչառության համար անհրաժեշտ օդից, այո՞:



— Օ՛, ես կարող էի հեշտությամբ պատրաստել հարկավոր քանակությամբ օդ, սակայն դա ավելորդ է, որովհետև ես կարող եմ ուղածս ժամանակ դուրս գալ ջրի մակերևույթը: Սակայն հիմա էլ էլեկտրականությամբ են գործում այն դորեղ պոմպերը, որոնցով օդը հավաքվում է հատուկ պահամաններով: Այսպիսով ես կարող եմ երկար ժամանակ մնալ ջրի տակ, եթե այդ հարկավոր լինի:

— Նավապետ, — ասացի ես, — կարող եմ միայն խոնարհվել ձեր առաջ: Ըստ երևույթին ձեզ հաջողվել է հայտնագործել այն, ինչ որ մարդիկ պիտի հայտնագործեն շատ ավելի ուշ՝ էլեկտրականության վիթխարի դինամիկական ուժը:

— Չգիտեմ, երբևէ նրանք կհայտնագործեն՞ այդ, — սառը պատասխանեց նավապետ Նեմոն, — սակայն, այսպես թե այնպես, դուք արդեն գիտեք, թե ես ինչպես եմ գործադրում այդ զարմանալի ուժը: Այդ ուժն է, որ արևից էլ ավելի կանոնավոր և անընդհատ լուսավորում է նավը: Հիմա նայեցեք այդ ժամացույցին, դա էլեկտրական է և աշխատում է այնպիսի ճշտությամբ, ինչպես կաշխատեր լավագույն քրոնոմետրը: Ես թվատախտակը բաժանել եմ քսանչորս ժամի, ինչպես իտալական ժամացույցները, որովհետև ինձ համար գոյություն չունի ոչ ցերեկը, ոչ գիշերը, ոչ արևը, ոչ լուսինը, այլ գոյություն ունի միայն այն արհեստական լույսը, որով ես օգտվում եմ ծովերի խորքերում: Նայեցեք, հիմա առավոտյան ժամը տասն է:

— Միանգամայն ճիշտ է:

— Ահա ձեզ էլեկտրականության մի այլ գործադրություն: Այս թվատախտակը, որ փակցված է ձեր աչքերի առաջ, ցույց է տալիս «Նաուտիլուսի» շարժման արագությունը: Դա էլեկտրալարերով միացած է պտուտակին և սլաքներն ինձ ասում են, թե նավն ինչ արագությամբ է գնում: Ա՛յ, տեսնո՞ւմ եք, հիմա մենք գնում ենք շափավոր արագությամբ, մեկ ժամում տասնհինգ մղոն:

— Ապշեցուցիչ է այդ բոլորը, — բացականչեցի ես, — այժմ ես տեսնում եմ, նավապետ, որ դուք միանգամայն ճիշտ եք վարվել, օգտագործելով բնության հենց այդ ուժը, որ փոխարինում է քամու և գոլորշու ուժին:

— Մենք դեռ չենք վերջացրել մեր դիտումը, պրոֆեսոր,—  
աթոռից վեր կենալով ասաց նավապետ Նեմոն,— եթե դուք  
չեք հոգնել, անցնենք «Նաուտիլուսի» հետին մասը:

Հիրավի, ես արդեն ծանոթացել էի ստորջրյա նավի առջևի  
ամբողջ մասի հետ: Ահա այն սենյակների ցուցակը, որոնք  
գտնվում էին նավի այդ մասում, մեջտեղից մինչև առջևի  
ծայրը. — հինգ մետր երկարությամբ սեղանատունը, որ գրա-  
դարանից բաժանված էր անջրանցիկ միջնորմով, նույնքան  
երկարությամբ գրադարանը, տասը մետրանոց մեծ սրահը,  
որ նավապետի սենյակից բաժանված էր երկրորդ անջրանցիկ  
միջնորմով, նավապետի հինգ մետրանոց սենյակը, իմ սեն-  
յակը, որի երկարությունը հասնում էր երկու և կես մետրի  
և վերջապես, օդի պահեստը, որ ուներ յոթ և կես մետր եր-  
կարություն և հասնում էր մինչև ցուկը:

Ընդհանրապես նավի այդ մասի երկարությունը կազմում  
էր երեսուն հինգ մետր: Անջրանցիկ միջնորմներն ունեին  
հերմետիկորեն փակվող դռներ և պետք է «Նաուտիլուսն» ա-  
պահովեին ջուրը ներս լցվելուց, այն դեպքում, եթե նավի մի  
որևէ մասից ջուր հոսեր:

Նավի մեջտեղի միջանցքներում ես հետևեցի նավապետ  
Նեմոյին: Ես տեսա նեղ ջրհորի նման ինչ-որ մի բան, որ  
գտնվում էր երկու անջրանցիկ միջնորմների արանքում: Եր-  
կաթե, փոքրիկ մի սանդուղք, որ պտուտակներով ամրացրած  
էր ջրհորի պատերին, տանում էր դեպի առաստաղը: Ես հարց-  
րի նավապետին, թե ինչի համար է այդ ջրհորը:

— Այնտեղից կարելի է իջնել դեպի մակույկը, — պատաս-  
խանեց նավապետը:

— Ինչպե՞ս, դուք մակու՞յկ ունեք, — տարակուսանքով  
հարցրի ես:

— Իհարկե: Հիանալի մակույկ, որ թեթև է և ջրասուշյղ շի-  
լինում: Դա օգտագործվում է զբոսանքի և ձկնորսության հա-  
մար:

— Եվ այդ մակույկը ջուրն իջեցնելու համար դուք բարձ-  
րանում եք ծովի երեսը, այո՞:

— Բոլորովին ոչ: Մակույկը տեղավորվում է «Նաուտիլու-  
սի» տախտակամածում, հատուկ տեղում: Դա ունի հերմետի-

կորին փակվող, անջրանցիկ կափարիչ, և իր տեղում ամրացվում է հեղույսներով: Այս սանդուխքը տանում է «Նաուտիլուսի» տախտակամածում գտնվող մի անցք, որը միանում է մակույկի հատակում եղած մի ուրիշ անցքի հետ: Այդ ճանապարհով ես մտնում եմ մակույկը: Այնուհետև փակվում է «Նաուտիլուսի» անցքը: Մակույկի անցքն էլ ես եմ փակում հատուկ կափարիչով: Հետո ես հանում եմ պտուտակները, և մակույկը մեծ արագությամբ դուրս է գալիս ծովի երեսը: Այդ ժամանակ ես քանդում եմ ծավվող կափարիչը, իր տեղն եմ դնում կայմը, տռագաստը, կամ սկսում եմ թիավարել և զբոսնել ծովի վրա:

— Իսկ ինչպե՞ս եք վերադառնում նավը:

— Ես չեմ վերադառնում: «Նաուտիլուսն» է գալիս ինձ մոտ:

— Ձեր հրամանով:

— Այո, իմ հրամանով: Մակույկն էլեկտրալարով միացած է նավին: Երբ ես ուզում եմ վերադառնալ, հեռագիր եմ տալիս:

— Իսկապե՞ս, — բացականչեցի ես, ապշած լինելով այդ բոլոր հրաշքներից, — ի՞նչ հասարակ բան է եղել այդ բոլորը:

Անցնելով դեպի տախտակամածը տանող սանդուղքի մոտից, մենք հասանք երկու մետր երկարությամբ մի նավասենյակ, որտեղ նեղ կենդն ու կոնսելը կոպ էին տվել փառավոր նախաճաշը: Այնտեղ էր գտնվում խոհանոցը, որ ուներ երեք մետր երկարություն: Այնտեղ էին գտնվում նաև ընդարձակ մառանները: Խոհանոցն էլեկտրականությամբ էր տաքացվում: Պլատինե թիթեղները շիկանում էին իրենց հետ միացած էլեկտրալարերից, պահպանելով այնքան տաքություն, որքան անհրաժեշտ էր եփելու, տապակելու կամ թխելու համար: Էլեկտրականությամբ էր տաքացվում նաև գտիչ մի ապարատ, որը ծովի ջուրը թորելու միջոցով բավականաչափ խմելու ջուր էր մատակարարում նավորդներին:

Խոհանոցի կողքին գտնվում էր վաննան ու լվացարանը՝ տաք և սառը ջրով:

Վաննաչից դենը նավորդների սենյակն էր, որն ուներ հինգ մետր երկարություն: Այս սենյակի դուռը փակ էր, և ես չկա-

րողացա որոշել «Նաուտիլուսի» անձնակազմի քանակը, թեպետ այդ շատ էի ուզում:

Այստեղ էր գտնվում նաև շորրորդ անջրանցիկ միջնորմը, որ նավորդների սենյակը բաժանում էր մեքենաների բաժանմունքից: Անցնելով միջնորմի դռնից, մենք մտանք մի սրահ, որտեղ նավապետ Նեմոն, այդ առաջնակարգ ինժեները, տեղավորել էր «Նաուտիլուսը» շարժող մեքենաները:

Պայծառ լուսավորված այդ սրահն ուներ առնվազն քսան մետր երկարութուն: Սրահը բաժանվում էր երկու մասի: Առաջին մասում տեղավորված էին էլեկտրական էներգիա արտադրող տարրերը, երկրորդում — մեքենաները, որոնք շարժում էին նավի պտուտակը:

Ինձ դարձացրեց այդ սրահում տարածված ինչ-որ սարօրինակ մի հոտ: Նավապետ Նեմոն նկատեց իմ տարակուսանքը:

— Սա նատրիումի հանուրդից առաջացող գազի հոտն է,— ասաց նա: Սակայն վերջին հաշվով դա այնքան էլ մեծ անհարմարութուն չի ներկայացնում: Ամեն առավոտ մենք հիմնովին մաքրում ենք նավի օդը:

Ես լարված հետաքրքրությամբ դիտում էի «Նաուտիլուսի» մեքենաները:

— Ինչպես տեսնում եք,— ասաց նավապետ Նեմոն,— ես օգտվում եմ ոչ թե Ռումկորֆի, այլ Բունդենի տարրերով: Ռումկորֆի տարրերն ինձ չէին կարող տալ անհրաժեշտ քանակությամբ էներգիա: Բունդենի մարտկոցներից ես շատ շունեմ, սակայն եղածներից յուրաքանչյուրը շափազանց ուժեղ է: Մարտկոցներում առաջացող էլեկտրականութունը հաղորդվում է սրահի հակադիր ծայրը, այնտեղ ներգործում է հրակայական էլեկտրամոտորների վրա, որոնք մխոցների և շարժանիվների բարդ սխեմաների միջոցով պտտեցնում են թիակավոր գլանը: Այդ գլանի շառավիղը վեց մետր է, երկարութունը՝ յոթ և կես մետր: Չնայելով այդ մեծ ծավալին, գլանը մի վայրկյանում հարյուր քսան պտույտ է կատարում:

— Եվ ձեր նավի արագութունը...

— Մի ժամում հասնում է հիսուն մղոնի:

Այստեղ ինչ-որ գաղտնիք էր թաքնված, սակայն ես չէի համարձակվում բացատրութուն պահանջել: Որտեղի՞ց է?

էլեկտրականութեան այդ հսկայական ուժը: Ո՞րն էր այդ շըս-  
ված, դրեթե անսահմանափակ հզօրութեան աղբյուրը: Գուցե  
այստեղ օգտագործվում են նոր ձևի կոճեր, որոնք բարձր  
լարվածութիւնն են ցույց տալիս, կամ գոյութիւնն ունի փոխ-  
հաղորդիչների մի առանձնահատուկ համակարգ: Այդ անհաս-  
կանալի էր ինձ համար:

— Նավապետ Նեմո, — ասացի ես, — խոնարհվում եմ այս  
ամենի առաջ և չեմ էլ փորձում պարզել, թե դուք ինչպես եք  
հասել նման արդյունքների: Ես տեսա, թե ինչպես «Նաուտի-  
լուսը» լողում էր «Աբրահամ Լինկոլնի» շուրջը և գիտեմ, թե  
նա ինչպիսի հրեշավոր արագութեամբ է կարողանում ընթա-  
նալ: Սակայն չէ՞ որ միայն արագութիւնը բավական չէ: Հար-  
կավոր է նաև տեսնել, թե ուր ես գնում: Հարկավոր է հնարա-  
վորութիւնն ունենալ նախն ուղղելու դեպի վերև, ներքև, աջ և  
ձախ: Այդ բոլորը դուք ինչպե՞ս եք հաջողեցնում օվկիանոսի  
խորքերում, ուր ճնշումը հարյուրավոր մթնոլորտների է հաս-  
նում: Ինչպե՞ս եք բարձրանում օվկիանոսի երեսը: Վերջա-  
պես ի՞նչ միջոցով եք նավին ուղղութիւնն տալիս ձեր ընտրած  
ջրային շերտերում: Արդյոք այսչափ հարցեր տալն անհու-  
մեստութիւնն չէ՞ իմ կողմից:

— Ամենևին, պրոֆեսոր, — պատասխանեց նավապետը մի  
փոքր տատանվելուց հետո, — չէ՞ որ դուք երբեք չեք հեռանա-  
լու այս ստորջրյա նավից: Անցնենք սրահ: Այնտեղ է իմ աշ-  
խատասենյակը և այնտեղ դուք կիմանաք այն ամենը, ինչ  
դու պետք է իմանաք «Նաուտիլուսի» մասին:

## ԳԼՈՒԽ ՏԱՍՆԵՐԵՔԵՐՈՐԴ

### ՄԻ ՔԱՆԻ ԹՎԵՐ

Մի քանի րոպեից հետո մենք արդեն նստել էինք սրահում,  
բազմոցների վրա, և սիգար էինք ծխում: Նավապետ Նեմոն  
ինձ տվեց այն գծագրերը, որոնք պատկերացնում էին «Նաու-  
տիլուսը» երկարութեան ու լայնութեան կտրվածքով: Այնու-  
հետև նա սկսեց իր բացատրութիւնը:



— Ահա, պարոն պրոֆեսոր, այն նավի ուրվագծերը, որտեղ գտնվում եք դուք: Սա երկար մի դլան է՝ կոնաձև ծայրերով: Իր ձևով նա նման է սիդարին, իսկ այդ ձևը կոնոգոնում լավագույնն է համարվում նման նավերի վերաբերմամբ: Գլանի ամբողջ երկարությունը հավասար է ճիշտ յոթանասուն մետրի, իսկ ամենամեծ լայնությունը (մեջտեղում)՝ ութ մետրի: Ես չեմ պահպանել այն հարաբերությունը, որ սովորաբար պահպանվում է արագընթաց նավերի երկարության ու լայնության միջև, այսինքն երբ երկարությունը տասն անգամ ավելի է լինում լայնությունից: Սակայն իմ ընտրած երկարության ու լայնության հարաբերությունն այնպես է, որ նավն առջևից այնքան էլ մեծ դիմադրության չի հանդիպում, և դուրս մղվող ջուրը չի արգելակում նրա ընթացքը: Այս տրվյալներն արդեն ձեզ թույլ են տալիս հաշվելու «Նաուտիլուսի» մակարդակն ու ծավալը: Նրա մակարդակը կազմում է ճիշտ հազար տասնմեկ ամբողջ քառասունհինգ հարյուրերորդական քառակուսի մետր, ծավալը՝ հազար հինգ հարյուր ամբողջ երկու տասնորդական խորանարդ մետր: Սրանից հետեվում է, որ ամբողջովին ջրասույզ լինելու դեպքում նավը դուրս է մղում հազար հինգ հարյուր խորանարդ մետր կամ նույնքան տոննա ջուր:

Այս սուզանավի պլանը կազմելիս ես հետապնդում էի հետևյալ նպատակը. — այնպես անել, որ «Նաուտիլուսը» ծովում ինը տասներորդ մասով լինի ջրի տակ և տասներորդ մասով — ջրից դուրս: Նման պայմաններում նավը պետք է դուրս մղեր իր ծավալի ինը տասներորդ մասի շափ ջուր, կամ հազար երեք հարյուր հիսունվեց ամբողջ քառասունութ հարյուրերորդական խորանարդ մետր ջուր և կշռեր նույնքան տոննա: Ուրեմն ես պետք է այնպես անեի, որ նավի ծանրությունը դրանից ավելի չլիներ:

«Նաուտիլուսն» ունի երկու մաս, ներքին և արտաքին: Այդ մասերը միացած են երկաթե դերաններով, որոնք ունեն «Մ» տառի ձևը: Գերաններն արտասովոր ամրություն են տալիս նավին: Հիրավի, այդպիսի կառուցվածքի շնորհիվ, «Նաուտիլուսը» դատարկ լինելու դեպքում նույնպիսի դիմադրություն ունի, ինչ որ այն դեպքում, երբ նա ասենք թե լցված

լինի ջրով: Նավի կառուցվածքը շափաղանց ամուր է և ծովային ոչ մի փոթորիկ և ալեկոծություն սարսափելի չէ նրա համար:

Հիշված երկու մասերը բաղկացած են պողպատյա թերթերից, որոնք շափաղանց դիմացկուն են: Ներքին մասի թերթերի հաստությունը հավասար է մոտավորապես հինգ սանտիմետրի, իսկ այդ մասի ծանրությունը՝ երեք հարյուր իննսունչորս ամբողջ և իննսունվեց հարյուրերորդական տոննայի: Արտաքին մասը, որ ունի հիսուն սանտիմետր բարձրություն և քսանհինգ սանտիմետր լայնություն և կշռում է վաթսուներկու տոննա, ապա մեքենաները, բեռը, մնացած ամբողջ կահավորանքը, սարքավորումը, ներքին միջնորմներն ու հենարանները՝ այս ամենը միասին վերցրած կշռում է ինը հարյուր վաթսունմեկ ամբողջ հիսուներկու հարյուրերորդական տոննա, որ ներքին մասի երեք հարյուր իննսունչորս ամբողջ իննսունվեց հարյուրերորդական տոննայի հետ միասին կազմում է նավի ընդհանուր ծանրությունը՝ հազար երեք հարյուր հիսունվեց ամբողջ քառասունութ հարյուրերորդական տոննա: Հասկացա՞ք:

— Հասկացա:

— Այսպես ուրեմն, — շարունակեց նավապետը, — երբ «Նաուտիլուսը» գտնվում է ջրի երեսին, այդչափ բեռնվածության դեպքում ջրից դուրս է գալիս մեկ տասներորդ մասով: Հետևաբար, եթե նավում լինեին պահամանների այդ տասներորդ մասի տարողությամբ, այսինքն հարյուր հիսուն ամբողջ յոթանասուներկու հարյուրերորդական տոննա տարողությամբ, և եթե այդ պահամանները լցվեին ջրով, ապա «Նաուտիլուսը», որ դուրս է մղում հազար հինգ հարյուր խորանարդ մետր ջուր, կամ որ միևնույն է, կշռում է հազար հինգ հարյուր յոթ տոննա, ամբողջովին ջրասույզ կլիներ: Հենց այդպես էլ լինում է գործնականում: «Նաուտիլուսն» ունի պահամաններ, որոնք տեղավորված են նրա ներքին մասում: Բովական է բաց անել ծորակները, և այդ պահամանները լցվում են ջրով ու նավն ամբողջովին ջրասույզ է լինում, իր վերին մասով հավասարվելով ծովի մակերևույթին:

— Շատ գեղեցիկ, նավապետ: Բայց իմ կարծիքով հենց

այստեղից են սկսվում գլխավոր դժվարությունները: Անշուշտ դուք կարող եք ջրասույզ լինել այնքան, որ «Նաուտիլուսի» ոչ մի սանտիմետրը ջրից դուրս չմնա: Մակայն, նրբ ձեր նավը խորն է իջնում, մի՞թե ուժեղ դիմադրության չի հանդիպում: Մի՞թե այդ ճնշումը նավը վարից վեր չի մղում այնպիսի ուժով, որը կազմում է մոտավորապես մեկ մթնոլորտ ջրի յուրաքանչյուր երեսուներկու ոտնաչափ շերտի վրա, կամ այլ կերպ ասած՝ այնպիսի ուժով, որը հավասար է մեկ քառակուսի սանտիմետրի վրա մեկ կիլոգրամի ճնշման:

— Միանգամայն ճիշտ է, պրոֆեսոր:

— Այդ դեպքում, եթե դուք ամբողջ «Նաուտիլուսը» չեք լցնում ջրով, ապա ես չգիտեմ, թե նավն ինչպես է ջրասույզ լինում:

— Պարոն պրոֆեսոր, — ասաց նավապետ Նեմոն, — չպետք է շփոթել ստատիկան և դինամիկան, թե չէ կարող են լուրջ սխալներ լինել: Օվկիանոսի խորքերը մտնելու համար այնքան էլ բարդ աշխատանք չի պահանջվում: Հետևեցեք իմ դատողությունների ընթացքին:

— Ես ուշադրությամբ լսում եմ ձեզ:

— Ինչքան պետք էր ավելացնել «Նաուտիլուսի» ծանրությանը, որպեսզի նա իջներ ծովերի խորքը: Այդ բանը պարզելու համար ես պետք է հաշիվ անեի, թե ինչքան է ծովի վերին շերտերի ճնշումն այս կամ այն խորության ստորին շերտերի վրա:

— Դա ակներև է, նավապետ:

— Մակայն, թեև չի կարելի ժխտել, որ ջուրը սեղմվելու հատկություն ունի, բայց և այնպես, այդ հատկությունը խիստ սահմանափակ է: Եվ իսկապես, նորագույն տվյալների համաձայն, ճնշումը մեկ մթնոլորտով ավելանալու դեպքում, այսինքն՝ երեսուն ոտնաչափ խորությամբ, ջուրը սեղմվում է շորս հարյուր երեսունվեց տասը միլիոներորդ մասով: Հազար մետր խորությամբ ջրասույզ լինելու համար պետք է հաշվի առնել հազար մետր բարձրությամբ ջրային սյան ճնշումից, այսինքն հարյուր մթնոլորտ ճնշումից առաջացող՝ ծավալի փոքրացումը: Այս դեպքում ծավալի փոքրացումն արտահայտվում է շորս հարյուր երեսունվեց հարյուրերորդականով:

Հետևաբար, նավի կշիռը պետք է ավելանա մինչև հազար, հինգ հարյուր տասներեք ամբողջ յոթանասունյոթ հարյուրերորդական տոննա՝ հազար հինգ հարյուր յոթ ամբողջ երեսուցու տասներդական նորմալ կշռի փոխարեն: Այսպիսով հարկավոր կլինի նավի ծանրությունն ավելացնել ընդամենը վեց ամբողջ հիսունյոթ հարյուրերորդական տոննայով:

— Ընդամենը:

— Այո, սլարոն Արոնաքս, իսկ այս հաշիվը դժվար չէ ստուգել: Հետո, ես ունեմ պահեստի պահամաններ հարյուր տոննա տարողությամբ: Դրանց շնորհիվ ես կարող եմ ավելի խորը ջրասուզվել: Զրի երեսը բարձրանալու համար բավական է, որ ես դատարկեմ այդ լրացուցիչ պահամանների ջուրը: Իսկ եթե ուզում եմ, որ «Նաուտիլուսի» մեկ տասներորդ մասը դուրս գա ջրից, ամբողջովին դատարկում եմ բոլոր ամբարները:

Ես էլ ի՞նչ կարող էի առարկել այդ դատողությունների դեմ, որոնք հիմնվում էին ստույգ թվերի վրա:

— Ես ընդունում եմ ձեր փաստարկումները, նավապետ, — ասացի ես, — և իսկապես, ծիծաղելի կլինեն դրանք վիճելի դարձնել այն ժամանակ, երբ գործնական կյանքն ամեն օր հաստատում է դրանց ճշտությունը: Սակայն իմ մեջ առաջանում է մի կասկած ևս:

— Ի՞նչ կասկած:

— Երբ դուք ջրասուզվում եք հազար մետր խորությամբ, «Նաուտիլուսի» պատերի վրա հարյուր մթնոլորտ ճնշում է լինում: Հետևաբար, եթե դուք, գտնվելով այդչափ խորը, ցանկանաք դատարկել պահամանները, որպեսզի ձեր նավը թեթեւվանա և բարձրանա ծովի երեսը, ապա պահամաններից ջուրը դատարկող պոմպերի վրա կլինի լրացուցիչ ճնշում, յուրաքանչյուր քառակուսի սանտիմետրի վրա հարյուր կիլոգրամ: Իսկ դա պոմպերից կպահանջի այնպիսի հզորություն...

— Որը կարող է տալ միայն էլեկտրականությունը, — ընդհատեց ինձ նավապետ Նեմոն: — Կրկնում եմ, պրոֆեսոր, իմ մեքենաների հզորությունը համարյա անսահման է: «Նաուտիլուսի» պոմպերն արտասովոր ուժ ունեն: Դրանում դուք պետք է համոզվեիք այն ժամանակ, երբ իմ պոմպերի ուժով

ջրի սյուները, ինչպես ջրվեժ, թափվեցին «Աբրահամ Լինկոլնի» տախտակամածի վրա: Սակայն, որպեսզի իմ մարտկոցները շժանրաբեռնեմ լրացուցիչ պահամաններով, ես դրանցով օգտվում եմ միայն այն դեպքերում, երբ ուզում եմ ջրասույզ լինել հազար հինգ հարյուրից մինչև երկու հազար մետր: Իսկ եթե խելքիս փշում է այցելել օվկիանոսի ամենախորը մասերը՝ ութ-տասը հազար մետր դեպի ցած, ապա ես դիմում եմ ուրիշ միջոցների, որոնք թերևս ավելի բարդ, սակայն հուսալի են, ինչպես և իմ թված մյուս միջոցները:

— Այսի՞նքն, նավապետ:

— Որպեսզի ձեզ համար այդ հասկանալի լինի, ես պետք է նախ պատմեմ, թե ինչպես եմ կառավարում «Նաուտիլուսը»:

— Ես անհամբերությամբ ուզում եմ իմանալ այդ:

— Նավը դեպի աջ կամ դեպի ձախ տանելու համար, կամ ուրիշ խոսքով, նրան հորիզոնական ընթացք սալու համար ես օդադարձում եմ սովորական մի դեկ, որ գտնվում է նավախելի մոտ: Այդ դեկը գործում է անիվի և պարանի միջոցով: Սակայն «Նաուտիլուսը» կարելի է ուղղել նաև դեպի վերև ու ներքև, որի համար օգտագործվում են նավի կողքերին, ջրագծի մոտ գտնվող երկու հատուկ մասեր: Սրանք վերև ու ներքև են շարժվում նավի ներսում գտնվող լծակների միջոցով: Երբ հիշված մասերը զուգահեռական դիրք են ընդունում ողնուցի հետ, «Նաուտիլուսը» գնում է հորիզոնական ուղղությամբ: Երբ նրանք թեքված են, «Նաուտիլուսը», նայած այդ թեքման աստիճանին, իջնում է թեք կամ բարձրանում թեք գծով, իսկ այդ գծի երկարությունն ամբողջովին կախված է իմ ցանկությունից: Դեռ ավելին, եթե ես ուզում եմ արագացնել վերելքը, կանգնեցնում եմ պտուտակը և ջրի ճնշման շնորհիվ «Նաուտիլուսը» բարձրանում է վեր, ինչպես ջրածնով լցված օդապարիկ:

— Կեցցեք, նավապետ, — բացականչեցի ես, — սակայն ջրասույզ եղած «Նաուտիլուսը» կուրորե՞ն է կառավարվում:

— Բոլորովին ոչ: «Նաուտիլուսի» տախտակամածում, նրա առջևի մասում կառուցված է հատուկ տեղ դեկավարի համար: Այնտեղ տեղավորված լուսացույցներն ունեն օսպրնյակներ:



— Եվ այդ ապակիները դիմադրո՞ւմ են ճնշումներին:

— Այո՛: Բյուրեղապակին, որ կարող է փշրվել վայր քնկնելուց կամ ցնցումից, միևնույն ժամանակ որոշ դեպքերում բավականաչափ ամուր է լինում: 1864 թվականին, երբ Հյուսիսային ծովում էլեկտրական լույսի տակ ձուկ որսալու փորձեր էին կատարվում, յոթ միլիմետր հաստութեամբ բյուրեղապակյա թիթեղները դիմացան տասնվեց միլնոլորտ ճնշման: Իսկ այն ապակիները, որ ես եմ օգտագործում, ունեն մինչև քսանմեկ սանտիմետր հաստություն, այսինքն երեսուն անգամ ավելի հաստ են:

— Ես հասկացա: Սակայն տեսանելիությունն ապահովելու համար շատ ուժեղ լույս է հարկավոր, այնպես որ, հարց է ծագում, թե ինչպես օվկիանոսի միջին խորքերում...

— Ղեկի ձեղնախցիկի հետևում տեղավորված է էլեկտրական մի ուժեղ անդրադարձիչ, — ընդհատեց ինձ նավապետ Նեմոն, — որի ճառագայթները ջուրը լուսավորում են կես մղոն տարածութեամբ:

— Կեցցեք, եռակի կեցցեք, նավապետ: Հիմա ինձ հասկանալի է տխրահոշակ «միաժանու» տարածած էլեկտրական լույսը, այն միաժանու, որ այնքա՛ն շփոթեցրել էր գիտնականներին: Ի դեպ, թույլ տվեք իմանալ, արդյոք սոսկ պատահականությո՞ւն է եղել «Նաուտիլուսի» և «Շոտլանդիայի» ընդհարումը, որ այնքան աղմուկ հանեց ամբողջ աշխարհում:

— Միմիայն պատահականություն, պրոֆեսոր: Ընդհարումը տեղի ունեցավ այն ժամանակ, երբ իմ նավն ընթանում էր երկու մետր ջրի տակ: Սակայն ես իսկույն տեսա, որ ոչ մի փորձանք չի պատահել:

— Միանգամայն ճիշտ է: «Շոտլանդիան» հաջողութեամբ հասավ նավահանգիստ: Կավ, իսկ ինչո՞վ վերջացավ ձեր հանդիպումն «Աբրահամ Լինկոլնի» հետ:

— Պարոն պրոֆեսոր, ես էլ եմ ցավում ամերիկական քաջարի նավատորմիդի այդ լավագույն նավի համար, սակայն նա հարձակվում էր ինձ վրա և ես պետք է պաշտպանվեի: Այնուամենայնիվ ես սահմանափակվեցի նրանով, որ մարտանավը դրկեցի ինձ վրա հարձակվելու հնարավորությունից:

նրա համար դժվար չի լինի ամենամոտիկ նախահանգստում կարգի բերել վնասված տեղերը:

— Օ՛, նավապետ,— բացականշեցի ես,— իսկապես որ սքանչելի նավ է «Նաուտիլուսը»:

— Այո, պրոֆեսոր,— մի փոքր հուզված պատասխանեց նավապետ Նեմոն,— ես սիրում եմ այս նավն ինչպես հարազատ մտնկանս: Օվկիանոսում գտնվող նավերին հազարավոր վտանգներ են սպառնում: Յուրաքանչյուր պատահականություն կարող է նրանց համար ճակատագրական դառնալ: Մինչդեռ այստեղ, ծովերի խորքում մարդը ոչնչից շպիտի վախենա: Կարիք չկա վախենալու, որ նավը կարող է ճզմվել որոշ ճնշումից, քանի որ այն ավելի ամուր է, քան երկաթը: Այս նավը շունի մաշվող սարքավորում, շունի առազաստներ, որոնց կարող է պոկել քամին: Չկան այնպիսի կաթսաներ, որոնք կարող են պայթել: Հրդեհը սարսափելի չէ, քանի որ նավը փայտյա մասեր չունի: Չկա ածուխ, որի պաշարը ըսպառվում է արագությամբ, չէ՛ որ «Նաուտիլուսը» միմիայն էլեկտրականությամբ է շարժվում: Սարսափելի չեն ընդհարումները, որովհետև միայն «Նաուտիլուսն» է, որ ակոսում է օվկիանոսների խորքերը: Փոթորիկները վտանգավոր չեն, որովհետև օվկիանոսի մակերևույթից մի քանի մետր ցած միշտ տիրում է անդորրություն: Ահա, պրոֆեսոր, իդեալական մի նավ: Եվ եթե ճիշտ է այն, որ գյուտարարը միշտ ավելի է հավատում իր նավին, քան կառուցող ինժեները, իսկ վերջինս ավելի է հավատում, քան նավապետը, ապա դուք կհասկանաք, թե ես ինչպիսի անսահման վստահությամբ եմ վերաբերվում դեպի «Նաուտիլուսը», ես, որ միաժամանակ նավի և՛ գյուտարարն եմ, և՛ կառուցողը, և՛ նավապետը:

Նավապետ Նեմոն խոսում էր մեծ ոգևորությամբ: Նրա աչքերում վառված կրակը, շարժումների աշխուժությունը կերպարանափոխել էին նրան:

Գլխումս մի նոր հարց ծագեց, ու թեև այն կարող էր անհամեստ թվալ, այնուամենայնիվ ես ինձ չկարողացա դուրսել և այդ հարցը տվի նավապետ Նեմոյին:

— Ուրեմն դուք ինժեներական կրթությո՞ւն եք ստացել:

— Այո,— պատասխանեց նա,— այն ժամանակ, երբ ես

ցամաքի բնակիչ էի, սովորում էի կոնդոնում, Փարիզում և Նյու-Յորքում:

— Բայց այս զարմանալի սուզանավը կառուցելիս դուք ինչպե՞ս կարողացաք պահել գաղտնիքը:

— Պարոն պրոֆեսոր, նավի առանձին մասերն արտադրվել են երկրագնդի զանազան վայրերում, իսկ թե ինչի համար էին պատրաստվում դրանք, ես այդ թաքցնում էի գործարաններից: «Նաուտիլուսի» ողնուցը կոփվել է Ֆրանսիայում, Կրեդոյի գործարաններում, թիակավոր գլանը՝ կոնդոնում, Պենա և Ընկ. գործարաններում՝ պտուտակը՝ Գլազգոյում, Սկոտտի գործարանում, պահամանները՝ Փարիզում, Կայլ և Ընկ. ձեռնարկություններում, մեքենան Գերմանիայում, Կրուպպի գործարաններում, բաբանը՝ շվեդացի Մոթանի գործարաններում, ճշգրիտ պարագաները Նյու-Յորքում, եղբայրք Հարտերի գործարաններում և այլն և այլն: Յուրաքանչյուր մատակարար ստացել է իմ գծագրությունները, որոնք ստորագրված են եղել ուրիշ անունով:

— Սակայն,— ասացի ես,— չէ՞ որ բավական շէր ունենալ առանձին մասերը, հարկավոր էր դրանք հավաքել, տեղը գցել, իսկ դա բարդ հարմարեցումներ է պահանջում:

— Հեռո՛ւ օվկիանոսում, ամայի մի կղզու ափին ես ինձ համար նավաշինարան կառուցեցի: Այնտեղ ինձ մոտ սովորած բանվորները, իմ հավատարիմ ընկերները իմ հսկողությամբ հավաքեցին «Նաուտիլուսը»: Երբ այդ գործն ավարտվեց, հրդեհը ոչնչացրեց այդ կղզում մեր գտնվելու բոլոր հետքերը: Եթե հնարավոր լիներ, ես կպայթեցնեի ամբողջ կղզին:

— Պետք է ենթադրել, որ այս նավը հսկայական գումարներ է նստել ձեզ վրա:

— Սովորական երկաթյա նավի յուրաքանչյուր տոննան արժե հազար հարյուն քսանհինգ ֆրանկ: Իմ «Նաուտիլուսը» կշռում է հազար հինգ հարյուր տոննա: Հետևաբար նա արժե մոտ երկու միլիոն ֆրանկ, եթե հաշվենք միայն նրա սարքավորման արժեքը, իսկ եթե նկատի ունենանք նաև այստեղ գտնվող հավաքածոները և արվեստի պարագաները, ապա «Նաուտիլուսի» արժեքը կլինի շորս-հինգ միլիոն ֆրանկ:

- Թույլ տվեք, նավապետ, մի վերջին հարց ևս
- Ասացեք, պրոֆեսոր:
- Դուք շահ տ եք հարուստ:
- Ես անսահման հարստություն ունեմ և կարող էի առանց դժվարությունների հանդիպելու և աղքատանալու տասր միլիարդ պարտք վճարել Ֆրանսիային:
- Ես զարմացած նայեցի այդ տարօրինակ մարդուն:
- Արդյոք նա ի շահն էր գործադրում իմ դյուրահավատությունը:
- Այդ պետք է ցույց տար ապագան:

## ՔԼՈՒԽ ՏԱՍՆՉՈՐՍԵՐՈՐԴ

### «ՍԵՎ ԳԵՏԸ»

Երկրագնդի վրա ջրի բռնած տարածությունը հավասար է երեք հարյուր վաթսունմեկ միլիոն քառակուսի կիլոմետրի: Զրային այդ զանգվածի ծավալը կազմում է երկու միլիարդ երկու հարյուր հիսուն միլիոն խորանարդ մղոն: Եթե այդ ամբողջ ջուրը կշուվի, դուրս կգա երեք կվինտիլիոն տոննա: Այդ թվի մասին գաղափար կազմելու համար պետք է զիտենալ, որ կվինտիլիոնը միլիարդին հարաբերական է այնպես, ինչպես միլիարդը—մեկին, կամ այլ կերպ ասած, կվինտիլիոնի մեջ կա այնքան միլիարդ, որքան միավոր կա միլիարդի մեջ: Այդ զանգվածը մոտավորապես համապատասխանում է ջրի այն քանակին, որ երկրագնդի բոլոր գետերը կարող են ծովերը լցնել քառասուն հազար տարվա ընթացքում:

Երկրագնդի գոյության սկզբներում, հրեղեն ժամանակաշրջանին հետևեց ջրային ժամանակաշրջանը: Սկզբում օվկիանոսը ծածկում էր ամբողջ երկիրը: Այնուհետև, սիլուրիական դարաշրջանում հետզհետե սկսվեց լեռների առաջացման պրոցեսը: Օվկիանոսից լեռնազաղաթները դուրս եկան: Այնուհետև երևան եկան կղզիները, սրանք էլի չքացան մասնակի ջրհեղեղներից, հետո էլի երևացին, ամրացան, դարձան մայրցամաքներ: Վերջապես, ցամաքը հասավ այն դրության, որ

մենք տեսնում ենք հիմա: Ցամաքը ջրից նվաճեց հարյուր քա-  
ռասուն միլիոն վեց հարյուր հազար յոթ քառակուսի կիլո-  
մետր տարածություն:

Մայր ցամաքների դիրքը թույլ է տալիս ջուրը բաժանել  
հինգ գլխավոր մասերի.

Հյուսիսային Սառուցյալ օվկիանոս:

Հարավային Սառուցյալ օվկիանոս:

Հնդկական օվկիանոս:

Ատլանտյան օվկիանոս և

Խաղաղ օվկիանոս:

Խաղաղ օվկիանոսը տարածված է հյուսիսից հարավ, եր-  
կու բևեռային շրջանների միջև, այս արևմուտքից արևելք,  
Ասիայի ու Ամերիկայի միջև՝ հարյուր քառասունհինգ աստի-  
ճան երկարության տակ: Սա ամենահանգիստն է բոլոր օվ-  
կիանոսներից: Նրա հոսանքները լայն են ու դանդաղ, մակըն-  
թացություններն ու տեղատվությունները մեծ չեն, հորդ անձ-  
րեներ են գալիս:

Այսպես է այն օվկիանոսը, որտեղից սկսվեցին իմ արտա-  
սովոր ճանապարհորդությունները:

— Եթե ուզում եք, պրոֆեսոր, — ասաց ինձ նավապետ  
Նեմոն, — մենք ճշտությամբ կորոշենք այն տեղը, ուր գտնը-  
վում ենք: Ժամը տասներկուսից քսուորդ է պակաս: Հիմա ես  
կկարգադրեմ «Նաուտիլուսը» բարձրացնել օվկիանոսի մակե-  
րեսը:

Այս խոսքերի վրա նավապետը երեք անգամ սեղմեց էլեկ-  
տրական զանգի կոճակը: Պոմպերը սկսեցին ջուրը դուրս մղել  
պահամաններից: Խտաշուփի սլաքը շարժվեց ու սահեց թվա-  
ցույցի վրա, ցույց տալով, որ ճնշումը շարունակ պակասում  
է: Այդ նշանակում էր, որ «Նաուտիլուսը» վեր էր բարձրա-  
նում: Վերջապես, սլաքն անշարժացավ:

— Մենք բարձրացանք ջրի մակերեսը, — ասաց նավապետ  
Նեմոն:

Ես քայլեցի դեպի կենտրոնական սանդուղքը, բարձրացա  
երկաթե աստիճաններով և բացված անցքից դուրս եկա «Նա-  
ուտիլուսի» տախտակամածը:

Նավն ընդամենը ութ, տասը սանտիմետր դուրս էր եկել



զրից: «Նաուտիլուսի» իլիկաձև ուրվագծերն իսկապես որ հիշեցնում էին երկար սիդարի: Ես ուշադրութուն դարձրի այն հանդամանքի վրա, որ նավի արտաքինը նման էր ցամաքային խոշոր սողունների մարմինը ծածկող թեփուկին: Հիմա ինձ համար հասկանալի դարձավ, թե ինչու բոլոր նավերը «Նաուտիլուսը» ծովաչին կենդանի էին համարում:

Տախտակամածի մեջտեղում երևում էր մակույկի մի մասը, իսկ մյուս մասը մտնում էր նավի մեջ: «Նաուտիլուսի» առջևի ու հետևի կողերում ցցված էր երկու ոչ բարձր վանդակ, թեք պատերով, որոնք ծածկված էին ոսպանման, հաստ բյուրեղապակիով: Առջևի վանդակում տեղավորվում էր դեկավարը՝ «Նաուտիլուսը» կառավարողը, իսկ հետևի վանդակում՝ էլեկտրական պայծառ մի լուսարձակ, որը լուսավորում էր ճանապարհը:

Ծովը սքանչելի էր, երկինքը՝ պայծառ: Նավը հաղիվ օրորվում էր օվկիանոսի մեծ ալիքներում:

Արևելյան թեթև քամին ալեկոծում էր ջրի մակերևույթը: Բոլորովին պարզ, անմշուշ հորիզոնը թույլ էր տալիս միանգամայն ճիշտ դիտողութուններ կատարել:

Ծովի վրա ոչինչ չէր երևում, — ոչ կղզի, ոչ ժայռ: «Աբրահամ Լինկոլնը» նույնպես չէր երևում: Մեզ շրջապատում էր անծայրածիր, վեհաշուք մի անապատ:

Նավապետ Նեմոն սպասեց մինչև կեսօր և սեքստանտը մոտեցնելով աչքերին, որոշեց արևի բարձրությունը, ինչպես նաև լայնության աստիճանը: Դիտողության ժամանակ նրա դեմքի ոչ մի մկանը չշարժվեց: Նրա ձեռքերում սեքստանտը չէր դողում, չէր շարժվում, կարծես թե գտնվում էր մարմարյա մի արձանի ձեռքերում:

— Կեսօր է, — ասաց նավապետը — պրոֆեսոր, արդյոք չէի՞ք ցանկանա մտնել նավը:

Ես մի անգամ էլ դիտեցի ծովը, որի ջուրը մի փոքր դեղնավուն էր, որն անհերքելիորեն ապացուցում էր Ճապոնիայի ափերի մոտիկությունը, և նավապետի հետ իջա սրահ:

Այստեղ նավապետ Նեմոն ժամանակաշափի միջոցով որոշեց մեր գտնված տեղի երկարության աստիճանը, նախորդ անկյունաշափային դիտողութունների հիման վրա ստուգեց

իր կատարած հաշիվները և քարտեզի վրա նշանակեց այն կետը, ուր գտնվում էր «Նաուտիլուսը»:

— Պարոն Արոնաքս, — ասաց նա, — մենք գտնվում ենք  $137^{\circ}15'$  արևմտյան երկարության տակ:

— Ո՞ր միջօրեականից եք հաշվում, — իսկույն հարցրի ես, հույս ունենալով, որ նավապետի պատասխանը որոշ շափով կպարզի նրա ազգությունը:

— Ես ունեմ զանազան քրոնոմետրեր, — պատասխանեց նա, — որոնք ցույց են տալիս Փարիզի, Գրինվիչի և Վաշինգտոնի ժամանակը: Սակայն, ի պատիվ ձեր ներկայության, այսօր ես օգտվեցի Փարիզի միջօրեականով:

Այդ պատասխանը ոչինչ չպարզեց ինձ համար: Ես գրլխով շնորհակալության նշան արի: Նավապետը շարունակեց.

—  $137^{\circ}15'$  արևմտյան երկարություն, հաշված Փարիզի միջօրեականից, և  $30^{\circ}7'$  հյուսիսային լայնություն: Այլ կերպ ասած՝ մենք գտնվում ենք Ճապոնիայի ափերից մոտավորապես երեք հարյուր մղոն հեռու: Այսպես ուրեմն, այսօր, նոյեմբերի ութին, կեսօրին մենք սկսում ենք մեր շուրջերկրյա հետազոտական ստորջրյա արշավը: Իսկ այժմ, պարոն պրոֆեսոր, ես շեմ խանդարի ձեր աշխատանքը: Ես հրամայեցի ուղևորվել դեպի արևելք — հյուսիս-արևելք և ընթանալ հիսուն մետր խորությամբ: Այս մեծ քարտեզի վրա ամեն օր կնշանակվի անցած ճանապարհը: Արահն ամբողջովին կլինի ձեր տրամադրության տակ, իսկ ես ձեզնից թույլտվություն եմ խնդրում հեռանալու:

Նավապետ նեմոն գլուխ տվեց և դուրս գնաց: Սրահում ես մնացի մենակ և անձնատուր եղա մտքերին: Այդ մտքերը շարունակ պտտվում էին «Նաուտիլուսի» տիրոջ շուրջը: Արդյոք մի օր ես կհիմանամ, թե ինչ ազգության է պատկանում այդ մարդը, որ հպարտությամբ հայտարարում է, թե հայրենիք չունի: Ի՞նչը. կամ ո՞վ է նրա մեջ ատելություն առաջ բերել դեպի մարդը: Արդյոք նա չի՞ եղել այն շճանաչված գիտնականներից մեկը, որոնց «վիրավորել է աշխարհը», — ինչպես ասում է Կոնսելը, — չի՞ եղել ժամանակակից մի Գալիլեյ կամ իր երկրից արտաքսված մի հեղափոխական գիտնական:

Այդ ես դեռ չգիտեի: Նա հյուրընկալութեամբ ընդունեց ինձ, որ պատահամբ ընկել էի նրա նավի վրա, սակայն այդ ընդունելութեան մեջ կար ինչ-որ սառնութիւն, որը շարունակ մտածել էր տալիս ինձ, թե նա իշխում է իմ կյանքի վրա: Ոչ մի անգամ նա չսեղմեց իմ ձեռքը, որ ես մեկնում էի իրեն, և ոչ մի անգամ իր ձեռքը չմեկնեց ինձ:

Մի ամբողջ ժամ ես խորասուզված էի այդ մտքերի մեջ, աշխատելով հասկանալ այդ մարդու խորհրդավոր գաղտնիքը:

Հետո աչքովս ընկավ սեղանի վրա բացված քարտեզը, և ես մատս դրի այն կետին, ուր հատվում էին նավապետ Նեմոյի որոշած երկարութիւնն ու լայնութիւնը:

Ինչպես մայր ցամաքները, այնպես էլ ծովն ունի իր գետերը: Դրանք այնպիսի հոսանքներ են, որոնք հեշտութեամբ են ճանաչվում, որովհետև իրենց գույնով ու բարեխառնութեամբ տարբերվում են մնացած ջրերից: Ամենից հայտնի օվկիանոսային հոսանքը Գոլֆստրիմն է: Գիտութիւնը քարտեզի վրա նշանակել է հինգ ամենագլխավոր հոսանքների ուղղութիւնը, դրանցից մեկն Ատլանտյան օվկիանոսի հյուսիսային մասումն է, մյուսը՝ հարավային մասում, երրորդը՝ Խաղաղ օվկիանոսի հարավային մասում, չորրորդը՝ հյուսիսային մասում և վերջապես, հինգերորդը՝ Հնդկական օվկիանոսի հարավային մասում: Միանգամայն հավանական է, որ վաղուց անցած ժամանակներում, երբ Կասպից և Արալյան ծովերն ու ասիական մեծ լճերը միացած էին Հնդկական օվկիանոսի հյուսիսային մասում գոյութիւն ունեւ լեցերորդ հոսանքը:

Քարտեզի այն կետից, ուր նշանակված էր «Նաուտիլուսի» տեղը, անցնում էր այդ հոսանքներից մեկը, ճապոնական Կուրո-Սիվո հոսանքը, որ նշանակում է «Սև գետ»: Արևադարձային արևի ուղիղ ճառագայթներից տաքացած ջրերով դուրս գալով Բենգալյան ծոցից, այդ հոսանքն անցնում է Մոլուքյան նեղուցը, գնում է Ասիայի ափերով, անցնում Խաղաղ օվկիանոսի հյուսիսային մասը և հասնում մինչև Ալեության կղզիները:

Այդ հոսանքն իր հետ տանում է կամֆարայի ծառերի և այլ արևադարձային բույսերի բները և իր բաց-կապույտ

գուցնով ու բարձր ջերմությամբ խփառ տարբերվում է օվկիանոսի մուգ-կանաչավուն ու սառը ջրերից:

«Նաուտիլուսը» պետք է գնար այդ հոսանքի ուղղությամբ ես քարտեզի վրա հետևում էի հոսանքին, պատկերացնելով, թե ինչպես է նա շքանում խաղաղ օվկիանոսի անծայրածիր տարածության մեջ: Ես այնքան հեռու գնացի իրականությունից, որ շնկատեցի, թե ինչպես նեղ լենդը և Կոնսելը՝ մտան զահլիճ:

Ի՞մ պանծալի ուղեկիցներն ուղղակի քարացան, տեսնելով սրահում գտնվող զանձերը:

— Որտե՞ղ ենք մենք գտնվում, — բացականչեց Կանադացին, — մի՞թե Կվեբեկի թանգարանում:

— Պարոնի թուլլտվությամբ, — առարկեց Կոնսելը, — ես ավելի շուտ կկարծեի, որ մենք գտնվում ենք Սոմերսը հյուսիսային կողմում:

— Բարեկամներս, — ասացի ես, — դուք ոչ Կանադայում եք, ոչ Ֆրանսիայում, այլ «Նաուտիլուս» նավի մեջ, ծովի մակերևույթից հիսուն մետր ցած:

— Մնում է հավատալ, քանի որ այդ պարոնն է սառում, — պատասխանեց Կոնսելը, — բայց ճիշտն ասած՝ այս սրահը կարող է ապշեցնել նույնիսկ այնպիսի մի ֆլամանդցու, ինչպիսին եմ ես:

— Բարեկամս, կարող ես զարմանալ ինչքան ցանկանում ես: Բայց միևնույն ժամանակ գիտիր ցուցափեղկերը: Այնպիսի դասակարգիչը, ինչպիսին դու ես, այնտեղ շատ բան կգրտենի անելու:

Կարիք չկար Կոնսելին երկու անգամ խնդրել, որ դասակարգելով դբադվի: Թեքվելով դեպի ցուցափեղկերը, նա արդեն բնագետների շեղվով ինչ-որ բան էր քրթմնջում՝ դաս, զուկատ, ենթաջոկատ, ընտանիք, ցեղ, տեսակ...

Այդ ժամանակ նեղ լենդը, որին այնքան էլ չէր հետաքրքրում խխունջաբանությունը, ինձ հարց ու փորձ էր անում նավապետ Նեմոյի հետ տեսնվելու մասին, արդյոք ես իմացա՞, թե ով է Նեմոն, որտեղացի՞ է, ո՞ւր է գնում, դեպի ո՞ւր է տանում մեզ: Նեղը հարցերի տարափ էր թափում, հնարավորություն չտալով պատասխանելու դրանցից որևէ մեկին:

Երբ նա լուց, եւ նրան հարողոցի աջն ամենը, ինչ որ գիտեի եւ ինչ որ չգիտէի: Ի՞նչ հերթին հարցրի նրան, թե այդ ժամանակիս քնթացքում ինչ է լսելու տեսել:

— Ոչինչ չեմ լսել եւ ոչինչ չեմ տեսել, — պատասխանեց կանադացին: — Եւ նույնիսկ անձնակազմից ոչ ոքի շահաս: Գուցե նա է՛լ էլեկտրական է:

— Էլեկտրական:

— Ազնիվ խոսք, դրան էլ կարելի է հավատալ... բայց ա- սացեք, պարոն պրոֆեսոր, — դիմեց ինձ Նեդ Լենդը, նորից նույն մտահղացումով տարված, — քանի՞ հոգի է այստեղի անձնակազմը: Տա՛ւր, քաա՛ն, հիսո՛ւն, հարյո՛ւր:

— Այդ հարցին ոչինչ չեմ կարող պատասխանել, Նեդ: Հավատացե՛ք ինձ, հրաժարվեցեք «Նաուտիլուսին» տիրունու- լու կամ նրանից փախչելու մտքից: Այս նախը ժամանակակից տեխնիկայի հրաշքն է եւ ես ամբողջ կյանքումս կղղջացի, եթե ինձ շահողվեր մի լա՛վ ծանոթանալ նրա հետ: Շատերը կնա- խանձեին մեր դրա՞ծյան, թեկուզ աջն պատճառով, որ մենք հեռավորության ունենք ճանապարհորդելու հրաշքերի աշ- խարհում: Այսպես սրեմն, ձեզ հանգիստ պահեցեք եւ եկեք դիտենք աջն ամենն, ինչ որ կատարվում է մեր շուրջը:

— Դիտե՛նք, — տաքացալ նուաճանու վարդերս, — ի՛նչ կարող ենք տեսնել այստեղ, այս երկաթյա բանտում: Չէ՞ որ մենք կուրորեն ենք շարժվում:

Նեդ Լենդը գետ շէր վերջացրել նախապատեթյունը, երբ հանկարծ սալոնը բաշտրո՞վին մթնեց: Առատաղի լույսերը հանգան աչեղե՛ս հասգճեալ, որ աշքերս նույնիսկ ցավեցին, ճիշտ աչնպես, ինչպես այդ լինում է անթափանց խավորում հանկարծակի պայծառ լույս վառվելիս:

Մենք համրացանք եւ նույնիսկ շէինք համարձակվում տեղ- ներիցս շարժվել, որովհետեւ չգիտեինք, թե ինչ անտեղնկալ է ապաստան մեզ՝ հանելի՛, թե՛ տհաճ: Բայց այդ վայրկյանին շարժման ձայն լսվեց, կարծես թե բացվում էր «Նաուտիլուսի» երկաթե կեղևը:

— Սա մեր վերջն է, — ասաց Նեդ Լենդը:

Հանկարծ սալոնը լուսավորվեց: Կույտն անցնում էր եր- կու կողմից, պատերի միջև եղած ձգածու անցքերից: Էլեկ-



տրական լուսարձակը պայծառ լուսավորել էր ջրի շերտերը։  
Նրկու հաստ, բյուրեղապակյա պատուհաններ մեզ բաժանում  
էին ծովից։ Սկզբում ես ցնցվեցի, մտածելով, որ այդ փխրուն  
անջրպետը կարող է ջարդվել։ Սակայն, լավ դիտելով լուսա-  
մուտների հաստ, պղնձյա պատյանը, ես հանգստացա. պետք  
է որ այդ ապակիները հսկայական դիմացկունություն ունե-  
նային։

Ծովը բոլորովին պարզ երևում էր «Նաուտիլուսից» մի ամ-  
բողջ մղոն տարածության վրա։ Ինչպիսի արտասովոր տե-  
սարան։ Ո՞ր գրիչը կկարողանա այն նկարագրել։ Ո՞վ կարող  
է հաղորդել լույսի այն զմայլելի ցուլքը, որ թափանցել էր  
ջրի խորը շերտերը, այն մեղմ ելևէջները, որ առաջանում էին  
լույսերի ու սավերների փոփոխումից, կիսատոների այն ան-  
նկարագրելի հարստությունը։

Բոլորը գիտեն, թե որչափ թափանցիկ է լինում ծովի ջու-  
րը, որ ավելի մաքուր է, քան ամենամաքուր աղբյուրի ջուրը։  
Ծովի ջուրն է՛լ ավելի թափանցիկ է դառնում իր մեջ լուծված  
հանքային աղերի շնորհիվ։ Օվկիանոսի մի քանի տեղերում,  
օրինակ՝ Անթիլյան կղզիների մոտ, հարյուր քառասունհինգ  
մետր խորությամբ հատակում պարզ երևում է ավազի յուրա-  
քանչյուր հատիկը։ Որքան մեզ հայտնի է, արևի ճառագայթ-  
ները երեք հարյուր մետրի շափ թափանցում են ծովի խորքը։

Էլեկտրական լույսը, որ վառվել էր ծովի խորքում, կար-  
ծես թե «Նաուտիլուսի» շուրջը գտնվող հեղուկ զանգվածները  
դարձրել էր բոցերի հսկայական մի հեղեղ։

Եթե ճիշտ համարենք էրեմբերգի այն ենթադրությունը, թե  
ջրի խորը շերտերը ֆոսֆորացվում են, ապա բնությունը  
սքանչազնո տեսարաններ է պարզակել ջրի խորքերում ապրող  
արարածներին։ «Նաուտիլուսի» լուսամուտից դիտելով ջրե-  
րում ճառագած լույսի ելևէջները, ես համոզվեցի դրանում։

Սրահի երկու կողմերից էլ մի-մի լուսամուտ էր բացված  
դեպի անհայտ ու չհետազոտված աշխարհը։ Սրահում տիրող  
խավարն ուժեղացնում էր արտաքին լուսավորության տպա-  
վորությունը, և մենք դիտում էինք կարծես թե ակվարիումի  
մի հսկայական ապակու միջից։

Թվում էր, թե «Նաուտիլուսն» անշարժ կանգնած է միև-

նույն տեղում: Դա բացատրվում էր նրանով, որ նավից դուրս չկար որևէ անշարժ առարկա, որի հակառակ ընթացքը ցույց տար, թե մենք շարժվում ենք: Սակայն երբեմն մեր աչքերի առջևից հսկայական արագությամբ անցնում էին ջրի կոհակները, որոնք առաջանում էին նրանից, որ նավի առջևի սուր ծայրը ճեղքում էր ջուրը:

Մենք կախարդված ու սքանչացած սեղմվել էինք ապակիներից ու խոսք չէինք գտնում մեր զմայլանքն արտահայտելու համար:

Հանկարծ կոնսելը սկսեց խոսել:

— Հը՛մ, նեդ, դուք ուղում էիք դիտե՞լ: Դե՛, նայեցեք:

— Հետաքրքիր է, հետաքրքիր է,— ասաց կանադացին, այդ հրապուրիչ տեսարանի ազդեցությամբ մոռանալով թե՛ իր բարկությունը և թե՛ փախչելու ցնորքները,— արժեր հետուններից գալ այստեղ և զմայլվել այս հիանալի ներկայացումով:

— Հիմա ինձ համար հասկանալի է այդ մարդու կյանքը,— գոչեցի ես,— նա իր համար ստեղծել է մի առանձին աշխարհ և այժմ վայելում է այդ աշխարհի ցնցող հրաշքները:

— Բայց ո՞ւր են ձկները,— հարցրեց կանադացին,— ես նրանց չեմ տեսնում:

— Մի՞ թե միևնույն չէ ձեզ համար,— սլատասխանեց կոնսելը,— չէ՞ որ ձկներն անժանոթ են ձեզ:

— Ինչպես թե անժանոթ են: Գիտե՞ք, որ ես ձկնորս եմ,— տաքացավ նեդ կենդը:

Երկու բարեկամների միջև վեճ առաջացավ: Երկուսն էլ ծանոթ էին ձկներին, բայց ամեն մեկը յուրահատուկ կերպով: Բոլորին հայտնի է, որ ձկները կաղմում են ողնաշարավոր կենդանիների շորրորդ և վերջին դասը: Գիտությունը նրանց միանգամայն ճիշտ բնորոշում է տվել.— «Սառն արյուն ունեցող ողնաշարավորներ, որոնք քիմուխտներով են շնչում և հարմարվել են ջրում ապրելուն»: Ձկները բաժանվում են երկու տարբեր ենթադասերի.— ոսկրավորներ, այսինքն այնպիսի ձկներ, որոնց ողնաշարը բաղկացած է ոսկրյա ողներից, և կոճիկավորներ, այսինքն այնպիսիները, որոնց ողնաշարները բաղկացած են կոճիկային ողներից:

Հնարավոր է, որ կանադացին լսած լիներ ձկների այդ ստորաբաժանման մասին, սակայն Կոնսելն անշուշտ ավելի իրազեկ էր տվյալ խնդրում: Բարեկամանալով Նեդի հետ, նա անկեղծորեն ցանկանում էր իր գիտեցածը հաղորդել կանադացուն, ուստի ասաց.

— Իմ բարեկամ Նեդ, դուք ձկների արհավիրքն եք, դուք ճարտիկ ու խիղախ ձկնորս եք: Ձեր կյանքում դուք քանի-քանի անգամ բռնել եք այդ հետաքրքիր արարածներին: Բայց ես պատրաստ եմ դրադ գալու, որ դուք դադարաբար շունեք, թե նրանց ինչպես կարելի է դասակարգել:

— Բոլորովին ոչ,— կատարյալ լրջությամբ պատասխանեց կանադացին,— ձկները բաժանվում են երկու տեսակի՝ ուտելի և ոչ ուտելի:

— Այդպես դասակարգում են որկրամուկները,— ծիծաղեց Կոնսելը,— բայց ասացեք, գիտե՞ք թե ինչ տարբերություն կա ոսկրավոր ու կոճիկավոր ձկների միջև:

— Գուցե և գիտեմ, Կոնսել:

— Իսկ այդ դասակարգերի ստորաբաժանումնե՞րը:

— Ոչ, Կոնսել, այդ մասին դադարաբար շունեմ:

— Այդ դեպքում լսեցեք, Նեդ, և միտներդ պահեք: Ոսկրավոր ձկները բաժանվում են վեց ջոկատի: Առաջին ջոկատը փշափետուր ձկներն են, որոնք ունեն ամբողջական ու ջարժուն վերին ծնոտ և սանրի նման քիմուխտներ: Այս ջոկատի մեջ մտնում է տասնհինգ ընտանիք, այսինքն բոլոր հայտնի ձկների համարյա երեք քառորդ մասը: Զոկատի ներկայացուցիչը սովորական պերկեսն է:

— Բավական համեղ ձուկ է,— գիտեց Նեդ կենդր:

— Երկրորդ ջոկատը,— շարունակեց Կոնսելը,— բացփամփուշտավոր ձկներն են, որոնց որովայնային լողաթևերը գտնվում են փորերի տակ, կրծքային լողաթևերի հետևում, և չեն ամրացված ուտերի ոսկորներին: Այս ջոկատի մեջ մտնում է հինգ ընտանիք և գետերում ու լճերում ապրող ձկների մեծ մասը: Սրանց ներկայացուցիչներն են ծածանը և գայլաձուկը:

— Թո՛ւ,— անտարբեր ասաց կանադացին,— այդպիսի ձկներ չեմ սիրում:

— Երրորդ ջոկատը,— շարունակեց Կոնսելը,— փափկա-

փետուրներն են, որոնց որովայնային լողաթևերը գտնվում են կրծքային լողաթևերի տակ և անմիջականորեն ամրացված են ուսերի ոսկորներին: Այս ջոկատում կան շորս ընտանիք: Զոկատի ներկայացուցիչը փափկածուկն է:

— Ա՛յ, հրաշալի ձուկ է,— բացականչեց եռաժանու վարպետը, որ համառորեն շարունակում էր ձկները գնահատել միայն խոհարարական տեսակետից:

— Զորրորդ ջոկատը,— առանց նրան լսելու շարունակեց Կոնսելը,— բաղկացած է միայն օձաձկների ընտանիքից: Սրանք ունեն երկար մարմին, առանց որովայնային լողաթևերի են ու ծածկված են պինդ, հաճախ լորձունքային մաշկով:

— Համեղ շեն,— ավելացրեց Նեդը:

— Հինգերորդ ջոկատը,— շարունակեց Կոնսելը,— փնջաքիմուխտավորներն են, որոնք ունեն ամբողջական ու շարժուն ծնոտ, բայց փոքրիկ փնջերից բաղկացած քիմուխտ, իսկ այդ փնջերը զույգ-զույգ դասավորված են քիմուխտային աղեղների երկայնքով: Այս ջոկատի մեջ մտնում է միայն փշավորների ընտանիքը: Սրանց ներկայացուցիչը ծովային ձիուկն է:

— Թո՛ւ, զզվելի բան,— բացականչեց կանադացին:

— Վեցերորդ և վերջին ջոկատը,— այդ ամրածնոտներն են, որոնց ծնոտի ոսկորն անշարժ միացած է ծնոտների միջև եղած ոսկորի հետ, իսկ քիմքատակի կամարը՝ գանգի հետ: Այս ջոկատն ունի երկու ընտանիք՝ պնդամաշկներ և բացատամնավորներ: Սրանց ներկայացուցիչը լուսնյակ-ձուկն է:

— Որը կարող է միայն պղծել կաթսան,— դիտեց կանադացին:

— Դուք ինձ հասկացա՞ք, բարեկամս,— հարցրեց գիտնական Կոնսելը:

— Մազաշափ անգամ չհասկացա, Կոնսել,— պատասխանեց եռաժանու վարպետը,— սակայն շարունակեցեք. այն, ինչ որ դուք ասում եք, շատ հետաքրքիր է:

— Ինչ վերաբերվում է կոճիկային ձկների ենթադասին,— հանգիստ տոնով շարունակեց Կոնսելը,— նա բաժանվում է ընդամենը երեք ջոկատի:

— Որքան քիչ, այնքան լավ,— ասաց Նեդը:

— Առաջինը կլորաբերաններն են, որոնց ծնոտները միա-

ցած են ու կազմում են մի օղակ, իսկ քիմուխտների մեջ կան բազմաթիվ անցքեր: Այս ջոկատում կա միայն մի ընտանիք: Ներկայացուցիչը քարալեզն է:

— Վատ ձուկ չէ,— արձագանքեց Նեդ Լենդը:

— Նրկորդ ջոկատը շնաձկներն ու կատվաձկներն են, որոնց քիմուխտները նման են կլորաբերանների քիմուխտներին, բայց ունեն շարժական ներքին ծնոտ:

— Ինչպե՛ս,— գոչեց Նեդը,— շնաձուկն ու կատվաձուկը պատկանում են միևնույն ջոկատի՞ն: Է՛հ, սիրելի Կոնսել, եթե դուք ուզում եք, որ կատվաձկները կենդանի մնան, խորհուրդ չեմ տալիս նրանց շնաձկների հետ տեղավորել միևնույն ընտանիքում:

— Նրկորդ ջոկատը,— նույնիսկ առանց աչքերը թարթելու շարունակեց Կոնսելը,— թառափներն են, որոնց քիմուխտները բացվում են կափարիչով ծածկվող մի անցքով: Այս ջոկատում կա շորս ընտանիք: Ներկայացուցիչը թառափն է:

— Հը՛մ, Կոնսել, ամենալավների մասին վերջում եք խոսում: Վերջացրի՞ք:

— Այո, Նեդ: Բայց շնորհաբար, որ այն ամենն, ինչ որ իմացաք, շատ քիչ է, քանի որ ջոկատները բաժանվում են ենթաջոկատների, ընտանիքների, ենթաընտանիքների, ցեղերի, տեսակների, փոփոխականների:

— Հրե՛ն, Կոնսել, մի քանի տեսակներ,— ասաց կանադացին, դեմքը դարձնելով դեպի լուսամուտը:

— Այո, դրանք ձկներ են,— բացականչեց Կոնսելը,— կարծես մենք ակվարիումում ենք գտնվում:

— Ո՛չ,— սուարկեցի ես,— չէ՞ որ ակվարիումը միայն վանդակ է, իսկ այդ ձկներն ազատ են այնպես, ինչպես թռչունն օդում:

— Դե՛հ, Կոնսել, տվեք այդ ձկների անունները,— խնդրեց Նեդ Լենդը:

— Դրանք իմ մասնագիտությանը չեն վերաբերում,— պատասխանեց Կոնսելը,— դիմեցեք իմ տիրոջը:

Եվ իսկապես, այդ հրաշալի մարդը, կենդանիների այդ մոլեռանդ դասակարգողը բնագետ չէր, և ես չգիտեմ, թե արդյոք նա կարո՞ղ էր թյուննոսին դանազանել մյուս ձկներից:



Այս տեսակետից նա կատարյալ հակապատկերն էր կանադացու, որն առանց տատանվելու ասում էր բոլոր ձկների անունները:

— Դա թիկնեղջյուրն է,— ասացի ես:

— Ուղղանկյուն թիկնեղջյուր,— ավելացրեց Նեդ Լենդը:

— Թիկնեղջյուրների ցեղից, պնդամաշկների ընտանիքից, ամրածնոտների ջոկատից,— շշնջաց Կոնսելը:

Այո՛, Կոնսելը և Նեդ Լենդը միասին վերցրած կլինեն մի արտասովոր բնագետ:

Կանադացին չսխալվեց: Բազմաթիվ թիկնեղջյուրներ ուղղանկյուն, կարծես մամլած մարմիններով, թեփուկավոր մաշկով, մեջքի լողաթևի վրա գտնվող բութակով, խաղում էին «Նաուտիլուսի» շուրջը, շարժելով պոչերի քառաշար փշերը: Դժվար է պատկերացնել մի ավելի գեղեցիկ բան, քան նրանց թեփուկը, որ մեջքի վրա մոխրագույն է, իսկ որովայնի վրա՝ սպիտակ: Նրանց թեփուկի ոսկեգույն բծերը շողշողում էին մթին ջրերում: Թիկնեղջյուրների մոտ լողում էին կատվաձկները, որ կարծես հողմից ծածանվող պաստառներ լինեին: Նրանց մեջ ես նկատեցի շինական կատվաձկանն իր դեղնավուն մեջքով, նուրբ-վարդագույն որովայնով և աչքերի վերելում գտնվող երեք փշերով: Ձկների այս տեսակը խիստ հազվագյուտ է: Լասեբեդի ժամանակներում մարդկանց նույնիսկ կասկածելի էր թվում շինական կատվաձկների գոյությունը, քանի որ Լասեբեդը դրանց տեսել էր միայն ճապոնական նկարների մի հավաքածոյի մեջ:

Երկու ժամվա ընթացքում ստորջրյա մի ամբողջ բանակ ուղեկցում էր «Նաուտիլուսին»: Իրենց գեղեցկությամբ, գունեղությամբ և արագաշարժությամբ մրցող ձկների մեջ ես տեսնում էի հուբանը, արքայաձուկը, որ մեջքի վրա ունի երկու սև գիծ, ճապոնական թյունիկը, որ ունի կապույտ մարմին և արծաթավուն գլուխ, փայլուն կապտաձկները, որոնց միմիայն այդ անունը փոխարինում է մի ամբողջ նկարագրության, զոլավոր ապարները, որ ունեն կապույտ-կանաչավուն լողաթևեր, այլ տեսակի ապարները, որոնց պոչերի շուրջը սև շերտեր են լինում, կամ որոնք շրջապատված են վեց «գոտիներով», բեկասյուն ձկները, որոնցից մի քանիսը մի ամ-

բողջ մետք երկարութիւնն ունեին, ճապոնական սալամանդը, փողոշը, որ ունի վեց ոտնաչափ երկարութիւն, փոքրիկ, աշխույժ աչքեր և լայն բերան ու ատամներ:

Մենք շարունակում էինք զմայլվել: Նեղը տալիս էր ձկների անունները, Կոնսելն իսկույն դասակարգում էր նրանց, իսկ ես սքանչանում էի ձկների գեղեցկութեամբ և արագաշարժութեամբ: Դեռ ոչ մի տեղ ես չէի տեսել կենդանի, ազատ ձկներին իրենց բնական միջավայրում:

Ես էլ շնամ թվի մեր տեսած ձկների բոլոր տեսակները, ճապոնական ու Չինական ծովերի այդ ամբողջ հավաքածուն: Ինչպես երևում է, նրանք հրապուրվում էին էլեկտրական պայծառ լույսով, որովհետև ամբողջ վտառներով խմբվում էին նավի շուրջը և ավելի բազմաթիվ էին, քան թռչուններն օդում:

Հանկարծ սրահը լուսավորվեց: Երկաթյա փեղկերը ծածկվեցին: Կախարդական տեսարանը շքացավ, սակայն ես դեռ երկար ժամանակ անձնատուր եղա ցնորքներին, մինչև որ պատահամբ աչքովս ընկան պատերից կախված պարագաները: Կողմնացույցի սլաքը շարունակում էր ցույց տալ դեպի տրեւիք-հյուսիս-արևելք, ծանրաչափը՝ հինգ մթնոլորտ ճընշում, որ համապատասխանում էր հիսուն ոտնաչափ խորութեան, իսկ էլեկտրական մի այլ պարագա ցույց է տալիս, որ նավը մի ժամում անցնում է տասնհինգ մղոն:

Ես սպասում էի նավապետ Նեմոյին: Սակայն նա չէր երեւում: Ժամանակաչափը ցույց էր տալիս կեսօրվա ժամը հինգը:

Նեղ կենդը և Կոնսելը վերադարձան իրենց սենյակը: Ես էլ դնացի իմ սենյակը: Ճաշն արդեն դրված էր սեղանիս վրա: Ինձ մատուցել էին կրիայի մսից պատրաստված ապուր, տապակած արքայաձուկ, որի լյարդն առանձին էր եփած և շափազանց համեղ մի խորտիկ էր, կլորագլուխ ականափուշ ձկան սուկի, որ ավելի համեղ էր, քան սալմոնը:

Երեկոյան ես կարդում էի, գրում և մտածում: Երբ քունը հաղթահարեց ինձ, ես պառկեցի մահճակալի վրա և խոր քուն մտա այն ժամանակ, երբ «Նաուտիլուսն» արագ ընթանում էր «Սև դետի» հոսանքով:

# ԳԼՈՒԽ ՏԱՄՆ ՀԻՆԳԵՐՈՐԴ

## ԳՐԱՎՈՐ ՀՐԱՎԵՐ

Հետևյալ օրը, նոյեմբերի 9-ին, ես արթնացա ուշ առավոտյան, տասներկու ժամ քնելուց հետո: Կոնսելն ըստ իր սովորության եկավ տեղեկանալու, թե «տերն ինչպես անցկացրեց գիշերը», և իր ծառայություններն առաջարկեց: Նրա բարեկամը, կանադացին այնքան խորն էր քնել, որ կարծես թե դրանից բացի ուրիշ ոչնչով չէր զբաղվում իր կյանքում:

Ես թույլ տվի, որ պանծալի Կոնսելը խոսի ինչքան ցանկանում է: Նրան ես պատասխանում էի մի կերպ, տեղի թե անտեղի: Ինձ շփոթեցնում էր այն հանդամանքը, որ նավապետ Նեմոն ներկա չէր եղել երեկվա «ներկայացման»: Հույս ունեի, որ այդ օրը կտեսնեմ նավապետին:

Ես հազա զգեստս, որ կարված էր բեհեզից: Կոնսելը մի շարք դիտողություններ արավ այդ գործվածքեղենի մասին: Ես նրան ասացի, որ գործվածքեղենը պատրաստված է այն մետաքսանման թելերից, որոնցով Միջերկրական ծովի մի քանի խեցիներ ամրանում են ժայռերին: Հին ժամանակներում այդ թելերից արտադրվում էին գեղեցիկ գործվածքներ, գուլպաներ, ձեռնոցներ, որովհետև բեհեզը շափաղանց փափուկ և խիստ տաք հյուսվածք է տալիս: Այսպիսով ծովը «նաուտիլուսի» անձնակազմն ապահովում էր հազուստով և այդ նավորդներին հարկավոր չէր ոչ բամբակ, ոչ ուլիսարի բուրդ և ոչ էլ շերամի մետաքս:

Ես հազնվեցի ու մտա սրահ: Այստեղ ոչ ոք չկար:

Խորապես հափշտակված, ես դիտում էի թանկարժեք հավաքածոները, որ դրված էին ապակե ցուցափեղկերում: Պրպտում էի հերբարիումները, որոնք լիքն էին ամենահազվագյուտ ծովային բույսերով: Չնայելով, որ դրանք չորացրած էին, այնուամենայնիվ պահպանել էին իրենց արտասովոր գեղեցկութունն ու պայծառ գույները:

Ամբողջ օրն անցկացրի այդ զբաղմունքով: Նավապետ Նեմոն չէր երևում: Սրահի լուսամուտների երկաթե փեղկերը չէին բացվում: Հնարավոր է, որ մեզ չէին թողնում հագենալ այդ հրաշալի տեսարանով:

«Նաուտիլուսը» շարունակում էր ընթանալ դեպի արևելք և հյուսիս-արևելք, հիսուն—վաթսուն մետր խորությամբ, անցնելով մի ժամում տասներկու մղոն:

Հետևյալ օրը, նոյեմբերի 10-ը ես դարձյալ նույն կերպ անցկացրի: «Նաուտիլուսի» անձնակազմից ոչ ոքի շտեսա: Նեղն ու Կոնսելն օրվա մեծ մասն անցկացրին ինձ հետ: Նավապետի բացակայությունը նրանց էլ էր զարմացնում: Գուցե հիվանդացե՞լ էր այդ տարօրինակ մարդը: Կամ գուցե փոխե՞լ էր մեզ վերաբերող իր որոշումը:

Վերջին հաշվով, ինչպես իրավացիորեն ասաց Կոնսելը, մենք գանգատվելու ոչ մի հիմք չունեինք: Մենք լիակատար ազատություն էինք վայելում, մեզ կերակրում էին համեզ ու սննդարար ուտելիքներով: Մեր տերը խստորեն պահպանում էր պայմանագրի կետերը: Բացի դրանից, մեր դրության արտասովոր բնույթն այնքան սիոփանքներ էր խոստանում մեզ, որ մենք իրավունք չունեինք դժգոհ լինելու մեր բախտից:

Այդ օրվանից ես սկսեցի գրի առնել բոլոր դեպքերը, այդ ինձ թույլ տվեց հիմա դրանց մասին պատմել ամենամեծ ճշտությամբ: Մի զվարճալի մանրամասնություն՝ իմ օրագիրը ես գրում էի ծովային ջրիմուռներից պատրաստված թղթի վրա...

Նոյեմբերի տասնմեկի վաղ առավոտյան թարմ օդի հոսանքն ինձ հասկանալ տվեց, թե մենք բարձրացել ենք օվկիանոսի երեսը, որպեսզի լրացնենք թթվածնի պաշարը: Ես քայլեցի դեպի սանդուղքը և բարձրացա «Նաուտիլուսի» տախտակամածի վրա:

Առավոտյան ժամի վեցն էր: Թանձր մշուշը պատել էր մեր շուրջը: Ծովը գորշ էր, բայց հանդիստ: Նրա մակերևույթը հազիվ օրորվում էր թեթև ալեկոծությունից:

Ինձ զբաղեցնում էր մի հարց, — արդյոք վերև կբարձրանա՞ նավապետ Նեմոն: Սակայն առայժմ տախտակամածում ոչ ոք չկար, բացի ղեկորդից, որ գտնվում էր իր ապակյա վանդակում:

Նստելով մասամբ դուրս ցցված մակույկի վրա, ես ազահությամբ ներշնչում էի աղով հագեցված գոլորշիները:

Արևի ուղիղ ճառագայթների ներգործությամբ հետզհետե

ցրվում էր մշուշը: Արևելքում, հորիզոնից բարձրացավ հրեղեն լուսատուն: Նրա ճառագայթների տակ բռնկվեց ծովը, որպես վառողով պատրաստված հրթիռ: Բազմաթիվ փետրանման, ծայրերը կտրատված ամպեր, որոնք ցույց էին տալիս, թե այդ օրը քամի է լինելու, զարմանալի նուրբ գույներ ստացան:

Բայց ի՞նչ է քամին «Նաուտիլուսի» համար, որը փոթորիկներից էլ չի վախենում:

Ես զմայլվում էի արևի այդ խնդագին, կենսուրախ ծագումով, երբ ինչ-որ ոտնաձայն լսեցի: Մեկը բարձրանում էր տախտակամածը:

Ես արդեն պատրաստվում էի բարևելու նավապետ Նեմոյին, բայց նրա փոխարեն երևաց օգնականը, որին տեսել էի առաջ, երբ նավապետն առաջին անգամ այցելեց մեզ: Օգնականը բարձրացավ տախտակամածը և կարծես թե շնկատեց ինձ: Ուժեղ հեռադիտակը մոտեցնելով աչքերին, նա մեծագույն ուշադրությամբ սկսեց դիտել հորիզոնը: Վերջացնելով դիտումը, նա մոտեցավ դռնակին և արտասանեց հետևյալ նախադասությունը, որը ճշտությամբ մնացել է իմ հիշողության մեջ, մանավանդ որ հետագայում, նույնպիսի պայմաններում ես լսում էի այդ նախադասությունը.

«Nautron respoc lorni virch»!

Զգիտեմ, թե այդ ինչ էր նշանակում:

Այդ խոսքերն ասելուց հետո օգնականը սանդուղքով ցած իջավ:

Ես կարծում էի, թե «Նաուտիլուսն» էլի ջրասույզ է լինելու, ուստի իմ հերթին շտապեցի ներքև ու վերադարձա իմ սենյակը:

Այսպես առանց որևէ փոփոխության անցավ հինգ օր: Ամեն առավոտ ես դուրս էի գալիս տախտակամած: Ամեն առավոտ նույն մարդը նույն նախադասությունն էր ասում: Նավապետ Նեմոն չկար ու չկար:

Ես արդեն հաշտվեցի այն մտքի հետ, որ նրան այլևս չեմ տեսնի: Սակայն նոյեմբերի 16-ին, Կոնստելի և Նեգ Լենդի ուղեկցությամբ մտնելով սենյակս, սեղանի վրա գտա ինձ հասցեագրված մի նամակ:



Ես անհամբերութեամբ բաց արի ծրարը: Հասցեն գրված էր բոլորովին պարզ ձեռագրով և Ֆրանսերեն, բայց տառերի ձևը հիշեցնում էր գերմանական տյբուբենի գոթական տառերը:

Ահա այդ նամակի բովանդակութիւնը.

Պարոն պրոֆեսոր Արոնաֆան

«Նաուաիլուս» նավ

1867 թվականի նոյեմբերի 16-ին

Նավապետ Նեմոն խնդրում է պրոֆեսոր Արոնաֆան մասնակցել որսին, որ կայանալու է վաղն առաւիտայան, Կրեսպո կղզու անտառներում: Նավապետ Նեմոն շատ ուրախ կլինի, եթե պարոն պրոֆեսորի ուղեկիցները ցանկանան միանալ այդ արշավին:

«Նաուաիլուսի» հրամանատար՝

Նավապետ Նեմո:

— Որո՞ւնք ենք գնում, — բացականչեց Նեդը:

— Այն էլ Կրեսպո կղզու անտառներ՝ որ, — ավելացրեց Կոնսելը:

— Ուրեմն այդ մարդը երբեմն ցամաք է այցելում, — հարցրեց Նեդը:

— Իմ կարծիքով այդ ասված է բոլորովին պարզ, — պատասխանեցի ես, նորից կարդալով նամակը:

— Հը՛մ, այդ դեպքում հարկավոր է ընդունել հրավերը, — հայտարարեց կանադացին, — դուրս գալով ցամաք, մենք, նայած հանգամանքներին, կմշակենք մեր գործողութիւնների ծրագիրը: Բացի այդ բոլորից, ես դեմ չեմ մի պատառ թարմ միս ուտելուն:

Նավապետ Նեմոն մի կողմից հայտարարում էր, թե մայր ցամաքներն ու կղզիները զգվանք են պատճառում իրեն, իսկ մյուս կողմից մեզ հրավիրագիր էր ուղարկել որսի համար անտառ գնալու մասին: Ես շփորձեցի հաշտեցնել այդ աղաղակող հակասութիւնը և հետևյալ պատասխանը տվի ուղեկիցներին.

— Եկեք նախ տեսնենք, թե իրենից ինչ է ներկայացնում Կրեսպո կղզին:

Դիտելով քարտեզը, ես այդ կղզին գտա  $32^{\circ}40'$  հյուսիսային լայնության և  $167^{\circ}50'$  արևմտյան երկարության տակ: 1801 թվականին այդ կղզին հայտնագործել էր նավապետ Կրեսպոն: Իսպանական հին քարտեզների վրա կղզին կոչվում էր Ռոկկա դե լա Պլատա, որ նշանակում է «արծաթե ժայռ»: Այդ կղզին գտնվում էր մեր մեկնակետից մոտավորապես հազար ութ հարյուր մղոն հեռավորության վրա: Այսպիսով «Նաուտիլուսը» մի քիչ փոխել էր իր սկզբնական ուղղությունը և այժմ լողում էր դեպի հարավ-արևելք:

Ես ընկերներիս ցույց տվի այդ փոքրիկ կետը, որ հազիվ նշմարվում էր Խաղաղ օվկիանոսի հյուսիսային մասում:

— Պարզ է, որ եթե նավապետ Նեմոն երբեմն ցամաք է դուրս գալիս, դրա համար նա ընտրում է բոլորովին անբնակ կղզիները:

Նեդ Լենդն առանց պատասխանելու օրորեց գլուխը: Հետո նա դուրս գնաց Կոնսելի հետ:

Վայելելով ընթրիքը, որ մատուցել էր անվրդով և կարծես թե համր սպասավորը, ես, մի փոքր մտահոգված, պառկեցի քնելու:

Հետևյալ առավոտ, նոյեմբերի 17-ին, ես արթնացա և զգացի, որ «Նաուտիլուսը» կանգնած է բոլորովին անշարժ: Արագ հագնվեցի և մտա սրահ:

Այնտեղ էր նաև նավապետ Նեմոն: Նա վեր կացավ ինձ դիմավորելու, քարկեց ու հարցրեց, թե արդյոք համաձայն եմ իրեն ուղեկցելու:

Որովհետև նա ոչ մի ակնարկ չարեց իր ութ օրվա բացակայության մասին, ես այդ մասին չխոսեցի և կարճ պատասխանեցի, որ ես ու իմ ընկերները պատրաստ ենք հետևելու իրեն:

— Միայն թե թույլ տվեք, նավապետ, մի հարց տալ,— ավելացրի ես:

— Խնդրե՛մ, պրոֆեսոր,— ասաց նա,— եթե կարողանամ, կպատասխանեմ ձեզ:

— Ինչպե՞ս է պատահել, նավապետ,— հարցրի ես,— որ երկրի հետ կտրած լինելով ձեր բոլոր կապերը, դուք այնուամենայնիվ տիրապետում եք Կրեսպո կղզու անտառներին:

— Գիտե՞ք ինչ, պրոֆեսոր,— պատասխանեց նավապետը,— արևի լույսն ու տաքութիւնը հարկավոր չեն այն անտառներին, որոնք ինձ են պատկանում: Այդ անտառներում չկան, ոչ առյուծներ, ոչ վագրեր, ոչ հովազներ և ընդհանրապես ոչ մի շորքոտանի: Միայն ինձ է հայտնի անտառների գոյութիւնը: Իրանք միայն ինձ համար են աճում... Այդ անտառները ոչ թե ցամաքային են, այլ ծովային:

— Ծովային անտառնե՞ր,— զարմացած հարցրի ես:

— Այո, պրոֆեսոր:

— Եվ դուք ինձ առաջարկում եք գնալ այնտե՞ղ:

— Միանգամայն ճիշտ է:

— Ոտքո՞վ:

— Ձեր ոտքերը նույնիսկ չեն էլ թրջվի:

— Եվ մենք այդ կերպ ո՞րս կանենք:

— Այո:

— Հրացանո՞վ:

— Հրացանով:

Ես նավապետ Նեմոյին նայեցի այնպիսի մի հայացքով, որը ոչ մի լավ բան չէր ասում նրա մասին:

«Կասկած չկա,— մտածեցի ես,— այդ մարդը հիվանդ է հոգեպես: Հենց վերջերս եղել է նրա հիվանդութեան մուլուցքը, որը հիմա էլ շարունակվում է: Ափսո՛ս: Ես կգերադասեի, որ նա լիներ տարօրինակ և ոչ թե խելագար մարդ»:

Հավանորեն դժվար չէր այդ մտքերը կարդալ իմ դիմքի վրա: Սակայն նավապետ Նեմոն, առանց որևէ բան ասելու, ձեռքով նշան արավ, որ հետևեմ իրեն, և ես գնացի: Այդ րոպեին ես նման էի մի մարդու, որը պատրաստ է ամեն մի տհաճ անակնկալի:

Մենք անցանք սեղանատուն, ուր արդեն մեզ սպասում էր նախաճաշը:

— Պարոն Արոնաքս,— ասաց նավապետը,— խնդրեմ նստեք և ուտեք առանց քաշվելու: Նախաճաշի ժամանակ մենք կխոսենք: Ես ձեզ խոստացել եմ ստորջրյա զբոսանք, բայց ոչ ստորջրյա ռեստորան: Ուստի խորհուրդ եմ տալիս ձեզ մի լավ նախաճաշել, քանի որ մենք ճաշել կարող ենք միայն ուշ երեկոյան:

Ես լսեցի այդ խորհուրդը և սկսեցի նախաճաշը:

Սեղանի վրա դրված էր զանազան ձկնեղեն, որը համեմ-  
ված էր ծովային ջրիմուռներով: Նախաճաշի ժամանակ մենք  
խմում էինք մաքուր ջուր, որին երկուսս էլ ավելացրինք ջրի-  
մուռից եփած թրմաջրի մի քանի կաթիլ: Այդ ջուրը հայտնի է  
«թաղանթանման ոռդիմենիա» անունով:

Սկզբում նավապետ Նեմոն ուտում էր առանց խոսելու:

Սակայն, մասամբ հագեցնելով քաղցը, նա ասաց.

— Ես կարծում եմ, պրոֆեսոր, որ դուք, ստանալով իմ  
հրավերը Կրեսպո կղզու անտառում կաշանալիք որսի մասին,  
ինձ համարեցիք ո՛չ հետևողական մարդ: Իսկ երբ լմացաք,  
որ ես ձեզ հրավիրում եմ ստորջրյա անտառը, կարծեցիք, թե  
ես խելագարվել եմ: Պարոն պրոֆեսոր, երբեք չպիտի մա-  
կերեսային դատողություններ անել մարդկանց մասին:

— Բայց նավապետ, հավատացեք, որ...

— Բարեհաճեցեք լսել ինձ, հետո դատեցեք, թե արդյոք  
կարելի է ինձ մեղադրել անհետևողականության կամ խելա-  
գարության համար:

— Ես լսում եմ ձեզ:

— Թե դուք և թե ես գիտենք, պրոֆեսոր, որ մարդը կա-  
րող է ջրի տակ գտնվել այն պայմանով, եթե շնչառության հա-  
մար օդի բավականաչափ պաշար է վերցնում: Ստորջրյա աշ-  
խատանքներ կատարելիս բանվոր-սուղակները, որոնք հագ-  
նում են անջրանցիկ զգեստ և գլուխները պաշտպանող մե-  
տաղյա սաղավարտ, դրսից օդ են ստանում և մի հատուկ  
կաշեփողի միջոցով, որը միացած է պոմպի և ածխաթթուն  
դուրս քաշող կանոնավորիչի հետ:

— Այո, այդ հագուստը կոչվում է զրահագզեստ:

— Ճիշտ է: Սակայն զրահագզեստ հագած սուղակն ազատ  
չէ: Նա կապված է ուետինե փողրակով, որի միջով պոմպերը  
նրան օդ են մատակարարում: Այդ իսկական շղթա է, որ նրան  
կապում է ցամաքի հետ: Եթե մենք փողրակով կապվեինք  
«Նաուտիլուսին», հեռու չէինք գնա:

— Իսկ ի՞նչ միջոց կա ազատ լինելու համար, — հարցրե-  
ցի ես:

— Օգտվելով Ռուկեյրու-Պենեյրուզի պարագայով: Այս պարագան հնարել են ձեր երկու հայրենակիցները, պարոն պրոֆեսոր: Ես էլ այդ կատարելագործել եմ այնքան, որ դուք առանց որևէ վնաս հասցնելու ձեր օրգանիզմին, կարող եք նրանով գնալ ջրի տակ՝ միջավայր, ուր բուռնովին այլ են ֆիզիոլոգիական պայմանները: Ապարատն իրենից ներկայացնում է հաստ, թերթավոր երկաթից պատրաստված մի պահաման, որտեղ օդը խտացրած է հիսուն մթնոլորտ ճնշման տակ: Պահամանը սուղակի մեջքին ամրացվում է ճիշտ այնպես, ինչպես պարկը զինվորի մեջքին: Պահամանի վերին մասում շինված է դարբնոցի փուքսի նմանությամբ մի հարմարանք, որն օդի ճնշումը հասցնում է նորմալ դրության և միայն դրանից հետո է օդն անցկացնում կափարիչի միջով: Ռուկեյրու-Պենեյրուզի սովորական պարագայի վրա երկու ռետինե խողովակներ, որոնք միացած են պահամանին, հասնում են մինչև հատուկ դիմակը, որ լինում է սուղակի դեմքին: Այդ ռետինե խողովակներից մեկը պահամանից օդ ներշնչելու համար է, մյուսը՝ արտաշնչվող ածխաթթուն դուրս քաշելու համար: Սուղակը լեզվով բաց է անում երբեմն մեկ, երբեմն էլ մյուս խողովակը, նայած թե ներշնչել է ուզում, թե՞ արտաշնչել: Սակայն ծովերի խորքում ջրի վերին շերտերի մեծ ճնշումը հաղթահարելու համար ես հարկ համարեցի այդ դիմակը փոխարինել պղնձյա սաղավարտով, ներշնչելու և արտաշնչելու խողովակներն էլ ամրացնել այդ սաղավարտին:

— Հրաշալի է, նավապետ: Սակայն այն օդը, որ դուք տանում եք ձեզ հետ, պետք է արագությամբ սպառվի, իսկ երբ թթվածնի քանակն իջնի մինչև տասնհինգ տոկոս, օդն այլևս անպետք կլինի շնչառության համար:

— Այդ ճիշտ է, պրոֆեսոր: Սակայն ես արդեն ձեզ առաջի, որ «նառատիլուսի» պոմպերի շնորհիվ ես կարող եմ զգալի քանակությամբ օդ հավաքել պահամանի մեջ: Այս

— ... — միայն



րում ձեր ճանապարհն օվկիանոսի խորքերում: Չէ՞ որ այժմ-  
տեղ հավանորեն անթափանցելի խավար է տիրում:

— Լուսավորում եմ Ռուսկորֆի ապարատով, պրոֆեսորի  
խտացրած օդ պարունակող պահամանն ամրացվում է մեջ-  
քին, իսկ այդ ապարատը՝ գոտուն: Ապարատը կաղմված է  
Քունզենի տարրից, որի մեջ ես պահում եմ նատրիում և ոչ  
թե երկբրոմաթթու կալիում, ինչպես լինում է սովորաբար:  
Ինդուկցիոն կոնը հավաքում է ստացվող հոսանքը և ուղղում  
դեպի առանձնահատուկ կառուցվածք ունեցող լապտերը: Այդ  
լապտերն իրենից ներկայացնում է օձանման, դատարկ, ա-  
պակյա մի խողովակ, որը լցված է ածխաթթու գազով: Երբ  
ապարատն աշխատում է, գազը բավականաչափ տալժառ,  
սպիտակավուն լույս է արձակում: Այսպիսով ես կարողանում  
եմ ջրի տակ թե շնչել և թե տեսնել:

— Նավապետ Նեմո, իմ բոլոր առարկություններին դուք  
այնպիսի սպառիչ պատասխաններ եք տալիս, որ ես չեմ հա-  
մարձակվում որևէ խնդրում կասկածել: Սակայն, ինձ պարս-  
ված ճանաչելով Ռուկեյրոլի և Ռուսկորֆի ապարատների  
հանդեպ, ես դեռ հույս ունեմ վրեժ լուծել հրացանների խընդ-  
րում, որոնցով դուք խոստացել եք զինել մեզ ստորջրյա որսի  
համար:

— Բայց չէ՞ որ դրանք վառողով լցվող սովորական հրա-  
ցաններ չեն,— ասաց նավապետը:

— Նշանակում է ձեր հրացանները գործում են խտացրած  
օդով:

— Իհարկե: Ինքներդ դատեցեք, ես ինչպե՞ս կարող էի  
վառող պատրաստել «Նառտիլուսում», ուր շկա ոչ բորակ, ոչ  
ծծումք, ոչ էլ ածուխ:

— Բայց չէ՞ որ ջրի տակ կրակելիս, որտեղ միջավայրը  
հազար ութ հարյուր հիսուն անգամ ավելի խիտ է օդից,  
գնդակը պիտի հանդիպի հսկայական դիմադրության:

— Այդ չի խոսնդարում իմ հրողամուտներին: Ի դեպ սուսժ՝  
դոյության ունեն թնդամոթներ, որոնք կտրույ են կրակից նուս  
այդպիսի պայմաններում: Մուտամից հետո այդ թնդամոթ  
ները կատարելապարժեկ են անպիտաններ: Ախրայ Կոյար և  
Քուլեյը, ֆրամուսիացի Ֆուրսին և խառլայի Լամպին: Սակայն,

կրկնում եմ, ածուխ շունենալու պատճառով ես իմ հրացանների համար գործ եմ ածում խտացրած օդ, որի պաշարը «նաուտիլուսի» էլեկտրական պոմպերի շնորհիվ իհարկե անսահմանափակ է:

— Բայց ամեն անգամ կրակելուց հետո պետք է վերականգնել այդ պաշարը:

— Ի՞նչ կա որ, մի՞թե ես շունեմ: Ռուկեյրուլի պահամանը, որպեսզի վերստին լցնեմ հրացանը: Դրա համար բավական է շուռ տալ ծորակը: Ասենք դուք ինքներդ կտեսնեք, որ ստորջրյա որսի ժամանակ մեծ քանակությամբ խտացրած օդ և գնդակներ ծախսելու կարիք չի լինում:

— Բայց և այնպես ինձ թվում է, որ ծովի հատակում, ուր կիսախավար է տիրում և ուր հեղուկ միջավայրն օդի համեմատությամբ շատ ավելի պինդ է, անհնարին է հեռու կրակել և գնդակները մահացու շեն լինի:

— Ընդհակառակը, պրոֆեսոր, իմ հրացանների բոլոր կրակոցները մահացու են: Բավական է, որ գնդակը դիպչի «թռչունին», թեկուզ աննշան շափով, և «թռչունը» կընկնի այնպես, ինչպես կայծակնահար լինելու դեպքում:

— Ինչո՞ւ:

— Որովհետև իմ հրացանները կրակում են ոչ թե հասարակ, այլ փոքրիկ, ապակյա գնդակներով, որ հնարել է ավրատրիական քիմիկոս Լենիբրոկը: Ես բավական զգալի պաշար ունեմ այդ գնդակներից: Դրանք պատած են պողպատյա թաղանթով, ծանր արճիճով, և ոչ այլ ինչ են, բայց եթե փոքրիկ լեյդենյան բանկաներ, որոնք շատ բարձր լարվածության էլեկտրական լիցք են պարունակում: Դրանք պայթում են ամենաթեթև ցնցումից և կենդանին, որքան էլ մեծ լինի, վայր է ընկնում ու սատկում: Ավելացնում եմ, որ այդ ապակուկտորները համարյա շորս կոտորուքից ավելի մեծ շեն և որ հրացանի սովորական լիցքը տեղափոխում է ոչ պակաս, քան տասը գնդակ:

— Անձնատուր եմ լինում, — ասացի ես, վեր կենալով սեղանից, — դուք հաղթահարեցիք իմ բոլոր առարկությունները: Ինձ միայն մնում է զինվել իմ հրացանով և հետևել ձեզ, ուր էլ որ գնաք:

Նավապետ Նեմոն ինձ տարավ «Նաուտիլուսի» հետին մասը: Անցնելով Նեդ Լենդի և Կոնսելի սենյակի դռնից, մենք կանչեցինք նրանց:

Երկուսն էլ իսկույն միացան մեզ:

Բոլորս միասին մտանք մի խուց, որ գտնվում էր մերենայական բաժնի կողքին: Այստեղ մենք հագանք զրահազգեստները, որպեսզի սկսենք մեր ստորջրյա զբոսանքը:

## ԳԼՈՒԽ ՏԱՍՆՎԵՑԵՐՈՐԴ

### ԶԲՈՍԱՆՔ ՍՏՈՐՋՐՅԱ ՀԱՐԹԱՎԱՅՐՈՒՄ

Այդ խցիկը «Նաուտիլուսի» թե զինապահեստն էր և թե հանդերձարանը: Մի ամբողջ դյուժին զրահազգեստ կախված էր պատերից և սպասում էր որսորդներին:

Նեդ Լենդը նայեց զրահազգեստներին և ծոմռեց դեմքը: Նրան պարզապես անհաճելի էր այդ ծանր հագուստը:

— Դուք պետք է իմանաք, Նեդ,— ասացի ես քաջ կանադացուն,— որ Կրեսպո կղզու անտառները գտնվում են ջրի տակ:

— Ա՛յ քեղ բա՛ն,— հիասթափված և ձայնը երկարացնելով ասաց եռաժանու վարպետը, տեսնելով, որ մի պատռո միս ուտելու իր ցնորքները հօդս են ցնդում:— Իսկ դուք, պարոն պրոֆեսոր, պատրաստվում եք հագնե՛լ այս ձիասարքը,— հարցրեց նա ինձ:

— Անպայման, թանկագին Նեդ:

— Ինչպես ուզում եք,— պատասխանեց Նեդ Լենդը, թափահարելով ուտերը,— իսկ ես իմ կամքով շեմ հագնի սրանք, եթե ուժով շատիպեն ինձ:

— Ձեզ ոչ ոք չի ստիպի, պարոն Լենդ,— սառը տոնով ասաց նավապետ Նեմոն:

— Իսկ Կոնսելը կգնա՞,— հարցրեց Նեդը:

— Կոնսելը կհետևի իր պարոնին ոչ միայն ջրի, այլև կրակի մեջ,— պատասխանեց Կոնսելը:

Նավապետը կանչեց երկու նավաստի, որպեսզի սրանք օգնեն մեզ հագնելու այդ ծանր, անջրանցիկ հագուստը, որ

պատրաստուած էր ռեաիոնի ամբողջական կտորներից: Այդ զրահազգեստները, որոնց պատրաստման ժամանակ հաշվի էին առնուած բարձր ճնշումները, մասամբ հիշեցնում էին միջնադարյան ասպետի զրահը, որից սակայն տարբերուած էին իրենց ճկունութեամբ:

Հագուստը բաղկացած էր մի բաճկոնից և շալվարից, որին միացած էին հաստ կոշիկները, իսկ սրանց ներբանները ամրացուած էին արճիճով: Բաճկոնի վրա կային պղնձե օղակասեր, որոնք կուրծքը պաշտպանում էին ջրի ճնշումից և թոքերին հնարավորութեամբ էին տալիս ազատ շնչելու: Թևերը վերջանում էին փափուկ ձեռնոցներով, որոնք շէին խանգարում մատերի շարժման:

Նավասպետ Նեմոն, նրա նավաստիներից մեկը, որ իր արտաքինով իսկական Հերկուլես էր և ըստ երևույթին հրեշավոր ուժ ուներ, ապա Կոնսելը և ես արագ հագանք զրահազգեստները: Մնում էր միայն մետաղյա սաղավարտն անցկացնել գլուխներին:

Սակայն նախքան այդ ես խնդրեցի նավասպետին թույլ տալ դիտելու այն հրացանը, որ ինձ էր տրուելու:

Նավաստիներից մեկն ինձ տվեց արտաքուստ սովորական մի հրացան, որի կոթը մի փոքր ավելի մեծ էր, քան հրարձակ հրացանինը, ներքուստ դատարկ էր և պատրաստուած էր պողպատից: Կոթը ծառայում էր իբրև պահաման խտացրած օդի համար, որը դուրս է նետուած փողից այն վայրկյանին, երբ իջնում է հրահանը և ետ տանում պահամանի կափարիչը: Գնդակների պահուստը, որ ամրացուած էր հրացանի մետաղյա մասին, պարունակում էր քսան հատ էլեկտրական գնդակ, որոնք հատուկ զսպանակի շնորհիվ ավտոմատ կերպով մտնում էին հրացանի փողը: Հենց որ հրացանից դուրս էր թռչում մի գնդակ, նրա տեղն իսկույն մյուս գնդակն էր բռնում:

— Նավասպետ Նեմոն,— ասացի ես,— այս երևելի զենք է և շափազանց պարզ է արա գործածութեամբ: Ես անհամբերութեամբ սպասում եմ այն րոպեներին, երբ կկարողանամ փորձել այս զենքը: Սակայն մենք ինչպե՞ս պիտի իջնենք ծովի հատակը:

— «Նառատիլուան» այժմ կանգնած է հատակում, տասը մետր խորությամբ: Մենք կարող ենք մեկնել, պրոֆեսոր:

— Բայց ինչպե՞ս դուրս դանք նավից:

— Հիմա կտեսնեք:

Սվ նավապետ Նեմոն պղնձե սաղավարտը գրեց գլխին: Կոնսեյն ու ես հետևեցինք նրա օրինակին: Նեղ լենդը հրաժեշտի ժամանակ հեզնանքով ասաց, որ հաջող որս է ցանկանում մեզ: Բաճկոնի օձիքը վերջանում էր պղնձյա օղակով, օրի պտուտակային պարույրին ամրացվում էր պղնձե սաղավարտը: Սաղավարտի երեք անցքերը ծածկված էին հաստ ապակիով, որոնց միջով կարելի էր դիտել բոլոր կողմերը, գլուխն ազատ շարժելով սաղավարտի մեջ: Հենց որ սաղավարտներն ամրացրինք, սկսեց աշխատել մուկեջրուչի տպարատը, որ ամրացված էր մեր մեջքին:

Ես գոտուցս կախեցի մումկորֆի լապտերը և վերցրի հրացանը: Ազնվաբար խուստովանում եմ, որ զրահազգեստը ծանր էր ինձ համար, ծանր կոշիկներս կարծես մեխվել էին հատակին, և ես կարծում էի, թե մի քայլ անգամ շեմ կարող անել:

Ակներև էր, սակայն, որ այդ սովորական բան է եղել: Ինձ տարան հանդերձարանի կողքին գտնվող մի փոքրիկ խցիկ: Նույն ձևով առաջնորդեցին նաև իմ ուկեղիցներին: Ես լսեցի, թե ինչպես մեր հետևից փակվեց դուռը, և մեր շուրջը տիրեց անթափանցելի խավար:

Մի քանի բոպեից հետո ես լսեցի մի ուժեղ սուլոց: Զգացի, որ ինչ-որ սառը բան բարձրանում է ոտներիցս դեպի կուրծքս: Պարզ էր, որ նավի ներսում բացել էին այն ծորակը, որով փակվում է ջրի ճանապարհը, և հիմա ջուրը լցվում էր մեր խցիկը: Հենց որ այդ խցիկն ամբողջովին լցվեց ջրով, բացվեց երկրորդ դուռը, որ շինված էր «Նառատիլուաի» կողքին, և մենք տեսանք գունատ մի կիսալույս: Մի վայրկյան անց մենք արդեն քայլում էինք ծովի հատակում:

Հիմա ես ինչպես նկարագրեմ այն տպավորությունները, որ ստացա ծովի հատակում կատարած այդ ճանապարհորդությանից:

Խոսքերն անզոր են արտահայտելու իմ տեսած հրաշքնե-



րը: Ինչպե՞ս այդ պահանջես գրչից, երբ նկարչի վրձինն անգամ անզոր է պատկերացնել ջրային տարերքի ապշեցուցիչ էֆեկտները:

Նավապետ Նեմոն գնում էր առջևից, նավաստին՝ բոլորիս հետևից: Կոնսելը և ես քայլում էինք կողք-կողքի, բայց մեր մետաղյա սաղավարտների միջով շէինք կարող իրար հաղորդել մեր տպավորությունները: Ես այլևս չէի զգում զրահազգեստի, արճիճե կոշիկների, խտացրած օդով լի պահամանի և մետաղյա սաղավարտի ծանրությունը: Գլուխս ազատ էր այդ սաղավարտում, ինչպես ընկույզն իր կեղևի մեջ: Այդ բոլոր առարկաները, որ ջրասույզ էին եղել, իրենց ծանրությունից կորցնում էին ճիշտ այնքան, որքան կորցնում էր նրանց դուրս մղած ջուրը: Ես պատրաստ էի ողջունելու այդ ֆիզիկական օրենքը, որ դեռ Արքիմեդն էր հայտնագործել, որովհետև դրա շնորհիվ ես նորից կարողանում էի ազատ շարժումներ անել:

Ինձ զարմացրեց հատակում եղած պայծառ լույսը, որ տարածվել էր ջրի երեսուն ոտնաչափանոց շերտի տակ: Արեգակի ճառագայթներն ազատ թափանցում էին մինչև հատակը և լուսավորում շրջապատը: Հարյուրավոր մետր տարածության վրա ես պարզ տեսնում էի ամենափոքր առարկաները: Ավելի հեռու տեղերում ուրվագծերը սկսում էին գունատվել, գույները խտանում էին, կապտանում, և ապա ամեն ինչ շքանում էր զմրուխտե հեռուներում: Ինձ շրջապատող միջավայրն օդի պես թափանցիկ էր, թեև ավելի թանձր էր օդից: Վերևվում ես տեսնում էի ծովի անվրդով մակերևույթը:

Մենք քայլում էինք ծանծաղ, պինդ և բոլորովին հարթ ավազի վրայով: Չկային այն խորդուբորդությունները, որ ալիքներն առաջացնում են առափնյա ավազուտներում: Այդ կուրացուցիչ գորգը մի իսկական ռեֆլեկտոր էր արևի ճառագայթների համար: Ահա թե ինչու այնքան պայծառ էին լուսավորված ջրային շերտերը, որոնց յուրաքանչյուր մասնիկը շողշողում էր բառիս իսկական իմաստով: Արդյոք կհավատա՞ն ինձ, եթե ասեմ, որ այնտեղ, երեսուն ոտնաչափ խորությամբ այնպես լույս էր, ինչպես լինում է ծովի վրա, պայծառ եղանակի դեպքում:

Քառորդ ժամվա շափ մենք քայլում էինք այդ առկայծուն,  
ավազե գորգի վրա, ուր տարածված էր միլիարդների հասնող  
մանրագույն խեցիների նուրբ փոշին: «Նաուտիլուսը», որ հեռ-  
վից թվում էր մի երկարաձև ժայռ, հետզհետե փոքրանում էր  
մեր աչքում: Երբ իջներ գիշերը, նավի լուսարձակն իր պայ-  
ծառ, հեռվից նկատելի ճառագայթներով պիտի լուսավորեր  
մեր վերադարձի ճանապարհը:

Մենք գնում էինք ու գնում, իսկ ավազոտ հարթավայրը  
կարծես սահման չուներ: Ես ձեռներով բաց էի անում հեղուկ  
վարագույրները, որոնք անմիջապես ծածկվում էին և ջրի  
ճնշումը վայրկենապես ոչնչացնում էր ոտներիս հետքերը:

Վերջապես, հեռվում հազիվհազ նկատվեցին ինչ-որ ուր-  
վագծեր: Մոտենալով ես տեսա, որ դրանք ստորջրյա ժայ-  
ռերն են և ծածկված են զոոֆիտներով: Այստեղ ես տեսա մի  
պատկեր, որ լինում է միայն հեղուկ միջավայրում:

Առավոտյան ժամի մոտ վեցն էր: Արևի ճառագայթները  
թեք ընկել էին ջրի մեջ, և նրանց լույսը, բեկվելով ջրում,  
ինչպես պրիզմայում, արևի յոթ գույներով զարդարել էր  
ժայռերը, պոլիպները, բույսերը: Լույսերի այդ քառսը, մանի-  
շակագույն, կապույտ, կանաչ, դեղին, նարնջագույն ու կար-  
միր գույների այդ սքանչելի տեսարանը, որ նկարչի ներկա-  
տախտակն էր հիշեցնում, իսկական տոն էր մեր աչքերի հա-  
մար, իսկական հրաշք:

Որքա՛ն ցավալի էր, որ ես չէի կարող Կոնսելին հաղոր-  
դել իմ զգացումները, այն բերկրանքը, որ ծովանում էր իմ  
հոգում և ձգտում էր դուրս թափվել հիացմունքի բացական-  
շություններով: Ափսոս, որ ես չգիտեի այն նշանները, որոն-  
ցով նավապետ Նեմոն խոսում էր իր նավաստու հետ: Ես  
ստիպված էի խոսել ինքս ինձ հետ, զանազան բացականշու-  
թյուններ անել, ապարդյուն խուճեր արտասանել և այդպիսով  
վատնել օդի թանկագին պաշարը:

Կոնսելը, ինչպես նաև ես, կանգ առավ, ապշելով այդ  
զմայլելի տեսարանից:

Ինձ թվաց, որ այդ արժանավոր մարդը, տեսնելով զոո-  
ֆիտներն ու կակղամորթները, սկսում էր զբաղվել դրանց դա-  
սակարգելով:

Մովի հատակը ծածկված էր բազմաքանակ պոլիպներով ու ասղամորթներով: Զանազան տեսակի ասցիդիաները, մենակյաց կորպուլարիաները, խավոտ օկուլինները, որոնց առաջ անվանում էին «սպիտակ կորալներ», ֆունդիաները, որոնք թնոպրի ձևեր ունեին, ակտինաները, որոնց բերանի շուրջը գտնվում էր շոշափուկների պսակը, այս բոլորն իսկական ծաղկանոց էր հիշեցնում: Սակայն այդ ծովային այգու լավագույն զարդարանքն էին՝ պորպիտները, կապտավուն շոշափուկներից կազմված ժանյակային օձիքներով, ծովային աստղերը, որոնք ավազի վրա մի ամբողջ համաստեղութուն էին կազմել, աստերոֆիտները, որոնց քնքուշ ժանյակները, կարծես նայադների՝ ձեռքով հյուսված, համաշափ օրորվում էին ջրի թույլ տատանումներից, որ առաջ էին գալիս մեր քայլերից, վերջապես, pelagia ռապորուզան, որ իր ֆոսֆորային փայլով կլուսավորեր մեր ճանապարհը, եթե գիշեր լիներ:

Ես անկեղծորեն ցավում էի, որ ստիպված էի ոտներով ճզմել հիանալի կակղամորթները, որ հաղարներով փովել էին հատակին, կալմարները, սանրածև կախանները, ապակյակները, պտերոտրախները, բայդարները և օվկիանոսի այլ հաքրատությունները:

Սակայն հարկավոր էր առաջ գնալ, և մենք գնում էինք:

Մեր գլխավերևում դանդաղ լողում էին ֆիզալիաներն իրենց ծածանվող, կապույտ-երկնագույն շոշափուկներով, մեղուզաներն իրենց քնքուշ-վարդագույն կամ արևակնային գլխիկներով, որոնց ծայրերը կապտավուն շերտերով էին ծածկված:

Այս բոլոր հրաշալիքները ես տեսնում էի մեր ճանապարհին, ընդամենը մեկ քառորդ մղոն տարածության վրա: Հարկավոր էր հետ շմնալ նավապետ Նեմոյից, որ արագ և առանց կանգ առնելու առաջ էր գնում:

Շուտով ծովի հատակը փոխվեց: Ավազե գորգին հաջորդեց մածուցիկ տիղմի շերտը, որին ամերիկացիք «օազ» են անվանում: Այս տիղմը բաղկացած էր գլխավորապես կայծքա-

---

1 նայադներ (ջրանուշներ) — այսպես էին կոչվում հին հունական զիգարանության մեջ ջրային ոգիները:

րոտ կամ կրային խեցիներից: Հետո մենք գնում էինք ջրի-  
մուռներով ծածկված տարածություններով: Ստորջրյա փոք-  
րիկ մարգագետինները, առատ բուսականությամբ ծածկված,  
փովել էին մեր ոտքերի տակ ինչպես ամենահմուտ վարպետի  
ձեռքով հյուսված փափլիկ գորգեր:

Բույսերը ծաղկել էին ոչ միայն մեր ոտների տակ, այլև  
մեր գլխավերևում: Կարծես մենք գնում էինք մի ծառուղիով,  
որը վերևից ծովային բույսերով էր ծածկված: Այդ բույսերը  
պատկանում են ջրիմուռների արգասավոր ընտանիքին, որի  
անդամների թիվը համարյա թե երկու հազարի է հասնում:  
Այստեղ էին աղվեսուկների երկար ժապավենները, դնդաձև  
կամ խողովակաձև լավրենցիաները, կլադոստեֆներն իրենց  
նուրբ տերևներով, թաղանթանման ոտդոմենները, որ նման  
էին կակտուսների հովհարներին:

Ես նկատեցի, որ կանաչ ջրիմուռներն ավելի մոտիկ են  
ծովի մակերևույթին, կարմիրները միջին խորության շերտե-  
րում են, իսկ կինամոնագույններն ու սևերը ծաղկանոցներ և  
այգիներ են դարձել օվկիանոսի ավելի խոր շերտերում:

Ջրիմուռները բնության իսկական հրաշալիքն են: Այս ըն-  
տանիքին են պատկանում աշխարհիս թե ամենափոքր և թե  
ամենախոշոր բույսերը: Այսպես, բացի մանրագույն ջրիմուռ-  
ներից, որոնց քառասուն հազարը տեղավորվում է հինգ քա-  
ռակուսի միլիմետր տարածության վրա, կան նաև այնպիսի  
ջրիմուռներ, որոնց երկարությունը մոտ հինգ հարյուր մետրի  
է հասնում:

Արդեն ժամ ու կես անցել էր այն պահից, երբ մենք թո-  
ղեցինք «Նաուտիլուսը»: Մոտենում էր կեսօրը: Այդ երևում էր  
նրանից, որ արևի ճառագայթներն ուղղահայաց դիրք էին ըն-  
դունում և շէին բեկվում ջրի մեջ: Գույների ֆանտաստիկ հա-  
րքատությունը նվազում էր հետզհետե, շափյուղե ու զմրուխ-  
տե երանգները շքանում մեր երկնակամարից: Մենք համա-  
չափ քայլում էինք առաջ և մեր ոտնաձայները լսվում էին  
արտասովոր պարզությամբ: Ամենաշնչին ձայնը տարածվում  
էր արագությամբ, այդպես չի լինում ցամաքում: Եվ իսկա-  
պես, ջուրն ավելի հեշտ է անցկացնում ձայնը, քան օդը, ջրի  
մեջ ձայնը շորս անգամ ավելի արագ է անցնում:

Մինչ այս մինչ այն, հատակը սկսեց թեքվել: Հիմա մենք գտնվում էինք հարյուր մետր խորության տակ և զգում տասր մթնոլորտ ճնշում: Բայց, ինչպես երևում է, իմ գրահազգեստը հարմարեցրած էր այդ պայմաններին, քանի որ ես բոլորովին չէի տանջվում այդ ճնշումից: Ես զգում էի միայն ինչ-որ անորոշ ճնշում մատներիս հողակապերում, սակայն այդ զգացումն ևս, որ մի քիչ անհաճելի էր, շուտով չքացավ: Չնայելով, որ երկու ժամ քայլում էի ինձ համար բոլորովին արտասովոր զգեստով, այնուամենայնիվ ոչ մի հոգնածություն չէի զգում: Զուրը պահում էր ինձ, և ես գնում էի անսովոր հեշտությամբ:

Գտնվելով երեք հարյուր ոտնաչափ խորության տակ, ես նկատում էի արևի ցուլքը, որը, սակայն աղոտանում էր: Ցերեկվա պայծառ լույսն իր տեղը զիջում էր կարմրավուն մըթնաշաղին, որ լինում է այն ժամանակ, երբ ցերեկն ու գիշերը հաջորդում են իրար: Սակայն մենք լավ էինք տեսնում ճանապարհը և դեռ կարիք չկար դիմելու Ռումկորֆի լապտերի օգնության:

Հանկարծ նավապետ Նեմոն կանգ առավ: Նա սպասեց, մինչև որ ես մոտենամ իրեն և մատը տնկելով, ցույց տվեց ինչ-որ մի սև զանգված, որ պարզ ուրվագծվում էր կիսախավարում, մեզանից քիչ հեռու:

«Այդ կրեպո կղզու անտառն է», — մտածեցի ես ու շսխալվեցի:

## Գ.ԼՈՒԽ ՏԱՍՆՅՈՐԹԵՐՈՐԴ

### ՍՏՈՐՋՐՅԱ ԱՆՏԱՌԸ

Վերջապես, մենք հասանք այն անտառը, որ հավանորեն ամենազեղեցիկ վայրերից մեկն էր նավապետ Նեմոյի անծայրածիր կալվածքներում: Նա այդ անտառը համարում էր իր սեփականությունը, իրեն էր վերապահում այն իրավունքները, որ ունեին առաջին մարդիկ, աշխարհի գոյության առաջին օրերում: Սակայն ո՞վ կարող էր վիճելի համարել նրա իրավունքը ստորջրյա կալվածքների վրա: Ո՞վ էր այն քա-



ջը, որ ավելի համարձակ լիներ և կացինը ձեռքին գար կտրա-  
տելու այս միջին անտառը:

Կրեպո կղզու անտառը բաղկացած էր մեծ, ծառանման  
բույսերից: Հենց որ մենք մտանք անտառ, ինձ ապշեցրեց  
ճյուղերի դասավորութեան մի առանձնահատկութեանը: Մինչ  
այդ ես ոչ մի նման բան չէի տեսել:

Կանաչները, որ գորգի նման զարդարել էին հատակը և  
ոստերը, որ աճել էին ծառերի վրա, չէին ծովում, հորիզո-  
նական դիրք չէին ընդունել, այլ կանգնել էին ուղղահայաց,  
ծայրերն ուղղել դեպի օվկիանոսի մակերևույթը: Ամենաբա-  
րակ ցողունները լարի պես ձգվել էին դեպի վեր, ինչպես եր-  
կաթյա ձողիկներ: Աղվեսուկներն ու լիանաները, շրջապատող  
միջավայրի թանձրութեան շնորհիվ, բարձրանում էին վեր,  
ծովի մակերևույթին բոլորովին ուղղահայաց գծով: Ես փոր-  
ձում էի թեքել այդ բույսերը, բայց հենց որ դրանք ազատ-  
վում էին իմ ձեռքից, էլի նախկին դիրքն էին ընդունում:

Շուտով ես ընտելացա բույսերի այդ տարօրինակ դիրքին,  
ինչպես ընտելացել էի մեզ շրջապատող կիսախավարին: Ան-  
տառի «հողը» լիքն էր սուր քարերով, որոնցից դժվար էր  
խուսափել: Ստորջրյա բուսականութեանն ինձ շատ հարուստ  
թվաց:

Ես չկարողացա միանգամից զանազանել բուսական և  
կենդանական աշխարհը: Կենդանաբույսերը՝ զոոֆիտները, ես  
ընդունեցի ջրաբույսերի՝ հիդրոֆիտների տեղ և ընդհակառա-  
կը: Ասենք, ով էլ որ լիներ իմ տեղը, կսխալվեր: Չէ՞ որ կեն-  
դանական աշխարհն ու բուսականութեանն այնքա՛ն անորոշ  
են այդ ստորջրյա վայրերում:

Ես նկատեցի, որ բոլոր բույսերն զրհեստականորեն կպել  
էին հատակին և ոչ թե աճել այնտեղից: Դա բոլորովին զար-  
մանալի չէ: Արմատներ շունենալով, նրանք գետնից պահան-  
ջում էին ոչ թե կենսական հյութ, այլ միայն հենակետ: Այս  
պատճառով նրանք հավասարաչափ աճել էին թե քարերի, թե  
ավազի, թե կոպիճների ու խեցիների վրա: Այդ բույսերն ապ-  
րում, շնչում ու սնվում են իրենց շրջապատող ջրով: Դրանց  
մեծամասնութեանը տերևների փոխարեն ամենատարօրինակ  
ձևի թանթեր է արձակում: Այդ թանթերը լինում են վարդա-

գույն, կարմրավուն, կանաչ, ձիթենագույն, թուխ և դարչնագույն: Այստեղ ես նորից տեսա այն բույսերը, ինչ որ տեսել էի «Նաուտիլուսի» հավաքածոներում», բայց արդեն ոչ թե շորացրած, այլ կենդանի վիճակում, այստեղ էին պաղինպալլիինները, որ նման էին բացված հովհարների, վառ-կարմիր ցերամիաները, լամինարիաները, որ մատաղ ոստեր էին արձակել, թելանման ներեոցիստեաները, որ աճում են տասնհինգ մետր բարձրությամբ, փունջ-փունջ ացետաբուլները, որոնց ցողունների վերին մասերն ավելի հաստ են լինում, քան ստորին մասերը, և էլի ուրիշ շատ ծովային բույսեր, որոնք ծաղիկ չունեին: «Ի՞նչ տարօրինակ աշխարհ է,— ասել է մի բնագետ,— այստեղ կենդանիները ծաղկում են, իսկ բույսերը ծաղիկ չեն տալիս»:

Իրենց մեծությամբ շափավոր գոտու ծառերին շվիջող դանադան բույսերի հովանու տակ երևում էին կենդանի ծաղիկների իսկական փնջեր, զոոֆիտների ամբողջ շարքեր, որոնց վրա ծաղկել էին գույնզգույն մեանդրիններն իրենց ոլորուն ակոսիկներով, դեղնավուն կարիոֆիլներն իրենց թափանցիկ շոշափուկներով: Ինչպես ցամաքի այգիներում միջատներն են թռչկոտում ծաղկից ծաղիկ, այնպես էլ այստեղ ձուկ-ճանճերը կոլիբրիների պարսի նման թռչում էին ծաղիկների վրա, իսկ մեր ոտների տակից ճահճակտցարների նման բարձրանում էին լեպիսականտները, դակտիլոպատերները և մոնոցենտները:

Ցերեկվա ժամը մոտ մեկին նավապետ Նեմոն հանդատունալու ազդանշան տվեց: Ես գոհունակությամբ ընդունեցի: Մենք պառկեցինք հատակին, ալարիաների հովանու տակ, որոնց երկար ցողունները նետերի պես դեպի վեր էին ցցված:

Այս հանդիսուր շափաղանց հաճելի էր: Ափսոս որ խոսելու հնարավորություն չկար: Ոչ կարելի էր խոսել, ոչ էլ լսել: Ես բավականացա նրանով, որ իմ մեծ, պղնձե դլուխը մոտեցրի Կոնսելի գլխին և տեսա, որ իմ պանծալի ընկերոջ աչքերը փայլում են հրճվանքից: Իր լիակատար գոհունակությունն արտահայտելու համար նա մետաղյա սաղավարտում գտնվող իր գլխով մի ծիծաղելի շարժում կատարեց:

Ինձ շատ զարմացրեց այն հանդամանքը, որ շորս ժամ զբոսանելուց հետո քաղց չէի զգում: Ես չգիտեմ, թե ինչոս

ստամոքսս այդպես համբերող էր դարձել: Սակայն, մյուս կողմից, քնելու սաստիկ ցանկություն ունեի, ինչպես այդ պատահում է ջրասուզակների հետ: Աչքերս կամաց-կամաց փակվեցին, ու ես անձնատուր եղա քնին, որը մինչ այդ հաղթահարում էի քայլելու շնորհիվ: Նավապետ Նեմոն և նրա աժդահա նավաստին առաջիններն էին, որ օրինակ ցույց տվին. մեկնվելով իրենց հեղուկ անկողնում, նրանք խորը քուն մտան:

Զգիտեմ որքան քնեցի: Երբ աշթնացա, արևը թեքվել էր դեպի մայրամուտ: Նավապետ Նեմոն արդեն վեր էր կացել: Ես նոր էի սկսել ձգել մարմինս, երբ հանկարծ անսպասելի մի երևույթ ինձ ստիպեց վեր թռչել:

Ինձնից մի քանի քայլի վրա կանգնած էր ծովային մի ահագին սարդ, մի ամբողջ մետր բարձրությամբ: Ծուռը աչքերը շռել էր իմ կողմը և ըստ երևույթին ուզում էր հարձակվել ինձ վրա: Թեպետ իմ զրահազգեստը բավական ամուր էր և կարող էր ինձ պաշտպանել սարդի կծելուց, այնուամենայնիվ ես չկարողացա զսպել սարսափի զգացումս: Այդ բոպեին Կոնսելն ու «Նաուտիլուսի» նավաստին արթնացան: Նավապետ Նեմոն վերջինիս մատնացույց արեց զզվելի կենդանուն, որը և տեղն ու տեղը սատկեց հրացանի կոթի հարվածից:

Սարդին հանդիպելուց հետո ես մտածեցի, որ ծովի այդ մոռյլ խորքերում կարող են լինել նաև ուրիշ, ավելի սարսափելի կենդանիներ, որոնցից անկասելի կլինի պաշտպանվել իմ զրահազգեստով: Ես որոշեցի աշալուրջ լինել:

Ես կարծում էի, թե հանգստանալուց հետո մենք այլևս չենք շարունակի մեր զբոսանքը, բայց բանից դուրս եկավ, որ սխալվել եմ: Փոխանակ վերադառնալու դեպի «Նաուտիլուսը», նավապետ Նեմոն էլի՛ առաջ գնաց:

Ծովի հատակը հետզհետե ցածրանում էր, և մենք ավելի խորը տեղեր էինք մտնում: Կեսօրվա ժամը մոտ երեքին մենք հասանք մի ձորակ, որ գտնվում էր երկու սեպածև ժայռերի արանքում, ծովի մակերևույթից հարյուր հիսուն մետր ցած: Մեր հարմար հազոստի շնորհիվ մենք իննսուն մետր իջանք այն սահմանից, որ կարծես բնությունն ինքն էր որոշել մարդու ստորջրյա էքսկուրսիաների համար:

Ըստ երևույթին մենք գտնվում էինք հարյուր հիսուն մետր խորության տակ, թեև իհարկե ոչ մի գործիք չկար այդ խորությունը շափելու: Սակայն ես դիտեի, որ անգամ ամենաթափանցիկ ծովերում արևի ճառագայթները չեն կարող դրանից ավելի խորը թափանցել: Մինչդեռ մենք հասել էինք այնտեղ, ուր անթափանցելի խավարն էր տիրում: Ստիպված էինք շոշափելով գնալ: Բայց ահա մեր առջև պայծառ լույս վառվեց: Այդ նավապետ Նեմոն էր վառել իր էլեկտրական լապտերը, նրա ուղեկիցը նույնպես վառեց իր լապտերը իսկ Կոնսելն և ես հետևեցինք նրանց օրինակին: Մենք շուտ տվեցինք անջատիչը և օձանման խողովակը, որ լցված էր գազով, էլեկտրական հոսանքի ներգործությամբ լույս արձակեց: Մեր շորս լապտերների լույսը քսանհինգ մետր տարածության վրա լուսավորեց ծովը:

Նավապետ Նեմոն շարունակում էր քայլել մթին անտառում: Անտառը նոսրանում էր: Ես նկատեցի, որ բուսականությունն ավելի արագ է շքանում, քան կենդանական աշխարհը: Մենք համարյա թե էլ չէինք հանդիպում ծովային բույսերի, մինչդեռ զոոֆիտները, բազմոտանիները, կակղամորթներն ու ձկները շարունակում էին վխտալ մեր շուրջը:

Ես մտածեցի, որ էլեկտրական լապտերները դեպի մեղ պետք է գրավեն այդ մթին աշխարհի բնակիչներին: Սակայն նրանք թեև մոտենում էին մեզ, այնուամենայնիվ կանգ էին առնում դգալի տարածության վրա, ու հնարավոր չէր լինում հաջող որս կատարել:

Մի քանի անգամ ես նկատեցի, թե ինչպես նավապետ Նեմոն կանգ էր առնում և հրացանով նշան բռնում: Բայց մի քանի վայրկյան հետո առանց կրակելու իջեցնում էր հրացանը:

Վերջապես, ցերեկվա ժամը մոտ շորսին մենք հասանք այնտեղ, ուր ձգտում էինք: Հանկարծ տեսանք վիթխարի, գրանիտե մի պատ, ժայռերի վեհաշուք մի զանգված՝ մթին քարանձավներով: Պատը համարյա թե բոլորովին ուղիղ էր կանգնած: Այդ Կրեսպո կղզու ստորոտն էր: Մենք հասել էինք ցամաքը:

Նավապետ Նեմոն հանկարծ կանգ առավ: Նա մեզ նշան

արեց, որ հետևենք իր օրինակին, և որքան էլ ես ուզում էի բարձրանալ այդ ժայռը, այնուամենայնիվ ստիպված եղա կանգ առնել: Այստեղ վերջանում էին նավապետ Նեմոյի կալվածքները: Նա շէր ուզում անցնել այդ կալվածքների սահմանը:

Այնուհետև սկսվում էր մի ուրիշ աշխարհ, ուր նա շէր ուզում ոտ դնել:

Մենք ետ դարձանք: Նավապետ Նեմոն կրկին անցավ մեր փոքրիկ ջոկատի գլուխը և առանց տատանվելու առաջնորդեց մեզ: Ինձ թվաց, թե մենք ուրիշ ճանապարհով ենք վերադառնում դեպի «Նաուտիլուսը»:

Այդ նոր ճանապարհը, որ սեպածե էր և ուրեմն՝ խիստ հոգնեցուցիչ, մեզ շուտով մոտեցրեց ծովի մակերևույթին: Սակայն դեպի ջրի վերին շերտերը մենք չվերադարձանք այնպես արագ, որ անհաճելի հետևանքներ ստացվեին մեզ համար. ինչպես հայտնի է, ճնշման վայրկենական փոփոխությունը արյունահոսություն է առաջ բերում մարդու օրգանիզմում, պատռելով արյունատար անոթները: Այսպիսի վտանգ է սպառնում այն բոլոր ջրասուզակներին, որոնք անզգուշություն են թույլ սալիս և ծովի խորքից արագ բարձրանում են նրա մակերևույթը:

Շուտով մենք հասանք ջրի լուսավորված շերտերը: Արևն արդեն մոտ էր մայրամուտին: Նրա ճառագայթները բեկվում էին ջրերում և ծիածանային ցուլքեր էին վառում բույսերի շուրջը:

Մենք գնում էինք տասը մետր խորությամբ, շրջապատված բազմապիսի ձկների վտառներով, որ ավելի բազմաթիվ էին, ավելի կայտառ, քան թռչուններն օդում: Մինչև այժմ մենք չպատահեցինք ոչ մի ջրային կենդանու, որ արժանի լիներ որսալու:

Հանկարծ ես տեսա, թե ինչպես նավապետ Նեմոն հրացանով նշան բռնեց ստորջրյա թիուտներում շարժվող մի ինչոր կենդանու վրա: Նավապետն իջեցրեց հրացանը: Լավեց թույլ մի շվոց և կենդանին վայր ընկավ մեզանից հինգ քայլի վրա:

Այդ ծովային մի հիանալի սամույր էր, ծովային միակ



չորքոտանին: Նրա մորթին, որ մեկ և կես մետր երկարու-  
թյուն ունի, մեջքի վրա թուխ-կինամոնագույն է, իսկ փորի  
վրա արծաթավուն-սպիտակ, շատ բարձր արժեք ունի սուսա-  
կան ու շինական շուկաներում: Ես հետաքրքրությամբ դիտում  
էի այդ փոքրիկ գազանին, որ ուներ տափակ մարմին, կարճ  
ոտներ, տափակ գլուխ, բութ դունչ, կարճ ու կլորիկ ականջ-  
ներ, մատների արանքում լավ դարգացած թաղանթ և երկար,  
տափակ պոչ: Այդ թանկարժեք, միաորովայն կենդանին, որին  
համառությամբ փնտրում են ձկնորսները, վերջին ժամանակ-  
ներս հազվագյուտ երևույթ է դարձել: Հիմա նա պատահում  
է միայն Խաղաղ օվկիանոսի հյուսիսային մասերում և հա-  
վանորեն հեռու չէ այն ժամանակը, երբ բոլորովին կչքանա:

Նավաստին վերցրեց սպանված կենդանուն, շալակեց, և  
մենք ճանապարհ ընկանք:

Մի ժամի շափ մենք քայլում էինք ավազոտ հարթավայ-  
րում: Տեղ-տեղ պակասում էր ջրի խորությունը, հասնելով  
ընդամենը երկու մետրի: Այդ ժամանակ կարծես մենք բո-  
լորովին պարզ անդրադառնում էինք հայելու մեջ, թվում էր,  
թե մեր գլխավերևում քայլում են մի խումբ մարդիկ, որոնք  
կրկնում են մեր բոլոր շարժումները, բայց... գլխավայր են  
քայլում:

Ե՛վս մի երևույթ, որ արժանի է հիշատակության, մեր  
գլխավերևում անընդհատ անցնում ու չքանում էին ամպերի  
քուլաներ, որոնք վայրկյան առ վայրկյան ծածկում էին լույ-  
սը: Ես մտածում էի, թե ի՞նչն է այդ տարօրինակ երևույթի  
պատճառը, ասլո հասկացա, որ այդ «ամպերի» էֆեկտն  
ուրիշ բան չէր, բայց եթե ալեկոծության արդյունք, իսկ ալե-  
կոծության շնորհիվ փոփոխվում էր մեր վերևում եղած ջրա-  
յին շերտերի հաստությունը: Ավելի ուշադրությամբ դիտելով,  
ես նույնիսկ փրփրուն «գառներ» նկատեցի ալիքների վրա:  
Ջուրն այնքան թափանցիկ էր, որ ես պարզ տեսնում էի ծո-  
վային այն մեծ թռչունների ստվերները, որոնք արագ թռո-  
չում էին ջրերի վրա:

Հենց այդ ժամանակ ես լսեցի մի արտասովոր կրակոց,  
որը հազվագյուտ է որսորդների կյանքում: Ինչ-որ մի մեծ  
թռչուն, թևերը լայն բացած, մոտենում էր ջրին: Թռչունը

երևում էր բոլորովին սլարդ: «Նաուտիլուսի» նավաստին նշան բռնեց ու կրակեց այն ժամանակ, երբ թռչունը գտնվում էր ջրի մակերևույթից ընդամենը մի քանի մետրի վրա: Թռչունը քարի նման ընկավ ջուրը: Անկման թափն այնքան ուժեղ էր, որ թռչունը, հաղթահարելով ջրի դիմադրությունը, ընկավ վարպետ կրակողի հենց ձեռքերի վրա: Դա մի խոշոր մրրկահավ էր, ծովային թռչունների խմբի նշանավոր ներկայացուցիչը:

Երկու ժամվա ընթացքում մենք քայլում էինք մերթ ավազոտ հարթավայրում, մերթ ջրիմուռներով ծածկված մարդագետիններում, որոնց միջով անցնելն ավելի դժվար էր լինում: Պետք է խոստովանեմ, որ արդեն բոլորովին ուժասպառ էի լինում, երբ մեզանից կես մղոն հեռու ինչ-որ աղոտ լույս նկատեցի: Այդ «Նաուտիլուսի» լուսարձակն էր: Ընդամենը քսան րոպեից հետո մենք պետք է վերադարձած լինեինք նավը: Ես հույս ունեի այնտեղ մի լավ շունչ քաշել, — թվում էր, թե պահամանից մատակարարվող խտացրած օդը հիմա բավականաչափ թթվածին չի պարունակվում: Սակայն ես չէի նախատեսել մի դեպք, որի շնորհիվ մի քիչ ձգձգվեց մեր վերադարձը:

Ես քայլում էի նավապետ Նեմուլի հետևից, քսան քայլ հեռավորությամբ: Հանկարծ նա ետ դարձավ և արագ եկավ դեպի ինձ: Նա իր ուժեղ ձեռներով պառկեցրեց ինձ: Նավաստին նույնն արավ Կոնսելի հետ:

Սկզբում ես շփտեի, թե ինչպես կարելի է հասկանալ այդ հանկարծակի հարձակումը, բայց հետո հանգստացա, տեսնելով, որ ինքը, նավապետը պառկեց իմ կողքին ու մնաց անշարժ:

Ես պառկած էի ջրիմուռների թփի տակ, շհասկանալով, թե ինչ է կատարվում: Հանկարծ բարձրացնում եմ գլուխս և ի՞նչ եմ տեսնում. վերևից անցնում են երկու հսկայական, ֆոսֆորացնող կենդանիներ: Սարսափը պատեց ինձ: Դրանք երկու շնաձկներ էին, որոնք պարզ լուսավորված էին: Այդ զարհուրելի կենդանիներն ունեն հսկայական պոչեր, երկաթչա ծնոտներ, որոնք կարող են մի հարվածով երկու կես անել մարդուն: Շնաձկների աչքերը գունատ են և ապակենման:

Չգիտեմ, Կոնսեյը զբաղվո՞ւմ էր արդյոք դասակարգելով՝  
Ինչ վերաբերում է ինձ, ես շնածկների արծաթավուն որո-  
վայնների և ահագին ատամներով լի երախների նայում էի  
իրև զոհ և ոչ թե իբրև գիտնական-բնագետ:

Բարեբախտաբար այդ սարսափելի գիշատիչների տեսո-  
ղությունը թույլ է: Նրանք անցան առանց մեզ նկատելու,  
թեպետ նրանց մուգ-դարչնագույն լողաթևերը շփվեցին մեզ:  
Մենք ազատվեցինք վտանգից, որ ավելի ահավոր էր, քան  
վաղրին հանդիպելը մթին անտառում:

Կես ժամից հետո մենք հասանք «Նաուտիլուսը», որի  
պայծառ լուսարձակը լուսավորում էր մեր ճանապարհը: Ար-  
տաքին դուռը բաց էր մնացել: Հենց որ մենք մտանք խցիկը,  
նավապետ Նեմոն փակեց այդ դուռը: Ապա նա սեղմեց էլեկ-  
տրական կոճակը: Ես լսեցի, թե ինչպես պոմպերն աղմկում  
էին նավի ներսում և զգացի, որ իմ շուրջը պակասում է  
ջուրը: Մի քանի րոպեում խցիկը բոլորովին դատարկվեց  
ջրից: Այնուհետև բացվեց ներքին դուռը, և մենք մտանք հան-  
դերձարան:

Իմ վրայից հանեցին զրահադճեստը: Կիսամահ լինելու  
չափ հոգնած, քնելու անհաղթահարելի ցանկություն զգալով,  
բայց անսահման շափով զոհ այդ հրաշալի ստորջրյա զբո-  
սանքից, ես վերադարձա իմ սենյակը:

## Գ. Լ. ՈՒԽ ՏԱՍՆՈՒԹԵՐՈՐԴ

### ԶՈՐՍ ՀԱԶԱՐ ԼՅՈՒՆ ԽԱՂԱՂ ՕՎԿԻԱՆՈՍԻ ԶՐԵՐԻ ՏԱԿ

Հետևյալ օրը, նոյեմբերի 18-ին, ես արթնացա բոլորովին  
հանգստացած: Բարձրացա «Նաուտիլուսի» տախտակամածը  
հենց այն րոպեին, երբ նավապետի օգնականն արտասանում  
էր իր սովորական ֆրազը: Իմ մեջ ծագեց այն միտքը, թե  
այդ ֆրազը նշանակում է հետևյալը. «Ոչինչ չի երևում»:

Եվ իսկապես, օվկիանոսը բոլորովին ամայի էր: Հորի-  
զոնում՝ ոչ մի առագաստ: Կրեսպո կղզու լեռները չբացել  
էին, երևի դեռ գիշերը: Ծովը, որ կլանում էր արևի բոլոր  
գույները, բացի կապույտից, անդրադարձնում էր այդ գույնը

բոլոր կողմերում, զարդարում այն գեղածիծաղ ելևէջներով:

Ես դեռ շարունակում էի զմայլվել օվկիանոսային առա-  
վտոյա սքանչելի տեսարաններով, երբ նավապետ Նեմոն  
նույնպես դուրս եկավ տախտակամած: Նա կարծես թե շնկա-  
տեց ինձ և սկսեց զբաղվել աստղաբաշխական դիտողու-  
թյուններով: Ավարտելով այդ դիտողությունները, նա մոտե-  
ցավ դեկանիվի խցիկին, հենվեց դրան և աչքերը հառեց դե-  
պի օվկիանոսը:

Այդ ժամանակ «Նաուտիլուսի» նավաստիներից քսան  
հոգի ևս բարձրացան տախտակամածը: Դրանք բոլորն առողջ  
և ամրակազմ մարդիկ էին: Սկսեցին զբաղվել ուռկանով, որ  
ըստ երևույթին դեռ անցած գիշերն իջեցրած էր ջուրը: Նա-  
վաստիների արտաքինից երևում էր, որ նրանք պատկանում  
են զանազան ազգությունների, բայց որ բոլորը եվրոպացի-  
ներ էին, դրանում ոչ մի կասկած չէր կարող լինել: Նրանց  
մեջ աչքովս ընկան մի քանի իռլանդացիներ, ֆրանսիացի-  
ներ, ալավոններ, մի հույն, մեկն էլ Կրետե կղզուց: Նրանք  
բոլորն էլ մեծ մասամբ լուռ էին, մեկմեկու հետ երբեմն  
խոսում էին ինչ-որ անհասկանալի լեզվով, որի ծագումն ան-  
զամ անհայտ էր ինձ: Այս պատճառով ես հրաժարվեցի  
նրանց հարցեր տալուց:

Նավաստիներն ուռկանը դուրս քաշեցին տախտակամած:  
Այդ ուռկանը հիշեցնում էր նորմանդական ուռկանները և ի-  
րենից ներկայացնում էր մի մեծ պարկ, որի անցքը ջրի մեջ  
կիսաբաց է մնում շնորհիվ այն ձողի և շղթայի, որն անց է  
կացվում ստորին օղակի միջով: Այդ պարկը, որ պողպատե  
ճոպաններով կապված է լինում նավախելին, սրբում է օվ-  
կիանոսի հատակը, հավաքելով այն ամենը, ինչ որ հանդի-  
պում է նավի ճանապարհին:

Այդ օրն ուռկանը դուրս էր հանել հետաքրքիր նմուշներ  
օվկիանոսի կենդանական աշխարհից, ինչ-որ գորտանման  
արարածներ, որ «ծովային սատանաներ» են կոչվում իրենց  
այլանդակության, արտասովոր շատակերության և շարժման  
տարօրինակ ձևերի համար: Նրանք մնում են հատակում և  
տեղից տեղ են ցատկում իրենց լողաթևերի օգնությամբ: Այ-  
նուհետև ուռկանում գտնվեցին թիկնեղջյուրներ, որոնք այդ-

սկես են կոչվում այն սլատճառով, որ նրանց մարմինը սլատճ է սև գծերով, իսկ այդ գծերն իրար միանում են համարյա թե ուղիղ անկյուն կազմելով. բծավոր ասղափորեր, որոնք հանգիստ վիճակում իրենցից ներկայացնում են ներսը նկած փորով երկարաձև ձկներ, իսկ վտանգը մոտենալիս ուռչում են, կաշվի ծալքերը փռում փորերի վրա, գունդ են դառնում և թշնամուց պաշտպանվում են փշապատ փորերով: Այստեղ էին մի քանի դեղնավուն քարաղիացներ, երկու արծաթավուն գորշ մաղապոչեր, որոնց երկարաձև մարմինը, սլոշի լողաթևերի փոխարեն վերջանում է բարակ թևերով, թևի ուկավոր ուղղաթևեր, որոնց մարմնի ստորին կողմում գտնվում են երկար և ուղիղ լողաթևերը, գորշ-դեղնավուն բրաձկներ իրենց դարչնագույն բծերով, բազմատեսակ ցլիկներ և, վերջապես, մի քանի խոշոր ու գեղեցիկ թյուննոսներ, որոնք չէին աղատվել ուռկանից, շնայած, որ խիստ արագաշարժ են:

Ուռկանը հանել էր առնվազն հազար Ֆունտ ձուկ: Որսը հաջող էր, բայց ո՛չ արտասովոր: Հիրավի, չէ՞ որ ուռկանը մի քանի ժամ եղել էր ջրի տակ և քարշ գալով նավի հետևից, հավաքել այն ամենը, ինչ որ սլատահում էր ճանապարհին: Հիմա ես հասկացա, որ «Նաուտիլուսի» համար դատարկ բան է շարունակ թարմ ու համեղ ձուկ ունենալը, քանի որ նավը խիստ արագընթաց է և իր էլեկտրական լուսարձակով կարողանում է դեպի իրեն գրավել ձկներին:

Բոլոր ձկներն անհապաղ տեղափոխվեցին մառանը. մի մասը պետք է գործածվեր հենց թարմ վիճակում, իսկ մյուս մասը՝ պահվեր իբրև պաշար:

Չկան որսն ավարտվեց և «Նաուտիլուսն» արդեն կարողացավ օդի նոր պաշար վերցնել: Ես կարծում էի, թե նավը հիմա պետք է ջրասույզ լինի, որպեսզի շարունակի իր ճանապարհը, ուստի պատրաստվում էի վերադառնալ իմ սենյակը: Այդ ժամանակ նավապետ Նեմոն անսպասելիորեն դարձավ դեպի ինձ և ասաց առանց որևէ նախաբանի.

— Նայեցե՛ք օվկիանոսին, պրոֆեսոր: Մի՞թե ձեզ չի թվում, որ այդ կենդանի մի արարած է, որ երբեմն ցասկոտ է լինում, երբեմն էլ քնքուշ: Երեկ երեկոյան նա քնեց մեզ



նման, իսկ այսօր արթնացավ լավ տրամադրութեամբ, որովհետև գիշերը հանգիստ է անցկացրել:

«Ոչ բարև, ոչ ցտեսութուն, — մտածեցի ես, — կողմնակի մարդուն այնպես կթվար, որ այս տարօրինակ մարդը շարունակում է վաղուց ինձ հետ սկսած խոսակցութիւնները»:

— Նայեցե՛ք, — շարունակեց նավապետ Նեմոն, — ահա նա արթնանում է արևի փայփայանքից, սկսում է ապրել իր ցերեկվա կյանքով: Որքա՛ն հետաքրքիր է հետևել նրա օրգանիզմի գործունեութեան արտահայտութիւններին: Նա սի՛րտունի, զարկերակնե՛ր ունի... Ես միանգամայն համաձայն եմ գիտնական Մորիի հետ, որը պնդում է, թե օվկիանոսում նկատել է երևույթների այնպիսի մի շրջապտույտ, որը ճիշտ և ճիշտ նման է կենդանիների արյան շրջանառութեան:

Բոլորովին պարզ էր, որ նավապետ Նեմոն ինձնից պատասխան չի սպասում: Այդ պատճառով ես ավելորդ համարեցի արձագանքել այն անբովանդակ խոսքերով, թե «միանգամայն ճիշտ է», «դուք իրավացի եք», «այո, իհարկե»: Նավապետն ուղղակի խոսում էր ինքն իր հետ, Ֆրազների միջև մեծ դադարներ անում: Դրանք սոսկ բառերով արտահայտված մտքեր էին, որոնք պատասխանների կարիք չէին զգում:

— Այո՛, — ասում էր նավապետը, — օվկիանոսում տեղի է ունենում երևույթների մշտական շրջապտույտ, որը պայմանավորվում է բարեխառնութեան փոփոխութիւններով, աղերի և մանր օրգանիզմների գոյութեամբ: Բարեխառնութեան փոփոխութիւններն առաջ են բերում ջրի տարբեր խտութիւն և դրա հետևանքը լինում են հոսանքներն ու հակահոսանքները: Ջրի գոլորշիացումը, որ բեռային շրջաններում շնչին է, իսկ հասարակածային գոտում շափաղանց արագ, առաջ է բերում արևադարձային ու բեռային ջրերի մշտական փոխանակութիւն: Բացի դրանից, ես պարզել եմ, որ ջուրը շարունակ շարժվում է իր մակերևութից մինչև հատակը և հատակից մինչև մակերևութը, որ ուրիշ բան չէ, բայց եթե օվկիանոսի իսկական շնչառութիւն: Ես տեսել եմ, թե ինչպես արևի ճառագայթներից տաքացած մի կաթիլը ծովի մակերևութից իջել է նրա խորքերը, երկու աստիճան բարեխառնութեան տակ խտացել է առավելագույն շափով,

սառչել է ու թեթևացել ու էլի՛ բարձրացել ջրի երեսը: Բևեռի մոտ դուք կտեսնեք այդ երևույթի հետևանքը և այն ժամանակ կհասկանաք, թե ինչու ջուրը միայն երեսից է սառչում:

Մինչև նավապետ Նեմոն կվերջացնեն իր խոսքը, ես մտածում էի՝ «Բևեռի մոտ: Մի՞թե այս մարդն ուզում է մեզ այնտեղ տանել»:

Նավապետ Նեմոն լռեց: Նրա հայացքը մեխվել էր օվկիանոսի վրա, որը նա ուսումնասիրել էր այնպե՛ս մանրակրկիտ, սիրով և համառությամբ:

Մի փոքր լռելուց հետո նա շարունակեց.

— Մովը մեծ քանակությամբ աղ է պարունակում: Եթե հավաքենք ծովի ջրում լուծված ամբողջ աղը, դուրս կգա շորս ու կես միլիոն խորանարդ մղոն մի զանգված: Եթե դուք, պրոֆեսոր, ցանկանայիք այդ աղը հավասար շերտով փռել ամբողջ երկրագնդի վրա, ապա այդ շերտի հաստությունը կլիներ ավելի քան տասը մետր: Սակայն չկարծեք, թե ջրի մեջ աղի գոյությունը պայմանավորված է բնության ինչ-որ քմահաճույքով: Ո՛չ: Աղը պակասեցնում է ծովային ջրի գոլորշիացումը, չի թողնում, որ քամիները չափից դուրս շատ գոլորշի տանեն և դրանով կանխում է մեր մոլորակի չափավոր գոտիների հեղեղումը, որ կարող է առաջանալ անձրևներից: Ստեղծել երկրագնդի տարերքի աշխատանքի հավասարակշռություն, դա այնպիսի մի դեր է, որ և հսկայական է և պատվավոր:

Նավապետ Նեմոն էլի լռեց, մի քանի քայլ արավ տախտակամածում և շարունակեց.

— Ինչ վերաբերում է ինֆուզորիաներին, այդ մանրագույն կենդանի օրգանիզմներին, որոնք միլիոնավոր քանակությամբ տեղավորվում են մեկ կաթիլ ջրում և որոնց ութսուն հազար հատը կշռում է մեկ միլիգրամ, նրանք ևս պակաս դեր չեն խաղում: Նրանք կլանում են ծովային աղը, ծծում են ջրում լուծված բոլոր պինդ նյութերը և կազմելով կորալների ու պոլիպների գաղութներ, ամբողջ մայր ցամաքներ են առաջացնում: Զրի կաթիլը, կորցնելով իր հանքային մասնիկը, թեթևանում է, բարձրանում ծովի երեսը, կլանում աղը, որ մնացել է գոլորշիացած մասնիկներից:

էլի՛ ծանրանում և իջնում է ջրի խորքը, որպեսզի ինֆուզո-  
րիաների համար կերակրի նոր պաշար բերի: Իրանից է, որ  
ծովում շարունակ հոսանք է լինում դեպի վերև ու ներքև,  
տեղի է ունենում մշտական շարժում, երբեք չի մարում  
կյանքը: Այդ կյանքն ավելի լարված է, քան մայր ցամաք-  
ների կյանքը, ավելի արգասավոր է, անվերջ, շղաղարող ու  
ծաղկող է օվկիանոսի բոլոր մասերում, օվկիանոսի, որը  
մարդկանց մեծամասնության համար մեռած է, իսկ անթիվ  
ու անհամար կենդանիների և ինձ համար՝ կենսաթրթիու:

Այդ ասելիս նավապետը կարծես ամբողջովին կերպարա-  
նափոխվել էր: Նրա խոսքերը հսկայական տպավորութուն  
թողին ինձ վրա:

— Իսկական կյանքը, — ավելացրեց նա, — այստեղ է և  
միայն այստեղ: Ես հավատում եմ, որ կարելի է ստեղծել  
ստորջրյա քաղաքներ, ստորջրյա տներ, որոնք «Նաուտիլու-  
սի» նման ամեն առավոտ կբարձրանան օվկիանոսի մակե-  
րեսը, որպեսզի թարմ օդ շնչեն, քաղաքներ, որոնք կլինեն  
ազատ, ոչ ոքից կախում չեն ունենա... Եվ ո՞վ գիտե, եթե  
մի օրևէ բռնակալ հարձակվի...

Նավապետ Նեմոն շվերջացրեց խոսքը և ձեռքով սպառ-  
նական շարժում արավ:

Հետո դառնալով դեպի ինձ և կարծես թե ցանկանալով  
մոռանալ տխուր մտքերը, ասաց.

— Պարոն պրոֆեսոր, գիտե՞ք ինչքան կլինի օվկիանոսի  
խորությունը:

— Ես գիտեմ միայն այն թվերը, նավապետ, որոնք Պալա-  
նի են մինչև այժմ:

— Կարո՞ղ եք դրանք ասել ինձ, որպեսզի ես հարկավոր  
դեպքում ստուգեմ:

— Խնդրեմ, ես ձեզ կասեմ այն ամենն, ինչ որ հիշում  
եմ: Եթե չեմ սխալվում, հետադոտություններից պարզվել է,  
որ Ատլանտյան օվկիանոսի հյուսիսային մասում միջին խո-  
րությունը հասնում է ութ հազար երկու հարյուր մետրի, իսկ  
Միջերկրական ծովում՝ երկու հազար հինգ հարյուր մետրի:  
Խորության ամենանշանավոր չափումները եղել են Ատլանտ-  
յան օվկիանոսի հարավային մասում, մոտավորապես լայ-

նության երեսունհինգ աստիճանի տակ: Ստացվել է հետևյալ արդյունքը: Տասներկու հազար մետր, տասնչորս հազար իննուսունմեկ մետր և տասնհինգ հազար հարյուր քառասունհինգ մետր: Գիտնականները գտնում են, որ եթե ծովի հատակի մակարդակը շափվեր, ամբողջ երկրագնդի վրա նրա միջին խորությունը կլիներ մոտավորապես յոթ կիլոմետրը:

— Հրաշալի է, սրտփեսոր,— ասաց նավապետ Նեմոն,— ես հույս ունեմ, որ կկարողանամ ավելի հետաքրքիր տվյալներ հաղորդել ձեզ: Եթե ձեզ հետաքրքրում է Խաղաղ օվկիանոսի այս մասի խորությունը, ապա ես կարող եմ հաղորդել ձեզ, որ այդ խորությունը շորս հազար մետրից ավելի չէ:

Այս ասելով, նավապետ Նեմոն քայլեց դեպի դռնակը և երկաթե սանդուխքով ներքև իջավ: Ես հետևեցի նրան ու մտա սրահ: Գրեթե նույն բոպեին պտուտակը սկսեց պտտվել և արագությունը շափող գործիքը ցույց տվեց մեկ ժամում քսան մղոն:

Հետևյալ օրերի կամ նույնիսկ շաբաթների ընթացքում նավապետ Նեմոն հազվագյուտ դեպքերում էր ինձ պատվում իր այցելությամբ: Ես ուշ-ուշ էի հանդիպում նրան: Նավապետի օգնականն ամեն առավոտ ճշտապահությամբ դիտողություններ էր անում և ստացվող արդյունքները նշանակում քարտեզի վրա, այնպես որ, ես միշտ գիտեի, թե ուր է գնում «Նաուտիլուսը»:

Կոնսելն ու Նեդ կենդն ամեն օր մի քանի ժամ տնց էին կացնում ինձ հետ: Կոնսելն իր բարեկամին պատմեց մեր ստորջրյա հրաշալի դրոսանքի մասին և հիմա եռաժանու վարպետն անկեղծորեն ցավում էր, որ չի մասնակցել:

...Բայց ես նրան մխիթարում էի այն հույսով, որ հավանորեն դեռ առիթ կունենանք այցելելու օվկիանոսային անտառները: Համարյա ամեն օր մի քանի ժամով բացվում էին սրահի պատուհանների երկաթյա փեղկերը և մենք դիտում ու սքանչանում էինք ստորջրյա աշխարհի հրաշալիքներով:

«Նաուտիլուսն» այժմ գնում էր դեպի հարավ-արևելք, պահպանելով հարյուրից մինչև հարյուր հիսուն մետր խորու-

թյուն: Մի անգամ, սակայն, նավապետի ինչ-որ քմահաճույքի հետևանքով նավը իջավ մինչև երկու հազար մետր: Հարյուր աստիճանանոց ջերմաչափը ցույց էր տալիս շորս և մի քառորդ աստիճան զրոյից վերև, մի բարեխառնություն, որ կարծեմ բոլոր լայնությունների տակ հատուկ է այդ խորության:

Նոյեմբերի քսանվեցին, առավոտյան ժամը երեքին «Նաուտիլուսը» երկարության 172° տակ անցավ Խեցգետնի արեւմտարձր: 27-ին երեացին Սանդվիչյան կղզիները, ուր 1779 թվականի փետրվարի 14-ին մեռավ հռչակավոր նավապետ Կուկը: Ճանապարհ ընկնելուց հետո մենք արդեն անցել էինք շորս հազար ութ հարյուր վաթսուն լյո տարածություն:

Նոյեմբերի 29-ի առավոտյան, դուրս գալով տախտակամածը, ես երկու մղոն հեռավարության վրա, քամու ուղղությամբ տեսա Հավայը՝ Հավայան արշիպելագը կազմող յոթ կղզիներից ամենամեծը: Ես պարզ տեսնում էի մշակված դաշտերը, նախալեռներն ու լեռնաշղթաները, որոնք ձգված էին ծովափին զուգընթաց, հրաբուխները, սրանց մեջ աչքի ընկնող Մունա-Ռեա լեռնազագաթը, որ հինգ հազար մետր բարձր է ծովի մակերևույթից:

«Նաուտիլուսը» շարունակում էր ընթանալ դեպի հարավարևելք: Դեկտեմբերի 1-ին նա 142° երկարության տակ անցավ հասարակածը, իսկ դեկտեմբերի 4-ին, արագ անցնելով ճանապարհը, որ աչքի չէր ընկնում ոչնչով, մենք մոտեցանք Մարքիզյան կղզիների խմբին:

Քամու ուղղությամբ երեք մղոն տարածության վրա ես տեսա Մարտին լեռնազագաթը. Նուկա-Խիվա կղզում, որ ամենամեծն է Մարքիզյան կղզիներից և գտնվում է 8°57' հարավային լայնության և 139°32' արևմտյան երկարության տակ: Սակայն բացի խիտ անտառներից, որ ծածկել էին սարը, ուրիշ բան տեսնել չհաջողվեց, որովհետև նավապետ Նեմոն չէր սիրում ցամաքին մոտենալ:

Այստեղ ուռկանը դուրս բերեց մի քանի ոսկեհուր-կապաավուն թյուննիկ, որի միսը չափազանց հաճելի է, մի քանի ծովաձի՝ իրենց կեռանման ահագին ծնոտներով, կապտավուն-կանաչ սարգաններ՝ արծաթե երանգավորումով: Այս



բոլոր ձկներն արժանի էին սեղանի վրա պատվավոր տեղ բռնելու:

Հրաժեշտ տալով այդ գեղեցիկ կղզիներին, որոնց վրա ծածանվում է Ֆրանսիայի դրոշակը, «Նաուտիլուսը» դեկտեմբերի 4-ից մինչև 11-ը անցավ մոտ երկու հազար մղոն: Ճանապարհին մենք տեսանք կալմարների հսկայական մի վտառ, շատ հետաքրքիր կակղամորթներ, որոնք ցեղակից են թանաքաձկան և պատկանում են գլխոտանիների դասին, երկֆիմուխտների ընտանիքին, որին պատկանում են նաև թանաքաձկներն ու արգոնավտները: Հայտնի չէ ինչու այս կակղամորթներն արժանանում էին հնադարյան բնագետների ուշադրության, և պատվավոր տեղ բռնելով հին հռետորների մետաֆորասներում, համարվում էին հարուստ քաղաքացիների սիրված ուտելիք: Գոնե այդպես է պնդում Աթենոսը՝ հին հունական մի բժիշկ, որ եղել է հռչակավոր Հալենի նախորդը:

Դեկտեմբերի 9-ի լույս 10-ի գիշերը «Նաուտիլուսը» հանդիպեց կալմարների մի ամբողջ բանակի: Բազմամիլիոն այդպիսի կակղամորթներ շափավոր գոտիներից տեղափոխվել են ավելի տաք գոտիները, անցնելով նույն ճանապարհը, ինչ որ տառեխն ու սարդինը:

Բյուրեղապակյա լուսամուտից մենք դիտում էինք այդ արարածներին, տալիս իրանց հետագնաց, արագ շարժումից, նրանք լողում էին հետույքները դեպի առաջ, անդադար թափահարում տասը ոտները, որ բնությունը տեղավորել էր նրանց գլուխների վրա, ուտում էին մանր ձկներին, իրենք էլ մեծ ձկների կերակուր էին դառնում:

Չնայելով իր ընթացքի արագության, «Նաուտիլուսը» մի քանի ժամ շրջապատված էր կալմարներով, որոնք անհամար քանակությամբ ընկնում էին ուռկանի մեջ: Այստեղ ես հայտնաբերեցի խաղաղ օվկիանոսում դ՛՞՞՞րբինի գտած կալմարների բոլոր ինը տեսակները:

Ծովը շեր թողնում, որ մենք ձանձրանայինք մեր ճանապարհին: Մեր առջև ցուցադրում էր այս կամ այն տեսարանը, այս կամ այն «ներկայացումը», բազմազանություն մտցնում դրանց մեջ, ամեն ժամ փոխելով դեկորացիաներն

ու պատկերները: Ծովը ոչ միայն զբաղեցնում էր մեզ, այլև թույլ էր տալիս, որ մենք իմանայինք իր ամենամիտաբան գաղտնիքները:

Դեկտեմբերի 11-ին, ցերեկով ես նստած էի սրահում կարդում էի նավապետ Նեմոյի պրադարանից վերցրած մի գիրք: Նեդ Լենդը և Կոնսելը բյուրեղապակյա լուսամուտից դիտում էին պայծառ լուսավորված ջուրը: «Նստուհիլուսը» կանգնած էր անշարժ: Լցնելով պահամանները, նա գտնվում էր հազար մետր խորության տակ, օվկիանոսի սակավաբնակ շերտերում, որտեղ միայն հազվագյուտ դեպքերում խոշորագույն ձկներ են պատահում:

Այդ ժամանակ ես կարդում էի Ժան Մասեի «Ստամոքսի սպասավորները» նշանավոր գիրքը, հիանալով հեղինակի աննախընթաց ու փայլուն սրամտությամբ: Հանկարծ Կոնսելը ձայն տվեց ինձ.

— Արդյոք տերը շե՞ր ցանկանա մի րոպեով մոտենալ լուսամուտին, — ասաց նա ինչ-որ տարօրինակ ձայնով:

— Ի՞նչ է պատահել, Կոնսել:

— Թող պարոնն ինքը նայի:

Ես մի կողմ դրի գիրքը և մոտենալով լուսամուտին, սկսեցի դիտել:

Հեղուկ տարածության մեջ, որ պայծառ լուսավորված էր էլեկտրական լուսարձակով, ինչ-որ մի վիթխարի, սև զանգված կախվել էր անշարժ: Ես ուշադրությամբ դիտում էի այդ զանգվածը: Հանկարծ կայծակի արագությամբ գլխի ընկա, թե ինչումն է բանը:

— Դա նավ է, — բացականչեցի:

— Այո, — պատասխանեց կանադացին, — դա խորտակված նավ է...

Նեդ Լենդը շեր սխալվում: Մեր առջև գտնվում էր խորտակված մի նավ, որի կտրատված կայմապարանները դեռ կախված էին շղթաներից:

Նավի իրանը, դեռ գտնվում էր լավ վիճակում և թվում էր, թե խորտակումը տեղի է ունեցել ընդամենը մի քանի ժամ առաջ: Երեք կոճղակտորները, որոնք տախտակամածից քարձր էին ընդամենը երկու ոտնաչափով, ցույց էին տալիս,

որ նավը կշանքի ու մահվան պայքարի ժամանակ զոհարե-  
րեւ է իր կայմերը: Սակայն, ըստ երևույթին, այդ չի օգնել...

Ինչպիսի տխրություն էր պատճառում այդ խորտակված  
նավի տեսքը...

Է՛լ ավելի տխուր տեսարան էր ներկայացնում նավի  
տախտակամածը, ուր ընկած էին մի քանի դիակ: Սրանք  
պարաններով կախված էին բազրիքին, ըստ երևույթին, այն  
նպատակով, որ աչիքները շտանեն իրենց: Ես հաշվեցի վեց  
դիակ: Չորսը տղամարդ էին: Սրանցից մեկը կանգնած էր և  
ձեռքից բաց չէր թողել դեկը: Մյուս կին կիսով շափ դուրս էր  
ելել գոնակից և երեխային պահել գրկում: Կինը ջահել էր:  
Կուսարձակի պայծառ լույսի տակ ես նույնիսկ տեսա նրա  
դիմազծերը, որոնք դեռ չէին այլանդակվել: Վերջին ջանքը  
թափելով, կինը վեր էր բարձրացրել երեխային: Խեղճ փոք-  
րիկն այնպես էլ մեռել էր, թաթիկով մոր սլարանոցը գրկած...

Երեք նավաստիների դիակները մնացել էին սարսափելի  
վիճակում, ըստ երևույթին մահը վրա էր հասել այն բույեին,  
երբ նրանք ջղաձգաբար փորձ էին արել քանդել պարանը,  
որով կապված էին եղել խորտակված նավի տախտակամա-  
ծին: Չորրորդը՝ ղեկավարը, կանգնել էր ուղիղ, հանգիստ ու  
լուրջ դեմքով: Նրա սպիտակող մազերը կպել էին դեմքին:  
Չեռքերը մնացել էին ղեկի վրա:

Թվում էր, որ ծերունի ղեկավարը շարունակում է վարել  
խորտակված եռակայմ նավը օվկիանոսի խորքերում...

— Ինչպիսի զարհուրելի տեսարան: Մենք քարացել էինք,  
ոչ մի բան չէինք արտասանում: Մեր սրտերն ուժեղ խփում  
էին: Չէինք կարողանում աչքաթող անել խորտակված նավը:

Ես տեսա, թե ինչպես մոտենում էին վիթխարի շնաձկնե-  
րը, որոնց գրավում էր մարդկային մսի հոտը...

«Նառատիլուսը» պտտվեց ջրասույղ նավի շուրջը, և ես կա-  
րողացա կարդալ հետևյալ մակագրությունը...

„ՏԼՈՐԻՂԱ“

ՉՈՒՆԴԵՐԱՆԴ

# ԳԼՈՒԽ ՏԱՍՆԻՆՆԵՐՈՐԴ

## ՎԱՆՈՒԿՈՐՈ

Այս ողբերգական հանդիպումն առաջինն էր, որ «Նաուտիլուսն» ունեցավ իր ճանապարհին, ծովային վթարներից մեկի հետ: Այն ժամանակից սկսած, երբ մենք անցնում էինք ավելի բանուկ ծովերով, հաճախ հանդիպում էինք խորտակված նավերի, որոնք կախված էին ջրերում ու փտում էին: Ավելի խորը շերտերում, հատակում, մենք տեսնում էինք թընդանոթներ, արկեր, խարիսխներ, շղթաներ և հազարավոր այլ երկաթյա առարկաներ, որոնք փչացել էին ժանգից:

Դեկտեմբերի տասնմեկին մենք մոտեցանք Պաուամոտու արշիպելագին, որին մի ժամանակ Բուզենվիլը տվել է «Կղզիների վտանգավոր խումբ» անունը: Այս արշիպելագի կղզիները ցրված են ավելի քան երկու հազար կիլոմետր տարածության վրա, արևելքից ու հարավ-արևելքից դեպի արեւմուտք և հյուսիս-արևմուտք,  $13^{\circ}30'$  —  $20^{\circ}50'$  հարավային լայնության և  $125^{\circ}30'$  —  $151^{\circ}30'$  արևմտյան երկարության միջև: Արշիպելագի արևելյան ծայրում գտնվում է Դյուաի կղզին, արևմտյան ծայրում՝ Լազարևի կղզին:

Այդ արշիպելագը բռնում է երեք հարյուր յոթանասուն քառակուսի լյո և բաղկացած է փոքրիկ կղզիների վաթսուն խմբից, որոնց թվին է պատկանում նաև Ֆրանսիայի տիրապետության տակ գտնվող Գամբե խումբը: Այդ կղզիները կորալային են: Պոլիպների դանդաղ, բայց անդադար աշխատանքի շնորհիվ նրանք բարձրանում են ջրից և վաղ թե ուշ կմիանան: Այնուհետև այդ նոր կղզին կմիանա հարևան արշիպելագներին և մի կողմից նոր Զելանդիայի և նոր Կալեդոնիայի ու մյուս կողմից Մարքիզյան կղզիների միջև կառաջանա մի նոր մայր ցամաք:

Այն օրը, երբ ես նավապետ Նեմոյի մոտ մեկնաբանում էի այս թեորիան, նա սուր պատասխանեց ինձ.

— Երկրին հարկավոր են ոչ թե նոր մայր ցամաքներ, այլ նոր մարդիկ:

«Նաուտիլուսը» պատահամբ անցնում էր Կլերմոն-Թոն-

ներ կղղու մոտից, որ ամենահետաքրքիր կղզիներից մեկն էր ամբողջ արշիպելագոսն և հայտնագործվել էր 1822 թվականին, «Միներվայի» նավապետ Բելլեի կողմից: Այդ պատահականությունն ինձ հնարավորություն տվեց ուսումնասիրելու մադրեպորների գաղութները: Խաղաղ օվկիանոսի այդ մասի կղզիները հենց այդ մադրեպորներից են ծագել:

Մադրեպորները, որոնց շպետք է շփոթել կորալների հետ, իրենցից ներկայացնում են ինչ-որ հյուսվածք, որ ծածկված է կրի թաղանթով: Նրանց թաղանթի տարբեր կառուցվածքը Միլն-էդվարդսին, իմ հռչակավոր ուսուցչին, հիմք է տվել բաժանելու նրանց հինգ խմբերի: Այդ մանրագույն կենդանի էակները, որոնք միլիարդների են հասնում, կազմում են մի գաղութ: Նրանց թողած կրից ստեղծվում են ժայռեր, կղզյակներ և կղզիներ: Այստեղ նրանք կազմում են կրե օղակ, որը շրջապատում է այս կամ այն լճակը, իսկ վերջինս ստորջրյա ճեղքերի միջոցով միանում է ծովին: Մի այլ տեղ նրանք ժայռերից պատնեշներ են կառուցում, որոնք նման են նոր Կալեդոնիայի ափերում գտնվող ժայռերին, կամ առաջացնում են ամբողջ կղզիներ, ինչպես, օրինակ, Պաուսոտու արշիպելագը: Ուրիշ տեղերում, օրինակ, Մավրիկիա կղզիներում նրանք առաջացնում են ատամնաձև ժայռեր, բարձրաբերձ, սեպաձև պատեր, որոնց ստորոտում օվկիանոսը շատ խորն է լինում:

Մենք ընթանում էինք Կլերմոն-Թոններ կղզուց մի քանի կաբելտով հեռու, և ես շարունակ զմայլվում էի այն վիթխարի աշխատանքով, որ կատարել են փոքրիկ շինարարները:

Կոնսելն ինձ հարց տվեց, թե ինչքան ժամանակ է պահանջում այդ պատի կառուցումը, և շատ զարմացավ, երբ, ես նրան հաղորդեցի, թե դիտնականների հաշվով հարյուր տարվա ընթացքում պատը բարձրանում է մեկ ութերորդ մատնաչափ, ո՛չ ավելի:

— Հետևապես երեք հարյուր մետր բարձրությամբ պատ կառուցելու համար...

— Հարկավոր է եղել հարյուր իննստմեներկու հազար տարի, սիրելի Կոնսել: Դուրս է գալիս, որ աստվածաշունչը շափից դուրս երիտասարդացրել է երկիրը: Աստվածաշունչի,



տվյալներն է՛լ ավելի անհավանական են դառնում, երբ հիշում ենք, թե ինչպիսի երկար ժամանակ է պահանջվել, որ պետի անդրջրհեղեղյան անտառները քարածուխ դառնան:

Երբ «Նաուտիլուսը» դուրս եկավ օվկիանոսի մակերեսը, ես կարողացա մանրամասն դիտել այդ Կլերմոն-Թոններ, կղզին, որ հազիվ երևում էր ջրի տարածության վրա և ծածկված էր խիտ անտառով: Հավանորեն նրա կրային հողը բեղմնավորվել էր փոթորիկների ու մրրիկների միջոցով: Մի գեղեցիկ օր որևէ հատիկ, որին մրրիկը բերել էր հարևան ցամաքից, ընկել էր կղզու հողը, պարարտացված է եղել ծովի ձկների ու ջրիմուռների նեխած մնացորդներով: Այնուհետև փոթորկահույզ ալիքները նրա վրա են նետել կոկոսյան ընկույզը, որ աճել է հազար մղոն հեռու գտնվող արմավենու վրա: Հատիկը ծիլ է տվել, ծառեր են բուսել: Այդ ծառերը դանդաղեցրել են գոլորշիացումները: Առաջացել են առվակներ: Բուսականությունն սկսել է փարթամանալ: Կղզու առաջին բնակիչները եղել են ինչ-որ միջատներ, ճիճուներ, որոնք այստեղ են ընկել մոտակա ցամաքից փոթորկի բերած ծառերի հետ: Այնուհետև կրիաներն առափնյա ավազում թաղել են իրենց ձվերը: Թռչունները բուն են հյուսել մատաղ ծառերի վրա: Կենդանական աշխարհը հետզհետե զարգացել է այստեղ: Վերջապես, թարմ կանաչով և կենդանիների առատությամբ զրավված, մարդը բնակություն է հաստատել այստեղ:

Այսպես է առաջացել կյանքն այն կղզիներում, որոնք այստեղծվել են մանրագույն արարածների աշխատանքով:

Երեկոյան Կլերմոն-Թոնները շքացավ և «Նաուտիլուսը» փոխեց իր ընթացքի ուղղությունը: Հասնելով այժեղջյուրի արևադարձին, 135° երկարության, նավն ուղղվեց դեպի արևմուտք-հյուսիս-արևմուտք, մնալով արևադարձային գոտու սահմաններում: Թեպետ արևի ճառագայթներն անտանելի տաքություն ունեին, այնուամենայնիվ մենք բոլորովին չէինք տառապում շոգից: Երեսուն—քառասուն մետր խորությամբ ջրի բարեխառնությունն ընդամենը տասը—տասներկու աստիճանի էր հասնում:

Դեկտեմբերի տասնհինգին մենք անցանք Թախթի կոչված գեղեցիկ կղզու, Խաղաղ օվկիանոսի այդ մարգարիտի արևմրտյան կողմից: Առավոտյան ես հնովում տեսա այդ կղզու բարձր լեռնագագաթները:

Այստեղ մենք բռնեցինք մի քանի հիանալի թյուննաձկներ և ծովային օձի մի տեսակը՝ երկզույն պելամիդան:

«Նաուտիլուսն» անցել էր ութ հազար հարյուր մղոն: Այն օրը, երբ մենք անցանք Թոնդա-Թաբու արշիպելագը, ուր զոհվել էր «Արգոյի» և «Դյուկ օֆ Պորտլանդի» անձնակազմը, «Նաուտիլուսի» արագությունը շափող գործիքը ցույց տվեց, որ մենք ինը հազար յոթ հարյուր քսաներորդ մղոններ անցնում:

Այնուհետև մենք անցանք Ֆիջի կղզին, որտեղ վայրենիներն սպանել էին «Յունիոն» նավի նավաղներին և նավապետ Բյուրոյին «Սիրալիր ժողեֆինայի» հրամանատարին: Այս արշիպելագի տարածությունը հյուսիսից հարավ շորս հարյուր կիլոմետր է և արևելքից արևմուտք՝ երեք հարյուր վաթսուն կիլոմետր. 6° և 2° հարավային լայնության և 174 աստիճան արևմտյան երկարության միջև:

Արշիպելագը բաղկացած է մի շարք մեծ ու փոքր կղզիներից ու ժայռերից, որոնցից ամենամեծերն են Վիտի-Լևուն, Վանուա-Լևուն և Կանդյուբոնը:

Այս կղզիները հայտնագործել է Թասմանը 1643 թվականին, երբ Տորիչելլին հնարեց ծանրաչափը, իսկ կյուդովիկոս տասնչորսերորդը Ֆրանսիայում դահ նստեց: 1774 թվականին այստեղ այցելեց Կուկը, 1793 թվականին՝ դ'Անտրկաստոն և վերջապես, 1827 թվականին՝ Դյումոն Դյուրվիլը պարզեց այստեղի աշխարհագրական դիրքը:

«Նաուտիլուսը» մոտեցավ Վայլեա ծովախորշին, որ հայտնի է նավապետ Դիլլոնի սարսափելի արկածներից: Նավապետ Դիլլոնն առաջինն էր, որ լուսաբանեց Կապերուզի նավերի խորտակման գաղտնիքը:

Մի քանի անգամ ուռկանը նետեցինք այդ ծովախորշը և բազմաթիվ ոստրեններ հանեցինք: Ազահությամբ կլանում էինք դրանց, տեղն ու տեղը բաց անելով սեղանի վրա, Սենեկայի ցուցումների համաձայն: Վայլեա ծովախորշում ոստ-

րեների ծանծաղուտը բավական մեծ տարածութիւնն զբռնում:

Յուրաքանչյուր ոստրե իր մեջ ունենում է մինչև երկու միլիոն ձու: Իհարկե ոստրեներն անհամար քանակութեամբ կբաղմանային ծովախորշում, եթե չլինեին նրանց հազարավոր թշնամիները:

Եթե նեղ կենդր հետագայում չզղջաց իր շատակերութեան համար, ապա դա այն հանգամանքի շնորհիւ, որ ոստրեները միշտ լավ են մարսվում: Հիրավի, այդ անգլուխ կակղամորթների տանվեց դյուժինի մեջ պարունակվում են երեք հարյուր տասնհինգ գրամ ազոտային նյութեր, որոնք և կազմում են չափահաս մարդու օրական սննդի բաժինը:

Ռեկտեմբերի քսանհինգին «Նաուտիլուսը» լողում էր Նոր-Հեբրիդյան արշիպելագի կղզիների միջև: 1606 թվականին այս արշիպելագը հայտնագործել է Կլիբոսը, 1768 թվականին այն ուսումնասիրել է Բուգենվիլը, իսկ 1773 թվականին Կուկն այդ արշիպելագին տվել է այժմյան անունը: Արշիպելագը բաղկացած է ինը մեծ և մի շարք փոքր կղզիներից և շորս հարյուր ութսուն կիլոմետր տարածութեամբ ձգվում է հյուսիս-հյուսիս-արևմուտքից դեպի հարավ և հարավ-արեւելք, 15°—2° հարավային լայնութեան և 164°—168° երկարութեան միջև: Մենք անցնելիս բավական մոտեցանք Վատե կղզուն: Կեսօրվա դիտողութիւնների ժամանակ ես դուրս եկա տախտակամածը և տեսա այդ կղզին: Դա ամբողջովին ծածկըված էր խիտ անտառներով: Կղզու վրա երևում էր շատ բարձր մի լեռնագագաթ:

Արդեն ութ օր կլինել, որ ես շէի տեսել նավապետ Նեմոյին: Վերջապես, դեկտեմբերի 27-ի առավոտյան նա մտավ սրահ և գլուխ տվեց մի այնպիսի ձևով, որ կարծես ինձնից բաժանվել էր ընդամենը հինգ րոպե առաջ: Այդ ժամանակ ես քարտեզի վրա փնտրում էի «Նաուտիլուսի» ճանապարհը: Նավապետը մոտեցավ սեղանին, մատը դրեց քարտեզին և միայն մի բառ արտասանեց.

— Վանիկորո:

Այդ բառը կարծես կրակոց լինելու: Այդպես էր կոչվում

այն փոքրիկ կղզին, որի մոտ խորտակվել էին կապերուզի նավերը:

— Ես վեր թռա տեղիցս:

— «Նաուտիլուսը» դեպի Վանիկորո՞ է գնում:

— Այո, պրոֆեսոր,— պատասխանեց նավապետը:

— Եվ ես կարող եմ այցելել այդ հռչակավոր կղզին, ուր ջարդվել են «Բուսսոլն» ու «Աստրոլաբիա՞ն»:

— Եթե կցանկանաք:

— Իսկ ե՞րբ կհասնենք Վանիկորո:

— Մենք արդեն հասել ենք, պրոֆեսոր:

Նավապետ Նեմոյի ուղեկցությամբ ես բարձրացա տախտակամածը և սկսեցի ազահուծյամբ դիտել հորիզոնը: Հյուսիս-արևելքում երևում էին երկու կղզի, որոնք անշուշտ հրաբխային ծագում ունեին և շրջապատված էին մոտավորապես քառասուն մղոն երկարությամբ կորալային պատնեշով: Մենք գտնվում էինք Վանիկորո կղզու առջև, Վանու կոչված նավահանգստի մոտ, որ գտնվում է  $16^{\circ}4'$  հարավային լայնության և  $164^{\circ}32'$  արևելյան երկարության տակ: Կղզին ծածկված է անտառով օվկիանոսի ափից մինչև Կապոգո լեռան գագաթը, որ ինը հարյուր քսան մետր բարձրություն ունի:

Փոքրիկ նեղուցով «Նաուտիլուսն» անցավ կորալային պատնեշը, մակընթացության գիծը և մտավ նավահանգիստը, որի խորությունը հիսուն—վաթսուն մետրի է հասնում: Բարձր արմավների հովանու տակ ես տեսա մի քանի վայրենիների, որոնք մեծագույն զարմանքով հետևում էին մեր մոտենալուն: Հավանական է, որ նրանք «Նաուտիլուսի» սև, իլիկանման իրանն ընդունում էին վիթխարի կետ ձկան տեղ և վախենալով հետևում էին նրա շարժումներին:

Այդ ըոպեին նավապետ Նեմոն ինձ հարցրեց, թե ի՞նչ գիտեմ կապերուզի խորտակման մասին:

— Այն, ինչ հայտնի է ամբողջ աշխարհին, նավապետ,— պատասխանեցի ես:

— Հրաշալի: Բայց արդյոք դուք չե՞ք կարող հաղորդել ինձ այն, ինչ որ հայտնի է ամբողջ աշխարհին,— ո՞չ առանց հեղձանքի հարցրեց նավապետ Նեմոն:

— Մե՛ծ հաճույքով, — պատասխանեցի ես:

Ապա պատմեցի Դյուանոն Դյուրվիլի հաղորդագրությունների բովանդակությունը:

Ահա այդ փաստերի կարճ շարադրությունը:

1785 թվականին Լյուդովիկոս XVI-ը Լապերուզին ու նրա օգնական նավապետ դե Լանգլին երկու մարտանավով «Բուսսոլով» և «Աստրոլաբիայով», ուղարկել էր շուրջերկրյա ճանապարհորդության:

1791 թվականին ֆրանսիական կառավարությունը, անհանգստանալով Լապերուզի նավերի երկարատև բացակայությունից, կազմակերպեց փրկության արշավախումբ, բաղկացած «Հետախուզություն» և «Հուլյս» մարտանավերից, որոնք սեպտեմբերի 28-ին ճանապարհվեցին Բրունի դ'Անտրիկաստոյի հրամանատարությամբ: Երկու ամիս հետո կառավարությունը ոմն Բոուենից՝ «Էլբերմել» նավի հրամանատարից իմացավ, որ վերջինս Հարավային Գեորգիայի ափերի մոտ խորտակված նավերի բեկորներ է նկատել: Սակայն դ'Անտրիկաստոն, շիմանալով այս լուրը, որ ի դեպ ասած, շատ անորոշ էր, շարունակում էր իր ճանապարհը դեպի Մովակալության կղզիները, որոնց մոտ, ինչպես ասված էր նավապետ Հունտերի զեկուցագրում, խորտակվել էին Լապերուզի մարտանավերը:

Դ'Անտրիկաստոյի որոնումներն ապարդյուն անցան: «Հետախուզությունն» ու «Հուլյսն» առանց կանգ առնելու անցան Վանիկորոյից: Արշավախումբը դժբախտության հանդիպեց, զոհ գնացին՝ ինքը, դ'Անտրիկաստոն, նրա երկու օգնականները և բազմաթիվ նավաստիներ:

Լապերուզի նավերի խորտակման անվիճելի հետքերն առաջին անգամ գտավ ծովային հին գայլ, նավապետ Դիլոնը: 1824 թվականի մայիսի 15-ին նրա «Սուրբ Պատրիկ» նավը կանգ առավ Տիկոպիա կղզու մոտ, որ պատկանում է Նոր-Հեբրիդյան խմբին: Այնտեղ մի բնիկ նրան ծախեց ինչոր սրի արծաթե մի կոթ, որի վրա դեռ մնացել էին փորագրված մակագրության հետքերը: Նույն բնիկը Դիլոնին հաղորդեց, թե վեց տարի առաջ Վանիկորոյում տեսել է երկու եվրոպացու: Սրանք եղել են այն նավերի նավաստիները,



որոնք շատ տարիներ առաջ այդ կղզու մոտ ընդհարվել են խուժերին ու ջարդվել:

Դիլոնը դիտի ընկավ, որ խոսքը վերաբերում է Լապերուզի նավերին, որոնց սնհետանալը հուղել էր ամբողջ աշխարհը: Դիլոնը որոշեց մեկնել Վանիկորո, որտեղ, բնիկի ասելով, պահպանվել էին խորտակման բազմաթիվ հետքերը: Սակայն հողմերն ու ծովային հոսանքները թույլ շտվին, որ նա իրագործի իր ցանկությունը:

Դիլոնը վերադարձավ Կալկաթա: Այնտեղ նա կարողացավ Ասիական և Արևելա-Հնդկական ընկերություններին շահագրգռել իր հայտնագործությամբ և նրան տրամադրվեց մինավ, որ նույնպես «Հետախուզություն» էր կոչվում: 1827 թվականի հունվարի 23-ին Դիլոնը Ֆրանսիական ներկայացուցչի ուղեկցությամբ մեկնեց Կալկաթայից:

Խաղաղ օվկիանոսի դանադան մասերում մի քանի անգամ կանգ առնելուց հետո 1827 թվականի հունիսի 7-ին, վերջապես, «Հետախուզությունը» խարխախ գցեց հենց այն Վանլու կոչված նավահանգստում, ուր այժմ գտնվում է «Նաուախլուար»:

Այստեղ Դիլոնը գտավ խորտակման բազմաթիվ հետքեր՝ խարխախներ, գործիքներ, ճախարակներ, քարանետիչներ, տասնութ ֆնտանոց մի արկ, աստղաբաշխական ջարդված գործիքներ և վերջապես, բրոնզե մի զանգ, հետևյալ մակագրությամբ. «Ինձ ձուլել է Քազենը»: Զանգի վրա եղել է Բրեստի զինապահեստի դրոշմը և «1785» թվականը: Հիմա արդեն ոչ մի կասկած չէր կարող լինել:

Դիլոնը մինչև 1827 թվականի հոկտեմբերը մնաց Վանիկորոյում, որպեսզի ավելի շատ ապացույցներ գտնի: Այնուհետև նա նոր Զելանդիայի վրայով մեկնեց Կալկաթա, ուր ժամանեց 1828 թվականի ապրիլի 7-ին: Դիլոնը Կալկաթայից մեկնեց Ֆրանսիա, որտեղ նրան ջերմությամբ ընդունեց Կարլոս X-ը:

Այդ ժամանակ Դյումոն Դյուրվիլը, այն նավի հրամանատարը, որ ի պատիվ Լապերուզի շքացած նավի կոչվում էր «Աստրոլաբիա», անտեղյակ լինելով Դիլոնի հայտնագործության, նավաբեկության հետքերը փնտրում էր բոլորովին

այլ ուղղութեամբ. նա մի կետորսից իմացել էր, որ Նոր Կա-  
լիֆորնիայի և Կուալիադի վայրենիների մոտ տեսել են Ս. Կյու-  
րովիկոսի մեղալը և շքանշանը:

Անցել էր երկու ամիս այն օրերից, երբ Դիլոնը հեռացել  
էր վանիկորոյից: Հենց այդ ժամանակ Դյուամոն Դյուրվիլը  
խարիսխ գցեց Հորարտ-Քոունի մոտ: Միայն այստեղ նա  
իմացավ Դիլոնի հաջողութեան մասին: Նույն տեղում Դյու-  
ամոն Դյուրվիլը լսեց, ոմն Ջեմս Հորբսի՝ «Յունիոն» նավի պե-  
տի կաշկաթացի օգնականի վկայութեանները: Վերջինս պըն-  
դում էր, որ երբ իր նավը կանգնած է եղել  $8^{\circ} 18'$  հարավա-  
յին լայնութեան և  $158^{\circ} 30'$  արևելյան երկարութեան տակ  
գտնվող կղզու դիմաց, նա բնիկների մոտ տեսել է երկաթյա  
ձողեր և կարմիր հյուսվածքեղենի կտորներ:

Դյուամոն Դյուրվիլը, որ շփոթվել էր այդ հակասական լու-  
րերից և չգիտեր հավատալ զրանց, թե՛ ոչ, այնուամենայնիվ  
որոշեց գնալ նավապետ Դիլոնի հետքերով:

1828 թվականի փետրվարի տասին «Աստրոլաբիան» մո-  
տեցավ Տիկոպիա կղզուն, որպես ուղեցույց վերցրեց սպի-  
տակամորթ մի նավաստու, որ այնտեղ բնակութեան էր հաս-  
տատել, ուղևորվեց դեպի վանիկորո: Փետրվարի 12-ին  
«Աստրոլաբիան» մոտեցավ կղզուն, ինչ օր մնաց կղզու  
կորալային օղակից դուրս և միայն փետրվարի 20-ին մտավ  
վանու նավահանգիստը:

Փետրվարի քսաներեքին «Աստրոլաբիա»-ի նավաստիներ-  
ը, վերադառնալով կղզում կատարած շրջագայութեանից,  
մի քանի սակավարժեք ավալներ բերին խորտակման մա-  
սին: Բնիկները հրաժարվում էին ցույց տալ դժբախտութեան  
վայրը և բոլոր հարցերին պատասխանում էին, թե ոչինչ չգի-  
տեն ու ոչինչ չեն հասկանում: Բնիկների վարմունքը կասկա-  
ծելի էր և մտածել էր տալիս, որ նրանք վատ են վարվել  
խորտակված նավերի անձնակազմի հետ: Եվ իսկապես, բնիկ-  
ներն ըստ երևույթին վախենում էին, որ Դյուամոն Դյուրվիլը  
եկել է վրեժ լուծելու կապերուզի և նրա դժբախտ ուղեկիցնե-  
րի մահվան համար:

Սակայն փետրվարի 26-ին, գայթակղվելով ընծաներ տա-  
լու խոստումներից և համոզվելով, որ իրենցից վրեժ լուծող

չկա, բնիկները նավապետի օգնական ժակինոյին ցույց տվին խորտակման տեղը:

Այնտեղ, շորս-հինգ մետր խորությամբ, Պակու և Վանու ժայռերի միջև ընկած էին խարխախները, թնդանոթները, երկաթե ու արճիճե դանազան մնացորդներ, որոնք արդեն ծածկվել էին կրային շերտերով: «Աստրոլաբիա»-ի մակույկները մոտեցան այդ տեղին և հատակից մեծ դժվարությամբ հանեցին հազար ութ հարյուր ֆունտ կշռող խարխախը, ութ ֆնտանոց արկերով կրակող թնդանոթը, մի արճիճե ձուլվածք ու երկու պղնձե քարանետիչ:

Հարցաքննելով տեղացիներին, Դյումոն Դյուրվիլն իմացավ հետևյալը. կղզու ափերի մոտ իր երկու նավը կորցնելուց հետո կապերուզը նրանց մնացորդներից կառուցել էր մի նոր փոքրիկ նավ և դուրս եկել բաց ծով, որպեսզի անհետ կորչի...

Այդ ժամանակ «Աստրոլաբիա»-ի հրամանատարը կարգադրեց մանգիֆերաների հովանու տակ կառուցել խիզախ ծովագնացի և նրա ընկերների արձանը: Այդ մի հասարակ, քառակողմ բուրգ էր, որ կառուցվեց քարից, իսկ պատվանդանը՝ կորալներից: Ոչ մի կտոր երկաթ չդրվեց, որպեսզի բնիկները դրանից չգայթակղվեն ու չքանդեն արձանը:

Դրանից հետո Դյումոն Դյուրվիլն ուղղւմ էր անմիջապես մեկնել:

Սակայն «Աստրոլաբիա»-ի նավորդները քայքայվել էին դողերոցքից, որ սաստիկ տարածված է այդ վայրերում: Հիվանդ էր նաև նավապետը: Այս պատճառով նավը կարող էր մեկնել միայն մարտի 17-ին:

Մինչ այս մինչ այն, ֆրանսիական կառավարությունը, որ կարծում էր, թե Դյումոն Դյուրվիլը ոչինչ չգիտի Դիլոնի հայտնագործության մասին, «Բայոնեզ» մարտանավը կեզոարան դ'Տրոմելենի հրամանատարությամբ ուղարկեց դեպի Վանիկորո: «Աստրոլաբիա»-ի հեռանալուց մի քանի ամիս հետո միայն «Բայոնեզը» կանգ առավ Վանիկորոյի մոտ, չգտավ ոչ մի նոր ապացույց, միայն համոզվեց, որ վայրենիները ձեռք չեն տվել կապերուզի արձանին:

Ահա այն ամենը, ինչ որ ես կարող էի հաղորդել նավապետ Նեմոյին:

— Այդպես ուրեմն, — ասաց նա ինձ, — մինչև հիմա ոչ ոք չգիտե, թե որտեղ է խորտակվել այն երրորդ նավը, որ կառուցել էին Վանիկորոյի մոտ դժբախտության ենթարկվածները:

— Ոչ ոք չգիտե այդ:

Նավապետ Նեմոն ոչինչ չպատասխանեց ինձ, բայց ձեռքով նշան արավ, որ իր հետ գնամ սրահ: «Նաուտիլուսը» մի քանի մետր խորացավ ջրի տակ, և բացվեցին երկաթե փեղկերը:

Ես մոտեցա շուամուտին ու կորալի շերտերի, զոոֆիտների ու ջրիմուռների, այս ու այն կողմ լողացող ձկների միջև նկատեցի խորտակված նավերի մնացորդները, որոնք շէին հանված, խարխուխներ, թնդանոթներ, կայմեր, շղթաներ ու արկեր: Այդ բոլորը հիմա ծածկված էր զոոֆիտների կենդանի ծաղիկներով:

Այն ժամանակ, երբ ես դիտում էի այդ ողբերգական մնացորդները, նավապետ Նեմոն տխուր ձայնով ասաց.

— Նավապետ Լապերուզի արշավախումբը Ֆրանսիայի ափերից հեռացավ 1785 թվականի դեկտեմբերի յոթին, «Բուսսոլ» և «Աստրոլաբիա» նավերով: Սկզբում նա ուղևորվեց դեպի Բոտանի-Բայ, Տոնգա կղզին, Նոր Կալեդոնիա, ապա՝ դեպի Սանտա-Կրուսուա և կանգ առավ Նամուկի կղզու մոտ, որ պատկանում է Հավայան կղզախմբին: Վերջապես, Լապերուզի նավերը մոտեցան Վանիկորոյի անհայտ ժայռերին: «Բուսսոլ» մարտանավը, որ գնում էր առջևից, հարավային ափում ընդհարվեց ստորջրյա ժայռերին: «Աստրոլաբիա»-ն շտապեց օգնության և իր հերթին նույնպես ընդհարվեց ստորջրյա ժայռերին: Առաջին մարտանավը խորտակվեց գրեթե րոպեապես: Երկրորդը, որ նստել էր ծանծաղուտին, դիմադրեց մի քանի օր: Բնիկները բավական լավ ընդունելություն ցույց տվին նավորդներին: Վերջիններս ասլաստանեցին կղզում և սկսեցին երկու մեծ մարտանավերի բեկորներից մի փոքրիկ նավ կառուցել: Մի քանի նավաստի իրենց կամքով մնացին Վանիկորոյում: Մյուսները, որ մաշվել էին

հիվանդություններից և թուլացել, Լապիրուզի հետ մեկնեցին դեպի Սողոմոնյան կղզիները և բոլորն էլ մեռան այնտեղ, գլխավոր կղզու մոտ, Հիասթափության և Բավարարության հիվանդանների միջև:

— Բայց դուք որտեղի՞ց գիտեք այդ, — զարմացած հարցրի ես:

— Ահա թե ինչ եմ գտել հենց վերջին խորտակման տեղում:

Եվ նավապետ Նեմոն ինձ ցույց տվեց թիթեղյա մի արկղ, որի կափարիչի վրա քանդակված էր Ֆրանսիայի դինանշանը: Արկղիկն ամբողջովին ժանգոտված էր աղի ջրում: Նավապետը բացեց արկղիկը, ու ես տեսա դեղնած, բայց դեռ շփշացած փաստաթղթերի մի կապոց:

Դա ծովային մինիստրի հրահանգն էր, որ ուղղված էր նավապետ Լապիրուզին: Հրահանգի լուսանցքներում պահպանվել էին Լյուդովիկոս XVI-ի դիտողությունները:

— Ահա թե ինչպես է մեռնում քաջարի ծովագնացը, — ասաց նավապետ Նեմոն: — Նա հանգչում է կորալային անդորր գերեզմանում, և ես ուրախ կլինեի, եթե իմ ընկերներն ու ես նույնպիսի գերեզման ունենայինք...

## ԳԼՈՒԽ ՔՍԱՆՆԵՐՈՐԴ

### ԹՈՐՐԵՍԻ ՆԵՂՈՒՑԸ

Դեկտեմբերի 27-ից 28-ի գիշերը «Նաուտիլուսը» թողեց Վանիկորոն և հսկայական արագությամբ սլացավ դեպի հարավ-արևմուտք: Երեք օրում նավն անցավ այն տարածությունը, որ գտնվում է Վանիկորոյի և Նոր-Գվինեայի հարավ-արևելյան մասի միջև, այսինքն ավելի քան երեք հազար կիլոմետր:

Հունվարի մեկին, վաղ առավոտյան Կոնսելն ինձ գտավ «Նաուտիլուսի» տախտակամածում:

— Արդյոք պարոնը թույլ չի՞ տա նրան երջանիկ նոր տարի ցանկանալու, — հարցրեց նա:



— Ինչպե՛ս չէ, ինչպե՛ս չէ, Կոնսել, քո բարեմաղթությունն ընդունում եմ այնպիսի հաճույքով, որ կարծես մենք լինենք Փարիզում, իմ առանձնասենյակում, բուսաբանական այգում: Շնորհակալ եմ քեզանից, ես էլ քո նոր տարին եմ շնորհավորում: Միայն թույլ տուր հարցնել, ինչպե՛ս հասկանալ նոր տարում քո կողմից երջանկություն ցանկանալը: Արդյոք դու ցանկանո՞ւմ ես, որ վերջ լինի մեր գերության, թե՞ շարունակվի մեր հրաշալի ճանապարհորդությունը:

— Ճիշտն ասած,— վրա բերեց Կոնսելը,— ես չգիտեմ ինչ պատասխանեմ պարոնին: Անկասկած, մենք հետաքրքիր բաներ ենք տեսնում և երկու ամիս գտնվելով այստեղ, բոլորովին շենք ձանձրացել: Այստեղ միշտ վերջին տեսարանները լինում են ամենից զմայլելի, և եթե այդպես շարունակվի, ապա ո՞վ գիտե էլ ինչ հրաշքներ պիտի տեսնենք: Կարծում եմ, որ էլ երբեք այսպիսի առիթի շենք հանդիպի:

— Երբե՛ք... Դու իրավացի ես, Կոնսել:

— Բացի դրանից, նավապետ Նեմոն միանգամայն արդարացնում է իր լատինական անունը, որ նշանակում է անհայտ, մենք նրանից այնքան քիչ ենք ճնշվում, որ կարծես նա գոյություն չունի աշխարհում:

— Ճիշտ է, Կոնսել:

— Ուստի ես ինձ թույլ եմ տալիս ասելու պարոնին, որ ես երջանիկ կհամարեմ այն տարին, որը մեզ հնարավորություն կտա տեսնելու ամեն ինչ:

— Ամեն ինչ տեսնե՞լ, Կոնսել: Այդ շատ երկար կտևի: Ի դեպ, այդ մասին ի՞նչ է մտածում Նեդ Լենդը:

— Նեդ Լենդը բոլորովին հակառակն է մտածում,— պատասխանեց Կոնսելը,— այդ մի մարդ է, որ ունի պրոզաիկ մտածելակերպ և պահանջկոտ ստամոքս: Նա ձանձրացել է շարունակ ձկները դիտելուց և ձուկ ուտելուց: Հացի, մսի, գինու բացակայությունը տանջում է այդ անգլո-սաքսին, որը սովորել է արյունոտ բիֆշտեքս ուտել և ամեն օր շատ թե քիչ քանակությամբ վիսկի, ջին կամ բրենդի խմել:

— Իսկ ես բոլորովին չեմ դժգոհում,— ասացի ես,— հրաշալի կերպով հարմարվել եմ «Նաուտիլուսի» ռեժիմին:

— Ես է՛լ,— պատասխանեց Կոնսելը,— ուստի հաճույ-

քով պատրաստ եմ մնալու այստեղ, ինչպես Նեդ Լենդը հա-  
ճույքով պատրաստ է փախչել: Այսպես, եթե նոր սկսվող  
տարին դժբախտ լինի ինձ համար, երջանիկ կլինի նրա հա-  
մար և ընդհակառակը: Ուրեմն մեզնից մեկն ու մեկը ան-  
պայման բավարարված կլինի: Ինչ վերաբերում է տիրոջը, ես  
ինձ թույլ եմ տալիս նրան ցանկանալու այն, ինչ որ ինքն է  
ցանկանում իր համար:

— Շնորհակալ եմ, Կոնսել: Միայն թե խնդրում եմ քեզ-  
նից առժամանակ հետաձգել նոր տարվա նվերների հարցի  
լուծումը և բավականանալ ջերմ շնորհավորանքով: Հիմա ես  
քեզ ուրիշ ոչինչ չեմ կարող առաջարկել:

— Պարոնի կողմից այդ կլինի ամենամեծ առատաձեռ-  
նությունը, — պատասխանեց Կոնսելը:

Այդ ասելով, հրաշալի մարդը հեռացավ:

Հունվարի երկուսին արագությունը շափող գործիքը ցույց  
տվեց, որ մենք անցել ենք տասնմեկ հազար երեք հարյուր  
քառասուն մղոն, կամ հինգ հազար երկու հարյուր հիսուն  
լյո, սկսած այն օրից, երբ ճանապարհ ընկանք Ճապոնական  
ծովից:

«Նաուտիլուսի» առջև դտնվում էին Ավստրալիայի հյուս-  
սիս-արևելյան կողմում եղած կորալլային ծովերի վտանգա-  
վոր տեղերը:

Մեր նավը լողում էր ընդամենը մի քանի մղոն հեռու այն  
ստորջրյա ժայռերից, որոնք 1770 թվականի հունվարի 10-ին  
քիչ էր մնացել դառնային նավաստես Կուկի նավերի խոր-  
տակման պատճառ: Այն նավը, ուր դտնվում էր ինքը, Կու-  
կը, ընդհարվեց ժայռին և շխորտակվեց միայն այն պատճա-  
ռով, որ ընդհարման ժամանակ պոկված կորալլի մի կտոր  
ծածկեց նավի վնասված տեղը:

Ես շատ էի ուզում տեսնել երեք հարյուր վաթսուն լյո  
տարածություն բռնող այդ ստորջրյա ժայռերը: Երբ մրրկա-  
հույզ աչիքները խփվում են այդ ժայռերին, լսվում է ահավոր  
մի դղրդյուն, որը նման է որոտի ճայթյուններին:

Սակայն այդ ժամանակ «Նաուտիլուսն» իջավ ծովի ստո-  
րին շերտերը և ինձ այնպես էլ չհաջողվեց տեսնել կորալլե  
ժայռերը: Մնում էր բավականանալ մի բանով՝ դիտել մեջ

Ուռկանի հանած ձկներն ու այդպիսով ուսումնասիրել այն-  
տեղի կենդանական աշխարհը:

Ես տեսա թյունիկ ձկան մի տեսակը, որ բավականաչափ  
խոշոր է, ունի արծաթավուն-մուգ-կապույտ մարմին և  
խոտորնակի շերտեր: Երբ այդ ձուկը մեռնում է, շերտերը  
չքանում են: Թյունիկների վտառներն ուղեկցում էին մեզ և  
չափազանց համեղ միս մատակարարում նավորդներին:  
Ուռկանը դուրս էր բերում նաև մեծ քանակությամբ սպար-  
ներ, որոնք ունեն հինգ սանտիմետրից ոչ ավելի երկարու-  
թյուն, բայց շատ համեղ են, ապա տրիտլաներ, իսկական  
ծովային ծիծեռնակներ, որոնք մութ գիշերով ֆոսֆորային  
փայլ են տարածում ջրում և օդում: Ուռկանի մեջ, կակղա-  
մորթների ու զոոֆիտների թվում ես տեսա այլցոնարների,  
կենդանածին մարգածկների, ուռնածկների ու բայդարների  
զանազան ներկայացուցիչներ:

Կորալյան ծովն անցնելուց երկու օր հետո, հունվարի  
4-ին մենք նկատեցինք Նոր Գվինեայի ափերը: Նավապետ  
Նեմոն ինձ հայտնեց, որ մտադիր է Թորրեսի նեղուցով անց-  
նել Հնդկական օվկիանոս: Նա էլ ուրիշ ոչինչ չասաց, սակայն  
այդքանն էլ բավական էր Նեդ Լենդի համար: Վերջինս միան-  
գամայն գոհ էր, որ մենք մոտենում ենք եվրոպական ծո-  
վերին:

Թորրեսի նեղուցը վատ համբավ ունի, որովհետև այնտեղ  
կան բազմաթիվ ստորջրյա ժայռեր և նեղուցի ափերում ապ-  
րոզ բնիկները հայտնի են իրենց վայրենությամբ: Նեղուցն  
Ավստրալիան բաժանում է Նոր Գվինեայից:

Նոր Գվինեան ունի շորս հարյուր լյո երկարություն և երեք  
հարյուր լյո լայնություն ու բռնում է քառասուն հազար աշ-  
խարհագրական լյո տարածություն: Կղզին գտնվում է  $0^{\circ}19'$  և  
 $10^{\circ}2'$  հարավային լայնության և  $128^{\circ}23'$  ու  $146^{\circ}15'$  երկա-  
րության տակ:

Կեսօրին, երբ նավապետի օգնականը սեքստանտով չա-  
փում էր արևի բարձրությունը, ես տեսա Արֆալակ կոչված  
լեռները, որոնք բարձրանում են աստիճանաձև և վերջանում  
սուր գագաթներով:

Նոր Գվինեան 1511 թվականին հայտնագործել է փորթու-

գալացի Ֆրանցիսկ Սերանոն: 1526 թվականին այս կղզին այցելել է դոն Խոզե դը Մենեոսը, 1527 թվականին՝ Գրիխալվը, 1528 թվականին իսպանացի գեներալ Ալվար դ'Սաավեդրան, 1545 թվականին՝ Հուզո Օրտեսը, 1616 թվականին՝ հոլանդացի Շատինը, 1753 թվականին Նիկոլա Ստրեյբը, 1792 թվականին Թասմանը, Դամպեն, Ֆյումելը, Կարտերեն, էդվարդսը, Բուհենվելը, Կուկը, Ֆորբեստը, Մակ Կլյորը, դ'Անտրկաստոն, 1823 թվականին Դյուպերեյը և, վերջապես, 1827 թվականին Դյուվոն Դյուրվիլը:

«Այդ Մելանեզիայի ամբողջ սևամորթ բնակչության կենտրոնն է», — ասել է դը Ռիենցին Նոր Գվինեայի մասին:

Իմ մտքով անդամ շէր անցնում, որ մեր ճանապարհորդության պատահականություններն ինձ կհասցնեն այդ ափերը:

«Նաուտիլուսը» մոտեցավ աշխարհիս այդ ամենավտանգավոր նեղուցին, որի առջև անվճռական տրամադրությամբ կանգ են առել նույնիսկ ամենախիզախ ծովագնացները: Այս նեղուցը հայտնագործել է Լուի Թորրեսը, հարավային ծովերից դեպի Մելանեզիա վերադառնալիս: Այստեղ 1840 թվականին քիչ մնաց խորտակվեին Դյուվոն Դյուրվիլի նավերը, որոնք ծանծաղուտի էին հանդիպել: Անգամ «Նաուտիլուսը», որի համար սարսափելի շէին ոչ ծանծաղուտները և ոչ էլ ժայռերը, ստիպված եղավ գործ ունենալ կորալային խութերի հետ:

Թորրեսի նեղուցն ունի մոտավորապես հարյուր երեսունհինգ — հարյուր քառասուն կիլոմետր լայնություն, բայց այնտեղ կան անհամար քանակությամբ մեծ ու փոքր կղզիներ, ժայռեր ու խութեր, որոնք դրեթե անհնարին են դարձնում նավերի երթևեկությունը:

Հաշվի առնելով այդ, նավապետ Նեմոն ձեռնարկեց նախադրուշության բոլոր միջոցները: «Նաուտիլուս»-ը լողում էր կիսով շափ ջրասույզ եղած և շատ դանդաղ: Պտուտակի թիակները, ինչպես հոգնած կետ ձկան սյուշ, դանդաղ ճեղքում էին ջուրը:

Օդովելով այդ հանդամանքից, ես ու իմ երկու ընկերները դուրս եկանք միշտ թափուր սախտակամածը և կանգնեցինք

դեկի խցիկի մօտ: Հազիվ թե ես սխալվեմ, եթե ասեմ, որ նավապետ Նեմոն անշուշտ գտնվում էր այդ խցիկում և անձամբ կառավարում էր «Նաուտիլուսը»:

Իմ աչքերի առաջ գտնվում էր Թորրեսի նեղուցի հիանալի քարտեզը, որ կազմել էին ինժեներ-ջրագետ Վինցենդան Դյուբուլենը և նախկին միշման. այժմ ծովակալ Կուպլան Դյուբուան, որոնք մասնակցել են Դյուանոն Դյուրվիլի ձեռնարկած շուրջերկրյա ճանապարհորդության: Այս քարտեզը, ինչպես նաև նավապետ Կինգի կազմած քարտեզը, լավագույն կերպով պատկերացնում է Թորրեսի նեղուցը, այդ անանցանելի լարիրինթոսը: Ես մեծագույն ուշադրությամբ դիտում էի այդ քարտեզները:

Մովը խոսվահույզ ալեկոծվում էր «Նաուտիլուսի» շուրջը: Հարավ-արևելքից դեպի հյուսիս-արևմուտք, մեկ ժամում երկու և կես մղոն արագությամբ ընթացող անարկու հոսանքը խփում էր ստորջրյա ժայռերին, որոնք գրեթե ամեն մի մետր տարածության վրա դուրս էին ցցվել ջրից:

— Վտանգավոր տեղ է,— ասաց ինձ Նեդ Կենդը:

— Արդարև, ավելի վատ տեղ երևակայել անգամ չի կարելի,— պատասխանեցի ես,— վտանգավոր է նույնիսկ «Նաուտիլուս»-ի համար, որը չի վախենում և ոչ մի խոչընդոտից:

— Պետք է ենթադրել, որ այս անիծված նավապետը լավ գիտե իր ճանապարհը, քանի որ հեռվում ես տեսնում եմ կորալային այնպիսի մի շիլա-փլավ, որին հենց միայն շփվելով, «Նաուտիլուսը» կտոր-կտոր կլինի:

Հիրավի, դրությունը շատ լուրջ էր: Սակայն «Նաուտիլուսը» կարծես կախարդական զորությամբ օժտված, բարեհաջող անցնում էր ամենաանհարկու ժայռերից: Նա չէր ընթանում «Աստրոլաբիա»-ի և «Նուանդի» ճանապարհով, որտեղ քիչ էր մնացել խորտակվելին Դյուանոն Դյուրվիլի այդ նավերը: Սուզանավն ավելի հյուսիսից էր ընթանում, և երբ անցավ Մյորրես Կղզին, ուղղվեց էլի հարավ-արևմուտք, դեպի Կամբերլենդի անցքը: Ես կարծում էի, որ հիմա «Նաուտիլուսը» կընթանա հենց այդ անցքով, սակայն նա անսպասելիորեն գործավ դեպի հյուսիս-արևմուտք և անհամար մեծ ու



փոքր կղզիների արանքով ընթացավ դեպի Թաունդա կղզին և վաանդավոր ջրանցքը:

Սա դարմացած հարցնում էի ինքս ինձ, — մի՞թե նավապետ Նեմոն այնքան անդգույշ կլինի, որ իր նավը տանի այդ ջրանցքով, ուր Դյումոն Դյուրվիլի երկու նավերը նստել էին ծանծաղուտին: Բայց այդ ժամանակ, էլի՜ փոխելով ուղղությունը, «Նաուտիլուս»-ն ընթացավ ուղիղ դեպի արևմուտք, դեպի Գվեբորոար կղզին:

Կեսօրվա ժամի մոտ երեքն էր: Մակընթացությունը գրեթե հասավ ամենաբարձր աստիճանին և ալեկոծությունը հանդարտվեց: «Նաուտիլուսը» մոտեցավ Գվեբորոարին: Մինչև այդ կղզին ընդամենը երկու մղոն տարածություն էր մնում: Մինչև այժմ էլ կարծես աչքերիս առաջ է այդ գեղածիծաղ ափը, ուր կանգնած էին արմավները:

Հանկարծ մի ուժեղ ցնցում վայր գցեց ինձ տախտակամածի վրա: «Նաուտիլուսը» խփվեց ստորջրյա ժայռին և կանգ առավ, մի փոքր դեպի աջ թեքված:

Վեր կենալով, ես տեսա, որ նավապետ Նեմոն և իր օգնականը դուրս են եկել տախտակամած: Նրանք դիտում էին նավը և ինձ անհասկանալի շեղվով կարճ խոսքեր փոխանակում:

Ահա թե ինչպես էր դրությունը: Նավի աջ կողմում, երկու մղոն հեռավորությամբ երևում էր Գվեբորոար կղզին, որ ձգվել էր հյուսիսից դեպի հարավ, ինչպես մի հսկայական թև: Արևելքում, տեղատվության շնորհիվ, սկսում էին երևալ խութերի ծայրերը:

Մենք ամուր նստել էինք ծանծաղուտին, այն էլ այնպիսի մի տեղում, ուր մակընթացության ժամանակ ջուրը քիչ է բարձրանում: Այդ ոչ մի լավ բան չէր խոստանում «Նաուտիլուսին»: Սակայն նավը բոլորովին շվնասվեց ընդհարումից, որովհետև շատ ամուր էր նրա կառուցվածքը: Իսկ եթե «Նաուտիլուսին» չհաջողվի հեռանալ ծանծաղուտից և ջրասույզ լինիլ, ապա, որքան էլ ամուր լինի նրա կառուցվածքը, ծովային հոսանքը կտանի ոս կխփի ժայռերին և այդ դեպքում մնաս բարո՛վ, նավապետ Նեմո...

Այսպես էի մտածում ես, երբ մոտեցավ նավապետ Նե-

մոն, որ հիանալի կերպով պահպանել էր իր հոգեկան հավասարակշռութիւնը և ըստ իր սովորութեան՝ հանգիստ էր ուսանարչուն: Նրա դեմքին անկարելի էր կարդալ ոչ ջղայնութիւն, ոչ էլ հուզում:

— Դժբախտ դե՞պք, — հարցրի ես:

— Ոչ, միայն պատահար է, — պատասխանեց նա:

— Այնուամենայնիվ այդ պատահարը կարող է ձեզ ստիպել վերստին դառնալ այն երկրի բնակիչը, որից դուք փախչում էիք, այնպես չէ՞:

Նավապետ Նեմոն ինչ-որ տարօրինակ ձևով նայեց ինձ ու գլխով բացասական շարժում արավ: Ըստ երևույթին նա ուզեց ինձ հասկացնել, որ երբեք և ոչինչ չի կարող նրա հարկադրել վերադառնալու երկիրը:

Ապա նա ասաց.

— Ինչպե՞ս թե, պրոֆեսոր, «Նաուտիլուսի» դրութիւնն այնքան էլ հուսահատական չէ: Նա դեռ ձեզ կժանոթացնի օվկիանոսի հրաշքներին: Մեր ճանապարհորդութիւնը դեռ նոր է սկսվել և ես չեմ ցանկանում այդպես շուտ գրկվել ձեր սղեկիցը լինելու պատվից:

— Այնուամենայնիվ, նավապետ, — առարկեցի ես, ցույց տալով, որ չեմ նկատում նրա խոսքերում թաքնված հեզնանքը՝ «Նաուտիլուսը» ծանծաղուտին է նստել հենց մակընթացութեան ժամանակ: Չմոռանալ, որ Խաղաղ օվկիանոսի ջուրը մակընթացութեան ժամանակ այնքան էլ չի բարձրանում, և եթե դուք չգտնեք նավը թեթևացնելու որևէ միջոց, ապա ես չգիտեմ, թե ձեր նավն էլ ինչպես պիտի լողա ջրում:

— Դուք իրավացի եք, պրոֆեսոր, — պատասխանեց նավապետ Նեմոն, — Խաղաղ օվկիանոսի մակընթացութեան ժամանակ ջուրը քիչ է բարձրանում, բայց և այնպես, Թորրեսի նեղուցում ջրի բարձր և ցածր մակերևույթի տարբերութիւնը կազմում է մեկ ու կես մետր: Այսօր հունվարի շորսն է և հինգ օրից հետո լուսինը կլրանա: Ես շատ կզարմանամ, եթե լուսինը, երկրի այդ հավատարիմ արբանյակը, ծովի ջուրը չբարձրացնի այնքան, որպեսզի ինձ մատուցի այդ ծառայութիւնը, որ բոլորովին դատարկ բան է իր համար:

Այս խոսքերից հետո նավաստիտ նեմոն իր օգնականի ուղեկցութեամբ մտավ «Նաուտիլուս»: Սուզանավը կանգնած էր անշարժ, կարծես կպել էր տեղն ու տեղը և կորալային պուլիպներն իրենց ամուր ցեմենտով նրան կպցրել էին ժայռին:

— Հը՛, ի՞նչ կասեք, պարոն պրոֆեսոր, — հարցրեց Նեդ Էնդըր, նավաստի հեռանալուց հետո անմիջապես մոտենալով ինձ:

— Ահա թե ինչ, սիրելի Նեդ, մենք հանգիստ կապասենք հունվարի իննի մակընթացութեան: Դուրս է գալիս, որ լուսինը պետք է սիրալիր կերպով մեզ ազատի ծանծաղուտից:

— Միայն այդքա՞նը:

— Միայն այդքանը:

— Եվ նավաստիտը խարիսխը չի՞ նետի ավելի հեռու, չի՞ օգտագործի մեքենայի ամբողջ կարողութունը, որպեսզի փորձի ազատվել ծանծաղուտից:

— Ինչո՞ւ այդպես անել, քանի որ մենք կազատվենք մակընթացութեան միջոցով, — պատասխանեց Կոնսելը:

Կանադացին նայեց Կոնսելին և ուները թոթվեց: Հիմա նրա մեջ ծովագնացի վիրավորված զգացմունքն էր խոսում:

— Հիշեցեք իմ խոսքերը, պարոն պրոֆեսոր, — դիմեց նա ինձ, — այս երկաթե տաշտն էլ երբեք չի լողալու ոչ ջրի վրա, ոչ էլ ջրի տակ: Հիմա նա պետքական է վաճառվելու միայն իբրև ջարդոն: Ուստի հասել է ժամանակը, որ մենք մնաս բարով ասենք նավաստիին:

— Գիտե՞ք ինչ, սիրելի Նեդ, — պատասխանեցի ես, — այս նշանավոր նավի ապագան ինձ այնպես մոայլ չի թվում, ինչպես ձեզ: Համբերեցեք շորս օր և մենք ճշտութեամբ կիմանանք Խաղաղ օվկիանոսի մակընթացութեան ուժը: Ի դեպ ասած՝ փախչելու խորհուրդը տեղին կլիներ, եթե մոտիկ լինեին Անգլիայի կամ Պրովանսի ափերը: Սակայն նոր Գլիենայի ափերի մոտ շարժե շտապել օգտվելու այդ խորհրդից, չէ՞ որ միշտ էլ կարելի է դիմել այդ ծայրահեղութեան, եթե «Նաուտիլուսը» չազատվի ծանծաղուտից: Ես պետք է ասեմ ձեզ, որ այդ վերջին միջոցը խիստ անցանկալի է և կարող է լուրջ բարդութեւններ առաջացնել:

— Բայց չի՞ կարելի արդյոք կարճ ժամանակով դուրս գալ ցամաք, — վրդովված հարցրեց Նեդ Լենդը, — ահա կղզին: Այդ կղզում ծառեր են աճում: Սրանց տակ թափառում են ցամաքային արարածներ՝ կենդանի խորովածներ, ոտստբիֆներ ու բիֆշտեքսներ... Ինչպիսի՞ հաճույքով ես կփորձեի այդ խորտիկները:

— Հը՛, այստեղ իրավացի է Նեդը, — ասաց Կոնսելը, — ես միանում եմ նրա կարծիքին: Արդյոք պարոնը չի՞ կարող իր բարեկամ նավապետից թույլտվութուն վերցնել, որ մենք դուրս գանք այդ ափը, թեկուզ հենց նրա համար, որ դարձյալ մի անգամ փորձենք քայլել ամուր հողի վրա:

— Ես կարող եմ խնդրել նավապետից այդ թույլտվութունը, բայց հավատացած եմ, որ կմերժի:

— Այնուամենայնիվ պարոնը թող փորձի, — ասաց Կոնսելը, — գոնե մենք կիմանանք, թե որչափ սիրալիր է նավապետ Նեմոն:

Որքան էլ ինձ համար զարմանալի էր, նավապետ Նեմոն անմիջապես և մեծ հաճույքով տվեց իմ խնդրած թույլտվութունը: Նա նույնիսկ շպահանջեց, որ ես վերադառնալու խոստում տամ: Սակայն Նոր Գլինեայի կղզիներում ճանապարհորդելը վտանգավոր է, այնքան վտանգավոր, որ ես Նեդ Լենդին խորհուրդ չէի տա այդպիսի ճանապարհորդութուն ձեռնարկել: Ավելի լավ էր գերի մնալ «Նաուտիլուսում», քան ընկնել բնիկների՝ պապուասների ձեռքը:

Ես շփորձեցի իմանալ, թե արդյոք նավապետ Նեմոն ուղեկցելո՞ւ է մեզ: Դեռ ավելին, ես հավատացած էի, որ նավաստիներից ոչ ոք չի գա մեզ հետ, և Նեդ Լենդն ինքը կվարի մակույկը: Ցամաքը դտնվում էր մեզանից ընդամենը երկու մղոնի վրա և կանադացին, լինելով հրաշալի ծովագնաց, առանց դժվարության կտաներ թեթև մակույկը ժայռերի արանքով, որոնք վտանգավոր են միայն մեծ նավերի համար:

Հետևյալ օրը, հունվարի 5-ին, մակույկը հանեցին իր տեղից և իջեցրին ջուրը:

Երկու նավաստի հեշտությամբ կատարեցին այդ աշխատանքը: Թիակները դրվեցին մակույկի վրա և մեզ մնում էր միայն տեղ բռնել:

Առավոտյան ժամը ութին, հրացաններով ու կացիններով  
գինված, մենք հեռացանք «Նաուտիլուսից»:

Մովը բավականաչափ հանդիատ էր: Ափից թեթև քամի էր  
փչում: Ես ու Կոնսելը նստած էինք թիակների վրա: Մենք  
եռանդով թիավարում էինք, իսկ Նեդը մակույկին ուղղու-  
թյուն էր տալիս խուժերի արանքում եղած նեղ անցքերում:

Մակույկը հրաշալի կերպով ենթարկվում էր մեզ ու սլա-  
նում դեպի ցամաքը:

Նեդ Լենդը շէր թաքցնում իր հրճվանքը: Նա կարծես հենց  
նոր ազատված կալանավոր լինելը և շէր մտածում, որ շու-  
տով պիտի վերադառնա բանտ:

— Հիմա մենք պետք է մի՛ս ուտենք, — համարյա թե եր-  
գում էր նա, — այն էլ ինչպիսի՛ միս, թռչունի իսկական,  
թարմ միս: Ափսոս, որ առանց հացի պիտի ուտենք: Ես հո  
չե՛մ ասում, որ ձուկը համեղ ուտելիք չէ, բայց ինքներդ դա-  
տեցեք, հո չի՞ կարելի շարունակ, ամեն օր ձուկ ուտել: Կրա-  
կի վրա խորոված մի պատառ թարմ միսը շատ և շատ հա-  
ճելի կլինի մեզ համար:

— Ի՛նչ բկլիկն է, տո՛, — ասաց Կոնսելը, — բերանիս  
ջուրը գնում է այս խոսքերից:

— Մնում է միայն իմանալ, թե արդյոք թռչուններ կա՞ն  
այս անտառներում, — ասացի ես, — և եթե կան, արդյոք  
այնքան վիթխարի չե՞ն, որ ինքը, որսորդը նրանց համար  
կերակուր դառնա...

— Դատարկ բան է, պարոն պրոֆեսոր, — առարկեց Նեդ  
Լենդը, ցույց տալով ատամները, որ սուր էին ինչպես կացնի  
բերանը, — ես պատրաստ եմ վազր էլ ուտելու, տապակած  
վազրի մի լավ պատառ, եթե այս կղզում ուրիշ կենդանիներ  
չլինեն:

— Նեդն ուղղակի վախեցնում է ինձ, — ասաց Կոնսելը:

— Ինչ ցեղի էլ որ պատկանի հենց առաջին անգամ հան-  
դիպող կենդանին, լինի փետրազուրկ շորքոտանի թե փետ-  
րավորված երկոտանի, ես պատրաստ եմ նրան ողջունելու  
հրացանի դիպուկ կրակոցով:

— Հը՛մ, — վրա բերի ես, — պարոն Լենդն էլի սկսում է  
խելահեղություն ցույց տալ:



— Մի՛ անհանգստացեք, սրտֆեսոր, — առարկեց կանա-  
դացին, — համարձակ թիավարեցեք: Կես ժամ էլ չի անցնի,  
և ես ձեզ կառաջարկեմ հիանալի կերպով պատրաստված մի  
խորտիկ:

Ժամը ութ և կեսին «Նաուտիլուսի» մակույկը, հաջողու-  
թյամբ խույս տալով Գվեբորոար կղզին շրջապատող կորալ-  
լային օղակից, մոտեցավ ավազուս ծովափին:

## ԳԼՈՒԽ ՔՍԱՆՄԵԿԵՐՈՐԴ

### ՄԻ ՔԱՆԻ ՕՐ ՅԱՄԱՔՈՒՄ

Ես հիշում եմ, որ երբ առաջին անգամ ոտք դրեցի հողի  
վրա, բավական ուժեղ տպավորությունն ստացա: Նեղ Լենդը  
ոտքը կամացուկ դրեց գետնին, կարծես փորձելով հողի ամ-  
րությունը: Մինչդեռ երկու ամիս էլ չէր անցել այն օրերից,  
երբ մենք, ինչպես ասում էր նավապետ Նեմոն, դարձանք  
«Նաուտիլուսի» ճանապարհորդներ, կամ ավելի ճիշտ՝ այդ  
սուզանավի գերիներ:

Մի քանի րոպեի ընթացքում մենք ծովափից հեռացանք  
այնքան, որքան թուշում է հրացանի գնդակը: Հողը կաղմված  
էր գրեթե բացառապես կորալլային կրից, սակայն դիտելով  
չորացած առուների հուները, որ ծածկված էին գրանիտի  
կունձղերով, կարելի էր ենթադրել, որ այդ կղզին գոյություն  
ունի դեռ նախնադարյան ժամանակներից:

Փարթամ, խիտ անտառը ծածկել էր ամբողջ հորիզոնը:  
Վիթխարի ծառերը, որոնցից մի քանիսի բարձրությունը եր-  
կու հարյուր ոտնաչափի էր հասնում, մեկմեկու միացել էին  
լիանաներով, իսկ և իսկ բնական ճոճացանցերով, որոնք  
օրորվում էին քամուց:

Այնտեղ կային միմոզաներ, ֆիկուսներ, հիբիսկ ծառեր  
ու անթիվ արմավենիներ: Ծառերի դալար սաղարթի հովանու  
տակ ծաղկում էին հսկայական խլորձները, ընդավոր բույ-  
սերն ու ձարխոտերը:

Կանադացին, որ մտածում էր միայն օգտակար քանի՛ ուտելու մասին, աչքաթող էր արել հանելին՝ Նոր Գլխեացի բուսականության այս զմայլելի նմուշները: Գտնելով կոկոսի մի արմավենի, նա քարով վայր գցեց մի քանի կոկոս, ջարդեց և առաջարկեց մեզ: Մենք հաճույքով կերանք կոկոսների միջուկը և այդ հաճույքն ուրիշ բան չէր, բայց եթե բողոք «Նաուտիլուսի» ուտելիքների միօրինակության դեմ:

— Հրաշալի՛ է, հայտարարեց Նեդ Լենդը:

— Համեղ է,— համաձայնվեց Կոնսելը:

— Ի՞նչ եք կարծում, մի՞թե նավապետ Նեմոն թույլ չի տա, որ մենք որոշ պաշար վերցնենք այս կոկոսներից,— հարցրեց ինձ կանադացին:

— Չեմ կարծում,— պատասխանեցի ես,— բայց հավատադատեմ եմ, որ նա դրանց ձեռք չի տա:

— Ավելի վատ նրա համար,— ասաց Կոնսելը:

— Ավելի լավ մեզ համար,— վրա բերեց Նեդ Լենդը,— մեր բաժինը շատ կլինի:

— Մի րոպե, սիրելի Նեդ,— ասացի ես կանադացուն, որ մտադրվում էր հարձակում գործել երկրորդ արմավենու վրա,— կոկոսի ընկույզները հրաշալի են, բայց նախ քան դրանցով մակույկը բեռնելը լավ կլինի պարզել, թե արդյոք կղղում չկա՞ն ուրիշ, ոչ պակաս օգտակար մթերքներ: Ես կարծում եմ, որ թարմ բանջարեղենը լավ ընդունելություն կգտնի «Նաուտիլուսի» խոհանոցում:

— Պարոնն իրավացի է,— ասաց Կոնսելը,— ես առաջարկում եմ մակույկը բաժանել երեք մասի. առաջին մասը տրամադրել պտուղներին, երկրորդը՝ բանջարեղենին, իսկ երրորդը՝ թռչուններին, որոնց, ի դեպ ասած՝ մենք դեռ բողոքովին չենք տեսնում:

— Կոնսել, չպետք է հուսահատվել,— առարկեց կանադացին:

— Այսպես, սերեմն, առաջարկում եմ շարունակել մեր արշավը, սակայն միշտ աչալուրջ լինել: Թեև կղզին անմարդաբնակ է թվում, բայց և այնպես, այստեղ կարող են լինել բնակիչներ, որոնք ուտելիք ընտրելիս այնքան բժախնդիլ չեն լինում, որքան մենք:»

— 'Հը՛մ, — արձագանքեց Նեդ Կենդը և այդ ակնարկը լսելով, ճպճպացրեց շրթունքները:

— Հե՛յ, Նեդ, ի՞նչ պատահեց ձեզ, — հարցրեց Կոնսելը:

— Ազնիվ խոսք, — ասաց կանադացին, — ես սկսում եմ հասկանալ, թե որքան լավ բան է մարդակերությունը:

— Նե՛դ, Նե՛դ, այդ ի՞նչ ասացիք, — բացակառնչեց Կոնսելը, — ուրեմն դուք մարդակե՛ր եք, ուրեմն ձեզ հետ միասին գտնվելով միևնույն նավասենյակում, ես ամբողջ ժամանակ վտանգի՞ եմ մատնվել: Ուրեմն մի գեղեցիկ օր դուք կարող եք ուտե՛լ ինձ:

— Կոնսել, բարեկամս, ես ձեզ սիրում եմ, բայց ոչ այնքան, որ ուտեմ ձեզ:

— Չեմ հավատում ձեզ, — պատասխանեց Կոնսելը, — եկեք սկսենք որսը: Պետք է մի որևէ թռչուն գցել սրան, թե չէ առաջիկա օրերից մեկում տերը իր նախկին սպասավորից միայն ոսկորներ կգտնի:

Այն ժամանակ, երբ Նեդն ու Կոնսելն այսպիսի կատակներ էին փոխանակում, մենք հասանք ռնտաու: Երկու ժամվա շափ մենք ծայրեծայր շրջեցինք մթին անտառը:

Մեզ հաջողվեց սննդատու բույսեր գտնել: Օրինակ՝ մենք գտանք արևադարձային գոտու ամենաօգտակար բույսերից մեկը: Սա մեզ տվեց այն ուտելիքը, որ «Նաուտիլուսում» չէինք գտնում:

Ես խոսում եմ հացի ծառի մասին, որ առատ աճում է Գվեբորոար կղզում: Մենք շատ շուտով գտանք նրա անսերմ տեսակը, որին մալայացիները «ռիմա» են անվանում:

Հացի ծառը մյուս ծառերից տարբերվում էր իր ուղիղ բնով, որ ուներ քառասուն ոտնաչափ բարձրություն: Ծառի գեղեցիկ, կլորածև կատարը, բաղկացած մեծ, երկարածև տերևներից, իսկույն գրավում է բնագետի ուշադրությունը: Խիտ տերևների մեջ կախված էին կլոր սլտուղները: Սրանց մաշկն անհարթ էր և ուներ մեկ դեցիմետր հաստություն: Այս օգտակար ծառը, որ բնությունը պարզևեղ է հացաբույսերից զուրկ վայրերին, տարվա ութ ամսվա ընթացքում պտուղներ է տալիս և ոչ մի խնամք չի պահանջում:

Նեղ կենդը լավ գիտեր այդ պտուղները: Իր բազմաթիվ ճանապարհորդությունների ընթացքում նա արդեն կերել էր դրանցից և գիտեր, թե այդ պտուղներից ինչ ուտելիք կարելի է պատրաստել:

Պտուղները գրգռեցին նրա ախորժակը:

— Պարոն պրոֆեսոր, — ասաց Նեղը, — էլ համբերություն չկա, պետք է փորձեմ:

— Փորձեցեք, Նեղ, փորձեցեք: Չէ՞ որ մենք փորձեր կատարելու համար ենք եկել այստեղ: Դե՛, մի ամաչեք:

— Դրա համար շատ ժամանակ չի պահանջվում, — ասաց նա:

Զինվելով կիզիչ ապակիով, նա իսկույն շորացած փայտ հավաքեց և խարույկ վառեց: Կրակը սկսեց ճթճթալ:

Այդ ժամանակ ես ու Կոնսելը հացի ծառ էինք ընտրում:

Այդ ծառերից մի քանիսի պտուղները դեռ բավականաչափ հասունացած չէին և ծածկված էին հաստ մաշկով: Սակայն կային նաև բազմաթիվ հասունացած, դեղնավուն պտուղներ, որոնք կարծես ուտողների էին սպասում:

Հացի ծառի պտուղների մեջ չկար կորիզ կամ սերմ: Կոնսելը բերեց տասը պտուղ և տվեց Նեղին:

Կանադացին կտոր-կտոր արավ և դրեց կրակին: Այդ ժամանակ նա մի քանի անգամ ասաց.

— Դուք հիմա կտեսնեք, պրոֆեսոր, թե որքան համեղ է այս հացը:

— Մանավանդ որ երկու ամիս հաց չենք կերել, — ավելացրեց Կոնսելը:

— Սա նույնիսկ հաց էլ չէ, — շարունակեց կանադացին, — սա ամենահամեղ կարկանդակն է: Դուք երբեք չե՞ք փորձել, պարոն պրոֆեսոր:

— Երբեք Նեղ:

— Այդ դեպքում պատրաստվեցեք: Դուք կվայելեք ամենահամեղ մի կերակուր: Թող ես արժանի չլինեմ եռաժանոս վարպետի կոչման, եթե դուք շխնդրեք երկրորդ բաժինը:

Մի քանի րոպեից հետո պտուղները լավ խորովված էին: Յուրաքանչյուր պատանի մեջտեղից երևաց փափուկ, սպիտակ միջուկը, որ իր հոտով արտիշոկն էր հիշեցնում:

Պետք է խոստովանեմ, որ հացն իսկապես համեղ էր և ես մեծ հաճույքով էի ուտում:

— Ցավոք սրտի,— ասացի ես,— հաղիվ թե այս միջուկը երկար ժամանակ մնա թարմ վիճակում... ուտի ես կարծում եմ, որ շարժե սրանից պաշար վերցնել:

— Ի՞նչ եք ասում, պարոն պրոֆեսոր,— վրդովված բացականչեց Նեդը,— դուք խոսում եք իբրև տեսարան բնագետ, իսկ ես վարվում եմ ինչպես պրակտիկ հացթուխ: Կոնսել, այս պտուղներից պաշար հավաքեցեք, հետներս կտանենք նավը:

— Իսկ ինչպե՞ս պիտի պատրաստվի պաշարը:

— Ես պտուղների միջուկից խմոր կհունցեմ: Եփ գալուց հետո խմորը կմնա երկար ժամանակ, շի փշանա: Հարկավոր կլինի գործածելուց առաջ այն եփել «Նաուտիլուսի» խոհանոցում: Թեև մի քիչ թթվաշ կլինի, բայց այնպիսի համ կունենա, որ դուք մատներդ էլ հետը կուտեք:

— Նեդ, ես տեսնում եմ, որ շատ հրաշալի է ձեր հացը և մեզ ուրիշ բան հարկավոր չէ...

— Ընդհակառակը, պարոն պրոֆեսոր,— առարկեց կանադացին,— մենք կարող ենք բանջարեղեն և պտուղներ էլ հավաքել:

— Կա՛վ, եկեք պտուղներ ու բանջարեղեն փնտրենք:

Վերջացնելով հացի ծառի պտուղների հավաքելը, մենք սկսեցինք նոր ուտելիղեն փնտրել, որպեսզի մեր «ցամաքացին» ճաշն ավելի բազմադան դարձնենք:

Մեր որոնումներն ապարդյուն չանցան և կեսօրին արդեն բավականաչափ քանակությամբ բանան էինք հավաքել: Այ՛ս հիանալի, քնքուշ, արևադարձային պտուղներն աճում են ամբողջ տարվա ընթացքում: Մալայացիներն այդ պտուղներն անվանում են «պիզանգ» և ուտում են առանց եփելու: Բացի բանաններից մենք հավաքեցինք մանգո կոչված ծառի համեղ պտուղները և անանասներ, որոնք անհավանական մեծություն ունեին: Մենք չէինք ցավում, որ շատ երկար ժամանակ կորցրինք պտուղներ հավաքելու համար:

Կոնսելը շարունակ հետևում էր Նեդ կենդին: Եռաժանովարպետը գնում էր առջևից և, անցնելով թփերի կամ ծա-



ների մոտից, վստահ կերպով պոկում էր լավագույն պտուղները, մեր պաշարը լրացնելու համար:

— Հը՛մ, հարգելի Նեդ, հույս ունեմ, որ հիմա դուք բավարարված եք,— ասաց, վերջապես, Կոնսելը:— Դուք գտա՞ք այն ամենն, ինչ որ ուզում էիք:

— Հը՛մ,— մոմռաց կանադացին:

— Ինչպե՛ս, դուք դեռ դժգո՞հ եք:

— Այս բոլորը ճաշի համար միայն համեմունք է, դեսերտ, քաղցրավենիք: Իսկ ո՞ւր է ապուրը, ո՞ւր է տապակածը:

— Այո, այո, Նեդ,— ասացի ես,— շմոռանաք, խնդրեմ, որ խոստացել եք խորոված ուտեցնել մեզ: Բայց այդ խորովածները կարծես թե չեն երևում...

— Պարոն պրոֆեսոր,— պատասխանեց կանադացին,— որսը ոչ միայն չի վերջացել, այլև դեռ չի էլ սկսվել: Համբերություն: Վաղ թե ուշ մենք կտեսնենք մի որևէ վայրի թըռչուն կամ շորքոտանի,— կամ այստեղ, կամ մի ուրիշ տեղ...

— Եվ եթե ո՛չ այսօր, գոնե մի ուրիշ օր,— կանադացու տոնով վրա բերեց Կոնսելը,— սակայն շարժե մտնել անտառի խորքերը: Ես խորհուրդ եմ տալիս վերադառնալ ծովափ:

— Ինչպե՛ս, արդե՞ն,— աղաղակեց Նեդը:

— Մինչև մթնելը մենք պետք է վերադառնանք նավը,— ասացի ես:

— Բայց հիմա ո՞ր ժամն է,— դժգոհությամբ հարցրեց կանադացին:

— Առնվազն երկուսը,— պատասխանեց Կոնսելը:

— Ցամաքում ինչպե՛ս շուտ է անցնում ժամանակը,— խորը հոգոց հանելով ասաց Նեդ Լենդը:

Մենք վերադառնում էինք անտառի միջով: Ճանապարհին մենք մեր պաշարը լրացնում էինք կաղամբային արմավենու տերևներով,— դրա համար բարձրանում էինք մինչև ծառի գագաթը,— ապա կանաչ բակլայաբույսերով, որ մալաչացիք քաբրու՞ են անվանում, և հիանալի որակի ճամսով:

Մեր բեռան ծանրությունից հոգնած, մոտեցանք մակույկին: Նեդ Լենդը, սակայն, գտնում էր, որ քիչ պաշար ենք հավաքել: Պետք է ասել, որ բախտը ժպտում էր նրան: Մակույկ նստելուց հետո նա հանկարծ նկատեց արմավենիների

և սագոյենների ընտանիքին պատկանող մի քանի ծառեր, որոնք քանհինգ—երեսուն ոտնաչափ բարձրություն ունեն։ Այս ծառերը նույնչափ օգտակար են, որչափ և հացի ծառերը, և իրավամբ համարվում են Մելանեզիայի ամենաթանկագին բույսերից մեկը։

Նեղ Լենդը գիտեր դրանց հետ վարվելու ձևը։

Վերցնելով կացինը, նա մի քանի բոպեում կտրեց երկու-երեք ծառ, որոնց բները ծածկված էին սպիտակ փոշիով, որը ծառերի հասունության նշանն էր։

Ես կանադացուն հետևում էի ավելի շուտ իբրև բնագետ, քան իբրև քաղցած մարդ։ Նա յուրաքանչյուր բնից պոկեց մեծ մատի հաստությամբ կեղևը։ Բացվեց թելերի մի ամբողջ ցանց, որ խճճված էր և հանգույցներ էր կազմում։ Հանգույցների միջև կաշուն ալյուր էր երևում։ Ալյուրը հենց այն մթերքն է, որ Մելանեզիայի բնակչության սննդի գլխավոր, աղբյուրն է հանդիսանում։

Այս անգամ Նեղ Լենդը բավականացավ նրանով, որ ծառերի բները կտոր-կտոր արավ, ինչպես ջարդում են փայտը, հետաձգեց ալյուրի հավաքումը, որովհետև դրա համար անհրաժեշտ էր, որ բների կտորները շորացվեն արևի տակ։

Վերջապես, երեկոյան ժամը հնգին, պաշարով բեռնված, մենք հեռացանք կղզուց և կես ժամ անց մոտեցանք «Նաուտիլուսին»։ Ոչ ոք չդիմավորեց մեզ։ Վիթխարի երկաթե գլանում կարծես ոչ ոք չկար։ Ազատվելով իմ բեռից, ես մտա սենյակս։ Այստեղ ընթրիքը սպասում էր ինձ։ Ընթրեցի ու պառկեցի քնելու։

Հետևյալ օրը, հունվարի 6-ին, ոչ մի նորություն չկար։ Նավի ներսում ոչ մի ձայն, կյանքի և ոչ մի նշույլ։ Մակույկն օրորվում էր նավի կողքին, այնտեղ, ուր մենք թողել էինք։ Մենք որոշեցինք վերադառնալ Գվերորոա կղզին։ Նեղ Լենդը հույս ուներ, որ այս անգամ որսն ավելի հաջող կլինի։ Բացի այդ, մենք շատ էինք ուզում այցելել անտառի մյուս մասը։

Արևը ծագեց թե չէ, մենք ճանապարհ ընկանք։ Դեպի արևը վազող ալիքն արագությամբ տարավ մակույկը, և մենք մոտեցանք կղզուն։

Մենք դուրս եկանք ծովափ և վստահանալով Նեղ Լենդի

բնագղին, քայլեցինք նրա հետևից, հետևելով, որ այդ երկայնաոտ կանադացին շատ շեռանա մեզանից:

Նեղ Լենդը մեզ տարավ կղզու արևմտյան մասի խորքը: Անցնելով մի քանի առվակներից, մենք դուրս եկանք մի հարթավայր, որի մի կողմում գտնվում էր հիանալի անտառը: Առվակի ափին ճախրում էին մի քանի թռչուն, սակայն դրանցից ոչ մեկը թույլ չտվեց մեզ մոտենալու այնքան, որ հնարավոր լիներ խփել հրացանով: Թռչունների այդ վայրմունքն ինձ առիթ տվեց մտածելու, որ նրանք առաջին անգամ շեն հանդիպում երկոտանի արարածների հետ և գիտեն, թե ինչ կարելի է սպասել մարդուց: Դրանից ես հանգեցի այն եզրակացության, որ եթե կղզին այժմ անմարդաբնակ է, այնուամենայնիվ վերջերս այստեղ մարդիկ են այցելել:

Անցնելով ընդարձակ հարթավայրը, մենք մոտեցանք մի փոքրիկ անտառի, որտեղից լսվում էր բազմաթիվ թռչունների երգը:

— Առայժմ դրանք թռչուններ են միայն, — ասաց Կոնսելը:

— Սակայն դրանց մեջ կան և այնպիսիները, որոնց կարելի է ուտել, — պատասխանեց եռաժանու վարպետը:

— Հաղիվ թե, բարեկամս, — առարկեց Կոնսելը, — իմ կարծիքով դրանք թուփակներ են:

— Կոնսել, բարեկամս, — լրջորեն հայտարարեց կանադացին, — թուփակը փասիանի տեղ կարող է ծառայել այն մարդկանց համար, որոնք ուտելու ոչինչ չունեն:

— Իմ կողմից կարող եմ հաստատել, — ասացի ևս, — որ կարելի է թուփակից բավական համեղ կերակուր պատրաստել:

Արդարև, ծառերի խիտ սաղարթի տակ ճախրում էր թուփակների մի ամբողջ երամ, որ պատրաստ էին խոսել մարդկային լեզվով, եթե որևէ մեկը զբաղվեր նրանց դաստիարակությամբ:

Թուփակները շաղակրատում էին իրենց գուցնդգույն էգերի հետ, թռչում ոստից ոստ և ծառից ծառ: Այստեղ էին թուփակների ենթաշոկատների բոլոր տեսակները. դանդաղաշարժ ու ծանրաբարո կակադունները, որոնք կարծես զբաղված

էին ինչ-որ փիլիսոփայական խնդրի լուծմամբ, պայծառ գու-  
նավորված արարները, որոնք թռչելիս նմանվում էին հողմի  
տարած բաղմագույն կերպասի մի կտորի, խելացի յակո-  
թութակները, որոնք մյուսներից ավելի լավ են յուրացնում  
մարդկային լեզուն, և այդ շքնադագեղ, բայց ո՛չ ուտելի  
թռչունների ուրիշ մի շարք տեսակները:

Սակայն նրանց մեջ չկար այն թռչունը, որ լինում է բա-  
ցառապես այս երկրներում ու երբեք չի հեռանում Արրոս և  
Նոր Գվինեա կղզիների սահմաններից: Բայց բախտը ժպտում  
էր ինձ և հնարավորություն տվեց տեսնելու նաև այդ թռո-  
չունը:

Անցնելով ոչ-խիտ, փոքրիկ անտառը, մենք դուրս եկանք  
թփուտներով ծածկված մի մարգագետին: Մեր ոտնաձայնն  
անհանգստացրեց ինչ-որ գեղատեսիլ թռչունների, որոնց փե-  
տուրներն այնպիսին են, որ նրանք կարող են թռչել քամուն  
հանդիպակաց: Նրանց ալեձև թռիչքը, նազելիությունը, որով  
օդի մեջ շրջաններ էին գծում, փետուրների խայտաբղետ  
գույները, այս բոլորը զմայլեցնում էր դիտողին: Ես առանց  
դժվարության ճանաչեցի նրանց:

— Դրախտահավեր են, — բացականչեցի:

— Ողնուցակրծքերի բաժին, ճնճղուկակերպների ջոկատ,  
դրախտահավերի ընտանիք, — անմիջապես ասաց Կոնսելը:

— Գուցե կաքավներն՝ ընտանիք, դու շախավեցի՞ր, Կոն-  
սել, — հարցրեց Նեդ Լենդը:

— Հարցրու պարոնին, Նեդ, — պատասխանեց Կոնսելը:

— Ոչ, Նեդ, — ասացի ես, — թեպետ դրանք կաքավներ  
չեն, ես շատ շնորհակալ կլինեմ, եթե դուք իբրև ճարպիկ  
մարդ, օգնեք ինձ՝ բռնելու այդ շքնադագեղ արևադարձային  
թռչուններից մեկին:

— Կփորձեմ, պարոն պրոֆեսոր, թեև ճիշտն ասած՝ ես  
ավելի շատ սովոր եմ եռաժանուն, քան հրացանին:

Մալայացիները, որ դրախտահավերի աշխույժ առևտուր  
են անում, գործադրում են դրանց որսալու զանազան ձևեր,  
որ դժբախտաբար կիրառել մենք չէինք կարող. մերթ թա-  
կարդներ են դնում բարձր ծառերի գագաթներին, ուր հաճույ-  
քով բույն են հյուսում դրախտահավերը, մերթ սրանց որսում

են հատուկ, խիստ կաշուն սոսնձի միջոցով, մերթ, վերջապես, թունավորում են այն ջրերը, որտեղից այդ թռչունները ջուր են խմում:

Ինչ վերաբերում է մեզ, մնում էր նրանց որսալ հրացաններով, որով այնքան էլ ապահովված չէր հաջողութունը: Եվ իսկապես, մենք կրակեցինք մեր լիցքերի մի զգալի մասը, բայց ոչ մի թռչուն չսպանեցինք:

Մինչև առավոտյան ժամը տասնմեկը մենք արդեն անցել էինք կղզու կենտրոնում գտնվող առաջին բլրաշարքը, սակայն ոչինչ չէինք որսացել: Քաղցը տանջում էր մեզ: Հույս դնելով հաջող որսի վրա, մենք ուտելիք չէինք վերցրել և հիմա դառը զղջում էինք դրա համար: Սակայն այստեղ Կոնսելին հաջողվեց երկու անգամ կրակելով սպանել մի սպիտակ աղավնի և մի այլ թռչուն: Այս հաջողութունը շատ ուրախացրեց մեզ և շատ զարմացրեց հենց իրեն՝ Կոնսելին: Մենք անմիջապես փետրեցինք այդ թռչունները, խորովեցինք շոր փայտից պատրաստված խարույկի վրա:

Այն ժամանակ, երբ սպանված թռչունները խորովվում էին Կոնսելի հսկողության տակ, Նեդ Լենդը պատրաստում էր հացի ծառի պտուղները:

Ինչպես և պետք էր սպասել, խորոված թռչունները մենք կերանք ամբողջովին: Դրանք բավական համեղ էին: Մուսկատի ընկույզները, շրով նրանք ենվում են, մի առանձին բուրմունք էին տվել նրանց, և մեր խորովածը դուրս էր եկել իսկապես որ հրաշալի:

— Սրանք նույնչափ համեղ են, որչափ գետնասնկերով չաղացրած հավերը, — ասաց Կոնսելը:

— Հը՛, Նեդ, հիմա ձեզ էլ ի՞նչ է պակաս, — հարցրի ես:

— Զորքոտանի որս, պարոն պրոֆեսոր, — պատասխանեց կանադացին, — այս թռչնիկները միայն ախորժակ են գրգռում, բայց չեն կշտացնում: Ուստի ես չեմ հանգստանա, մինչև որ չսպանեմ մի իսկական շորքոտանի կենդանի, որից կարելի է խորոված պատրաստել:

— Ես էլ, Նեդ, չեմ հանգստանա, մինչև որ դրախտահավ չբռնեմ:



— Ուրեմն շարունակենք որսը, — ասաց Կոնսելը, — միայն թե վերադառնանք, մոտիկ լինենք ծովին: Մենք արդեն հասել ենք լեռնաշղթաներին: Ես կարծում եմ, որ ավելի խելացի կվարվենք, եթե վերադառնանք ծովամերձ անտառը:

Կոնսելն իրավացի էր, և մենք հետևեցինք նրա խորհրդին: Մի ժամ քայլելուց հետո հասանք անտառ, որ բաղկացած էր գրեթե բացառապես սագո ծառերից: Մի քանի անգամ հանդիպեցինք օձերի, բայց դրանք թունավոր չէին: Դրախտահավերթը թռչում-հեռանում էին, երբ մենք մոտենում էինք նրանց: Ես արդեն կորցրել էի նրանցից գոնե մեկին բռնելու հույսը, բայց Կոնսելը, որ առջևից էր գնում, հանկարծ կուցավ և ուրախ բացականչությամբ դարձավ դեպի ինձ: Նա մի հիանալի դրախտահավ էր բռնել:

— Կեցցե՛ս, Կոնսել, — ասացի ես:

— Պարոնը շատ սիրալիր է, — պատասխանեց նա:

— Ոչ, ոչ, բարեկամս, դու ուղղակի հրաշք գործեցիր: Դրախտահավ բռնել, այն էլ այդպիսի հեշտությամբ, շտեմարված բան է դա:

— Եթե տերը բարեհաճի նայել այս թռչունին, կհասկանա, որ այնքան էլ մեծ չէ իմ ծառայությունը:

— Ինչո՞ւ Կոնսել:

— Որովհետև այս թռչունը հարբած է, մեռնելու շափ հարբած:

— Հարբած է:

— Այո: Մուսկատի ընկույզներից է, որ նա կերել է մուսկատի ծառի տակ, այնպես որ, սրան բռնելը դատարկ բան էր ինձ համար: Նայեցեք ուշադրությամբ, նեղ, ահա անզրույթյան ակներև արդյունքը:

— Ինձ թվում է, Կոնսել, որ դուք հիմք շունեք ակնարկելու, որ վերջին երկու ամսում ես օղի եմ խմել, — պատասխանեց կանադացին:

Այդ ժամանակ ես դիտում էի հետաքրքիր թռչունը: Կոնսելն ինձ շէր խաբում, դրախտահավն իսկապես հարբել էր մուսկատի ընկույզների շմեցնող հյութից և բոլորովին խղճուկ վիճակում էր գտնվում: Նա ոչ միայն չէր կարող թռչել, այլև դժվարությամբ էր քայլում:

Կոնսելի բռնած թռչունը պատկանում էր Նոր Գվինեայում, և հարևան երկրներում ապրող դրախտահավերի ամենագեղեցիկ տեսակին: Այդ տեսակը կոչվում էր «զմրուխտե» և ամենահազվագյուտն էր: Թռչունն ուներ երեսուն սանտիմետր երկարություն: Նրա գլուխը շատ փոքրիկ էր, ինչպես նաև աչքերը, որոնք գտնվում էին հենց կտուցի կողքին:

Թռչունը բազմերանգ էր և նրա գույները մի հրապուրիչ ներդաշնակություն էին կազմում դեղին կտուց, մուգ-դարչնագույն թաթիկներ ու ճանկեր, բաց-դարչնագույն, կարմրածայր թևեր, դեղնավուն փուփլիկ, զմրուխտե-կանաչ պարանոց, շագանակագույն կուրծք և որովայն: Նրա պոչը զարդարում էին երկու փարթամ, խավոտ, աղեղնաձև փետուրներ, որոնք արտասովոր քնքշություն ու գեղեցկություն ունեին: Ընդհանրապես թռչունը շափազանց գեղեցիկ էր և միանգամայն արժանի «արևաթռչուն» տեղական անվանը:

Ես շատ էի ուզում այդ թռչունը կենդանի վիճակում հասցնել Փարիզ և նվիրել կենդանաբանական այգուն, ուր կենդանի դրախտահավեր դեռ չկային:

— Իսկապե՞ս դա հազվագյուտ թռչուն է, — հարցրեց Նեդ կենդն այն որսորդի տոնով, որի համար ոչ-ուտելի վայրի կենդանիները որևէ արժեք չունեն:

— Այո, Նեդ, և, բացի դրանից, շատ դժվար է նրանց կենդանի բռնել: Սակայն այդ թռչունները շատ բարձր են գնահատվում նույնիսկ մեռած վիճակում: Այս պատճառով բնիկները սկսել են կեղծել այդ թռչունները, ճիշտ այնպես, ինչպես Եվրոպայում կեղծում են մարգարիտն ու ադամանդները:

— Ինչպե՞ս, — բացականչեց Կոնսելը, — դրանք կեղծում են դրախտի թռչունները:

— Այո, Կոնսել:

— Եվ պարոնը գիտե, թե այդ ինչպես են անում բնիկները:

— Գիտեմ, Կոնսել: Դրախտահավերն ամառային քամիների ժամանակ գցում են իրենց պոչերի սքանչելի փետուրները: Թռչունների «դրամանենգները» հավաքում են այդ փետուրները և ճարպկորեն կպցնում կամ կարում են մի որևէ

խղճուկ թուփակի պոչին, որի փետուրներն, իհարկե, վաղօրոք պոկում են: Հետո նրանք ներկում են կարը, «լաքում են» թռչունը և... Եվրոպայի թանգարաններին կամ սիրողներին են ուղարկում այդ յուրահատուկ արվեստի արտադրանքը:

— Ի՞նչ կա որ, — դիտեց Նեդ Լենդը, — նրանք գանգատվելու հիմք չունեն: Չէ՞ որ նրանք փետուրներ են ստանում, իսկ դա գլխավորն է, եթե թռչունը չի օգտագործվում ուտելու համար:

Այսպիսով իրագործվեց իմ երազը, ես գտա մի դրախտահավ, իսկ Նեդ Լենդի ցանկությունը (խորովածի նկատմամբ) առայժմ գլուխ չէր գալիս: Այնուամենայնիվ, ցերեկվա ժամը երկուսին կանադացին կարողացավ խփել իսկական անտառային վայրի մի խոզ, այն ցեղից, որ տեղացիները «բառի-ուտանդ» են անվանում:

Նեդի կրակոցը, որի շնորհիվ մենք կարողացանք իսկական տապակած ուտել, ուղղակի հիացմունք պատճառեց մեզ: Նեդ Լենդը հպարտանում էր իր հաջողությամբ: Էլեկտրական գնդակը տեղն ու տեղը սպանեց վայրի խոզին: Կանադացին արագ վրա վազեց և ընթրիքի համար կտրեց հրաշալի ու թարմ միսը: Դրանից հետո վերսկսվեց որսը, որի ժամանակ Նեդ Լենդն ու Կոնսելը պետք է ցույց տային իրենց վարպետությունը:

Արդարև, անցնելով թփուտները, նրանք հայտնաբերեցին մեծ թվով կենդուրուներ, որոնք ցատկոտելով փախան: Բայց որքան էլ արագ էին փախչում, շաղատվեցին էլեկտրական գնդակներից:

— Ա՛խ, պարոն պրոֆեսոր, — բացականչեց Նեդ Լենդը, որ հարբել էր որսի հաջողությամբ, — ինչպիսի՞ հրաշալի միս, մանավանդ, եթե լավ տապակվի: Ուտելեղենի ինչպիսի՞ պաշար «Նուռտիլուսի» համար: Երկու, երեք, չորս կենդուրու: Եվ այս ամբողջ միսը մենք պետք է ուտենք, իսկ այն թանձրամիտները նույն իսկ ձեռք էլ չեն տա:

Ես կարծում եմ, որ եթե կանադացին շշաղակրատեր ուրս խությունից, կսպաներ բոլոր կենդուրուներին: Սակայն նա բավականացավ նրանով, որ սպանեց մի դյուժին այդ հետաքրքիր կաթնասուններից, որոնք ինչպես հայտնեց Կոնսել-

լը, պատկանում էին կենդուրուների ընտանիքին, պարկավոր-  
ների ջոկատին և երկորովաչնավորների ենթադասին:

Սպանված կենդուրուները փոքր մարմիններ ունեին:  
Նրանք պատկանում էին նապաստականման կենդուրուների  
թվին: Այդ կենդանիները ցերեկը խորը քնում են, իսկ գի-  
շերն արթուն են անցկացնում: Կենդուրուների այս տեսակը  
ոչ միայն շտիպազանց արագավազ է, այլև ճարպիկ: Կենդու-  
րուն փոքր մարմին ունի, բայց նրա մորթին բարձր է գնա-  
հատվում:

Մենք շատ գոհ էինք որսի արդյունքներից: Ոգևորված  
Նեդը ծրագրում էր հետևյալ օրը վերադառնալ այդ սքանչելի  
կղզին և սպանել այնտեղ ապրող բոլոր շորքոտանիներին:  
Սակայն նա չէր նախատեսել, որ դեպքերն այլ ընթացք կըս-  
տանան:

Երեկոյան ժամը մոտ վեցին մենք մոտեցանք ծովափին:  
Մակուկն այնտեղ էր, ուր թողել էինք: «Նաուտիլուսը», որ  
հեռվից երկար խութի էր նմանվում, մեզանից երկու մղոն  
հեռավորության վրա պառկել էր ջրի մեջ:

Նեդ Լենդն անմիջապես սկսեց ճաշի պատրաստություն  
տեսնել: Նա խոհարարական գործի վարպետ էր: Նրա տա-  
պակած «կոտլետները» շուտով օդը լցրին ամենահաճելի  
բուրմունքով...

Ինչ վերաբերում է ինձ, պետք է խոստովանեմ, որ ես ևս  
հիացած էի խոզի տապակած մսից: Թող ընթերցողն ինձ նե-  
րի այդ, ինչպես ես ներեցի կանադացուն...

Այսպես, ճաշը շտիպազանց լավ էր: Երկու մեծ աղավնի-  
ներ լրացնում էին ճաշը: Երկու սագո, հացի ծառի պտուղնե-  
րը, մանգուի մի քանի պտուղները, կես դյուժին անանասն ու  
կոկոսյան ընկույզի եփած հյութը բավականաչափ բարձրաց-  
րին մեր տրամադրությունը: Ինձ թվում էր, որ իմ արժա-  
նավոր ընկերները, ինչպես նաև ես, ծանրացել էինք կշտա-  
նալուց:

— Եկեք այս երեկո շվերադառնանք «Նաուտիլուս»,—  
առաջարկեց Կոնսելը:

— Իսկ ի՞նչ կլինի, եթե առհասարակ շվերադառնանք,—  
ավելացրեց Նեդ Լենդը:

Այդ վայրկյանին մի քար ընկաւ այնտեղ, ուր մենք գտնվում էինք, և դրանով ընդհատվեց եռաժանու վարպետի խոսքը:

## ԳԼՈՒԽ ՔՍԱՆԵՐԿՈՒԵՐՈՐԴ

### ՆԱՎԱՊԵՏ ՆԵՄՈՅԻ ԿԱՅՄԱԿԸ

Առանց վեր կենալու մենք նայեցինք անտառի կողմը: Իմ ձեռքը քարացավ դեռ պատառը բերանիս շհասցրած, իսկ Նեդ Լենդը կուլ տվեց հերթական պատառը:

— Սովորաբար երկնքից քարեր չեն ընկնում,— ասաց Կոնսելը,— իսկ եթե ընկնում են, դրանք օդաքարեր են կոչվում:

Երկրորդ քարը, որ ավելի հաջող էր նետված, դիպավ Կոնսելի վերցրած մսակտորին ու վայր գցեց այն, հաստատելով նրա դիտողության լրջությունը:

Վեր թռչելով և հրացանները գցելով ուսերիս, մենք պատրաստ էինք դիմավորելու ամեն մի հարձակման:

— Մի՞թե դրանք կապիկներ են,— բացականչեց Նեդ Լենդը:

— Համարյա թե,— պատասխանեց Կոնսելը,— դրանք վայրենիներ են:

— Դեպի մակո՛ւյկը,— հրամայեցի ես ու քայլեցի դեպի ծովը:

Հիրավի, ժամանակն էր նահանջել, որովհետև հարյուր քայլ հեռու, մեր ձախ կողմից հորիզոնը ծածկած անտառի մոտ երևացին քսան հոգի վայրենիներ, որոնք զինված էին մեծ աղեղներով ու պարսատիկներով:

Մակույկը գտնվում էր մեզնից քսան քայլի վրա:

Վայրենիները մոտենում էին առանց շտապելու, բայց ակնհայտ թշնամական դիտավորություններով: Քարերն ու նետերը թափվում էին կարկտի նման:

Նեդ Լենդը շուգեց թողնել հավաքած մթերապաշարը և, շնայելով մեզ սպառնացող վտանգին, սպանված կենդուրուներն ու խողերը քարշ տվեց դեպի մակույկը:



Երկու ըռպեում մենք տեղափոխեցինք պարենը, զենքերը, մակույկը մղեցինք դեպի ջուրը, ամրացրինք թիակները և նստեցինք: Դեռ երկու կարելուով էլ չէինք հեռացել, երբ հարյուրավոր վայրենիներ, աղաղակելով ու մոնչալով, մինչև գոտկատեղերը մտան ջուրը: Ես կարծում էի, որ «Նաուտիլուսը» անձնակազմն ուշադրություն կդարձնի նրանց աղմուկի վրա, բայց ո՛չ, սուզանավի տախտակամածում ոչ ոք չկար:

Քսան ըռպեից հետո մենք մոտեցանք «Նաուտիլուսին»: Իննուկը բաց էր: Մակույկը կապելով նավի կողքին, ներս մտանք:

Ես անցա սրահ, որտեղից լսվում էին երգեհոնի հնչյունները: Նավապետ Նեմոն նվագում էր այնպիսի մի եռանդով, որ նույնիսկ շնկատեց իմ ներս մտնելը:

— Նավապետ,— ասացի ես:

Նա չէր լսում:

— Նավապետ,— կրկնեցի ես, ձեռս հսկելով նրա ուսին:

Նա ցնցվեց ու արագ ետ նայեց:

— Ախ, այդ դո՛ւք եք, պարոն պրոֆեսոր,— ասաց նա,— ինչպե՛ս անցավ ձեր որսը, ի՞նչ բույսեր գտաք:

— Շնորհակալություն, նավապետ, շատ լավ անցավ: Սակայն չեմ թաքցնում մի բան, մեր հետևից եկավ երկոտանիների մի ամբոխ, որն ինձ վտանգավոր է թվում...

— Երկոտանիներ:

— Վայրենիներ:

— Վայրենիներ,— ձայնը հեզնոտ երկարացնելով ասաց նավապետ Նեմոն:— Երևի դուք զարմացաք, պրոֆեսոր, որ դուրս գալով մեր մոլորակի ցամաքներից մեկը, դուք հանդիպել եք վայրենիների: Որտե՞ղ ասես, որ վայրենիներ չկան... և հետո, մյուսներից ինչո՞վ են վատ այդ մարդիկ, որոնց դուք վայրենիներ եք անվանում:

— Բայց, նավապետ...

— Ինչ վերաբերում է ինձ, ես ամեն տեղ վայրենիների եմ հանդիպել:

— Այնուամենայնիվ,— պատասխանեցի ես,— խորհուրդ

եմ տալիս նախազգուշութեան միջոցներ ձեռք առնել, եթե չեք ուզում, որ նրանք հարձակվեն «Նաուտիլուսի» վրա:

— Հանգստացեք, շարժե մտածել դրա մասին:

— Բայց սյու վայրենիները խիստ շատ են:

— Որքա՞ն:

— Հարյուրից ոչ պակաս:

— Պարոն Արոնաքս, — ասաց նավապետը, մատները նորից դնելով երգեհոնի ստեղներին, — եթե Նոր Գվինեայի բոլոր բնիկները հավաքվեն այս ծովափում, դարձյալ ոչ մի վտանգ չի սպառնա «Նաուտիլուսին»:

Նավապետը սկսեց նվագել երգեհոնը: Ես ուշադրութեամբ դարձրի սյուն հանգամանքի վրա, որ նա խփում է միայն սև ստեղներին, ուստի նվագը մինորային երանգավորում էր ստանում: Նավապետը շուտով մոռացավ իմ ներկայութեանը և ամբողջովին անձնատուր եղավ երաժշտության: Ես այլևս չհամարձակվեցի խանդարել նրան և կամացուկ դուրս եկա սրահից:

Ես բարձրացա տախտակամածը: Արդեն իջել էր գիշերը: Այդ գոտում գիշերը ցերեկվան հաջորդում է միանգամից, առանց մթնշաղի: Գվեբորոար կղզին հազիվ նշմարվում էր խավարում: Ծովափում վառված բազմաթիվ խարույկներն ապացուցում էին, որ վայրենիները շեն էլ մտածում այնտեղից հեռանալ:

Երկար ժամերի ընթացքում ես մենակ գտնվում էի տախտակամածի վրա, մերթ հիշում բնիկներին, բայց արդեն առանց որևէ անհանգստության, որովհետև նավապետ Նեմոյի ինքնավստահության շնորհիվ սրտապնդվել էի, մերթ ուղղակի անձնատուր էի լինում արևադարձային այդ գիշերվա հմայքին: Իմ երազները թռչում էին դեպի Ֆրանսիա, նայում էի երկնքի հյուսիսային մասում շողշողացող աստղերին, որոնք մի քանի ժամից հետո պետք է տեսնեին իմ հայրենիքը: Կուսինը սկսեց բարձրանալ, համաստեղութունները գունաավում էին: Ես մտածեցի, որ երկրի այդ հավատարիմ արբանյակը երկու օրից հետո կանցնի նույն երկնային ճանապարհը, որ բարձրացնի ծովի ջուրը և «Նաուտիլուսն» ազատի ծանծաղուտից: Կեսգիշերվան մոտ էր: Համոզվելով, որ

մթաղնած ջուրը նույնքան հանգիստ է, որքան և ծառերի սավերների տակ նիրհած ծովափը, ես վերադարձա իմ սենյակն ու հանգիստ քնեցի:

Գիշերն անցավ առանց որևէ պատահարի: Ըստ երևույթին վայրենիները վախեցել էին հենց միայն հրեշի տեսքից, որ պառկած էր ջրում: Վայրենիները շէին երևում, շնայած, որ դռնակները բաց էին, և նրանք կարող էին ազատ մտնել «Նաուտիլուսի» մեջ:

Հունվարի 8-ին, առավոտյան ժամը վեցին, ես էլի բարձրացա տախտակամածը: Կույսը նոր էք բացվում: Շուտով մառախուղի քուլաների միջից երևաց կղզին, սկզբում ծովափը, հետո նաև ծառերի գագաթները:

Բնիկները դեռ այնտեղ էին և ավելի էին շատացել, կլինեին մոտ հինգ—վեց հարյուր հոգի: Օգտվելով տեղատվությունից, նրանցից ոմանք խուժերի վրայով մոտեցան «Նաուտիլուսին» և կանգ առան նավից ընդամենը երկու կաբելտով հեռավորությամբ:

Սովորական աչքով ես լավ տեսնում էի նրանց: Վայրենիները պապուասներ էին, վիթխարահասակ, հիանալի կազմըվածքով, բարձրաճակատ, մեծ, բայց ոչ տափակ քթով, ճերմակ ատամներով: Կարմիր գույնով ներկված նրանց գանգուր մազերն աչքի էին ընկնում սև, փայլուն մարմինների վրա: Ականջների բլբակները բաժանված էին երկու մասի և նրանցից ոսկրյա թաղբեններ էին կախված:

Տղամարդկանց մեծ մասը բոլորովին մերկ էր: Այնտեղ գտնվող մի քանի կանայք հագել էին կանաչներից հյուսած շրջալզեստ ու կապել լիանայից պատրաստած գոտի: Շրջազգեստը կոնքերից իջնում էր մինչև ծնկները: Մի քանիսի, ըստ երևույթին, ցեղապետների, պարանոցները զարդարված էին մանյակով, որ պատրաստված էր գունավոր՝ սպիտակ ու կարմիր ապակիներից: Բոլորը զինված էին աղեղներով, նետերով ու վահաններով: Շատերի մեջքից կախված էին կլոր քարերով լի ցանցեր: Այդ քարերը նրանք դնում են պարսատիկի մեջ ու նետում մեծագույն վարպետությամբ:

Պարագլուխներից մեկը մյուսներից ավելի մոտեցավ «Նաուտիլուսին» և լարված ուշադրությամբ զննեց այն: Երե-

մթաղնամ ջուրը նույնքան հանգիստ է, որքան և ծառերի սավերների տակ նիրհած ծովափը, ես վերադարձա իմ սենյակն ու հանգիստ քնեցի:

Գիշերն անցավ առանց որևէ պատահարի: Ըստ երևույթին վայրենիները վախեցել էին հենց միայն հրեշի տեսքից, որ պառկած էր ջրում: Վայրենիները շէին երևում, շնայած, որ դռնակները բաց էին, և նրանք կարող էին ազատ մտնել «Նաուտիլուսի» մեջ:

Հունվարի 8-ին, առավոտյան ժամը վեցին, ես էլի բարձրացա տախտակամածը: Կույսը նոր էր բացվում: Շուտով մառախուղի քուլաների միջից երևաց կղզին, սկզբում ծովափը, հետո նաև ծառերի գագաթները:

Բնիկները դեռ այնտեղ էին և ավելի էին շատացել, կլինեին մոտ հինգ—վեց հարյուր հոգի: Օգտվելով տեղատվությունից, նրանցից ոմանք խուժերի վրայով մոտեցան «Նաուտիլուսին» և կանգ առան նավից ընդամենը երկու կաբելտով հեռավորությամբ:

Սովորական աչքով ես լավ տեսնում էի նրանց: Վայրենիները պապուասներ էին, վիթխարահասակ, հիանալի կազմըվածքով, բարձրաճակատ, մեծ, բայց ոչ տափակ քթով, ճերմակ ատամներով: Կարմիր գույնով ներկված նրանց գանգուր ծաղերն աչքի էին ընկնում սև, փայլուն մարմինների վրա: Ականջների բլբակները բաժանված էին երկու մասի և նրանցից ոսկրյա թաղբեններ էին կախված:

Տղամարդկանց մեծ մասը բոլորովին մերկ էր: Այնտեղ գտնվող մի քանի կանայք հագել էին կանաչներից հյուսած շրջալզեստ ու կապել լիանայից պատրաստած գոտի: Շրջազգեստը կոնքերից իջնում էր մինչև ծնկները: Մի քանիսի, ըստ երևույթին, ցեղապետների, պարանոցները զարդարված էին մանյակով, որ պատրաստված էր գունավոր՝ սպիտակ ու կարմիր ապակիներից: Բոլորը զինված էին աղեղներով, նետերով ու վահաններով: Շատերի մեջքից կախված էին կլոր քարերով լի ցանցեր: Այդ քարերը նրանք դնում են պարսատիկի մեջ ու նետում մեծագույն վարպետությամբ:

Պարագլուխներից մեկը մյուսներից ավելի մոտեցավ «Նաուտիլուսին» և լարված ուշադրությամբ զննեց այն: Երե-

վում էր, որ նա կարևոր անձնավորութունն է, քանի որ աչքի էր ընկնում բանանի տերևներից պատրաստված հագուստով: Այդ հագուստը գույնզգույն էր, և փեշերը զարդարված էին զանազան նախշերով:

Ինձ համար դժվար չէր գնդակահարել վայրենուն, որ շատ մոտիկ էր կանգնած: Սակայն ես որոշեցի սպասել, մինչև որ նա ինքը ցույց տա իր թշնամական դիտավորութունները: Երբ եվրոպացին հանդիպում է վայրենուն, պետք է պաշտպանվի և ոչ թե հարձակվի:

Քանի դեռ շարունակվում էր տեղատվութունը, վայրենիները թափառում էին «Նաուտիլուսի» շուրջը: Սակայն նրանք ոչ մի թշնամութուն չէին ցույց տալիս: Ես լսում էի, որ նրանք հաճախ կրկնում են «assai» բառը և նրանց շարժումներից հասկացա, որ ինձ հրավիրում են ծովափ: Սակայն ես գերադասեցի առայժմ չընդունել այդ հրավերը:

Իհարկե այդ օրը մակույկն այնպես էլ կապված մնաց «Նաուտիլուսի» կողքին: Դա շատ էր վշտացնում Նեդ Լենդին, որը պարենի պաշարը լրացնելու բուն ցանկութուն ուներ: Հնարամիտ կանադացին առայժմ զբաղված էր նրանով, որ գալիք օրերի համար պատրաստում էր Գվեբորոար կղզուց բերված միսն ու «հացը»:

Առավոտյան ժամը մոտ տասնմեկին, հենց որ մակընթացութունը սկսվեց և ալիքները ծածկում էին ժայռերի կատարները, վայրենիները վերադարձան ծովափ: Այնտեղ, սակայն, նրանց թիվն ավելանում էր շարունակ: Շատ հավանական էր, որ նրանք այստեղ էին հավաքվում հարևան կղզիներից: Մյուս կողմից, սակայն, ես դեռ չէի տեսել տեղական ոչ մի ծառակուր (նավակ): Զգիտենալով, թե ինչպես անցկացնեմ ժամանակը, ես որոշեցի ուսումնասիրել ծովի հատակը, ուր կային բազմաթիվ խեցիներ, զոոֆիտներ ու ծովային բույսեր: Ժամանակն էր այդ անելու, մանավանդ որ այսօր մենք վերջին անգամ էինք գտնվում Նոր Գվինեայի ավերում. իհարկե, եթե նավապետ Նեմոյի նախագուշակութունը կատարվեր և մակընթացութունն իսկապես բարձրացներ «Նաուտիլուսը»:



Ես կանչեցի Կոնսելին. նա ինձ բերեց մի ուռկան, որով  
սասրիներ են որսում:

— Ինչպե՞ս են իրենց պահում վայրենիները,— հարցրեց  
Կոնսելը,— սլարոնի թուլլտվությամբ պետք է ասեմ, որ  
նրանք ինձ վրա շար մարդկանց տպավորություն չեն թողնում:

— Այնուամենայնիվ նրանք մարդակերներ են, բարե-  
կամ:

— Կարելի է մարդակեր և միևնույն ժամանակ լավ մարդ  
լինել,— ասաց Կոնսելը,— ինչպես և կարելի է լինել շատա-  
կեր, բայց կարգին մարդ: Մեկը մյուսին չի խանգարի:

— Լավ, Կոնսել, ես քեզ զիջում եմ. դրանք ազնիվ մար-  
դակերներ են և իրենց գերիներին ուտելիս պահպանում են  
քաղաքավարության բոլոր կանոնները: Բայց և այնպես, ես  
չեմ ուզում, որ ինձ ուտեն նույնիսկ ազնիվ մարդիկ, և ես  
պետք է զգույշ լինեմ, որովհետև «Նաուտիլուսի» նավապետը  
նախազգուշության ոչ մի միջոց ձեռք չի առնում: Իսկ այժմ  
պետք է գործի անցնել:

Երկու ժամվա ընթացքում մենք ջուրն էինք մտցնում ուռ-  
կանը, սակայն ոչ մի հետաքրքիր բան չորսացինք: Պա-  
տահում էին կալմարներ, սանրաձև կախաններ, ծովային  
աստղեր, որոնք ամենագեղեցիկներն էին իմ տեսածնե-  
րից, գոլոտուրներ և փոքրիկ խեցգետիններ: Մենք որոշե-  
ցինք վերջիններս հանձնել խոհանոց: Եվ ահա այն րոպեին,  
երբ դու ինձ համար անսպասելի էր, ես հրաշք տեսա... ավե-  
լի ճիշտ՝ տեսա արտասովոր, հազվագյուտ այլանդակություն:  
Կոնսելը ջրից հանց բազմաթիվ խեցիներ, որոնք ոչ մի հե-  
տաքրքրություն չէին ներկայացնում: Նա շափազանց զար-  
մացավ, տեսնելով, թե ինչպես ես հանկարծ դուրս քաշեցի  
ուռկանը, հանեցի մի խեցի և արձակեցի այնպիսի արտասո-  
վոր մի ճիշ, որ լինում է հազվագյուտ դեպքերում և հատուկ  
է միայն խխունջաբաններին:

— Ի՞նչ պատահեց պարոնին,— զարմացած հարցրեց  
Կոնսելը,— տիրոջը որևէ բան կձեռք:

— Ոչ, բարեկամս, բայց այս գյուտի համար ես պատ-  
րաստ էի զրկվել իմ մատից:

— Ի՞նչ գյուտ:

— Այս խեցին, — հրճվանքով ասացի ես:

— Բայց չէ՞ որ այդ ամենասովորական մի խեցի է, որ պատկանում է սանրածև քիմուխասովորների ընտանիքին, փորոտանիների ջոկատին, կակղամորթների դասին...

— Միանգամայն ճիշտ է, Կոնսել, բայց այս խեցին ոլորված է ոչ թե աջից ձախ, ինչպես լինում է սովորաբար, այլ ձախից աջ:

— Մի՞թե այդ հնարավոր է, — զարմացած հարցրեց Կոնսելը:

— Այո, սիրելիս: Սա ձախլիկ խեցի է:

— Ձախլիկ խեցի՞, — կերկերող ձայնով կրկնեց Կոնսելը:

— Նայիր նրա կազմվածքին:

— Թող պարունն ինձ հավատա, որ ես երբեք այսչափ չեմ հուզվել, — ասաց Կոնսելը, զգուշությամբ վերցնելով խեցին:

Արդարև, հուզվելու բավականաչափ առիթ կար: Բոլորին հայտնի է, որ բնության մեջ մեծ մասամբ շարժումը տեղի է ունենում աջից ձախ:

Աւտղերը և իրենց արբանյակներն աջից ձախ են շարժվում: Մարդու աջ ձեռքն ավելի է զարգացած, քան ձախը, ուստի բոլոր գործիքները՝ ապարատները, կողպանքները, ժամացույցի զսպանակները հարմարեցրած են այնպես, որ շարժվեն աջից ձախ: Բնությունը պահպանում է այս օրենքը, եթե դա կարելի է օրենք անվանել. պահպանում է նաև կակղամորթների նկատմամբ: Սրանք բոլորը ոլորված են աջից ձախ, իսկ երբ հազվագյուտ դեպքերում պատահում են ձախլիկ խեցիներ, սիրողները պատրաստ են ձեռք բերել դրանց, ինչ գնով էլ որ լինի:

Ես ու Կոնսելը հափշտակված դիտում էինք մեր գյուտը: Ես արդեն երազում էի, թե ինչպես այն կնվիրեմ Փարիզի բնագիտական թանգարանին, երբ հանկարծ վայրենու ձեռքով նետված քարը ջարդեց այդ թանկարժեք խեցին, որ գտնվում էր Կոնսելի ձեռքում:

Ես հուսահատորեն ճշացի: Կոնսելը վերցրեց իմ հրացանը և նշան բռնեց վայրենու վրա, որ մեզանից տասը մետր հեռավորությամբ թափահարում էր պարսատիկը: Ես ուզում էի վսպել Կոնսելին, բայց չկարողացա: Նա կրակեց, և գնդա-

կը ջարդ ու փշուր արավ վայրենու ենթադաստակը զարդա-  
րող համայնիւր:

— Կոնսել,— կշտամբանքով աղաղակեցի ես,— Կոնսել:

— Ի՞նչ: Մի՞թե պարոնը չի տեսնում, որ այդ մարդակերն  
առաջինը հարձակվեց մեզ վրա:

— Մարդու կյանքն ավելի թանկ է, քան ամեն մի խեցի,  
Կոնսել:

— Ախ, սրիկա... Ես կգերադասեի, որ նա խփեր ինձ և ոչ  
թե խեցուն,— բացականչեց Կոնսելը:

Նա խոսում էր բոլորովին անկեղծ, բայց ինձ շհամողեց,  
որ իրավացի է:

Մինչ այս մինչ այն, վերջին բոպեններին, երբ մենք զբաղ-  
ված էինք ձախլիկ խեցին դիտելով, դրուժյունը փոխվեց: Տե-  
ղացիների մոտ քսան ծառակուրներ շրջապատեցին «Նաու-  
տիլուսը»: Այդ ծառակուրները, որ պատրաստված են ծառերի  
բներից, նեղ են, երկար և հարմարեցրած են արագ լողալու  
համար, ջրի վրա իրենց հավասարակշռությունը պահպանում  
են բամբուկից պատրաստված ինչ-որ հարմարանքի շնորհիվ:

Այդ հարձակումն անհանգստացրեց ինձ:

Ակներև էր, որ պապուասներն առաջ հանդիպել են եվրո-  
պացիներին, տեսել նրանց նավերը: Սակայն նրանք ի՞նչ  
կարող էին մտածել սիգարաձև նավի մասին, որ կառուցված  
էր երկաթից, շուներ ոչ կայմ, ոչ ծխնելույզ և շնչին շափով էր  
երևում ջրի վրա: Ըստ երևույթին ոչ մի լավ բան չէին մտա-  
ծում, որովհետև երկար ժամանակ չէին համարձակվում մո-  
տենալ: Սակայն, համոզվելով, որ մենք ոչ մի հարձակողա-  
կան տրամադրություն չունենք, նրանք հետզհետե ընտելա-  
ցան նավին, ավելի համարձակ դարձան և որոշեցին ավելի  
մոտիկից ծանոթանալ նավի հետ: Սակայն հենց այդ էր, որ  
չպետք էր թույլ տալ: Մեր հրացանները, որ կրակում էին  
առանց աղմուկի, չէին կարող ուժեղ տպավորություն գործել  
վայրենիների վրա, որոնց դուր էր գալիս միայն թնդանոթնե-  
րի ուժեղ որոտը: Այդպես էլ կայծակը, որին չի հետևում  
որոտը, չի վախեցնում մարդկանց, թեպետ հանրահայտ է,  
որ վտանգավորը կայծակն է և ոչ թե որոտը:

Այդ րոպեին մի քանի ծառակուր մոտեցան «Նառուտիլու-  
սին», և նետերը սկսեցին տեղալ տախտակամածի վրա:

— Գրո՛ղը տանի,— բացականչեց Կոնսելը,— կարկուտի  
նման թափվում են նետերը, այն էլ, ով գիտե, թունավոր-  
ված են...

— Պետք է նախազգուշացնել նավապետ Նեմոյին,— ա-  
սացի ես ու քայլեցի դեպի դռնակը:

Մտա սրահ, բայց այնտեղ ոչ ոք չկար: Թակեցի նավապետ  
Նեմոյի սենյակի դուռը:

— Մտեր,— պատասխանեցին ներսից:

Նավապետ Նեմոն ինչ-որ բարդ հաշիվներ էր անում: Նրա  
առջև կուտակված թղթերի վրա հանրահաշվական նշաններ  
էին երևում:

— Ես ձեզ անհանգստացրի՞,— քաղաքավարության հա-  
մար հարցրի ես:

— Իսկապես որ, պարոն պրոֆեսոր,— պատասխանեց  
նավապետը,— սակայն ինչպես երևում է, դուք լուրջ հիմքեր  
ունեք ինձ անմիջապես տեսնելու:

— Շատ լուրջ: Մեզ շրջապատել են բնիկների ծառակուր-  
ները և հավանորեն ոչ ուշ, քան մի քանի րոպեից հետո հար-  
յուրավոր վայրենիներ կհարձակվեն մեզ վրա:

— Հը՛մ, նրանք ծառակուրներո՞վ են եկել,— բոլորովին  
հանգիստ ասաց նավապետը:

— Այո, նավապետ:

— Այդ դեպքում բավական է փակել դռնակը:

— Ես էլ հենց այդպիսի խորհուրդ էի ուզում տալ ձեզ:

— Դրանից էլ հասարակ բա՞ն,— պատասխանեց նավա-  
պետ Նեմոն:

Եվ սեղմելով էլեկտրական զանգի կոճակը, նա համապա-  
տասխան հրաման տվեց անձնակազմին:

— Ուրիշ ոչինչ,— րոպեական լռությունից հետո ասաց  
նա,— մակուշկը դրված է իր տեղը և փակված է անցքը:  
Հույս ունեմ, որ դուք չեք վախենա, թե վայրենիները կվնա-  
սեն նավը, որի դեմ անզոր էին «Աբրահամ Լինկոլնի» ար-  
կերը:

— Ոչ, չեմ վախենում: Սակայն մի վտանգ էլ կա, նավապետ:

— Ի՞նչ վտանգ, պրոֆեսոր:

— Վաղը, այս ժամին, հարկավոր կլինի բաց անել անցքերը, «Նաուտիլուսի» օդի պաշարը լրացնելու համար:

— Միանգամայն ճիշտ է, պրոֆեսոր, քանի որ իմ նավը շնչում է այնպես, ինչպես կետ ձկները:

— Իսկ եթե այդ ժամանակ պապուասները լինեն նավի տախտակամածի վրա, կարող են ներխուժել, և ես չգիտեմ, թե դուք ինչով պիտի դրա առաջն առնեք:

— Ուրեմն, պրոֆեսոր, դուք հավատացած եք, որ նրանք կմտնեն «Նաուտիլուսի» մե՞ջ:

— Միանգամայն հավատացած եմ:

— Ի՞նչ կա որ, թող մտնեն: Ոչ մի հիմք չունեմ նրանց խանգարելու: Չէ՞ որ նրանք խեղճ ու կրակ վայրենիներ են: Ես բոլորովին չեմ ցանկանում, որ այդ դժբախտներից մեկն ու մեկը զրկվի կյանքից, միայն այն պատճառով, որ ես այցելել եմ Գվեբորոար կղզին:

Ես ուզում էի գլուխ տալ և հեռանալ, սակայն նավապետ Նեմոն հրավիրեց նստել իր կողքին: Նա հետաքրքրությամբ հարցեր էր տալիս ինձ մեր արշավների և որսի մասին: Նավապետն այնպես էր ցույց տալիս, որ իբր թե չի հասկանում, թե ինչու կանադացին այնպես կարոտել է մսին: Այնուհետև խոսակցության նյութը փոխվեց: Նավապետ Նեմոն դարձյալ սակավախոս էր, բայց իրեն պահում էր վերին աստիճանի սիրալիր:

Ի միջի այլոց խոսեցինք «Նաուտիլուսի» մասին, որը ծանծաղուտին է նստել այն նեղուցում, ուր քիչ էր մնացել խորտակվելին Դյումոն Դյուրվիլի նավերը:

Այս առթիվ նավապետ Նեմոն ասաց.

— Դյուրվիլն ամենամեծ ծովագնացներից մեկն էր, ինչպես նաև Ֆրանսիայի ամենակիրթ մարդկանցից մեկը: Այդ ֆրանսիական նավապետ Կուկն էր: Խեղճ գիտնական: Պայքարել Հարավային բևեռի սառույցների դեմ, Օվկիանոսի կորալլների, Խաղաղ օվկիանոսի կղզիներում բնակվող մարդկաներների դեմ և վերջ ի վերջո մեռնել քաղաքամերձ երկաթու-



ղո՞ւ գնացքի խորտակման ժամանակ: Եթե այդ արիասիրտ մարդն իր կյանքի վերջին րոպեներին մտածելու հնարավորություն է ունեցել, ապա կարո՞ղ եք երևակայել, թե ինչպես է մտածել:

Այս ասելիս նավապետ Նեմոն հուզված էր թվում: Այդ հուզումը պատիվ էր բերում նրան:

Այնուհետև քարտեզի օգնութեամբ մենք ուսումնասիրեցինք Փրանսիական մեծ ծովագնացի բոլոր աշխատանքները, նրա բոլոր շուրջերկրյա ճանապարհորդությունները, Հարավային բևեռը հայտնագործելու նրա երկու փորձերը, որոնք անհաջող էին վերջացել, բայց որոնց շնորհիվ հայտնաբերվել էին Ադելի և Լուի Ֆիլիպի երկրները:

Վերջապես, մենք հիշեցինք, թե նա ջրագիտական ինչպիսի հետազոտություններ է կատարել Խաղաղ օվկիանոսի խորագույն կղզիների շուրջը:

— Այն, ինչ ձեր Դյուրվիլն արել է օվկիանոսի վրա, ես կրկնում եմ նույնը օվկիանոսի խորքերում, բայց ավելի հիմնավոր ու ճշգրիտ կերպով և ավելի քիչ աշխատանք ու ճիգ գործադրելով:

Դյումոն Դյուրվիլի «Աստրոլաբիա» և «Եռանդ» նավերը, որ այնքան երկար ժամանակ անցնում էին մրրկահույզ ծովերով, իհարկե շեն կարող համեմատվել «Նաուտիլուսի», իսկական ստորջրյա տան հետ, որի անդորր առանձնասենյակներում ոչինչ չի խանգարում աշխատանքին:

— Այնուամենայնիվ, նավապետ, մի տեսակետից «Նաուտիլուսի» բախտը նման է «Աստրոլաբիայի» և «Եռանդի» բախտին, — ասացի ես:

— Ո՞ր տեսակետից, պարոն պրոֆեսոր:

— «Նաուտիլուսը», ինչպես և այդ նավերը, միևնույն տեղում նստեց ծանծաղուտին:

— «Նաուտիլուսը» չի նստել ծանծաղուտին, — սառը պատասխանեց նավապետ Նեմոն, — «Նաուտիլուսը» ստեղծված է նրա համար, որպեսզի հանգստանա ծովի հատակում: Ես այնպիսի տանջալից ջանքեր չեմ թափելու, ինչպես այդ արեց Դյումոն Դյուրվիլն իր նավերը ծանծաղուտից ազատելու համար: «Աստրոլաբիան» ու «Եռանդը» հազիվ փրկվեցին,

մինչդեռ «Նաուտիլուսը» ենթակա չէ որևէ վտանգի: Վաղը, իմ նշանակած օրը, իմ նշանակած ժամին մակընթացությունը կբարձրացնի «Նաուտիլուսը», որը և կվերսկսի լողալ ծովերում:

— Նավապետ,— սկսեցի ես,— շեմ կասկածում, որ...

— Վաղը,— ընդհատեց ինձ նավապետ Նեմոն, վեր կենալով աթոռից,— ցերեկվա ժամը երկուսն անց քառասունըրպե «Նաուտիլուսը» կազատվի ծանծաղուտից և առանց որևէ վնասվածքի դուրս կգա Թորրեսի նեղուցից:

Շեշտելով այս խոսքերը, նավապետ Նեմոն թեթևակի գլուխ տվեց: Այդ նշանակում էր, որ նա զրույցը վերջացած է համարում: Ինձ միայն մնում էր հեռանալ, ու ես այդպես էլ արի:

Վերադառնալով իմ սենյակը, ես այնտեղ գտա Կոնսելին, որը ցանկանում էր իմանալ իմ և նավապետի բանակցությունների արդյունքը:

— Բարեկամս,— ասացի ես Կոնսելին,— նավապետը ծիծաղեց ինձ վրա, երբ ասացի, թե բնիկները սպառնում են «Նաուտիլուսին»: Պետք է քեզ ասեմ, որ նավապետը միանգամայն հուսալի մարդ է: Կարող ես հանգիստ քնել:

— Իմ ծառայությունն այժմ հարկավոր չէ՞ պարոնին:

— Ո՛չ, բարեկամս, շնորհակալ եմ: Ի՞նչ է անում Նեդ Լենդը:

— Պարոնի թույլտվությամբ կասեմ, որ Նեդ Լենդը ներկայումս կենդուրուից չափազանց համեղ պաշտետ է պատրաստում:

Սենյակում մնալով մենակ, ես մտա անկողին, բայց խիստ վատ քնեցի:

Գլխիս վերևից, տախտակամածից շարունակ լսվում էին վայրենիների ոտնաձայները և նրանց բարձրաձայն աղաղակները:

Գիշերը հանգիստ անցավ: Անձնակազմը դարձյալ մատնրված էր անգործության: Ըստ երևույթին նրան այնքան էր անհանգստացնում տախտակամածի վրա վայրենիների գտնվելը, որքան մի որևէ ամբուսթյան մեջ գտնվող զինվորներին մրջյունների վազվզոցը:

Ես վեր կացա առավոտյան ժամը վեցին: Դռնակները դեռ չէին բացված: Ուրեմն երեկվանից օդը չէր փոխված: Ասենք դա չէր զգացվում, որովհետև նազի պահամաններն իր ժամանակին մի քանի խորանարդ մետր թթվածին էին վերցրել:

Մինչև կեսօր ես աշխատում էի իմ սենյակում և այդ ժամանակ բոլորովին շտեպս նավապետին: Մեկնելու համար ոչ մի պատրաստություն չէր տեսնվում:

Ես մի քիչ էլ սպասեցի, հետո մտա դահլիճ: Ժամի երկուսն անց էր կես: Տասը ընդհանուր հետո մակընթացությունը պետք է հասներ ամենաբարձր կետին, և եթե նավապետ Նեմոն չէր սխալվում, «Նաուտիլուսը» պետք է բարձրանար ջրի երեսը: Եթե այդպես չլիներ, պետք է անցներ մի քանի ամիս, որպեսզի նավը կարողանար թողնել իր կորալային մահիճը:

Շուտով նավը սկսեց ցնցվել: Ես լսում էի, թե ինչպիսի ձայներ էին հանում նավի ստորին մասերը, դիպչելով կորալային անհարթ հատակին:

Ժամը երկուսից երեսունհինգ ընդհանուր անց նավապետ Նեմոն մտավ սրահ:

— Հիմա մենք կճանապարհվենք, — ասաց նա:

— Հը՛մ, — մոմռացի ես:

— Ես հրամայեցի բանալ դռնակները:

— Իսկ պապուասներ՞ըր:

— Պապուասներ՞ըր, — նավապետ Նեմոն թոթվեց ուսերը:

— Չէ՞ որ նրանք կմտնեն «Նաուտիլուսի» մեջ:

— Ինչպե՞ս կմտնեն:

— Այն դռնակով, որ դուք հրամայել եք բաց անել:

— Պրոֆեսոր, — հանդիստ պատասխանեց նավապետ Նեմոն, — միշտ չէ, որ հնարավոր է անցնել «Նաուտիլուսի» դռնակով, նույնիսկ այն ժամանակ, երբ դռնակը բաց է լինում:

Ես նայեցի նավապետին:

— Չե՞ք հասկանում, — հարցրեց նա:

— Ոչինչ չեմ հասկանում:

— Այդ դեպքում հետևեցեք ինձ: Կտեսնեք:

Մենք քայլեցինք դեպի այն սանդուղքը, որ վերջանում էր դռնակով: Արդեն այնտեղ էին Նեդ Լենդն ու Կոնսելը, որոնք

մեծագույն հետաքրքրությամբ դիտում էին մի քանի նավաստիների աշխատանքը: Վերջիններս բաց էին անում դռնակը, իսկ տախտակամածից կատաղի աղաղակ ու ճիչ էր լսվում:

Դռնակի փեղկերը բացվելուն պես, երևացին քսան հոգի, որոնք թունդ զայրացած էին:

Սակայն վայրենիներից հենց առաջինը ձեռքը դնելով սանդուղքի բազրիքին, ինչ-որ անհայտ ուժով ետ շարտվեց և ցատկոտելով ու հուսահատական ճիչեր արձակելով, փախավ:

Նրա տասը ընկերները հետևեցին իր օրինակին: Նույն կերպ նահանջեցին նաև մնացած տասը հոգին:

Կոնսելը հրճվում էր: Նեղ կենդր, իբրև ռազմատենչ մարդ, ուզում էր հարձակվել նահանջող թշնամու վրա, բայց հենց որ փորձեց ձեռք տալ բազրիքին, իր հերթին նույնպես ետ շարտվեց:

— Գրողը տանի,— գոռաց նա,— կայծակը խփեց ինձ:

Այդ խոսքերն ինձ համար պարզեցին ամեն ինչ: Սանդուղքի բազրիքի մեջ բարձր լարվածության էլեկտրական հոսանք էր թողնված: Ով դիպչում էր բազրիքին, սարսափելի ցնցումով ետ էր մղվում: Այդ ցնցումը մահացու կլիներ, եթե նավապետ Նեմոն բազրիքի մեջ թողներ իր բոլոր մարտկոցների հոսանքը: Սակայն նավապետը սահմանափակվեց նրանով, որ անանցելի պատնեշ ստեղծեց հարձակվողների և իր նավի ներքին մասի միջև:

Մինչ այս մինչ այն, մահացու երկյուղով բռնված պապուասները շտապեցին նահանջել: Մենք, թաքցնելով մեր ժպիտները, հանգստացնում ու մխիթարում էինք նեղ կենդին, որը խելագարի նման հայհոյանքներ էր թափում:

Այդ ըրպեին «Նաուտիլուսը» մակրնթացության շնորհիվ բարձրացավ օվկիանոսի երեսը: Ժամը երկուսից անց էր ուղիղ քառասուն ըրպե՝ այն ժամկետը, որ նշանակել էր նավապետ Նեմոն:

Նավը սկսեց վեհորեն ու դանդաղ ճեղքել ջուրը: Սակայն արագությունը հետզհետե ավելացավ և բոլորովին անվնաս «Նաուտիլուսը» դուրս եկավ Թորրեսի նեղուցի վտանգավոր ջրերից:

# ԳԼՈՒԽ ՔՍԱՆԵՐԵՔԵՐՈՐԴ

## ԱՆՐԱՑԱՏՐԵԼԻ ՔՆԿՈՏՈՒԹՅՈՒՆ

• Հետևյալ օրը, հունվարի 10-ին, «Նաուտիլուսը» կրկին լողում էր անեղր օվկիանոսում: Այս անգամ նավն ընթանում էր չափազանց արագ, առնվազն մի ժամում երեսունհինգ մղոն: Պտուտակն այնքան արագ էր պտտվում, որ ես չէի կարողանում հետևել նրա շարժման, հաշվել պտույտների քանակը:

Երբ ես մտածում էի, որ այդ հրաշալի ուժը՝ էլեկտրականությունը՝ ոչ միայն շարժում է «Նաուտիլուսը», այլև լուսավորում, տաքացնում է այն, պաշտպանում արտաքին հարձակումից, ստեղծելով այնպիսի մի խոշորնդոտ, որը ոչ ոք չէր կարող անցնել, մինչև շենթարկվեր տեղն ու տեղը սպանվելու վտանգին, երբ ես մտածում էի այս բոլորի մասին, իմ հիացմունքն անսահման էր դառնում: Ես հիանում էի ոչ միայն մեքենաներով, այլև նրանց ստեղծող ինժեներով:

Մենք ընթանում էինք ուղիղ դեպի արևմուտք: Հունվարի 11-ին անցանք Վեսսել հրվանդանը, որ գտնվում է  $135^{\circ}$  երկարության և  $10^{\circ}$  հյուսիսային լայնության տակ, Կարպենտարյան ծովածոցի մոտ: Այստեղ քիչ չէին ստորջրյա ժայռերը, բայց դրանք բավականաչափ հեռու էին մեկմեկուց և մեծ ճշտությամբ նշանակված էին քարտեզի վրա:

«Նաուտիլուսը» հեշտությամբ անցավ ձախ կողմում գտնվող Մոնե կոշված խութերի և աջ կողմում գտնվող Վիկտորիա ժայռերի արանքով: Դրանք գտնվում են  $130^{\circ}$  երկարության տակ, այն զուգահեռականի վրա, որի ուղղությամբ մենք լողում էինք:

Հունվարի տասներեքին մենք մտանք Թիմոր ծովը և մոտեցանք համանուն կղզուն, որ գտնվում է  $122^{\circ}$  երկարության տակ: Կղզին ունի հազար վեց հարյուր քսանհինգ քառակուսի լյո տարածություն: Կղզին կառավարում են մի քանի ռաջաներ: Այս իշխանավորներն իրենց անվանում են կոկորդիլոսի որդիներ, այսինքն, իրենց ասելով, ամենաազնվազարմ մարդիկն են աշխարհում: Ռաջաների գիշակեր, «նախորդները»



մեծ քանակութեամբ ապրում են կղզու գետերում և բնակչու-  
թյունը երկյուղածութեամբ պաշտում է նրանց, միասպետների  
ազգակիցներին: Նրանց խնամում են, շողոքորթում, որպես  
կերակուր ջահել աղջիկներ են տալիս նրանց, և վա՛յ այն  
օտարերկրացուն, որը կհամարձակվի ձեռք բարձրացնել այդ  
սրբազան սողուններից որևէ մեկի վրա:

«Նաուտիլուսն», իհարկե, ոչ մի գործ չուներ այդ զզվելի  
կենդանիների հետ: Թիմոր կղզին մենք տեսանք ընդամենը  
մի քանի բոպե, կեսօրին, երբ նավապետի օգնականը հեր-  
թական դիտողություններ էր կատարում: Ես հարևանցի կեր-  
պով տեսա նաև Ռոտի կոչված փոքրիկ կղզին, որ նույն  
խմբին է պատկանում: Այս կղզու կանայք հայտնի են իրենց  
գեղեցկութեամբ և բարձր է գնահատվում մալայական  
ստրուկների շուկայում:

«Նաուտիլուսն» այստեղից դարձավ դեպի հարավ-արև-  
մուտք, դեպի Հնդկական օվկիանոսը: Ո՛ւր է մեզ տանում նա-  
վապետ Նեմոյի քմահաճույքը: Արդյոք մենք կմոտենա՞նք  
Ասիայի ափերին, Եվրոպայի մայր ցամաքին: Այն ատելու-  
թյունը, որ նավապետ Նեմոն տածում էր դեպի մարդաբնակ  
ցամաքները, հիմք չէր տալիս այդպիսի ենթադրություններ  
անելու: Ուրեմն մենք դեպի հարա՛վ ենք գնալու: Գուցե  
«Նաուտիլուսը» կանցնի Բարեհուսո և Հորն հրվանդանները և  
կհասնի մինչև Հարավային բևե՛ռը: Ի՞նչ ճանապարհով ենք  
վերադառնալու Խաղաղ օվկիանոս, ուր այնքան լայն է սու-  
ղանավի ճանապարհը: Միայն ապագան կարող էր պատաս-  
խաններ տալ այդ հարցերին:

Անցնելով Քարտյեի, Հիբերնիի, Սերինգապատամի ու  
Սկոտտի ստորջրյա խութերից, ցամաքի վերջին հենարան-  
ներից, որոնք գտնվում են ջրային տարրերի խորքերում,  
մենք հունվարի 14-ին դուրս եկանք բաց ծով, ցամաքից հե-  
ռու: «Նաուտիլուսը» սկսեց դանդաղեցնել իր ընթացքը: Այդ  
քմահաճ և տարօրինակ նավը մերթ ընթանում էր օվկիանոսի  
խորքերում, մերթ երկար ժամանակ չէր իջնում ջրի մակերե-  
վույթից:

Այդ ընթացքում նավապետ Նեմոն հետաքրքիր ուսումնա-  
սիրություններ էր կատարում, թե ծովի ջուրն այս կամ այն

խորութեամբ ինչպիսի ջերմաստիճան ունի: Սովորական պայմաններում նման ուսումնասիրութիւնները կատարվում են բավական բարդ գործիքների միջոցով: Սակայն այդ գործիքների տվյալները միշտ վատահելի չեն, լինեն դրանք ջերմաչափական դոնդեր, որոնց ասպակիները հաճախ չեն դիմանում բարձր ճնշման, թե այնպիսի գործիքներ, որոնց գործողութիւնները հիմնվում են զանազան մետաղների ոչ միասնակ էլեկտրական դիմադրողութեան վրա: Բացի դրանից, դժվար է ստուգել այս ճանապարհով ստացվող արդյունքները:

Իսկ ներկա դեպքում նավապետ Նեմոն ինքն էր իջնում մինչև հարկավոր խորութիւն և ջրի տարրեր շերտերում ջերմաչափը միանգամայն ճիշտ ու անվիճելի արդյունքներ էր տալիս:

Այսպիսով, ջրասույզ լինելով մերթ լիքը պահամանների և մերթ թեքվող զեկի շնորհիվ, նավապետ Նեմոն հետզհետե հասնում էր երեք, շորս, հինգ, յոթ, ինը և տասը հազար մետր խորութեան: Վերջնականապես նա եկավ այն եզրակացութեան, որ բոլոր լայնութիւնների տակ, հազար մետրից ավելի խորը ջրի բարեխառնութիւնը միշտ կազմում է շորս և կես աստիճան ըստ Տիլսիուսի:

Ես մեծադույն հետաքրքրութեամբ հետևում էի այդ ուսումնասիրութիւններին: Հաճախ ինքս ինձ հարց էի տալիս, թե նավապետ Նեմոյի ինչի՞ն են պետք այդ դիտական հետազոտութիւնները: Մի՞թե նա կարծում է, որ իր նմանները կարող են օգուտ տալ մարդկութեանը: Դա այնքան էլ հավանական չէր, քանի որ, վաղ թե ուշ, նրա աշխատանքներն իր հետ միասին պետք է ընկղմվեին որևէ հեռավոր ծովի խորքերը: Գուցե նա ուզում էր իր դիտողութիւնների արդյունքները հանձնել ի՞նձ: Այդ դեպքում պետք էր ենթադրել, որ նա մտադրվում է որևէ շափով սահմանափակել «Նաուտիլուսում» իմ գտնվելու ժամկետը:

Դժբախտաբար տուայժմ հիմք չկար այդպես մտածելու:

Այսպես թե այնպես, նավապետ Նեմոն ինձ հաղորդեց այն արդյունքները, որ նա ստացել է երկրագնդի կարևորագույն ծովերում ջրի խտութիւնն ուսումնասիրելուց: Նրա

ասածներից ես եկա որոշ եզրակացութեան, որը ոչ մի կերպ  
և ոչնչով կապված չէ գիտութեան հետ:

Այդ տեղի ունեցավ հունվարի 15-ի առավոտյան: Ես ու  
նավապետ Նեմոն քայլում էինք «Նաուտիլուսի» տախտակա-  
մածի վրա, և նա անսպասելի հարցրեց ինձ, թե արդյոք գի-  
տե՞մ, որ ծովի ջուրը զանազան տեղերում զանազան խտու-  
թյուն ունի: Ես պատասխանեցի, թե չգիտեմ, ապա ավելաց-  
րի, որ այդ հարցի նկատմամբ գիտութեանը ստուգված տրվ-  
յալներ չունի:

— Այդ ուղղութեամբ ես ինքս եմ հետազոտություն կա-  
տարել, — ասաց նավապետ Նեմոն, — և երաշխավորում եմ  
դրա ճշտությունը:

— Շատ դեղեցիկ, — պատասխանեցի ես, — սակայն  
«Նաուտիլուսը» մի առանձնացած, փոքրիկ աշխարհ է և նրա  
գիտնականների հայտնագործությունները երբեք չեն հասնի  
երկրագնդի բնակիչներին:

— Ի՞նչ իրավացի էք, պրոֆեսոր, — մի փոքր մտածելուց  
հետո ասաց նավապետ Նեմոն, — իսկապես որ «Նաուտիլու-  
սը» մի առանձնացած, փոքրիկ աշխարհ է: Նա նույնքան հե-  
ռու է երկրից, որքան այն մոլորակները, որ երկրի հետ միա-  
սին պատվում են արևի շուրջը: Եվ ինչպես երկրում չեն իմա-  
նա Սատուրնի կամ Յուպիտերի գիտնականների աշխատան-  
քի մասին, այնպես էլ անհայտ կմնան «Նաուտիլուսի» գիտ-  
նականների աշխատությունները: Բայց ես կարող եմ իմ դի-  
տողությունների արդյունքը հաղորդել ձեզ, քանի որ ձեր  
բախտը պատահմամբ կապվեց «Նաուտիլուսի» բախտի հետ:

— Ես ուշադրությամբ լսում եմ ձեզ, նավապետ:

— Իհարկե ձեզ հայտնի է, պարոն պրոֆեսոր, որ ծովի  
ջուրը շատ ավելի խիտ է, քան գետերի, լճակների և այլ  
ջրերը: Սակայն այդ խտությունը միատեսակ չէ: Արդարև,  
եթե ոչ-աղի ջրի խտությունն ընդունենք մեկ միավոր, ապա  
Ատլանտյան օվկիանոսի ջրերինը կլինի մեկ ամբողջ քսան-  
վեց հազարերորդական: Միջերկրական ծովի ջրերի խտու-  
թյունը հավասար է...

«Հը՛մ, — մտածեցի ես, — նա եղել է նաև Միջերկրական  
ծովում»:

— ...մեկ ամբողջ երեսունմեկ հազարերորդականի, Հո-  
նիական ծովի ջրերի խտությունը՝ մեկ ամբողջ տասնութ  
հազարերորդականի և Ադրիատիկ ծովի խտությունը՝ մեկ ամ-  
բողջ քսանինը հազարերորդականի:

Պարզ է, որ «Նաուտիլուսը» եղել է երկրագնդի ամենա-  
բանուկ ծովերում: Սրանից ես եկա այն եզրակացության,  
որ երբևէ, գուցե և շուտով, նա կմոտենա ավելի քաղաքա-  
կիրթ երկրներին: Ես մտածեցի, որ այս նորությունը կուրա-  
խացնի Նեդին:

Հաջորդ օրերի ընթացքում մենք միասին կատարեցինք մի  
շարք հետազոտություններ, որոնց նպատակն էր պարզել, թե  
զանազան խորություններում ջուրը որչափ աղ է պարունա-  
կում, որչափ է անցկացնում էլեկտրականությունը, ի՞նչ  
գույնի է լինում, որքա՞ն է թափանցիկ և այլն: Այդ ամբողջ  
ժամանակ ինձ ապշեցնում էր նավապետ Նեմոյի զարմանա-  
լի հնարամտությունը, որի հետ կարող էր մրցել միայն նրա  
քաղաքավարի վերաբերմունքը դեպի ինձ: Հետազոտությու-  
ները կատարելուց հետո նա կրկին անհետացավ, ու ես  
դարձյալ մենակ մնացի ստորջրյա նավում:

Հունվարի տասնվեցին «Նաուտիլուսը» կարծես քնեց ծո-  
վի մակերևույթից մի քանի մետր ներքև: Էլեկտրական մեքե-  
նաները կանգ առան, և այնուհետև նավը շարժվում էր միայն  
ջրի հոսանքի ուղղությամբ: Ես ենթադրում էի, որ մեքենա-  
ները կանգ են առել ընթացիկ մանր վերանորոգման համար,  
որի անհրաժեշտությունը բխում էր վերջերս կատարված եր-  
կարատե ճանապարհորդությունից, մանավանդ որ այդ ճա-  
նապարհորդությունը գզալի արագությամբ էր կատարվել:

Այդ օրը ես ու իմ ընկերներն ականատես եղանք մի հետա-  
քրքիր երևույթի: Սրահի լուսամուտների փեղկերը բացվե-  
ցին, և որովհետև «Նաուտիլուսի» լուսարձակը չէր գործում,  
իսկ թանձր, փոթորկաքեր ամպերով ծածկված երկնքից քիչ  
լույս էր անցնում ջրի ստորին շերտերը, ուստի մենք շրջա-  
պատված էինք կիսախավարով:

Ես դիտում էի տարօրինակ տեսք առած ծովը: Հանկարծ  
«Նաուտիլուսի» շուրջը պայծառ լույս տարածվեց: Սկզբում  
ես կարծեցի, թե էլեկտրական լուսարձակն է գործում: Սա-

կայն իմ ենթադրությունը սխալ էր, ինչպես այդ ցույց տվեց իմ ուշադիր դիտողությունը:

Մովի հոսանքը «Նառատիլուսը» տարել էր ջրի ֆոսֆորացնող շերտը, որի արձակած լույսը շրջակա խավարի հանդեպ շափազանց պայծառ էր թվում: Այդ լուսարձակումն առաջ էր եկել անթիվ ու անհամար մանրագույն, լուսավառվող կենդանիներից, որոնց արձակած լույսն է՛լ ավելի էր ուժեղանում արտացոլվելով սառըջրյա նավի մետաղյա արտաքինի վրա: Շողշողուն ծովում ես նկատեցի լույսի անակնկալ բռնկումներ, որոնք հիշեցնում էին թե՛ վառարանում հալված արծիճի փայլը: Այդ բռնկումների շնորհիվ ֆոսֆորացած շերտերի մի մասը խավար էր թվում: Ոչ, այդ լույսը բոլորովին նման չէր մեր լուսարձակի անդորր ճառագայթման: Այդ լույսի մեջ ուժ և շարժում էր զգացվում: Իսկույն կարելի էր նկատել նրա առանձնահատկությունը:

Հիրավի, դա ուրիշ բան չէր, եթե ոչ անհամար քանակությամբ ծովային ինֆուզորիաների կուտակում, որոնք նման էին թափանցիկ դսնդողի գնդակներին և թելանման շոշափուկեր ունեին: Երեսուն խորանարդ սանտիմետր ջրի մեջ այդ մանրագույն, ամենապարզ էակներից գտնվում է առնրվազն քսանհինգ հազար հատ: Նրանց լուսատվությունն ավելի է սաստկանում շնորհիվ այն փայլի, որ արձակում են մեղուզաները, աստրիաները, աուրելիաները և այլ ֆոսֆորացնող զոոֆիտները, որոնք ներծծում են ծովի ջրում փտող օրգանական նյութերի, գուցե և ձկների արտաթորած լորձուկները:

Մի քանի ժամ «Նառատիլուսը» լողում էր այդ շողշողուն ջրերում: Մենք է՛լ ավելի հիացանք, տեսնելով, թե ինչպես սալամանդրների պես այդ լույսերում վազվզում են ծովային մեծ կենդանիները: Այդ սառը կրակներում ես տեսա անխոնջ լարախաղաց-դելֆիններ ու երեք մետր երկարությամբ սուսերակիրներ, որոնց հսկայական սրերը մի քանի անգամ դիպան սրահի լուսամուտին: Հետո երևացին ավելի մանր ձկներ, դանազան տեսակ թիկնեղջյուրներ, թյունիկներ և հարյուրավոր այլ կենդանիներ:

Ինչպիսի՞ արտաուց հմայք ուներ այդ տեսարանը: Հնարավոր է, որ մթնոլորտային պայմաններն ավելի էին ուժեղ-



զացնում ինֆուզորիաների տարածած լույսը: Գուցե ծովի վրա փոթորի՞կ կար: Բայց մի քանի մետր խորության տակ, ուր լողում էր «Նաուտիլուսը», փոթորիկն անզոր էր, և մենք լողում էինք անգորր ջրերում:

Այսպես մենք հազիվ նկատելի շարժվում էինք նորանոր հրաշքներով շրջապատված: Կոնսելը դիտում էր մեծագույն ուշադրությամբ և անվերջ դասակարգում նորանոր զոոֆիտները, հողվածոտանիները, կակղամորթներն ու ձկները: Օրերն անցնում էին արագ, ու ես էլ շէի պահում՝ դրանց հաշիվը: Հետևելով իր սովորություններին, Նեդն աշխատում էր բազմազան ուտելիքներ մատակարարել մեզ:

Մենք, ինչպես խխունջներ, շէինք հեռանում մեր խեցիներից: Անձնական փորձից ես համոզվեցի, որ այնքան էլ դժվար չէ խխունջ լինելը:

Այսպես ուրեմն, մենք ընտելացանք մեր ապրելակերպին, մեր կյանքը համարում էինք թեթև ու հաճելի և ուղղակի մոռացել էինք, որ երկրագնդի վրա կյանքը բոլորովին այլ կերպ է ընթանում: Սակայն անսպասելի մի դեպք մեզ ստիպեց գիտակցել իրականությունը:

Հունվարի տասնութին «Նաուտիլուսը» գտնվում էր 105° երկարության և 15° հարավային լայնության տակ: Եղանակը փոթորկաբեր էր, լեռնանում էին ծովի ալիքները: Արևելքից փչում էր սաստիկ, գրեթե մրրկի շափ ուժեղ քամի: Ծանրաշափը, որ մի քանի օր շարունակ ճնշման ցածրաստիճաններ էր ցույց տալիս, մոտալուտ փոթորիկ էր գուշակում:

Ես տախտակամած բարձրացա այն բոլորին, երբ նավապետի օգնականը դիտողություններ էր կատարում: Ես սպասում էի, որ նա ըստ սովորության կարտասանի իր խորհրդավոր ֆրազը: Սակայն այդ օրը նա արտասանեց բոլորովին մի ուրիշ, նույնքան անհասկանալի ֆրազ: Դրանից անմիջապես հետո նավապետ Նեմոն դուրս եկավ տախտակամած և հեռադիտակը դնելով աչքերին սկսեց դիտել հորիզոնը:

Մի քանի բոլբոս նավապետը կանգնած էր անշարժ, հեռադիտակն ուղղած հորիզոնի ինչ-որ մի կետի: Հետո իջեցրեց հեռադիտակն ու ինձ համար անհասկանալի մի քանի խոսք փոխանակեց օգնականի հետ:

Վերջինս ինչ-որ պատճառով անհանգստացած էր ու դժ-  
վարությամբ էր թաքցնում իր հուզումը: Նավապետ Նեմոն  
ավելի լավ էր տիրապետում ինքն իրեն և սառնասրտութուն  
էր պահպանում: Ինձ թվաց, թե նա նկատողութուն արավ  
օգնականին, իսկ վերջինս հուզված՝ ինչ-որ բան հայտարա-  
րեց կամ խոստում տվեց:

Ես դոնե այդպիսի տալամորութուն ստացա նրանց ձայ-  
նից ու շարժումներից:

Ես մեծագույն ուշադրությամբ դիտում էի հորիզոնի այն  
կետը, ուր նայում էին նավապետ Նեմոն և իր օգնականը,  
բայց ոչինչ չէի տեսնում: Հեռվում ծովն ու երկինքը միացած  
էին և կազմել էին աղեղնաձև մի գիծ, ուր ոչինչ չէր երևում:

Այդ ժամանակ նավապետ Նեմոն քայլում էր տախտակա-  
մածի մի ծայրից մյուսը, առանց ինձ նայելու, կամ գուցե և  
չնկատելով ինձ: Նա քայլում էր ինքնավստահ, գուցե և սո-  
վորականից մի քիչ ավելի անհամաչափ:

Երբեմն նա կանգ էր առնում և ձեռները կրծքին խաչած՝  
դիտում ծովը:

Ի՞նչ էր տեսնում նա ջրային վիթխարի անապատում:  
«Նաուտիլուսը» գտնվում էր մոտակա ցամաքից ընդամենը  
մի քանի մղոն հեռավորություն վրա:

Նավապետի օգնականը նորից հեռադիտակը դրեց աչքե-  
րին և դիտեց միևնույն ուղղությամբ: Հետո նա սկսեց ես ու  
առաջ քայլել տախտակամածում: Հանկարծակի կանգ էր  
առնում, ոտը խփում էր տախտակամածին ու վերստին ետ  
ու առաջ քայլում: Նրա հուզմունքն է՛լ ավելի աչքի էր ընկ-  
նում, երբ ես տեսնում էի նավապետի սառնասրտութունը:

Այդ րոպեին օգնականը նորից ձայն տվեց իր պետին:  
Վերջինս կանգ առավ և հեռադիտակն ուղղեց դեպի նույն  
կետը: Բավական երկար ժամանակ դիտում էր նա: Միշտ  
սառնասիրտ այդ մարդկանց վարմունքը ինձ ստիպեց մտնել  
սրահ և վերցնել մի հեռադիտակ, որով միշտ օգտվում էի:  
Այնուհետև, վերստին դուրս դալով տախտակամած, ես նրա-  
տեցի այնտեղ, ուր զետեղված էր լուսարձակը, և սկսեցի հե-  
ռադիտակով դիտել հորիզոնը: Սակայն հենց այդ րոպեին  
հեռադիտակը խլեցին ինձնից:

Անմիջապէս ետ նայեցի: Իմ առջև կանգնած էր նավապետ Նեմոն, որը դարձել էր տնճանաշէլի: Նրա դեմքը փոխվել էր: Նրա աչքերը փայլուն էին, բայց մռայլ: Բերանը կիսաբաց էր, երևում էին ատամները: Նրա լարված դրութչունը, սեղմված բռունցքները, ամբողջ կերպարանքը, այս ամենը ցույց էր տալիս, որ նա ամբողջովին համակված է մեծագույն ատելությամբ ու ցասումով: Նավապետը շէր շարժվում: Իմ ձեռքից խլած հեռագրիտակն ընկած էր նրա ոտների տակ:

Մի՞թե ես էի այդ բարկության պատճառը: Գուցե այդ անհասկանալի մարդը երևակայում էր, որ ես մի ինչ-որ գաղտնիք եմ բաց արել, մի գաղտնիք, որը շպետք է իմանար «Նաուաիլուսի» գերին:

Բայց ո՛չ, ես չէի նրա այդ ցասման պատճառը: Նավապետը նույնիսկ շէր նայում ինձ: Նրա հայացքը մեխվել էր հորիզոնի նույն կետին:

Սակայն նավապետ Նեմոն վերստին տիրապետեց իր զգացումներին: Նրա այլայլված դեմքը հանգստացավ, և այդ դեմքի վրա արտահայտվեց սովորական սառնասրտութչունը: Անհասկանալի լեղվով նա մի քանի խոսք ասաց իր օգնականին և ապա դարձավ ինձ.

— Պարոն սրո՞փեսար, — ասաց նա հաստատուն տոնով, — ես պետք է պահանջեմ, որ դուք կատարեք մեր պայմանագրի կետերից մեկը:

— Այսի՞նքն, նավապետ:

— Դուք և ձեր ուղեկիցները պետք է փակված մնաք այնքան, մինչև որ ես հնարավոր համարեմ վերստին ազատ թողնել ձեզ:

— Ես ստիպված եմ ենթարկվել ձեր հրամանին, — պատասխանեցի ես, աչքերս հառած նրա վրա, — սակայն թույլ տվեք մի հարց...

— Ո՛չ, թույլ չեմ տալիս:

Վիճելուց օգուտ չկար, քանի որ ես անզոր էի դիմադրել նավապետին:

Ստիպված եղա ենթարկվել:

Մտա նեղ լենդի և Կոնսելի դբաղեցրած նավասենյակը և նրանց հաղորդեցի նավապետի հրամանը:

Թող ընթերցողն ինքը դատի, թե իմ հաղորդած լուրն ինչպիսի տպավորություն թողեց կանադացու վրա: Սակայն մեզ երկար ժամանակ չէր մնում խոսելու: Չորս նավաստի արդեն մեզ սպասում էին դուռն մտա և տարան հենց այն նավասենյակը, ուր մենք բանտարկվել էինք «Նաուտիլուսում» գտնվելու առաջին օրը: Նեղ կենդր փորձեց բողոքել, սակայն պատասխանի փոխարեն հենց նրա քթի առաջ փակվեց դուռը:

— Արդյոք պարոնը չի՞ ասի մեզ, թե այս բոլորն ինչ է նշանակում, — հարցրեց Կոնսելը:

Ես ընկերներիս պատմեցի այն ամենն, ինչ որ տեղի էր ունեցել տախտակամածում: Նրանք նույնքան զարմացան, որքան և ես, բայց ես չկարողացա ավելի պարզ տեղեկություններ հաղորդել:

Ես ընկա ծանր մտորումների մեջ: Նավապետ Նեմոյի դեմքի տարօրինակ արտահայտությունը չէր հեռանում աչքերիցս: Ես այնպիսի դրության հասա, որ չէի կարողանում կապակցել երկու միտք, ամենաանհեթեթ ենթադրություններ էի անում: Հանկարծ Նեղ կենդի բացականչությունը սթափեցրեց ինձ:

— Նայեցեք, նախաճաշը դրված է սեղանին:

Իսկապես, կերակուրներն արդեն սեղանի վրա էին: Պարզ էր, որ այդ մասին կարգադրություն էր արել նավապետ Նեմոն, միևնույն ժամանակ հրամայելով արագացնել «Նաուտիլուսի» ընթացքը:

— Արդյոք պարոնը թույլ կտա՞, որ ես մի խորհուրդ տամ նրան: — հարցրեց Կոնսելը:

— Իհարկե, բարեկամս, — պատասխանեցի ես:

— Ես պարոնին խորհուրդ եմ տալիս նախաճաշել: Զգուշությունն էլ հենց այդ է պահանջում: Չէ՞ որ հայտնի չէ, թե ինչ է լինելու:

— Ի՞նչ իրավացի ես, Կոնսել:

— Ավա՞ղ, — հառաչեց Նեղ կենդր, — մեզ մատուցել են միայն ձկնեղեն, իսկ մեր մթերապաշարից ոչինչ չկա...

— Կավ, Նեղ, հապա ի՞նչ կասեիք, եթե մեզ ուտելու ոչինչ չտային:

Կանադացին շիմացավ ինչ պատասխանի:

Մենք սեղան նստեցինք: Կուռ նախաճաշում էինք: Ես քիչ կերա: Կոնսելն աշխատում էր շատ ուտել, իսկ Նեդ Լենդը, շնայելով իր դժգոհության, կուլ էր տալիս այն ամենն, ինչ որ դրված էր իր առաջ: Նախաճաշից հետո մեզանից ամեն մեկը նստեց մի անկյունում:

Այդ րոպեին լույսը հանգավ, և մենք մնացինք անթափանցելի խավարում: Նեդ Լենդն անմիջապես սկսեց խոմփացնել: Ինձ զարմացրեց այն, որ շուտով Կոնսելն էլ հետևեց նրա օրինակին: Ինքս ինձ հարց էի տալիս, թե այդ ինչի՞ց էր, որ իմ ընկերները հանկարծ այդպես քնեցին, բայց զգացի, որ քունն ինձ էլ է հաղթահարում: Աշխատում էի շփակել աչքերս, բայց նրանք փակվեցին անկախ իմ կամքից: Կես քուն էի, կես արթուն և աչքերիս ինչ-որ տեսարաններ էին երևում: Պարզ էր, որ մեզ մատուցած ուտելիքներին ինչ-որ քնաբեր նյութեր էին խառնված:

Դուրս էր գալիս, որ նավապետ Նեմոն շէր բավականացել մեզ խավար զնդանում բանտարկելով, այլ նրան հարկավոր էր, որ մենք քնեինք, որպեսզի դրանով մեզանից թաքցներ իր գործողությունները...

Կես քուն կես արթուն ես լսեցի փակվող դռնակների ձայներ: Նավն շարվում էր ծովի վրա տեղի ունեցող թեթև ալեկոծությունից, բայց այդ շուտով դադարեց: Ըստ երևույթին «Նատուիլուար» խորասուղվեց օվկիանոսի հավերժ հանգիստ խորքերը:

Այնուամենայնիվ հնարավորին շափ ես աշխատում էի շքնել: Սակայն դա անկարելի էր: Իմ շնչառությունը թուլացավ, և ես զգում էի, որ մահացու մի սարսուռ իմ ձեռքերից ու ռտքերից անցնում է դեպի սիրտս: Այլևս անկարող էի բանալ աչքերս: Ծանր մղձավանջներով լի քունը հաղթահարեց ինձ: Ապա տեսիլքները շքացան, և ես կորցրի զիտակցությունս:

## ԳԼՈՒԽ ՔՍԱՆՉՈՐՍԵՐՈՐԳ

### ԿՈՐԱԼԼՆԵՐԻ ԱՇԽԱՐՀԸ

Հետևյալ օրը, երբ վեր կացա, գլուխս սարսափելի ծանր էր: Մեծ զարմանքով տեսա, որ գտնվում եմ իմ սենյակում:



Պարզ էր, որ ընկերներին նույնպես քնած ժամանակ տարել են իրենց սենյակը: Հետևապես նրանք ինձնից ավելի շատ բան չեն իմանա նախորդ գիշերվա դեպքերի մասին, և ինձ մնում էր միայն հուսալ, որ հետագայում մի կերպ կպարզվի գաղտնիքը:

Ես ուզում էի դուրս գալ իմ սենյակից: Արդյոք վերստին ազատ էի ես, թե՞ դարձյալ պետք է ինձ գերի համարեի: Բանից դուրս եկավ, որ բոլորովին ազատ եմ: Դուռը բաց արեցի և քայլեցի դեպի տախտակամածը տանող սանդուղքը: Նախորդ օրը փակված դռնակը կրեկի վրա բաց էր:

Ես դուրս եկա տախտակամած:

Նեղ կենդն ու կոնսելն այնտեղ ինձ էին սպասում: Ես նրանց հարց ու փորձ արի: Ոչինչ չգիտեին: Երեկ քնել էին ծանր քնով, երազ էլ չէին տեսել և զարթնել էին միայն այսօր, իրենց սենյակում:

«Նաուտիլուսը» պահպանում էր իր սովորական անդորրությունն ու սովորական խորհրդավորությունը: Նա լողում էր ծովի վրա, չափավոր արագությամբ: Կարծես թե նավում ոչինչ չէր փոխվել:

Նեղ կենդը դիտում էր հորիզոնը: Ծովի վրա ոչինչ չէր երևում, նույնիսկ կանադացու սուր աչքերը հեռվում չէին տեսնում ոչ առազաստ, ոչ շոգենավի ծխնելույզ, ոչ էլ ցամաք: Արևմուտքից փշող ուժեղ քամին ալեկոծում էր ծովը: «Նաուտիլուսը» զգալիորեն օրորվում էր:

Օդի պաշար վերցնելով, «Նաուտիլուսը» ջրասույզ եղավ տասնհինգ մետրի շափ, ըստ երևույթին այն հաշվով, որ հարկավոր դեպքում կրկին բարձրանա ծովի երեսը: Օգոստոսի 19-ին այդ կրկնվեց մի քանի անգամ: Նավապետի օգնականն ամեն անգամ բարձրանում էր տախտակամած և այնտեղ ասում իր սովորական ֆրազը:

Նվապետ Նեմոն չէր երևում: Նավորդներից ես տեսա միայն սպասավորին, որ պահպանում էր իր սովորական հանդրատությունը, լուռ և ճշտապահությամբ ուտելիք մատուցում էինձ:

Կեսօրվա ժամը մոտ երկուսին նավապետ Նեմոն մտավ դահլիճ, ուր ես կարգի էի բերում իմ գրանցումները: Ես բա-

ընեցի նրան: Նավապետն ինձ պատասխանեց զլիսի հազիվ նկատելի շարժումով և ոչ մի բառ չասաց: Ես շարունակեցի իմ աշխատանքը, հույս ունենալով, որ նա որևէ բան կպատմի երեկվա դեպքերի մասին: Սակայն նա այդպես շարեց:

« Ես գաղտագողի նայեցի նրան: Նա հոգնած մարդու տպավորութիւնն էր թողնում: Աչքերը կարմրել էին, կարծես անքնութիւնից: Դեմքն արտահայտում էր խոր տխրութիւն, նույնիսկ ցավ:

Նա քայլում էր սենյակում, նստում բազմոցին, նորից վեր կենում, վերցնում հենց առաջին պատահած գիրքը և մի կողմ դրում, մոտենում էր պարագաներին ու դիտում, սակայն չէր կատարում սովորական գրանցումները: Թվում էր, որ նա մի վայրկյան անգամ չի կարող հանգիստ նստել տեղում:

Վերջապես, նա մոտեցավ ինձ և հարցրեց.

— Արդյոք դուք բժիշկ չե՞ք, պարոն Արոնաքս:

Ես այնքան քիչ էի նախասպասարաստված այդ հարցին, որ զարմացած նայեցի նավապետին, առանց պատասխանելու:

— Ես հարցնում եմ, դուք բժիշկ չե՞ք: Զէ՞ որ ձեր ընկերակից բնագետները բժշկական կրթութիւնն են ստացել...

— Ես իսկապես որ եղել իմ կլինիկայի բժիշկ և հրահանգիչ, մինչև թանգարան մտնելս երկար տարիներ զբաղվել եմ բժշկական պրակտիկայով, — ասացի ես:

— Հրաշալի է, — ասաց նավապետը:

Հստ երևույթին իմ պատասխանն իրոք ուրախացրեց նրան: Սակայն ես դեռ չգիտեի, թե նա ինչ է ուզում ինձանից և սպասում էի նոր հարցերի: Որոշեցի պատասխանել այդ հարցերին, հաշվի առնելով դրանց բնույթը:

— Պարոն պրոֆեսոր, — կարճատև լռութիւնից հետո շարունակեց նավապետը, — արդյոք դուք չե՞ք համաձայնվի բժշկական օգնութիւնն ցույց տալ իմ նավաստիներից մեկին:

— Մի՞ թե այստեղ հիվանդ կա:

— Այո:

— Ես պատրաստ եմ հետևել ձեզ:

— Գնանք:

Խոստովանում եմ, որ սիրտս արագ խփում էր հուզմունքից: Զգիտեմ ինչու, բայց իսկույն ևեթ իմ մեջ ծագեց այն

միտքը, թե ինչ-որ մի կապ կա այդ նավաստու հիվանդության  
ու անցյալ գիշերվա դեպքերի միջև, և այդ գաղտնիքն ինձ  
ավելի շատ էր հետաքրքրում, քան հիվանդը:

Նավապետ Նեմոն ինձ առաջնորդեց «Նաուտիլուսի» նա-  
վախելը և բացեց նավաստիների սենյակի մոտ գտնվող մի  
դուռ:

Մենք մտանք մի սենյակ, որտեղ, մահճակալի վրա պառ-  
կած էր առնական դեմքով մի մարդ, իսկական անզլո-սաքս:

Ես թեքվեցի դեպի այդ մարդը: Նա վիրավոր էր և ոչ թե  
հիվանդ:

Նրա գլուխը փաթաթված էր արյունոտ վիրակապով:  
Գլխի տակ երկու բարձ էր դրված:

Ես քանդեցի վիրակապը: Վիրավորը լայն բացված աչքե-  
րով նայում էր ինձ, բայց չէր խանգարում վերքը բանալիս և  
նույնիսկ ոչ մի անգամ չհառաչեց:

Վերքը սարսափելի էր: Գանգը խոցվել էր մի ինչ-որ բուժ-  
գործիքով, և երևում էր ուղեղը: Ուղեղի հյուսվածքները լրջո-  
րեն վնասվել էին: Ուղեղի մոխրագույն զանգվածի վրա շո-  
րացած արյան կաթիլները սիւռոցի վրա թափված գինու հետ-  
քերն էին հիշեցնում: Այսպես ուրեմն, հիվանդի թե ուղեղն էր  
ցնցվել և թե ներքին արյունահոսություն էր եղել: Դժբախտը  
հաղիվ էր շնչում: Երբեմն նրա դեմքը ցնցվում էր ջղաձգա-  
բար: Իմ առջև ուղեղի բորբոքման և շարժման կենտրոնների  
կասթվածի տիպիկ մի դեպք էր:

Հիվանդի զարկերակն ընդմիջումներով էր խփում: Չեռ-  
քերն ու ոտքերն արդեն սկսել էին սառչել: Ես տեսնում էի,  
որ մահը մոտենում է և նրա դեմ ոչինչ չի կարելի անել:

Ես վերստին կապեցի վերքը և դիմեցի նավապետ Նե-  
մոյին:

— Ինչի՞ց է վիրավորվել այս մարդը, — հարցրի:

— Մի՞թե այդ էական է, — խուսափողական պատասխան  
տվեց նա, — «Նաուտիլուսը» ցնցվեց, որից մեքենայի լծակը  
ջարդվեց և ընկավ այս մարդու գլխին: Սակայն ասացեք,  
ի՞նչ կարծիք ունեք նրա դրության մասին:

Ես տատանվեցի:

— Կարող եք խոսել, — ասաց նավապետ Նեմոն, այս մարդը ֆրանսերեն չգիտի:

Ես մի անգամ էլ նայեցի հիվանդին և ասացի:

— Այս մարդը երկու ժամից ավել չի ասլրի:

— Ոչինչ չի՞ կարող նրան փրկել:

• — Ոչինչ:

Նավապետ Նեմոն ջղաձգաբար սեղմեց բռունցքը: Նրա աչքերից հոսեցին արցունքները: Ինձ այնպես թվաց, թե դրանք լացի համար շեն ստեղծված:

Մի քանի րոպե ես անընդհատ նայում էի հիվանդին: Նկատվում էր, որ նա շուտով պետք է մեռնի: Էլեկտրական պաղ լույսն ավելի պարզ էր դարձնում նրա գունատությունը: Ես դիտում էի նրա խելացի դեմքը, որ ակոսված էր վաղաժամ կնճիռներով: Այդ կնճիռներն աղքատության և դժբախտ կյանքի անխուսափելի հետևանքն էին: Ես ուզում էի այդ կյանքի գաղտնիքն իմանալ վերջին բառերից, որ արտասանելու էին սառչող շրթունքները: Սակայն նավապետ Նեմոն ինձ ասաց.

— Դուք ազատ եք, պարոն պրոֆեսոր:

Ստիպված էի հեռանալ:

Նավապետին թողի մեռնողի մահճի մոտ և այդ դեպքից ցնցված, վերադարձա իմ սենյակը: Ամբողջ օրվա ընթացքում ծանր զգացումները ճնշում էին ինձ: Գիշերը վատ քնեցի: Քնիս մեջ կարծես լսում էի հեռավոր լացի և սգո մեղեդիների ձայնը:

Հետևյալ առավոտյան արշալույսին ես բարձրացա տախտակամածը: Այդ օրը նավապետ Նեմոն կանխեց ինձ. նա արդեն այնտեղ էր: Ինձ տեսավ թե չէ, մոտեցավ ու ասաց.

— Պարոն պրոֆեսոր, ուզո՞ւմ եք այսօր մասնակցել ստորջրյա դրոսանքին:

— Իմ ընկերները նույնպե՞ս կարող են մասնակցել:

— Այո, եթե ցանկանան:

— Շնորհակալությամբ ընդունում եմ ձեր առաջարկը:

— Այդ դեպքում հազեք զրահազգեստը:

Մեռնողի կամ մեռածի մասին — ոչ մի խոսք: Ես մտա նեղ կենդի և Կոնսելի մոտ և հայտնեցի նրանց նավապետ

Նեմոյի հրավերը: Կոնսելն ուրախությամբ համաձայնվեց,  
կանադացին նույնպէս դեմ չէր այս անդամ ստորջրյա զբո-  
սանքի գնալու:

Առավոտյան ժամը իննի կեսին մենք հագանք զրահա-  
դգեստները, դինվեցինք շնչառության համար անհրաժեշտ  
պահամաններով և էլեկտրական լապտերներով: Երկու դռնե-  
րը հերթով բացվեցին, և մենք նավապետ Նեմոյի ու տասներ-  
կու նավաստիների ուղեկցությամբ իջանք տասը մետր խո-  
րությամբ հատակը, ուր հանգստանում էր «Նաուտիլուսը»:

Սկզբում հատակը խորանում էր աստիճանաբար, հետո  
հասանք մի կետի, որտեղից սկսվում էր երեսուն մետրի  
չափ թեք զառիվայր: Մենք իջանք մի հովիտ, որի հատակը  
խիստ տարբերվում էր Խաղաղ Եվկիանոսում մեր տեսած  
հատակից: Այստեղ շկային ոչ փափուկ ավազ, ոչ ստորջրյա  
փոքրիկ մարգագետիններ և ոչ էլ ծովային անտառներ: Ես  
խսկույն նկատեցի այն վայրերի առանձնահատկությունները,  
ուր մեղ տանում էր նավապետ Նեմոն: Այդ կորալների աշ-  
խարհն էր:

Զոոֆիտների բաժնում, ալցոնիարիաների դասում գոյու-  
թյուն ունի գորգոնների ջոկատը, որը բաղկացած է երեք  
ընտանիքներից՝ գորգոններից, իզիսներից ու կորալներից:  
Վերջին ընտանիքին են պատկանում կորալները, բնության  
ստեղծած այդ հետաքրքիր երևույթները, որ գիտնականները  
վերադրել են բնության երեք թաղավորություններին՝ հան-  
քային, բուսական ու կենդանական աշխարհին: Հնադարյան  
մրդկանց այդ դեղը և ժամանակակից կանանց թանկագին  
դարդարանքը միայն 1694 թվականին մարսելցի Պեյսոննելի  
կողմից վերջնականապէս վերադրել են կենդանական աշ-  
խարհին: Կորալը մանրագույն կենդանիների գաղութ է,  
որոնք պոլիպների քարքարոտ, փխրուն զանգված են կաղ-  
մում: Այդ պոլիպներն ունեցել են մի ընդհանուր նախնի, որ  
նրանց առաջ է բերել բողբոջման միջոցով: Ապրելով ընդհա-  
նուր կյանքով, գաղութի յուրաքանչյուր անդամ միևնույն  
ժամանակ ունի իր մասնավոր կյանքը:

Ես կարդացել էի այդ հետաքրքիր զոոֆիտների վերաբեր-  
յալ վերջին աշխատությունները և ինձ համար շափաղանց



հետաքրքիր էր այցելել քարացած կորալե ծառերի այդ անտառներից մեկը, այն ծառերի, որ բնությունն անեցրել է օվկիանոսի խորքում:

Մենք դործի դրեցինք Ռումկորֆի ապարատները և քայլեցինք կորալների նոր կառուցած պատի երկարությամբ: Ժամանակի ընթացքում այդ պատը պետք է խաղաղ օվկիանոսը բաժանի Հնդկական օվկիանոսից: Ճանապարհին մենք տեսնում էինք կորալային ծառերի անտառներ: Միայն թե ծառերի նմանվող այդ բույսերը ցամաքային ծառերից տարբերվում էին նրանով, որ աճում էին վերևից ներքև, կաշելով ժայռերին:

Մեր լապտերների լույսը, ընկնելով գույնզգույն ոստերի վրա, ապշեցուցիչ պատկերներ էր առաջացնում: Երբեմն ինձ թվում էր, որ այդ քարացած նյութերն օրորվում են ջրի շարժումից: Ես ուզում էի պոկել քնքուշ, նուրբ շոշափուկներ ունեցող թարմ պսակները, որ բացված էին փարթամ ծաղկի նման կամ նոր էին սկսում բացվել: Թեթև, շափաղանց արագաշարժ ձկնիկները սլանում էին այս ու այն կողմ, ինչպես թռչունների երամներ և դիպչում այդ պսակներին: Բավական էր, որ ես ձեռքս պարզեի դեպի այդ կենդանի ծաղիկները, և արդեն անհանգստանում էր ամբողջ գաղութը: Սպիտակ պսակներն արագությամբ թաքնվում էին իրենց կարմիր պատյաններում, մեր աչքերի առաջ թառամում էին ծաղիկները և ամբողջ գաղութը կարծես շորտնում էր, քարացած դրություն ընդունում:

Ես առիթ ունեցա հանդիպելու ամենահազվագյուտ դոֆիտների մացառուտներին: Կորալային այս ծառաստանն իր գեղեցկությամբ շէր դիջում այն կորալներին, որ հանվում են Միջերկրական ծովից, Ֆրանսիական, իտալական ու աֆրիկյան ափերի մոտ: Կորալների գույնն արդարացնում է այն բանաստեղծական անունները, որ ակնադործները տալիս են նրանցից լավագույններին՝ «ալ-կարմիր ծաղիկ», «ալ-կարմիր փրփուր»:

Թփուտը հետզհետե խտանում էր և ավելի բարձր ծառեր էին հանդիպում: Մեր առաջ ֆանտաստիկ ճարտարապետական կառուցվածք ունեցող երկար միջանցքներ էին բացվում:

Նավապետ Նեմոն մեզ առաջնորդեց մի խավար, թեք միջանցքով, և մենք հետզհետե հասանք հարյուր մետր խորության: Մեր լապտերների լույսն ուղղակի մոզական պատկերներ էր առաջացնում, ընկնելով այդ բնական կամարների ատամնաձև ցցվածքներին, կամ կարմիր բոցեր վառելով կամարների կախված մասերում, որոնք իրենց տեսքով կարծես ջահեր լինեին:

Այստեղ, կորալե ծառերի մեջ ես նկատեցի պոլիպների նաև ուրիշ, ոչ պակաս հետաքրքիր տեսակներ, որոնք ունեին հոդավոր ճյուղավորում, ապա կանաչ ու կարմիր կորալների մի քանի թփեր, արտաքուստ իսկական ջրիմուռներ, թեպետ սրանց կրացած հյուսվածքները բոլորովին քարացած էին: Սակայն, ինչպես ասել է մի գիտնական, «կորալները թերևս այն սահմանն են, ուր կյանքը սկսում է արթնանալ իր քարացած նիրհից, բայց դեռ զուրկ է շարժունակութունից»:

Վերջապես, երկու ժամ քայլելուց հետո մենք հասանք մոտավորապես երեք հարյուր մետր խորության, այսինքն այն սահմանը, ուր վերջանում են կորալային գոյացումները: Այնտեղ, սակայն, չկային կորալե ծառերի առանձին խմբեր և նոսր պուրակներ: Դա մի խիտ անտառ էր, բաղկացած վիթխարի, քարացած ծառերից, որոնք մեկմեկու կապված էին պլյումարների, այդ գույնզգույն ծովային լիանաների նուրբ ծաղկեշղթաներով: Մենք առանց կռանալու անցնում էինք նրանց կամարների տակից, որոնք կորչում էին խավարում, իսկ մեր ոտների տակ փռված էին տուբիպորների, աստղածաղիկների, մեանդրիներին, ֆունգիաների ու կարիոֆիլների փարթամ գորգերը:

Ինչպիսի՞ դյութիչ տեսարան: Ափսոս, որ մենք անկարող էինք մեկմեկու հաղորդել մեր տպավորությունները: Որքա՞ն ցավալի էր այդ անմոռանալի բոպեներին զգալ, որ գլուխդ գերի է ապակյա և մետաղյա սաղավարտում: Ինչո՞ւ մենք չենք կարող ապրել ջրում, ինչպես այդ ձկները, որ նետի պես սլանում են մեր շուրջը, կամ ավելի լավ է ասել, երկկենցաղները, որոնք երկար ժամանակ կարող են լինել ջրի մեջ և ցամաքում, իրենց հավասարապես լավ զգալով թե օդում և թե ջրում:

Մինչ այս մինչ այն, նավապետ Նեմոն կանգ առավ: Իմ ընկերները ու ես հետևեցինք նրա օրինակին: Ես տեսա, թե ինչպես «Նաուտիլուսի» նավաստիները կիսաշրջանաձև շարք կազմեցին իրենց պետից մի քիչ դեպի ետ: Ավելի մոտիկից նայելով, ես նկատեցի, որ նրանցից շորսի ուսերի վրա ինչ-որ երկարաձև առարկա էր դրված:

Մենք գտնվում էինք մի ընդարձակ մարգագետնի կենտրոնում: Մարգագետինը բոլոր կողմերից շրջապատված էր կորալների բարձր անտառով: Մեր լապտերները երերուն, գունատ լույս էին սփռում հատակին, որտեղ այդ լույսից հսկայական ստվերներ էին գոյանում:

Մարգագետնի շուրջը թանձր խավար էր տիրում և միայն տեղ-տեղ բռնկվում ու իսկույն հանգչում էին կարմրավառ կրակները: Դրանք լապտերների ճառագայթներն էին, որ արտացոլվում էին կորալներում:

Նեղ ձենդն ու Կոնսելը կանգնած էին իմ կողքին: Մենք բոլորս նոր գլխի ընկանք, որ մեր ստորջրյա զրոսանքն ինչ-որ նպատակով է կատարվում: Դիտելով հատակը, ես նկատեցի, որ տեղ-տեղ շարեշար թմբեր են երևում: Թմբերի այդ շարքերի կանոնավորութունը ցույց էր տալիս, որ այնտեղ մարդկային աշխատանք է կատարված:

Նավապետ Նեմոն նշան արավ, և նավաստիներից մեկն անցավ առաջ, գոտուց հանեց քլունգը և սկսեց փոս փորել:

Այստեղ ես ամեն ինչ հասկացա:

Այդ մարգագետինը գերեզմանոց էր, նավաստու փորած փոսը՝ գերեզման, իսկ մյուս նավաստիների բերած երկարաձև առարկան՝ գիշերը մեռած մարդու մարմինը:

Նավապետ Նեմոն և նրա նավաստիները եկել էին այստեղ, որպեսզի իրենց ընկերոջը թաղեն այս եղբայրական գերեզմանոցում, օձկիանոսի անամատչելի և խորը հատակում:

Ես երբեք այդչափ շէի հուզվել: Երբեք և ոչ մի տեսարան այդչափ շէր ցնցել ինձ:

Ես ուզում էի տեսնել, թե ինչ է կատարվում իմ առաջ և ոչ մի վայրկյան չէի կարողանում հայայցքս հեռացնել այդ տեսարանից:

Փոսը հետզհետե մեծանում էր, այն փորվում էր կորալե

հատակում: Քլունդի հարվածներից վախեցած ձկներն այս ու այն կողմ էին վազում: Ես լսեցի մի խուլ հարված և տեսա մի քանի կայծեր այն պահին, երբ քլունդը խփեց հատակում գտնվող կայծքարին:

Փոսը հետզհետե երկարանում էր ու լայնանում, մինչև որ բավականաչափ մեծացավ դիակը տեղավորելու համար:

Այդ ժամանակ մոտեցան դիակը բերողները: Սպիտակ գործվածքով պատանած մարմինը դրին ջրով լցված գերեզմանը: Նավապետ Նեմոն և իր նավաստիները, ձեռքերը կրծքերին խաչած՝ շրջապատել էին գերեզմանը:

Ես ու իմ ընկերները, այդ տեսարանից խորապես ցնցված, մի քայլ ետ գնացինք, որպեսզի շխանգարենք նրանց վիշտը:

Գերեզմանը ծածկեցին փոսից հանած կորալների բեկորներով և թմբին ուղիղ ձև տվին:

Երբ այդ արված էր, նավապետ Նեմոն և նրա բոլոր ուղեկիցները շոքեցին մի ծնկի վրա և բարձրացրին ձեռները, որպես վերջին հրաժեշտի նշան...

Ապա սգերթը ետ ճանապարհվեց դեպի «Նաուտիլուսը»: Մենք կրկին անցանք կորալային անտառից, հետզհետե դեպի վեր բարձրացանք:

Վերջապես, հեռվում երևացին «Նաուտիլուսի» լույսերը: Մենք քայլեցինք դեպի այնտեղ և ցերեկվա ժամը մեկին վերադարձանք նավը:

Փոխելով հագուստս, ես շտապեցի դեպի տախտակամածը, ամբողջովին անձնատուր եղած ծանր մտքերին, որոնք կապված էին իմ տեսած տխուր ծեսի հետ:

Շուտով տախտակամած դուրս եկավ նաև նավապետ Նեմոն: Ես հարցրի.

— Ուրեմն գիշերը մեռե՞լ էր այդ մարդը, ինչպես նախատեսել էի ես:

— Այո, պարոն պրոֆեսոր, — պատասխանեց նավապետը:

— Եվ հիմա նա քնել է վերջին քնով, իր շատ ընկերների մոտ, կորալային ստորջրյա գերեզմանոցում:

— Այո, նա քնել է այնտեղ, մոռացված լինելով բոլորից, քայց ո՛չ մեզանից...

Ոս ձեռներով դեմքը ծածկած, նավապետ Նեմոն փորձում էր խեղդել հեկեկանքը, բայց ասարդյուն։

Սրկար լսելուց հետո նա ասաց.

— Այնտեղ, ջրի տակ, մի քանի հարյուր մետր խորությամբ սեղավորված է մեր խաղաղ գերեզմանոցը...

— Սվ այնտեղ հանգիստ քնած են ձեր մեռելները, որոնք անմատչելի են շնաձկներին...

— Այո՛,— խոսւ ձայնով պատասխանեց նավապետ Նեմոն,— անմատչելի են շնաձկներին և մարդկանց։





ԵՐԿՐՈՐԻ ՄԱՍ

## ԳԼՈՒԽ ԱՌԱՋԻՆ

### ՀՆԴԿԱԿԱՆ ՕՎԿԻԱՆՈՍԸ

Այստեղ սկսվում է մեր ստորջրյա ճանապարհորդության երկրորդ շրջանի պատմությունը: Առաջին շրջանն ավարտվեց կորալլային գերեզմանոցում եղած սրտաշարժ տեսարանով, որ այնքա՛ն ուժեղ տպավորություն թողեց ինձ վրա:

Օվկիանոսի անծայրածիր տարածություններում անցնում էր նավապետ Նեմոյի կյանքը, և նույն օվկիանոսը պատրաստել էր իր ամենախորը գաղտնարանները, որպեսզի ընդուներ նավապետի մարմինը, երբ նրա մեջ սառչեր կյանքի ջերմությունը:

Այնտե՛ղ, ջրերի խորքերում, ծովային ոչ մի հրեշ չէր կարող վրդովել «Նաուտիլուսի» բնակիչների, հանելուկային նավապետի բարեկամների և ընկերների հավերժական հանգիստը: Մահվան գրկում նրանք սերտ կապված են մեկմեկու, այնպես, ինչպես եղել են կյանքում... Այնտեղ քնած են նրանք, անմատչելի են ծովային հրեշներին, «նաև մարդկանց», ինչպես ասաց նավապետ Նեմոն:

Միշտ նույն անփոփո՛խ, համառ անվստահությունը դեպի մարդկային հասարակությունը:

Ինձ այլևս չէին բավարարում այն ենթադրությունները, որոնցով բավականանում էր Կոնսելը:

Այդ հրաշալի մարդը պնդում էր, որ նավապետ Նեմոն դեռևս չճանաչված մի գիտնական է, որը դեպի իրեն ցույց

տրված անտարբերութեան հետևանքով ատելութիւնն է տա-  
ծում դեպի մարդկութիւնը: Կոնսելը երբեմն ասում էր, թե  
«Նաուտիլուսի» հրամանատարը մի հանճար է, որին ծաղրել  
են գիտնականները, թե հասարակութեան բթութեան ու ան-  
տարբերութեան դեմ պայքարելուց հոգնած, նավապետն ա-  
ռանձնացել է մարդկանց համար անմատչելի այդ միջավայ-  
րում, որ ազատ ապրի: Սակայն, իմ կարծիքով, այս ենթա-  
դրութիւնը ևս շատ քիչ բան էր բացատրում նավապետ Նե-  
մոյի մասին:

Արդարև, այն գիշերվա հանելուկը, երբ մեզ արգելափա-  
կեցին խավար խցիկում և նույնիսկ քնեցրին, այն շտապողա-  
կանութիւնը, որով նավապետ Նեմոն իսկեց իմ ձեռներից հե-  
ռադիտակը, նախքան ես կդիտեի հորիզոնը, նավաստիներից  
մեկի մահացու վիրավորվելը, որ հետևանք էր «Նաուտիլու-  
սի» անբացատրելի ընդհարման, այս բոլոր հանգամանքներն  
ինձ ստիպում էին մտածել միայն հետևյալը. ո՛չ, նավապետ  
Նեմոն չէր սահմանափակվում միայն նրանով, որ փախչում  
էր մարդկանցից: Նրա հանճարեղ գյուտը՝ սուզանավը ծառա-  
յում էր նրան ոչ միայն իբրև ապաստարան, ուր նավապետը  
լիակատար ազատութիւն էր վայելում, այլև իբրև վրիժա-  
ռութեան դէմք:

Սակայն առայժմ դրա մասին ես չունեի ոչ մի ասլա-  
ցույց: Ինձ շրջապատող անիրազեկութեան թանձր խավարում  
այդ ենթադրութիւնը կարող էր ծառայել միայն իբրև ուղե-  
ցույց մի ճրագ:

Ուստի այսպես ասած՝ դեպքերի թելադրանքով պետք է  
շարունակեմ գրանցումներս...

Ասենք՝ մեզ ոչինչ չի կապում նավապետ Նեմոյի հետ: Նա  
գիտե, որ անկարելի է փախչել «Նաուտիլուսից»: Ահա թե  
ինչու նա նույնիսկ շտապեց մեզ խոսք տալ, որ չենք փախ-  
չի: Մենք ոչ մի պարտավորութիւն չենք վերցրել: Մենք միայն  
սովորական գերիներ ենք, որոնց, քաղաքավարութեան հա-  
մար, հյուրեր են անվանում:

Բայց և այնպես, նեղ կենդր շհրաժարվեց ազատվելու հույ-  
սից: Նա հավատացած է, որ կկարողանա օգտվել հենց առա-  
ջին հարմար առիթից: Ակներև է, որ ես էլ կհետևեմ նրա

օրինակին: Այնուամենայնիվ ես առանց ցավելու չեմ բաժանվի ստորջրյա հրաշքներից, որոնց հետ ծանոթանալն ինձ համար հնարավոր դարձավ նավապետ Նեմոյի մեծահոգության ջնորհիվ:

Ինձ համար այժմ էլ պարզ չէ, թե արդյոք ես պետք է խոնարհվե՞մ այդ մարդու առաջ, թե՞ ատեմ նրան: Արդյոք նա զո՞հ է, թե՞ դահիճ: Ես ազնվությամբ խոստովանում եմ, որ նախքան «Նաուտիլուսից» ընդմիջտ բաժանվելը, կուզեի մինչև վերջ կատարել այդ ստորջրյա աշխարհաշուրջ ճանապարհորդությունը, որի սկիզբն այնքա՛ն հրաշալի էր: Ես ուզում էի տեսնել ծովերում թաքնված բոլոր հրաշքները: Ես ուզում էի տեսնել այն ամենը, ինչ որ ինձնից առաջ չէր տեսել ոչ մի մարդ, եթե նույնիսկ գիտության այդ անհաղթարար իմ մասվան պատճառ դառնար:

Ի՞նչ էի իմացել մինչև հիմա: Ոչինչ, կամ համարյա ոչինչ, որովհետև մենք ընդամենը վեց հազար լյո էինք անցել Խաղաղ օվկիանոսում:

Մինչդեռ «Նաուտիլուսը» մոտենում է մարդաբնակ երկրո՞ւներին, և ես շատ լավ գիտեմ, որ եթե մենք փախչելու որևէ հնարավորություն ունենանք, իմ կողմից աններելի դաժանություն կլինի իմ գիտության ծարավը հագեցնելու համար դավաճանել ընկերներիս շահերին: Ես պետք է հետևեմ, գուցե և առաջնորդեմ նրանց: Բայց արդյոք երբևէ կլինի՞ փախչելու հնարավորություն: Այն մարդը, որ բռնությամբ զրկված է ազատությունից, երազում է այդ հնարավորության մասին, սակայն գիտնականը, հետազոտիչը, վախենում է, որ այդ հնարավորությունը վերջ է վերջոս կլինի...

Այն օրը, հունվարի 21-ին, կեսօրին նավապետի օգնականը սովորական կարգով բարձրացավ տախտակամածը, որպեսզի գիտողություններ անի: Նրանից հետո ես էլ բարձրացա և սիգար ծխելով սկսեցի դիտել: Ես այլևս չէի կասկածում, որ այդ մարդը ֆրանսերեն չի խոսում, որովհետև հաճախ դիտմամբ բառեր էի արտասանում, որոնք, եթե նրան հասկանալի լինեին, պետք է որ արժանանային նրա որևէ ուշադրության: Սակայն նա միշտ լինում էր հանգիստ ու լռակյաց:

Այն ժամանակ, երբ նավապետի օգնականը սեքստանտը

աչքերին դրած, որոշում էր արևի բարձրությունը, տախտակամած բարձրացավ «Նաուտիլուսի» նավաստիներից մեկը, հենց այն վիթխարին, որ մեղ ուղեկցում էր Կրեսպո կղզու անտառները որսի գնալիս: Նա զբաղվեց լուսարձակի ապակին մաքրելով: Ես հետաքրքրությամբ դիտում էի այդ գործիքը, որի լույսի ուժը հարյուր անգամ ավելանում էր շնորհիվ ոսպնյակային ապակիների օղակաձև դիրքի, իսկ այդ ապակիները խտացնում էին լույսի աղբյուրից տարածվող ճառագայթները: Այդ աղբյուրը կառուցված էր այնպես, որ նրա լուսատար ուժը հասցրած էր առավելագույնին, էլեկտրական աղեղը լուսավառվում էր անօդ տարածության մեջ, որով ապահովվում էր կեծացման մշտականությունը և միևնույն ժամանակ պահպանում գրաֆիտե սայրերը, որոնց միջև առաջանում էր աղեղը: Վերջին հանգամանքն առանձնապես կարևոր էր նավապետ Նեմոյի համար, որը հավանորեն այնքան էլ հեշտությամբ չէր կարող լրացնել գրաֆիտի պաշարը: Սակայն այդ ծայրերը շափազանց դանդաղ էին մաշվում օդազուրկ տարածության մեջ:

Երբ «Նաուտիլուսը» սկսեց պատրաստվել ջրասույզ լինելու, ես վերադարձա սրահ: Զրասուզվելուց հետո մենք լողացինք ուղիղ դեպի արևմուտք: Այժմ մենք ակոսում էինք Հընդկական օվկիանոսը, ջրային անծայրածիր հարթությունը, որ հինգ հարյուր հիսուն միլիոն հեկտար տարածություն է բռնում: Այդ օվկիանոսի ջրերն այնքան թափանցիկ է, որ եթե թուլակազմ մարդը նավի տախտակամածից ներքև նայի, նրա գլուխը կպտտվի:

«Նաուտիլուսը» սովորաբար լողում էր հարյուրից մինչև երկու հարյուր մետր խորությամբ: Այդպես շարունակվեց մի քանի օր: Եթե իմ տեղը մեկ ուրիշը լիներ, հավանորեն կբաճառեի այդ ճանապարհորդության միօրինակության ու ճանճրույթի դեմ: Սակայն ամենօրյա, առավոտյան զբոսանքները տախտակամածում, այնտեղ փչող, աղով հագեցված, հով քամին, սրահի լուսամուտներից օվկիանոսի հրաշքները դիտելը, նավապետ Նեմոյի գրադարանի գրքերի ընթերցումը, օրագրում գրանցումներ անելը, այս ամենն ինձ զբա-



դեցնում էր ամբողջ օրերով, և ես ոչ մի բոլոր չէի ձանձրա-  
նում, չէի հոգնում:

Թե նեղ կենդր, թե կոնսելը և թե ես բոլորովին առողջ  
էինք: «Նաուտիլուսում» եղած սնունդն ընդհանրապես բավա-  
բարում էր մեզ, և եթե ես չվախենայի վշտացնել կանադա-  
ցուն, հաճույքով կհրաժարվեի ընդհանուր ճաշասեղանը լրա-  
ցրնող այն «ցամաքային» մթերքներից, որ կանադացին կա-  
րողանում էր մի կերպ գտնել: Ջերմաստիճանը փոփոխական  
չէր, այնպես որ անկարելի էր հիվանդանալ նույնիսկ հարբու-  
խով, իսկ եթե այդ պատահեր, ապա կարելի էր օգտագործել  
«Նաուտիլուսի» դեղատանը եղած մադրեպորից պատրաստ-  
վող dendrophulez դեղափոշին, որ Պրովանսում հայտնի է  
«ծովասամիթ» անունով և հիանալի դեղ է հազի և հարբուխի  
դեմ:

Մի քանի օրվա ընթացքում, առավոտները դուրս դաշով  
տախտակամած, ես ապշում էի ծովային թռչունների, մանա-  
վանդ օրորների առատությունից: «Նաուտիլուսի» նավաստի-  
ները որսում էին այդ թռչունները և սրանցից պատրաստված  
կերակուրները շատ համեղ էին լինում: Կային խոշոր թռչ-  
չուններ, որոնք ծովափերից հեռու էին թռչում և հոգնածու-  
թյունից հանգստանում ալիքների վրա: Սրանց մեջ ուշագրավ  
էին փողակավորների ջոկատին պատկանող, գեղեցիկ մրրկա-  
հավերը, որոնց ձայնը հեռվից հիշեցնում էր էշի զուռը:  
Մաշկոտնյանների ընտանիքի ներկայացուցիչներն այստեղ ա-  
րագ թռչող ճղլակներն էին, որոնք որսում էին ծովի մակերե-  
վույթին մոտիկ լողացող ձկները. նույն ընտանիքի ներկայա-  
ցուցիչներն էին աղավնու մեծությամբ բազմաթիվ հարդա-  
տուաները, որոնց սպիտակ փետրափնջերն ավելի ևս նկատե-  
լի էին դարձնում թևերի բոլորովին սև գույնը: Փետրափնջերի  
ծայրերը մի քիչ վարդագույն էին:

Ամեն օր «Նաուտիլուսի» ուռկանը դուրս էր բերում ծովա-  
յին կրիաների նոր տեսակներ: Այստեղ ես կհիշեմ մասնավոր-  
ապես կարետա կամ մյուրիկեն կոչված հետաքրքիր կրիան,  
որ ունի կիսակլոր, վեր ցցված «վահան», որը շատ թանկ է,  
ծախվում: Այդ կրիաներն ընդունակ են երկար ժամանակ մնալ  
ջրի տակ, փակելով քթի խոռոչի մոտ գտնվող մսոտ կափույ-

րը: Մյուսիկեններից մի քանիսը բռնվեցին այն ժամանակ,  
երբ քնել էին, ծածկվել վահանով՝ ծովային կենդանիներից  
պաշտպանվելու համար: Այդ կենդանիների միսը համեղ չէ,  
սակայն նրանց ձվերը հիանալի ուտելիք են համարվում:

Ինչ վերաբերում է ձկներին, մենք սքանչանում էինք դի-  
տելով նրանց սրահի ապակյա լուսամուտներից: Ես տեսա  
ձկների մի քանի տեսակներ, որ մինչ այդ բոլորովին չէի տե-  
սել:

Ամենից առաջ հիշեմ կողովիկներ կոչված ձկների մասին,  
որոնք ապրում են բացառապես տաք ծովերում, մանավանդ  
Կարմիր ծովում, Հնդկական օվկիանոսում և Կենտրոնական  
Ամերիկայի ափերի մոտ: Այդ ձկները, ինչպես նաև կրիանե-  
րը, խեցգետնին նմանվող ու ծովային ողնիները պաշտպան-  
վում են ոչ թե կայծքարային կամ կրային, այլ պինդ, ոսկրյա  
վահանով, որ կազմված է իրար միացած թիթեղներից: Այդ-  
պիսի վահան ունեցող ձկան մարմինն ունի եռակողմ, քառա-  
կողմ կամ հնգակողմ տուփի ձև, ունի ամուր պատեր և բոլոր-  
ովին դուրկ է ճկունությունից: Շարժվել կարող է միայն  
դրանց պոչի ծայրը, նաև դունչը, որոնք ծածկված են փափուկ  
մաշկով: Սակայն այդ շարժումներն էլ աչքի չեն ընկնում մի  
առանձին ճկունությամբ և կարող են կատարվել ո՛չ դեպի բո-  
լոր կողմերը: Մենք տեսնում էինք եռանկյունաձև ձկներ, ո-  
րոնց միսը խիստ քնքուչ է, նաև եղջյուրավոր ձկներ, իրենց  
քառակողմ վահանով: Դրանք եղջյուրավոր են կոչվում, ո-  
րովհետև մեծ, կլոր աչքերի վերևում ունեն եղջյուրների նը-  
մանվող երկար փշեր:

Հիշեմ նաև փշոտ կատվաձկներին, որոնք ունեին շատ եր-  
կար, մտրակի նման պոչ: Պոչի վրա կան սուր փշեր: Կատվա-  
ձուկը կարող է իր այդ պոչով սարսափելի հարվածներ հասց-  
նել, որոնք վտանգավոր են նույնիսկ մարդու համար:

Կոնսելի օրագրում մատնանշված են ձկան մի քանի այլ  
տեսակներ՝ ասղաորովայններ, որ մենք արդեն տեսել էինք  
Խաղաղ օվկիանոսում. երկարաքիթ կատվաձկներ, որոնց  
միսն ընդհանրապես համեղ չէ, սակայն հայտնի չէ ինչու  
Անգլիայում լավ ուտելիք է համարվում և շատերը սիրում են  
այդ միսը: «Էլեկտրական» կատվաձկներ՝ կլոր, մերկ կեն-

դանիներ, որոնք զուրկ են խավից ու փշերից. մեկ ու կես մետր երկարութիւնն և մեկ մետր լայնութիւնն ունեցող մարմարե, «էլեկտրական» կատվածկներ, որոնք կինամոնագուլն են, բայց մեջքի վրա ունեն ավելի բաց, մարմարե երանգ:

Մյուս տեսակների ներկայացուցիչներից պետք է հիշել ձրվածե ձկների, որոնք թուխ-կինամոնագուլն են, համարյա սև, սպիտակ խավով, առանց պոչի. երկու ատամ ունեցող խոզուկներին նմանվող ձկների, որոնք կարող են ուռել և դառնալ բոլոր կողմերից փշերով շրջապատված գունդ. ծովային ձիուկներին, որոնք նույնն են, ինչ որ մյուս օվկիանոսներում. պեգաս-ձկներին, դեպի առաջ ցցված դնչով և կրծքի լայն, հորիզոնական դիրք ունեցող լողաթևերով, որոնք ֆանտաստիկ տեսք են տալիս այդ ձկներին. քնարածկներին, որոնք դեղնավուն են և շափոցուղա-կապույտ շերտերով ու բծերով ծածկված: Դրանց միսը սպիտակ է ու համեղ:

Մենք տեսանք նաև վեց մետր երկարութիւնն ունեցող առագաստավոր ձկներ, որոնք կարող են իրենց հսկայական, ուժեղ լողաթևը բարձրացնել մինչև մեկ ու կես մետր և օգտւել զրանով, ինչպես առագաստով. սովորական մազապոչավորներ՝ իրենց շատ երկար ու բարակ, ժապավենաձև մարմնով արուներն ունեն արծաթավուն-սպիտակ գուլն ու գորշ դեղնավուն լողաթև. վերջապես, օվկիանոսային ճանճորսներ, իրենց «հրացանով», որ նույնիսկ Ռեմինգտոնը և զենքի մյուս գործարանատերերը երազում անգամ չեն տեսել: Այս կենդանիներն իրենց այդ «հրացանով» սպանում են միջատներին, իսկ «հրացանի» լիցքը բաղկացած է լինում... մի կաթիլ ջրից:

Հունվարի 21-ից մինչև 23-ը «Նաուտիլուսն» օրական անցնում էր հինգ հարյուր քառասուն մղոն: Ուրիշ խոսքով, մենք գնում էինք մեկ ժամում քսաներկու և կես մղոն արագութեամբ: Եթե մեզ հաջողվում էր այդպիսի արագ ընթացքի ժամանակ տեսնել մի քանի ձկներ, ապա այդ նշանակում էր, որ նրանք, գրավվելով լուսարձակի լույսից, ձգտում էին ուղեկցել մեզ: Սակայն նրանց մեծ մասը համարյա անմիջապես հետ էր մնում և միայն քչերն էին շատ թե քիչ երկար ժամանակ լողում նավի հետ միասին:

Քսանշորսի առավոտյան մենք տեսանք Կիլիկիոյ կղզին՝ որ գտնվում է  $12^{\circ}5'$  հարավային լայնության և  $94^{\circ}33'$  երկարության տակ: Դա կորալային կղզի չէ, ծածկված հիանալի կոկոսի արմավենիներով: Իր ժամանակին կղզին այցելել են Չարլզ Դարվինը և նավապետ Ֆից-Ռոյը: «Նաուտիլուսն» անցավ այդ անմարդաբնակ կղզու մոտից: Մենք որսացինք բազմաթիվ ու բազմատեսակ պոլիպներ, սրանց թվում՝ դելֆինների մի քանի հետաքրքիր տեսակներ, որոնք այնուհետև տեղ բռնեցին նավապետ Նեմոյի հավաքածոյում:

Շուտով Կիլիկիոյ կղզին շքացավ և «Նաուտիլուսն» ուղեվորվեց դեպի հյուսիս-արևմուտք, դեպի Հնդկական թերակղզու հարավային ծայրը:

— Մենք մոտենում ենք քաղաքակիրթ երկրներին, — այդ օրն ինձ ասաց Նեդ Լենդը, — դա ավելի լավ է, քան Նոր Գվինեան, որտեղ վայրենիներն ավելի շատ են, քան այժյամները: Հնդկաստանում, պարոն պրոֆեսոր, կան խճուղիներ, երկաթուղիներ և քաղաքներ՝ անգլիական, ֆրանսիական, հրեական: Այնտեղ ամեն քայլափոխում կարելի է հայրենակցի հանդիպել: Ի՞նչ եք կարծում, արդյոք ժամանակը չէ՞ հրաժեշտ տալ նավապետ Նեմոյին:

— Ո՛չ, ո՛չ, — վճռականապես պատասխանեցի ես կանադացուն, — շտապելուց բան չի դուրս գա: Հիմա «Նաուտիլուսը» մոտենում է բնակելի երկրներին: Նավն ուղևորվում է դեպի Եվրոպա: Թող նա մեզ այնտեղ տանի: Երբ մենք կմոտենանք եվրոպական ափերին, միայն այդ ժամանակ կվարվենք այնպես, ինչպես կթելադրի զգուշությունը: Ի դեպ ասած՝ ես չեմ հավատում, որ նավապետ Նեմոն նույնպիսի հեշտությամբ թույլ տա մեզ որսի գնալ Մալաբարյան կամ Կորոմանդելյան ափը, ինչպես այդ եղավ Գվեոբորար կղզին՝ գնալիս:

— Ի՞նչ արած, պարոն պրոֆեսոր, այդ դեպքում մենք ըստիպված կլինենք շօգտվել նրա թույլտվությունից:

Ես շպատասխանեցի կանադացուն: Չէի ուզում նրա հետ վիճել:

Սակայն հոգուս խորքում ես հաստատապես որոշել էի

մինչև վերջ օգտագործել այն հնարավորությունները, որ բխում էին ստորջրյա նավի մեջ գտնվելուց:

Կիլինգ կղզին անցնելուց հետո «Նաուտիլուսը» բավական դանդաղեցրեց ընթացքը: Հիմա մենք իջեցման դեկերի օգնութեամբ հաճախ իջնում էինք օվկիանոսի խորքերը: Խորասուզվում էինք երկու, երբեմն երեք կիլոմետր, սակայն ոչ մի անգամ չհետազոտեցինք Հնդկական օվկիանոսի խորությունը, որտեղ տասներեք կիլոմետր իջեցրած զոնդը չի հասնում հատակին: Ջրի ստորին շերտերի բարեխառնությունն այստեղ նույնն էր, ինչպես և Խաղաղ օվկիանոսում՝ չորս աստիճան զրոյից բարձր: Ես ուշադրություն դարձրի միայն մի հանգամանքի վրա՝ ոչ խորը տեղերում ջրի մակերեսային շերտերի բարեխառնությունը միշտ ավելի ցածր է, քան խորը շերտերում:

Հունվարի քսանհինգին օվկիանոսի հեռուներում շէր երևւում ոչ մի կղզի և «Նաուտիլուսն» ամբողջ օրը լողում էր ջրի վրայով, ուժեղ թափով ճեղքում ալիքները և դեպի վեր շարտում ջուրը: Զարմանալի չէ, որ հեռվից «Նաուտիլուսը» տեսնող նավերը նրան կետի տեղ էին ընդունում:

Օրվա երեք քառորդ մասը ես անցկացրի տախտակամածում և դիտում էի ծովը: Հորիզոնում ոչինչ չէր երևում: Միայն ցերեկվա ժամը մոտ շորսին հեռվում երևաց մի շոգենավ, որ դեպի արևմուտք էր գնում: Մի քանի րոպեի ընթացքում շոգենավի կայմերը պարզ ուրվագծվում էին հորիզոնում, սակայն այնտեղից անկարելի էր նկատել «Նաուտիլուսը», որ հազիվ դուրս էր եկել ջրից:

Ես մտածեցի, որ այդ շոգենավը պատկանում է «Փենինսուլար Էնդ Օրիենթըլ Քոմփրնի» ընկերությանը՝ որ սպասարկում է Ցեյլոն—Սիդնեյ գիծը, անցնելով Մելբուռնից և Գեվորգ թագավորի հրվանդանից:

Երեկոյան ժամը հինգին, արևադարձային կարճատև մթրնշաղից հետո ես ու Կոնսելը դիտեցինք սքանչելի մի տեսարան:

Գոյություն ունի մի չքնաղ կակղամորթ, որին հանդիպելը, հնադարյան մարդկանց կարծիքով, երջանկության նշան է: Արիստոտելը, Աթեննոսն ու Պլինիոսն ուսումնասի-



րել են նրա սովորութիւնները, ճաշակը, և նրան նկարագրելու համար շեն խնայել հին Հունաստանի և Հռոմի բանաստեղծական ամբողջ գինանոցը: Այս կակղամորթը ժամանակակից գիտութեանը հայտնի է արգոնավտ անունով:

Եթե որևէ մեկը դիմեր Կոնսելին, կիմանար, որ կակղամորթների բաժինը բաղկացած է հինգ դասից, որ գլխատանիներ անվանվող առաջին դասին պատկանում է միայն երկու ընտանիք, երկու և չորս քիմուխտավորները, որոնք տարբերվում են քիմուխտների քանակութեամբ, որ երկքիմուխտավորների ընտանիքը բաղկանում է երեք տեսակներից՝ արգոնավտներ, կալմարներ և թանաքաձկներ, մինչդեռ չորս քիմուխտավորների ընտանիքի մեջ մտնում է միայն մի տեսակ՝ «նավակները»:

Եվ եթե անուշադիր ընթերցողը, ծանոթանալով այդ անվանացանկի հետ, ծծուկներ ունեցող արգոնավտին շփոթի շոշափուկներ ունեցող «նավակի» հետ, ապա դա նրան շիներվի:

Մենք տեսանք արգոնավտների մի ամբողջ վտառ, որ լողում էր օվկիանոսում: Դրանք մի քանի հարյուր հատ էին: Այդ գեղատեսիլ կակղամորթները շարժվում էին դեպի ետ, իրենց «ձագարների» օգնութեամբ, որոնց միջով նրանք դուրս են մղում շնչելու ժամանակ ներս քաշած ջուրը: Դրանց ութ ծծուկներից վեցը, որ բարակ ու երկար են, լողում էին ջրի մակերեսին, մինչդեռ մնացած երկու ծծուկները, այսպես կոչված՝ տեկտոկոտիլները, ավելի պինդ են և ճկվող աղեղի նման կանգնած էին քամու դեմ ինչպես առագաստներ:

Ջրի մեջ ես պարզ տեսա դրանց պարուրած և խեցիները, որ Կյուվեն իրավամբ համեմատում է գեղեցիկ նավակի հետ: Իսկապես դրանք հիշեցնում են նավակը: Արգոնավտն ինքն է կրային աղերի շերտերից «կառուցել» այդ նավակը և միշտ գտնվում է նրա վրա, թեև շի միակցվում նավակին:

— Արգոնավտը միշտ կարող է հեռանալ իր նավակից, սակայն երբեք այդպես չի անում, — ասացի ես Կոնսելին:

— Ինչպես նաև նավապետ Նեմոն, — պատասխանեց Կոնսելը, — ուստի լավ կլիներ, եթե նա իր նավն անվաներ «Արգոնավտ»:

րել են նրա սովորութիւնները, ճաշակը, և նրան նկարագրելու համար շեն խնայել հին Հունաստանի և Հռոմի բանաստեղծական ամբողջ զինանոցը: Այս կակղամորթը ժամանակակից գիտութեանը հայտնի է արգոնավտ անունով:

Եթե որևէ մեկը դիմեր Կոնսելին, կիմանար, որ կակղամորթների բաժինը բաղկացած է հինգ դասից, որ գլխատանիներ անվանվող առաջին դասին պատկանում է միայն երկու ընտանիք, երկու և չորս քիմուխտավորները, որոնք տարբերվում են քիմուխտների քանակութեամբ, որ երկքիմուխտավորների ընտանիքը բաղկանում է երեք տեսակներից՝ արգոնավտներ, կալմարներ և թանաքաձկներ, մինչդեռ չորս քիմուխտավորների ընտանիքի մեջ մտնում է միայն մի տեսակ՝ «նավակները»:

Եվ եթե անուշադիր ընթերցողը, ծանոթանալով այդ անվանացանկի հետ, ծծուկներ ունեցող արգոնավտին շփոթի շոշափուկներ ունեցող «նավակի» հետ, ապա դա նրան շիներվի:

Մենք տեսանք արգոնավտների մի ամբողջ վտառ, որ լողում էր օվկիանոսում: Դրանք մի քանի հարյուր հատ էին: Այդ դեղատեսիլ կակղամորթները շարժվում էին դեպի ետ, իրենց «ձագարների» օգնութեամբ, որոնց միջով նրանք դուրս են մղում շնչելու ժամանակ ներս քաշած ջուրը: Դրանց ութ ծծուկներից վեցը, որ բարակ ու երկար են, լողում էին ջրի մակերեսին, մինչդեռ մնացած երկու ծծուկները, այսպես կոչված՝ տեկտոկոտիլները, ավելի պինդ են և ճկվող աղեղի նման կանգնած էին քամու դեմ ինչպես առագաստներ:

Ջրի մեջ ես պարզ տեսա դրանց պարուրած և խեցիները, որ Կյուվեն իրավամբ համեմատում է գեղեցիկ նավակի հետ: Իսկապես դրանք հիշեցնում են նավակը: Արգոնավտն ինքն է կրային աղերի շերտերից «կառուցել» այդ նավակը և միշտ գտնվում է նրա վրա, թեև շի միակցվում նավակին:

— Արգոնավտը միշտ կարող է հեռանալ իր նավակից, սակայն երբեք այդպես չի անում, — ասացի ես Կոնսելին:

— Ինչպես նաև նավապետ նեմոն, — պատասխանեց Կոնսելը, — ուստի լավ կլիներ, եթե նա իր նավն անվաներ «Արգոնավտ»:

Գրեթե մի ամբողջ ժամվա ընթացքում «Նառուտիլուսը» լողում էր այդ կակղամորթների ուղեկցությամբ: Սակայն շղիտեմ ինչու հանկարծ նրանք սարսափահար եղան: Բոլոր «առագաստները» միանգամից իջան, դեպի առաջ ցցված շոշափուկները ներս քաշվեցին, մարմինները կծկվեցին, «նավակները» տեղափոխեցին իրենց ծանրության կենտրոնը, և ամբողջ «նավատորմը» մի ակնթարթում չքացավ ջրի տակ:

Երբեք և ոչ մի նավախումբ այդպիսի ճշտությամբ չի կատարել այդչափ բարդ զորախաղ:

Արևը մայր մտավ, և գրեթե րոպեապես իջավ գիշերը: Թեթև հողմից ալեկոծվող ծովը կամացուկ օրորում էր լողացող «Նառուտիլուսը»:

Հետևյալ օրը, հունվարի 26-ին, մենք ութսուներկուերորդ միջօրեականի տակ անցանք հասարակածը և մտանք հյուսիսային կիսագնդի ջրերը:

Այդ օրը մեզ ուղեկցում էր շնաձկների, այդ սարսափելի կենդանիների հսկայական վտառը: Դրանք վխտում են ծովերում և վտանգավոր են դարձնում նավերի երթևեկությունը: Դրանք «թիկնոցավոր» շնաձկներ էին, թուխ մեջքով և սպիտակ որովայնով, գինված էին տասնմեկ շարք ատամներով: Կային շնաձկներ, որոնք ուսերի վրա ունեին մեծ, սև, ըսպիտակ եզրով շրջապատված և աչքի նման մի բիծ: Կային նաև շնաձկներ, որոնց դնչերը կլոր էին և սև կետերով ծածկված: Այդ վիթխարի գիշակերները մի քանի անգամ սարսափելի կատաղությամբ հարձակվում էին սրահի լուսամուտների վրա: Այդ րոպեներին նեղ կենդն ուղղակի կատաղում էր: Նա ուզում էր լինել ջրում ու որսալ այդ հրեշներին, մանավանդ վագրանման շնաձկներին, որոնք մի առանձին կատաղությամբ էին հարձակվում սրահի լուսամուտների վրա: Սրանց երախներում ատամները շարված էին խճաղարդի նման:

«Նառուտիլուսն» արագացրեց իր ընթացքը և նույնիսկ ամենարագաշարժ շնաձկները հետ մնացին նավից:

Հունվարի քսանյոթին Բենգալյան ծոցի մոտ մենք մի քանի անգամ նկատեցինք դիակներ, որոնք ընկած էին ջրի երեսին: Ինչպիսի՜ սարսափելի տեսարան: Դրանք հնդկական քա-

ղաքների մեռած բնակիչներն էին, որոնց Հնդկաստանի միակ գերեզմանափորները՝ ուրուրները, դեռ չէին կարողացել կըտցել: Գանդեսի ալիքները դրանց տարել էին բաց օվկիանոս, և այն ինչ որ չէին արել ուրուրները, արագությամբ արեցին շնածկները...

Երեկոյան ժամը մոտ յոթին «Նաուտիլուսը» բարձրացավ ծովի վրա և լողում էր կաթնավուն-սպիտակ ալիքներում: Օվկիանոսի ամբողջ տեսանելի մասը կաթնագույն էր թվում: Արդյոք դա լուսնի լույսի անդրադարձումն էր: Ոչ, որովհետև ընդամենը երկու օր էր, որ նորել էր լուսինը, այդ գիշեր դեռ չէր ծագել. երկինքը, որ լուսավորված էր հենց նոր մայր մըտած արևի ճառագայթների ցուլքով, ջրի սպիտակության հանդեպ սև էր թվում:

Դիտելով այդ ապշեցուցիչ տեսարանը, Կոնսելը չէր հավատում իր աչքերին: Նա ինձ հարցրեց, թե արդյոք գիտե՞մ դրա պատճառը:

Բարեբախտաբար ես ի վիճակի էի նրան բացատրություն տալու:

— Դա այսպես կոչված կաթնային ծովն է, —ասացի ես, — ջրի այդ կաթնային-սպիտակ գույնը հաճախակի երեվույթ է Հնդկաստանի ափերի մոտ:

— Սակայն պարոնն արդյոք չի՞ ասի ինձ, թե ինչ պատճառով է ջուրն այդպես սպիտակում, — հարցրեց Կոնսելը, — ծովի ջուրը հո կաթ չի՞ դարձել:

— Իհարկե ոչ, բարեկամս: Ջրի այդ գույնը, որ զարմացնում է քեզ, առաջ է գալիս անթիվ ու անհամար ինֆուզորիաներից՝ լորձունքային անգույն, լուսավառվող մասնիկներից, որոնք ունեն մազի հաստություն և մոտավորապես մեկ հինգերորդ միլիմետր երկարություն: Այդ ինֆուզորիաները միանում են ու կազմում համատարած դաշտեր, որոնք երբեմն մի քանի կիլոմետր տարածություն են բռնում:

— Մի քանի կիլոմե՞տր, — զարմացավ Կոնսելը:

— Այո, բարեկամս: Այդպիսի «ծովերում» եղած ինֆուզորիաների քանակը հաշվելու փորձ չանես: Միևնույն է, այդ քեզ չի հաջողվի, որովհետև, եթե չեմ սխալվում, մի քանի

ծովագնացներ հաղորդել են, թե քառասուն և ավելի մղոն տարածությամբ կաթնային ծովեր են տեսել:

Չնայելով իմ խորհրդին, Կոնսեյը սկսեց մտքում հաշվել, թե քառասուն քառակուսի մղոն տարածության վրա որչափ ինֆուզորիաներ կտեղավորվեն, եթե յուրաքանչյուր ինֆուզորիա մազից հաստ չէ և երկար չէ մեկ հինգերորդ միլիմետրից:

Թողնելով, որ Կոնսեյը զբաղվի իր հաշիվներով, ես շարունակեցի դիտել բնության այդ հետաքրքիր երևույթը:

Մի քանի ժամ «Նաուտիլոսն» իր սուր ծայրով ճեղքում էր կաթնային ծովի սպիտակավուն ջրերը, և ես ուշադրություն դարձրի այն հանգամանքի վրա, որ նավը շարժվում է անձայն, կարծես թանձր սապնափրփուրի միջով է անցնում:

Մտավորապես կեսգիշերին մեր առջև ծովն անսպասելիորեն սովորական գույն ստացավ, բայց մեր անցած ճանապարհին երկինքը, արտացոլելով ջրերի սպիտակությունը, կարծես հյուսիսափայլով էր լուսավորված:

## ԳԼՈՒԽ ԵՐԿՐՈՐԴ

### ՆԱՎԱՊԵՏ ՆԵՄՈՅԻ ԱՌԱՋԱՐԿԸ

Հունվարի քսանութին, կեսօրին, 9°4' հյուսիսային լայնության տակ դուրս գալով ջրի երեսը, մենք նկատեցինք մի ինչոր ցամաք, որ գտնվում էր ութ մղոն դեպի արևմուտք: Ամենից առաջ աչքովս ընկան բավական բարձր լեռնախմբերը, որոնց լանջերը քմահաճ ու տարօրինակ ձևեր ունեին: Մի քանի լեռների բարձրությունն ավելի քան երկու հազար ոտնաչափի էր հասնում: Դիտողությունները վերջացնելուց հետո ես մտա սրահ և նայելով քարտեզը, տեսա, որ մենք գրտնրվում ենք Ցեյլոն կղզու՝ Հնդկաստանի մարգարտի ավերի մոտ:

Ես գնացի գրադարան, որպեսզի գրքեր գտնեմ աշխարհիս այդ ամենաարգավանդ կղզու մասին, և գտա Սիրրայի աշխատությունը՝ «Ցեյլոնը և սինգալեդները» վերնագրով:



Սրահում ընթերցանությամբ զբաղվելիս ես ամենից առաջ նշեցի այդ կղզու աշխարհագրական կոորդինատները՝ հյուսիսային լայնության  $5^{\circ}55'$ -ից մինչև  $9^{\circ}49'$  և արևելյան երկարության  $79^{\circ}42'$ -ից մինչև  $82^{\circ}4'$  (Գրինվիչից)։ Կղզու երկարությունը երկոս հարյուր յոթանասուն հինգ մղոն է, ամենամեծ լայնությունը — հարյուր հիսուն մղոն, առափնյա գծի երկարությունը — ինը հարյուր հիսուն մղոն, վերջապես, մակերեսը՝ քսանչորս հազար չորս հարյուր քառասունութ մղոն, այսինքն կղզին մի քիչ փոքր է Իռլանդիայից։

Այդ ժամանակ սրահ մտան նավապետ Նեմոն և նրա օգնականը։

Նավապետը նայեց քարտեզին։ Ասլա դառնալով դեպի ինձ, ասաց․

— Ցեյլոն կղին հայտնի է մարգարիտներով։ Արդյոք չե՞ք ցանկանում, պարոն պրոֆեսոր, լինել այնտեղ, ուր մարգարիտ են հավաքում։

— Հաճույքով, նավապետ։

— Հրաշալի։ Դա շատ հեշտ է։ Ճիշտ է, մենք կտեսնենք միայն հավաքելու վայրը և ոչ թե հավաքողներին, որովհետև սեզոնը դեռ չի սկսվել։ Սակայն այդ կարևոր չէ։ Ես հիմա կհրամայեմ ուղևորվել դեպի Մանաարյան ծոցը։ Գիշերով մենք կհասնենք այնտեղ։

Նավապետն ինձ անհայտ լեզվով մի քանի խոսք ասաց իր օգնականին, որ շտապ դուրս եկավ սրահից։ «Նաուտիլուսը» անմիջապես ջրասույզ եղավ։ Խտաշափը ցույց էր տալիս երեսուն տոնաչափ խորություն։

Վերցնելով քարտեզը, ես որոնեցի Մանաարյան ծոցը և գտա համանուն կղզու մոտ,  $9^{\circ}$  հյուսիսային լայնության տակ, Ցեյլոնի հյուսիս-արևմտյան ափում։ Մանաարյան ծոցը հասնելու համար մենք պետք է անցնենք կղզու ամբողջ արևմտյան ափի երկայնքով։

Նավապետ Նեմոն վերսկսեց խոսակցությունը։

— Պարոն պրոֆեսոր, — ասաց նա, — մարգարիտները հավաքվում են Բենդալյան ծոցում, Հնդկական ծովում, Չինական և Ճապոնական ծովերում, Ամերիկայի հարավում գրտնրվող ծովերում, Պանամայի ծոցում, Կալիֆոռնիայի ծոցում։

Սակայն լավագույն արդյունքը ստացվում է Ցեյլոնում, Ցավոք սրտի, մենք շատ շուտ եկանք այստեղ: Մարգարիտ հավաքողները Մանաարյան ծոցն են գալիս մարտի կեսից ոչ շուտ: Այդ ժամանակ այստեղ է գալիս մինչև երեք հարյուր նավ, որոնք երեսուն օր զբաղվում են այդ ամենակամտաբեր գործով: Յուրաքանչյուր նավ ունի տասը թիավարող և տասը սուզակ: Վերջիններս բաժանվում են երկու մասի և հերթով իջնում են ջրի տակ: Նրանք իջնում են մինչև տասներկու մետր, վերցնելով մի ծանր քար, որը սեղմում են ոտների միջև, ու հասնելով հարկավոր խորության, բաց են թողնում: Հետո այդ քարը, որ պարանով կապված է նավին, թիավարները հանում են ջրից ու սեղավորում նավի վրա:

— Ուրեմն դեռ գործադրվում են այդ բարբարոսական միջոցները:

— Այո, այստեղ ոչինչ չի փոխվել, — պատասխանեց Նեմոն, — շնայելով, որ մարգարիտների այդ վայրերը պատկանում են աշխարհիս ամենախնդուստրիալ երկրին՝ Անգլիային, որին հանձնված են 1802 թվականի Ամենյան համաձայնությունով:

— Սակայն ինձ թվում է, որ այնպիսի մի զրահագգեստ, ինչպիսին ձերն է, էական օգուտ կբերեր այդ գործում:

— Իհարկե, չէ՞ որ այդ խեղճ մարդիկ, որոնք ջրասույզ են լինում, երկար ժամանակ չեն կարող մնալ ջրի տակ: Անգլիացի Պերսիվալը, նկարագրելով դեպի Ցեյլոն կատարած իր ճանապարհորդությունը, պատմում է, թե ինչպես մի կաֆր կարողանում էր ամբողջ հինգ ընդամենը մնալ ջրի տակ, սակայն այդ ինձ միշտ կասկածելի էր թվում: Գիտեմ, կան լողորդներ, որոնք ջրի տակ մնում են համարյա մի ընդամենը, հիսունյոթ վայրկյան, իսկ մի քանիսներն էլ, ամենաուժեղները, նույնիսկ ութսունյոթ վայրկյան, համարյա մեկ ու կես ընդամենը: Սակայն դրանց թիվը շատ քիչ է, այն էլ ջրից դուրս գալուց հետո այդ թշվառների ականջներից ու քթերից արյունով ներկված ջուր է հոսում: Ինձ թվում է, որ սուզակները ջրի տակ կարող են գտնվել միջին հաշվով երեսուն վայրկյանից ոչ ավելի, և այդքան կարճ ժամանակամիջոցում նրանք մարգարտի խեցիները պետք է գտնեն, սլոկեն ու նետեն:

ցանցի մեջ: Մասնագետ սուզակները հազվագյուտ դեպքերում են հասնում միջին տարիքի. նրանց մեծամասնությունը մեռնում է ջահել հասակում. նրանց տեսողությունն արագ թուլանում է, աչքերը թարախակալվում են, ամբողջ մարմինը ծածկվում է գարշելի վերքերով: Հաճախ նրանք սրտի պայթյունից հանկարծամահ են լինում ջրի տակ:

— Այո, — ասացի ես, — դա ծանր մասնագիտություն է... Եվ որքա՛ն մարդու կյանք, որքա՛ն ուժեր են զոհաբերվում կանանց քմահաճույքների համար... Սակայն ասացեք, նավապետ, մեկ նավն այդ ձևով քանի՞ խեցի է որսում:

— Մեկ բանվորական օրում քառասունից մինչև հիսուն հազար հատ: Ասում են, թե 1814 թվականին անգլիական կառավարությունը պետության համար մարգարիտ էր հավաքել, և աշխատողները քսան օրվա ընթացքում ծովից դուրս էին բերել յոթանասունվեց միլիոն խեցի:

— Նրանց աշխատանքը լա՛վ է վարձատրվում:

— Ընդհակառակը, բոլորովին վատ: Պանամայում նրանք վաստակում են օրական մեկ դոլարից ոչ ավելի: Շատ հաճախ նրանք մեկ սու արժողությամբ պղնձադրամ են աշխատում մարգարիտ պարունակող յուրաքանչյուր խեցիի համար: Բայց նրանք որքա՛ն խեցիներ են հավաքում, որոնք մարգարիտ չեն պարունակում:

— Մեկական սու մարգարտի համար, որը հարստացնում է ձեռնարկուի՞ն: Դա վրդովեցուցիչ է:

— Այսպես ուրեմն, պարոն պրոֆեսոր, — ասաց նավապետ Նեմոն, — թե՛ ձեզ և թե՛ ձեր ուղեկիցներին կհաջողվի դիտել Մանաարյան ծոցի մարգարտյա հատակը: Եթե այդ ժամանակ այնտեղ պատահամա՛ք լինի մարգարիտ հավաքող որևէ մեկը, դուք կծանոթանաք նաև այդ գործի տեխնիկայի հետ:

— Դա շատ հետաքրքիր կլինի:

— Ի դեպ, պրոֆեսոր, դուք չե՞ք վախենում շնաձկներից:

— Շնաձկների՞ց, — դարմացա ես:

Այդ հարցը, մեղմ արտահայտված, պարապ հարց էր:

— Ուրեմն ինչպե՞ս, — համառեց նավապետ Նեմոն:

— Պետք է անկեղծորեն խոստովանեմ, նավատիտ,—  
ասացի ես,— որ ես դեռ բավականաչափ չեմ ընտելացել այդ  
ձկներին:

— Իսկ մենք այնքան ենք ընտելացել, որ արդեն անտար-  
բեր ենք դեպի նրանց. շուտով դուք էլ նույն կերպ կվերա-  
բերվեք,— պատասխանեց ինձ նավապետը,— մենք լավ զին-  
ված կլինենք և ճանապարհին որևէ շնաձուկ կորսանք: Այդ  
որսը հետաքրքիր է: Այսպես ուրեմն, պրոֆեսոր, ցտեսու-  
թյուն: Վաղ առավոտյան մենք կմեկնենք:

Ամենաանհոգ տոնով ասելով այդ, նավապետ Նեմոն դուրս  
գնաց սրահից:

Եթե ձեզ հրավիրեին արջ որսալու Շվեյցարիայի լեռնե-  
րում, դուք հավանորեն կպատասխանեիք. — «Լավ, վաղը կը-  
գնանք արջ որսալու»: Եթե ձեզ հրավիրեին առյուծ որսա-  
լու Ատլասի հարթավայրերում կամ վաղը որսալու Հնդկաս-  
տանի մթին անտառներում, դուք երևի կմտածեիք, «Ինչ  
կա որ, գնանք վաղրեր կամ առյուծներ որսալու, դա հետա-  
քրքիր է»: Սակայն երբ ձեզ հրավիրում են շնաձկներ որ-  
սալ ոչ թե նավի տախտակամածի վրա գտնվելով, այլ նրանց  
սեփական, հարազատ միջավայրվում՝ դուք հավանորեն նախ-  
քան այդպիսի հրավեր ընդունելը լրջորեն կխորհրդածեիք:

Խոստովանում եմ, որ երբ նավապետ Նեմոն դուրս գնաց  
սալոնից, ես ճակատիցս սրբեցի սառը քրտինքը:

«Լավ մտածիր,— ասացի ինքս ինձ,— շտապելու կարիք  
չկա: Այլ բան է ջրասամույրներ որսալը կրեսպո կղզու ստոր-  
ջրյա անտառներում, դա միայն հաճելի ժամանց է: Սակայն  
այլ բան է թափառել ծովի հատակում, երբ հաստատ հավա-  
տացած ես, որ անխուսափելիորեն հանդիպելու ես շնաձկնե-  
րի: Ես գիտեմ, որ մի քանի տեղերում, մասնավորապես  
Անդամանյան կղզիներում, նեգրերն առանց վախենալու, մեկ  
ձեռքում բռնած դաշյունը, մյուսում պարանը, հարձակվում  
են շնաձկների վրա: Սակայն ես նաև գիտեմ, որ այդ վիթ-  
խարի գիշատիչների հետ շափվող խիզախներից շատերը կեն-  
դանի չեն վերադառնում: Բացի դրանից, չէ՞ որ ես նեցր չեմ,  
իսկ եթե նեգր էլ լինեի, այս դեպքում ևս իմ տատանումները  
որոշ շափով կարդարանային»:

Մտքիս հանդեպ սլանում էին շնաձկների վտառները, ես տեսնում էի հսկայական երախներ, զինված մի քանի շարք ատամներով, որոնք կարող էին մարդուն երկու կես անել, ես զգում էի, թե ինչպես այդ ատամները խրվում էին կողերիս մեջ...

Բացի դրանից, ինձ համար անհասկանալի էր այն անհոգությունը, որով նավապետն ինձ արավ այդ առաջարկը: Կարծես թե նա ինձ կանչում էր անտառ, մի որևէ խղճուկ աղվես որսալու:

«Հավանորեն կոնսելը կհրաժարվի,— մտածեցի ես,— դա ինձ հնարավորություն կտա մերժել նավապետ Նեմոյի առաջարկը»:

Ինչ վերաբերում է Նեդ Լենդին, խոստովանում եմ, որ ես այնքան էլ չէի հավատում նրա խելոքության: Վտանգը, որքան էլ մեծ լիներ, միշտ գրավում էր այդ ուզմասեր մարդուն:

Ես կրկին վերցրի Սիրրի գիրքը, որ սակայն թերթում էի սոսկ մեքենաբար: Գրքի էջերից ինձ էին նայում շնաձկների հրեշավոր, լայն բացված երախները:

Այդ րոպեին Նեդ Լենդը և կոնսելը մտան սրահ: Երկուսն էլ լավ տրամադրություն ունեին և նույնիսկ ուրախ էին: Նրանք շղիտեին, թե իրենց ինչ է սպասում:

— Ազնիվ խոսք,— սկսեց Լենդը, տեսնելով ինձ,— ձեր նավապետ Նեմոն, գրողը տանի նրան, քիչ առաջ մեզ բավական սիրալիր առաջարկ արավ...

— Հը՛մ,— ասացի ես,— դուք արդեն գիտե՞ք...

— Պարոնի թույլտվությամբ, կասեմ,— պատասխանեց կոնսելը,— որ «Նաուտիլուսի» հրամանատարը մեզ հրավիրեց այցելել Յեյլոն կղզու նշանավոր մարգարտահանքերը: Նա մեզ հետ շափազանց սիրալիր էր, և իրեն պահում էր իբրև իսկական ջենտլմեն:

— Նա ձեզ ուրիշ ոչինչ չասա՞ց:

— Ոչինչ,— պատասխանեց կանադացին,— եթե շահավենք այն, որ նա մեզ հողորդեց, որ ձեզ էլ է հրավիրել մասնակցելու այդ ստորջրյա փոքրիկ զբոսանքին:



— Ի սկիտագինա, — ասացի ես, — նա ձեզ տրևէ մանրամասնութիւն չի՞ հաղորդել այն մասին, որ...

— Ոչ մի մանրամասնութիւն, պարոն պրոֆեսոր: Իհարկեմ, դուքն կգաք մեզ հետ, այնպես չէ՞:

— Ես... անշուշտ: Տեսնում եմ, որ դուք ճաշակել եք ատոպիչը՝ զբոսանքների համը, միտեր լենդ:

— Այո, դա հետաքրքիր է, շատ հետաքրքիր:

— Բայց դուք և վտանգավոր է, — իբր թե պատահամաք ասացի ես:

— Ի՞նչ վտանգավոր քան կարող է լինել մարդարտի ծանծաղուտներում մի հասարակ զբոսանք կատարելու մեջ, — ասարկեց ձեզ լենդը:

Պարզ էր, որ նա վապետ նեմոն հարկավոր չէր համարել շնաձկներով վախեցնել իմ ընկերներին: Ես հուզմունքով նայում էի նրանց, կարծես թե նրանք կորցրել էին իրենց թևերը կամ ոտները: Արդյոք ես նրանց պետք է նախազգուշացնեի՞ վտանգի մասին: Իհարկեմ Սակայն ձա շգիտեի ինչպես սկսել այդ:

— Արդյոք պարոնը չի՞ համաձայնի մեզ տրևէ քան պատմել մարդարտի հավաքելու մասին, — ասաց Կոնսելը:

— Մարդարտի հավաքելու, թե՞ դրա հետ կապված վտանգի մասին, — իմ հերթին հարցրի ես, տեսնելով, որ հնարավոր է ցանկալի ուղղութիւնն տալ խոսակցութեանը:

— Հավաքելու մասին, — պատասխանեց կանադացին, — պետք է միշտ ամեն ինչ գիտենալ այն ճանապարհի մասին, որով հարկավոր է գնալ:

— Այդ դեպքում մոտիկ նստեցեք, բարեկամներս, և ես մարդարտի հավաքելու վերաբերմամբ կպատմեմ այն ամենն, ինչ որ կարդացել եմ Սիրրի գրքում:

Նեղը և Կոնսելը նստեցին ինձ մոտ, բազկաթոռին: Կանադացին ամենից առաջ ինձ հարց տվեց.

— Պարոն պրոֆեսոր, ի՞նչ բան է մարդարտը:

— Ի՞մ բարեկամ նեղ, — սկսեցի ես, — բանաստեղծի համար մարդարտը ծովի արցունքն է, արևելյան ժողովուրդների համար՝ կարծրացած ցող, կանանց համար՝ թանկագին, ձվաձև ու փայլատ քար է, որ իբրև զարդարանք կարելի է

կրել մատների, պարանոցի վրա կամ իբրև ականջի օղ, քիմիկոսի համար՝ ֆոսֆորաթթու աղերի, ածխաթթու կալցիումի և քիչ քանակությամբ ժելատինի բաղադրություն, վերջապես, բնադետի համար՝ մի քանի երկփեղկ խեցիների հիվանդոտ մակաճ...

— Այն խեցիների, որոնք պատկանում են կակղամորթների բաժնին, թիթեղանման քիմուխտ ունեցող կենդանիների դասին, — վրա բերեց Կոնսելը:

— Միանգամայն ճիշտ է, իմ ուսումնական բարեկամ: Մարգարիտ կարող են արտադրել այն բոլոր կակղամորթները, որոնք առաջացնում են գաղտակուր, այսինքն կապույտ, կապտավուն, մանիշակագույն կամ սպիտակ նյութ, որով ծածկվում է նրանց խեցիների ներքին մասը:

— Ուտելի խեցիները նույնպե՞ս — հարցրեց կանադացին:

— Այո, նաև ուտելի խեցիները, որոնք գտնվում են Շոտլանդիայի, Ուելսի, Իռլանդիայի, Սաքսոնիայի, Բոհեմիայի և Ֆրանսիայի ջրերում:

— Այդպես, — ասաց կանադացին, — դա կընդունենք ի գիտություն: Երբևէ պետք կգա:

— Սակայն մարգարտի գլխավոր մատակարարը մարգարտաբեր խեցին է: Մարգարիտն ուրիշ բան չէ, բայց եթե գաղտակուրի մակաճ, որ ընդունում է ոլորտային ձև: Մարգարիտը կամ կաշում է խեցիի ներքին մասերին, կամ լինում է կակղամորթի մարմնի ծալքերում: Անկախ նրանից, թե որտեղ է առաջացել մարգարիտը, խեցիի ներքին մասերում թե կակղամորթի մարմնի վրա, նա միշտ ունենում է կորիզ, որի շուրջը տարեցտարի բարակ շերտերով նստում են գաղտակուրի նյութերը: Որպես կորիզ կարող է ծառայել մեռած ձվիկը կամ խեցիի ներսը պատահամամբ ընկած ավազահատիկը:

— Մեկ խեցիում կարո՞ղ է լինել մի քանի մարգարիտ, — հարցրեց Կոնսելը:

— Այդպես էլ է լինում: Մի քանի խեցիներ ամբողջ մարգարտյա մանյակներ են գոյացնում: Երբ մենք մեկնելու էինք Ֆրանսիայից, մամուլում գրվեց մի խեցու մասին, որի

մեջ գտնվել էր հարյուր հիսուն շնաձուկ,— թեպետ ես դրան  
այնքան էլ չեմ հավատում:

— Հարյուր հիսուն շնաձուկ,— ապշեց Նեդ Կենդը:

— Մի՞թե ես ասացի «շնաձուկ»,— շփոթված բացա-  
կանչեցի ես,— ուզում էի ասել մարգարիտ: Շնաձկների մա-  
սին ասածս անհեթեթություն էր:

— Իհարկե,— ասաց Կոնսելը— բայց արդյոք չի՞ ասի  
պարոնը, թե մարգարիտներն ինչպես են դուրս բերվում խե-  
ցիկներից:

— Դրա համար կան զանազան եղանակներ: Եթե մարգա-  
րիտը կպած է լինում խեցիի ներքին մասին, դուրս են բերում  
փոքրիկ ունելիով: Սակայն շատ հաճախ հավաքված խեցի-  
ները հենց տեղն ու տեղը, ծովափում դարսվում են և այդ-  
պես պահվում մաքուր օդում: Տասն օրից հետո, երբ կակղա-  
մորթներն սկսում են նեխվել, դրանք լցվում են ավազանի  
մեջ, ուր ծովի ջուր է հավաքված, հետո խեցիները բացվում  
են ու լվացվում: Այստեղ սկսվում է տեսակավորողների աշխա-  
տանքը: Նրանք սկզբում հավաքում են խեցիի ներքին մասե-  
րին կպած մարգարիտները, հետո գաղտակուրի թիթեղները,  
որոնք առանձին են ծախվում, վերջապես, կակղամորթների  
պարենխիմը՝ եռացնում են այնքան, մինչև որ բոլորովին  
լուծվի և հեղուկից քամում են բոլոր մարգարիտները:

— Մարգարտի արժեքը միայն նրա մեծությունի՞ց է կախ-  
ված,— հարցրեց Կոնսելը:

— Ո՛չ միայն մեծությունից,— պատասխանեցի ես,— այլև  
ձևից, գույնից, փայլից, լույսի այն գունախաղից, որ մար-  
գարիտն այնքան հաճելի է դարձնում դիտողի համար: Ամե-  
նախոշոր մարգարիտներն առաջ են գալիս կակղամորթի  
մարմնի ծալքերում: Դրանք սպիտակ գույն ունեն, մեծ մա-  
սամբ թափանցիկ չեն, թեպետ պատահում են նաև արևակնա-  
յին-թափանցիկ մարգարիտներ: Դրանք լինում են գլխավո-  
րապես ոլորտանման կամ տանձի ձևով: Ոլորտանման մար-  
գարիտները գործ են ածվում ապարանջանների համար,

---

1 Պարենխիմա կոչվում է ստորին կենդանիների հյուսվածքը, որով  
լցված են լինում նրանց օրգանների միջև եղած մասերը:

տանձաձև մարգարիտները՝ գինդերի համար, կամ իբրև կախովի զարդարանք: Թե՛ մեկ և թե՛ մյուս մարգարիտները հատով են ծախվում: Խեցիի ներքին մասերին կպած մարգարիտներն ավելի անկանոն ձև ունեն, ուստի ավելի սլակաս են գնահատվում և քաշով են վաճառվում: Վերջապես, մանր մարգարիտները կազմում են երրորդ տեսակը: Դրանք վաճառվում են շափելով և օգտագործվում են գլխավորապես ասեղնագործության, մանավանդ եկեղեցական զգեստների համար:

— Ինչպես երևում է, մարգարիտներն ըստ մեծություն ջուրերը երկարատև և բավական դժվար աշխատանք է, — ասաց կանադացին:

— Ո՛ւ, բարեկամս, դա այնքան էլ բարդ գործ չէ: Աշխատանքը կատարվում է տասնմեկ մաղերով: Այն մարգարիտները, որ չեն մաղվում քսանից մինչև ութսուն անցք ունեցող մաղերով, պատկանում են առաջին տեսակին, հարյուրից մինչև ութ հարյուր անցք ունեցող մաղերով շմաղվող մարգարիտները — երկրորդ տեսակին, վերջապես, երրորդ տեսակին են պատկանում այն մարգարիտները, որոնք մաղվում են ութ հարյուրից մինչև հազար անցք ունեցող մաղերով:

— Այդ հետաքրքիր է, — ասաց Կոնսելը, — ես տեսնում եմ, որ տեսակավորողի աշխատանքը մեքենայացված է... Արդյոք պարոնը չի՞ կարող ասել, թե ինչքան եկամուտ է տալիս մարգարտավայրերի շահագործումը:

— Եթե հավատանք Սիրրի հաղորդած տեղեկություններին, — պատասխանեցի ես, — ասլա Ցեյլոնի մարգարտի ծանծաղուտները վարձով են տրվում տարեկան երեք միլիոն շնաձկնով:

— Ֆրանկո՛վ, — ուղղեց ինձ Կոնսելը:

— Իհարկե Ֆրանկով, երեք միլիոն Ֆրանկով, — կրկնեցի ես, — սակայն ինձ թվում է, որ հիմա այդ ծանծաղուտները չեն տալիս այնպիսի եկամուտ, ինչպես առաջ: Նույնը պետք է ասել նաև ամերիկյան ծանծաղուտների մասին: Կարլոս հինգերորդի ժամանակ դրանք ամեն տարի տալիս էին շորս միլիոն Ֆրանկի մարգարիտ, իսկ այժմ այդ արտադրանքը

պակասել է երկու երրորդ մասով: Աշխարհիս բոլոր մարգարտահանքերը տարեկան տալիս են մոտավորապես ինը միլիոն ֆրանկի մարգարիտ:

— Սակայն ես լսել եմ, որ կան առանձին մարգարիտներ, որոնք ծախվում են հսկայական գումարներով, — ասաց Կոնսելը:

— Այո՛, բարեկամս: Պատմությունն ասում է, թե Հուլիոս Կեսարը Սերվիլիոսին նվիրել է մեր դրամով հարյուր քսան հազար ֆրանկ արժողությամբ մի մարգարիտ:

— Իսկ ես լսել եմ, — ասաց կանադացին, — որ հին ժամանակ ինչ-որ մի կին մարգարիտը լուծում էր քացախի մեջ և խմում:

— Այդ Կլեոպատրան է, — բացականչեց Կոնսելը:

— Երևի դա համեղ շէր լինի, — դիտեց Նեդ Լենդը:

— Դա զզվելի բան է եղել, Նեդ, — պատասխանեց Կոնսելը, — սակայն իմացեք, որ այդպիսի քացախի մի բաժակն արժեր հարյուր հիսուն հազար ֆրանկ:

— Ափսոս որ այդ կինն իմ կինը չի եղել, — ասաց կանադացին, նայելով իր ծանր բռունցքներին:

— Նեդ Լենդը Կլեոպատրայի ամուսինն, — բարձր ծիծաղեց Կոնսելը:

— Ես պատրաստվում էի ամուսնանալ, Կոնսել, — հանգիստ պատասխանեց կանադացին, — բայց ես մեղավոր չեմ, եթե գործը գլուխ չեկավ: Ես նույնիսկ մարգարտամանյակ գնեցի իմ հարսնացու Քեթ Թենտերի համար, բայց նա չդիտեմ ինչու ամուսնացավ ուրիշի հետ: Այդ մանյակն ինձ վրանստեց մեկուկես դոլար, թեև, հավատացեք խոսքիս, պարոն պրոֆեսոր, այդ մանյակի քարերից ոչ մեկը չէր անցնի նույնիսկ քսան անցք ունեցող մաղի միջով:

— Իմ սիրելի Նեդ, — ծիծաղեցի ես, — այդ մանյակը եղել է արհեստական մարգարտից, սովորական ապակյա գնդակներից, որոնք լցված են լինում մարգարտի բնահյութով:

— Այնուամենայնիվ այդ բնահյութն է՞ ժան չի կարող լինել, — առարկեց կանադացին:

— Դա ոչինչ չարժե: Դա մանր ձկան, ճերմակաձկան



թեփուկ է, որ լուծված է ազոտային թթվուտում: Այդ բնա-  
հյուսիսի արժեքը շատ չնչին է:

— Հիմա ես հասկանում եմ, թե ինչու Քեթ Թենտերն ու-  
րիշի հետ է ամուսնացել,— փիլիսոփայի հանգստությամբ ա-  
սաց նեղ լենդը:

— Սակայն վերադառնանք թանկարժեք մարգարիտներին  
վերաբերող խոսակցության,— ասացի ես,— համոզված եմ,  
որ աշխարհումս և ոչ մի միապետ չի ունենա այնպիսի թանկ-  
արժեք մարգարիտ, ինչպիսին ունի նավապետ Նեմոն:

— Սա՞,— հարցրեց Կոնսելը, ցույց տալով թանկարժեք  
մի զարդ, որ դրված էր սև թավիշի վրա, ցուցափեղկի ապա-  
կու տակ:

— Այո, հենց դա: Կարծում եմ, որ չեմ սխալվի, եթե  
այդ զարդարանքը գնահատեմ երկու միլիոն...

— Ֆրանկ, ֆրանկ...— արագ ավելացրեց Կոնսելը:

— Բոլորովին ճիշտ է, երկու միլիոն ֆրանկ: Եվ դա ձեռք  
բերելու համար բավական էր, որ նավապետ Նեմոն կու-  
նար...

— Ա՛յ, տեսնո՞ւմ եք,— գոչեց նեղ լենդը,— ո՞վ գիտե,  
գուցե վաղվա զբոսանքի ժամանակ մենք գտնենք այդպիսին:

— Հը՛մ,— ասաց Կոնսելը:

— Եվ ինչո՞ւ չենք կարող գտնել:

— Մեր ինչի՞ն են պետք միլիոնները, երբ գտնվում ենք  
«Նաուտիլուսում»:

— Այստեղ իհարկե դրանք պետք չեն, սակայն... ուրիշ  
տեղերում...

— Ուրիշ տեղերում...— Կոնսելն օրորեց գլուխը:

— Նեղ լենդն իրավացի է,— ասացի ես,— եթե մենք մի  
քանի միլիոն արժողությամբ մարգարիտը տանենք Եվրոպա  
կամ Ամերիկա, այդ խիստ արժեքավոր կդարձնի մեր ստոր-  
ջրյա արկածներին վերաբերող պատմությունները և վստա-  
հություն կստեղծի դեպի այդ արկածները:

— Հասկանալի է,— համաձայնեց կանադացին:

— Սակայն ասացեք,— կրկին սկսեց Կոնսելը, որին ավե-  
լի շատ հետաքրքրում էր հարցի գիտական կողմը, քան նյու-

թականը,—արդյոք մարդարիտ փնտրելը չի՞ կապված որևէ վտանգի հետ:

— Ո՛չ,— իսկույն պատասխանեցի ես,— մանավանդ եթե նախազգուշության մի քանի միջոցներ ձեռք առնվեն:

— Իսկ այդ զբաղմունքի մեջ ի՞նչ վտանգ կարող է լինել,— հարցրեց Նեդ Լենդը,— բացի նրանից, որ կարելի է մի ավելորդ կում ջուր կուլ տալ:

— Հը՛մ, բանը միայն այդ չէ, Նեդ: Ի դեպ,— ավելացրի ես, աշխատելով խոսել նույնչափ անհոգ, որչափ նավապետ Նեմոն— դուք չե՞ք վախենում շնաձկներից, Նեդ:

— Ե՛ս,— բացականչեց Նեդը,— ես, պրոֆեսիոնալ եռաժանաորս, վախենա՛մ շնաձկներից: Թ՛քել եմ նրանց վրա:

— Խոսքն այն մասին չէ, որ կարելի է կեռով բռնել շնաձուկը հանել տախտակամածի վրա, այնտեղ կացնով կըտրել նրա պոչը, փորը պատռել, պոկել սիրտը և ծով նետել...

— Ուրեմն դուք հարցնում էիք, թե...

— Այո՛, այո՛:

— Զրի մե՛ջ:

— Զրի մեջ:

— Եթե լավ եռաժանի ունենալ... Գիտե՞ք, պարոն պրոֆեսոր, դրանք ընդհանրապես անճոռնի կենդանիներ են: Ձեզ կուլ տալու համար նրանք անպայման պետք է շուռ գան որովայնի վրա, իսկ մինչ այդ դուք անպայման կկարողանաք եռաժանիով խոցել նրանց սիրտը:

Նեդ Լենդն ընդունակություն ուներ «կուլ տալ» բառն արտասանել այնպես, որ ձեր մարմնով սարսուռ էր անցնում:

— Իսկ դու, Կոնսել, ի՞նչ կարծիք ունես այդ շնաձկների մասին,— հարցրի ես:

— Ես միանգամայն անկեղծ կլինեմ պարոնի հետ,— սկսեց Կոնսելը:

«Հաջողություն եմ ցանկանում»,— մտածեցի ես:

— Եթե պարոնը որոշել է անտարբեր լինել դեպի շնաձկները, ապա ինչո՞ւ ես, նրա հավատարիմ սպասավորը, պիտի վախենամ նրանց հանդիպելուց:

## ԳԼՈՒԽ ԵՐՐՈՐԴ

### ՏԱՍԸ ՄԻԼԻՈՆ ԱՐԺՈՂՈՒԹՅԱՄԲ ՄԱՐԳԱՐԻՏԸ

Վրա հասավ գիշերը: Ես պառկեցի անկողնում, սակայն չավ շքեցի: Երազումս շարունակ շնաձկներ էի տեսնում, հաճախ արթնանում էի և վրաս սառը քրտինք էր գալիս:

Հետևյալ առավոտ, ժամը չորսին ինձ արթնացրեց սպասավորը, որ նավապետ Նեմոյի կողմից ուղարկված էր ինձ սպասարկելու համար: Ես արագությամբ վեր կացա, հագնվեցի և մտա սրահ:

Այնտեղ նավապետ Նեմոն արդեն սպասում էր ինձ:

— Պատրաստ եք ուղևորվելու, պրոֆեսոր,— հարցրեց նա:

— Միանգամայն պատրաստ եմ, նավապետ:

— Այդ դեպքում խնդրեմ հետևել ինձ:

— Իսկ իմ ուղեկիցները, նավապետ:

— Նրանց արդեն նախադրուշացրել եմ, և նրանք սպասում են մեզ:

— Հիմա մենք զրահազգեստ ենք հագնելու:

— Առայժմ ոչ: «Նաուտիլուսը» չի կարող շատ մոտենալ ափին, ուստի ես նավը կանգնեցրել եմ Մանաարյան ծոցի մարգարտաբեր ծանծաղուտներից բավական հեռու: Ես կարգադրել եմ պատրաստել մի նավակ, որը մեզ կհասցնի ուղղակի ծանծաղուտը և այդպիսով կազատի մեզ ավելորդ հոգնածությունից: Զրահազգեստները գտնվում են նավակում և մենք դրանք կհագնենք ջրասույզ լինելուց անմիջապես առաջ:

Նավապետ Նեմոն հրավիրեց ինձ հետևել իրեն: Մենք բարձրացանք տախտակամածը: Այնտեղ մեզ արդեն սպասում էին Նեդ Լենդը և Կոնսելը, որոնք գոհ էին «հաճելի զբոսանքի» հեռանկարից: Նավակը կապված էր «Նաուտիլուսին» և իջեցրած էր ջուրը: Թիավարելու համար նստել էին հինգ նավաստի:

Կույսը դեռ չէր բացվել, և գիշերը բոլորովին խավար էր: Երկինքը պատած էր խիտ ամպերով: Ամպերի միջև տեղ-տեղ

աստղեր էին երևում: Ես նայեցի ցամաքի կողմը, բայց տեսա միայն անթափանց խավար, որ ծածկել էր հորիզոնի երեք քառորդ մասը: «Նաուտիլուսը», որ գիշերով անցել էր Ցեյլոն կղզու արևմտյան ափերով, այժմ գտնվում էր ծովածոցի մուտքում, կամ այն ծովախորշում, որ գտնվում է Ցեյլոնի և Մանապու կղզու ափերի մեջ: Մթին ջրերում գտնվում էր աշխարհիս ամենախոշոր, մարգարտաբեր ծանծաղուտներից մեկը, այդ անսպառ գանձարանը, որի տարածութունը գրեթե քսան մղոնի էր հասնում:

Նավապետ Նեմոն, Նեդ Լենդը, Կոնսելն ու ես տեղ բռնեցինք նավակի հետին մասում: Նավաստիներից մեկը մոտեցավ դեկին: Մնացածները վերցրին թիակները, և հենց որ կապն արձակվեց, մենք ճանապարհ ընկանք:

Նավակն ուղևորվեց դեպի հարավ: Թիավարները շէին շտապում: Ես նկատեցի, որ նրանք յուրաքանչյուր տասը վայրկյանը մեկ անգամ թիակներն ուժեղ թափով իջեցնում էին ջուրը, ինչպես այդ արվում է ռազմա-ծովային նավատորմիղներում: Այն ժամանակ, երբ նավակը գնում էր իներցիայով, լսվում էր բարձրացվող թիակներից ալիքների վրա թափվող ջրի կաթիլների թեթև շրթ-շրթոցը: Ծովը մեղմ ալեկոծվում էր և օրորում նավակը, որի սուր ծայրը ճեղքում էր ծփուն ալիքները:

Մենք լուռ էինք: Ինչի՞ մասին էր մտածում նավապետ Նեմոն: Գուցե այդ ցամաքի մասին, այն մասին, որ մենք մոտենում ենք եզերքին: Հավանորեն Նեդ Լենդը նույնպես մտածում էր ցամաքի մասին, սակայն, նրա կարծիքով, մենք այնուամենայնիվ դեռ շատ հեռու էինք եզերքից: Ինչ վերաբերում է Կոնսելին, նա կարծես թե ոչնչի մասին չէր մտածում, այլ միայն անհամբերությամբ սպասում էր խոստացված հաճույքին:

Ժամը հինգն անց կեսին արշալույսի առաջին շողերը հորիզոնի վրա ավելի պարզ գծազրեցին լեռները: Արևելյան կողմում կղզին ցածրադիր էր, հարավային կողմում՝ լեռնոտ: Մինչև կղզին մնում էր հինգ մղոն:

Ծովի վրա ոչինչ չէր երևում: Ոչ մի նավակ, ոչ մի սու-

զակ: Այստեղ, ուր հանդիպում են մարգարիտ հավաքողները, տիրում էր խորին լուռություն:

Նավապետ Նեմոն իրավացի էր. մենք շատ վաղ ժամանեցինք այնտեղ:

Առավոտյան ժամը վեցին բացվեց ցերեկն այնպես հանկարծակի, ինչպես այդ հատուկ է արևադարձային երկրներին, ուր ոչ առավոտյան արշալույս է լինում, ոչ էլ երեկոյան մթնշաղ: Արևի ճառագայթներն անցնում էին հորիզոնը վարագուրած ամպերից, և ցերեկվա լուսատուն բարձրանում էր երկնքում:

Հիմա ես պարզ տեսնում էի ցամաքը և նույնիսկ ծովափին բուսած մենավոր ծառերը:

Նավակը դարձավ դեպի Մանաար կղզին, որի եզերքը հարավային կողմում կլոր ձև ուներ: Նավապետ Նեմոն վեր կացավ նստարանից և դիտեց ծովը:

Նրա տված նշանով նավակը կանգ առավ, և խարիսխը նետվեց ջուրը: Սակայն խարիսխի շղթան իջավ ընդամենը մեկ մետր, այնքան շնչին էր ջրի խորությունը մարգարտաբեր ծանծաղուտում: Տեղատվության պատճառով նավակը տեղահան եղավ ու դնաց դեպի բաց ծով, որքան այդ թույլ էր տալիս խարիսխի շղթան:

— Մենք արդեն տեղ հասանք, պրոֆեսոր, — ասաց նավապետ Նեմոն: — Տեսնո՞ւմ եք այս ծովախորշը: Մի ամսից հետո այստեղ կհավաքվեն հարյուրավոր նավեր և հազարավոր խիզախ սուզակներ կսուզվեն այս ջրերի մեջ: Ծովախորշը շատ հարմար է մարգարիտ հավաքելու համար. ամենաուժեղ քամիներից պաշտպանված է լեռներով և այստեղ երբեք չի լինում սաստիկ ալեկոծություն, երկու հանգամանք, որ շափազանց կարևոր են սուզակների աշխատանքի համար: Հիմա մենք կհազնենք զրահազգեստները և կսկսենք մեր զբոսանքը:

Ես ոչինչ չպատասխանեցի և շարունակելով դիտել խորհրդավոր ջուրը, նավաստիներից մեկի օգնությամբ սկսեցի հագնել ծանր զրահազգեստը: Նավապետ Նեմոն և իմ երկու ընկերները նույնպես հագան զրահազգեստները: Պարզվեց,



որ այդ գրոսանքի ժամանակ «Նաուտիլուսի» նավաստիներին ոչ մեկը չի ուղեկցելու մեզ:

Շուտով մենք մինչև պարանոցներս հազանք կառուչուկի հագուստը և մեջքներիցս կախեցինք խտացրած օդով լի պահամանները: Ռումկորֆի ապարատներ և էլեկտրական լապտերներ նավակում չկային: Այդ մասին ես ասացի նավապետ Նեմոյին, նախքան մետաղյա սաղավարտը կղնեի գլխիս:

— Դրանք մեզ հարկավոր չեն լինի,— պատասխանեց նավապետը,— մենք խորը տեղեր չենք գնա, իսկ ծանծաղ տեղերում մեզ արևի լույսն էլ բավական է: Բացի դրանից, այստեղ էլեկտրական լապտեր վառելն անների անզգուշություն կլիներ, որովհետև լապտերների լույսը կգրավեր վտանգավոր գիշակերների ուշադրությունը:

Նավապետ Նեմոյի այս խոսքերի վրա ես նայեցի Նեդ լենդին և Կոնսելին: Սակայն այդ անբաժան ընկերներն արդեն գլուխներին էին դրել մետաղյա սաղավարտները և ոչինչ չէին կարող լսել:

Ինձ մնում էր միայն վերջին հարցը տալ նավապետ Նեմոյին:

— Հապա ո՞ւր են հրացանները,— հարցրի ես,— մի՞թե մենք պիտի գնանք առանց զինվելու:

— Հրացանները: Մեր ինչի՞ն են պետք,— առարկեց նավապետ Նեմոն:— Մի՞թե ձեր լեռնցիները երբևէ հրացանով են գնում արջի դեմ: Դաշույնը լավ է ամեն մի դնդակից: Ահա ձեզ մի հրաշալի դաշույն: Անցկացրեք գոտու տակ և գնանք:

Ես նայեցի մեր ուղեկիցներին: Նրանք ևս զինված էին այնպես, ինչպես մենք, և բացի դրանից Նեդ լենդի ձեռքում կար մի մեծ եռաժանի, որ նա իր հետ վերցրել էր «Նաուտիլուսից»: Ինձ մնում էր միայն գլխիս վրա անցկացնել սլոնձե ծանր սաղավարտը, թույլ տալ, որ այն պտուտակեն, ապա բաց անել խտացրած օդով լի պահամանի ծորակը:

Մի րոպեից հետո նավաստիները մեզ մեկ-մեկ իջեցրին ջուրը, և մենք մեկ ու կես մետրից ոչ ավելի խորությամբ ոտներով շոշափեցինք ավազոտ հատակը:

Նավապետ Նեմոն ձեռքով մեզ նշան արավ, մենք հետևեցինք նրան և թեք հատակով իջանք ավելի խորը տեղ:

Ինձ ճնշող նախազգացումները հանկարծակի չքացան: Ես բռնորոպին հանգստացա: Զրահազգեստն ինձ չէր խանգարում հեշտությամբ շարժումներ անել և դա ավելի բարձրացրեց տրամագրությունս: Ես ամբողջովին անձնատուր եղա ստորջրյա կյանքի հրաշալի տեսարաններին:

Արևը բավականաչափ պայծառ լուսավորում էր հաստակը: Պարզ երևում էին նույնիսկ ամենամանր առարկաները: Տասը բոպե քայլելուց հետո մենք խորացանք մինչև հինգ մետր: Այստեղ հաստակը տափարակ էր և հարթ:

Մենք վախեցրինք միափետրանիների ջոկատին պատկանող հետաքրքիր ձկների վտառներին: Այդ ձկների միակ լողաթևը գտնվում է պոչի վրա: Ես տեսա շերտավոր օձազրլխանիներ, որոնք ունեն գրեթե մեկ մետր երկարություն, դեղնավուն գորշ մեջք, նույնպիսի որովայն և իրենց մեծությամբ ու բաց գույնով տարբերվում են շինական օձազլխանիներից: Այնուհետև մեզ հանդիպեցին վառ գույնի առագաստավոր ձկներ, որոնց մեջքի լողաթևն օձիքի է նման: Դրանք ուտելու ձկներ են, շորացրած ու թթու դրած վիճակում լավ ուտելիք են համարվում տեղական բնակչության համար: Վերջապես, ես ուշադրություն դարձրի ծիծեռնաձկների ընտանիքին պատկանող ստավրիդ ձկան վրա, որի մարմինը ծածկված է շատ մանր թեփով, մեջքը կապտավուն-գորշ է, որովայնը՝ արծաթավուն: Երկարությունը երեսուն սանտիմետրից ավելի չէ:

Ծագող արևն ավելի և ավելի պայծառ էր լուսավորում ջուրը: Հատուկ բնույթը կամաց-կամաց փոխվում էր: Մանր, երկար ժամանակ մնացած և պինդ ավազը տեղի էր տալիս խճուղու նմանվող հաստակին, որ կարծես սալարկված էր ժայռերի կոր բեկորներով և ծածկված էր զոոֆիտներից ու կակղամորթներից առաջացած գորգով:

Այդ բաժինների ներկայացուցիչների մեջ ես տեսա պլացեններն իրենց խեցիի անհավասար, բարակ փեղկերով, դրանք պատկանում են ոստրենմանների ընտանիքին և լինում են միայն կարմիր ծովում ու Հնդկական օվկիանոսում: Նարնջագույն լյուցիններն իրենց կլոր խեցիով, մի քանի պարսկական ծիրանագույն խեցիներ, որոնք հիանալի ներկ

են մատակարարում անառախիլութիւնը, անատիւներ՝ ուսելի, խեցիներ, որոնք վաճառվում են Հնդկաստանի շուկաներում, և վերջապես, սկոպիններ, որոնց շքնադափեղ հովհարներն անշուշտ ներկայացնում են օվկիանոսային կենդանական աշխարհի ամենագեղեցիկ տեսարանը:

Այդ էենդանի-բույսերի մեջ վխտում էին հողվածոտունքների, մասնավորապես բաղմածունկների խմբերն իրենց կլոր մարմիններով, որոնք մի կողմից վերջանում են փոքրիկ կրնճիթով, իսկ մյուս կողմից՝ որովայնով, նաև յոթ զույգ վերջավորություններով. պալեոստրակներ, գրեթե չբացած տեսակ, ոչ զուրկ է բերանի առջևի վերջավորություններից. հսկայական խեցգետիններ, որոնց դիտել է նաև Չարլզ Դարվինը. բնությունը դրանց հսկայական ուժ է տվել. դրանք բարձրանում են առափնյա ծառերը, պոկում կոկոսները, որոնք ջարդվում են ընկնելուց հետո, ապա այդ խեցգետինները իրենց ուժեղ ճանկերով բաց են անում կոկոսները: Այստեղ, պայծառ լուսավորված այս ջրերում խեցգետինները մի տեղից մի այլ տեղ են շարժվում զարմանալի ճկունությամբ, հակառակ մալաբարյան խեցգետինների, որոնք հազիվհազ սողում են ժայռերի միջև:

Առավոտյան ժամը մոտ յոթին մենք, վերջապես, հասանք մարգարտի ծանծաղուտը, ուր ցրված են միլիոնավոր խեցիները: Այդ թանկարժեք կակղամորթներն իրենց արտադրած լորձունքային հեղուկի միջոցով կպչում են ժայռերին ու այլևս չեն շարժվում, դրանով տարբերվելով ուտելի խեցիներից, որոնք չեն կորցնում շարժվելու անակությունը:

Աչն խեցին, որտեղ մարգարտ է առաջանում, ունի մտավորապես կլոր ձև, գրեթե միասեռակ, շատ հաստ փեղկեր, որոնք արտաքին կողմից խորդուբորդ են: Խեցիներից մի քանիսն ակոսված էին կանաչավուն շերտերով և ճառագայթներով, որոնք նրանց կատարներից տարածվում էին դեպի բոլոր կողմերը: Դրանք նոր խեցիներ էին: Մյուս, հին խեցիները, որոնց տարիքը տասնից բարձր էր, թուխ էին, համարյա սև և ունեին մինչ տասնհինգ սանտիմետր լայնություն:

Նավապետ Նեմոն ձեռքով ինձ ցույց տվեց անհամար քանակությամբ խեցիներ, և ես հասկացա, որ այդ հանքն իս-

կապես անսպառ է, քանի որ բնությունն այնուամենայնիվ միշտ ավելի է տեղծում քան ավերում է մարդը: Նեղ լենդը, հավատարիմ լինելով ավերածության մարդկային բնազդին, շտապեց կողքից կախված ցանցը լցնել լավագույն կակղամորթներով:

Սակայն մենք չէինք կարող կանգ առնել: Հարկավոր էր ետ շմնալ նավապետից, որ վստահությամբ առաջ էր գնում իրեն ծանոթ շավիղներով: Մի քանի անգամ մենք եղանք այնպիսի տեղերում, որ ձեռքս հասնում էր ծովի մակերևույթին: Հետո դարձյալ խորը տեղ էինք ընկնում: Հաճախ անցանում էինք բարձր, բրգաձև ժայռերի մոտից: Դրանց ճեղքերում ու ծերպերում գտնվում էին խոշոր, խեցգետնանման խեցիներ: Կանգնած լինելով իրենց բարձր ոտների վրա, որոնք նման էին ինչ-որ ֆանտաստիկ ռազմական մեքենաների, նրանք անթարթ նայում էին մեզ:

Վերջապես, մենք հասանք մի քարանձավ, որ բացված էր մի նկարագեղ, տարօրինակ ձև ունեցող ժայռի մեջ: Ժայռը ծածկված էր ամենագեղեցիկ ծովային բուսականությամբ: Սկզբում ինձ թվաց, որ քարանձավում անթափանցելի խավար է տիրում և արևի ճառագայթները հանգչում են այդ քարանձավի մուտքի մոտ. սակայն պարզվեց, որ անձավի մեջ լցված ջուրը լուսավորված է իր կլանած ճառագայթների ինչ-որ պայծառ և անորոշ գույն ունեցող լույսով:

Նավապետ Նեմոն մտավ քարանձավը: Մենք հետևեցինք նրան:

Շուտով իմ աչքերն ընտելացան քարանձավում տիրող խավարին: Ես նկատեցի քարանձավի խորդուբորդ կամարները, որ տեղ-տեղ հենված էին գրանիտե լայն հիմքեր ունեցող, տոսկանյան ճարտարապետության ծանրադիր սյուների նմանվող բնական սյուներ:

Ինչո՞ւ մեր տարօրինակ ուղեկիցը մեզ տարավ այդ ստորջրյա քարանձավի խորքը:

Շուտով ես այդ իմացա:

Իջնելով թեք հատակով, մենք մտանք կլոր մի փոս: Այստեղ նավապետ Նեմոն կանգ առավ և մեզ ցույց տվեց մի առարկա, որ մենք դեռ չէինք տեսել:

Դա հսկայական մեծութիւնն ունեցող մի տրիդակնա էր, երկու մետր շառավիղով, մի ամբողջ ավազան, ուր կարող էին լողանալ մի քանի շափահաս մարդ, և ավելի մեծ էր քան «Նաուտիլուսի» սրահում գտնվող տրիդակնան:

Ես մոտեցա այդ զարմանալի կակղամորթին: Նա կպել էր գրանիտե հարթակին, միայնակ և առանձնացած աճել քարանձավի ջրում:

Ես այդ կակղամորթի քաշը որոշեցի երեք հարյուր կիլոգրամ: Այդպիսի «ոստրեն» առնվազն տասնհինգ կիլոգրամ «միս» է պարունակում:

Նավապետ Նեմոն ըստ երևույթին վաղուց գիտեր այդ կակղամորթի գոյութեան մասին: Առաջին անգամը չէր, որ նավապետն այցելում էր նրան: Ես մտածեցի, որ նավապետը մեզ այստեղ է բերել բնութեան այդ հրաշքը ցույց տալու համար:

Սակայն ես սխալվեցի: Նավապետ Նեմոն ինքն էլ պետք է ծանոթանար խեցիի դրութեան հետ:

Խեցիի հսկայական փեղկերը կիսաբաց էին: Նավապետը դաշույնը դրեց փեղկերի մեջ, որպեսզի դրանք չփակվեն: Հետո նա ձեռներով բարձրացրեց կակղամորթի ատամնաձև ծայրը:

Այնտեղ, կակղամորթի մարմնի ծալքերի միջև ես տեսա կոկոսի ընկույզի մեծութեամբ մի մարգարիտ: Ոլորտային կանոնավոր ձևը, ապշեցուցիչ մաքրութիւնը և աննկարագրելի գեղեցկութիւնն ունեցող լուսախաղը ցույց էին տալիս, թե ինչպիսի հսկայական արժեք ունի այս մարգարիտը: Հետաքրքրութեամբ համակված, ես պարզեցի ձեռքս, որպեսզի շոշափեմ այն, իմանամ ծանրութիւնը, մոտիկից զմայլվեմ մարգարիտով: Սակայն նավապետ Նեմոն ետ մղեց ձեռքս, արագութեամբ դուրս քաշեց դաշույնը փեղկերի միջից, որոնք իսկույն փակվեցին:

Ես հասկացա նավապետի դիտավորութիւնը. նա մարգարիտը թողնում էր կակղամորթի փեղկերում, որպեսզի ավելի աճի: Ամեն տարի կակղամորթի արտադրած նյութերը նոր շերտ էին ավելացնում մարգարտի վրա: Միայն նավապետ Նեմոն գիտեր այդ քարանձավը, ուր հասունանում էր



հրաշալի պտուղը: Նավապետն աճեցնում էր մարգարիտը, որ մի գեղեցիկ օր տեղափոխի իր թանգարանը: Գուցե նա արհեստականորեն էր աճեցնում այդ մարգարիտը, ինչպես անում են շինացիք և հնդիկները, կակղամորթի մեջ դնելով ուլունք կամ մետաղյա գնդակ, որը հետզհետե ծածկվում է գաղտակուրի շերտով: Այսպես թե այնպես, համեմատելով այդ մարգարիտը գոյություն ունեցող կամ «նաուտիլուսի» թանգարանում եղած մարգարիտների հետ, ես այն գնահատեցի առնվազն տասը միլիոն ֆրանկ: Դա նույնիսկ թանկագին զարդ էլ չէր, որովհետև աշխարհում չկա մի կին, որի ականջը դիմանա այդպիսի գինդի ծանրության. դա բնության ապշեցուցիչ խաղ էր:

Մենք արդեն դիտել էինք հրաշալի խեցին: Նավապետ նեմոն դուրս եկավ քարանձավից, և մենք դարձյալ թեք հատակով բարձրացանք մարգարտի ծանծաղուտը:

Մենք գնում էինք ցրված, կարծես զբոսնում էինք դաշտում: Մեզանից յուրաքանչյուրը որտեղ ուզում այնտեղ էլ կանգ էր առնում, ետ մնալով մյուսներից:

Պետք է ասել, որ ես բոլորովին մոռացա մեր ստորջրյա զբոսանքի վտանգը, որ նախորդ օրն այնքան ճնշում էր ինձ:

Մենք հետզհետե հասանք ծանծաղ տեղեր և վերջապես, այնտեղ, ուր ջրի խորությունը մեկ մետրից ավելի չէր: Իմ գլուխը դուրս եկավ ջրից: Կոնսելը հասավ ինձ և իր սաղավարտի ապակին հպելով իմ սաղավարտի ապակուն, հայացքով բարեկամաբար ողջունեց ինձ: Սակայն այդ ծանծաղ տեղը բռնում էր ընդամենը մի քանի տասնյակ մետր տարածություն. մենք նորից մտանք խորը տեղեր՝ մեր տարերքի մեջ: Ինձ թվում է, որ հիմա ես իրավացի եմ այդպես անվանելու օվկիանոսը:

Անցավ մոտ տասը րոպե: Հանկարծ նավապետ նեմոն կանգ առավ: Ինձ թվաց, թե նա կանգ առավ այն պատճառով, որ շեղվեց ճանապարհից, և մենք հիմա պետք է ետ դառնանք: Բայց ո՛չ, ստորջրյա ժայռի բավական լայն ճեղքվածքից նա մեզ նշան արավ, որ մոտենանք իրեն: Հետո նա ձեռքը մեկնեց դեպի ինչ-որ մի կետ, և ես ուշադրությամբ նայեցի այդ կողմը:

Ինձանից հինգ մետր հեռու երևաց ինչ-որ մի ստվեր: Ես անհանգստությամբ մտածեցի շնաձկների մասին: Սակայն իզուր էր այդ. այս անգամ խնդիրը բոլորովին չէր վերաբերում այդ օվկիանոսային գիշակերներին:

Դա, էի մարդ էր, կենդանի մարդ, հնդիկ-ձկնորս: Խեղճը երևի ջրասույզ էր եղել մարդարտի խեցի գտնելու համար: Ես տեսա նրա մակույկը, որ գտնվում էր նրա գլխավերևում: Նա ջրասույզ էր լինում և իսկույն դուրս էր գալիս ջրի երեսը: Իջնելով ջուրը, նա ոտներով բռնում էր մի մեծ կոպիճ, որ պարանով կապված էր մակույկի ծայրին: Այդպիսով նա կարողանում էր ավելի արագ հասնել հատակին: Մոտավորապես հինգ մետր խորությամբ նա բաց էր թողնում քարը, արագությամբ ծունկ էր շոքում և գոտուց կախված ցանցն շտապ լցնում էր հենց առաջին հանդիպած խեցիներով: Հետո դուրս էր գալիս ջրից, խեցիները լցնում մակույկը, ջրից դուրս էր քաշում քարը և դարձյալ կրկնում նույն գործողությունը: Յուրաքանչյուր անգամ նա ջրի տակ մնում էր ոչ ավելի, քան երեսուն վայրկյան:

Սուզակը չէր նկատում մեզ: Ժայռի ստվերը մեզ թաքցնում էր նրանից: Եվ ինչպե՞ս կարող էր խեղճ հնդիկի մըտքովն անցնել, որ իր կողքին, ջրի տակ գտնվում են մարդիկ, իր նման արարածներ, և հետևում են նրա յուրաքանչյուր շարժման:

Շատ անգամ էր նա ջրասույզ լինում և նորից բարձրանում ջրի երեսը:

Ամեն անգամ նա կարողանում էր հավաքել ընդամենը տասը խեցի, որովհետև ստիպված էր պոկել հատակին կպած այդ խեցիները: Եվ քանի՞-քանի՞ դատարկ խեցիներ էին լինում, որոնց համար նա վտանգի էր ենթարկում իր կյանքը:

Ես մեծ ուշադրությամբ հետևում էի նրան: Նա ջրասույզ էր լինում և ջրից դուրս էր գալիս ճշտորեն որոշված ժամանակում: Կես ժամվա ընթացքում ոչինչ չէր խանգարում նրա աշխատանքը: Ես շատ գրավվեցի այդ հետաքրքիր տեսարանով և բոլորովին մոռացա մարդարիտ որսողներին սպառնող վտանգը: Այն վայրկյաններին, երբ հնդիկը ծունկ էր շոքել և խեցիներ էր հավաքում, ես տեսա, որ նա անսպասելի կեր-

պով մի կողմ նետվեց սարսափից ոտքի ելավ, և հապճեպ պոկվեց հատակից, որպեսզի վեր բարձրանա:

Ես հասկացա նրա երկյուղի պատճառը: Դժբախտ սուզակի վրա երևաց վիթխարի մի սովեր: Դա մի հսկայական շնածուկ էր, որ երախը բացած, աչքերը կրակով լի, լողում էր դեպի հնդիկը:

Ես սարսափից քարացա, անզոր լինելով որևէ, շնչին շարժում կատարելու:

Ազահ գիշակերը հարձակվեց ուղղակի խեղճ հնդիկի վրա: Վերջինս մի կողմ թռավ և ազատվեց շնածկան երախից, սակայն գիշակերը պոչով սարսափելի հարված հասցրեց հրնդիկին, որը վայր ընկավ:

Այդ բոլորը կատարվեց մի քանի վայրկյանում: Շնածուկը հետ դարձավ և շուտ գալով մեջքի վրա, պատրաստվեց երկու կես անել հնդիկին, երբ հանկարծ ես տեսա, թե ինչպես նավապետ Նեմոն, որ կանգնած էր իմ կողքին, վճռականապես քայլեց դեպի հրեշը, ձեռքում պահելով դաշույնը:

Նա ուղում էր մենամարտ սկսել սարսափելի գիշակերի հետ:

Շնածուկն արդեն պատրաստվում էր կուլ տալ խեղճ սուզակին, երբ տեսավ նոր հակառակորդին: Վայրկենապես դառնալով փորի վրա, նա լողաց դեպի նավապետ Նեմոն:

Ես հիմա էլ պարզ հիշում եմ այդ սարսափելի պայքարի բոլոր մանրամասնությունները: Նավապետ Նեմոն հանկարծակի կանգ առավ և ապշեցուցիչ սառնասրտությամբ սպասեց վիթխարի շնածկան մոտենալուն: Երբ շնածուկը հարձակվեց նավապետի վրա, վերջինս արտասովոր ճարպկությամբ մի կողմ ցատկեց և դաշույնը մինչև դաստակը խոթեց շնածկան որովայնի մեջ:

Սակայն բանը դրանով չվերջացավ: Միայն այստեղ ըսկըսվեց պայքարը:

Շնածուկը, պատկերավոր կերպով ասած, վայնասուն բարձրացրեց: Արյունը հեղեղի պես թափվում էր նրա վերքից: Մեր շուրջը ջուրն այնպես ներկվեց արյունով, որ ես այլևս ոչինչ չէի տեսնում:

Միայն մի քանի վայրկյանից հետո, երբ ջուրը մաքրվեց արյունից, ես տեսա, որ խիզախ նավապետը, շնաձկան լողաթևից բռնած, քաջաբար կռվում է նրա դեմ, դաշույնով թարս խփելով որովայնին, սակայն հնարավորութուն չունենալով, վերջին վճռական հարվածը տալու՝ սրտին խփելու: Շնաձուկը կատաղաբար գալարվում էր, ջուրն ալեկոծում այնպիսի ուժով, որ ես հազիվ էի ոտքի վրա կանգնում:

Ես ուզում էի օգնության հասնել նավապետին, բայց սարսափից տեղումս քարացած, ոչ մի քայլ չէի կարողանում անել:

Վշտացած ու ցավելով տեսնում էի, թե ինչպես փոխվում է կռվողների դրությունը: Նավապետն ընկավ հատակին, ճրգմրվելով իր վրա ընկած վիթխարի կենդանու տակ: Բացվեց շնաձկան ահագին, սարսափելի երախը, և մի վայրկյանից հետո նավապետը կմաքրեր իր բոլոր հաշիվները կյանքի, հետ, եթե շմիջամտեր Նեդ Լենդը:

Արագ, ինչպես միտքը, կանադացին հարձակվեց շնաձկան վրա և իր եռաժանու սուր ծայրով սոսկալի հարված հասցրեց նրան:

Ջուրը կրկին ներկվեց արյան նոր հեղեղներով և ալեկոծվում էր շնաձկան պոչի կատաղի հարվածներից: Սակայն Նեդ Լենդը չվրիպեց: Նրա եռաժանին խոցեց շնաձկան սիրտը: Դա մահվան տազնապ էր: Ալեկոծությունը, որ առաջ էր գալիս հրեշի ջղաձգական շարժումներից, այնքան ուժեղ էր, որ ես ու Կոնսելը վայր ընկանք:

Մինչ այս մինչ այն, Նեդ Լենդն օգնեց նավապետին ոտքի կանգնելու: Կռվի ժամանակ բոլորովին վնասված շինելով, նավապետը ոտքի կանգնեց, անմիջապես մոտեցավ հնդիկին, արագությամբ կտրեց պարանը, որով քարը կապված էր հրեշիկին, բռնեց վերջինիս և մղելով դեպի վեր, դուրս տարավ ջրի երեսը:

Մենք երեքով հետևեցինք նրան և այդպես հրաշալի կերպով ազատվելուց մի քանի վայրկյան հետո հասանք դժբախտ սուզակի մակույկին:

Նավապետ Նեմոյի առաջին հոգսն էր ուշքի բերել սուզակին: Ես վախենում էի, որ այդ չի հաջողվի, սակայն դա

անհուաալի շէի համարում, որովհետև հնդիկն այնքան էլ երկար չէր մնացել ջրի տակ: Մյուս կողմից, սակայն, շնաձկան պոչի հարվածը կարող էր տեղն ու տեղը սպանել նրան:

Բարեբախտաբար այդպես չեղավ. կոնսելն ու նավապետ Նեմոն եռանդով շփեցին ջրահեղձի մարմինը և սա հետզհետե ուշքի եկավ: Նա բացեց աչքերը: Որքա՛ն մեծ պետք է լիներ նրա զարմանքը և նույնիսկ սարսափը, երբ տեսավ դեպի իրեն թեքված շորս մեծ պղնձե գլուխ:

Ի՞նչ պետք է մտածեր նա, երբ նավապետ Նեմոն գոտուց հանեց ցանցը և մարգարտի հետ միասին տվեց նրան: Ցեյլոնի խեղճ հնդիկը հուզված, դողդոջուն ձեռքով ընդունեց ջրակյաց մարդու այդ փառահեղ ընծան: Հնդիկի դեմքին արտահայտված երկյուղն ու զարմանքը բառերից ավելի պերճախոս կերպով ասում էին, որ նա չգիտե, թե ինչ գերբնական արարածների է պարտական իր կյանքի փրկությամբ և հանկարծակի ձեռք բերված հարստությամբ:

Նավապետ Նեմոյի նշանով մենք դուրս եկանք նավակից, վերադարձանք մարգարտի ծանծաղուտի հատակը և կես ժամ քայլելուց հետո մոտեցանք խարսխին, որի վրա կանգնած էր «Նաուտիլուսի» նավակը:

Նստելով նավակը, մենք նավաստիների օգնությամբ ազատվեցինք մետուղյա ծանր սաղավարտներից:

Նավապետ Նեմոյի առաջին խոսքն ուղղված էր նեղ կենդին.

— Շնորհակալություն, միտեր կենդ,— ասաց նա:

— Չարժե, նավապետ,— պատասխանեց կանադացին,— ես միայն վերադարձրի ձեզ իմ պարտքը:

Գննատ ժպիտը սահեց նավապետի դեմքով և դրանով վերջացավ ամեն ինչ:

— Դեպի «Նաուտիլուս»,— հրամայեց նավապետը:

Նավակը նետի արագությամբ սլացավ ալիքների միջով: Մի քանի րոպեից հետո մենք անցանք ջրի երեսը, ելած շնաձկան դիակի մոտից: Սուր դնչից, երկար, մանգաղաձև, մեծ լողաթևերից, որ հասնում էին մինչև մեջքի ողաթևը, վերջապես, մեջքի հերձաքարային գուլնից և որովայնի սպիտակությունից ես ճանաչեցի կապույտ շնաձկանը, որ իսկա-



կան շնածկների ընտանիքի ամենավտանգավոր ներկայացուցիչներից մեկն է:

Կոնսելը շնածկանը դիտում էր զուտ գիտական հետաքրքրությամբ, և ես հավատացած եմ, որ այդ րոպեին նա իր մտքում շնածկանը դասում էր կոճկածկների ենթադասի, իսկական շնածկների ընտանիքի և կապույտ շնածկների տեսակի շարքը: Նա միանգամայն իրավացի էր:

Այն ժամանակ, երբ ես նայում էի անշարժ ընկած կենդանուն, հանկարծ մակույկի մոտ երևացին նրա վեց անկըշտում ցեղակիցները: Սակայն բոլորովին ուշադրություն չդարձնելով մեզ վրա, նրանք հարձակվեցին ու սկսեցին մեկմեկուց խլել կապույտ շնածկան դիակի կտորները:

Ութն անց կեսին մենք վերադարձանք «Նատուիլուս»:

Գտնվելով իմ սենյակում, ես վերհիշեցի այդ օրվա առավոտյան դեպքերը: Սրանցից կարելի էր հանգել երկու եզրակացության: Առաջին՝ նավապետ Նեմոն իր համարձակությամբ մրցակից շուներ, երկրորդ, շնայելով, որ նա ատում էր մարդկությանը, որից փախչում էր մինչև ծովի հատակը, նա իրեն անհայտ մի խեղճ մարդու կյանքը փրկելու համար պատրաստ էր վտանգի ենթարկել իր կյանքը: Ինչ էլ որ իր մասին ասեր այդ տարօրինակ մարդը, այնուամենայնիվ երեւում էր, որ նրան չի հաջողվել իր սրտում մինչև վերջ խնդրել մարդասիրական զգացումները:

Երբ ես այդ ասացի նավապետին, նա նկատելի հուզումով պատասխանեց ինձ.

— Դա հնդիկ էր, պրոֆեսոր, ճնշված երկրի բնակիչ: Մինչև վերջին շունչս ես կլինեմ ճնշվածների կողմը, և յուրաքանչյուր ճնշված մարդ եղել է և կլինի իմ եղբայրը:

## Գ.ԼՈՒԽ ՉՈՐՐՈՐԴ

### ԿԱՐՄԻՐ ՄՈՎԸ

Հունվարի քսանիննին, ցերեկով, Տեյլոն կղզին չքացավ հորիզոնում և «Նատուիլուսը» մի ժամում անցնելով քսան մղոն, ուղևորվեց դեպի այն նեղուցները, որ Մալդիվյան կղզ-

դիները բաժանում են Լակկադինյան կղզիներից: Նավն ան-  
ցավ Կիտտանի՝ կորալային կղզու մոտից, որ 1499 թվակա-  
նին գտել էր Վասկո դե Գաման: Դա Լակկադինյան արշի-  
պելագի տասնինը խոշորագույն կղզիներից մեկն է և գտնը-  
վում է  $10^{\circ}$  և  $14^{\circ}30'$  հյուսիսային լայնության և  $69^{\circ}$  ու  
 $50^{\circ}72'$  արևելյան երկարության տակ:

Ճապոնական ծովից մեկնելուց մինչև հիմա մենք անցել  
ենք տասնվեց հազար երկու հարյուր քսան մղոն, կամ յոթ  
հազար հինգ հարյուր լյո:

Հետևյալ օրը, հունվարի 30-ին, երբ «Նաուտիլուսը» բարձ-  
րացավ ջրի երեսը, ոչ մի ցամաք չէր երևում: Հիմա նավն  
ընթանում էր դեպի հյուսիս-հյուսիս-արևմուտք, դեպի Օման  
ծոցը, որ գտնվում է Արաբիայի և Հնդկական թերակղզու  
միջև և ներկայանում է Պարսկական ծոցի մուտքը:

Ու՞ր էր մեզ տանում նավապետ Նեմոն: Ես այդ շփտեի  
և չէի կարող պատասխանել Նեդ Լենդին, որն ինձ տվեց այդ  
հարցը:

— Իմ բարեկամ Նեդ, մենք գնում ենք այնտեղ, ուր ցան-  
կանում է նավապետ Նեմոն,— պատասխանեցի ես:

— Վախենում եմ, որ դա մեզ համար լավ հետևանք չու-  
նենա,— ասաց կանադացին:— Պարսկական ծոցը միայն մի  
մուտք ունի, որը նաև ծառայում է իբրև ելք, և եթե մենք  
մտնենք այդ ծոցը, անխուսափելիորեն պետք է ետ դառ-  
նանք:

— Ի՞նչ արած, Նեդ, ետ կդառնանք: Իսկ եթե Պարսկա-  
կան ծոցում գտնվելուց հետո նավապետ Նեմոն ցանկանա  
այցելել Կարմիր ծովը, Բաբ-ել-Մանդեբի նեղուցը միշտ  
պատրաստ է ճանապարհ տալու նրա նավին:

— Պարոն պրոֆեսոր, դուք ինձանից ավելի լավ դիտեք,  
որ Կարմիր ծովը նույնպիսի փակ ծով է, ինչպես և Պարսկա-  
կան ծոցը,— առարկեց Նեդ Լենդը,— որովհետև Սուեզի ջրանց-  
քը դեռ չի փորված, և նույնիսկ այնպիսի մի նավ, ինչպիսին  
«Նաուտիլուսն» է, չի կարող անցնել այդ ջրանցքի ապագա  
ջրարգելակների պեղանների միջով: Այսպիսով Կարմիր ծո-  
վը ոչ մի կերպ չի կարող մեզ մոտեցնել Եվրոպային:

— Ես ձեզ չեմ ասել, թե մենք մոտենում ենք Եվրոպային:

— Ապա դուք ի՞նչ եք ենթադրում:

— Իմ կարծիքով «Նաուտիլուսը», այցելելով Արարիայի ու Եգիպտոսի մոտ եղած ծովերը, կվերադառնա Հնդկական օվկիանոսը, կամ Մոզամբիկյան նեղուցով, կամ Մասկարենյան կղզիների մոտով, ապա կհասնի Բարեհուսո հրվանդանին:

— Ենթադրենք, թե այդպես էլ կլինի,— շարունակեց հարցաքննել Նեդ լենդն իրեն ոչ հատուկ հաստատակամոթյամբ,— լավ, իսկ ե՞րբ մենք կհասնենք Բարեհուսո հրվանդանին:

— «Նաուտիլուսը» կանցնի հրվանդանի մոտից և դուրս կգա հենց այն Ատլանտյան օվկիանոսը, ուր մենք դեռ չենք եղել: Իմ բարեկամ Նեդ, ճիշտ ասացեք, մի՞թե ձեզ հոգնեցրել է այս ստորջրյա ճանապարհորդութունը: Մի՞թե ձեզ ձանձրացրել է ստորջրյա տեսարանների այս անվերջ բազմազանությունը: Ինչ վերաբերում է ինձ, ճիշտն ասած, ես անկեղծորեն ցավելով իմանում եմ, որ վերջանում է այս զարմանալի ճանապարհորդությունը, որի մասին ոչ մի մարդ երազել անգամ չի կարող:

— Մի՞թե դուք մոռացել եք, պարոն պրոֆեսոր,— առարկեց կանադացին,— որ երեք ամիս մենք գերի ենք այս ըստորջրյա նավում:

— Ես այդ չեմ հիշում, Նեդ, և չեմ էլ ուզում հիշել: «Նաուտիլուսում» գտնվելուս ոչ ժամերն եմ հիշում, ոչ էլ օրերը:

— Այս բոլորն ինչո՞վ կվերջանա:

— Վերջը կգա իր ժամանակին: Մենք ոչ մի կերպ չենք կարող արագացնել նրա գալուստը և իզուր ենք վիճում: Եթե դուք, քաջ Նեդ, գայիք և ասեիք ինձ՝ «եկել է, փախչելու հարմար առիթը», ապա ես հաճույքով ձեզ հետ միասին կքննարկեի մեր փրկության հնարավորությունը: Սակայն այդպիսի առիթ դեռևս չկա և անկեղծորեն ասած՝ ես այնքան էլ չեմ հավատում, որ նավապետ Նեմոն համարձակվի երբևէ մտնել Եվրոպական ծովերը:

Այս կարճ խոսակցությունից երևում է, որ ես դարձել եմ

«Նաուտիլուսի» և նրա հանելուկային նավապետի մոլեռանդ երկրպագուն:

Ինչ վերաբերում է նեղ լենդին, նա խոսակցությունը վերջացրեց հետևյալով.

— Այդ բոլորը ճիշտ է, սակայն իմ կարծիքով այնտեղ ուր կա հարկադրանք, չի կարող վայելք լինել:

Հետևյալ շորս օրերի ընթացքում մինչև փետրվարի 3-ը «Նաուտիլուսը» տարբեր արագությամբ և տարրեր խորությամբ լողում էր Օման ծոցում, Թվում էր, որ նավը հաջողությամբ է լողում, կարծես դեռևս չի ընտրել վերջնական ուղին, բայց այդ օրերում մենք ոչ մի անգամ չանցանք Խեցգետնի արևադարձը:

Նախքան այդ ծովից հեռանալը մենք մի քանի ընդհատեցինք Օմանի գլխավոր քաղաքը՝ Մասկատը: Ես սքանչացա այդ քաղաքի գեղեցիկ տեսքով. ժայռերի սև ֆոնի վրա սպիտակ տները և ամրություններն իսկապես որ հազվագյուտ տեսարան էին ներկայացնում: Ես դմայլվում էի մզկիթների կլոր գմբեթներով, մինարեների սուր դադաթներով, դարավանդների թարմ կանաչով: Սակայն այդ տեսիլքը երկար շարունակվեց, «Նաուտիլուսը» կրկին սուզվեց մթին ջրերի խորքը:

Այնուհետև մեր նավը սկսեց լողալ ցամաքից վեց մղոն հեռու, Արաբիայի ափերի երկարությամբ, անցնելով Հադրամաուտը, անցնելով ոչ-բարձր լեռների ալեձև շղթան, ուր տեղ-տեղ հնամյա ավերակներ էին երևում: Փետրվարի հինգին մենք վերջապես մտանք Ադենյան ծոցը, որ ձաղարի ձևով միանում է Բար-ել-Մանդեբի նեղուցին: Հնդկական օվկիանոսի ջրերը այդ ծոցի վրայով լցվում են կարմիր ծովը:

Փետրվարի վեցին «Նաուտիլուսը» դուրս եկավ ջրի երեսը, և մենք նկատեցինք Ադեն քաղաքը, որ գտնվում է նեղլիկ պարանոցով մայր ցամաքին միացած, համանուն հրվանդանի վրա: Ադենը, որ բնական պայմաններով իրենից ներկայացնում է իսկական արաբական Զիբրալթար, 1839 թվականին գրավված է անգլիացիների կողմից և հիմա դարձել է բոլորովին անմատչելի մի բերդ: Հեռվում ես տեսա այդ քաղաքի ութկողմանի մինարեները: Պատմաբան էդրիդիոսի ա-

սելով՝ մի ժամանակ այդ քաղաքն ամենասուշխույժ ու հարուստ առևտրական կետ է եղել ամբողջ ծովափում:

Ես հավատացած էի, որ նավապետ Նևմոյի կարգադրությամբ «Նաուտիլուսը» ետ կդառնա Ադենից: Սակայն պարզվեց, որ ես սխալվում եմ:

Հետևյալ օրը, փետրվարի 7-ին, մենք մտանք Բար-ել-Մանդեբի նեղուցը: Նեղուցի անունն արաբերեն է և նշանակում է «արցունքների դուռ»: Նեղուցի երկարությունն ընդամենը հիսուներկու կիլոմետր է, և «Նաուտիլուսը», որ սլանում էր իր ամբողջ արագությամբ, այդ տարածությունն անցնելու համար մի ժամ էլ չկորցրեց: Սակայն ինձ չհաջողվեց որևէ քան տեսնել, շտեպս նույնիսկ Պերիմ կղզու ափերը, որ անգլիացիները գրավել էին ծովի վրա Ադենի տիրապետությունն ամրապնդելու համար: Անգլիական ու ֆրանսիական բազմաթիվ նավեր, որոնք կապ են պահում Սուեզի պարանոցի, Բոմբեյի, Կալկաթայի, Մելբուռնի և Ս. Մավրիկիոսի կղզու միջև, երթևեկում էին նեղուցում, այնպես որ «Նաուտիլուսը» այնտեղ չէր կարող լողալ ջրի երեսին: Այս պատճառով մենք շարունակ գտնվում էինք ջրի տակ:

Վերջապես, կեսօրին մենք մտանք կարմիր ծովը:

Կարմիր ծովը: Այստեղ երբեք անձրև չի գալիս: Երկինքը երբեք չի ծածկվում ամպերով: Ոչ մի աչքի ընկնող գետ չի թափվում այս ծովը: Թեժ արևը հսկայական շափով գոլորշիացնում է նրա ջուրը, որի մակերևույթն ամեն տարի իջնում է, մեկ և կես մետրով:

Եթե այդ տարօրինակ ծովածոցը կտրվեր օվկիանոսից և լիճ դառնար, հավանորեն արդեն շորացած կլիներ: Կարմիր ծովի մակերևույթն ավելի ցածր է, քան բոլոր կողմերից փակված Կասպից ծովի մակերևույթը, որտեղ գոլորշիացող ջրի քանակը ճշտությամբ հավասարակշռվում է մթնոլորտային տեղումների հետ:

Կարմիր ծովն ունի երկու հազար վեց հարյուր կիլոմետր երկարություն և երկու հարյուր քառասուն կիլոմետր միջին լայնություն: Պտղոմեոսի և Հոոմի կայսրության ժամանակ դա եղել է աշխարհումս մեծագույն առևտրական զարկերա-



կը: Սուեզի ջրանցքի բացումով այս ծովը վերստին կստա-  
նա իր երբեմնի նշանակությունը:

Ես նույնիսկ չէի փորձում հասկանալ, թե նավապետ Նե-  
մոյին ինչ քմահաճույք է բերել այս ծովածոցը: Սակայն ես  
անսահման շափով ուրախ էի, որ «Նաուտիլուսը» հասավ  
այստեղ: Հիմա մենք ընթանում էինք շափավոր արագու-  
թյամբ, մերթ դուրս գալով ջրի երեսը և մերթ ջրասույզ լի-  
նելով, որպեսզի չընդհարվենք հանդիպակաց նավին: Այս-  
պիսով ես ծանոթացա այս հետաքրքիր ծովի արտաքինի ու  
ներքինի հետ:

Փետրվարի ութին, առավոտը բացվելուն պես, մենք տե-  
սանք Մոկան, ավերակների այդ քաղաքը, որի խարխուլ պա-  
տերը քանդվում են նույնիսկ թնդանոթային որոտից: Ավե-  
րակների միջև փյուռնիկյան արմավենիներ են աճել և ծածկ-  
վել հաճելի սաղարթով: Մի ժամանակ Մոկան եղել է առև-  
տրական խոշոր կենտրոն, ունեցել է վեց շուկա, քսանվեց  
մզկիթ և տասնչորս ամրոց, որոնք երեք կիլոմետր երկարու-  
թյամբ շրջապատել են քաղաքը:

«Նաուտիլուսը» մոտեցավ Աֆրիկայի ափերին: Այստեղ  
ծովն ավելի խոր էր: Իջնելով ջրի տակ, մենք զմայլվում էինք  
ալ-կարմիր կորալների սքանչազեղ թփուտներով, ստորջրյա  
ժայռերին փոված ջրիմուռների և ծովասեզերի խիտ, կանաչ  
գորգով: Ինչպիսի՜ աննկարագրելի տեսարան էին ներկայաց-  
նում այդ ստորջրյա խութերն ու կղզյակները, որ գտնվում  
էին կիբիական ափերի մոտ: Սակայն ստորջրյա տեսարան-  
ները մի առանձին գեղեցկություն և բազմազանություն ու-  
նեին սրևելյան ափերին մոտ, որոնց շուտով մոտեցավ «Նա-  
ուտիլուսը»: Տեխամայի մոտ, զոոֆիտներն աճել էին ոչ մի-  
այն ջրի տակ, այլև ծովի մակերևույթին, ուր մի քանի մետր  
տարածությամբ աչքի էին ընկնում իրենց գեղանկար հյուս-  
վածքներով: Ճիշտ է, ջրի վրա աճած զոոֆիտներն ավելի  
դժգույն էին, քան ջրի տակ աճածները, որոնք շարունակ  
թարմանում են հոսանուտ ջրով:

Որքա՜ն հրաշալի ժամեր անցկացրի ես, նստած լինելով  
սրահի լուսամուտի մոտ: Ստորջրյա բուսական և կենդանա-  
կան աշխարհի քանի՜-քանի՜ նոր նմուշներ տեսա էլեկտրական

լուսարձակի տակ՝ ապենդիկուլյարներ, սալմեր, թերթաքարի գույնի ակտինիաներ, որոնց թվում նաև tliatlazziatleur az-ter, որոնք նման են սրնգափողին և կարծես սպասում են Պանաստժո շնչին, անհամար խխունջներ, որ աճում են գաղութներով, վերջապես, պոլիպի հազարավոր տեսակներ, որ մինչև հիմա ես ոչ մի տեղ չէի հանդիպել՝ սպունգաղղիներ:

Սպունգաղղիների դասը, որ առաջին տեղն է բռնում պոլիպների բաժնում, ամբողջովին բաղկացած է այդ օգտավետ և հետաքրքիր էակներից: Սպունգաղղին բույս չէ, ինչպես դեռ մինչև հիմա կարծում են մի շարք բնագետներ այլ ամենաստորին կենդանի. դա պոլիպ է, որ նույնիսկ կորալներից ավելի ցածր զարգացման աստիճանի վրա է գտնվում: Որ ըստ սպունգաղղիները պատկանում են կենդանական աշխարհին, դրանում ոչ մի կասկած չկա և իհարկե խոսք էլ չի կարող լինել այն մասին, թե կարելի է նրանց վերագրել կենդանիների և բույսերի ինչ-որ միջանկյալ աշխարհի, ինչպես այդ անում էին հնադարյան մարդիկ: Ես պետք է ասեմ, որ բնագետները մինչև այժմ տարբեր կարծիք ունեն սպունգաղղիների կազմվածքի մասին: Մի քանիսների կարծիքով դրանք պոլիպներ են, մանր կենդանիների մի ամբողջ գաղութ, ոմանք էլ, նաև Միլն էդվարդսը, կարծում են, որ յուրաքանչյուր սպունգաղղի առանձին կենդանի է:

Սպունգաղղիների դասն ունի մոտ երեք հարյուր տեսակ: Նրանք լինում են շատ ծովերում, նաև մի քանի գետերում: Բայց սպունգաղղիներն ավելի հաճախ լինում են Միջերկրական ծովում, Հունական արշիպելագի ծովերում, Սիրիայի ափերի մոտ և Կարմիր ծովում: Գլխավորապես այստեղ են լինում ամենանուրբ, փափուկ սպունգաղղիները, սիրիական սպիտակ տեսակը և տրիպոլիականը, որոնց մեկ հատը վաճառվում է հարյուր հիսուն ֆրանկով:

Հույս չունենալով մի անգամ ևս տեսնել սպունգաղղիները Մերձավոր Արևելքի երկրներում, որոնցից մեզ բաժանում էր Սուեզի պարանոցի անանցանելի պատնեշը, ես մեծ ջանասիրությամբ զբաղվեցի Կարմիր ծովի սպունգաղղիների ուսումնասիրությամբ:

Ես կանչեցի Կոնսեյին, և մենք միասին սկսեցինք նայել

լուսամուտից, այն ժամանակ, երբ «Նաուտիլուսը» ութ-ինը մետր խորացած, դանդաղ լողում էր արևելյան ժայռոտ ափերի երկարությամբ:

Այստեղ աճել էին բոլոր տեսակի սպունգազգիները, ցողունաձև, տերևաձև, գնդաձև, թաթավոր սպունգազգիները: Նրանց արտաքին տեսքը միանգամայն արդարացնում էր հեռույալ անունները՝ դամբյուղներ, գավաթներ, ճախարակներ, արծվի թաթեր, սիրամարգի պոչեր, նեպտունի ձեռնոցներ: Այդ անունները նրանց տվել էին այն մարդիկ, որոնք ավելի շատ հակում են ունեցել դեպի պոեզիան, քան դեպի գիտությունը: Կիսահեղուկ, դոնդողանման մի նյութ, որ ներծծված է նրանց թել-թել հյուսվածքի մեջ, կենսաբեր շիթերով, անդադար սնունդ է մատակարարում յուրաքանչյուր առանձին բջիջին: Ստանալով սնունդ, բջիջը սեղմվում է և իր միջից դուրս մղում ավելորդ ջուրը: Այդ դոնդողանման նյութը չքանում է պոլիպի մեռնելուց հետո, քայքայվելիս արտադրում է ամիակ, և կենդանուց մնում է միայն թել-թել հյուսվածք, որը աստիճանաբար դառնում է ծղուտագույն և գործադրվում է դանադան նպատակների համար, նայած իր առաձգականության ջրաթափանցելիության և ամրության աստիճանին:

Սպունգազգիները կալում են ժայռերին, կակղամորթների խեցիների և նույնիսկ զոոֆիտների ցողուններին: Նրանք լցնում են ամենափոքրիկ ճեւքերը, ժայռերի յուրաքանչյուր խոռոչը, մերթ փոփելով աջ ու ձախ, մերթ աճելով դեպի վեր, մերթ կախվելով ներքև, ինչպես կորալային պոլիպները:

Ես կոնսելին պատմեցի, որ սպունգազգիներին բրտում են ուռկանով կամ ձեռքով: Վերջին եղանակը լավագույնն է համարվում, քանի որ սուղակները զգուշությամբ են պոկում սպունգազգիները, առանց վնասելու սրանց հյուսվածքը, մի քան, որ անխուսափելի է ուռկանով որսալու ժամանակ:

Սպունգազգիների շուրջը գտնվող մյուս զոոֆիտների մեծ մասը մեղուզաներ էին, որոնք աչքի էին ընկնում խիստ գեղեցիկ ձևերով: Կակղամորթներից այստեղ կային կալմարներ, իսկ սողուններից՝ ծովային կրիաներ և մասնավորապես այսպես կոչված՝ ասլուրի կամ կանաչ կրիան, որի միսը մենք հաճույքով կերանք նույն օրը:

Չկներն ապշեցնում էին իրենց առատութեամբ: Ահա թե «Նառատիլուսի» ուռկանն ինչ էր որսում այդ օրերին, կատվաձկներ, որոնց թվում արծվային կատվաձուկ կամ ծովային արծիվն որն ունի մեկ ու կես մետր լայնութուն և կշռում է մոտ տասներկու կիլոգրամ, մեջքը թուխ-կինամոնագույն է, իսկ որովայնը սպիտակավուն, եղջյուրավոր կողովիկներ, ոսկորներից բաղկացած քառակողմ վահանով և աչքերի վրա՝ երկար, եղջյուրանման փշերով, փողոշներ, օձաձկների ընտանիքին պատկանող գիշակեր ձկներ, իրենց տարօրինակ գույնի մարմնով, որի առջևի մասը բաց-դեղին է, հետին մասը՝ թուխ, իսկ ամբողջ մարմնի վերին մասը զարդարված է թուխ-մարմարագույն նկարով. ծիծեռնակաձկների ընտանիքին պատկանող եղջյուրավոր զանկիներ, որոնք դեղնավուն են և ծածկված սև ու կինամոնագույն շերտերով. երկարամարմին գայլաձկների ընտանիքին պատկանող ծծուկներ, որոնք ունեն որդան-կարմիր գույն, թուխ շերտեր, այս ձրկաներն ունեն կաշող ապարատ, որ կազմված է կռճիկային ուռուցքից. նրանք շատ պինդ կաշում են քարերին կամ խեցիներիին և շարժվում են միայն նրա համար, որպեսզի հարձակվեն որսի վրա կամ փախչեն թշնամուց: Բացի դրանից, ուռկանը դուրս էր բերում ուրիշ շատ ձկներ, որոնց մենք հանդիպել էինք ուրիշ ծովերում:

Փետրվարի իննին «Նառատիլուսը» լողում էր կարմիր ծովի հենց այն լայն մասում, որի արևմտյան կողմում գտնվում է Սուակինը, իսկ արևելյան կողմում՝ Նմենը:

Կեսօրին, երբ նավապետի օգնականը վերջացրել էր իր դիտումները, նավապետ Նեմոն տախտակամածում մոտեցավ ինձ:

Ես որոշեցի բաց շթողնել նրան, մինչև որ իմանամ, թե ուր է տանում «Նառատիլուսը»:

Նավապետ Նեմոն ինձ տեսավ թե չէ, ինքը մոտեցավ, սիգար առաջարկեց և ասաց.

— Կարմիր ծովը դուր եկավ ձեզ, պրոֆեսոր: Արդյոք բավականաչափ զմայլվեցի՞ք այդ ծովի ձկներով, սպունգազգիներով, զոոֆիտներով և կորալային անտառներով: Տեսա՞ք արդյոք նրա ափերին գտնվող քաղաքները:

— Շնորհակալ եմ ձեզնից, նավապետ, ես սքանչացել եմ այդ բոլորով: «Նաուտիլուսն» ինձ տվել է այդ հնարավորությունը: Ի՞նչ հրաշալի նավ է:

— Այո, պրոֆեսոր, հրաշալի, խիզախ և անխոցելի է այս նավը: Նա չի վախենում ոչ Կարմիր ծովի սարսափելի փոթորիկներից, ոչ նրա հոսանքներից և խութերից:

— Իսկապես,—ասացի ես,—այս ծովն ամենավտանգավոր ծովերից մեկն է համարվում. եթե չեմ սխալվում, նավատ համբավ է ունեցել դեռ հնադարյան ժամանակներում:

— Հիրավի, նա վաղուց անտանելի համբավ ունի, պարոն պրոֆեսոր: Հունական, ինչպես նաև հռոմեական պատմաբանները շատ վատ բաներ են ասում այդ ծովի մասին: Ստրաբոնն ասում է, թե նա անհյուրընկալ է անձրևների և հյուսիսային քամիների ժամանակ: Արաբական պատմաբան էդրիզիոսը այդ ծովն անվանում է Կոլզումյան ծոց, պատմում է, թե բազմաթիվ նավեր խորտակվում էին ծովի ավազոտ ծանծաղուտներում, և որ գիշերները ոչ ոք չի համարձակվում լողալ այնտեղ: Էդրիզիսի ասելով, Կարմիր ծովը հայտնի է իր սարսափելի փոթորիկներով, անհյուրընկալ կղզիներով և «չունի որևէ հրապուրիչ բան ոչ մակերևույթի վրա, ոչ էլ խորքերում»: Այս կարծիքին համամիտ են նաև Արրիանոսը, Ահատարխիդն ու Արտեմիդորը...

— Երևում է, որ այդ պատմաբաններին վիճակված չի եղել «Նաուտիլուսով» ճանապարհորդելը,—ասացի ես:

— Միանգամայն ճիշտ է,—ժպտաց նավապետ Նեմոն,—սակայն այդ տեսակետից ժամանակակից պատմաբանների դրուժյունը հնադարյան պատմաբանների դրուժյունից ավելի լավ չէ: Շատ դարեր պիտի անցնեին, մինչև որ հայտնաբերվեր շոգու մեխանիկական ուժը: Ո՞վ գիտե, արդյոք աշխարհը թեկուզ հարյուր տարուց հետո կտեսնի՞ մի երկրորդ «Նաուտիլուս»: Տեխնիկական առաջադիմությունը, պարոն պրոֆեսոր այնքան էլ արագ չի լինում:

— Ճիշտ է,—ասացի ես,—ձեր նավը մի ամբողջ դար էթե ոչ ամբողջ դարեր, առաջ է անցել իր ժամանակաշրջանից: Ինչպիսի դժբախտություն է, որ այդ նավի գաղտնիքը կմեռնի նրա գյուտարարի հետ միասին:



Նավապետ Նեմոն ինձ չպատասխանեց:

Մի քանի րոպե լռելուց հետո նա կրկին շարունակեց.

— Կարծեմ մենք խոսում էինք այն մասին, թե հնադարյան պատմաբաններն ինչ կարծիքներ են ունեցել Կարմիր ծովում ճանապարհորդելու վտանգի շուրջը:

— Այո, — ասացի ես, — արդյոք դուք չե՞ք գտնում, որ սրանց ասածները շափազանցրած են:

— Ե՛վ այո և՛ ոչ, պարոն պրոֆեսոր, — պատասխանեց ինձ նավապետ Նեմոն, որ ըստ երևույթին հիմնովին ուսումնասիրել էր Կարմիր ծովը: — Այն, ինչ որ բոլորովին վտանգավոր չէ ամուր կառուցված, լավ սարքավորված, իր կամքին հնազանդ գոլորշու շնորհիվ ազատ կերպով իր ճանապարհն ընտրող նավի համար, այն հնադարյան ծովագնացների նավերի համար լի է եղել ամեն տեսակ անակնկալներով: Հարկավոր է պատկերացնել այդ տախտակյա, խղճուկ նավերը, որ ամրացվում էին արմավենու ճյուղերով, խծրծվում կուպրով և դելֆինի ճարպով: Դրանք ոչ մի գործիք չունեին ընթացքի ուղղությունը որոշելու համար և լողում էին ենթադրաբար, իրենց անժանոթ հոսանքների միջով: Այս պայմաններում նավաբեկությունները սովորական երևույթ էին և չէին կարող այդպես չլինել: Սակայն մեր օրերում Սուեզի պարանոցից մինչև հարավային կիսագնդի ծովերը երթևեկող նավերը չեն վախենում Կարմիր ծովի փոթորիկներից և հանդիպակաց մուսսոններից: Այդ նավերի պետերը, անձնակազմը և ճանապարհորդները կարիք չունեն ճանապարհավելուց առաջ քավության զոհ մատուցելու, և վերադառնալուց հետո նրանք դարձյալ կարիք չունեն զարդարվելու ծաղկեշղթաներով և գնալու մոտակա տաճարը՝ աստվածներին գոհություն հայտնելու նրանց ողորմածության համար....

— Այո, ծովագնացների սրտերում շոգին մեռցրել է երախտագիտությունը, — կատակով ասացի ես, — ի դեպ, նավապետ, դուք այնքան խորն եք ուսումնասիրել այդ ծովի պատմությունը, որ գուցե ինձ բացատրեք, թե ինչու է նա Կարմիր ծով կոչվում:

— Հնադարյան մարդիկ այդ անունը տվել են այն պատ-

ճառով, որ ծովի մի քանի մասերը տարօրինակ գույն ունեն, — պատասխանեց նավապետ Նեմոն:

— Սակայն մինչև այժմ մեր տեսած ջուրը բոլորովին թափանցիկ է և ոչ թե գունավոր:

— Ճիշտ է, բայց երբ մենք կմոտենանք ծովածոցի վերջավորության, դուք կհամոզվեք, որ այնտեղ ջուրը կարմրավուն գույն ունի: Ես հիշում եմ, որ մի անգամ Տոր ծովախորշում տեսել եմ բոլորովին կարմիր ջուր, կարծես արյան մի ամբողջ լիճ:

— Ինչո՞վ է բացատրվում այդ գույնը: Որևէ մանրագույն ջրիմուռներո՞վ:

— Այո: Դա տրիխոդոսմիա կոչված մանրագույն բույսերի լորձուկաբային արտաթորումն է, որոնց քառասուն հազարը տեղավորվում է մեկ քառակուսի միլիմետրի վրա: Երբ մենք այցելենք Տոր ծովախորշը, հնարավոր է, որ ձեզ ևս հաջողվի դիտել այդ արտասավոր երևույթը:

— Նշանակում է առաջին անգամը չէ՞, որ դուք «Նաուտիլուսով» այցելում եք կարմիր ծովը, նավապետ:

— Առաջին անգամը չէ: Ես այստեղ եմ եղել, երբ դեռ նոր էին սկսվել Սուեզի ջրանցքի փորման աշխատանքները:

— Այդ ջրանցքը բոլորովին անօգտակար է մի այնպիսի նավի համար, ինչպիսին «Նաուտիլուսն» է, — ասացի ես:

— Սակայն ջրանցքն օգտակար է ամբողջ աշխարհի համար, — պատասխանեց նավապետ Նեմոն, — հնադարյան մարդիկ շատ լավ էին հասկանում, թե առևտրի համար ինչպիսի հսկայական շահավետություն ունի ուղղակի հաղորդակցութունը Միջերկրական և կարմիր ծովերի միջև: Սակայն նրանք չէին էլ մտածում, որ կարելի է ուղղակի ջրանցք փորել մեկ ծովից մինչև մյուսը, և ընտրեցին ավելի երկար ճանապարհ, նեղոս գետից ջրային ճանապարհ բացին մինչև կարմիր ծովը: Մի քանի տվյալների համաձայն, նեղոսի այդ ջրանցքի կառուցումն սկսվեց Սեզոստրես փարավոնի ժամանակ: Համենայն դեպս հայտնի է, որ մեր թվագրությունից առաջ, 615 թվականին նեխո փարավոնը ձեռնարկեց ջրանցքի կառուցումը: Ջրանցքն անցնելու էր եգիպտական այն դաշտավայրից, որը մոտիկ է Արաբիային: Նեղոսից մինչև կարմիր ծով այդ ջրանցք

քով նավերը պիտի անցնեն շորս օր, իսկ ջրանցքի լայնությունը պետք է լիներ այնքան, որ երկու տրիրեմներ (հոռմեական հին նավեր) լողային իրար կողքի: Զրանցքի շինարարությունը շարունակվեց Հիստասպոսի որդի Դարեհի, ժամանակ, և ավարտվեց ըստ երևույթին միայն Պտողոմեոս երկրորդի օրոք: Ստրաբոնը տեսավ արդեն պատրաստի ջրանցքը: Սակայն ջրանցքի ոչ բավականաչափ խորության պատճառով նավարկությունը հնարավոր էր միայն գարնանային ամիսներին, երբ վարարում էր Նեղոս գետը: Զրանցքն օտագործվեց մինչև Անտոնինների դարը, որից հետո անկման հասավ, ծանծաղացավ և դարձավ աննավարկելի: Օմար Խալիֆի հրամանով այն վերականգնվեց, սակայն մեր թվագրության 761 կամ 762 թվականին վերջնականապես հողով լցվեց Ալ-Մանզոր Խալիֆի հրամանով: Վերջինս ցանկանում էր այդ կերպ խանգարել պարենի հայթայթումը իր դեմ ապրատամբաժ Մոհամեդ-բեն Աբդուլլահին: Գեներալ Բոնապարտը Եգիպտոսում կատարած արշավանքի ժամանակ այդ ջրանցքի հետքը գտավ Սուեզի մոտ եղած անապատում և հազիվ կարողացավ փրկվել ծովի մակընթացութունից:

— Ի՞նչ արած, նավապետ, այն, ինչ շահողվեց հնարյան մարդկանց՝ երկու ծովերի միացումը, որով ինը հազար կիլոմետրով կկրճատվեր Կադիքսից մինչև Հնդկաստան տանող ճանապարհը, այդ կանի Լեսսեպսը: Ամենամոտիկ ապագայում նա աֆրիկյան մայր ցամաքը կդարձնի հսկայական մի կղզի, Սուեզի ջրանցքով այդ մայր ցամաքը կկտրի Ասիայից:

— Այո, պարոն Արոնաքս, դուք իրավամբ կարող եք հրպարտանալ ձեր հայրենակցով: Այդ մարդն ավելի մեծ պատիվ է բերում իր հայրենիքին, քան ամենապանծալի զորավարը: Նա հաղթահարեց իր ճանապարհին եղած անհամար խոչընդոտները և հաղթանակեց, որովհետև նրա մեջ միացած են հանճարեղությունը և ուժեղ կամքը: Ցավալի է մտածել, որ այդ ստեղծագործությունը, որ պետք է դառնար միջագագային գործ, կատաղի դիմադրության հանդիպեց և հաղթանակեց միայն մեկ մարդու հսկայական եռանդի շնորհիվ: Փառք ու պատիվ Ֆերդինանդ Լեսսեպսին:

— Այո, փառք ու պատիվ այդ մեծ քաղաքացուն, — քաղաքականչեցի ես, ներքուստ զարմանալով նավապետ Նեմոյի, անակնկալ ոգևորության վրա:

— Իհարկե ցավալի է, որ ես չեմ կարող ձեզ ցույց տալ Սուեզի ջրանցքը, — շարունակեց նավապետ Նեմոն, — սակայն վաղը չէ մյուս օրը, երբ մենք կմտնենք Միջերկրական ծով, դուք կտեսնեք Պորտ-Սաիդի առափնյա երկար կառուցվածքները:

— Միջերկրական ծովը, գոչեցի ես:

— Այո, պարոն պրոֆեսոր: Ինչո՞ւ այդպես զարմացաք:

— Ինձ զարմացրին ձեր այն խոսքերը, թե մենք այնտեղ կլինենք վաղը չէ մյուս օրը:

— Իսկապե՞ս:

— Այո, նավապետ, թեպետ վաղուց ժամանակ է, որ ես սովորեմ ոչ մի բանի վրա չզարմանալ, քանի դեռ գտնվում եմ «Նաուտիլուսում»:

— Այնուամենայնիվ, ինչո՞ւ այդ լուրն այդքան զարմացրեց ձեզ:

— «Նաուտիլուսը» պետք է հսկայական արագություն վերցնի, որպեսզի վաղը չէ մյուս օրը մեղ հասցնի Միջերկրական ծով: Չէ՞ որ նավը պետք է պտույտ տա ամբողջ Աֆրիկայի շուրջը, անցնելով Բարեհուսո հրվանդանի մոտից:

— Բայց ո՞վ ձեզ ասաց, թե «Նաուտիլուսը» պետք է սլուստույտ գա Աֆրիկայի շուրջը: Ո՞վ ասաց, թե նա կանցնի Բարեհուսո հրվանդանի մոտից:

— Այնուամենայնիվ... եթե միայն «Նաուտիլուսը» չանցնի ցամաքով կամ օդի միջով... Սուեզի պարանոցի վրայով...

— Իսկ ինչո՞ւ չի կարող անցնել պարանոցի տակից, պարոն պրոֆեսոր:

— Պարանոցի տակի՞ց:

— Իհա՛րկե, — հանդիստ պատասխանեց նավապետ Նեմոն, — բնությունը ցամաքի այդ նեղ շերտի տակ վաղուց արել է այն, ինչ մարդիկ մեծ դժվարությամբ անում են ցամաքի վրա:

— Ինչպես: Մի՞թե այնտեղ անցք կա:

— Այո, ստորջրյա անցք, որ ես անվանել եմ Արաբական

Թունել: Անցքն սկսվում է Սուեզի տակից և վերջանում Պորտ-Սաիդի մոտ:

— Բայց չէ՞ որ Սուեզի պարանոցը բաղկացած է փխրուն ավազից:

— Միայն մինչև որոշ սահման: Հիսուն մետր խորությամբ արդեն սկսվում է գրանիտե ամուր շերտը:

— Ուրեմն դուք պատահաբար եք հայտնաբերել այդ թունելը, — հարցրի ես:

— Պատահաբար և միևնույն ժամանակ ոչ պատահաբար: Այդ հայտնագործության մեջ դատողության բաժինն ավելի մեծ է եղել, քան պատահականության առկայությունը:

— Նավապետ, ես ձեզ լսում եմ լարված ուշադրությամբ, սակայն միտքս հրաժարվում է հավատալ ականջներիս:

— Ախ, պարոն պրոֆեսոր, ականջներ ունենալ և չլսել, այդ հատուկ է բոլոր ժամանակներին: Այդ անցքը ոչ միայն իրականում գոյություն ունի, այլև ես մի քանի անգամ անցել եմ այնտեղից: Եթե այն չլիներ, ես չէի մտնի այս փակուղին, Կարմիր ծովը:

— Արդյոք անհամեստություն չի՞ լինի, եթե ձեզ հարցնեմ, թե ինչպես եք հայտնագործել այդ թունելը:

— Ի՞նչ գաղտնիքներ կարող են իրարից պահել այն մարդիկ, որոնց վիճակված է երբեք չբաժանվել, — պատասխանեց նավապետ Նեմոն:

Ես այնպես ցույց տվի թե ուշադրություն չեմ դարձնում այդ Ֆրազի երկիմաստ լինելու վրա, և պատրաստվեցի լսել նավապետ Նեմոյի բացատրությունները:

— Հասարակ տրամաբանությունը, վառ հետաքրքրություն ունեցող բնագետի դատողությունն ինձ մղեցին դեպի այն միտքը, որ այդ թունելը գոյություն ունի և այդ մասին ես գիտեմ: Ես ուշադրություն դարձրի այն հանգամանքի վրա, որ Կարմիր և Միջերկրական ծովերում լինում են որոշ քանակությամբ բոլորովին միատեսակ ձկներ, թռչող տառեխ, պերկես, շերտավոր ստեատամնավոր և այլն: Համոզվելով դրանում, ես ինձ հարց տվի, թե արդյոք դա չի՞ ապացուցում, որ այդ ծովերը միացած են: Եթե դրանք միացած են, ապա ստորերկրյա հոսանքն անպայման պետք է ուղղված լինի



Կարմիր ծովից դեպի Միջերկրականը, որովհետև Կարմիր ծովի ջրի մակերևույթն ավելի բարձր է, քան Միջերկրական ծովինը: Այդ հարցը պարզելու համար ես շատ ձուկ որսացի Սուեզի շրջակայքում, յուրաքանչյուր ձկան պոչին կապեցի պղնձե մի օղակ և նետեցի ջուրը: Մի քանի ամսից հետո Միրիայի ափերի մոտ ես որսացի մի քանի ձուկ, որոնց պոչերի վրա գտա իմ կապած օղակները: Այսպիսով ինձ համար կասկածից դուրս էր երկու ծովերի միջև ստորերկրյա անցքի գոյությունը: Ես իմ «Նաուտիլուսով» սկսեցի փնտրել այդ անցքը, գտա, կարողացա մտնել այնտեղ: Եվ ահա, պարոն պրոֆեսոր, մեկ-երկու օրից հետո դուք էլ կանցնեք Արաբական թունելի միջով:

## ԳԼՈՒԽ ՀԻՆԳԵՐՈՐԴ

### ԱՐԱՐԱԿԱՆ ԹՈՒՆԵԼԸ

Նույն օրը ես Կոնստանտին և Նեդ Լենդին հայտնեցի նավապետ Նեմոյի հետ ունեցած խոսակցության այն մասը, որ անմիջականորեն հետաքրքրում էր նրանց: Երբ ես նրանց ասացի, որ երկու օրից հետո մենք պետք է լինենք Միջերկրական ծովում, Կոնստանտինը ծափահարեց ուրախությունից, իսկ Նեդ Լենդը թոթվեց ուտերը:

— Ստորջրյա թունել,— բացականչեց նա,— երկու ծովերը միացած են իրար: Ո՞վ է երբևէ լսել այդ մասին:

— Միրելի Նեդ,— պատասխանեց նրան Կոնստանտինը,— դուք երբևէ լսե՞լ եք «Նաուտիլուսի» մասին: Ոչ: Բայց և այնպես նա գոյություն ունի: Ուրեմն այդպիսի անվստահությամբ մի թոթվեք ձեր ուտերը և փաստերը մի ժխտեք այն պատրվակով, թե դրանց մասին դուք ոչինչ չեք լսել:

— Տեսնենք ով իրավացի կլինի,— գլուխը շարժելով ասաց Նեդ Լենդը,— վերջին հաշվով ես միայն ուրախությամբ կհավատայի այդ թունելի գոյության, որպեսզի շուտ հասնենք Միջերկրական ծով:

Այդ նույն երեկոյան «Նաուտիլուսը», որ լողում էր ծովի

մակերևույթին, 21°30' հյուսիսային լայնության տակ, մոտեցավ արարական ափին: Ես տեսա Ջիդդան, մի կարևոր առևտրական կետ, որ աշխույժ առևտուր է անում Եգիպտոսի, Սիրիայի, Թուրքիայի և Հնդկաստանի հետ: Հեռավոր տարածության վրա ես բավական պարզ տեսնում էի քաղաքի շենքերը, նավերը, որոնք պարանով կապված էին ծովեզրին և կանգնած էին խարսխակայանում, որովհետև ջրում խորը նստելու պատճառով չէին կարող ընդհուպ մոտենալ ափին: Դեպի մայրամուտը թեքվող անրեր լուսավորել էր քաղաքի ըսպիտակ շենքերը, որոնք պայծառ փայլում էին: Քաղաքից բիշ հեռու գտնվում էին նստակյաց բեդվինների գյուղի փայտյա ու եղեգնյա խրճիթները:

Սակայն շուտով Ջիդդան շքացավ գիշերվա մթնում և «Նաուտիլուսն ընկղմվեց Փոսֆորաիայլ ջուրը»:

Հետևյալ օրը, փետրվարի 10-ին, դուրս գալով ծովի մակերևույթը, մենք հեռվում տեսանք շատ նավեր, և «Նաուտիլուսը» շտապեց ջրասույզ լինել: Բայց կեսօրին, սովորական դիտողությունները կատարելու ժամանակ, ծովի վրա ոչինչ չէր երևում, և «Նաուտիլուսը» կարող էր կրկին դուրս գալ ծովի մակերևույթը:

Ես նեղ կենդի և Կոնսելի ուղեկցությամբ բարձրացա տախտակամածը: Արևելքում, բարակ մշուշում հազիվ երևում էր ցածրադիր ափի ուրվագիծը:

Հենվելով մակույկին, մենք խոսում էինք դանազան նյութերի շուրջը: Հանկարծ նեղը պարզեց ձեռքը և, ցույց տալով ինչ-որ մի կետ, հարցրեց ինձ.

— Տեսնո՞ւմ եք այնտեղ որևէ բան, պարոն պրոֆեսոր:

— Ոչ, նեղ,—պատասխանեցի ես,—դուք գիտեք, որ ես ձեր շափ սրատես չեմ:

— Նայեցեք ուշադրությամբ,— պնդում էր նեղը,—այնտեղ, աջ կողմում մի՞թե չեք տեսում ինչ-որ շարժվող զանգված:

— Իսկապես,—ասացի ես, ավելի ուշադրությամբ նայելով,—ծովի մակերևույթին ես տեսնում եմ ինչ-որ մի երկար ու սև մարմին:

— Էլի մի «Նաուտիլո՞ւս»,—հարցրեց Կոնսելը:

— Ո՛ր, — պատասխանեց կանադացին, — սակայն ես հազարի վրա չեմ սխալվում, եթե ասեմ, որ դա ինչ-որ մի ծովային կենդանի է:

— Մի՞թե կարմիր ծովում կետեր են լինում, — հարցրեց կոնսելը:

— Լինում են հազվագյուտ դեպքերում, — պատասխանեցի ես:

Հիրավի, երկարավուն ու սև մի մարմին գտնվում էր մեզանից ընդամենը մեկ մղոն տարածության վրա: Հեռվից նա թողնում էր ծովից դուրս եկած մեծ ժայռի տպավորություն: Բայց թե ի՞նչ էր դա, ես առայժմ չէի կարող որոշել:

— Ո՛ր, այդ կետ չէ, — դիտեց Նեդ Լենդը, որ մի վայրկյան անգամ աչքը շէր հեռացնում կենդանուց, — կետերն իմ հին ծանոթներն են, ես լավ գիտեմ նրանց բոլոր սովորությունները:

— Սպասենք, — առաջարկեց կոնսելը, — «նաուտիլուսն» ընթանում է այն կողմը, և մենք մի քանի րոպեից հետո կիմանանք, թե ինչ է դա:

— Հը՛մ, նա շարժվում է... ջրասույզ է լինում, — բացականչեց Նեդ Լենդը, — սատանան տանի, այդ ի՞նչ կարող է լինել: Նա շունի երկակի պոչ, ինչպես կետերը կամ վիշապաձկները: Նրա լողաթևերը նման են վերջավորությունների կտրոնքին:

— Բայց... — սկսեցի ես:

— Նայեցեք, — ընդհատեց ինձ կանադացին, — նա դառնում է մեջքի վրա, կուրծքը դեպի վեր:

— Դա ուղղակի հրապուրող-ծովահարս է, — ծիծաղեց կոնսելը:

Վերջինիս այդ խոսքերը միանգամից ճիշտ ուղղություն տվին իմ մտքերին: Ես հասկացա, որ մենք տեսնում ենք ծովահարսների կամ ծովակոկերի ջոկատի ներկայացուցչին, որոնց մասին ստեղծվել է այն առասպելը, թե նրանք կեսկին են, կես-ձուկ:

— Ո՛ր, — ասացի ես կոնսելին, — դա ծովահարս չէ, այլ նույն ջոկատին պատկանող մի այլ հազվագյուտ կենդանի: Դա դյուզոն է:

— Դյուզոն, դյուզոնների ընտանիք, ծովակովերի Ենթա-  
ջոկատ, կճղակավորների ջոկատ, միաորովայնների Ենթա-  
դաս, կաթնասունների դաս, ողնաշարավորների բաժին,—  
անմիջապես ասաց Կոնսելը:

Երբ Կոնսելը դասակարգում էր, մնում էր միայն լռել և  
համաձայնել նրա հետ:

Այդ ժամանակ Նեդ Լենդը շարունակում էր դիտել: Տես-  
նելով կենդանուն, նրա աչքերը փայլում էին ազահուժյունից:  
Կարելի էր կարծել, որ նա միայն առիթի է սպասում ծովը  
նետվելու համար, որպեսզի հարձակվի կենդանու վրա, վեր-  
ջինիս հարազատ տարերքում:

— Ա՛խ, պարոն պրոֆեսոր,—բացականչեց նա հուզմուն-  
քից դողացող ձայնով,— ես այսպիսիներին դեռ երբեք չեմ  
որսացել:

Այդ խոսքերն արտահայտում էին Նեդ Լենդի ամբողջ բը-  
նավորությունը:

Նավապետ Նեմոն դուրս եկավ տախտակամած: Նա տե-  
սավ դյուզոնը և նայելով կանադացուն, հասկացավ նրան այ-  
րող ցանկությունը:

Նա դիմեց Նեդ Լենդին:

— Եթե հիմա ձեզ մոտ եռաժանի լիներ, միտք Լենդ,  
դուք կգործադրեիք, այնպես չէ՞:

— Միանգամայն ճիշտ է, նավապետ:

— Դուք չէիք հրաժարվի մեկ օր զբաղվել ձեր եռաժա-  
նիով և մի հաղթանակ էլ ավելացնել ձեր որսորդական հաջո-  
ղություններին:

— Հաճույքով կանեմ այդ:

— Դե՛հ, գործի անցեք:

— Շնորհակալություն, նավապետ,— ասաց Նեդ Լենդը:  
Նրա աչքերը փայլեցին:

— Միայն մի պայման. խփել առանց վրիպելու: Նա-  
խազգուշացնում եմ, որ այդ են պահանջում ձեր շահերը:

— Մի՞թե դյուզոնն այդպիսի վտանգավոր կենդանի է,—  
հարցրի ես:

Կանադացին արհամարհանքով թափահարեց ձեռքը:

— Այո, երբեմն, — պատասխանեց նավապետը: — Պատահում է, որ այդ կենդանին հարձակվում է որսորդների վրա և շուտ է տալիս նրանց մակույկը: Սակայն միստր Լենդի համար սարսափելի չէ այդ վտանգը: Նա ունի սուր աչք և անվերեպ ձեռք: Ես նրան խորհուրդ տվի շվրիպել ոչ այնքան վրտանգի պատճառով, որքան այն պատճառով, որ դյուզոնի միսը խիստ համեղ է, իսկ միստեր Լենդը, որքան ես գիտեմ, դեմ չէ համեղ բան ուտելուն:

— Օհո՛, — բացականչեց կանադացին, — ուրեմն այդ կենդանին նաև համեղ մի՞ս ունի:

— Այո՛, միստր Լենդ: Նրա միսն իր համով բոլորովին չի տարբերվում տավարի մսից և Մելանեզիայում շարունակ զարդարում է թագավորների սեղանները: Վերջերս այնպիսի եռանդով են որսում այդ կենդանուն, որ նա արագ շքանում է, ինչպես շքացել է իր ցեղակից լամանտինը:

— Այդ դեպքում, նավապետ, — լրջորեն ասաց Կոնսելը, — գուցե շպե՛տք է որսալ այդ կենդանուն: Գուցե դա վերջին նմուշն է աշխարհում: Ուրեմն գիտության շահերի տեսակետից պետք է պահպանել նրան:

— Հնարավոր է, որ այդպես լինի, — առարկեց կանադացին, — սակայն խոհարարական տեսակետից պետք է որսալ նրան:

— Դեհ, սկսեք, միստր Լենդ, — ասաց նավապետ Նեմոն:

Այդ բոպեին «Նաուտիլուսի» անձնակազմից յոթ հոգի բարձրացան տախտակամած: Նրանք սովորականի պես լուռ էին ու հանդիստ: Նրանցից մեկը բերեց եռաժանին և պարանը, որ գործ են ածվում կես որսացող նավերի վրա:

Մակույկն իջեցրին ջուրը, վեց թիավարողներ տեղ գրավեցին և դեկավարն էլ վերցրեց դեկը: Նեդ Լենդը, Կոնսելը և ես նստեցինք մակույկի ետին մասում:

— Մի՞թե դուք մեզ հետ չեք գնա, նավապետ, — հարցրրի ես:

— Ոչ, պրոֆեսոր: Հաջողությունն եմ ցանկանում ձեզ:

Մակույկն հեռացավ նավից: Վեց հոգի ուժեղ թիավարում էին, մղելով մակույկը դեպի դյուզոնը, որ լողում էր «Նաուտիլուսից» երկու կիլոմետր հեռու:



Մի քանի կարելի տով մոտենալով կենդանուն, թիավարողները դանդաղեցրին մակուշկի ընթացքը և թիերն առանց որևէ աղմուկի իջեցրին ջուրը: Նեղ լենդը զինվեց եռաժանիով և կանգնեց մակուշկի առջևում:

Սովորաբար կես որսալու եռաժանին կապված է լինում մի շատ երկար և ամուր պարանի, որը հեշտությամբ արձակվում է, երբ վիրավորված կենդանին ձգում է այդ պարանը: Սակայն այս անգամ պարանը բոլորովին կարճ էր, ընդամենը քսան մետր և մի ծայրը կապված էր դատարկ տակառին, որը պետք է ցույց տար, թե ջրի մեջ վիրավորված կենդանին ինչ ուղղությամբ է լողում:

Ես ոտքի կանգնեցի և սկսեցի դիտել կանադացու հակառակորդին: Դյուզոնը շատ նման էր լամանտինին: Նրա երկարաձև մարմինը վերջանում էր երկար պոչով, իսկ կողքի չողաթևերը՝ իսկական մատներով: Լամանտինից տարբերվում է նրանով, որ նրա վերին ծնոտն ունի երկու երկար և սուր ժանիք:

Դյուզոնը, որին պետք է որսար նեղ լենդը, հսկայական կենդանի էր, առնվազն յոթ մետր երկարությամբ: Նա շէր շարժվում և կարծես քնել էր ջրի վրա: Այդ հանգամանքը նպաստավոր էր կանադացու համար և հեշտացնում էր նրա անելիքը:

Մակուշկը կամացուկ մոտեցավ կենդանուն մինչև հինգվեց մետր: Նավաստիները շորացրին թիակները: Ես հուզմունքից կրկին ոտքի կանգնեցի:

Նեղ լենդը թեքվեց դեպի ետ և բարձրացնելով ձեռքը, նետեց եռաժանին:

Հանկարծ սուլոց լսվեց և դյուզոնը շքացավ: Ակներև էր, որ ուժեղ թափով նետված եռաժանին վրիպել էր:

— Գրողը տանի, — դայրույթով մունչաց կանադացին, — ես վրիպեցի՞:

— Ոչ, — պատասխանեցի ես, — կենդանին վիրավորված է: Ահա արյան հետքերը: Սակայն եռաժանին չի մնացել նրա մարմնի վրա:

— Իմ եռաժանի՞ն, — բացականչեց նեղ լենդը, — իմ եռաժանի՞ն:

Նավաստիները դարձյալ թիակներն իջեցրին ջուրը, և մակույկն ուղղվեց դեպի լողացող տակառը, որ դուրս էր եկել ջրի վրա: Հանելով եռաժանին, մենք սկսեցինք հետապնդել վիրավորված կենդանուն: Վերջինս երբեմն դուրս էր գալիս ջրի երեսը, շնչելու համար: Վերքն ըստ երևույթին չէր թուլացրել նրան, քանի որ նա մեծ արագությամբ էր լողում: Տասներկու ջլուտ ձեռքերով կառավարվող մակույկը ոչ թե ընթանում էր, այլ թռչում: Մի քանի անգամ նա հասավ կենդանուն և, վերջապես, նեղը պատրաստվեց երկրորդ հարվածը հասցնելու, սակայն կենդանին ամեն անգամ արագությամբ ջրասույզ էր լինում և ազատվում վտանգից:

Կարելի էր երևակայել նեղ լենդի բարկությունն ու անհամբերությունը: Նա իրեն ծանոթ անզլիական բոլոր անեծքները թափում էր դժբախտ կենդանու վրա: Ինչ վերաբերում է ինձ, ես էլ էի դժգոհում, որ դյուզոնը խորտակում է մեր բոլոր ծրագրերը:

Համարյա մի ժամվա շափ մենք հետևում էինք կենդանուն և, վերջապես, նեղը պատրաստվեց երկրորդ հարվածը կենդանին մտադրվեց իրեն հալածելու համար վրեժ առնել մեզանից և լողաց դեպի մակույկը, որպեսզի իր հերթին հարձակվի մեզ վրա:

Կանադացին նկատեց այդ:

— Ուշադրություն՝ն,— գոռաց նա:

Մակույկավարն իր տարօրինակ լեզվով մի քանի բառասաց: Պարզ էր, որ նա անձնակազմին առաջարկում է աշակուրջ լինել:

Դյուզոնը մոտեցավ մակույկին մինչև քսան ոտնաչափ, հանկարծ կանգ առավ, դնչի ոչ թե ծայրում, այլ վերին մասում գտնվող պինչերով մեծ քանակությամբ օդ ներշնչեց և հարձակվեց մեզ վրա:

Մակույկին շահողովեց խուսափել ցնցումից: Սակայն շրնորհիվ այն հանգամանքի, որ մակույկավարը կարողացավ ճարպկությամբ խուսափել ճակատային հարվածից, մակույկը միայն օրորվեց:

Նեղ լենդը, որ կանգնած էր մակույկի առջևում, եռաժա-

նու հարվածներ էր տեղում վիթխարի կենդանու վրա, որ  
ատամներով բռնել էր մակույկը և փորձում էր այն բարձ-  
րացնել ջրից, ինչպես առյուծը բարձրացնում է այծյամին:

Մենք բոլորս ընկնում էինք մեկմեկու վրա և հայտնի չէ  
ինչով կվերջանար այդ արկածը, եթե կանադացին, որ կա-  
տաղել էր կենդանու հարձակումից, ճարպկությամբ չհարվա-  
ծեր ուղիղ նրա սրտին:

Հավեց կենդանու ատամների կրճտոցը և նա իջավ դեպի  
հատակը, տանելով իր հետ եռաժանին:

Սակայն շուտով տակառը կրկին դուրս եկավ ջրի երեսը,  
ապա նաև դյուզոնի դիակը, որ շուռ էր եկել մեջքի վրա:  
Մակույկը նրան բուքսիրի առավ և քարշ տվեց դեպի «Նաու-  
տիլուսը»:

Սպանված կենդանուն նավի վրա բարձրացնելու համար  
հարկավոր եղավ ամբարձիչ կռունկ դնել: Կենդանին կշռում  
էր ավելի քան հինգ հազար կիլոգրամ: Դիակը կտրատվեց նեղ  
լենդի անմիջական ղեկավարությամբ, նա շուղեց որևէ մե-  
կին վատահել այդ գործը: Նույն երեկոյան սպասավորն ինձ  
մատուցեց դյուզոնի մսից եփած ճաշ, որ հրաշալի կերպով  
պատրաստել էր նավի խոհարարը: Այդ միսն ինձ ավելի դուր  
եկավ, քան տավարի միսը:

Հետևյալ օրը, փետրվարի 11-ին, «Նաուտիլուսի» մառանը  
լցվեց մսի մի նոր պաշարով: Ծիծեռնակների մի փոքրիկ  
երամ նստեց ստորջրյա նավի տախտակամածին: Դրանք նե-  
ղոսյան ծիծեռնակներ էին, որոնք լինում են միայն Եգիպ-  
տոսում, ունեն սև կտուց, սրածայր, գորշ գլուխ, սպիտակ  
կայլակներով շրջապատված աչքեր, մոխրագույն մեջք, թե-  
վեր և պոշ, սպիտակ կուրծք ու փոր և կարմիր թաթիկներ:  
Մենք բռնեցինք նաև մի քանի դյուժին նեղոսյան բադեր,  
վայրի թռչուններ սպիտակ գլխով ու պարանոցով, որ սև բծե-  
րով է ծածկված: Դրանց միսը նույնպես շատ հաճելի համ-  
ուներ:

Այդ օրը «Նաուտիլուսն» ընթանում էր չափավոր արագու-  
թյամբ: Կարծես ոչ մի տեղ չէր շտապում: Ես նկատեցի, որ  
Կարմիր ծովի ջուրը կորցնում էր իր աղիությունն այն շա-  
փով, ինչ շափով մենք մոտենում էինք Սուեզին:

Կեսօրից հետո, ժամը մոտ հինգին հյուսիսում մենք տեսանք Ռաս-Մոհամմեդ հրվանդանը:

Ռաս-Մոհամմեդ հրվանդանը քարքարոտ Արաբիայի ծայրն է և գտնվում է Սուեզի և Ակարի ծովածոցերի միջև:

«Նաուտիլուսը» մտավ Սուեզի ծոցը: Ես պարզ նկատեցի, մի բարձր սար, որ գտնվում էր Ռաս-Մոհամմեդ հրվանդանի վրա: Դա Օրեբ սարն էր:

Երեկոյան ժամը վեցին «Նաուտիլուսը», մերթ ջրասույզ լինելով և մերթ դուրս գալով ջրի երեսը, անցավ Տորից ոչ հեռու, որ գտնվում էր ծովախորշի ծայրում: Այդ ծովախորշի ջուրը, ինչպես ինձ արդեն ասել էր նավապետ Նեմոն, լիակապես կարմիր երանգ ուներ:

Գիշերը վրա հասավ հանկարծակի, շուրջը տիրում էր ծանր լուսթյուն, որը խախտվում էր միայն հավալուսների և ինչ-որ գիշերային թռչունների ձայներով, խուժերի վրա փշրովող մակընթացության աղմուկով և շոգենավերի հեռավոր շշակներով:

Երեկոյան ժամը ութից մինչև ինը «Նաուտիլուսը» մի քանի մետր իջավ ջրի տակ: Իմ հաշվով մենք պետք է լինենք Սուեզին շատ մոտիկ: Սրահի լուսամուտից ես տեսնում էի առափնյա ժայռերի հիմքերը, որ պարզ լուսավորված էին էլեկտրական լուսարձակի լույսով: Ես այնպիսի տպավորություն էի ստանում, թե նեղուցն ավելի և ավելի է նեղանում:

Ժամը 9-ից 15 րոպե անց նավը կրկին դուրս եկավ ջրի երեսը:

Ես անհամբերությամբ ուզում էի տեսնել նավապետ Նեմոյի Արաբական թունելը: Նավի մեջ ինձ անհանգիստ զգալով, ես բարձրացա տախտակամածը:

Շուտով հեռվում, մեզանից մոտավորապես մեկ և կես մղոն տարածության վրա, ես տեսա երեկոյան մշուշով շղարշված լույս:

— Դա լողացող փարոս է, — ասաց մեկը, որ կանգնած էր իմ կողքին:

Ես ցնցվեցի անակնկալից և ետ դառնալով, տեսա նավապետ Նեմոյին:

— Դա Սուեզի լողացող փարոսն է, — կրկնեց նա, — մենք շուտով կմոտենանք թունելի անցքին:

— Պետք է կարծել, որ այնքան էլ հասարակ բան չէ այնտեղ մտնելը, այնպես չէ՞, — հարցրի ես:

— Այո, դա բավական վտանգավոր տեղ է: Այս պատճառով թունելը մտնելիս ես վերցնում եմ դեկն և անձամբ վարում նավը: Իսկ այժմ, պարոն պրոֆեսոր, եթե ձեզ հաճելի կլինի իջնել ներքև, «Նաուտիլուսը» ջրասույզ կլինի և ջրից դուրս կգա արդեն Միջերկրական ծովում, անցնելով Արարական թունելը:

Ես հետևեցի նավապետ Նեմոյին: Դռնակը փակվեց, պատհամանները լցվեցին ջրով և նավը կրկին ջրասույզ եղավ տասը մետր խորությամբ:

Այն րոպեին, երբ ես պատրաստվում էի վերադառնալու իմ սենյակը, նավապետ Նեմոն դիմեց ինձ.

— Պարոն պրոֆեսոր, — ասաց նա, — արդյոք չե՞ք ցանկանում ինձ հետ միասին գտնվել դեկանիվի մոտ:

— Ես չհամարձակվեցի այդ մասին խնդրել ձեզ, նավապետ, — պատասխանեցի ես:

— Այդ դեպքում գնանք: Այնտեղից դուք կտեսնեք այն ամենն ինչ որ կարելի է տեսնել այս ստորերկրյա և միաժամանակ ստորջրյա ճանապարհորդության ժամանակ:

Մենք կիսով շափ բարձրացանք դեպի տախտակամած տանող սանդուղքը: Այստեղ նավապետ Նեմոն բացեց դուռը, և մենք մտանք մի նեղ ու ցածրիկ միջանցք, որի ծայրում գտնվում էր դեկանիվի խցիկը: Ինչպես հայտնի է, նավի առջևի ծայրում բարձրանում է այդ խցիկը:

Այդ մի նավասենյակ էր, որ ուներ վեց քառակուսի ոտնաչափ տարածություն, այսինքն այնքան, որքան լինում է Միսսիսիպիի և Հուդզոն-Ռիվերի վրա լողացող նավերում: Մեջտեղում գտնվում էր դեկանիվը, որ ճոպաններով միացած էր նավի ետնամասում գտնվող դեկին: Նավասենյակի շորս պատերում շորս լուսացույցներ, որոնք պատած էին ոսպնյակաձև ապակիներով, դեկավարին հնարավորություն էին տալիս նայելու բոլոր կողմերը:

Խցիկում մութ էր. սակայն շուտով իմ աչքերն ընտելա-



ցան խավարին, և ես տեսա ղեկավարին, հաղթանդամ մի մարդու, որ երկու ձեռքերով բռնել էր ղեկանիվը: Խցիկում տիրում էր խավարը, իսկ ծովը, որտեղ թափանցում էին լուսարձակի ճառագայթները, կարծես հեղեղված էր լույսով:

— Հիմա, — ասաց նավապետ Նեմոն, — փնտրենք թունելի մուտքը:

Էլեկտրալարերը ղեկանիվի խցիկը միացնում էին մեքենայական բաժնին, և նավապետը մի շարք պայմանական ազդանշանների միջոցով կարող էր առանց ղեկանիվից հեռանալու հրամայել ավելացնել կամ պակասեցնել նավի շարժման արագությունը:

Նավապետ Նեմոն սեղմեց մետաղյա կոճակը, և նույն րոպեին երկու անգամ պակասեց մեքենայի պտույտների թիվը:

Ես լուռ դիտում էի գրանիտե սեպածե պատը, ցամաքի անասան ստորոտը, որի երկայնքով, մի քանի մետր հեռու մենք գնում էինք գրեթե մի ժամվա ընթացքում:

Նավապետ Նեմոն անընդհատ նայում էր կողմնացույցին, նրա ցուցումներով ղեկավարն այս ու այն կողմ էր դարձնում ղեկանիվը, շարունակ փոխելով նավի ուղղությունը:

Ժամը 10-ից 15 րոպե անց նավապետ Նեմոն ինքը սկսեց վարել ղեկանիվը: Մեր առաջ բացվեց մի լայն և խորը ստորանցքի մուտքը: «Նաուտիլուսը» համարձակ մտավ այնտեղ:

Նավի երկաթե արտաքինն արտասովոր կերպով դղրդում էր: Դա կարմիր ծովից թեք ուղղությամբ Միջերկրական ծովը թափվող ջրի աղմուկն էր: Ջրի հոսանքը նետի արագությամբ տանում էր «Նաուտիլուսը», շնայած, որ շարժումը դանդաղեցնելու համար մեքենան հակառակ կողմ էր պտրտեցնում պտուտակը, որ ամենամեծ թվով պտույտներ էր կատարում:

Այդ գլխապտույտ արագության ժամանակ թունելի պատերի վրա կարելի էր նկատել միայն լույսի առկայծող շերտերը, որ առաջանում էին էլեկտրական լուսարձակից: Սիրտս ուժեղ խփում էր, և ձեռքս դրել էի սրտիս, որ շափավորեմ բաբախումը:

Ժամը 10-ից 35 րոպե անց նավապետ Նեմոն ղեկանիվը հանձնեց ղեկավարին և դառնալով դեպի ինձ, ասաց.

— Մենք Միջերկրական ծովումն ենք:  
«Նաուտիլուսը» հոսանքի ուժի շնորհիվ քսան ռոպեից էլ  
պակաս ժամկետում գետնի տակից անցավ Սուեզի պարա-  
նոցը:

## ԳԼՈՒԽ ՎԵՑԵՐՈՐԴ

### ՀՈՒՆԱԿԱՆ ԱՐՇԻՊԵԼԱԳԸ

Հետևյալ օրը, փետրվարի 12-ին, լուսաբացին «Նաուտի-  
լուսը» դուրս եկավ ջրի երեսը: Ես շտապեցի դեպի տախտա-  
կամածը: Մեզանից երեք մղոն դեպի հարավ, առավոտյան  
մշուշում աղոտ կերպով ուրվագծվել էր հնադարյան Պելուզի-  
ումը, որի ավերակների վրա կառուցված է այժմյան Պորտ-  
Սաիդը:

Արագահոս հեղեղը մի քանի ռոպեում մեզ տարավ մի  
ծովից մյուսը: Սակայն այդ թունելը, որով հեշտությամբ կա-  
րելի էր իջնել, հակառակ ուղղությամբ՝ Միջերկրականից դե-  
պի Կարմիր ծովը պետք է որ լիներ բոլորովին անանցանելի:

Առավոտյան ժամը մոտ յոթին Նեդ Լենդը և Կոնսելը միա-  
ցան ինձ: Այդ անբաժան բարեկամները հանգիստ քնել էին,  
ամենևին չհետաքրքրվելով «Նաուտիլուսի» գիշերային սխրա-  
գործություններով:

— Հապա՛, պարոն պրոֆեսոր, ո՞ւր է մեզ խոստացված  
Միջերկրական ծովը:

— Մենք լողում ենք հենց այդ ծովում, սիրելի Նեդ, —  
պատասխանեցի ես:

— Ինչպե՛ս, — բացականչեց Կոնսելը, — ուրեմն այս գի-  
շեր...

— Միանգամայն ճիշտ է, այս գիշեր քսան ռոպեի ըն-  
թացքում մենք անցանք այդ անանցանելի պարանոցի տա-  
կից:

— Չեմ հավատում, — ասաց Նեդ Լենդը:

— Իզուր, միստր Լենդ, — պատասխանեցի ես, — ցած-  
րադիր ափը, որ դուք տեսնում եք հարավում, դա Նգիպտոսի  
ափն է:

— Ինձ դժվար է խաբել, պարոն պրոֆեսոր,— հակաճառեց համառ կանադացին,— այդ հեքիաթները պատմեցեք ավելի դյուրահավատ մարդկանց:

— Քանի որ պարոնը պնդում է դա, պետք է հավատալ պարոնին,— ասաց նրան Կոնսելը:

— Ի դեպ ասած, Նեդ,— շարունակեցի ես,— նավապետ Նեմոն անձամբ ցույց տվեց ինձ իր թունելը: Ես նրա կողքին կանգնած էի դեկի մոտ, այն ժամանակ, երբ նա ինքն էր վարում «Նաուտիլուսը» նեղ անցքի միջով:

— Կո՞ւմ եք, Նեդ,— հարցրեց Կոնսելը:

— Դուք այնպիսի հիանալի տեսողություն ունեք, Նեդ,— ավելացրի ես,— որ կարող եք համոզվել, թե ես ձեզ չեմ խաբում: Նայեցեք, այնտեղ պետք է որ երևա Պորտ-Սաիդի նավահանգիստը:

Կանադացին նայեց մատնանշված կողմը:

— Իսկապես, պարոն պրոֆեսոր, դուք իրավացի եք,— ասաց նա,— և ձեր նավապետն իր գործի վարպետն է: Մենք Միջերկրական ծովում ենք: Կա՛վ: Եկեք մի քիչ խոսենք մեր գործերի մասին, բայց միայն այնպես, որ ոչ ոք չկարողանա մեզ լսել:

Ես շատ լավ հասկացա, թե ինչ է ուզում կանադացին:

«Համենայն դեպս,— մտածեցի ես,— քանի որ Նեդ Լենդը պնդում է, անհրաժեշտ է խոսել այդ մասին»:

Մենք երեքով գնացինք լուսարձակի մոտ և նստեցինք այնտեղ:

— Հիմա մենք ձեզ լսում ենք, Նեդ,— ասացի ես,— ի՞նչ էիք ուզում հաղորդել մեզ:

— Իմ ասելիքը շատ կարճ կլինի,— պատասխանեց կանադացին,— մենք մոտենում ենք Եվրոպային և նախքան նավապետ Նեմոյի խելքին կփշի մեզ քարշ տալ բևեռային ծովերի հատակը կամ Օվկիանիա, ես առաջարկում եմ բաժանվել «Նաուտիլուսից»:

Խոստովանում եմ, որ ինձ համար անհաճելի էր այդ թեմայի շուրջը վիճել կանադացու հետ: Ես ոչ մի կերպ չէի ուզում խանդարել իմ ընկերների ազատությունը, սակայն մյուս կողմից ես ցանկություն շունեի այդպես շուտ բաժան-

վել նազապետ նեմոյից: Նրա շնորհիվ, նրա զարմանալի նազի շնորհիվ, ես յուրաքանչյուր օր հարստացնում էի իմ գիտելիքները, նորից գրեցի իմ գիրքը ծովի հատակում եղած կյանքի մասին, գտնվելով, այսպես ասած, այդ կյանքի ծաղկման հենց կենտրոնում: Էլ որտե՞ղ կարող եմ ես հնարավորութուն գտնել այսպես լիակատար շափով ուսումնասիրելու օվկիանոսի հրաշալիքները: Իհարկե ոչ մի տեղ: Ահա թե ինչու ես շէի ուզում հեռանալ ստորջրյա նավից, մինչև որ ավարտվի մեր շուրջերկրյա հետազոտական գիտարշավը:

— Իմ բարեկամ Նեդ,— ասացի ես,— պատասխանեցեք ինձ առանց որևէ բան թաքցնելու, մի՞թե դուք ձանձրանում եք այս նավում: Մի՞թե դուք անիծում եք բախտը, որ մեզ այստեղ է բերել:

Կանադացին միանգամից շղատասխանեց: Հետո, ձեռները դնելով կրծքին, ասաց.

— Ճիշտն ասած, ես չեմ ցավում, որ կատարել եմ այս ստորջրյա ճանապարհորդութունը: Երբևէ ես հաճույքով կհիշեմ այս մասին: Բայց որպեսզի այդ լինի, հարկավոր է, որ մեր ճանապարհորդութունը վերջանա: Ահա թե այս առթիվ ես ինչ եմ մտածում:

— Այս ճանապարհորդութունը կվերջանա, Նեդ:

— Որտե՞ղ, ե՞րբ:

— Որտե՞ղ: Չգիտեմ: Ե՞րբ: Չեմ կարող ձեզ ճշտությամբ ասել, բայց կարծում եմ, որ կվերջանա այն ժամանակ, երբ ծովը մեր առջև բաց կանի իր վերջին գաղտնիքը: Այս աշխարհում յուրաքանչյուր սկիզբ վաղ թե ուշ պետք է ունենա իր վերջը:

— Ես միանգամայն համաձայն եմ պարոնի հետ,— վրաբերեց Կոնսելը,— իմ կարծիքով շատ հավանական է, որ նավապետ Նեմոն, մեզ հետ շրջելով բոլոր ծովերն ու օվկիանոսները, ուղղակի մեզ դուրս կշարտի:

— Դո՞ւրս կշարտի,— վիրավորվեց կանադացին,— դուք ասացիք, որ նա մեզ դո՞ւրս կշարտի:

— Բառերի նկատմամբ բժախնդիր մի լինեք, Նեդ Լենդ,— միջամտեցի ես,— մենք կարիք չունենք վախենալու նավապետ Նեմոյից, այստեղ ես համաձայն չեմ Կոնսելի հետ:

Սակայն մյուս կողմից չպետք է հույս դնել, որ նա կամավոր կերպով համաձայնի ազատ թողնել մեզ: Մենք գիտենք «Նաուտիլուսի» բոլոր գաղտնիքները և հազիվ թե նա թույլ տա, որ այդ գաղտնիքները մեզ հետ ճանապարհորդեն ամբողջ աշխարհում:

— Այդ դեպքում դուք ինչի՞ վրա եք հույս դնում, — հարցրեց կանադացին:

— Հանգամանքների վրա, որոնք վաղ թե ուշ կդասավորվեն այնպես, որ մենք կկարողանանք օգտվել նրանցից: Դա կարող է պատահել վեց ամիս հետո, ճիշտ այնպես, ինչպես և հիմա:

— Հը՛մ, — ասաց Նեդ Լենդը, — ասացեք խնդրեմ, պարոն բնագետ, արդյոք կարո՞ղ եք նախագուշակել, թե մենք վեց ամիս հետո որտեղ կլինենք:

— Գուցե դարձյալ այստեղ, գուցե և Չինաստանում: Դուք գիտեք, որ «Նաուտիլուսը» չափազանց արագընթաց նավ է: Օվկիանոսներում նա սլանում է նույնպիսի արագությամբ, ինչպես, ծիծեռնակն օդում, կամ ճեպընթաց գնացքը ցամաքում: Նա չի վախենում այն ծովերից, ուր աշխույժ երթևեկություն կա, մենք արդեն համոզվեցինք դրանում: Ո՞վ կարող է ասել, թե վեց ամսից հետո նա չի վերադառնա Ֆրանսիայի կամ Անգլիայի ափերը և փախչելու պայմաններն ավելի նպաստավոր չեն լինի, քան այսօր:

— Պարոն պրոֆեսոր, — ասաց կանադացին, — ձեր փաստարկումները թույլ են: Դուք խոսում եք շարունակ ապառնի ժամանակով: «Մենք այստեղ կլինենք, մենք այնտեղ կլինենք»: Իսկ ես խոսում եմ ներկա ժամանակով. «Մենք այստեղ ենք, հարկավոր է օգտվել դրանից»:

Ես առարկելու ոչինչ չունեի Նեդ Լենդի տրամաբանական դիտողության դեմ, և ես ինձ պարտված զգացի այդ վեճի ժամանակ: Ես այլևս փաստարկումներ չունեի իմ առաջարկը պաշտպանելու համար:

— Պարոն պրոֆեսոր, — շարունակեց Նեդը, — մի ըրոպե ենթադրենք անկարելին, որ նավապետ Նեմոն ինքը մեզ ազատություն կառաջարկի: Արդյոք դուք կընդունե՞ք այդ ազատությունը:



— Զգիտեմ:

— Իսկ եթե նա ավելացնի, որ այդ առաջարկն այլևս երբեք չի կրկնելու, այդ դեպքում դուք ի՞նչ կասեք:

Ես լուռ էի:

— Ի՞նչ է մտածում այդ մասին Կոնսելը, — հարցրեց կանադացին:

— Կոնսելն այդ մասին բոլորովին ոչինչ չունի ասելու, — հանգիստ պատասխանեց սքանչելի մարդը, — նա բոլորովին շահագրգռված չի այդ հարցի այս կամ այն լուծմամբ: Նա ամուրի է, ինչպես և նրա պարոնը, ինչպես և նրա բարեկամ Նեդ Լենդը: Հայրենիքում նրան շեն սպասում ոչ կինը, ոչ երեխաները, ոչ էլ հարազատները: Նա ծառայում է իր պարոնի մոտ և մտադիր չէ թողնել այդ ծառայությունը: Նա պետք է ցավելով հայտնի, որ մտադիր չէ մասնակցել այդ հարցի քվերակման և իր ձայնով գերակշռություն տալ այս կամ այն կողմին: Մենամարտին մասնակցում են միայն երկու հոգի՝ մի կողմից պարոնը և մյուս կողմից Նեդ Լենդը: Կոնսելը լուռ է և սկսում հաշվել հարվածները:

Լսելով Կոնսելի խոսքերը, ես չէի կարողանում պահել ժպիտս: Կանադացին իր հոգու խորքում հավանորեն գոհ էր, որ Կոնսելն իրեն դեմ չէ:

— Եթե Կոնսելը չի մասնակցում վեճին, — ասաց ինձ Նեդ Լենդը, — ուրեմն մնում է, որ մենք իրար մեջ լուծենք խընդիրը: Ես իմն ասացի: Դուք լսեցիք ինձ: Ի՞նչ կարող եք պատասխանել:

Հարկավոր էր մի որևէ վճիռ ընդունել: Խուսափելն ինձ համար զզվելի էր:

— Ահա իմ պատասխանը, սիրելի Նեդ, — ասացի ես, — դուք վեճի մեջ հաղթեցիք ինձ, և ես չեմ կարող լուրջ առարկություններ անել փաստարկումների դեմ: Ավելորդ է հուսալ, որ նավապետ Նեմոն մեզ բաց կթողնի: Ամենատարրական նախազգուշությունը նրան թույլ չի տա այդ անելու: Սակայն նույն նախազգուշությունը պահանջում է, որ մենք օգտագործենք «Նաուտիլուսից» հեռանալու հենց առաջին հարմար առիթը:

— Հրաշալի է, պարոն պրոֆեսոր: Ա՛յ, հիմա դուք խեղճ եք դատում:

— Սակայն ես մի դիտողութուն ևս ունեմ,— ասացի ես,— հարկավոր է, որ այդ առիթն իսկապես հարմար լինի: Հարկավոր է, որ մեր փախչելու հենց առաջին փորձը պսակվի լիակատար հաջողությամբ: Հարկավ, եթե այդ փորձն անհաջող անցնի, մենք այլևս երբեք հարմար առիթ չենք ունենա, և նավապետ նեմոն երբեք չի ների մեզ:

— Այդ ճիշտ է,— ասաց նեդ լենդը,— սակայն ձեր դիտողութունը միևնույն շափով վերաբերում է թե՛ այսօր փախչելու փորձին և թե՛ այն փորձերին, որ մենք առաջարկում ենք կատարել երկու տարուց հետո: Այստեղից հետևում է անժխտելի մի եզրակացութուն, հենց որ փախչելու առիթ լինի, անհապաղ օգտվել այդ առիթից:

— Համաձայն եմ: Իսկ այժմ ասացեք, նեդ, ի՞նչն եք դուք անվանում «հարմար առիթ»:

— Մթին գիշերը, երբ «Նաուտիլուսը» մոտիկ կլինի եվրոպական որևէ ծովեզրին:

— Եվ դուք մտածում եք փախչել լողալո՞վ:

— Այն դեպքում, եթե «Նաուտիլուսը» կլողա ծովի վրա, և ափը բավականաչափ մոտ կլինի: Իսկ եթե նավը կլողա ջրի տակ և ափն ավելի հեռու կլինի, ապա...

— Ապա այդ դեպքում ի՞նչ անել...

— Պետք է աշխատել գրավել մակույկը: Ես գիտեմ, թե ինչպես կարելի է այդ անել: Մենք կնստենք մակույկը և արձակելով հեղույսները, այնպե՛ս դուրս կգանք ջրի երեսը, որ նույնիսկ դեկանիվի խցիկում գտնվող մեքենավարը չի նկատի մեր փախուստը:

— Լավ, նեդ: Հետևեցեք ուրեմն հարմար առիթին: Միայն թե հիշեցեք, որ անհաջողութունը կորստյան կմատնի մեզ:

— Չեմ մոռանա, պարոն պրոֆեսոր:

— Իսկ այժմ, երբ մենք ամեն ինչի մասին պայմանավորվեցինք, ուղո՞ւմ եք իմանալ, նեդ լենդ, թե ես ինչ եմ մտածում ձեր նախագծի մասին:

— Իհարկե, պարոն պրոֆեսոր:

— Ես կարծում եմ, շեշտում եմ այդ, ես կարծում եմ և

որ թե հուշս տածում, որ այդ հարմար առիթը շուտ չի լինի:  
— Ինչո՞ւ:

— Որովհետև նավապետ Նեմոն հավանորեն լավ է հասկանում, որ մենք շենք հրաժարվել մեր ազատությունը վերադարձնելու մտքից, ուստի երբ մենք մոտիկ լինենք եվրոպական ափերին, նա պետք է շարունակ զգուշություն պահպանի:

— Ես համաձայն եմ պարոնի կարծիքի հետ,— ասաց Կոնսելը:

— Կապրենք, կտեսնենք,— պատասխանեց Նեդ Լենդը, համառորեն օրորելով գլուխը:

— Դեհ, բավական է,— ասացի ես,— այդ մասին այլևս չարժե խոսել: Այն օրը, երբ դուք փախչելու կլինեք, նախազգուշացրեք մեզ, և մենք առանց որևէ հարց տալու կհետեվենք ձեզ: Մենք կուրորեն հավատում ենք ձեզ, Նեդ:

Այսպես ուրեմն վերջացավ մեր խոսակցությունը, որ պետք է խիստ կարևոր հետևանքներ ունենար:

Միանգամից ասեմ, որ դեպքերը հաստատեցին իմ ենթադրությունների ճշտությունը և այդ մեծ ցավ պատճառեց կանադացուն: Կամ նավապետ Նեմոն մեզ չէր վստահում այդ բանուկ ծովերում կամ ուղում էր խուսափել բոլոր ազգերի բազմաթիվ նավերին հանդիպելուց, որոնք երթևեկում էին Միջերկրական ծովում, մենք համարյա շարունակ ընթանում էինք ջրի տակ և ափերից բավական հեռու: «Նաուտիլուսը» ծովի մակերևույթն էր բարձրանում այնքան, որ միայն դեկանիվի խցիկն էր դուրս գալիս ջրից, կամ թե ծովի խորքերն էր մտնում: Ի դեպ ասած՝ Հունական արշիպելագի և Փոքր Ասիայի միջև մենք խորացանք երկու հազար մետր, սակայն չհասանք ծովի հատակին:

Ես միայն նավապետ Նեմոյից իմացա, որ մենք անցել ենք Դոդեկանեզ խմբին պատկանող Կարպաթոս կղզու մոտից: Նավապետ Նեմոն քարտեզի վրա ինձ ցույց տվեց այս կղզին:

Հետևյալ օրը, փետրվարի 14-ին, ես որոշեցի մի քանի ժամ նվիրել Հունական արշիպելագի ձկների ուսումնասիրության: Սակայն ինձ անհայտ պատճառներով նավասենյակի

լուսամուտների փեղկերն ամբողջ օրը փակ մնացին: Քարտեզի վրա գտնելով «Նաուտիլուսի» ճանապարհը, ես տեսա, որ նավը գնում էր դեպի Կրետե կղզին: Այն ժամանակ, երբ ես նստում էի «Աբրահամ Լինկոլնը», այդ կղզին ապստամբվեց թուրքիայի դեմ: Ես շփտի, թե ինչ պատահեց կղզու ապրտամբների հետ և իհարկե նավապետ Նեմոն, որ կտրել էր ամեն մի կապ մարդաբնակ աշխարհի հետ, այդ մասին ոչ մի նորություն չէր կարող հաղորդել ինձ:

Երեկոյան, երբ սրահում հանդիպեցի նրան, այդ դեպքի մասին ոչ մի ակնարկ չարեցի: Պետք է ասել, որ նավապետն ինձ թվաց մոայլ և մտահոգված: Հակառակ իր սովորության, նա անսպասելիորեն կարգադրեց բաց անել սրահի լուսամուտների երկու փեղկերը և անցնելով մեկ լուսամուտից մյուսը, ուշադրությամբ դիտում էր ջուրը: Ի՞նչ էր ուզում տեսնել: Ես այդ ըմբռնել չէի կարող, ուստի սկսեցի դիտել ձկները, որ լողում էին աչքերիս առաջ:

Ձկների մեջ ես նկատեցի ծովային կոլբներ, որ հասարակ լեզվով կոչվում են արջառներ: Այս ձկները հաճախ պատահում են Նեղոսի գետաբերանի մոտ, աղի ջրերում:

Այնուհետև ես տեսա ֆոսֆորափայլ սլագրերը, որ պատկանում են զուգավորների ընտանիքին: Եզիպտացիք այս ձկները սրբազան էին համարում. երբ այս ձկները մտնում էին Նեղոսի ջրերը, տեղի էին ունենում կրոնական ճոխ ծիսակատարություններ, որովհետև դա գետի վարարման, այսինքն լավ բերքի նշան էր:

Այնուհետև մեր առջևից անցավ հեյլինների մի վտառ: Դրանք ոսկրաշատ ձկներ են, ունեն երեսուն սանտիմետր երկարություն, կապտավուն գույնի թափանցիկ թեփ, որ տեղտեղ ծածկված է կարմիր բծերով: Այս ձկները սնվում են միայն ծովային ջրիմուռներով, որ բացառիկ համ է տալիս նրանց մսին: Դեռևս հին Հռոմում հեյլինները համեղ ուտելիք էին համարվում և պատրաստվում էին փողոշ ձկան սերմնագեղձերի, սիրամարգի ուղեղի ու ծիծեռնակի լեզվի համեմունքով:

Այդ ծովերի մի բնակիչ ևս ինձ հիշեցնում էր հին Հռոմի ժամանակները: Այդ լոցման կոչված ձկնիկն էր, որ միշտ

ուղեկցում է շնածկներին: Հնադարյան մարդկանց հավատա-  
լիքների համաձայն, այս փոքրիկ ձկնիկը, կաշելով նավի  
հետին մասին, կարող է կանգնեցնել այն:

Պահպանվել է նաև այն առասպելը, որ իբր թե այդպիսի  
մի ձկնիկ Ակցիումի ճակատամարտի ժամանակ կանգնեցրել  
է Անտոնիոսի նավը և հենց դրանով վճռել է ճակատամարտի  
բախտը հօգուտ Ավգուստոսի:

Ահա թե երբեմն ինչից է կախված լինում ժողովուրդների  
բախտը:

Ես նկատեցի նաև չքնադագեղ anthiaz՝ հին Հունաստանի  
սրբազան ձկները, որոնք ըստ ավանդույթյան ընդունակ էին  
իրենց տեղերից վտարել հրեշներին: Նրանց անունը նշանա-  
կում է «ծաղիկ», և նրանք դա միանգամայն արդարացնում  
են իրենց գույների ելևէջներով, ունենում են կարմիր գույնի  
բոլոր տեսակները, բաց վարդագույնից մինչև սուտակի  
գույնը:

Ես զմայլված դիտում էի այդ ծովային հրաշքը: Հան-  
կարծ ինձ ապշեցրեց անակնկալ մի տեսարան. ջրի տակ երե-  
վաց մի մարդ՝ սուզակ, որի գոտուց կաշվե պայուսակ էր  
կախված: Այդ կենդանի մարդ էր: Մի քանի անգամ նա բարձ-  
րանում էր ծովի մակերևույթը և նորից ջրասույզ լինում:

Ես դարձա դեպի նավապետ Նեմոն և հուզված բացական-  
չեցի.

— Մարդը ջրասույզ է լինում: Ինչ կերպ էլ լինի, հարկա-  
վոր է փրկել նրան:

Նավապետ Նեմոն առանց ինձ պատասխանելու շտապ մո-  
տեցավ լուսամուտին: Կողորդը նորից ջրասույզ եղավ և աչ-  
քերը մոտեցնելով ապակուն, նայում էր մեզ:

Նավապետ Նեմոն ինչ-որ նշան արեց նրան և այդ խիստ  
զարմացրեց ինձ: Սուզակը գլխով արեց, անմիջապես բարձ-  
րացավ ծովի մակերևույթն ու այլևս չերևաց:

— Մի վախենաք նրա համար, — ասաց ինձ նավապետ  
Նեմոն, — դա Մատապան հրվանդանի բնակիչ Նիկոլան է, որ  
ստացել է «Զուկ» մականունը: Ցիկլադյան բոլոր կղզիներում  
ճանաչում են նրան: Հրաշաի լողորդ է: Զուրը նրա տարերքն  
է, և նա ջրում ավելի շատ ժամանակ է անցկացնում, քան



ցամաքում, մեկ կողուց անդադար լողալով դեպի մյուսը, երբեմն էլ նույնիսկ դուրս գալով կրետե:

— Դուք ճանաչո՞ւմ եք նրան, նավապետ Նեմո:

— Ինչո՞ւ չպիտի ճանաչեմ, — պարոն Արոնաքս:

Այս ասելով, նավապետը մոտեցավ այն պահարանին, որ կառուցված էր սրահի պատի մեջ: Պահարանի կողքին գրտնըվում էր երկաթապատ մի սնդուկ, որի վրա կար պղնձե մի թիթեղ: Թիթեղի վրա փորագրված էր «Նաուտիլուսի» նշանաբանը. «Mobilis in modile»:

Այլևս ուշադրություն չդարձնելով ինձ վրա, նավապետ Նեմոն բացեց պահարանը, որտեղ կային մետաղյա բազմաթիվ ձուլածոներ:

Դրանք ոսկու ձուլվեր էին:

Որտեղի՞ց էր «Նաուտիլուս» բերվել այդքան մեծ քանակությամբ ոսկի: Նավապետ Նեմոն որտե՞ղ էր ոսկի գրտնում և հիմա ի՞նչ պիտի աներ այդ մետաղը:

Ես ոչ մի բառ չարտասանեցի: Ես նայում էի: Նավապետ Նեմոն պահարանից հանում էր ոսկու կտորները և մեկ-մեկ տեղավորում փոքրիկ սնդուկում, մինչև որ սնդուկը լցվեց:

Ես հաշվեցի, որ նա սնդուկում տեղավորեց առնվազն հազար կիլոգրամ ոսկի, որ արժե համարյա հինգ միլիոն ֆրանկ:

Նավապետը ծածկեց սնդուկի կափարիչը և վրան դրեց մի հասցե, ըստ երևույթին նոր հունական լեզվով:

Ավարտելով այդ, նա սեղմեց զանգի կոճակը, որով կարելի էր զանդահարել անձնակազմի սենյակը: Անմիջապես եկան ութ նավաստի և առանց դժվարության սնդուկը դուրս տարան սրահից:

Ես լսում էի, թե ինչպես նրանք ճախարակի օգնությամբ սնդուկը հանում էին տախտակամածը:

Այդ բոլորին նավապետ Նեմոն դարձավ դեպի ինձ:

— Այսպես ուրեմն, պարոն պրոֆեսոր, դուք ասում էիք թե...

— Ես ոչինչ չէի ասում, — պատասխանեցի ես:

— Այդ դեպքում թույլ տվեք բարի գիշեր ասել ձեզ:

Եվ այդ ասելով, նա դուրս եկավ սալոնից:

Ես իմ նավասենյակը վերադարձա շափազանց հուզված։ Իզուր փորձեցի քնել։ Ինձ տանջում էր այն, ոչ մի կերպ չէի կարողանում սրամաքանական կապ գտնել լողորդի երեվալու, և սնդուկը ոսկու կտորներով լցնելու մեջ։ Շուտով նավըն սկսեց թեթև օրորվել, և ես գլխի ընկա, որ «Նաուտիլուսը» բարձրանում էր ծովի մակերևույթը։

Այնուհետև ես ոտնաձայն լսեցի տախտակամածից։ Ես հասկացա, որ մակույկը հանում են իր տեղից և իջեցնում ջուրը։ Մի անգամ մակույկը դիպավ «Նաուտիլուսին» և ապա աղմուկը լռեց։

Երկու ժամից հետո աղմուկը վերսկսվեց։ Մակույկը ջրից դուրս հանեցին և կրկին ամրացրեցին իր տեղում։ Ապա «Նաուտիլուսը» ջրասույզ եղավ։

Ուրեմն միլիոններն ուղարկվեցին ինչ-որ հասցեով։ Սակայն մայր ցամաքի ո՞ւր կետը։ Ո՞վ էր նավապետ Նեմոյի սուրհանդակը։

Հետևյալ օրը ես Կոնսելին և Նեդ Կենդին պատմեցի անցած գիշերվա դեպքերի մասին, որոնք վերին աստիճանի գլրգրոել էին իմ հետաքրքրությունը։

Ի՞նչ ընկերներն ինձնից ոչ պակաս զարմացան այն ամենով, ինչ որ տեղի էր ունեցել։

— Բայց որտեղի՞ց է նա վերցնում այդ միլիոնները, — հարցրեց Նեդ Կենդը։

Ես չէի կարող պատասխանել այդ հարցին։

Նախաճաշից հետո ես անցա սալոն և այնտեղ սկսեցի աշխատել։

Մինչև երեկոյան ժամը հինգը ես գրում էի իմ օրագիրը։ Սակայն շգիտեմ ինչու սաստիկ շոգ զգացի։

Ես ստիպված էի հանել վերնազգեստս։

Այդ անբացատրելի էր. մենք հեռու էինք արևադարձից և բացի դրանից, միևնույն է, ջրասույզ եղած «Նաուտիլուսը» չպետք է ենթարկվեր օդի բարեխառնություն։ Ես նայեցի խտաշափի սլաքին. մենք գնում էինք վաթսուն ոտնաչափ խորությունամբ, ուր երկրի ջերմությունը ոչ մի կերպ չէր կարող թափանցել։

Ես փորձեցի շարունակել աշխատանքս, բայց շոգն ավելի էր սաստկանում և անտանելի դառնում:

«Գուցե նավի վրա հրդեհ է», — մտածեցի ես:

Ես արդեն ուզում էի դուրս գնալ սրահից, երբ հանկարծ ներս մտավ նավապետ Նեմոն:

Նա քայլեց ուղիղ դեպի ջերմաշափը, դիտեց սնդիկի բարձրությունը և դառնալով դեպի ինձ, ասաց.

— Քառասուն երկու աստիճան է:

— Ես այդ զգում եմ, նավապետ, — ասացի ես, — եթե ջերմությունն ավելի բարձրանա, մենք անկարող կլինենք տանել այն:

— Օ՛, պարոն պրոֆեսոր, ջերմությունն ավելի կբարձրանա միայն այն դեպքում, եթե մենք այդ ցանկանանք:

— Հետևաբար դուք կարող եք ձեր ցանկությամբ ավելացնել կամ չափավորել ջերմությունը, այո՞:

— Ոչ, բայց ես կարող եմ հեռու կամ մոտ լինել այն տեղին, որ բարձրացնում է ջերմությունը:

— Ուրեմն այդ տեղը «Նաուտիլուսից» դո՞ւրս է գտնվում:

— Իհարկե, մենք լողում ենք, եռացող ջրի շերտում:

— Մի՞թե այդ կարելի է, — բացականչեցի ես:

— Ինքներդ դատեցեք:

Փեղկերը բացվեցին, և ես տեսա, որ «Նաուտիլուսի» շուրջը ջուրը բոլորովին սպիտակ էր: Մծմբային գոլորշին փռվում էր ջրի մեջ, և ջուրը եռում էր ինչպես կաթսայում:

Ես ձեռքով շոշափեցի ապակին, որը, սակայն, այնքան տաք էր, որ ստիպված էի ձեռքս անմիջապես ետ քաշել:

— Որտե՞ղ ենք գտնվում, — հարցրի ես:

— Սանտորին կղզու մոտ, պարոն պրոֆեսոր, — պատասխանեց նավապետը, — եթե ուզում եք ավելի ճիշտ իմանալ, Նեա-Կամենին Պալեա-Կամենիից բաժանող նեղուցում: Ես ուզում էի ձեզ ցույց տալ այս հազվագյուտ երևույթը, ստորջրյա հրաբխի ժայթքումը:

— Իսկ ես կարծում էի, — պատասխանեցի ես, — թե նոր կղզիներ այլևս չեն կազմվում...

— Հրաբխային վայրերում ոչ մի պրոցես ավարտված համարել չի կարելի, — պատասխանեց նավապետ Նեմոն, — չէ՞

որ երկրագնդի ներսն առաջվա պես լիքն է կրակով: Եթե հա-  
վատանք պատմաբաններ Կասսիոդորոսին և Պլինիոսին, մեր  
թվագրությամբ տասնինը թվականին հենց այն տեղում, որ-  
տեղ առաջ են եկել այդ կղզիները, կազմվել է մի նոր կղզի,  
Քեա անունով: Այնուհետև դա անցել էր ջրի տակ, վաթսուն  
ինը թվականին դարձյալ երևան է եկել և դարձյալ վերջնա-  
կանապես շքացել: Այդ ժամանակից սկսած մինչև մեր օրերը  
դադարել է հրաբխային գործունեությունը: Սակայն 1866  
թվականի փետրվարի երեքին Նեա-Կամենիի մոտ, ծծմբա-  
յին շոգու ամպերի միջև ջրից անսպասելիորեն դուրս է եկել  
մի նոր կղզի: Դա անվանել են Գեորգի կղզի: Փետրվարի վե-  
ցին դա միացել է Նեա-Կամենիի հետ: Դրանից յոթ օր հե-  
տո, փետրվարի 13-ին, ջրից դուրս է եկել էլի մի նոր կղզի՝  
Աֆրոեսա, որ Նեա-Կամենիից բաժանված է ընդամենը տասը  
մետր լայնությամբ նեղուցով: Երբ տեղի ունեցավ այդ հազ-  
վագյուտ երևույթը, ես պատահմամբ գտնվում էի այդ ջրե-  
րում և դիտում էի տեղի ունեցածը: Աֆրոեսա կղզին, որ հա-  
մարյա կլոր է, ուներ երեք հարյուր ոտնաչափ շառավիղ և  
երեսուն ոտնաչափ բարձրություն: Նա կազմված էր սև, ա-  
պակու տեսք ունեցող լավայից, որի մեջ գտնվում էին դաշ-  
տային սպաթի կտորներ: Վերջապես, մարտի տասին Նեա-  
Կամենիի մոտ ծովից դուրս եկավ Ռեկա կոչված մի եր-  
րորդ, ավելի փոքր կղզի, և երեք կղզին էլ միացան:

Իսկ հիմա մենք ի՞նչ նեղուցում ենք գտնվում, — հարց-  
րի ես:

— Ահա, նայեցեք, — պատասխանեց նավապետ Նեմոն,  
ցույց տալով մի նեղուց Հունական արշիպելագի քարտեզի  
վրա, — տեսնո՞ւմ եք, նոր կղզիները ես արդեն նշանակել եմ  
քարտեզի վրա:

— Այս նեղուցի հատակը հավանորեն երբևէ նույնպես  
կբարձրանա ջրից:

— Միանգամայն հնարավոր է, պարոն պրոֆեսոր, որով-  
հետև 1866 թվից ս. Նիկողայոսի նավահանգստի դիմաց, Պա-  
լեա-Կամենիում առաջ են եկել ութ նոր կղզիներ: Այստե-  
ղից պարզ է, որ մոտիկ ապագայում Նեա-Կամենին և Պա-  
լեա-Կամենին կմիանան: Խաղաղ օվկիանոսում նոր կղզի-

ներն ինֆուզորիաներն են առաջացնում: Այս ջրերում նոր, կղզիները հրաբխային գործունեության արդյունք են: Տեսնում եք, պարոն պրոֆեսոր, թե ջրի տակ ինչպես է ետում կյանքը, առանց մի ակնթարթ անգամ դադարելու:

Ես նորից մտաեցա լուսամուտին: «Նաուտիլուսը» շերտավորվում: Շոգն անտանելի դարձավ: Երկաթի աղի ինչ-որ խառնուրդի շնորհիվ սպիտակ ջուրը կարմիր գույն էր ստանում: Չնայելով, որ ապակիները հերմետիկորեն միացած էին նավի պատերին, ծծմբի հեղձուցիչ հոտը թափանցում էր սալոնը: Ջրի մեջ ես նկատեցի կարմիր լույսի օջախները, այնքան պայծառ, որ մեր լուսարձակի ճառագայթները կորչում էին այդ լույսերում:

Ես քրտնել էի և շնչասպառ էի լինում: Զգում էի, որ էլի մի քանի րոպե, և ես անկարող կլինեմ շնչել:

— Անկարելի է, այլևս մնալ այս եռացող ջրում, — ասացի ես նավապետին:

— Այո, մնալն անվզուշու՞թյուն կլինի, — հանգիստ պատասխանեց նա:

Նավապետը հրաման տվեց: «Նաուտիլուսը» շարժվեց և արագ հեռացավ այդ դժոխքից, որտեղ գտնվելը մեզ մահ էր սպառնում: Քառորդ ժամից հետո ծովի վրա մենք ազահու՞թյամբ կլանում էինք մաքուր օդը:

Ես մտածեցի, որ եթե Նեդ Լենդը փախչելու համար ընտրեր այդ տեղը, մենք կենդանի կայրվեինք եռացող ջրում.<sup>1</sup>

Հետևյալ օրը, փետրվարի 16-ին «Նաուտիլուսը» անցնելով Մատապան հրվանդանը, հրաժեշտ տվեց Հունական արշիպելագին:

## ԳԼՈՒԽ ՅՈՒԹԵՐՈՐԴ

### ՔԱՌԱՍՈՒՆՈՒԹ ԺԱՄՈՒՄ ԱՆՑԱՆՔ ՄԻՋԵՐԿՐԱԿԱՆ ԾՈՎԸ

Միջերկրական կապույտ ծովը, հին հրեաների «Մեծ ծովը», հին հույների «Մովը», հին հռոմեացիների «mare nostrum»<sup>1</sup> որ շրջապատված է բարձր լեռներով, նարնջենիների

<sup>1</sup> Մեր ծովը (լատ.):



հալվենիների, կակտուսների, ծովալին սոճիների ծաղկուն ալգիներով և հայտնի է մրտենիների բուրմունքով լի մաքուր օդով, այդ Միջերկրական ծովը հրի և ջրի միջև մղվող մշտական պայքարի բեմ է: Պլուտոնն ու Նեպտունն այստեղ պայքարում են աշխարհին տիրապետելու համար:

«Այս ծովի ափերում ու ջրերում,— գրում էր Միշլեն,— աշխարհումս լավագույն կլիմա ունեցող այդ վայրերում մարդը ձեռք է բերում նոր ուժեր և առողջութուն»: Սակայն ինձ հաջողվեց միայն հարևանցի կերպով տեսնել իր գեղեցկությամբ հռչակավոր այդ ջրային ավազանը, որ ունի երկու միլիոն հարյուր հազար քառակուսի կիլոմետր տարածություն:

Ես չէի կարող իմ թուուցիկ տպավորությունները լրացնել նույնիսկ նավապետ Նեմոյին հարց ու փորձ անելով, որովհետև այդ հանելուկային մարդն ամբողջ Միջերկրական ծովով անցնելիս ոչ մի անգամ չերևաց: Ի դեպ ասած՝ մենք ընթանում էինք բավական զգալի արագությամբ. «Նաուտիլուսը» երկու օրվա ընթացքում ջրի տակով անցավ վեցհարյուր լյո: Փետրվարի 16-ին դուրս գալով Հունական արշիպելագից, փետրվարի 18-ի լուսաբացին մենք արդեն անցնում էինք Զիբրալտարի նեղուցը:

Ինձ համար պարզ էր, որ նավապետ Նեմոն չի սիրում այդ ծովը, որ բոլոր կողմերից շրջապատված է այնպիսի երկրներով, որոնցից փախչում է նա: Թերևս ալիքներն ու հողմերը դառը հիշողություններ էին բերում, կամ, որ ավելի վատ է, նրա մեջ ցավ էին արթնացնում անվերադարձ կորստի համար: Գուցե և նրան ջղայնացնում էր այն, որ այստեղ չէր կարելի այնպես ազատ ու անկախ ճանապարհորդել, ինչպես օվկիանոսներում, և «Նաուտիլուսն» ուղղակի ճնշվում էր Եվրոպայի ու Աֆրիկայի՝ իրարից ոչ հեռու ափերի միջև:

Այսպես, թե այնպես, մենք ընթանում էինք մեկ ժամում տասներկու լյո արագությամբ: Ինքնըստինքյան հասկանալի է, որ Նեդ Լենդն ստիպված էր բոլորովին հրաժարվել փախչելու մտքից, որքան էլ դա ցավալի էր նրա համար: Մեկ վայրկյանում տասներկու-տասներեք մետր անցնելիս նա չէր կարող օդտագործել նավակը: Այդ միևնույն էր, եթե թռչեիր նույն արագությամբ ընթացող գնացքի վագոնից, մի թռիչք,

որ այնքան էլ հաճելի հետևանք չի ունենա: Բացի դրանից՝ «Նաուտիլուսն» օդի պաշարը լրացնելու համար այժմ միայն ուշ գիշերով էր բարձրանում ծովի մակերևույթը, իսկ մնացած ամբողջ ժամանակ ընթանում էր՝ ղեկավարվելով միայն կողմնացույցի ու արագաչափի տվյալներով:

Այս պատճառով Միջերկրական ծովում ես տեսա այն, ինչ որ ճեպընթաց գնացքի ճանապարհորդը տեսնում է իր խցիկի լուսամուտից, հեռավոր հորիզոններ և ոչ թե ճանապարհին ամենամոտ տեղեր, որոնք կայծակի արագությամբ թռչում են նրա առջևից:

Այնուամենայնիվ Կոնստանդին և ինձ հաջողվեց տեսնել Միջերկրական ծովի մի քանի ձկներ, որոնք լողաթևերի գործողության շնորհիվ կարող էին իրենց արագությամբ որոշ ժամանակ մրցել «Նաուտիլուսի» հետ: Մենք ամբողջ ժամերով կանգնում էինք սրահի լուսամուտների առաջ, և այդ ժամանակ արված թռուցիկ դիտողություններն ինձ հնարավորություն են տալիս ընդհանուր գծերով տալ այդ ծովի ձկնաբանական պատկերը:

Միջերկրական ծովում բնակվող բազմաթիվ ձկներից ոմանց ես համեմատաբար երկար դիտեցի, ոմանց տեսա հարևանցիորեն, ոմանց էլ մեր ընթացքի արագության պատճառով բոլորովին չտեսա:

Թող թույլ տրվի ինձ նկարագրել նրանց այդ ֆանտաստիկ դասակարգման համապատասխան, որով ավելի ճիշտ կտրվեն իմ թռուցիկ տպավորությունները:

Էլեկտրականությամբ պայծառ լուսավորված ջրերում գալարվում էին բարակ, մեկ մետր երկարությամբ օձաձկները, որոնք լինում են համարյա բոլոր ծովերում: Փշոտ կատվաձկները, որ ունենում են մինչև շորս մետր երկարություն և երկու-երեք մետր լայնություն, անհարթ մաշկ, սպիտակ փոր, սպիտակավուն բծերով ծածկված մեջք, շփշփում էին ջրի մեջ, կարծես լինեին ծովի հոսանքով տարված մեծ թաշկինակներ: Մատղաշ կատվաձկների մաշկը ծածկված էր բարակ, իսկ մեծերի մաշկը՝ խոշոր և սուր փշերով: Կատվաձկների մյուս տեսակները երևում էին մեզ և շքանում այնպիսի արագությամբ, որ ես չկարողացա ստուգել, արդյոք նրանք արժանի

են հին հույների տված «ծովային արժիվների» մականունին, թե՛ նրանց ավելի հարմար են «առնետ», «դողոշ» և «շղջիկ» արհամարհական մականունները, որ նրանց տալիս են ժամանակակից ծովագնացները: Տառեխանման շնաձկները, որ պատկանում են դելֆինանման շնաձկների ընտանիքին, որոնք առանձնապես վտանգավոր են ձկնորսների համար, իրենց արագաշարժությամբ մրցում էին մեր նավի հետ: Մենք տեսանք նաև ծովային աղվես կոչված ձկներին, որոնք պատկանում են շնաձկների ջոկատին, ունեն շորս և ավելի մետրերկարություն և ամենախորամանկ ծովային կենդանիներն են: Նրանց մեջքերն ու կողերը մուգ-կապույտ են, մարմնի ստորին մասը սպիտակ-բծավոր:

Այնուհետև մեզ հանդիպում էին զուգավոր ձկների ընտանիքին պատկանող ոսկեծածանները: Սրանցից մի քանիսը հարյուր երեսուն սանտիմետր երկարություն ունեին: Ոսկեծածանները փայլում էին իրենց արծաթավուն-կապույտ գույնով, դեղնավուն լողաթևերով: Այս արժեքավոր ձկները, որ ապրում են թե՛ գետերում ու լճերում և թե՛ ծովերում ու օվկիանոսներում, ընտելացած են բոլոր կլիմաներին, տանում են ամեն տեսակ բարեխառնություն: Նրանք առաջացել են երկրիս առաջին կենդանի արարածներից, երկրաբանական մեծ պրոցեսների ժամանակակիցներից և պահպանել են իրենց ամբողջ նախնադարյան գեղեցկությունը:

Ինը-տասը մետր երկարություն ունեցող հրաշալի թառափները նայում էին սրահի լուսամուտին, և շկարողանալով արագաշարժությամբ մրցել մեզ հետ, ետ էին մնում, ցույց տալով փոքրիկ, կինամոնազույն բծերով ծածկված կապտավուն մեջքերը: Թառափները նման են շնաձկներին, բայց նրանց շափ ուժեղ չեն: Իրենց կյանքի մեծ մասը նրանք անց են կացնում ծովում, իսկ գարնանն անցնում են գետերը, պայքարելով Վոլգայի, Դանուբի, Պոչի, Հոենոսի, Լուարայի և Օդերի հոսանքի դեմ: Նրանք սնվում են թյունիկներով, տառեխներով և ուրիշ փոքրիկ ձկներով:

Հին ժամանակներում թառափը հանդիսավոր կերպով մատուցում էին Լուկուլլոսի սեղանին:

Սակայն Միջերկրական ծովի բոլոր կենդանիներից ամենից լավ ես ծանոթացա թյուննոսների հետ, որոնց մեջքը սև-կապտավուն է, կրծքի վահանը՝ կապույտ, իսկ կողերն ու որովայնը՝ գորշ և արծաթավուն-սպիտակ բծերով: Այդ ձկների մասին պատմում են, որ նրանք լողում են նավերի կողքից և սրանց ստվերում պաշտպանվում են արևադարձային արևի այրող ճառագայթներից: Արդարև, նրանք ուղեկցում էին «Նաուտիլուսը», ինչպես մի ժամանակ ուղեկցել էին Լապլերուզի նավերը: Երկար ժամանակ նրանք մի սանտիմետր անգամ ետ չէին մնում «Նաուտիլուսից»:

Ես զմայլվում էի այդ ձկներով, որոնց բնությունը կարծես ստեղծել էր արագության մրցություններին մասնակցելու համար: Նրանց գլուխները փոքր էին ու նեղ, մարմինը իլիկաձև, երեք և նույնիսկ շորս մետր երկարությամբ, կրծքի ուժեղ լողաթևերով, պոչերի լողաթևերը երկու մասի բաժանված: Նրանք լողում էին կանոնավոր եռանկյունիներ կազմած, ինչպես մի քանի շվող թռչունների երամները: Այդ ձևով լողալու պատճառով հնադարյան մարդիկ կարծում էին, որ իբր թե թյուննոսները գիտեն երկրաչափությունը և ռազմադիտության տարրերը:

Սակայն «ուսումնական» լինելը թյուննոսներին չի փրկում Պրովանսի ձկնորսներից, որոնք նրանց նույնքան բարձր են գնահատում, որքան և հին Պրոպոնդիտի և Իսպանիայի բնակիչները, և այդ հրաշալի ձկները հարյուր հազարներով ամեն օր որսվում են մարսելյան ուռկաններով:

Ի միջի այլոց հիշեմ Միջերկրական ծովի այն ձկները, որոնց ոչ ինձ, ոչ էլ Կոնսելին չհաջողվեց տեսնել: Դրանք են՝ էլեկտրական և իսկական օձաձկները, որ ուրվականների նման անցնում էին մեր կողքից. ձողաձկները, որոնց լյարդն արժեքավոր դեղանյութ է տալիս. ծիծեռնակաձկները, որոնց բանաստեղծներն անվանում են քնար-ձկներ, իսկ ծովագնացները՝ սուզող ձկներ և որոնց մուսթների վրա կան եռանկյունաձև, հնադարյան երգիչ Հոմերոսի գործիքը հիշեցնող շերտեր. այլ տեսակի ծիծեռնակաձկներ, որոնք լողում են այդ թռչունների արագությամբ. քիմեոներ, հարթ մաշկով, որը երանգավորված է ոսկեգույն-դեղին, կինամոնագույն և սպի-

տակ գույներով. հրաշալի տափտկաձկները, այդ ծովային փասիանները, որոնց դեղին լողաթևերը ծածկված են սև կետերով. լողաթևերի վերին ձախ կողմը ծածկված է դարչնագույն-դեղին և մարմարագույն բծերով. վերջապես, ոսկեհուր արքայաձկները, իսկական ծովային դրախտահավերը, որոնց համար հոռմեացիք տասը հազարական սեստերց էին վճարում, որպեսզի սեղանի շուրջը դիտեին նրանց մարմնի գույնի փոփոխությունները, կարմիր-սուտակի՝ կյանքի գույնից մինչև գունատ-սպիտակը՝ մահվան գույնը:

Եթե ինձ շահողվեց տեսնել թիկնեղջյուրները, ծովաձիկները, լուսնյակ-ձուկը, տառեխները, արջառները, ծովային տքերինները, ծածանազգիները, սուսերակիրները, ֆերինը, ասեղնաձուկը, անցրուկը և հարյուրավոր տեսակ այլ ձկներ, որոնք լինում են Միջերկրական ծովում, ապա դրա համար պետք է մեղադրել ոչ թե ինձ, այլ «Նաուտիլուսին», որ սլանում էր գլխապտույտ արագությամբ:

Ինչ վերաբերում է ծովային կաթնասուններին, ինձ թվաց, որ Ադրիատիկ ծովի մոտից անցնելիս տեսա երկու վիշապաձուկ, ապա մի քանի դելֆին և, վերջապես, վեց հատ փոկ, որոնք կոչվում են վարդապետներ և իսկապես նման են դոմինիկյան վարդապետներին, միայն թե երեք մետր հասակ ունեն:

Իր հերթին Կոնստանդին հաջողվեց տեսնել մի հսկայական կրիա՝ վեց ոտնաչափ լայնությամբ: Կրիայի վահանի վրա նստակատեց յոթ երկարաձև ուռուցքներ կամ կողեր: Ես շատ ցավեցի, որ շտեսա այդ կրիան, որովհետև դա ըստ երևույթին հաստ մաշկ ունեցող կրիա էր, իսկ կրիաների այդ տեսակը հիմա չքանում է:

Մի քանի վայրկյանի ընթացքում զոոֆիտներից ես տեսա գալեոլյարների հիանալի մի տեսակը, որ կոչվել էր սրահի լուսամուտի ապակուն: Դա ճյուղավորված, թափանցիկ մանրաթելի հյուսվածք էր, որի շափազանց բարակ ճյուղերը միահյուսվում ու կազմում էին զմայլելի մի պատկեր, որի հետ նրբության տեսակետից շեր կարող մրցել Ֆլանդրիայի և ոչ մի ժանյակագործուհի: Դժբախտաբար ես չէի կարող որսալ այդ ապշեցուցիչ կենդանին:



Հնարավոր է, որ ես Միջերկրական ծովում այլևս ոչ մի զոոֆիտ չտեսնեի, եթե այդ օրվա երեկոյան, փետրվարի 16-ին, «Նաուտիլուսը» հանկարծ շղանդաղեցներ իր ընթացքը: Ահա թե այդ ինչպիսի հանգամանքներում կատարվեց:

Մենք անցնում էինք Սիցիլիայի և Թունիսի միջով: Այս նեղ տեղում ծովի հատակը միանգամից բարձրանում է: Այստեղից անցնում են ստորջրյա լեռնաշղթայի գագաթները, որոնց վրա ջրի խորությունն ընդամենը տասնյոթ մետրի է հասնում, մինչդեռ այդտեղի երկու կողմերում ծովի խորությունը մոտավորապես յոթանասուն մետր է: «Նաուտիլուսն» ստիպված էր զգուշությամբ շարժվել, որպեսզի շնասի այդ ստորջրյա խոչընդոտին:

Ես Կոնսելին քարտեզի վրա ցույց տվեցի ստորջրյա ժայռերի այդ շղթան:

— Պարոնի թույլտվությամբ կասեմ, որ այդ շղթան ինձ թվում է այն պարանոցը, որ Եվրոպան միացնում է Աֆրիկային,— ասաց նա:

— Դու իրավացի ես, բարեկամս,— պատասխանեցի ես,— այն միջնորմել է Սիցիլիայի ամբողջ նեղուցը: Սմիթի հետազոտությունները ցույց են տվել, որ մի ժամանակ Ադդար հրվանդանի և Մարսալայի միջև այդ մայր ցամաքները միացած են եղել կայուն հողի մի բարակ շերտով:

— Եթե մի գեղեցիկ օր,— սկսեց Կոնսելը,— հրաբխային ցնցումը ջրից կրկին բարձրացնի այդ պարանոցները...

— Դա այնքան էլ հավանական չի, Կոնսել,— ընդհատեցի ես նրան:

— Պարոնի թույլտվությամբ ես կլրացնեմ միտքս. եթե այնուամենայնիվ դա պատահի, ապա ես կցավեմ խեղճ Լեոսեպսի համար, որ այնքան աշխատանք է թափել Սուեզի ջրանցքը փորելու վրա:

— Իհարկե, Կոնսել, սակայն դու կարող ես շնուզվել, դատեղի չի ունենա: Ստորերկրյա կրակի ուժը հետզհետե պակասում է: Հրաբուխները, որ այնքան բազմաթիվ են եղել երկրիս գոյության սկզբնական ժամանակներում, մեկը մյուսի հետևից հանգչում են: Ստորերկրյա ջերմությունը թուլանում է: Երկրի ստորին շերտերի ջերմությունը դարերի ընթացքում

իջնում է և այդ դժվարութիւնն է մեր մոլորակի համար, քանի որ այդ ջերմութիւնը կյանքի աղբյուր է...

— Սակայն արևը...

— Միայն արևը բավական չէ, Կոնսել: Արդյոք նա կարո՞ղ է ջերմութիւնը վերադարձնել դիակին:

— Որքան ինձ հայտնի է, ո՛չ:

— Եվ ահա, բարեկամս, մի շարաբաստիկ օր երկիրը կդառնա սառած մի դիակ: Նա կլինի անբնակ, նույնպես անբնակ, ինչպես և լուսինը, որ վաղուց կորցրել է իր կենսական ջերմութիւնը:

— Քանի՞ դար հետո այդ կլինի, — հարցրեց Կոնսելը:

— Մի քանի հարյուր հազար տարուց հետո, — պատասխանեցի ես:

— Այդ դեպքում մենք կկարողանանք ավարտել մեր ստորջրյա ճանապարհորդութիւնը, եթե միայն նեղ կենդի խելքին շփշի ժամկետից առաջ ընդհատել այդ ճանապարհորդութիւնը:

Եվ հանգստանալով երկրի ապագայի նկատմամբ, Կոնսելը կրկին սկսեց դիտել ստորջրյա կյանքը, օգտվելով այն հանգամանքից, որ «Նաուտիլուսն» այժմ շափավոր արագութեամբ էր ընթանում...

Այնտեղ, հրաբխային ծագում ունեցող ժայռերի վրա փարթամ աճել էին կենդանի բույսերի պարտեզները՝ Բուզենվիլի մեդուզաները, կունինները, սպունգազգիները, գոլոտուրները, ծովային վարունգները, որոնք փայլում էին ծիածանի բոլոր գույներով, արտացոլում արևի ճառագայթները: Ապա այնտեղ աճել էին մեկ մետր լայնութեամբ շրջիկ կոմատուլներ, որոնց ծիրանի գույնը կարմիր ցուլք էր տալիս իրենց շրջապատող ջրին, երկարացողուն ջրակտինիաները, ուտելի միդիուսների բազմաթիվ տեսակներ, կանաչ ակտինիաները՝ գորշ ցողուններով և սկավառակով, որ ձիթենագույն շոշափուկների խիտ փնջերով էր ծածկված:

Կոնսելն զբաղվեց կակղամորթները դիտելով և հաշվեց սպունգիլների բազմաթիվ նեկայացուցիչները, որոնք կուտակված էին մեկ-մեկու վրա: Դրանցից աչքի էին ընկնում մի քանիսն իրենց դեղին լողաթևերով և թափանցիկ խեցիներով,

որոնք համապատասխանում են «ծովային թիթեռներ» իրենց մականունին, խխունջներն իրենց կանաչ պիսակներով՝ խեցիներով, ապլիզիումները, որոնք հայտնի են ծովային նապաստակներ անունով, մսոտ, ուտելի սրտախեցիները, ծովային կանթերը, որոնց խեցիները ծածկված էին թանկարժեք գաղտակուրով, միդիուսները, որոնք կանգեղոկում ավելի համեղ ուտելիք են համարվում, քան ոստրեները, սանրածև կախանները, ծովային փյունիկները, զոլիդները, փայտուտիճները, կոճերը, ցիներարները և այլն:

Անցնելով Սիցիլիայի նեղուցի ստորջրյա լեռնաշղթան և նորից մտնելով ծովի խորը տեղերը, «Նաուտիլուսը» սլացավ նախորդ արագությամբ: Կակղամորթները, զոոֆիտներն ու հողվածոտունքները դարձյալ երևում էին միաձուլված ու անորոշ և նրանց մեջ մի ակնթարթ մենք տեսնում էինք առանձին, խոշոր ձկների սրվագծերը:

Փետրվարի 16-ից 17-ի գիշերը մենք հասանք Միջերկրական ծովի երկրորդ ավազանը, որի ամենամեծ խորությունը երեք հազար մետրից ավելի չէ: Այստեղ «Նաուտիլուսը», թեքելով խորության ղեկերը, ամբողջ արագությամբ իջավ մինչև հատակը:

Այստեղ բնության հրաշալիքների փոխարեն մեզ սպասում էին սրտաշարժ ու զարհուրելի տեսարաններ: Արդարև, մենք այժմ գտնվում էինք Միջերկրական ծովի այն մասում, ուր այնքան վթարներ և նավերի խորտակումներ էին եղել:

Քանի՜-քանի՜ նավ է խորտակվել և անհայտ կորել Ալժիրի և Պրովանսի ափերի միջև: Խաղաղ օվկիանոսի անժայռածիր տարածությունների համեմատությամբ Միջերկրական ծովը մի լիճ է, սակայն այդ լիճը քմահաճ է և կամայական, նրա ջրերը խաբող են ու անհաստատ. այսօր նրանք օրորում ու փայփայում են փոքրիկ մի նավ, որ լողում է կուրացուցիչ-կապույտ ջրերում, կուրացուցիչ-կապույտ երկնքի տակ, իսկ վաղը ծառս լինելով, մռայլ ու կատաղի, նա իր ալիքների հատուկ և արագ հարվածներով ջարդ ու փշուր է անում ամենամեծ նավը:

Ծովի խորքերում արագ լողալիս քանի՜-քանի՜ խորտակված նավեր երևացին իմ աչքերին: Դրանցից մի քանիսը, որ

արդեն երկար ժամանակ հանդուժում էին հատակում, ծածկվել էին կորալլային շերտերով, մի քանիսն էլ, որ ոչ վաղուց խորտակված նավերի մնացորդներ էին, միայն ժանգոտել էին:

Մեր ամբողջ ճանապարհին հատակի վրա թափված էին խարիսխներ, թնդանոթներ, թիակավոր գլաններ, մեքենաների մասեր, ջարդված գլաններ, պայթած կաթսաներ: Ջրի մեջ տեղ-տեղ, հատակին շհասած, կախվել էին ամբողջ նավեր, մի քանիսը հետին մասով դեպի ներքև, մի քանիսն էլ շուռ եկած:

Այդ նավերի մի մասը խորտակվել էր ընդհարման պատճառով, մյուս մասը՝ խփվել էր ստորջրյա ժայռերին: Ես տեսնում էի նաև այնպիսի նավեր, որոնք ջրասույզ էին եղել ուղղահայաց դիրքով, պահպանել էին նավասարքը... Դրանք կարծես բաց խարսխակայանում խարիսխ էին ձգել, սպասելով մեկնելու հրամանին:

Երբ «Նաուտիլուսն» անցնում էր դրանց մոտից և իր լուսարձակով լուսավորում շուրջը, թվում էր, թե նավախելի դրոշակաձողի վրա ահա պետք է ծածանվի դրոշակը, ողջունելով հանդիպակաց նավը և բարի ճանապարհ մաղթելով նրան...

Սակայն դրոշակ չէր ծածանվում: Մահը և քար լուսթյունը թագավորում էին ծովային այդ դերեղմանոցում...

Ես նկատեցի, որ ինչքան մենք մոտենում էինք Ջիրբալտարի նեղուցին, այնքան շատ էին նավաբեկումների այդ տխուր մնացորդները: Որքան մոտ են լինում Եվրոպայի և Աֆրիկայի ափերը, այնքան հաճախ են ընդհարվում նավերը: Այստեղ ես տեսա բազմաթիվ երկաթե նավիրաններ, շոգենավերի այլանդակված մնացորդներ, որոնք կանգնած էին ուղիղ կամ կողքի վրա էին ընկել, և նման էին ֆանտաստիկ կենդանիների: Առանձնապես ծանր տպավորություն թողեց մի անիվավոր շոգենավ. նա կարծես ճեղքվել էր, ծխնելույզները ծովել էին, անիվներից մնացել էր միայն երկաթե փշացած մասը, դեկը պոկվել էր նավախելից և կախվել երկաթե շղթայից, ամբողջովին ծածկվել էր ժանգով... Քանի՞ մարդ էր մեռել, քանի՞սն էին կենդանի մնացել, որպեսզի պատ-

մեին այդ սարսափելի վթարի մասին: Կամ գուցե ալիքները խանդոտությամբ պահում էին իրենց գաղտնիքը... Ես հղացա այն միտքը, թե այդ շոգենավը հենց այն «Ատլասն» է, որի խորհրդավոր անհայտացումը քսան տարի առաջ երկար ժամանակ հուզում էր աշխարհը: Ինչպիսի՞ սարսափելի գիրք կարելի էր գրել Միջերկրական ծովի հատակի գաղտնիքների մասին, այդ վիթխարի գերեզմանոցի մասին, ուր այնքան հարստություն է թաղված, ուր այնքա՞ն մարդիկ գտել են իրենց վերջին հանգիստը:

Մինչ այս մինչ այն, ամեն ինչին անտարբեր «Նաուտիլուսը» շարունակում էր իր ստորջրյա արագ վազքը: Փետրվարի 18-ին, գիշերվա ժամը մոտ երեքին նա արդեն հասել էր Զիբրալտարի նեղուցին:

Այնտեղ գոյություն ունի երկու հոսանք, վաղուց հայտնի վերին հոսանքը, որ Ատլանտյան օվկիանոսի ջրերը տանում է դեպի Միջերկրական ծովը, և հանդիպակաց, ստորին հոսանք, որի գոյությունն ապացուցվել էր տրամաբանական ճանապարհով: Հիրավի, Միջերկրական ծովի ջրի մակերևույթը պետք է որ տարեցտարի բարձրանար, եթե նկատի ունենանք մշտական հոսանքն Ատլանտյան օվկիանոսից և այդ ծովի մեջ թափվող գետերի ջուրը, մանավանդ որ պարզված է, թե միմիայն գոլորշիացումը բավական չէ ծովի հավասարակշռությունը պահպանելու համար: Մինչդեռ Միջերկրական ծովի մակարդակը չի բարձրանում, հետևապես պետք է լինի մի երկրորդ հոսանք, որն անցնում է Զիբրալտարի նեղուցի հատակի վրայով և Միջերկրական ծովի ավելորդ ջուրը տանում է Ատլանտյան օվկիանոսը:

Իրականում այդպես էլ եղավ: «Նաուտիլուսն» օգտվեց այդ նպաստավոր հոսանքով և արագ սլացավ փոքրիկ նեղուցից: Մի վայրկյան ես տեսա Հերկուլեսի նշանավոր տաճարի ավերակները, իսկ այդ տաճարը, Պլինիոսի ասելով, ծովի հատակն էր իջել այն կղզու հետ միասին, որի վրա կառուցված էր: Մի քանի րոպեից հետո մենք բարձրացանք ջրի երեսը՝ արդեն Ատլանտյան օվկիանոսում:



# Գ.Լ.ՈՒԽ ՈՒԹԵՐՈՐԴ

## ՎԻԳՈ ՄՈՎԱԽՈՐՇԸ

Ատլանտյան օվկիանոս, ջրային վիթխարի հարթավաճաճ, որի տարածությունը կազմում է քսանհինգ միլիոն քառակուսի մղոն, մի հարթավաճաճ, որի երկարությունը գրեթե ինը հարյուր մղոն է, միջին լայնությունը՝ երկու հազար յոթ հարյուր մղոն: Հին դարերում այս հսկայական ծովը համարյա անհայտ է եղել: Գուցի միայն կարթագենացիք, հին դարերի այդ հռչանդացիները, իրենց առևտրական նավագնացության ժամանակ անցել են Եվրոպայի և Աֆրիկայի արևմտյան ափերով: Այդ օվկիանոսի ոլորապատույտ ափերը ձգվել են վիթխարի տարածությամբ և կտրտված են աշխարհիս ամենամեծ գետերի՝ Ս. Լավրենտիոսի, Միսսիսիպիի, Ամազոնի, Կա-Պլատայի, Օրինոկոյի, Նիգերի, Էլբայի, Լուարայի, Հոնոսի գետաբերաններով՝ գետեր, որոնք թափվում են այդ օվկիանոսը և ոռոգում աշխարհիս ամենակուլտուրական և ամենավաճառների երկրները: Ջրի վեհապանծ հարթությունը, որ բոլոր ուղղություններով ճեղքում են բոլոր երկրների ու ժողովուրդների նավերը, վերջանում է ծովագնացներին երկյուղներշնչող երկու հրվանդաններով, Հորն և Բարեհուսո հրվանդաններով...

«Նաուտիլուսն» իր սուր ցուկով ճեղքում էր Ատլանտյան օվկիանոսի ջրերը: Մինչ այդ նա երեք և կես ամսվա ընթացքում անցել էր ավելի քան տասը հազար լյո, որ գրեթե հավասար է երկրի հասարակածի երկարության: Հիմա նա ո՞ւր էր գնում, մեզ ի՞նչ անակնկալներ են սպասում ապագայում:

Դուրս գալով Ջիբրալտարյան նեղուցից, «Նաուտիլուսն» ուղևորվեց դեպի բաց օվկիանոսը: Նավը կրկին դուրս եկավ ջրի երեսը, և մենք դարձյալ հնարավորություն ունեցանք ամեն օր զբոսնել թարմ օդում:

Հենց որ մենք առաջին անգամ դուրս եկանք ջրից, ես շտապեցի նեղ կենդի և Կոնսելի ուղեկցությամբ բարձրանալ տախտակամածը:

Մեզանից քսան մղոն հեռու, հորիզոնում հազիվ երևում

էր ս. Վինցենտի հրվանդանը, որ գտնվում է Իսպանական թերակղզու հարավ-արևմուտքում: Փշում էր բավական ուժեղ հարավային քամի, ալեկոծելով անհամբույր ծովը:

«Նաուտիլուսը» սաստիկ օրորվում էր: Անկարելի էր երկար մնալ տախտակամածում, որի վրա ամեն բոպե թափվում էին աղի ջրի հեղեղները: Մի քիչ մաքուր օդ ծծելով, մենք շտապեցինք իջնել նավի ներսը:

Ես վերադարձա իմ սենյակը: Կոնսելն էլ գնաց իր տեղը, իսկ կանադացին, որ մտահոգված էր ինչ-որ պատճառով, հետևեց ինձ: Միջերկրական ծովով անսպասելի արագությամբ անցնելը նրան թույլ չտվեց իրազործելու իր սլանը, և նա նույնիսկ չէր փորձում թաքցնել իր դժգոհությունը:

Երբ ես ծածկեցի նավասենյակի դուռը, նա նստեց աթոռի վրա և լուռ նայեց ինձ:

— Ես ձեզ հասկանում եմ, սիրելի Նեդ,— ասացի ես,— սակայն հանգստացեք, դուք կարիք չունեք ձեզ կշտամբելու: Մեր վերջին ճանապարհորդության պայմաններում խենթություն կլինեք մտածել փախչելու մասին:

Նեդ կենդր չէր պատասխանում: Նրա խոժոռված դեմքը և պինդ սեղմված շրթունքները ցույց էին տալիս, որ նա ամբողջովին գտնվում է միևնույն դաղափարի ազդեցության տակ:

— Կսեցե՛ք,— շարունակեցի ես,— եղեք խոհեմ: Ոչինչ չի կորած: Մենք հիմա Փորթուգալիայի ափերի երկարությամբ դեպի հյուսիս ենք ընթանում: Մենք կանցնենք Ֆրանսիայի և Անգլիայի մոտով, ուր նույնպես հեշտ է ապաստան գտնել: Եթե «Նաուտիլուսը», դուրս գալով Զիբրալտարի նեղուցից, ուղևորվեր դեպի հարավ, այն մարդերը, ուր գրեթե ցամաք չկա, ես էլ ձեզ նման անհանգիստ կլինեի: Սակայն այժմ մենք գիտենք, որ նավապետ Նեմոն չի խուսափում բանուկ ծովերից, իսկ այս պայմաններում ես չեմ կասկածում, որ մի քանի օրից հետո դուք կարող եք բոլորովին անվտանգ փախուստ նախապատրաստել:

Նեդ կենդն ինձ նայեց է՛լ ավելի սևեռուն հայացքով և, վերջապես, բանալով շրթունքները, ասաց.

— Մենք կփախչենք այսօր երեկոյա՛ն:

Ես խայթվածի պես վեր թռա տեղիցս: Խոստովանում եմ, որ բոլորովին անպատրաստ էի այդ լուրը լսելուն: Ես ուզում էի առարկել կանադացուն, բայց հարկավոր խոսքեր չէի գտնում:

— Մենք պայմանավորվել էինք հարմար առիթի սպասել,— շարունակեց նեղ կենդը,— այդ առիթը եկել է: Այսօր երեկոյան մենք կլինենք իսպանական ափերից ընդամենը մի քանի մղոնի վրա: Հիմա գիշերները խավար են, լուսին չի լինում: Սաստիկ քամի է փչում: Դուք ինձ խոսք եք տվել, պրոֆեսոր, ես էլ հույսս ձեզ վրա եմ դրել:

Որովհետև ես շարունակում էի լռել, կանադացին վեր կացավ և ավելի մոտեցավ ինձ:

— Այսօր ժամը իննին,— ասաց նա,— ես նախադրուշացրել եմ Կոնսելին: Այդ ժամին նավապետ նեմոն հավանորեն կփակվի իր սենյակում, գուցե և կալառկի քնելու: Մեզ չեն կարող տեսնել ոչ մեխանիկը, ոչ էլ նավաստիները: Ես ու Կոնսելը կթաքնվենք դեպի տախտակամածը տանող սանդուղքի տակ: Դուք, պարոն պրոֆեսոր, գրադարանում կսպասեք իմ ազդանշանին: Թիակները, կայմերը, առագաստը գտնվում են մակույկում: Ինձ հաջողվեց նույնիսկ մի քիչ պարեն տանել այնտեղ: Ես գտել եմ անզլիական մի բանալի, որպեսզի բանամ այն սլոտաակները, որ մակույկը պահում են «Նաուտիլուսի» տախտակամածի վրա: Այսպիսով ամեն ինչ նախապատրաստված է: Ցտեսու՞թյուն մինչև երեկո:

— Մովը խիստ փոթորկալից է,— ասացի ես:

— Համաձայն եմ ձեզ հետ,— պատասխանեց կանադացին,— սակայն մնում է դրա վրա ուշադրություն շդարձնել: Մի փոքր վտանգի կենթարկվենք ու կազատվենք: Սակայն «Նաուտիլուսի» մակույկն ամուր է, իսկ քամին բարեհաջող, այնպես որ, նույնիսկ այսպիսի եղանակին մի քանի մղոն անցնելը դատարկ բան է: Ո՞վ գիտե, գուցե վաղը մենք կլինենք ծովափից հարյուրավոր մղոն հեռու: Եթե հանգամանքները մեզ համար նպաստավոր լինեն, ապա երեկոյան ժամը տասից մինչև տասնմեկը մենք արդեն դուրս կգանք ցամաք, իսպանական ափի մի որևէ կետը: Իսկ եթե ոչ, մենք

այդ ժամանակ մեռած կլինենք: Այդպես ուրեմն, մինչև երեկո՛ւ:

Այս խոսքերից հետո կանադացին դուրս եկավ նավասենյակից, թողնելով ինձ կատարյալ շփոթության մեջ: Չգիտեմ ինչու ես կարծում էի, որ երբ հասնի փախուստի ժամը, կարելի կլինի ամեն ինչ մանրամասն քննարկել և մի փոքր վիճել Նեդ Լենդի հետ: Սակայն կամակոր կանադացին ինձ թույլ չտվեց նույնիսկ մի խոսք ասելու: Ասենք, ես նրան ի՞նչ կարող էի առարկել: Նեդ Լենդը միանգամայն իրավացի էր: Եկել էր շատ թե քիչ հարմար առիթը, և նա որոշել էր օգտվել այդ առիթից:

Արդյոք ես իրավունք ունե՞ի ետ վերցնել խոսքս և անձնական շահերիս համար իմ ընկերների բախտը վտանգի մատնել: Մի՞թե նավապետ Նեմոն չի կարող վաղը մեզ տանել ջրային անապատները, որոնք հեռու են բոլոր ցամաքներից:

Այդ ժամանակ ուժեղ սուլոց լսվեց: Ես հասկացա, որ «Նաուտիլուսն» իր պահամանները լցնում է ջրով, որպեսզի իջնի օվկիանոսի խորքը:

Ես մնացի իմ նավասենյակում, որպեսզի շհանդիպեմ նավապետ Նեմոյին, որը կարող էր դեմքիս վրա կարդալ իմ հուզումը: Ինչպիսի՞ տաղտկալի օր անցկացրի ես, գտնվելով անորոշ վիճակում, մի կողմից ուզում էի վերադարձնել ազատությունս, մյուս կողմից ցավում էի, որ պետք է բաժանվեմ հրաշալի նավից, առանց ավարտելու իմ ստորջրյա հետազոտությունները:

Այդպես հանկարծակի հեռանալ այդ օվկիանոսից, «իմ Ատլանտիկայից», ինչպես ասում էի ինքս ինձ, առանց այնպիսի գաղտնիքներ իմանալու, ինչպիսին իմ առաջ բացին Խաղաղ և Հնդկական օվկիանոսները: Կարդալ աշխարհումս ամենահրապուրիչ այդ գրքի միայն երկու հատորը և կամավոր կերպով հրաժարվել մնացած հատորների ընթերցումի՛ց: Ինչպիսի՞ տխուր ժամեր անցկացրի ես իմ նավասենյակում, մերթ ինձ պատկերացնելով ազատ, ինչպես օդը, ցամաքում, ընկերներով շրջապատված, մերթ երազելով, որ մի որևէ շնախատեսված հանգամանք կխանգարի Նեդ Լենդի պլանների կատարման:

Երկուս անգամ ես մտա սրահ: Ես ուզում էի նայել կողմ-  
նացույցին և պարզել, թե ուր է գնում «Նաուտիլուսը»՝ դեպի  
ցամաք, թե՞ ընդհակառակը:

Հը՛մ, «Նաուտիլուսը» շարունակ ընթանում էր Փորթուգա-  
լիայից ոչ հեռու: Նա ուղղություն էր բռնել ճիշտ դեպի հյու-  
սիս, այդ երկրի ծովափի երկարությամբ:

Ի՞նչ արած, մնում էր պատրաստվել փախչելու:

Իմ բեռը շատ թեթև էր, մի հիշատակարան և ուրիշ ոչինչ:

Ինքս ինձ հարց էի տալիս, թե նավապետ Նեմոն ինչպե՞ս  
կվերաբերվի դեպի մեր փախուստը, ինչպիսի՞ տազնապ կլի-  
նի, ի՞նչ վնաս կհասնի նրան, և նա ինչպե՞ս կվարվի փա-  
խուստը հաջող կամ անհաջող լինելու դեպքում:

Ոչ մի կասկած չի կարող լինել այն մասին, որ ես հիմք  
չունեի նրանից գանգատվելու: Ընդհակառակը: Դժվար է  
պատկերացնել մի այլ, ավելի լիակատար և ավելի սրտաբաց  
հյուրընկալություն: Սակայն մյուս կողմից նա էլ հիմք չուներ,  
իմ կողմից ապերախտություն համարելու այդ փախուստը: Ես  
նրան ոչ մի խոստում չէի տվել այն մասին, թե փախչելու  
փորձ չեմ անի: Մենք ազնիվ խոսքով ազատ թողնված գերի-  
ներ չէինք, եթե մեզ փակված չէին պահում, ապա դա բացա-  
տրվում էր միայն այն վստահությամբ, որ «Նաուտիլուսից»  
փախչել հնարավոր չէ: Բացի դրանից, նավապետի արած  
այն հայտարարությունները, թե մենք մեր ամբողջ կյանքում  
չենք կարող հեռանալ նրա նավից, արդարացնում էին մեր  
ամեն մի փորձը:

Սանտորին կղզու ափերի մոտ մեր ունեցած խոսակցու-  
թյունից հետո ես չէի հանդիպել նավապետին: Մի՞թե մենք  
առիթ կունենանք հանդիպելու իմ փախուստի նախօրեին: Այդ  
ինձ համար միաժամանակ թե ցանկալի էր և թե երկյուղալի:

Ես ականջ դրի, թե արդյոք նա չի՞ քայլում իր սենյակում,  
որ կից էր իմ սենյակին: Սակայն ես ոչ մի ձայն ու շշուկ  
չսեցի: Սենյակում հավանորեն ոչ ոք չկար:

Ես սկսեցի ինքս ինձ հարց տալ, թե արդյոք այդ հանե-  
լուկային մարդն իսկապես գտնվո՞ւմ է «Նաուտիլուսում»: Այն  
անմոռանալի գիշերվանից սկսած, երբ մակույկը հեռացավ  
«Նաուտիլուսից», կատարելով ինչ-որ խորհրդավոր հանձնա-



րարություններ, ես նախապես Նեմոյի մասին մի քիչ փոխեցի հայացքս: Ես եկա այն եզրակացութեան, որ, շնայելով նրա բոլոր հավաստիացումներին, այնուամենայնիվ նա ինչ-որ կապեր էր պահում ցամաքի հետ: Արդյո՞ք նա իրոք երբեք չէր հեռացել «Նաուտիլուսից»: Չէ՞ որ պատահում էր այնպես, որ ես ամբողջ շաբաթներով չէի հանդիպում նրան: Այդ ժամանակ նա ի՞նչ էր անում: Առաջ ես կարծում էի, թե նա պարբերաբար ունենում է մարդատյացութեան մոլուցքներ, իսկ հիմա գլխումս ծագում էր այն միտքը, որ այդ ժամանակ նա ցամաքում ինչ-որ գործ էր կատարում, որի բնույթի մասին ես ոչ մի հասկացողություն չունեի:

Այդ և հազարավոր ուրիշ մտքեր պաշարել էին ինձ և հանգիստ չէին տալիս: Մենք այնպիսի մի տարօրինակ գրութեան մեջ էինք գտնվում, որ բնականաբար կարելի էր անհամար քանակությամբ և բոլորովին շհիմնավորված ենթադրություններ անել: Ես անտանելի տանջանքներ էի կրում: Այդ սպասողական դրությունն ինձ անվերջ էր թվում: Ժամերն անցնում էին շափից դուրս դանդաղ:

Ինչպես միշտ, ճաշն ինձ մատուցեցին նավաանկյակում: Ես ախորժակով չէի ուտում, որովհետև մտահոգված էի ապագա զեպքերով: Ժամը յոթին վեր կացա սեղանից: Հարցուքսան ըոտե՛, իսկ ես հաշվում էի յուրաքանչյուր վայրկյանը, որ դեռ մնում էր, մինչև որ ես միանայի Նեղ կենդին: Իմ հուզումն ավելի և ավելի էր սաստկանում: Սիրտս խփում էր արագությամբ: Ես չէի կարողանում մի տեղ նստած մնալ: Սենյակում ետ ու առաջ էի քայլում, հուշս ունենալով այդ կերպ հանգստացնել հուզված ջղերս: Այն միտքը, թե մենք կարող ենք կորչել այդ հանդուգն փորձը կատարելիս, ինձ ամենից քիչ էր անհանգստացնում: Սակայն այն երկյուղը, թե մեր պլանը կհայտնաբերվի նախքան «Նաուտիլուսից» մեր հեռանալը, այն վախը, թե մենք կկանգնենք կատաղած և որ ավելի վատ է, այդ դավաճանությամբ վրդովված նավապետ Նեմոյի առաջ, ճնշում էր ինձ և դրանից հուսահատորեն խփում էր սիրտս:

Ես ցանկացա վերջին անգամ դիտել սրահը: Նեղ միջանցքով ես անցա այդ նշանավոր թանգարանը, ուր այնքան հա-

ճելի և օգտակար ժամեր էի անցկացրել: Ես դիտում էի այն-  
տեղ հավաքված գանձերը, որպես մի մարդ, որը դատա-  
պարտված է մշտական աքսորի և գիտե, որ շուտով պիտի հե-  
ռանա ու երբեք չվերադառնա: Արդարև, ես էլ պետք է ընդ-  
միշտ բաժանվեի արվեստի այդ սքանչելի գործերից, բնու-  
թյան այդ հրաշալիքներից, որոնց միջև անցել են իմ կյանքի  
վերջին ամիսները: Ես ուզեցի սրահի լուսամուտից վերջին  
անգամ նայել Ատլանտյան օվկիանոսի ջրերին: Սակայն փեղ-  
կերը ամուր փակված էին և նավի երկաթե պատերը թաքցը-  
նում էին ինձանից օվկիանոսի գաղտնիքները:

Սրահում անցուդարձ անելով, ես մոտեցա այն դռանը, որ  
տանում էր նավապետ Նեմոյի սենյակը: Ես խորապես զար-  
մացա, որ այդ դուռը կիսաբաց էր: Ես իսկույն դեպի ետ  
գնացի. եթե նավապետ Նեմոն սենյակում էր, կարող էր տես-  
նել ինձ: Սակայն, ոչ մի ձայն չլսելով, ես նորից մոտեցա:  
Սենյակում ոչ ոք չկար: Ես դուռը բաց արի և ներս մտա: Այն-  
տեղ ոչինչ չէր փոխվել: Կահավորությունը նույն պարզու-  
թյունն ուներ:

Իմ ուշադրությունը գրավեցին ժանտաջրով կատարված  
մի քանի փորագրություններ, որոնք փակցված էին պատե-  
րին: Անցյալներում այս սենյակն այցելելիս ես դրանք չէի տես-  
սել: Դրանք այն պատմական գործիչների նկարներն էին, ո-  
րոնք իրենց կյանքը նվիրել էին որևէ մեծ գաղափարի: Ահա  
այդ գործիչները. Լեհաստանի ազատագրության համար պայ-  
քարող Կոստյուշկոն, Բոցարիսը՝ ժամանակակից Հունաստանի  
Լեոնիդեսը, Օ'Կոննելը՝ անկախ Իռլանդիայի պաշտպանը,  
Գեորգ Վաշինգտոնը՝ Հյուսիս-Ամերիկական միության հիմ-  
նադիրը, Կինկոլնը, որ ընկավ մուլեռանդ-ստրկատիրոջ գնդա-  
կով, վերջապես, նեգրերին ստրկությունից ազատագրելու  
գործի նահատակը՝ Ջոն Բրոունը, որ կախաղան էր բարձրաց-  
վել, ծանր ու տարօրինակ մի ուրվանկար, որ մատիտով նկա-  
րել էր Վիկտոր Հյուգոն:

Ինչո՞ւ նավապետ Նեմոն այդ նկարները փակցրել էր իր  
ննջարանում: Ի՞նչ կապ գոյություն ուներ այդ հերոսների և  
նրա միջև: Գուցե այդ նկարների հավաքածոն կօգնի ինձ լու-  
ծելու նրա կյանքի հանելուկը: Արդյոք նա եղե՞լ է ճնշված ժո-

դովրդի առաջնորդ, սարուկների աղատարար: Արդյոք մասնակցե՞լ է վերջին ժամանակների քաղաքական կամ սոցիալական որևէ շարժման: Գուցե նա եղել է հյուսիսային և հարավային նահանգների միջև եղած արյունոտ և ընդմիջտ անմոռանալի քաղաքացիական պատերազմի մասնակի՞ց:

Հանկարծ ժամացույցը խփեց ժամի ութը: Հենց առաջին զարկն ինձ արթնացրեց երազներից:

Ես ցնցվեցի, կարծես անտեսանելի մի աչք նկատեց իմ խոհերի դադտնիքը, և շտապ դուրս գնացի սենյակից:

Սրահում ես առաջին հերթին նայեցի կողմնացույցին: Սլաքը ցույց էր տալիս, որ մենք դարձյալ շարունակում ենք դեպի հյուսիս ընթանալ: Արագությունը շափելու գործիքը ցույց էր տալիս շափավոր արագություն, խտաշափը՝ մոտավորապես վաթսուն մետր խորություն: Այսպիսով հանգամանքները միանգամայն նպաստավոր էին Նեդ կենդի պլանն իրագործելու համար:

Ես վերադարձա իմ նավասենյակը և հագա տաք զգեստ, ծովային բարձրաճիտ կոշիկներ, մորթե գդակ, տաք բաճկոն, որ պատած էր փոկի մաշկով: Ես պատրաստ էի: Մնում էր սպասել:

«Նառտիլուսում» թագավորող խորը լռությունը խախտում էր միայն պտտվող անիվի աղմուկը: Կարելով լսողությունս, ես կանգնել էի դռան մոտ, վախենալով լսել հանկարծակի մարդկային ձայներ, որոնք պետք է ցույց տային: Թե Նեդ կենդը բռնվել է իր «հանցագործ» պլանն իրագործելու մոմենտին, ինձ տիրեց խելահեղ մի տազնապ... Իզուր էի աշխատում վերադարձնել հանգստությունս:

Ժամը իննից մի քանի րոպե պակաս ես ականջս մոտեցրի այն միջապատին, որով բաժանված էին իմ և նավապետի սենյակները: Ոչ մի ձայն: Ես դուրս եկա նավասենյակից ու մտա սրահ: Սրահը կիսով շափ լուսավորված էր և այնտեղ ոչ ոք չկար:

Ես բաց արի դեպի գրադարանը տանող դուռը: Այստեղ ևս նույն կիսախավարն ու դատարկությունը: Ես քայլեցի դեպի սանդուղքը տանող դուռը, որպեսզի այնտեղ սպասեմ Նեդ կենդի ազդանշանին:

Այդ բոպեին մեքենայի պտույտի աղմուկը բավական պահասեց, հետո էլ բոլորովին դադարեց: Ինչո՞ւ հանկարծ «Նաուտիլուսը» կանգ առավ: Արդյոք դա նպաստո՞ւմ էր Նեդ Լենդի պլանն իրագործելուն, թե՞ խանգարում էր: Ես այդ շփտեի: Հիմա լուսթյունը խախտվում էր միայն իմ սրտի սեփեղ բաբախումով:

Հանկարծ լսվեց թեթև ցնցում: Ես հասկացա, որ «Նաուտիլուսն» իջել է ծովի հատակը: Ես ավելի շատ հուզվեցի: Կանադացին ազդանշան չէր տալիս: Ես ուզում էի գնալ Նեդ Լենդի մոտ և համոզել նրան, որ հետաձգվի փախուստը: Ես զգում էի, որ այդ երեկո մեր ճանապարհորդությունն արտասովոր պայմաններում է կատարվում:

Այդ ժամանակ գրադարանի շեմքում երևաց նավապետ Նեմոն: Նկատելով ինձ, նա առանց բարևելու, բայց շատ սիրալիր տոնով ասաց.

— Հը՛, պարոն պրոֆեսոր, ես ձեզ փնտրում էի: Արդյոք դուք գիտե՞ք իսպանական պատմությունը:

Եթե նա ինձ հարցներ, գիտե՞մ արդյոք իմ հայրենիքի պատմությունը, միևնույն է, ծայրահեղ շփոթության ու անհանգստության իմ այժմյան վիճակում ես ոչինչ չէի կարող պատասխանել նրան:

— Դուք լսեցի՞ք իմ հարցը, — հարցրեց նավապետ Նեմոն, — գիտե՞ք արդյոք իսպանական պատմությունը:

— Շատ վատ, — վերջապես, ես իմ մեջ ուժ գտա պատասխանելու:

— Օ՛, այդ գիտնականնե՛րը, — ասաց նավապետը, — բացի իրենց մասնագիտությունից, նրանք ոչինչ չգիտեն: Նրատեցե՛ք, — ավելացրեց նա, — ես ձեզ մի հետաքրքիր էպիզոդ կպատմեմ այդ պատմությունից:

Նավապետը հարմար դիրքով նստեց բազմոցին: Ես հետևյալեցի նրա օրինակին, ընտրելով մի խավար անկյուն:

— Պարոն պրոֆեսոր, — ասաց նա, — ուշադրությամբ լսեցեք ինձ: Իմ պատմածը կհետաքրքրի ձեզ, քանի որ այն անուղղակի կերպով կպատասխանի մի հարցի, որ դուք անպայման տված կլինեք ձեզ և չէիք կարող լուծել:

— Ես ձեզ լսում եմ, նավապետ,— պատասխանեցի ես, անհանգստանալով այդ նախաբանից:

Ես շփտեի, թե նավապետն ինչ է ասելու և ինքս ինձ հարցնում էի, թե արդյոք նրա պատմությունը կապված է մեր փախուստի անհաջող փորձի հետ:

— Եթե թույլ կտաք, սարոն պրոֆեսոր,— շարունակեց նավապետը,— մենք կսկսենք 1702 թվականից: Թերևս դուք հիշում եք, որ այն ժամանակաշրջանում Ֆրանսիական թագավոր Լյուդովիկոս տասնվեցերորդը, որ երևակայում էր, թե բավական է մատը շարժի և Պիրենեյը գետնի տակ կանցնի, իսպանական գահին նստեցրեց իր թոռին, հերցոգ Անժուացուն: Այդ բավական անշնորհք գահաժառանգը, որ թագավորում էր Ֆիլիպ հինգերորդի անունով, ստիպված եղավ ընդհարվել ուժեղ արտաքին թշնամիների հետ:

Արդարև, մի տարի առաջ, 1701 թվականին հոլանդական, ավստրիական և անգլիական թագավորները Հաագայում կնքեցին դաշինք, որի նպատակն էր Ֆիլիպ հինգերորդի գլխից պոկել իսպանական թագը և դնել մի ոմն էրցհերցոգի գլխին, որին նրանք ժամանակից առաջ անվանում էին Կարլ երրորդ:

Իսպանիան պետք է պայքարեր այդ կռաւիցիայի դեմ: Սակայն Իսպանիան շուներ ոչ զինվորներ, ոչ էլ նավաստիներ, թեպետ փողի պակասութուն չէր զգում, եթե իհարկե ոսկով ու արծաթով բեռնված ամերիկյան նավերը կարողանային անարգել մտնել նրա նավահանգիստները: Հենց 1702 թվականի վերջին՝ Իսպանիան հարուստ փոխադրութուն էր սպասում Ամերիկայից, իսկ այդ փոխադրութունն ուղեկցում էր քսաներեք նավերից բաղկացած Ֆրանսիական մի նավախումբ՝ ծովակալ Շատո-Ռենոյի հրամանատարությամբ: Այդ ուղեկցութունն անհրաժեշտ էր, որովհետև Իսպանիայի թշնամիների միացյալ նավատորմիդը լողում էր Ատլանտյան օվկիանոսում:

Փոխադրանավերի խումբը գնում էր Կադիկս, սակայն ծովակալն իմացավ, որ Կադիկսի ջրերում գտնվում է անգլիական մի նավախումբ, և որոշեց մտնել մի որևէ Ֆրանսիական նավահանգիստ:

Բայց իսպանական նավապետները բողոքեցին այդ որոշ-



ման դեմ: Նրանք պահանջեցին անսպասման հասնել իսպանական նավահանգիստ, և քանի որ անկարելի էր ուղևորվել դեպի Կադիկս, առաջարկեցին գնալ Վիգո ծովախորշը, որ անդլիացիների կողմից պաշարված չէր:

Ծովակալ Շատո-Ռենոն թուլություն ունեցավ համաձայնվելու այդ պահանջի հետ, և նավերը մտան Վիգո ծովախորշը:

Դժբախտաբար այդ ծովախորշը բաց է ծովի կողմից, և անկարելի էր փակել նրա մուտքը: Այս պատճառով հարկավոր էր մինչև թշնամի կռալիցիայի նավատորմի ղի երևալն շտապեցնել նավերի բեռնաթափումը: Դրա համար բավականաչափ ժամանակ կար և ամեն ինչ բարեհաջող կվերջանար, եթե հանկարծ չծագեր արտոնությունները խախտելու ամենահիմար մի գործ...

— Դուք ուշադրությամբ հետևո՞ւմ եք իմ պատմածին, — հանկարծ ինքն իրեն ընդհատեց նավապետ Նեմոն:

— Մեծ ուշադրությամբ, — պատասխանեցի ես, դարմանալով, թե ինչ նպատակով է նա ինձ համար կարդում պատմական այդ դասախոսությունը:

— Այսպես ուրեմն, ես շարունակում եմ: Ահա թե ինչ կատարվեց: Կադիկսի վաճառականներն օգտվում էին այն արտոնությամբ, որով Արևմտյան Հնդկաստանից (այն ժամանակ այդպես էին անվանում Ամերիկան) ժամանող բոլոր նավերը պետք է բեռնաթափվեին Կադիկսում: Այսպիսով Վիգո ծովախորշում ոսկով բեռնված նավերի բեռնաթափումը խախտում էր այդ վաճառականների արտոնությունը: Վերջիններս բողոք ուղարկեցին Մադրիդ և թուլական Ֆիլիպ հինգերորդը կարգադրեց, որ ժամանած փոխադրությունը շախտի բեռնաթափվի ու Վիգո ծովախորշում պետք է մնա այնքան, մինչև որ դաշնակիցների նավատորմի ղր վերացնի Կադիկսի պաշարումը:

Սակայն քանի դեռ Մադրիդում ընդունվում էր այդ որոշումը, 1702 թվականի հոկտեմբերի քսաներկուսին, անդլիական նավերը մտան Վիգո ծովախորշը: Չնայելով հակառակորդի պարզապես գերազանց ուժերին, ծովակալ Շատո-Ռենոն քաջաբար ճակատամարտում էր: Տեսնելով, սակայն, որ ոսկու փոխադրությունը անխուսափելիորեն ընկնելու է թրշ-

նամիների ձեռքը, նա հրդեհեց ու ջրասույզ արեց իր նավերը, որոնք իրենց թանկարժեք բեռան հետ միասին իջան ծովի հատակը:

Նավապետ Նեմոն լռեց: Խոստովանում եմ, որ ես դեռ չէի հասկանում, թե այդ պատմությունն ինչով պիտի հետաքրքրեր ինձ:

— Հետո՞,— հարցրի ես:

— Հետո՞: Հետո այն, որ մենք այժմ գտնվում ենք հենց այդ Վիգո ծովախորշի հատակում, և միայն մեզանից է կախված նրա գաղտնիքը բանալը:

Նավապետը վեր կացավ և ինձ հրավիրեց հետևել իրեն:

Ես արդեն ուշքի էի եկել շփոթվածությունից և անկաշկանդ հետևեցի նրան:

Սրահում խավար էր: Լուսամուտների փեղկերը բաց էին և երևում էր հեռվում առկայծող ծովի ջուրը: Ես մոտեցա լուսամուտին:

Լուսարձակը կես մղոն տարածությամբ պայծառ լուսավորել էլ ջուրը: Նրա լույսն այնքան ուժեղ էր, որ կարելի չէր տեսնել ամեն մի ավազահատիկ:

«Նաուտիլուսի» անձնակազմին պատկանող նավաստիները, որ զրահազգեստ էին հագել, հատակում շուրուճուճ էին անում կիսով չափ փտած տակառներ, ջարդված արկղներ, դրանք դուրս քաշելով ուրիշ փլատակների տակից: Այդ արկղներից ու տակառներից թափվում էր ոսկին, արծաթը, թանկագին քարերը: Ամբողջ ավազը ծածկված էր դրանցով: Շալակելով արկղները կամ տակառները, նավաստիները գնում էին դեպի նավը, դարսում էին թանկարժեք բեռը և նոր պաշար վերցնելու համար վերադառնում էին այն անսպառ գանձարանը:

Հիմա ես հասկացա: Դա եղել էր ծովային ճակատամարտի թատերաբեմ: 1702 թվականի հոկտեմբերի 22-ին այստեղ ջրասույզ էին եղել այն նավերը, որոնք ոսկի էին տանում իսպանական թագավորի համար: Նավապետ Նեմոն այնտեղից ոսկի էր վերցնում, երբ այդ նրան հարկավոր էր լինում: Այդ տակառները, այդ արկղները պատկանում էին նրան, միմիայն նրան: Նա ուղղակի և միակ ժառանգն էր այդ բոլոր

հարստությունների, որ Ֆերդինանդ Կորտեսը գրավել էր ինկերից:

— Արդյոք դուք գիտեի՞ք, պարոն պրոֆեսոր, որ ծովն այդպիսի հարստություն է պարունակում, — ժպտալով հարցրեց նավապետ Նեմոն:

— Ես գիտեի միայն այն, որ ծովի ջրում լուծված վիճակում գտնվում է մոտ երկու միլիոն տոնն արծաթ:

— Այդ ճիշտ է, սակայն այդ արծաթը ջրից հանելու համար հարկավոր կլինեն ավելի շատ ծախսեր անել, քան շահ ստանալ: Մինչդեռ այստեղ հարկավոր է միայն նեղություն քաշել կռանալ, որպեսզի բարձրացնել այն, ինչ որ կորցրել են մարդիկ: Միայն վիզո ծովախորշը չէ, որ իբրև գանձարան է ծառայում ինձ համար. կան նաև նավերի խորտակման հարավոր ուրիշ, ոչ պակաս հարուստ տեղեր, որոնք նշված են իմ ստորջրյա քարտեզի վրա: Հիմա դուք հասկանո՞ւմ եք, որ իմ հարստությունը միլիարդներով է չափվում:

— Շատ լավ եմ հասկանում, նավապետ: Թույլ տվեք ասել ձեզ, որ այս վիզո ծովախորշից ոսկի հանելով, դուք առաջ եք անցել մի առևտրական ընկերությունից, որը կարող էր մրցել ձեզ հետ:

— Ի՞նչ ընկերություն:

— Մի ընկերություն, որ իսպանական կառավարությունից արտոնություն է ստացել ջրասույզ եղած նավերի որոնման աշխատանքներ կատարելու համար: Այդ ընկերության բաժնետերերը քնած են և երազում տեսնում են այդ հինգ հարյուր միլիոնը՝ ջրասույզ նավերի բեռան արժեքը որոշված էր այդ գումարի չափով:

— Հինգ հարյուր միլիոն, — կրկնեց նավապետ Նեմոն, — այդ միլիոններն այստեղ եղել են, բայց հիմա այլևս չկան:

— Հասկանում եմ, — ասացի ես, — այս պատճառով տրվյալ գործի մասնակիցներին նախազգուշացման մի քանի խոսքեր ասելը բոլորովին ավելորդ չէր լինի: Սակայն ո՞վ գիտե, թե ինչպես կընդունվի այդ նախազգուշացումը: Դուք գիտեք, որ խաղամուղներն ավելի շատ ցավում են իրենց խելահեղ հույսերի խորտակման, քան թե փողերը կորցնելու համար: 'Չը՛մ, այդ սպեկուլյանտների համար չէ, որ ես պիտի ցա-

վեմ: Ես ավելի շատ ցավում եմ այն պատճառով, որ այդ փողերը երբեք չեն հասնի հարյուր հազարավոր աղքատներին, որոնց կարիքը կարող էին թեթևացնել...

Ես դեռ չէի վերջացրել նախադասութիւնը, երբ զգացի, որ դա վիրավորեց նավապետ Նեմոյին:

— Երբեք չե՞ն հասնի աղքատներին, — բացականչեց նավապետը, — ուրեմն դուք գտնում եք, որ եթե ես եմ վերցրել այդ փողերը, ուրեմն դրանք կորա՞ծ են: Մի՞թե դուք կարծում եք, որ ես ինձ համար եմ հավաքում այդ դանձերը: Ո՞վ ասաց ձեզ, որ ես այդ փողերով բարի գործեր չեմ անում: Ես գիտեմ, որ աշխարհում դոյութիւն ունի անհուն վիշտ, կան ճնշված ժողովուրդներ, դժբախտութիւններ, որոնք օգնութիւն են պահանջում, կան զոհեր, որոնք վրեժի կոչ են անում: Մի՞թե դուք չեք հասկանում, որ...

Այստեղ նավապետ Նեմոն հանկարծ լռեց: Գուցե նա զրոջաց, որ հուզմունքի ազդեցութեան տակ ավելորդ բան է ասել: Սակայն ես առանց այն էլ ամեն ինչ հասկացա: Ինչպիսի պատճառներ էլ որ լինեին, որոնք նրան ստիպում էին անկախութիւն որոնել ջրի տակ, այնուամենայնիւ նաև այդ ամենից առաջ մնում էր իբրև մարդ: Մարդկութեան տառապանքների դիտակցութիւնը ճմլում էր նրա սիրտը, և նա առատաձեռնութեամբ օգնութիւն էր հասցնում ճնշված ժողովուրդներին և անհատ մարդկանց:

Հիմա ես հասկացա, թե ում համար էին այն միլիոնները, որ նավապետ Նեմոն ուղարկեց մի օր, երբ «Նաուտիլուսը» գտնվում էր ապստամբված Կրետե կղզու մոտ:

## ԳԼՈՒԽ ԻՆՆԵՐՈՐԴ

### ԿՈՐԱՍ ՄԱՅՐ ՑԱՄԱՔԸ

Հետևյալ առավոտյան, փետրվարի 19-ին, ինձ մոտ մտավ կանադացին: Ես սպասում էի այդ այցելութեան:

Նեղ կենդր խիստ ընկճված տեսք ուներ:

— Ի՞նչ կասեք, պարոն պրոֆեսոր, — սկսեց նա:

— Ի՞նչ կարելի է ասել, Նեդ,— սլատասխանեցի ես,—  
սլատահականությունը դավաճանեց մեզ:

— Այո... Կարծես թե այդ անիծված նավապետն իր նավը  
սխալ կանգնեցներ հենց այն բուրգին, երբ մենք պատրաստ-  
վում էինք փախչելու:

— Ի՞նչ արած, Նեդ, նա պետք է այցելեր իր բանկիրին:

— Բանկիրի՞ն:

Նեդը զարմացած շուք աչքերը:

— Ավելի ճիշտ՝ իր բանկի դրամարկղը: Ես նկատի ունեմ  
օվկիանոսի հատակը, ուր հարստությունն ավելի ապահով է  
պահվում, քան որևէ պետական պահեստարանում:

Եվ ես Նեդ Լենդին սատմեցի նախընթաց երեկոյան դեպ-  
քերը, դադարնաբար հուսալով, որ իմ սատմածը նրան կհաշ-  
տեցնի նավապետի հետ և կստիպի հրաժարվել փախչելու  
մտքից:

Սակայն միակ արդյունքը եղավ Նեդ Լենդի այն դառն ասի-  
սոսանքը, որ իրեն չի հաջողվել անձամբ զբոսնել Վիգոյի մոտ  
եղած ճակատամարտի տեղում և այնտեղից իրական հիշո-  
ղություններ տանել այդ զբոսանքի մասին:

— Այնուամենայնիվ,— ասաց նա, վերադառնալով իրեն  
զբաղեցնող մտքին,— դեռևս ոչինչ չի կորած: Այն, ինչ որ շահ-  
ջողվեց երեկ երեկոյան, կարող է հաջողվել այսօր...

— Ո՛ւր է գնում «Նաուտիլուսը»,— ընդհատեցի ես Նեդ  
Լենդին:

— Չգիտեմ:

— Կեսօրին կդիտենք քարտեզը:

Կանադացին վերադարձավ Կոնսելի մոտ: Ես հագնվեցի և  
շտապեցի սրահ:

Կողմնացույցի տվյալներն անմխիթարական էին: «Նաու-  
տիլուսը» ընթանում էր դեպի հարավ-արևմուտք: Մենք մեջ-  
քերով դարձանք դեպի Եվրոպա:

Ես անհամբերությամբ սպասում էի կեսօրվա դիտողու-  
թյուններին, որոնց արդյունքն անմիջապես նշվում է քարտե-  
զի վրա:

Տասնմեկն անց կեսին պոմպերը դատարկեցին պահաման-  
ները, և «Նաուտիլուսը» դուրս եկավ օվկիանոսի մակերևույթը:



Ես բարձրացա տախտակամածը: Նեղ Լենդն ինձանից առաջ անցավ:

Ոչ մի ցամաք չէր երևում: Շուրջը ծովն էր անծայրածիր: Մի քանի առազաստանավեր երևում էին հորիզոնում, հավանորեն բարեհաջող քամու էին սպասում, որպեսզի անցնեն Բարեհուսո հրվանդանը և հասնեն մինչև ս. Ռոկի հրվանդանը: Երկինքը սպառած էր ամպերով: Հստ երևույթին փոթորիկ էր լինելու:

Հուսալքված Նեղ Լենդն աշխատում էր մանրագնին դիտել ամպամած հորիզոնը. նա հույս ուներ, որ մառախուղում կը տեսնի բաղձալի ցամաքը:

Կեսօրին կարճ ժամանակով երևաց արևը: Նավապետի օգնականն օգտվեց դրանից, որպեսզի դիտողություններ կատարի: Ծովը սկսեց սաստիկ ալեկոծվել, և այս պատճառով «Նաուտիլուսն» անմիջապես վերստին ջրասույզ եղավ:

Մի ժամից հետո, երբ նավի դրությունը նշվեց քարտեզի վրա, ես տեսա, որ մենք գտնվում ենք ամենամոտ ցամաքից վեց հարյուր կիլոմետր տարածության վրա,  $16^{\circ}17'$  երկարության և  $33^{\circ}22'$  լայնության տակ: Այս պայմաններում բոլորովին ավելորդ էր մտածել փախչելու մասին:

Դժվար չէ պատկերացնել, թե որքան վշտացավ կանադացին, երբ իմացավ այդ լուրը:

Ինչ վերաբերում է ինձ, ես այնքան էլ չէի ցավում: Ընդհակառակը, կարծես սիրտս ազատվեց ինչ-որ ծանրությունից, և ես մեծագույն հաճույքով վերսկսեցի իմ ընթացիկ աշխատանքները:

Ուշ երեկոյան, ժամը մոտ տասնմեկին նավապետ Նեմոն անակրնկալ կերպով եկավ ինձ մոտ: Նա շատ սիրալիր կերպով հարցրեց ինձ, թե արդյոք չե՞մ հոգնել երեկ երկար ժամանակ արթուն մնալուց: Ես պատասխանեցի, թե բոլորովին չեմ հոգնել:

— Այդ դեպքում, պարոն պրոֆեսոր, ես ձեզ առաջարկում եմ մասնակցել մի շատ հետաքրքիր արշավի, — ասաց նա:

— Խնդրեմ, նավապետ:

— Մինչև այժմ դուք ծովի հատակն էիք այցելում միայն

ցերեկը, արևի լույսի տակ: Ուզո՞ւմ եք այն տեսնել մթին գիշերով:

— Մեծ հաճույքով:

— Նախազգուշացնում եմ ձեզ, որ զբոսանքը հոգնեցուցիչ կլինի: Հարկավոր կլինի շատ քայլել և բարձրանալ սարը: Ինչպես ձեզ հայտնի է, այստեղ ճանապարհներն անհուսալի վիճակում են:

— Դուք միայն գրգռեցիք իմ հետաքրքրությունը, նավապետ: Ես պատրաստ եմ հետևելու ձեզ:

— Այդ դեպքում գնանք հանդերձարան, պարոն պրոֆեսոր: Հարկավոր է հագնել զրահազգեստները:

Հանդերձարանում ես տեսա, որ ոչ «Նաուտիլուսի» անձնակազմին պատկանող նավաստիները, ոչ էլ իմ ընկերները մեզ չէին ուղեկցելու այդ զբոսանքի ժամանակ: Նավապետ Նեմոն նույնիսկ շառաջարկեց ինձ հրավիրել Նեդ Լենդին և Կոնսելին:

Մենք արագ հագանք զրահազգեստները: Մեր մեջքին կապեցին օդի մեծ պաշարով լցված պահամաններ: Սակայն մոռակորֆի ապարատներ և էլեկտրական լամպեր մենք չվերցրինք:

Ես նավապետի ուշադրությունը հրավիրեցի այդ հանգամանքի վրա:

— Դրանք մեզ հարկավոր չեն լինի, — պատասխանեց նա: Ինձ թվաց, որ ես լավ ըստեցի, բայց իմ դիտողությունը կրկնել չկարողացա, որովհետև նավապետն արդեն սաղավարտով ծածկեց գլուխն ու դիմքը: Ես հետևեցի նրա օրինակին: Ինձ տվին երկաթով պատած մի ձեռնափայտ և մի քանի բոլորակ հետո մենք Ատլանտյան օվկիանոսի հատակում էինք, երեք հարյուր մետր խորության տակ:

Մոտենում էր կեսգիշերը: Ջրի մեջ բուրբուղի մուխ էր, սակայն նավապետ Նեմոն ինձ ցույց տվեց ինչ-որ մի կարմիր կետ, որ «Նաուտիլուսից» երկու մղոնի վրա առկայծում էր խարույկի նման: Ես չէի կարողանում հասկանալ, թե ի՞նչ կրակ էր դա, ի՞նչպես և ինչո՞ւ էր վառվում ջրի տակ: Ինչ-և՛հիցե, այդ կրակը թեպետև թույլ շափով, այնուամենայնիվ

լուսավորում էր մեր ճանապարհը, այնպես որ Ռուսկորժի ապարատների կարիքը չէր զգացվում:

Նավապետ Նեմոյի հետ միասին ես քայլում էի ուղիղ դեպի այդ կրակը: Սկզբում հատակը հարթ էր, հետո նկատելի կերպով բարձրանում էր:

Մենք գնում էինք լայն քայլերով, հենվելով ձեռնափայտերին, սակայն, շնայելով դրան, մեր ընթացքը բավական դանդաղ էր, որովհետև տաներս հաճախ թաղվում էին տիղմի մեջ:

Ամբողջ ճանապարհին վերեից ինչ-որ թրխկոց էր լսվում: Երբեմն թրխկոցն ուժեղանում էր, հիշեցնելով թմբուկի դարկը: Շուտով ես գլխի ընկա, թե ինչն էր այդ աղմուկի պատճառը: Օվկիանոսի վրա անձրև էր գալիս և խոշոր կաթիլներն անընդհատ խփում էին ալիքներին: Սկզբում ես վախեցա, թե կթրջվեմ, բայց խեղույն ծիծաղեցի այդ մտքի անհեթեթությունն: Գտնվելով ջրի տակ և վախենալ անձրևի՛ց: Սակայն բանն այն է, որ զրահազգեստի մեջ շեռ զգում, որ գտնվում ես ջրում և միայն նկատում ես, որ քո շրջապատն օդից ավելի թանձր է:

Կես ժամ քայլելուց հետո մենք հասանք քարքարոտ տեղեր: Հատակը լուսավորված էր մեզուզաների, մանրիկ խեցգետնամանների ֆոսֆորային աղոտ փայլով: Տեղ-տեղ քարերը ծածկված էին զոոֆիտներով կամ ջրիմուռներով: Ես մի քանի անգամ սայթափեցի տղմոտ գորգի վրա, և եթե ձեռնափայտս չլիներ, անկասկած, մի քանի անգամ կընկնեի: Ես ետ նայեցի ու տեսա «Նաուտիլուսի» լուսարձակը, որ հետըհետե գունատվում էր հեռվում:

Օվկիանոսի հատակում քարերը կուտակված էին կարծես ոչ պատահաբար, այլ որոշ կանոնավորությամբ:

Ես տեսնում էի ինչ-որ ուղիղ փոսեր կամ ակոսներ, որոնք կորչում էին հեռվում, խավարում: Տեսնում էի նաև ինչ-որ տարօրինակ երևույթներ, որոնք ինձ համար մնում էին անբացատրելի: Ինձ թվում էր, որ իմ ծանր, արճիճով պատած կոշիկներով քայլում եմ ոսկորների վրա, որոնք ճզմվում են և ճաքճքում: Ի՞նչ տարօրինակ տեղ էր այդ ընդարձակ հովիտը, ուր մենք քայլում էինք: Ես ուզում էի հարց տալ նավա-

պետին, սակայն շղթանի աջն տարջմանահամե նշանները, որոն-  
ցով նա խառում էր իր նավաստիների հետ, երբ վերջիններս  
ուղեկցում էին նրան ատորջրյա էքսկուրսիաների ժամանակը:

Մինչ այս մինչ այն, կարմրավուն լույսը, որ մեզ համար  
իրեն ուղեցուց աստղ էր ծառայում, ուժեղանում էր ու լու-  
սավորում ամբողջ հորիզոնը: Ջրի տակ վառվող այդ կրակը  
ծայրահեղորեն գրավեց իմ հետաքրքրուիչունը: Արդյոք էլեկ-  
տրականութունի՞ց էր այդ լույսը, թե դա մի որևէ արտասո-  
վոր երևույթ էր, որն անժանոթ էր գիտնականներին: Գուցե,  
իմ մեջ նաև այսպիսի միտք ծագեց, այդ կրակը մարդոս մի-  
ջոցով էր վառվում: Գուցե արյատեղ, ջրի այս խորը շերտերում  
ես կհանդիպեմ նավաստի նեմոյի բարեկամներին և համա-  
խոհներին, որոնք նրա պես տարօրինակ կյանք են վարում:  
Մի՞թե այստեղ ես կգտնեմ արտրականների մի ամբողջ գա-  
ղութ, որոնք հոգնել են մարդկային անարդարութունից և օղ-  
կիանոսի հատակում իրենց համար անկախ ու անդորր ա-  
պաստան են գտել:

Այս անիմաստ, խելահեղ ցնորքներն ամբողջ ժամանակ  
գրադեցրել էին ինձ: Ավ այդ զարմանալի շէ: Մշտական հուզ-  
մունքի այն վիճակում, որի մեջ ես գտնվում էի նորանոր  
հրաշքներ տեսնելու շնորհիվ, ես նույնիսկ շէի զարմանա, եթե  
ձովի խորքում տեսնեի ատորջրյա այն քաղաքներից մեկը,  
որոնց մասին երազում էր նավաստի նեմոն:

Մեր ճանապարհը հետզհետե ազդեի պայծառ էր լուսավոր-  
վում: Կույսի աղբյուրը գտնվում էր հատակից մոտ ութսուն  
ոտնաչափ բարձր մի սարի գագաթին: Իմ շուրջը տարածված  
լույսն այդ աղբյուրի ճառագայթների բեկումն էր ջրի մեջ, իսկ  
ինքը, լույսի աղբյուրն առաջիկա պես անտեսանելի էր մնում:

Նավաստի նեմոն առանց սաստառելիլու բայքում էր հարա-  
կի քարե լաբիրինթոսով: Նա լավ գիտեր այդ միջին ճանա-  
պարհը: Պարզ է, որ նա այնքան հաճախ էր անցել այդ ճա-  
նապարհով, որ շէի վախենում շեղվելուց: Սա, վատահուիթյամբ  
համակված, հետևում էր նրան: Նավաստին ինձ երևում էր  
օբյեկտ մի գերբնական էակ, ատորջրյա հանճար, և ես զմայլ-  
վում էի նրա բարձր հասակով, որի միջին ուրվագիծը ընդգր-  
վում էր հորիզոնի պայծառ ֆոնի վրա:

Արդեն գիշերվա ժամը մեկն էր: Մենք մոտեցանք լեռան ստորոտին: Սակայն հնարավոր չէր ուղիղ ճանապարհով բարձրանալ այդ սարը, և մենք սկսեցինք մագլցել խիտ անտառում գտնվող նեղ կածաններով:

Այո, դա անտառ էր, թեև բաղկացած էր մեռած, սաղարթազուրկ, աղի ջրում ածխացած ծառերից, այնուամենայնիվ իսկական անտառ էր: Այստեղ ու այնտեղ բարձրանում էին վիթխարի նոճիները: Դա քարածուխ էր, որ դեռ չէր շերտավորվել, դեռ կանգնած էր ուղղահայաց վիճակում, մեռած արմատներով հատակին կառչելով: Քարացած ծառերի ճյուղերը դեռ թեքված էին բոլոր կողմերը և լուսավորված ջրում աչքի էին ընկնում իրենց թափանցիկ սևուխյամբ: Կածանները ծածկված էին ջրիմուռներով, որոնց մեջ վիտում էին հազարավոր խեցգետնամաններ: Ես բարձրանում էի ժայռերի վրա, ցատկում էի փոթորիկներից ընկած ծառաբների վրայով: Կոկում էի ճանապարհը փակող ծովային լիանանների ոստայներ, քայլելիս վախեցնում էի ձկներին, որոնք կարծես ոստից ոստ էին թռչում:

Այդ ամենով գերված, ես հոգնածուլթյուն չէի զգում ու ետ չէի մնում իմ ուղեկցից, որ ըստ երևույթին նույնպես հոգնածուլթյուն չէր զգում:

Ինչպիսի՞ անմոռանալի տեսարան: Ինչպե՞ս դա նկարագրել խոսքերով: Ինչպիսի՞ գույներով պատկերել ջրում եղած ծառերն ու ժայռերը, նրանց ստորին մռայլ մասերն և կարմիր գագաթները, որ առկայծում էին ու ծիածանվում բեկված ճառագայթների համատարած լույսերում:

Մենք ցատկում էինք ժայռից ժայռ և լսում, թե ինչպե՞ս քիչ առաջ մեր թողած ժայռերը ներքև են գլորվում ընկնող ճյունակուլտերի խուլ դղրդյունով: Աջ և ձախ, դեպի հեռուն էին ձգվում մռայլ ծառուղիները և մեր հայացքը կորչում էր նրանց խորքում: Մենք տեսնում էինք լայնատարած մարգագետիններ, որոնք կարծես մաքրված էին մարդու ձեռքով, և ես ակամա հարց էի տալիս ինքս ինձ, ի՞նչ կլինի, եթե հանկարծ մեր առաջ երևա այդ ստորջրյա երկրի բնակիչներից մեկն ու մեկը:

Նավապետ Նեմոն շարունակ առաջ էր գնում: Ես չէի ուն



զում ետ մնալ և քաջաբար հետևում էի նրան: Չեռնափայտն էական օգնություն էր հասցնում ինձ: Միայն մի անգգույշ քայլը կործանարար կլիներ այդ նեղ, անդնդի եզրից անցնող կածաններում: Սակայն ես վստահությամբ առաջ էի շարժվում, առանց ամենաշնչին գլխապտույտ զգալու: Ես թռչում էի խորխորատների վրայով, որոնց խորությունը, եթե դրանց ես հանդիպեի երկրի սառցադաշտերում, ինձ կստիպեր ետ փախչել: Ես խիզախությամբ անցնում էի անդունդները, որպես կամուրջ օգտագործելով այն ծառերի տատանվող բնե-րը, որոնք ընկած էին այդ անդունդների վրա. ոչ մի անգամ չէի նայում, թե ինչ կա ոտներիս տակ, և շարունակ զմայլվում էի իմ առջև եղած տեսարանների արտասովոր դեղեցկու-թյամբ: Վեհապանժ ժայռերը, որ թեքվել էին իրենց բազմա-ձև ստորոտների վրա, կարծես հերքում էին հավասարակը-ռության բոլոր օրենքները: Նույն տեղում լայն, բնության հըղ-կած աշտարակներն արահետների վրա կախված էին այն-պիսի դիրքով, որ ձգողության օրենքները թույլ չէին տա ցա-մաքում:

Ես ինքս էլ մեծ շափով զգում էի ջրային միջավայրի թանձ-րությունը. շնայելով իմ ծանր հագուստին, պղնձե սաղավար-տին և կոշիկներիս արճճապատ ներբաններին, ես պիղծենեյան այծյամի թեթևությամբ բարձրանում էի գրեթե ուղղահայաց ժայռերը:

Ես ինքս զգում էի, թե որչափ անհավանական է թվում իմ պատմածի այս մասը: Ես պետք է նկարագրեմ այնպիսի երևույթներ, որոնք առաջին հայացքից թվում են անհավա-նական, անհնարին, բայց որոնք միևնույն ժամանակ իրոք գոյություն ունեն: Ես չէի զառանցում, չէի երազում: Այդ ա-մենը ես տեսնում էի և զգում:

«Նառատիլուսից» հեռանալուց երկու ժամ հետո մենք ան-ցանք անտառների գիծը, և հիմա սարի գագաթը գտնվում էր մեզնից ընդամենը հարյուր ոտնաչափ տարածության վրա:

Այստեղ երևում էին միայն նոսր թփուտներ, որոնք նման էին ինչ-որ տարօրինակ նախշերի: Մեր ոտների տակից դուրս էին պրծնում բազմաթիվ ձկներ, ինչպես վախեցած թռչուն-ները՝ փարթամ կանաչների միջից:

Ժայռոտ զանգվածը կտրատված էր անանցանելի ճեղք-  
վածքներով, խորն անձավներով, անհատակ անդունդներով,  
որոնց խորքում, ինչպես ինձ թվում էր, սարսափելի բաներ  
կային: Սիրտս ուժգին բաբախում էր, երբ ճանապարհին  
տեսնում էի կենդանիների վիթխարի շոշափուկները կամ սար-  
սափելի շանչերը, որոնք մի կողմ էին անցնում, երբ մենք  
մոտենում էինք: Հաղարավոր պայծառ կետեր փայլում էին  
խավարում: Դրանք աչքեր էին հսկայական խաչփառների,  
որոնք թաքնվել էին իենց որջերում, վիթխարի օմարների,  
որոնք շարժում էին կրկնատեղ գեղարդի նմանվող իրենց թա-  
թերը, դարձուրելի ութոտնիկների, որոնց ահագին շոշափուկ-  
ները գալարվում էին, ինչպես իրար վրա կուտակված օձեր:

Ինձ դեռևս անծանոթ հրեշների աշխարհն էր դա: Ի՞նչ տե-  
սակների են պատկանում այդ հողվածոտանիները, որոնց  
համար ժայռերը ծառայում էին իբրև մի երկրորդ վահան:  
Ինչպե՞ս կարող էր բնությունը պահպանել նրանց դոյության  
գաղտնիքը: Քանի՞ դար նրանք ապրում են օվկիանոսի այդ  
խորքերում:

Սակայն ես կանգ առնելու և դրանց լավ դիտելու հնարա-  
վորություն չունեի: Նավապետ Նեմոն, որ վաղուց ընտելացել  
էր այդ սարսափելի արարածներին, անցնում էր առանց ու-  
շադրություն դարձնելու:

Մենք բարձրացանք լեռան առաջին հարթակը և այստեղ  
ես տեսա մարդու ձեռքով կառուցված երբեմնի բնակավայ-  
րերի ավերակները: Դրանք հսկայական քարակույտեր էին,  
որոնց մեջ կարելի էր նկատել պալատների, տաճարների,  
տների ավերակները: Այդ բոլորը հիմա ծածկված էր դոռ-  
ֆիտների դալար այգիներով ու պատած ջրիմուռների կանաչ  
բաղեղով:

Սակայն դա ցամաքի ո՞ր մասն էր եղել և ի՞նչ վթարի,  
հետևանքով էր անցել ջրի տակ: Որտե՞ղ էի գտնվում ես: Ո՞ւր  
էր ինձ հասցրել նավապետ Նեմոյի երևակայությունը:

Ես ուղում էի նրան հարցուփորձ անել: Հնարավորություն  
չունենալով կանչելու, ես բռնեցի նրա թևից: Սակայն նա օ-  
րորեց սաղավարտի մեջ գտնվող գլուխը և ձեռքով ցույց տվեց  
լեռան գագաթը, կարծես ասելով ինձ:

— Քայլիր առաջ, քայլիր առա՛ջ:

Հավաքելով վերջին ուժերս, ես հետևեցի նրան և մի քանի րոպեում բարձրացա լեռան դագաթը, որ քսան մետրի շափ բարձր էր ժայռոտ զանգվածից:

Ես նայեցի այն լանջին, որով մենք բարձրացել էինք: Այս կողմից սարը հովիտից բարձր էր ոչ ավելի, քան յոթ հարյուր կամ ութ հարյուր ոտնաչափ: Սակայն հսկադիր կողմի բարձրությունը կլիներ առնվազն հազար հինգ հարյուր ոտնաչափ: Ես ապշած դիտում էի իմ առջև բացված վիթխարի, պայծառ լուսավորված հարթավայրը: Մեզանից հիսուն ոտնաչափ դեպի ներքև գտնվում էր մի լայն խառնարան: Լավացի հեղեղները հրեղեն ջրվեժների նման հոսում էին խառնարանի լանջից:

Այդ հրաբուխը, որպես վիթխարի մի ջահ, պայծառ լույսով լուսավորում էր ներքևում փռված հարթավայրը, որը տարածվել էր մինչև տեսանելի հորիզոնի վերջին սահմանը:

Հրաբուխը լավա էր ժայթքում, ոչ բոց, որովհետև բոցի համար հարկավոր է օդում եղած թթվածինը և կրակը չի կարող վառվել ջրի տակ: Սակայն երկրի խորքերում շիկացած լավան, լցվելով ջրի մեջ, կարող է երկար ժամանակ և հաջողությամբ մաքառել ջրի հետ, գոլորշիացնել այն, մինչև որ ինքն էլ սառչի: Բարեխառնությունների տարբերության հետևանքով առաջացած արագ հոսանքը մի կողմ էր տանում ջրի գոլորշին, իսկ հրեղեն լավացի հեղեղներն իջնում էին մինչև լեռան ստորոտը:

Իմ աչքերի առջև փռված էր մեռած քաղաքը, ավերակների կույտը փլված կտուրներով, քանդված պատերով, տաճարների շուռ եկած կամարներով, գետնին ընկած սյուներով: Հեռվում, հարթավայրում երևում էին վիթխարի ջրմուղի ավերակները, ավելի մոտիկ, լեռան ստորոտում՝ վեհապանծ Ակրոպոլի մնացորդները, որի ձևերը մասամբ հիշեցնում էին Աթենքի Պարթենոնը: Այնտեղ էին առափնյա փողոցի դեռևս մնացած առանձին մասերը, անտիկ նավակայանի անկյունները՝ շքացած մայր ցամաքի ավերում, որ իբրև ապաստան էր ծառայում առևտրական նավերի, ինչպես նաև ռազմական:

վերի համար: Ավելի հեռու երևում էին քանդված պատերի երկար գծերը՝ նախկին փողոցների հետքերը:

Այդ նոր Պոմպեյն էր, որ նավապետ Նեմոյի շնորհիվ հարուստն առավ իմ աչքերի առաջ:

Որտե՞ղ էի գտնվում ես: Ուզում էի այդ իմանալ ինչ կերպ էլ լինի: Ես այդ մասին ուզում էի հարցնել նավապետ Նեմոյին, թեկուզ դրա համար հարկավոր լիներ հանել պղնձի սաղավարտը, որի մեջ գերի էր մնացել իմ գլուխը:

Սակայն նավապետ Նեմոն ինքը մոտեցավ ինձ: Կռանալով ու վերցնելով մի կտոր կավիճ, նա մոտեցավ բազալտի սև ժայռին և մակագրեց միայն մի բառ.

**ԱՏԼԱՆՏԻՊԱ:**

Ուղեղիս միջով կարծես կայծակ անցավ: Պլատոնի Ատլանտիդա՛ն, Ատլանտիդա՛ն, որի գոյությունը ժխտում էին՝ Օրիգենը, Պորֆիրիոսը, դ'Անվիլը, Մայլտերենը, Հումբոլտը, կարծելով, որ այդ շքացած մայր ցամաքն ուրիշ բան չէ, բայց եթե մի գեղեցիկ առասպել: Ատլանտիդան, որի գոյությունն ընդունում էին՝ Պլինիոսը, Ամիան, Մարցելլինը, Տերտուլիանոսը, Էնգելը, Շիրերը, Թուրնեֆորը, Բյուֆոնը, դ'Ավերդակը, այդ Ատլանտիդան փովում էր իմ աչքերի առաջ, պահպանելով իրեն վիճակված աղետի հետքերը: Եվ այսպես, ահա թե ուր էր այդ ջրասույզ երկիրը, որի մասին գիտեին միայն այն, որ նա գտնվում է Եվրոպայից դուրս, Ասիայից ու Լիբիայից դուրս, Հերկուլեսյան սյուներից այն կողմ, և որ այդ երկրում բնակվում էր ատլանտների հզոր ցեղը, ատլանտների որոնց դեմ հնադարյան հույները ձեռնարկում էին իրենց առաջին պատերազմները:

Պլատոնի տարեգրություններում պահպանվել է այն հերոսական ժամանակվա մեծ գործերի նկարագրությունը: Ահա թե Ատլանտիդայի մասին ինչ է ասված Տիմեոսի և Կրիտիասի խոսակցության մեջ.

Մի անգամ Սոլոնը զրույց էր անում Սախի մի քանի իմաստուն ծերունիների հետ: Սախը քաղաք էր, որ դեռ այն ժամանակ ութ հարյուր տարվա անցյալ ուներ, իսկ այդ պացուցվում էր նրա տաճարի սրբազան պատի վրա եղած փորագրություններով: Այդ ծերունիներից մեկը՝ Սոլոնին

պատմեց մի ուրիշ, Սախից ավելի հին քաղաքի պատմությունը: Այդ քաղաքը, որ ինը դարի ընթացքում գոյություն է ունեցել, գրավվել և մասամբ ավերվել է ատլանտների ձեռքով:

— Ատլանտները, — պատմում էր ծերունին, — ապրում էին մի հսկայական ցամաքում, որ ավելի մեծ էր, քան Ասիան և Աֆրիկան միասին վերցրած, և գրավում էր հյուսիսային լայնության տասներկուերորդ և քառասուներորդ աստիճանների միջև ընկած տարածությունը: Ատլանտների իշխանությունը տարածվում էր նույնիսկ Եգիպտոսի վրա: Նրանք ուզում էին իրենց ենթարկել նաև Հելլադան, սակայն ստիպված եղան նահանջել քաջաբար դիմադրող հելենների առաջ:

Սակայն տեղի ունեցավ աղետը՝ հեղեղումն ու երկրաշարժը:

Բավական էր մի օր և մի գիշեր, որ երկրի երեսից շքանար Ատլանտիդան, և միայն նրա ամենաբարձր գագաթները՝ Մադերան, Ազորյան կղզիները, Կանարյան կղզիները, Կանաչ հրվանդանի կղզիները մնացին օվկիանոսի մակերևութին...

Ահա այն պատմական հիշողությունները, որ ուղեղիս մեջ արթնացրեց նավապետ Նեմոյի գրած բառը: Այսպես ուրեմն, բախտն ինձ այսօր նետեց այդ շքացած ցամաքի լեռներից մեկի գագաթը, թույլ տվեց ձեռքով շոշափել բաղմահազար տարիներ գոյություն ունեցած շենքերի ավերակները: Ես քայլում էի այն հողի վրա, ուր քայլել էին երկրի առաջին բնակիչները: Իմ կոշիկները արճճապատ ներբանների տակ շրջիկում էին այն կենդանիների կմախքները, որոնք ամենահին, հեռավոր ժամանակներում ապրել էին այդ ծառերի հովանու տակ, ծառեր, որոնք արդեն հազարամյակների ընթացքում քնած էին քարե քնով:

Ա՛խ, ափսո՛ս, որ ես ժամանակ չունեի, թե չէ կիջնեի լեռան սեպ լանջով և ծայրեծար կանցնեի այդ հսկայական մայր ցամաքը, որ հավանորեն մի ժամանակ միացնում էր Աֆրիկան և Ամերիկան: Ես կայցելեի նրա բոլոր քաղաքները, որոնք գոյություն են ունեցել ջրհեղեղից առաջ, կառուց-



վել էին հարյուրամյակներ ապրող հսկաների ձեռքով, որոնք այնպիսի վիթխարի ուժ են ունեցել, որ նրանց կառուցած շենքերը բազմահազար տարիներ դիմադրում են ջրի ավերիչ ներգործության... Գուցե կգա մի օր, երբ տեկտոնիկ պրոցեսը նորից ջրի երեսը կբարձրացնի ծովի հատակում թաղված այդ ավերակները: Չէ՞ որ մեզ հայտնի են օվկիանոսի այդ մասում գործող մի ամբողջ շարք հրաբուխները: Քիչ չեն այն ծովագնացները, որոնք նշել են այդ անհանգիստ ջրերում իրենց նավերը ցնցող ուժեղ երկրաշարժերը: Ոմանք լսել են զայրացած տարերքի պայքարի խուլ աղմուկը, մյուսները՝ նկատել են ջրի վրա լողացող հրաբխային մոխիրն ու փոշին: Մեր մոլորակի այդ ամբողջ մասը, մինչև հասարակածը, հրաբխային ուժեղ գործունեության բնագավառ է: Ո՞վ գիտե, գուցե և իսկապես հեռավոր ապագայում լավայի շերտերը, որ հաճախակի ժայթքումների հետևանքով մեկմեկու վրա են կուտակվում, հրաբխային լեռների գազաթները նորից դուրս կբերեն օվկիանոսի երեսը:

Այն ժամանակ, երբ ես անձնատուր էի եղել այդ ցնորքների, միաժամանակ աշխատելով հիշողությանս մեջ տպավորել այդ հոյակապ տեսարանի բոլոր մանրամասնությունները, նավապետ Նեմոն ինքնամոռացման մեջ, լուռ կանգնել էր ու հենվել ջրիմուռներով ծածկված սյանը: Արդյոք նա չքացած սերունդների մասին էր մտածում: Արդյոք ինքն իրեն հարց տալի՞ս էր ապագա սերունդների բախտի մասին: Թե՞ այդ տարօրինակ մարդը, որ ատում էր ժամանակակից աշխարհը, այստեղ էր դալիս, որպեսզի ասլրի հնադարյան մարդկանց կյանքով: Ի՞նչ ասես չէի տա, որպեսզի իմանայի նրա մտքերը:

Մի ժամվա շափ մենք մնացինք այնտեղ, դիտելով ընդարձակ հարթավայրը, որ լավայի ժայթքող հեղեղներով լուսավորված էր այնպես պայծառ, ինչպես երկիրը լուսավորվում է արևով: Կուսան լանջերը երբեմն ցնցվում էին դետնի տակ լավայի եռալույց: Ջրի միջից պարզ լավում էր ահեղ ու վեհապանծ մի խուլ աղմուկ:

Այդ բոպիին լուսնի ճառագայթները թափանցեցին ջրի շերտերը և մի պահ լուսավորեցին ջրասույց պամարը: Անկառ

րելի է խոսքերով արտահայտել այդ տեսարանի ցնցող տպու-  
վորութիւնը: Նավապետ Նեմոն հանկարծ հեռացավ սյունից,  
վերջին անգամ դիտեց անծայրածիր հարթավայրը և ասլա ինձ  
նշան արեց, որպէսզի հետևեմ իրեն:

Մենք արագ իջանք սարից: Հենց որ դուրս եկանք ածխա-  
ցած անտառից, հեռվում ես տեսա «Նաուտիլուսի» լուսար-  
ձակը, որ շողշողում էր աստղի նման:

Նավապետը քայլեց ուղիւ դեպի լուսարձակը: Մենք վե-  
րագարձանք նավն այն ժամանակ, երբ արշալույսի առաջին  
ճառագայթները լուսավորեցին հորիզոնը:

## Գ.ԼՈՒԽ ՏԱՍՆԵՐՈՐԴ

### ՍՏՈՐՋՐՅԱ ԱՄԽԱՀԱՆՔԵՐ

Հետևյալ օրը, փետրվարի 20-ին, ես շատ ուշ արթնացա:  
Գիշերային զբոսանքն այնպէս էր հոգնեցրել ինձ, որ քնեցի,  
մինչև ժամը տասնմեկը: Ես արագ հագնվեցի և մտա սրահ:  
Ես անհամբերութեամբ ուղում էի իմանալ «Նաուտիլուսի» ըն-  
թացքի ուղղութիւնը:

Համապատասխան պարագաներն ինձ ցույց տվեցին, որ  
նավը շարունակում է ընթանալ դեպի հարավ, մեկ ժամում  
քսան մղոն արագութեամբ և հազար մետր խորութեամբ:

Կոնսելը մտավ սրահ: Ես նրան պատմեցի մեր գիշերա-  
յին զբոսանքի մասին: Այդ ժամանակ բացվեցին լուսամուտ-  
ների փեղկերը, և նա կարողացավ տեսնել ջրասույզ ցամաքի  
մի մասը:

«Նաուտիլուսն» ընթանում էր Ատլանտիդայի «հողից» ըն-  
դամենը տասը մետր բարձրութեան վրա: Նավը սլանում էր  
ինչպէս օդապարիկ, որին երկրի վրայով տանում է քամին:  
Սակայն ավելի ճիշտ կլիներ մեր տպավորութիւնները համե-  
մատել ճեպընթաց գնացքի այն ճանապարհորդների տպավո-  
րութիւնների հետ, որոնք վագոնի լուսամուտից դիտում են  
իրենց առջևից անցնող տեսարանները:

Մենք տեսնում էինք ժայռերի, անտառների, թփուտների ֆանտաստիկ ուրվագծերը: Դրանք բուսական աշխարհից դարձել էին հանքային աշխարհ: Մենք տեսնում էինք քարակույտեր և շենքերի փլատակներ, որոնք ծածկված էին ասցիտիաների, անեմոնների, ջրմուռների գորգերով. վերջապես, տեսնում էինք լավայի կոշտեր, որ ստորերկրյա կրակի գործունեության համր վկաներն էին:

Այն ժամանակ, երբ մենք տեսնում էինք այդ տարօրինակ պատկերները, որոնք լուսավորվում էին «Նաուտիլուսի» լուսարձակների ճառագայթներով, ես Կոնսելին պատմեցի ատլանտների և Ատլանտիդայի մասին, որի գոյությունն այժմ բոլորովին անվիճելի էր ինձ համար: Սակայն Կոնսելի ուշադրությունը կենտրոնացած էր ինչ-որ մի այլ բանի վրա. նա ինձ լսում էր առանց հետաքրքրության: Շուտով ես հասկացա, թե ինչով է բացատրվում նրա անտարբերությունը դեպի պատմական այս մեծ առեղծվածը: Հիրավի, մեր առջևից սլանում էին ձկները, իսկ երբ Կոնսելը ձկներ էր տեսնում, ամբողջ էությունս անձնատուր էր լինում դասակարգման և մնացած ամբողջ աշխարհը նրան այլևս չէր հետաքրքրում: Ինձ այլևս ոչինչ չէր մնում անել, քան դադարեցնել պատմությունս:

Սակայն Ատլանտյան օվկիանոսի ձկներն այնքան էլ չէին տարբերվում մյուս օվկիանոսներում մեր տեսած ձկներից: Դրանք հսկայական կատվաձկներ էին, որոնք հինգ մետր երկարություն և մկանունքների այնպիսի ուժ ունեն, որ կարող են դուրս թռչել ջրից. շնաձկների զանազան տեսակները, որոնց թվում կանաչագույն և կապույտ երանգավորումով մի շնաձուկ, որ տասնհինգ ոտնաչափ երկարություն ունի և սուր, եռանկյունաձև ատամներ: Շնորհիվ իր գույնի, որ նման է ծովի ջրի գույնին, նա գրեթե անտեսանելի է ալիքների մեջ: Այստեղ կային նաև մուգ-դարչնագույն ձկներ. զուգավոր ձրկների ցեղից, թառափներ, որ նման էին Միջերկրական ծովում մեր տեսած թառափներին, ասղաձկներ՝ երկար ու փողաձև դնչով, բաց-կինամոնագույն մարմնով և մուգ-կինամոնագույն, լայնակի շերտերով: Այս ձկներն իսկական օձերի նման գալարվում էին ջրում:

Ոսկրաշատ ձկների թվում Կոնսեյը նկատեց ծովային վիշապները, որոնք կոչվում են նաև ծովային կարիճներ և թունավոր ձկներ են համարվում: Իսկապես, վիշապի մեջքի ու գլխի վրա գտնվող փշերն ունեն երկուական ակոսիկ, երբ փշերը խրվում են թշնամու մարմնի մեջ, թունավոր լորձունքն այդ ակոսիկներով լցվում է վերքի մեջ: Վիշապների մեջքը կինամոնագույն է, որովայնը՝ սպիտակավուն, իսկ մարմնի մնացած մասերը՝ գորշ-կարմիր: Վիշապի ամբողջ մարմինը ծածկված է թուխ, անորոշ բծերով: Այնուհետև Կոնսեյը տեսավ հիանալի ոսկեգույն մակրելներ՝ կապույտ երանգավորումով, գեղեցիկ թյունիկներ, լուսնաձկներ կամ լամպրեդներ, որոնք նման են սկավառակների և զարմանալի գեղեցիկ գույն ունեն. վերին կողմը կապույտ է, կողքերը՝ մանիշակագույն, որովայնը՝ վարդագույն, իսկ լողաթևերը՝ կորալային-կարմիր գույնի:

Սակայն, նայելով ծովային կենդանիների այդ վանազան ներկայացուցիչներին, ես միևնույն ժամանակ զմայլվում էի Ատլանտիդայի հարթավայրերով: Երբեմն ծովի հատակի քմահաճ անհարթությունը «նաուտիլուսին» ստիպում էր շափավորել իր արագությունը: Այդ դեպքում նավը իսկական ձկան ճարակությամբ անցնում էր ստորջրյա նրբանցքներով: Եթե բլուրների լաբիրինթոսն անանցանելի էր լինում, նավը, օդապարիկի պես բարձրանում էր ջրի վերին շերտերը, և ցատկելով խոչընդոտի վրայից, կրկին շարունակում էր իր արագ վազքը, մնալով հատակից մի քանի մետր բարձրության վրա: Այս անգամ մեր ճանապարհորդությունը մի հաճելի զբոսանք էր և նման էր օդապարիկով կատարվող զբոսանքին, սակայն վերջինից տարբերվում էր նրանով, որ մեր «օդապարիկը» ենթարկվում էր ղեկավարի ձեռքի յուրաքանչյուր շարժման:

Կեսօրից հետո, ժամը մոտ չորսին, հետզհետե սկսեց փոխվել հատակը, որ ծածկված էր տիղմով և քարացած ոստերով: Այնուհետև հատակը մեծ մասամբ քարքարոտ էր, ծածկված շեղջաքարով, հրաբխային տուֆով, սառած լավայով և օբսիդաքարով: Ես մտածեցի, որ ըստ երևույթին հարթավայրը վերջանում է և այստեղից սկսվում են լեռնոտ վայրերը:

Արդարև, շուտով հարավում ես տեսա մի բարձր լեռնաշղթա, որ ըստ երևույթին բոլորովին անանցանելի էր, քանի որ լեռների գագաթները հավանորեն բարձր էին օվկիանոսի մակերևույթից: Այդ կամ ցամաքի ափն էր, կամ մի որևէ կրղզու, գուցե Կանաչ հրվանդանի կամ Կանարյան կղզիներից մեկի ափը: Որովհետև վերջին օրերում աստղաբաշխական դիտողությունները շէին նշանակվում քարտեզի վրա, հնարավոր է, որ այդ դիտմամբ էր արվում, ես չէի պատկերացնում, թե մենք որտեղ ենք գտնվում: Այսպես թե այնպես, ես կարծում էի, որ ատլանտների մայր ցամաքը վերջանում է այդ գրանիտե պարսպով, իսկ մենք տեսանք մայր ցամաքի միայն մի փոքր մասը:

Ես իմ դիտողությունները շարունակեցի նաև գիշերը: Կոնսելը գնաց իր սենյակում քնելու և ես սրահում մենակ մնացի: Դանդաղեցնելով իր վայրքը, «Նաուտիլուսը» լողում էր հազիվ երևացող զանգվածների վրա, երբեմն քիչ էր մնում դիպչեր նրանց, կարծես պատրաստվելով կանգ առնել, երբեմն էլ դուրս էր գալիս օվկիանոսի մակերևույթը: Այդ բուպեններին ջրի բարակ շերտի միջից ես տեսնում էի մի քանի պայծառ համաստեղություններ և մասնավորապես այն հինգ կամ վեց աստղերը, որոնք փայլում են Օբիոնի ծայրում:

Ես դեռ երկար ժամեր կանցկացնեի լուսամուտի մոտ և կզմայլվեի ծովի ու երկնքի գեղեցկություններով, եթե հանկարծ փեղկերը շփակվեին: Հենց այդ բուպենին «Նաուտիլուսը» մոտենում էր ուղղաբերձ պարսպին: Թե նավն ինչպես էր անցնելու այնտեղից, ես այդ չէի կարողանում պատկերացնել: Հարկավոր եղավ վերադառնալ սենյակս: «Նաուտիլուսը» չէր շարժվում: Ես քնեցի, հաստատ որոշելով շուտ վեր կենալ:

Սակայն հետևյալ առավոտը ես արթնացա միայն ժամը մոտ ութին: Անմիջապես մտա սրահ: Խտաչափը ցույց էր տալիս, որ «Նաուտիլուսը» լողում է օվկիանոսի վրայով: Սակայն այդ մասին ես կարող էի գլխի ընկնել նաև տախտակամածից լավող ոտնաձայներից: Մյուս կողմից պետք է ասել, որ նավը բոլորովին չէր օրորվում, մի բան, որ անխուսափելի է օվկիանոսի վրա լողալու ժամանակ:



Ես մտտեցա դռնակին: Գռնակը բաց էր: Բայց ցերեկվա պաշտոն լույսի փոխարեն, որ ես սպասում էի, ինձ շրջապատում էր թանձր խավարը: Ո՞րտեղ էինք մենք: Մի՞թե ես ամբողջ քսանչորս ժամ քնել էի և հիմա գիշեր էր: Ոչ, երկնակամարում ոչ մի աստղ չէր փայլում և առհասարակ գիշերը երբեք այդչափ խավար չի լինում:

Ես շգիտի ինչպես հասկանալ այդ բոլորը: Հանկարծ խավարից ինձ կանչեց մի ձայն:

— Այդ դո՞ւք եք, պարոն պրոֆեսոր:

— Այո՛, նավապետ Նեմո, որտե՞ղ ենք մենք գտնվում:

— Գետնի տակ, պարոն պրոֆեսոր:

— Գետնի տա՛կ,— գոչեցի ես,— և «Նաուտիլուսը» շարունակում է լողա՞լ:

— Նա միշտ լողում է:

— Բայց... ես ոչինչ չեմ հասկանում...

— Մի քանի րոպե համբերեցեք: Հիմա լուսարձակը կվառվի և դուք ամեն ինչ կհասկանաք:

Ես նստեցի լուսարձակի աշտարակին և սկսեցի սպասել համբերությամբ: Խավարն այնքան թանձր էր, որ ես չէի տեսնում նույնիսկ նավապետ Նեմոյին: Սակայն, դեպի վեր նայելով, ես տեսա ինչ-որ աղոտ մի ցուլք, ինչ-որ կիսալույս, որ թափանցում էր մի կլոր անցքի միջով: Այդ րոպեին վառվեց լուսարձակը, և կիսալույսը շքացավ նրա կուրացուցիչ լույսի մեջ:

Երբ աչքերս ընտելացան լույսին, ես սկսեցի դիտել շուրջս:

«Նաուտիլուսն» անշարժ կանդնած էր ծովափի մոտ, որ հիշեցնում էր մի որևէ նավահանգստի առափնյա մասը: Ստորջրյա նավը գտնվում էր մի լճի վրա, որ բոլոր կողմերից շրջապատված էր քարե պատով: Լճի շառավիղը հավասար էր մոտավորապես երկու մղոնի, հետևաբար շրջագիծը պետք է լիներ վեց մղոն: Լճի մակարդակը նույն բարձրությունն ուներ, ինչ որ օվկիանոսի մակարդակը, քանի որ այդ լիճն անպաշտան պետք է միացած լիներ օվկիանոսին: Ասենք դա հաստատվում էր նաև խտաշափի տվյալներով: Բարձր ժայռերը կախված էին լճի վրա և վերևում, հինգ հարյուր կամ վեց հարյուր մետր բարձրությամբ կազմում էին մի հսկայա-

կան գմբեթ: Այդ գմբեթի ամենաբարձր կետում բացված էր հենց այն անցքը, որտեղից անցնում էր աղոտ լույսը, ըստ երևույթին արևի ճառագայթների ցուրը:

Նախքան ես կսկսեի ուշադրութեամբ դիտել այդ հսկայական քարանձավի ներսը, նույնիսկ նախքան կզբաղվեի այն հարցով, թե արդյոք բնական էր այդ քարանձավը, թե՞ մարդկային ձեռքերով արհեստականորեն ստեղծված, մոտեցա նավապետ Նեմոյին և հարցրի.

— Որտե՞ղ ենք գտնվում:

— Հանգած հրաբուխի հենց կենտրոնում, որը ինչ-որ ստորերկրյա ցնցման շնորհիվ լցվել է ջրով,— պատասխանեց նավապետը:— Այն ժամանակ, երբ դուք քնած էիք, պարոն պրոֆեսոր, «Նաուտիլուսն» այս ծովալճակը մտավ մի բնական ջրանցքով, որ անցնում է օվկիանոսի մակերևույթից տասը մետր խորութեան տակ: Սա «Նաուտիլուսի» նավահանգիստներից մեկն է, որ հաստատուն է, հուսալի, անհամեստ աչքերից հեռու և պաշտպանված է բոլոր կողմերի քամիներից: Մեր մայր ցամաքներում և կղզիներում ցույց տվեք թեկուզ մի նավահանգիստ, որը կարողանար նալն այնպես հուսալի կերպով պաշտպանել փոթորկի կատաղությունից, ինչպես քարանձավը:

— Արդարև,— ասացի ես,— դուք այստեղ բոլորովին պերծ եք վտանգներից, նավապետ Նեմո: Ի՞նչը կարող է ձեզ սպառնալ այստեղ, հանգած հրաբուխի ընդերքում: Սակայն ասացեք, ինձ միայն թվա՞ց, թե՞ իրոք տեսա մի անցք քարանձավի կամարում:

— Այո, դա հրաբուխի երբեմնի խառնարանն է, որտեղից դուրս են ժայթքել լավան, ծծմբի գոլորշիները և բոցի սյուները: Իսկ այժմ այդ անցքը նրա համար է, որ իմ նավահանգրստին մատակարարի այն թարմ, կենարար օդը, որով մենք շնչում ենք:

— Սա ի՞նչ հրաբուխ է:

— Այս հրաբուխը գտնվում է օվկիանոսի այս մասի անհամար կղզիներից մեկի վրա: Անցնող նավերի համար սա միայն ծովից դուրս ցցված մի ժայռ է, իսկ մեզ համար՝ աշխարհումս ամենաապահով նավահանգիստը: Ես պատահ

մամբ եմ հայտնաբերել այն և այդ պատահականութիւնը մեծ ծառայութիւնն է մատուցել ինձ:

— Մի՞թե չի կարելի այստեղ իջնել խառնարանի անցքով:

— Այդ անկարելի է ճիշտ այնպես, ինչպես ինձ համար անկարելի է այստեղից բարձրանալ խառնարանը: Մտաւորապես հարչուր ոտնաչափ դեպի վեր կարելի է բարձրանալ պատերի վրայով, իսկ ավելի վերև պատերը թեքվում են ու կամար կազմում, այնպես որ այլևս բարձրանալ բոլորովին անկարելի է:

— Ես տեսնում եմ, նավապետ, որ բնութիւնն ամենուրեք օգնութեան է գալիս ձեզ: Այս ստորերկրյա լճում դուք ապահով եք ամեն մի վտանգից և ոչ ոքի անհամեստ այցելութիւնը չի վախեցնի ձեզ: Սակայն ձեր ինչի՞ն է պետք այս ապաստարանը: Չէ՞ որ «Նաուտիլուսը» նավահանգստի կարիք չի զգում:

— Ոչ, պարոն պրոֆեսոր, բայց «Նաուտիլուսին» հարկավոր է էլեկտրականութիւն, որ շարժվի, մարտկոցներ, որ էլեկտրական էներգիա արտադրվի, նատրիում, որ սնվեն այդ մարտկոցները, ածուխ, որ նատրիում ստացվի, հանքեր, որ քարածուխ հանվի: Այստեղ ծովը կլանել է ամբողջ անտառներ, որոնք աճել են երկրաբանական անհիշելի ժամանակներում, քարացել են, դարձել քարածուխ և ինձ համար հանդիսանում են վառելիքի անսպառ պահեստ:

— Հետևաբար ձեր նավաստիներն այստեղ հանքափորներ են դառնում:

— Միանգաման ճիշտ է: Այս հանքերը գտնվում են ջրի տակ, ինչպես և Նյուքեմսթլի ածխահորերը: Զրահազգեստներ հագած, քլունդը և բահը ձեռքերին, իմ նավաստիներն այստեղ ածուխ են հանում, ազատելով ինձ այդ ածուխը ցամաքի հանքերից ստանալու անհրաժեշտութիւնից: Երբ ես նատրիում ստանալու համար վառում եմ քարածուխը, խառնարանից բարձրացող ծուխն այս սարին գործող հրարուխի տեսք է տալիս:

— Արդյոք ես կտեսնե՞մ, թե ձեր նավաստիներն ինչպես են ածուխ հանում:

— Ոչ, այս անգամ չեք տեսնի, որովհետև ես շտապում եմ շարունակել մեր ստորջրյա աշխարհաշուրջ ճանապարհորդութիւնը: Ես կահամանափակվեմ նրանով, որ կվերցնեմ այստեղ պահված պատրաստի նատրիումի պաշարը: Հենց որ մենք վերցնենք այդ պաշարը, այսինքն ոչ ուշ, քան մեկ օր հետո, դարձյալ ճանապարհ կըկենենք: Այս պատճառով, եթե դուք ուզում եք ծանոթանալ այս քարանձավի հետ և պատել ծովային լճի շուրջը, ապա օգտվեցեք այստեղ մեր կանգ առնելուց, պարոն պրոֆեսոր:

Շնորհակալութիւն հայտնելով նավապետին, ես դնացի վերցնելու ընկերներին, որոնք դեռ դուրս չէին եկել իրենց սենյակից: Ես նրանց առաջարկեցի հետևել ինձ, առանց տակու, թե որտեղ ենք գտնվում:

Նրանք բարձրացան տախտակամած: Կոնսելը, որ սովորաբար ոչնչի վրա չէր զարմանում, միանգամայն բնական գտավ, որ քնել էր ջրի տակ և արթնացել ստորերկրյա վայրում: Ինչ վերաբերում է Նեդ Լենդին, նա հետաքրքրվեց միայն մի բանով՝ արդյոք չի՞ կարելի որևէ ելք գտնել այս քարանձավից դուրս գալու համար:

Նախաճաշից հետո, առավոտյան ժամը մոտ տասին մենք իջանք ափը:

— Ահա մենք կրկին ցամաքի վրա ենք, — ասաց Կոնսելը:

— Սա ի՞նչ ցամաք է որ, — առարկեց կանադացին, — բացի դրանից, մենք ոչ թե ցամաքի վրա ենք, այլ ցամաքի տակ:

Լճի և քարանձավի պատի միջև գտնվում էր ավազոտ եզերքը, որի ամենալայն տեղը կլիներ հինգ հարյուր ոտնաչափից ոչ ավելի: Այդ ավազոտ եզերքով հեշտութեամբ կարելի էր պատել ամբողջ լճի շուրջը:

Քարանձավի պատի ստորոտում քառասային վիճակում թափված էին հրաբխային կոշտեր, ժայռերի փլվածքներ և պեմզայի հսկայական կտորներ:

Ստորերկրյա կրակից հալված և ապա սառած այդ քարերը գունդգուն փայլ էին արձակում «Նաուտիլուսի» լուսարձակի լույսի տակ: Փայլարի փոշին, որ բարձրանում էր մեր քայլե-

րից, անթիվ ու անհամար լուսատուիկների ձևով թռչում էր դեպի բոլոր կողմերը:

Լճի եզերքը բարձրանում էր աստիճանաձև, հիշեցնելով սանդուղքի աստիճանները, սակայն մենք քայլում էինք մեծ զգուշությամբ, որովհետև քարերը ոչնչով կպած շէին մեկմեկու և շարժվում էին մեր ոտների տակ:

Այդ վիթխարի քարանձավի հրաբխային ծագումը հաստատվում էր ուղղակի ամեն մի քայլափոխում:

Ես դրա վրա հրավիրեցի իմ ուղեկիցների ուշադրությունը:

— Արդյոք դուք պատկերացնո՞ւմ եք, թե այս քարանձավի ներսն ինչպիսի տեսք ուներ այն ժամանակ, երբ լիքն էր եռացող լավայով, երբ այդ հրեղեն հեղուկի մակարդակը հասնում էր մինչև լեռան խառնարանը, ինչպես հալված մետաղը՝ հնոցում:

— Շատ լավ եմ պատկերացնում այդ, — պատասխանեց Կոնսելը, — սակայն արդյոք պարոնը չի՞ ասի մեզ, թե ինչու է դադարել հալման պրոցեսը և ինչպես է պատահել, որ հրաբուխի շիկացած խառնարանում այժմ հանգիստ ծփում է ջուրը:

— Ամենից հավանականն այն է, Կոնսել, — ասացի ես, — որ դրության այդ փոփոխությունը տեղի է ունեցել երկրաշարժի ազդեցության տակ, որի հետևանքով լեռան լանջում առաջացել է ճեղքվածք, հենց այն ճեղքվածքը, որի միջով «Նաուտիլուսն» անցավ այս քարանձավը: Նույն ճեղքվածքի միջով Ատլանտյան օվկիանոսի ջուրը հոսել է հրաբուխի կենտրոնական տեղը: Այստեղ կրակի ու ջրի միջև պետք է որ տեղի ունենար սարսափելի գոտեմարտ, որը վերջացավ ջրի հաղթությամբ: Այն ժամանակից երևի շատ դարեր են անցել, և հեղեղված հրաբուխը դարձել է ստորերկրյա խաղաղ լիճ:

— Հրաշալի, — հայտարարեց Նեդ Լենդը, — ես ընդունում եմ ձեր բացատրությունը, բայց անկեղծորեն ցավում եմ, որ այդ անցքը, որի մասին քիչ առաջ դուք խոսում էիք, պարոն պրոֆեսոր, գտնվում է ծովի մակերևույթից ցածր և ոչ թե բարձր: Մեզ համար ձեռնտու է, եթե հակառակը լիներ:

— Դուք մոռանում եք Նեդ, — առարկեց Կոնսելը, — որ եթե այս ջրանցքը ստորերկրյա շիներ, «Նաուտիլուսը» չէր



կարողանա մտնել այստեղ, և այդ դեպքում ջրանցքից մենք ոչ մի օգուտ չէինք ունենա:

— Էլ շխոսելով այն մասին, որ այդ դեպքում հրաբուխն էլ գործելիս կլիներ, — ավելացրի ես, — ձեր աստուածներն ի՞նչուր է, նեղ կենդ:

Մենք շարունակում էինք բարձրանալ: Արահետը դառնում էր ավելի զառիթափ և նեղ: Խորը ճեղքվածքները խոչընդոտ էին հանդիսանում մեր ճանապարհին, և մենք ստիպված էինք թռչել դրանց վրայով:

Երբեմն արահետի վրա փլված էր լինում որևէ ուղղաբերձ ժայռի մի մասը, և մենք փոխում էինք մեր ճանապարհը, անցնում փորի վրա սողալով, շորեթաթ մագլցելով: Սակայն Կոնստանտինոպոլի ճարակության և նեղ կենդի ուժի շնորհիվ մենք հաղթահարում էինք բոլոր խոչընդոտները:

Մոտավորապես երեսուն մետր բարձրության վրա հողի բնույթը փոխվեց, բայց քայլելու համար այն դարձյալ անհարմար էր: Այստեղ փրփրաքարերը և հրաբխային շեղջաքարերը փոխվեցին սև բազալտի, որ մերթ փուված էր հարթ մակերևույթով և մի քիչ խորդուբորդ էր լավայի սառած կտորների շնորհիվ, մերթ բարձրանում էր կանոնավոր պրիզմաների ձևով, որ պահում էին այնտեղ ցածր կախված կամարը որպես բնական սյուներ, բնության ճարտարապետական արվեստի սքանչելի նմուշներ: Բազալտե ժայռերի միջև օձանում էին լավայի սառած հոսանքները, որոնց վրա գտնվում էին կուպրային հերձաքարերի շերտերը և ծծմբի լայն, անկանոն ձևի մակահոսումները: Ցերեկվա լույսի համատարած և գունատ ճառագայթները, որ այստեղ թափանցում էին խառնարանի անցքից, դժգույն լուսավորում էին այդ ժայթքած հանքանյութերը, որոնք առմիշտ թաղված էին հանգած հրաբուխի ընդերքում:

Մոտ երկու հարյուր հիսուն ոտնաչափ բարձրության վրա մեր վերելքի շարունակմանը խանգարեց անհաղթահարելի մի խոչընդոտ. այնտեղ քարանձավի պատերը շատ էին թեքված դեպի ներս, այնպես որ, հարկավոր եղավ հրաժարվել ավելի վեր բարձրանալուց, և մենք շարժվեցինք ցածր կախված կամարի երկարությամբ:

Այստեղ բուսական թագավորութիւնը դեռ իր զենքը վայր չէր դրել մեռչալ բնութեան թագավորութեան առջև: Մի քանի թփեր և նույնիսկ մենավոր ծառեր աճել էին քարերի արանքներում կամ արմատներ էին գցել պատերի ճեղքվածքներում ու խորշերում:

Այստեղ ես տեսա սինձի թփեր, որոնք արտադրում են իրենց կծու հյութը, մի քանի վտիտ, բուրմունքից զուրկ հելիոտրոպներ, որոնք, ի դեպ ասած, բոլորովին չեն արդարացնում հունական այդ անունը, որ նշանակում է արևաբույս, քանի որ արևի ճառագայթները երբեք չէին հասնում նրանց: Ոսկեծաղիկներն աճել էին հիվանդատ տեսք ունեցող հելվենների տակ: Վերջապես, լավայի սառած հոսանքների միջև ծաղկել էին մանուշակները, որոնք այստեղ ևս պահպանել էին իրենց քնքնուշ բուրմունքը, որը, խոստովանում եմ, ես շնչում էի մեծագույն հաճույքով: Բուրմունքը ծաղկի հոգին է, իսկ ծովային ծաղիկները, արտաքուստ այնքա՛ն գեղեցիկ այդ ջրաբույսերը հոգի չունեն...

Մենք մոտեցանք մի խումբ վիշապածառերի, որոնք ուժեղ արմատներ էին գցել ժայռերի միջև: Հանկարծ Նեդ Լենդը բացականչեց.

— Նայեցեք, նայեցեք, փեթակը:

— Փեթա՛կ, — անվստահութեամբ կրկնեցի ես, — չի կարող պատահել:

— Հապա նայեցե՛ք, — պնդում էր կանադացին, — իսկական փեթակ է իսկական մեղուներով:

Ես ավելի մոտեցա: Ծառերից մեկի փշակում իսկապես որ տեղավորված էր մեղվանոցը, որտեղ բզզում էին այդ ջանասեր և հնարագետ, թվով մի քանի հազար միջատները, որ այնքան շատ են Կանարյան կղզիներում:

Միանգամայն բնական է, որ կանադացին անմիջապես ցանկացավ մեղրի պաշար վերցնել և բացի նրան օգնելուց, ինձ ուրիշ ոչինչ չէր մնում անել:

Մենք շոր տերևներ հավաքեցինք, սրանց ծծումբ խառնեցինք և այդ խառնուրդը վառեցինք Նեդ Լենդի հրահանի միջոցով:

Մեղուններն արագութեամբ հեռացան ծխից, և երբ հեռվում

լոնց նրանց բզզոցը, Նեղ Լենդն իր ճանապարհորդական պա-  
յուսակը լցրեց մի քանի կիլոգրամ հրաշալի ու թարմ մեղրով:

— Ես այս մեղրը կխառնեմ հացենուց ստացվող ալյուրի  
հետ և ձեզ համար այնպիսի գաթա կպատրաստեմ, որ մատ-  
ներդ հետը կուտեք,— հայտարարեց կանադացին:

— Ինչպե՞ս թե գաթա,— առարկեց Կոնսելը,— դա ուղ-  
ղակի կլինի մեղրով կարկանդակ:

— Թող լինի մեղրով կարկանդակ,— միջամտեցի ես,—  
չարժե վիճել: Ավելի լավ է եկեք շարունակենք մեր հետաքրք-  
րի դրոսանքը:

Այն արահետի մի քանի կետերից, որով մենք դնում էինք,  
երևում էր ամբողջ լիճը: «Նաուտիլուսի» լուսարձակը պայ-  
ծառ լուսավորում էր լիճը, որի հայելանման մակերևույթի ան-  
դորրույթյունը շէին խախտում ոչ ալիքները, ոչ էլ քամոս շուն-  
չը: «Նաուտիլուսը» բոլորովին անշարժ էր: Նավի տախտակա-  
մածի վրա և եղերքում վխտում էին նավաստիները, որոնց  
սև կերպարանքները պարզ ուրվագծվում էին լուսարձակի  
պայծառ լույսի տակ:

Այդ ժամանակ մենք հասանք քարանձավի շուրջը եղած  
ժայռերի ամենաբարձր մատչելի տեղը: Ես համոզվեցի, որ  
այդ հանգած հրարուխի ներսում մեղունները կենդանական աշ-  
խարհի միակ ներկայացուցիչները շէին:

Մի քանի գիշակեր թռչուններ ճախրում էին օդում, կամ  
նստած էին իրենց բներում, որոնք գտնվում էին ժայռերի  
ցցվածքներին, անմատչելի տեղերում: Դրանք սպիտակ  
կուրծք ունեցող բազեներ և աղմկարար ուրուրներ էին:

Ուղղաբերձ լանջի վրա ետ ու առաջ էին սլանում հրաշալի  
և շող արոսները: Դժվար չէ պատկերացնել, թե կանադացին  
ինչպիսի ազահույթյամբ էր նայում համեղ միս ունեցող այդ  
կենդանիներին և որքան էր ցավում, որ հրացանը չի վերցրել:  
Նա փորձեց արճիճը փոխարինել քարերով և բազմաթիվ ան-  
հաջող փորձերից հետո կարողացավ խփել մի խոշոր արոս:  
Առանց շափազանցույթյան կարելի է ասել, որ կանադացու  
կյանքը մի քսան անգամ մազից էր կախված լինում, մինչև  
որ նա բռնեց վիրավորված թռչունը: Ինչևիցե, այդ թռչունը

բարեհաջող կերպով տեղ գտավ կանադացու ճանապարհորդական պայուսակում, մեղրի հետ միասին:

Շուտով մենք ստիպված եղանք ափ իջնել, որովհետև այլևս անկարելի էր անցնել ժայռերը: Մեր վերևում երևում էր խառնարանի անցքը, որ ներքևից ջրհորի լայն բացվածք էր թվում: Այնտեղ, ուր մենք գտնվում էինք, կարելի էր տեսնել կապույտ երկնքի մի կտոր և ամպերը, որոնց տանում էր արևմտյան հով քամին: Ամպերը երբեմն կանգ էին առնում խառնարանի վերևում, այնպես որ կարծես խառնարանից մշուշանման ծուխ էր դուրս գալիս: Այստեղից կարելի էր վստահությամբ հանգել այն եղրակացության, որ ամպերն այնքան էլ բարձր չեն, քանի որ լեռան գագաթը օվկիանոսի մակերևույթից բարձր էր ոչ ավելի, քան ութ հարյուր ոտնաչափ:

Լճի ավազոտ ափը վերադառնալուց հետո ես սկսեցի ծանոթանալ բուսական ու կենդանական աշխարհի հետ: Առաջինի ներկայացուցիչը գորգի նման փոված սամիթն էր, հովանոցավոր փոքրիկ մի բույս, որ հրաշալի համեմունք է կերակրի համար: Կոնսելը դրանից մի քանի փունջ հավաքեց: Ինչ վերաբերում է կենդանական աշխարհին, այստեղ կային հազարավոր բազմատեսակ խեցգետիններ, խաշփառներ, օմարներ և բոլոր տեսակի ու մեծության կակղամորթներ:

Այստեղ մենք գտանք մի հիանալի քարանձավ, որի հատակին փափուկ ավազի մի հաստ շերտ էր փոված: Ժայռերի վրա մագլցելուց հոգնած՝ ես ու իմ ընկերները հաճույքով մեկնվեցինք ավազի վրա: Ստորերկրյա կրակը հղկել էր քարանձավի պատերը և սրանց վրա թողել փայլարի փոշի, որ փայլում էր ադամանդի պես:

Նեղ կենդր սկսեց թխկթխկացնել պատերը, ցանկանալով իմանալ դրանց հաստությունը: Տեսնելով նրա այդ իզուր ջանքերը, ես շկարողացա զսպել ժպիտս: Խոսակցությունն իհարկե նորից պտտվում էր փախչելու շուրջը: Ես հարկավոր համարեցի հույս տալ նեղ կենդին և ասացի նրան, թե նավապետ Նեմոն դեպի հարավ է ուղևորվել միայն նատրիումի պաշարը լրացնելու համար և այդ անելուց հետո նա անշուշտ կրկին կդառնա դեպի հյուսիս, դեպի եվրոսպական ու ամե-

րիկյան ափերը Այդ դեպքում կանադացին կարող է մեծ հաջողութեամբ կրկնել փախչելու փորձը:

Մենք արդեն մոտ մի ժամ էինք անցկացրել գեղեցիկ քարանձավում: Մեր զրույցը, որ սկզբում շատ աշխույժ էր, հիմա գրեթե դադարեց: Մեզ տիրեց ինչ-որ քնկոտ վիճակ: Կարիք չզգալով շտապել դեպի նավը, ես անձնատուր եղա քնին: Երազում տեսա, չէ՞ որ երազները լինում են մեր կամքից ու ցանկությունից անկախ, որ ես վարում եմ ամենահասարակ կակղամորթի բուսական կյանք և իմ երկփեղկ խեցին գտնւում է այդ քարանձավում: Կոնսելի ձայնը հանկարծ զարթեցրեց ինձ:

— Վե՛ր կացեք, շուտ վեր կացեք,— գոչում էր նա:

— Ի՞նչ է պատահել,— հարցրի ես, նստելով ավազի վրա:

— Այստեղ ջուր է լցվում:

Ես վայրկենապես ոտքի ելա: Ծովի ջուրն առատութեամբ լցվում էր մեր քարանձավը, և քանի որ մենք կակղամորթներ, չէինք, անհրաժեշտ էր ազատվել:

Մի քանի րոպեում մենք բարձրացանք քարանձավի կետերը, որտեղ ջուրը չէր կարող հասնել:

— Ի՞նչ է կատարվում այստեղ,— հարցրեց Կոնսելը,— բնութեան որևէ նոր հրա՞շք:

— Ոչ, բարեկամս,— պատասխանեցի ես,— սա ուղղակի մակընթացութիւնն է, սովորական մակընթացութիւնն, որ քիչ մնաց ծածկեր մեզ, ինչպես Վալտեր Սկոտի վեպի հերոսներին: Մակընթացութեան այս ժամին, քարանձավից դենը բարձրացավ ջրի մակերևույթը, և այն անդրդվելի օրենքի հետևանքով, որ իրար միացած երկու անոթներում հեղուկի մակարդակը հավասար է լինում, բարձրացավ նաև լճի ջուրը: Մենք կարող ենք շնորհակալ լինել, որ միայն մի քիչ թրջվեցինք: Իսկ այժմ վերադառնանք «Նաուտիլուս»: Պետք է փոխել հագուստները:

Երեք քառորդ ժամից հետո, պատվելով լճի շուրջը, մենք մոտեցանք «Նաուտիլուսին»:

Նավաստիներն ավարտում էին նատրիումի բեռնումը և «Նաուտիլուսը» կարող էր իսկույն շարունակել իր ճանապարհը:



Սակայն նավապետ Նեմոն մեկնելու հրաման չէր տալիս: Արդյոք նա ուզում էր սպասել գիշերվա՞ն, որպեսզի աննկատելի դուրս գա ստորջրյա անցքից: Միանգամայն հնարավոր է:

Հետևյալ առավոտ «Նաուտիլուսն» արդեն դուրս էր եկել իր գաղտնի նավահանգստից և լողում էր ցամաքից հեռու, Ատլանտյան օվկիանոսի մակերևույթից մի քանի մետր ցած:

## ԳԼՈՒԽ ՏԱՍՆՄԵԿԵՐՈՐԴ

### ՍԱՐԳԱՍՅԱՆ ԾՈՎԸ

Սակայն «Նաուտիլուսը» շարունակում էր հեռանալ Եվրոպայից: Ստիպված էինք ժամանակավորապես հրաժարվել եվրոպական ափերը դիտելուց: Նավապետ Նեմոն ուղղությունը պահում էր դեպի հարավ: Ո՞ւր էր տանում նա իր նավը: Ես չէի կարողանում այդ հասկանալ:

Այդ օրը «Նաուտիլուսը» լողում էր Ատլանտյան օվկիանոսի մի շատ հետաքրքիր մասում: Բոլորին հայտնի է Գոլֆստրիմի՝ օվկիանոսային այդ տաք հոսանքի գոյությունը: Ֆլորիդայի ափերից դա ուղղվում է դեպի Շպիցբերգեն: Սակայն նախքան Մեքսիկայի ծոցը հասնելը, հյուսիսային լայնության քառասունչորսերորդ աստիճանի մոտ այդ հոսանքը բաժանվում է երկու մասի: Սրանցից մեծն անցնում է Իռլանդիայի ու Նորվեգիայի ափերի մոտից, մինչդեռ փոքր հոսանքը դառնում է դեպի հարավ, դեպի Ազորյան կղզիները, հետո թեքվում է դեպի Աֆրիկայի ափերը և լայն կիսապտույտ գործելով, վերադառնում է դեպի Անթիլյան կղզիները:

Այս երկրորդ մասը, ավելի ճիշտ կլիներ ասել օղակը, տաք ջրի շերտով շրջապատում է Ատլանտյան օվկիանոսի այն մասը, որ կոչվում է Սարգասյան ծով և որը սառն է, անդորր ու հանգիստ: Այսպիսով Սարգասյան ծովը մի իսկական լիճ է Ատլանտյան օվկիանոսում: Այդ ծովի մեծությունն այնքան է, որ Գոլֆստրիմը նրա շուրջը պտտվում է երեք տարում:

Ճիշտն ասած, Սարգասյան ծովը տարածվում է Ատլանտիդայի այն ամբողջ մասի վրա, որ ջրասույզ է եղել: Մի քանի հեղինակներ նույնիսկ այն կարծիքն էին հայտնում, թե ծովի վրա լողացող խոտերն աճել են այդ շքացած մայր ցամաքի տափաստաններում: Սակայն այդ ենթադրությունն այնքան էլ հավանական չէ: Ամենից հավանականն այն է, որ նույն Գոլֆստրիմն այդ ջրիմուռներն ու խոտերը Սվրոսլայի ու Ամերիկայի ափերից բերում է Սարգասյան ծովը:

Այդ և մի շարք ուրիշ հանգամանքների ստիպել են Կոլումբոսին ենթադրել, որ գոյություն ունի նոր Աշխարհը: Երբ այդ խիզախ հետազոտիչն անցնում էր Սարգասյան ծովից ջրիմուռներն ու խոտերը դանդաղեցնում էին նրա նավերի ընթացքը, մեծ երկյուղ պատճառելով նավորդներին, և այստեղ ճանապարհորդությունն ամբողջ երեք շաբաթ տևեց:

Ահա ինչպիսին էր այդ ծովը, ուր այժմ գտնվում էր «Նաուտիլուսը»: Այդ մի իսկական մարդադետին էր, ջրիմուռների գորգով ծածկված, այնքան խիտ, այնքան ամուր, որ նավի առջևի ծայրը դժվարությամբ էր ճեղքում այն: Այս պատճառով նավապետ Նեմոն, շղանկանալով այդ անանցանելի տեղերում մեքենայի ջարդվելու կամ վնասվելու վտանգին ենթարկվել, Սարգասյան ծովն անցնելիս նավը շարունակ պահում էր մի քանի տասնյակ մետր ջրի տակ:

«Սարգասյան ծով» անունը ծագում է իսպանական «Sargazo» բառից, որ նշանակում է ջրիմուռ: Ջրիմուռները, գրվափորապես լողացող ջրիմուռները, կազմում են այդ հսկայական ավազանի բուսեղեն ծածկոցը: Թե ինչու ջրիմուռներն այդչափ քանակությամբ հավաքվել են Ատլանտյան օվկիանոսի այդ խաղաղ անկյունում, այդ մասին բացատրություն է տալիս Մորին: «Երկրագնդի ֆիզիկական աշխարհագրություն» հեղինակը:

«Այդ երևույթի բացատրությունը, — ասում է նա իր գրքում, — բխում է հանրահայտի փորձից: Եթե մի բաժակ ջրում տեղավորենք խցանի կտորներ, փոքրիկ տաշեղներ կամ այլ թեթև մարմիններ, ապա պտտենք բաժակը, շուտով կարելի կլինի նկատել, թե ինչպես առանձին-առանձին կտորները հավաքվում են բաժակի կենտրոնում, այսինքն՝ ամենից

քիչ շարժվող տեղում: Մեզ հետաքրքրող հարցի նկատմամբ բաժակի տեղ է ծառայում Ատլանտյան օվկիանոսը, Գոլֆստրիմը շրջապատույտ հոսանքն է, իսկ Սարգասյան ծովը բաժակի կենտրոնական կետը, ուր հավաքվում են բոլոր թեթև մարմինները»:

Ես միանգամայն համաձայն եմ Մորիի բացատրության հետ: Ինձ հաջողվել է այդ երևույթն ուսումնասիրել ջրի տակ, այսինքն՝ այնպիսի պայմաններում, որոնք անմատչելի են մյուս գիտնականներին: Մեր նավի վերևում լողում էին բազմատեսակ առարկաներ, որոնք պատած էին կինամոնազույն ջրիմուռներով, ծառաբներ, որ փոթորիկը պոկել էր Անդերում ու ժայռոտ լեռներում, իսկ Ամազոնի կամ Միասիսիպիի հոսանքը քշել-բերել էր օվկիանոս. խորտակված նավերի բազմաթիվ կտորներ՝ կայմասարքեր, ողնուցներ, նավի արտաքին մասեր, որոնք այնքան էին ծանրացել իրենց կպած խեցիների շերտից, որ չէին ելնում ջրի երեսը:

Ես շեմ կասկածում, որ ժամանակի ընթացքում կհաստատվի Մորիի մի այլ կարծիքը, թե այդ բոլոր նյութերը, որոնք երկարուձիգ դարերի ընթացքում կուտակվում են Սարգասյան ծովում, ջրի ներգործությամբ վերածվում են հանքանյութերի և դառնում քարածուխի անսպառ սլաշար: Դրանք կլինեն վառելիքի պահեստներ, որ կանխատես բնությունը պատրաստում է օգտագործելու այն ժամանակ, երբ մարդը սպառի ցամաքում գտնվող ամբողջ ածուխը:

Խոտերի ու ջրիմուռների այդ քառսում ես նկատեցի ակտինիաներ, որոնց վրա ծածանվում էր նուրբ շոշափուկներից բաղկացած փարթամ պսակը, բազմաթիվ կանաչ, կարմիր, կապույտ մեղուզաներ, սրանց թվում նաև Կյուվեի մեղուզան՝ կապտավուն հովհար, որ եղբրված էր մանիշակազույն բոլորքով:

Փետրվարի 22-ի ամբողջ օրը մենք անցկացրինք Սարգասյան ծովի խորքերում, որտեղ ծովային խոտերով սնվող ձրկներն առատ կերակուր են գտնում: Ստեղծյալ հետևյալ օրն օվկիանոսն արդեն ընդունեց իր սովորական տեսքը:

Հետևյալ տասնինը օրերում, փետրվարի 23-ից մինչև մարտի 12-ը, «Նաուտիլուսն» օրական անցնում էր շորս հար-

յուր կիլոմետր, ընթանալով դարձյալ դեպի հարավ: Նավապետ Նեմոն ըստ երևույթին անշեղորեն իրագործում էր ջրի տակ աշխարհաշուրջ ճանապարհորդութուն կատարելու իր պլանը, և ես շէի կասկածում, որ անցնելով Հորն հրվանդանը, «Նաուտիլուսը» կվերադառնա Խաղաղ օվկիանոսի հարավային մասը:

Այսպես ուրեմն, իզուր չէր Նեդ Լենդի երկյուղը: Զրային այս անծայրածիր անապատներում, ուր հազվագյուտ են կղզիները, փախչելու մասին երազել անգամ չէր կարելի:

Սակայն մյուս կողմից մենք ոչ մի հնարավորություն չունեինք խանգարելու նավապետ Նեմոյի պլանի իրագործումը:

Միակ բանը, որ մեզ մնում էր անել, այդ այն էր, որ պետք է հնազանդվեինք մեր բախտին:

Բայց եթե խորամանկությամբ կամ բռնությամբ ազատութուն ձեռք բերելու ճանապարհը փակված էր մեզ համար, ապա կարելի էր այդ անել համոզելու միջոցով: Ես հույս ունեի, որ աշխարհաշուրջ ճանապարհորդութունը վերջանալուց հետո ինձ կհաջողվի համոզել նավապետ Նեմոյին, որ մեզ աղատ թողնի, իսկ մենք կերդվենք երբեք չհրապարակել նրա գաղտնիքը: Մենք այդ պատվո պարտականութունը կկատարեինք, և նրա գաղտնիքը կմեռներ մեզ հետ միասին: Սակայն դեռևս պետք էր պարզել, թե նավապետ Նեմոն ինչպե՛ս կվերաբերվի դեպի այդ առաջարկը: Չէ՞ որ հենց սկզբից նա վրձնականորեն հայտարարել էր, թե իր գաղտնիքը պահպանելու համար նա ընդմիշտ մեզ գերի է սլահելու «Նաուտիլուսում»: Այն հանդամանքը, որ ես շորս ամսվա ընթացքում երբեք չվերադարձաի այդ հարցին, նա կարող էր համարել իբրև լռելյայն համաձայնություն իրերի այդպիսի դրության հետ: Հիմա այդ մասին խոսակցություն բանալ նրա հետ, նշանակում էր նրա մեջ առաջ բերել կասկած, որը կարող էր խանգարել մեր փախչելու ծրագիրը, եթե ժամանակի ընթացքում փախչելու համար կրկին հարմար առիթ գտնվեր:

Այս բոլոր փաստարկումներն ու նկատառումները պաշարել էին ինձ: Ես այդ մասին խոսեցի Կոնսելի հետ, որը ոչ պակաս շփոթության մեջ ընկավ, քան ես ինքս: Ընդհանրապես թեև ես հեշտությամբ չեմ ենթարկվում հուսալքման,

բայց հասկանում էի, որ օրը օրին պակասում են երբևէ մարդկային հասարակութուն վերադառնալու մեր հնարավորությունները, պակասում են հատկապես հիմա, երբ նավապետ Նեմոն խելահեղ համառությամբ նավը տանում է Ատլանտյան օվկիանոսի հարավային կողմերը:

Տասնինն օրվա ընթացքում մեր ճանապարհորդությունն աչքի շրնկավ որևէ նշանավոր երևույթով:

Ես ուշ-ուշ էի տեսնվում նավապետ Նեմոյի հետ: Նա շատ էր աշխատում: Ես հաճախ գրադարանում գտնում էի բացված գրքեր, որ թողնում էր նա, գլխավորապես բնապատմության վերաբերյալ: Ծովի հատակի գաղտնիքներին նվիրված իմ գրքի լուսանցքներում նա բազմաթիվ նշումներ էր անում, որոնք հաճախ հերքում էին իմ տեսություններն ու մտքերը: Սակայն նավապետ Նեմոն բավականանում էր նրանով, որ նշում էր իմ սխալները, առանց ինձ հետ վեճի բռնվելու:

Երբեմն ես լսում էի, թե ինչպես նա երգեհոն է նվագում: Նա նվագում էր մեծ զգացումով ու վարպետությամբ, սակայն բացառապես գիշերները, երբ շուրջն անթափանցելի խավար էր տիրում, և «Նաուտիլուսը» խորը քնած էր լինում ամայի օվկիանոսում:

Այդ բոլոր օրերին նավը մեծ մասամբ լողում էր օվկիանոսի վրա: Կարծես բոլորը լքել էին օվկիանոսը: Հազվագյուտ դեպքերում մենք հեռվում տեսնում էինք որևէ առագաստանավ, որն շտապում էր դեպի Հնդկաստան կամ ընթանում դեպի Բարեհուսո հրվանդանը:

Մի անգամ մեր հետևից ընկավ կետորսական մի նավ, որ ըստ երևույթին մեզ մի հսկայական կետի տեղ էր ընդունել: Սակայն նավապետ Նեմոն շյանկացավ, որ խեղճ ծովագնացներն իզուր աշխատանք ու ժամանակ վատնեն, և ջրասույզ անելով նավը, վերջ տվեց այդ հետապնդման: Այս դեպքը վառ հետաքրքրություն զարթեցրեց Նեդ Լենդի մեջ: Կարծում եմ, որ շեմ սխալվի, եթե ասեմ, թե կանադացին ներքուստ ցավում էր, որ մեր մետաղյա կետը հնարավոր չէ մահացու վիրավորել եռաժանիով:

Իմ և Կոնսելի տեսած ձկները քիչ էին տարբերվում այն ձկներից, որ մենք հանդիպել էինք հյուսիսային լայնություն-



ների տակ: Հաճախ մեղ պատահում էին շնածկներ: Օրինակ, մենք տեսանք սանրածև ատամներով շնածուկը, որ մյուս բուրբ շնածկներին դերազանցում էր քիմուխտային անցքերի քանակությամբ, ունենալով յոթ այդպիսի անցք: Այդ շնածկների ատամները սանրածև են կոչվում այն պատճառով, որ նրանց ստորին ծնոտի ատամները դասավորված են սանրի ձևով և քանի հեռանում են կենտրոնից, այնքան փոքրանում են: Այդ շատ խոշոր մի կենդանի է: Մենք տեսնում էինք դրանցից այնպիսիները, որոնք մինչև ութ մետր երկարություն ունեն:

Մեր կողքից լողում-անցնում էին նաև ծովային շները՝ խոշոր ձկներ, որոնք, ձկնորսների ասելով, աչքի են ընկնում իրենց շատակերությամբ:

Աշխույժ դելֆիններն ամբողջ օրերով ուղեկցում էին մեղ: Նրանք լողում էին խմբերով, որոնցից յուրաքանչյուրում լինում էր հինգ-վեց կենդանի: Որս էին անում նույնպես խումբերով, ինչպես գայլերը՝ ձմռանը: Դելֆինները ոչ պակաս շատակեր են, քան ծովային շները:

Դելֆինների ընտանիքն ունի տասը տեսակ: Մեր հանդիպածները սլատկանում էին սովորական դելֆինների տեսակին: Դրանք ունեն փոքր գլուխ, որոնց առջևի մասը նեղ է, և կտուցի նման սուր դունչ: Այդ դելֆինների մարմնի երկարությունը մոտավորապես երկու մետր է:

Մատնանշեմ նաև այդ ջրերում հանդիպող՝ փշափետրավորների ընտանիքի հետաքրքիր ներկայացուցիչները՝ սապատավորները կամ սև սցիենները: Մի քանի հեղինակներ, ավելի շուտ բանաստեղծներ, քան գիտնականներ, կարծում են, որ այդ ձկները երգել գիտեն և դրանց վտառը կարող է տալ այնպիսի մի համերգ, որը կնսեմացնի երգիչների լավագույն խումբը: Չեմ համարձակվում պնդել, որ այդ ճիշտ չէ, սակայն ճանապարհին մեղ հանդիպող սցիենները չէին երգում: Եվ այդ շատ ցավալի էր:

Վերջապես, հիշեմ մեծ քանակությամբ թռչող ձկները: Չկամի ավելի հետաքրքիր բան, քան այն տեսարանը, երբ դելֆինները թռչող ձկներ են որսում: Դելֆիններն այդ անում են մտթեմատիկական ճշտությամբ: Որքան էլ հոռու թռչեն այդ

ձկները, այնուամենայնիվ ճակատագրական անխուսափելիությամբ ընկնում են դելֆինների բացված երախը:

Մեր տեսած ձկները մեծ մասամբ պատկանում էին ծիծեռնաձկների տեսակին: Գիշերները նրանց թռչքից առաջանում էին լուսավոր կորագծեր, որոնք ընկնող աստղերի պես ջրասույզ էին լինում:

Մեր ճանապարհորդության սկզբից մենք անցել էինք տասներեք հազար լյո կամ հիսուներկու հազար կիլոմետր: Հիմա մենք գտնվում էինք  $45^{\circ}37'$  հարավային լայնության և  $37^{\circ}53'$  արևմտյան երկարության տակ:

Այստեղ «Հերոլդի» նավապետ Դենդեմի իջեցրած զոնդը տասնչորս հազար մետր խորանալով, շէր հասել հատակին: Նույն տեղում ամերիկյան «Կոնդրես» մարտանավի լեյտենանտ Պարկերը հատակը շէր գտել նաև տասնհինգ հազար հարյուր քառասուն մետր խորության տակ:

Նավապետ Նեմոն որոշեց այդ շափումներն ստուգելու համար «Նաուտիլուսն» իջեցնել մինչև օվկիանոսի հատակը:

Սրահի լուսամուտների փեղկերը բացվեցին ու ես նստեցի լուսամուտի մոտ, որպեսզի գրի առնեմ համապատասխան պարագաների տվյալները և դիտողություններ կատարեմ:

«Նաուտիլուսը» պատրաստվեց իջնել այդ հսկայական անդունդը: Ինքնըստինքյան հասկանալի է, որ խոսք շէր կարող լինել այն մասին, թե կարելի է այդչափ խորանալ պահամանները ջրով լցնելու միջոցով: Մի կողմ թողնելով այն, որ ոչ մի լրացուցիչ բեռ շէր բավականանա տվյալ նպատակին հասնելու համար, հարկավոր էր նախատեսել նաև այն, որ օվկիանոսի մակերևույթը բարձրանալու համար հատակում պահամաններից պետք է դուրս մղվեր ջուրը, իսկ դրա համար, հսկայական արտաքին ճնշման պայմաններում շէր բավականանա նույնիսկ «Նաուտիլուսի» պոմպերի ուժը:

Նավապետ Նեմոն որոշեց հատակին հասնել թեք գծով, օգտագործելով նավի ամբողջ ուժը: Խորության դեկերին տըրվեց  $45^{\circ}$  թեքում և ապա մեքենան գործարկվեց ամենամեծ արագությամբ: Մեքենայի թիակների բերանները հսկայական ուժով ճեղքեցին ջուրը: Ամբողջ նավը ցնցվեց և անմիջապես սկսեց իջնել: Նավապետ Նեմոն եկավ ինձ մոտ և մենք միա-

սին հետևում էինք, թե խտաշափի սլաքն ինչպիսի արագությամբ էր շարժվում դեպի ներքև: Շուտով «նաուտիլուսն» անցավ օվկիանոսի այն մասը, ուր ապրում է ձկների մեծամասնությունը: Եթե ձկների առանձին տեսակները կարող են ապրել միայն օվկիանոսի կամ գետերի մակերևույթին մոտիկ, ապա կան նաև այնպիսի ձկներ, որոնք ապրում են ջրի խորը շերտերում: Այնտեղ ես նկատեցի սանրաձև ատամներ ունեցող շնաձկան մի տեսակը, որ ունի վեց քիմուխտային անցք, «հեռագիտակներն» իրենց ահագին աչքերով և վերջապես գրենդերները, որոնք ապրում են հազար երկու հարյուր մետր խորության տակ, ուր ճնշումը հավասար է հարյուր քսան մթնոլորտի:

Ես հարցրի նավապետ Նեմոյին, թե արդյոք նա ձկներ տեսե՞լ է ծովի խորը տեղերում:

— Ձկներ,— հարցը կրկնեց նա,— խորը տեղերում գրանք հազվագյուտ են լինում: Իսկ ի՞նչ է ասում այդ մասին ժամանակակից գիտությունը:

— Մենք գիտենք միայն հետևյալը. ջրի ստորին շերտերում բուսական կյանքն ավելի շատ է քչանում, քան կենդանականը: Մենք գիտենք, որ այնտեղ, ուր դեռ կարելի է կենդանի արարածների հանդիպել, ոչ մի բույս չի լինում: Մեզ հայտնի է, որ ոստրեներն ու այլ խեցիներն ապրում են նաև ծովի մակերևույթից երկու հազար մետր ներքև, որ Մակ Կլինտոկը, բևեռային ծովերի այդ հերոսը, մի անգամ երկու հազար հինգ հարյուր մետր խորության տակ բռնել է մի կենդանի ծովային աստղ: Վերջապես, հայտնի է, որ անդլիական «Բուլդոգ» մարտանավի անձնակազմը շորս հազար մետր խորանալով, նույնպես բռնել է մի կենդանի ծովային աստղ: Ահա այն ամենն, ինչ որ մենք գիտենք: Սակայն դուք, նավապետ Նեմո, հավանորեն կասեք, որ մեր գիտությանը ոչինչ հայտնի չէ:

— Ոչ, պարոն պրոֆեսոր, այդ իմ կողմից հանդգնություն կլինի: Թույլ տվեք նաև հարցնել ձեզ, թե ինչո՞վ է բացատրվում, որ կենդանի արարածները կարողանում են ապրել այդչափ խորը տեղերում:

— Այդ բացատրվում է երկու պատճառով, — պատասխանեցի ես, — նախ և առաջ նրանով, որ ուղղահայաց հոսանքները, որոնք պայմանավորվում են տարբեր խորություններում ջրի տարբեր խտությամբ և աղով հագեցված լինելու աստիճանով, առաջացնում են ջրի շարժում այն շափով, որ բավական է ամենահասարակ ասղամորթների և ծովային աստղերի կյանքը պահպանելու համար...

— Ճիշտ է, — ասաց նավապետը:

— Երկրորդ, նրանով, որ ջրի մեջ լուծված, կյանքի համար անհրաժեշտ թթվածնի քանակությունը խորը տեղերում չի պակասում, այլ ավելանում է և որ այդպիսի տեղերում բարձր ճնշումը նպաստում է թթվածնի կուտակման:

— Հը՛մ, դուք այդ է՛լ գիտեք, — բացականչեց նավապետ Նեմոն, շթաքցնելով իր զարմանքը, — ես ուրախ եմ, որ դու հայտնի է ձեզ, որովհետև այդ անվիճելի փաստ է: Ես միայն կավելացնեմ, որ ոչ խորը տեղերում բռնված ձկների լողափամփուռտներում ազոտն ավելի շատ է, քան թթվածինը, մինչդեռ խորը տեղերում բռնված նույն ձկների լողափամփուռտներում թթվածինը միշտ ավելի շատ է լինում, քան ազոտը: Այդ ապացուցում է ձեր ենթադրության ճշտությունը: Սակայն եկեք շարունակենք մեր դիտողությունները:

Ես նորից նայեցի խտաշափին: Սլաքը ցույց էր տալիս վեց հազար մետր խորություն: Մենք արդեն մի ժամ լողում էինք, և թեք գծով ընթացող «Նաուտիլուսը» դեռևս շարունակում էր ներքև իջնել: Ամայի ջրերն աչքի էին ընկնում ալշեցուցիչ թափանցիկությամբ, որ կարելի էր համեմատել միայն լեռնային բարձունքների օդի թափանցիկության հետ:

Եվս մի ժամ, և մենք արդեն խորացել էինք տասներեք հազար մետր, իսկ օվկիանոսի հատակի հետքն անգամ չէր երևում:

Սակայն երբ մենք իջանք տասնչորս հազար մետր, ես հեռվում տեսա լեռների սև գագաթները, որոնք աչքի էին ընկնում ջրի մեջ: Սակայն դրանք կարող էին լինել նույնքան բարձր լեռնագագաթներ, որքան Հիմալայն է կամ Մոնբլանը, գուցե և ավելի բարձր, այնպես որ մենք դարձյալ չէինք կարող որոշել ջրային այդ անդունդի խորությունը:

Մենք շարունակում էինք իջնել, շնայած այն հսկայական ճնշման, որին ենթարկվում էր «Նաուտիլուսը»: Ես զգում էի, թե ինչպես ցնցվում են ստորջրյա նավի արտաքին միացուցիչ մասերը, ինչպես ծռվում են նրա անջատիչ ձողերը, ինչպես են դողդողում միջնորմները, ինչպես են սրահի լուսամուտները ջրի ճնշման տակ դեպի ներս թեքվում: Եթե մեր նավը շունենար ամբողջական, ձուլված մարմնի ամրություն, մի վայրկյանում կճզմվեր սարսափելի ճնշումից:

Երբ մենք անցնում էինք ջրի մեջ սեին տվող լեռնալանջերի մոտով, ես դրանց վրա տեսա մի քանի խեցի և զանազան ծովային աստղեր: Սակայն շուտով կենդանական աշխարհի այդ վերջին ներկայացուցիչներն էլ շքացան և «Նաուտիլուսն» անցավ կյանքի տարածման սահմանը, ինչպես այն օդապարիկը, որ բարձրանում է այնպիսի տեղեր, ուր այլևս անկարելի է շնչել:

Հիմա մենք գտնվում էինք տասնվեց հազար մետր խորության տակ, և «Նաուտիլուսի» վրա եղած ճնշումը հավասարվում էր հազար վեց հարյուր մթնոլորտի, կամ այլ կերպ ասած՝ յուրաքանչյուր քառակուսի սանտիմետրի վրա հազար վեց հարյուր կիլոգրամ ճնշում:

— Որքա՛ն տարօրինակ է, լինել այնպիսի խորքերում, ուր երբեք կյանք չի եղել, — բացականչեցի ես, — նայեցեք, նավապետ, նայեցեք այդ վեհապանծ ժայռերին, այդ անբնակ լեռներին, օվկիանոսի այդ վերջին սահմաններին, ուր կյանքի նշույլ անգամ չի կարող լինել: Ինչպիսի՛ զարմանալի տեսարան: Եվ որքան ցավալի է, որ մեր մեջ միայն աղոտ հիշողություններ կմնան դրանց մասին:

— Այդ հիշողությունները կարող են և աղոտ չլինել, — ասաց նավապետը:

— Ի՞նչ եք ուզում ասել, — հարցրի ես, — ես ձեզ չեմ հասկանում:

— Ես ուզում եմ ասել, որ չկա մի ավելի հասարակ բան, քան այս ստորջրյա տեսարանը լուսանկարելը:

Ես դեռ չէի հայտնել իմ զարմանքը, որ նավապետ Նեմոյի այդ նոր առաջարկի արդյունքն էր, երբ մի նավաստի լուսանկարչական ապարատը բերեց սրահ:



Մեր առջև փռված տեսարանը, որ լուսավորված էր էլեկտրական լուսարձակով, ուրվագծվել էր զարմանալի պարզությամբ: Ջրի թափանցիկությունը և լիակատար անշարժությունը իդեալական պայմաններ էին ստեղծել լուսանկարելու համար, պայմաններ, որոնք ավելի լավ էին, քան արևի լույսի տակ լուսանկարելու պայմանները: «Նաուտիլուսը» կանգ առավ, մենք ապարատի օբյեկտիվն ուղղեցինք դեպի սառը ջրա սարը և մի քանի վայրկյանում հիանալի նեզատիվ ստացանք:

Լուսանկարի վրա պարզ պատկերացել էին նախնադարյան ժայռերը, որոնք երբեք չեն տեսել ցերեկվա լույսը, երկրի մակերևույթի գրանիտե սյուները, խորը քարանձավները, որ բացված էին ժայռերում և վերջապես, լեռնագագաթների զարմանալի պարզ ուրվագիծը, որ երևում էր ջրի ֆոնի վրա և կարծես նկարված էր նկարչի ձեռքով:

Սակայն լուսանկարը չէր տալիս այն ուժեղ տպավորությունը, որ թողնում էր որևէ կյանքի լիակատար բացակայությունն այդ սև, կոկիկ, կարծես հղկված ժայռերի վրա, որոնք միևնույն գույնն ունեին, առանց որևէ բծի, ամուր կանգնած էին լուսարձակի ճառագայթների տակ փայլող ավազե հատակին:

Վերջացնելով նկարահանումը, նավապետ Նեմոն դիմեց ինձ.

— Մնում է բարձրանալ, պարոն պրոֆեսոր: Չպետք է «Նաուտիլուսը» շափից դուրս երկար ժամանակ ենթարկել այսպիսի ճնշման:

— Ես համաձայն եմ ձեզ հետ, նավապետ:

— Պահեցեք ձեզ, — ասաց նա:

Ես դեռ նավապետին չէի հարցրել, թե ինչպես պիտի հասկանալ նրա խորհուրդը և ինչու պետք է ես ինձ պահեմ, երբ հանկարծ ընկա հատակին:

Նավապետ Նեմոյի հրամանով «Նաուտիլուսի» մեքենան կանգ էր առել և խորության ղեկերին ուղղահայաց դիրք էր տրվել: Նույն վայրկյանին «Նաուտիլուսը» սլացավ դեպի վեր, օդապարիկի պես: Նավն իսկապես որ բարձրանում էր գրլխապտույտ արագությամբ: Նա խուլ շառաչ արձակելով, ճեղքում էր ջուրը: Շուրջը ոչինչ չէր կարելի տեսնել, շորս բո-

պեռնմ նաւը բարձրացաւ տասնվեց հազար մետր և թռչող  
ձկան պես դուրս ցատկելով ջրից, դարձյալ ջրասույզ եղավ:  
հսկայական բարձրութեամբ դեպի վերև նետելով ջրացալտերի  
մի վիթխարի շատրվան:

## ԳԼՈՒԽ ՏԱՍՆԵՐԿՈՒՆԵՐՈՐԴ

### ՎԻՇԱՊԱԶԿՆԵՐ ԵՎ ԿԵՏԵՐ

Մարտի 13-ից 14-ի գիշերը «Նաուտիլուսը» կրկին դարձավ  
դեպի հարավ: Ես կարծում էի, թե Հորն հրվանդանի լայն-  
նութեան տակ մենք շուտ կգանք դեպի արևմուտք, դեպի Խա-  
ղաղ օվկիանոսը, և այդպիսով կավարտենք մեր շուրջերկրյա  
ճանապարհորդութիւնը: Սակայն ես սխալվեցի: «Նաուտի-  
լուսը» շարունակում էր ընթանալ ուղիղ դեպի հարավ:

Ո՞ւր էր գնում նաւը: Դեպի բևե՞որ: Դա անհեթեթութիւն  
էր:

Ես եկա այն եզրակացութեան, որ նավապետ Նեմոյի խե-  
լահեղութիւնն իսկապէս արդարացնում էր Նեդ Էնդի մուսլ  
նախազգացումները:

Կանադացին որոշ ժամանակ ինձ հետ այլևս չէր խոսում  
փախչելու պլանների մասին: Նա դարձավ ավելի սակավա-  
խոս, պարփակվեց ինքն իր մեջ: Ես տեսնում էի, որ նրա հա-  
մար ծանր է մեր երկարատև բանտարկութիւնը: Ես զգում  
էի, որ նրա մեջ սաստկանում է ատելութիւնը: Նավապետ  
Նեմոյի հետ հանդիպելիս նրա աչքերը վառվում էին մուսլ  
կրակով, և ես միշտ վախենում էի, որ բնածին տաքարշունու-  
թիւնը նրան կստիպի որևէ անմիտ քայլ անել:

Այն օրը, մարտի 14-ին, Կոնսելը և Նեդ Էնդը եկան իմ  
նավասենյակը: Ես հարցրի, թե ինչն է նրանց բերել ինձ մոտ:

— Միայն մի հարց, պրոֆեսոր, — պատասխանեց ինձ  
կանադացին:

— Ես ձեզ լսում եմ, Նեդ:

— Ձեր կարծիքով քանի՞ հոգուց է բաղկացած «Նաուտի-  
լուսի» անձնակազմը:

— Զգիտեմ, բարեկամս:

— Ինձ թվում է,— շարունակեց նեղ կենդը,— որ այս նա-  
վը վարելու համար մեծ թվով անձնակազմ չի պահանջվում:

— Արդարեւ,— պատասխանեցի ես,— մեքենաների կա-  
տարելագործվածութեան շնորհիվ տասը հոգուց բաղկացած  
անձնակազմը լիովին կսպասարկի նավի բոլոր կարիքները:

— Այդ դեպքում հազիվ թե նավապետ նեմոն մեծ անձ-  
նակազմ վերցրած լինի,— ասաց նեղ կենդը:

— Չեմ կարծում,— առարկեցի ես:

— Ինչո՞ւ:

Ես խորազնին նայեցի նեղ կենդին: Դժվար չէր հասկա-  
նալ նրա դիտավորութեանները:

— Եթե ճիշտ է այն գաղափարը,— ասացի ես,— որ ես  
կազմել եմ նավապետ նեմոնի գոյութեան մասին, ապա «Նաու-  
տիլուսը» սոսկ նավ չէ, այլ միաժամանակ ապաստարան է  
այն բոլոր մարդկանց համար, որոնք, ինչպես և ինքը, նավա-  
պետը, խզել են իրենց կապը երկրի հետ:

— Հնարավոր է, որ պարոնն իրավացի լինի,— պատաս-  
խանեց մինչ այդ լուռ Կոնսելը,— բայց և այնպես, «Նաուտի-  
լուսը» կարող է տեղավորել միայն սահմանափակ թվով  
մարդկանց: Արդյոք պարոնը չի՞ ասի մեզ, թե ամենաշատն  
ինչքան մարդ կլինի այս նավում:

— Ես այդ ինչպե՞ս կարող եմ գիտենալ, Կոնսել:

— Հասարակ հաշվարկման միջոցով: Պարոնին հայտնի է  
նավի ծավալը, հետևաբար նրա մեջ պարունակվող օդի ծա-  
վալը: Մյուս կողմից գիտենալով, թե մարդու շնչառութեան  
համար որքան օդ է հարկավոր, նաև հաշվի առնելով այն  
հանգամանքը, որ «Նաուտիլուսը» պետք է յուրաքանչյուր  
քսան շորս ժամը մեկ անգամ օդի նոր պաշար վերցնի:

Ես ընդհատեցի Կոնսելի անվերջ ֆրազը, որովհետև հաս-  
կացա, թե նա ինչ է ուզում ասել:

— Հասկանում եմ, հասկանում եմ,— ասացի ես,— այդ  
հաշիվը դժվար չէ անել, բայց հետևանքը շատ անորոշ կլինի:

— Թող անորոշ լինի,— կտրուկ ասաց նեղ կենդը:

— Ահա այդ հաշիվը: Մարդու շնչառութեան համար յու-  
րաքանչյուր ժամում անհրաժեշտ է այնքան թթվածին, որքան

գտնվում է հարչուր լիտր օդում, կամ թե քսանչորս ժամում նրա շնչառության համար անհրաժեշտ է երկու հազար շորս հարչուր լիտր օդ։ Հետևաբար մեր որոնած թիվը գտնելու համար պետք է «Նաուտիլուսի» տարողությունը բաժանել երկու հազար շորս հարչուրի վրա։

— Միանգամայն ճիշտ է, — ասաց Կոնսելը։

— Եվ քանի որ «Նաուտիլուսի» տարողությունը հազար հինգ հարչուր տոնն է, — շարունակեցի ես, — իսկ յուրաքանչյուր տոննը պարունակում է հազար լիտր, ուրեմն նալի ընդհանուր տարողությունը մեկ ու կես միլիոն լիտր օդ է, և այդ տարողությունը բաժանած երկու հազար շորս հարչուրի վրա... — ես թղթի վրա արագությամբ կատարեցի հաշիվը, — ...կատարվի ճիշտ վեց հարչուր քսանհինգ։ Այլ կերպ ասած՝ «Նաուտիլուսում» սխալումակվող օդը քսանչորս ժամվա ընթացքում կբավականանա վեց հարչուր քսանհինգ մարդու շնչառության համար։

— Վեց հարչուր քսանհինգ, — բացականչեց Նեդ Կենդը։

— Սակայն ես կարող եմ ձեզ հավատացնել, որ մենք բոլորս, նավաստիները, ճանապարհորդներն ու հրամանատարությունը, ույդ թիվ մեկ տասներորդ մասն էլ չենք կազմում։

— Այդ էլ շատ է երեք հոգու համար, — շնչաց Կոնսելը։

— Ուստի, ի՛մ խեղճ Նեդ, կարող եմ ձեզ միայն համբերությամբ զինվելու խորհուրդ տալ։

— Եվ ոչ միայն համբերությամբ դիմել, — ավելացրեց Կոնսելը, — այլև հաշտվել ամեն ինչի հետ։

Կոնսելը գոտվ տեղին խոսքը։

— Վերջ ի վերջո, — շարունակեց նա, — նավաստի Նեմոն հո չի կարող շարունակ ընթանալ դեպի հարավ։ Չէ՞ որ նա կանգ կառնի մի որևէ տեղ, օրինակ, թեկուզ սառցե գաշտերի առաջ։ Կգա այն ժամը, երբ նա օտխալած կլինի վերադառնալ այն ծովերը, որոնք գտնվում են քաղաքակրթված երկրների մոտ։ Այն ժամանակ հնարավոր կլինի դարձյալ մտածել փախչելու մասին։

Կանադացին օրորեց գլուխը, ձեռքով շփեց նակատը և ոչ մի պատասխան չտալով, դուրս եկավ նավասենյակից։

— Պարոնի թույլտվությամբ, ես մի դիտողութուն կա-

նեմ, — ասաց Կոնսելը, — խեղճ Նեղը շարունակ մտածում է անկարելի բաների մասին: Նա անընդհատ հիշում է անցյալ երջանիկ օրերը: Նրան սիրելի է թվում այն ամենն, ինչ որ մեզ համար անհասանելի է: Նրան ճնշում է հիշողությունների բեռը, և նա տխրում է ամբողջ օրերով: Հարկավոր է հասկանալ նրան: Ինչո՞վ նա կարող է դբաղվել այստեղ: Ոչնչով: Նա պարոնի նման գիտնական չէ, ստորջրյա աշխարհի հրաշալիքները շեն կարող նրան ուրախացնել այնքան, որքան մեզ: Նեղ Լենդը պատրաստ է զոհել ամեն ինչ, որպեսզի հնարավորություն ունենա վերադառնալու իր հայրենիքում գտնվող որևէ գինետուն:

Միանգամայն բնական է, որ «Նաուտիլուսում» տիրող միապաղաղ կյանքը պետք է անտանելի թվար գործունյա և ազատ կյանքի ընտելացած կանադացուն: Այն դեպքերը, որոնք նրա մեջ հետաքրքրություն էին առաջ բերում, շափաղանց հաղվագչուտ էին: Սակայն հենց այդ օրը տեղի ունեցավ մի դեպք, որը նրան պետք է հիշեցներ իր ազատության երջանիկ օրերը:

Առավոտյան ժամը մոտ տասնամեկին օվկիանոսի վրա լողացող «Նաուտիլուսը» հանդիպեց մի խումբ կետերի: Այդ հանդիպումն ինձ չզարմացրեց: Ես գիտեի, որ այդ կաթնասունները, որոնց մարդիկ որսում են հաճույքով ու համառությամբ, ապաստարան են փնտրում բարձր լայնությունների տակ, ուր կետորս նավերը սակավ են լինում:

Կետերը միշտ կարևոր դեր են խաղացել ծովային դործում և աշխարհագրական հայտնագործությունների վրա նրանց ազդեցությունը շատ զգալի է եղել: Կետերը դեպի իրենց են գրավել բոլոր ժամանակների և բոլոր ժողովուրդների որսորդներին, սկզբում բասկերին, հետո ասորիներին, անգլիացիներին և հոլանդացիներին: Կետերը նրանց կոփել են օվկիանոսային ճանապարհորդության վտանգների դեմ մղվող պայքարում, սովորեցրել են առանց վախենալու ժայրեծայր շափել օվկիանոսները: Կետերը սիրում են այցելել թե հյուսիսի և թե հարավի բևեռային ծովերը: Հին ավանդություններն ասում են, թե մի անգամ կետերին հետապնդող որսորդներն այնքան են գնացել դեպի հյուսիս, որ մինչև բևեռն ընդամենը



մնացել է յոթ լյու: Եթե այս ավանդությունը մտացածին է, ապա երբևէ այն իրականություն կդառնա և ամենից հավանականն այն է, որ մարդիկ երկրի այդ անհայտ տեղերը կհասնեն հենց կետեր որսալու շնորհիվ:

Մենք գտնվում էինք տախտակամածում: Ծովը հանգիստ էր, այս լայնություններում հոկտեմբեր ամսին հրաշալի եղանակ է լինում:

Կանադացին առաջինն էր, որ արևելյան կողմում, հորիզոնի վրա նկատեց կետ և շսխալվեց:

Ուշադրությամբ դիտելով մատնանշված տեղը, ես էլ տեսա մի ինչ-որ սև բիծ, որ գտնվում էր «Նաուտիլուսից» հինգ մղոն հեռու, մերթ դուրս էր գալիս ջրի երեսը, մերթ ջրասույզ լինում:

— Ա՛խ, — գոչեց Նեդ Լենդը, — եթե հիմա ես լինեի կետորս նավում, ինչքա՛ն ուրախալի կլինեի ինձ համար այդ հանդիպումը: Դա մի հսկայական կենդանի է: Նայեցեք, թե որքան բարձր է նետում ջրի սյուները: Սատանան տանի: Որքա՛ն դայրացուցիչ է, որ ես շղթայված եմ այս տաշտակին:

— Ես տեսնում եմ, Նեդ, որ դուք դեռևս ձեզ եռաժանավոր եք դգում, — ասացի ես:

— Մի՞թե կետորսը երբևէ կարող է մոռանալ իր մասնագիտությունը: Մի՞թե երբևէ կարելի է հազենալ այդ որսի ժամանակ ունեցած ապրումներից:

— Իսկ դուք այս ծովերում երբեք որս չե՞ք արել, Նեդ:

— Երբե՛ք, պարոն պրոֆեսոր: Ես միշտ աշխատել եմ հյուսիսային ծովերում, հասել եմ մինչև Բերինգյան նեղուցը, մինչև Դևիսի նեղուցը...

— Ուրեմն դուք չգիտեք հարավային կետերը: Դուք ներկա դեպքում չեք էլ կարող դրանց գիտենալ, որովհետև բևեռային կետերը երբեք չեն համարձակվում անցնել հասարակածի տաք ջրերից:

— Ի՞նչ եք ասում, պարոն պրոֆեսոր: Ինչե՞ր եք հնարում, — անվստահությամբ առարկեց կանադացին:

— Ես ոչինչ չեմ հնարում, ես ասում եմ այն, ինչ որ կա:

— Ինչպե՛ս չէ: Վաթսունհինգ թվականին, այսինքն ընդամենը երկու և կես տարի առաջ, Գրենլանդիայի ափերի մոտ ես

անձամբ խփեցի մի կետ, որի մեջ դեռ ցցված էր Բերինգյան նեղուցից անցած նավի դրոշմը կրող եռաժանին: Թույլ տվեք հարցնել, ձեզ, այդ ինչպե՞ս էր պատահել, որ Ամերիկայի արևմուտքում վիրավորված կենդանին եռաժանու հարվածներ էր ստացել արևելքում, եթե նա նախապես շէր անցել Հորն կամ Բարեհուսո հրվանդանները, այսինքն եթե շէր անցել հասարակածի մոտից:

— Ես համաձայն եմ իմ բարեկամ Նեդի փաստարկման հետ և անհամբերությամբ սպասում եմ պարոնի պատասխանին, — ասաց Կոնսելը:

— Պարոնը ձեզ կպատասխանի, բարեկամներս, որ կետերի տարբեր տեսակներն ապրում են տարբեր ծովերում, որտեղից երբեք չեն հեռանում: Եթե կետերից մեկը Բերինգյան նեղուցից անցել է Դեվիսի նեղուցը, այդ միայն նշանակում է, որ այդ ծովերի միջև ինչ-որ մի անցք կա, կամ ամերիկյան, կամ ասիական ավում:

— Եվ ես պետք է հավատամ դրան, — աչքերը կկոցելով հարցրեց կանադացին:

— Պարոնին պետք է հավատալ, — պատասխանեց Կոնսելը:

— Հետևաբար դուք պնդում եք, որ եթե ես երբեք որս չեմ արել այս ջրերում, ուրե՞մն չգիտե՞մ այստեղի կետերին, — շարունակեց կանադացին:

— Միանգամայն ճիշտ է:

— Ի՞նչ արած, Նեդ, ուրե՞մն պետք է որ դրանց հետ ծանոթանալն ավելի ցանկալի լինի, — ասաց Կոնսելը:

— Նայեցեք, նայեցեք, — գոչեց կանադացին, — կետը մոտենում է: Նա ուղիղ դեպի մեզ է գալիս: Նա ծաղրում է ինձ, հասկանալով, որ ես նրան ոչինչ չեմ կարող անել:

Նեդը ոտքը խփեց հատակին:

Կետորսի բռունցքը սեղմվում էր, կարծես նա եռաժանի էր բռնել:

— Եվ այդ կետերը, — շարունակեց նա, — նույն մեծությունն ունեն, ինչ որ հյուսիսային կետե՞րը:

— Համարյա նույն մեծությունը, Նեդ:

— Ես այդ հարցնում եմ, պարոն պրոֆեսոր, որովհետև ես առիթ եմ ունեցել տեսնելու խոշոր կետեր, որոնց երկարությունը հարչուր ոտնաչափի է հասնում: Հին կետորսներն ինձ պատմում էին, թե Ալեուտյան կղզիների մոտ եղած կետերը նույնիսկ հարչուր հիսուն ոտնաչափ երկարություն են ունենում:

— Իմ կարծիքով այդ շափաղանցություն է, Նեդ,— առարկեցի ես,— բնության մեջ այդպիսի կետեր չկան, իսկ վիշապաձկները կետերից ավելի փոքր են:

— Ա՛յո,— գոչեց կանադացին, որ շարունակում էր դիտել օվկիանոսը,— կետը մոտենում է: Շուտով նա կանցնի «Նաուտիլուսի» կողքից:

Եվ շարունակելով մեր գրույցը, նա դիմեց ինձ.

— Դուք վիշապաձկների մասին խոսում եք ինչպես փոքրիկ ձկների մասին: Մինչդեռ գոյություն ունեն իրոք որ հսկայական վիշապաձկներ: Գիտե՞ք, դրանք խելացի կենդանիներ են: Դրանցից մի քանիսը, ինչպես պատմել են ինձ, մտնում են ջրիմուռների մեջ և այդպես դուրս են գալիս ջրի երեսը: Նրանց կղզիների տեղ են ընդունում: Նավերը մոտենում են նրանց, մարդիկ դուրս են գալիս, կրակ են վառում...

— Տներ, ավաններ են կառուցում,— հեզնեց Կոնսելը:

— Այո, հանաքչի,— պատասխանեց Նեդ Լենդը,— հետո մի գեղեցիկ օր վիշապաձուկը ջրասույզ է լինում և իր հետ օվկիանոսի հատակն է տանում իր բոլոր բնակիչներին...

— Ճիշտ այնպես, ինչպես Սինդբատ անունով ծովադնացի արկածները,— ծիծաղեցի ես,— սակայն, միստր Լենդ, ես չգիտեի, որ դուք այդպիսի վարպետ եք հեքիաթներ հորինելու մեջ: Հույս ունեմ, որ դուք ինքներդ չեք հավատում այդպիսի վիշապաձկների գոյության:

— Պարոն գիտնական,— լուրջ պատասխանեց կանադացին,— կետերից կարելի է ամեն ինչ սպասել: Սակայն նայեցեք, թե նա ինչպիսի արագությամբ է լողում: Ինչպե՛ս է ջրասույզ լինում: Ասում են, թե այդ կենդանիները տասնհինգ օրվա ընթացքում կարող են լողալ աշխարհի շուրջը:

— Այդ հնարավոր է, Նեդ, չեմ վիճի:

— Գրադ կգամ, պարոն պրոֆեսոր, որ դուք չգիտեք, թե

աշխարհիս գոյութեան սկզբում առաջին կետն ավելի արագ էր լողում, քան այժմյան կետերը:

— Իսկապե՞ս, Նեդ: Ես իրոք որ այդ շղիտեի: Իսկ ինչո՞ւ:

— Որովհետև սկզբում նրա սլոշը եղել է ուղղահայաց, ինչպես ձկներինը, և նա ջրին խփել է ձախից աջ և աջից ձախ: Բայց հետո առաջին կետն անզգուշաբար շուտ է տվել իր սլոշը, և այն ժամանակից սկսած բոլոր կետերի սլոշերը հորիզոնական դիրք ունեն և ջրին խփում են վերևից ներքև ու ներքևից վերև, իսկ այդ իհարկե մեծ շափով պակասեցնում է արագութիւնը:

— Եվ ես պետք է հավատամ որան,— հեզնելով Նեդի ասածը, հարցրի ես:

— Պարտադիր չէ,— պատասխանեց կանադացին,— և դա ավելի չէ, քան եթե ես ձեզ ասեի, որ տեսել եմ երեք հարյուր ոտնաչափ երկարութեամբ և հինգ հարյուր հազար կիլոգրամ ծանրութեամբ կետեր:

— Դուք արդեն շափաղանցնում եք,— պատասխանեցի ես,— սակայն մի քանի կետանմաններ իսկապես որ հսկայական մեծութիւն են ունենում: Ասում են, թե որևէ այդպիսի կենդանուց հարյուր քսանից մինչև հարյուր երեսուն տոնն ճարպ է ստացվում:

— Այդ ես տեսել եմ սեփական աչքերով,— ասաց կանադացին:

— Սիրով հավատում եմ ձեզ, Նեդ, ինչպես նաև հավատում եմ, որ մի քանի կետեր իրենց մեծութեամբ հավասար են հարյուր փղի: Երևակայեցեք, թե ամբողջ արագութեամբ սլացող այդպիսի զանգվածն ինչ գործողութիւններ կարող է կատարել:

— Արդյոք ճի՞շտ է,— հարցրեց Կոնսելը,— որ կետը կարող է խորտակել նավը:

— Ես դրան չեմ հավատում,— պատասխանեցի ես,— սակայն պատմում են, որ հենց այս հարավային լայնութիւններում 1820 թվականին կետը հարձակվել է «էսսեքս» մարտանավի վրա և սկսել է այն հետ մղել մեկ վայրկյանում շորս մետր արագութեամբ: Զուրը լցվել է նավի հետին մասը, և նավը գրեթե անմիջապես ջրասույզ է եղել:

— Ինչ վերաբերում է ինձ,— ասաց Նեդը,— մի անգամ կետը պոշով խփեց ինձ, այսինքն իհարկե ոչ թե ինձ, այլ իմ նավակին: Ես ու իմ ուղեկիցները վեց մետր դեպի վեր թռանք: Սակայն այս կետը, համեմատած այն կետի հետ, որի մասին քիչ առաջ պատմեց պարոն պրոֆեսորը,— միմիայն ձագ է, ծծկեր երեխայի շափ փոքր:

— Արդյոք երկա՞ր են ապրում այդ կենդանիները,— հարցրեց Կոնսելը:

— Հազար տարի,— առանց տատանվելու պատասխանեց կանադացին:

— Դուք այդ որտեղի՞ց գիտեք, Նեդ:

— Այդպես են ասում:

— Իսկ ինչո՞ւ են այդպես ասում:

— Որովհետև ամեն ոք գիտե այդ:

— Ոչ, Նեդ, դա ոչ ոք չգիտե, այլ միայն ենթադրում են, որ այդպես է: Ահա թե ինչ դատողության վրա է հիմնված այդ ենթադրությունը. շորս հարյուր տարի առաջ, երբ առաջին անգամ սկսվեց կետերի որսը, այդ կենդանիները շատ ավելի խոշոր էին այժմյան կետերից: Այս պատճառով բնականաբար կարելի էր ենթադրել, որ ժամանակակից կետերի փոքր ծավալը բացատրվում է նրանով, որ նրանք դեռևս լիովին չեն դարգացել: Հենց այդ էլ ստիպել է Բյուֆֆոնին հայտարարելու, թե կետերը կարող են և պետք է որ ապրեն հազար տարի: Հասկանալի՞ է:

Սակայն Նեդ կենդը շէր լսում և շլսեց ինձ: Կետը մոտենում էր և Նեդն աչքերը շուել էր կենդանու վրա:

— Ա՛խ,— հանկարծ գոչեց նա,— դա մի կետ չէ: Տասը... քսան հատ կլինեն... Մի ամբողջ վտառ: Իսկ մենք ոչինչ չենք կարող անել: Այսպիսի ըոպելին մարդուս ձեռները մի՞թե պիտի կապված լինեն...

— Սակայն Նեդ, բարեկամս, ինչո՞ւ նավապետ Նեմոյից թույլտվություն չեք խնդրում դրանց որսալու համար,— հարցրեց Կոնսելը:

Վերջինը դեռ շէր վերջացրել նախադասությունը, երբ Նեդը գլխապատառ ներքև վազեց նավապետին գտնելու համար:



Մի քանի բոլորից հետո նրանք միասին տախտակամածում էին:

Նավապետ Նեմոն սկսեց դիտել կետերի վտառը, որ խաղում էր ջրի երեսին, «Նաուտիլուսից» ընդամենը մեկ մղոն հեռու:

— Դրանք հարավի կետեր են,— ասաց նա,— այդ վտառը բավական կլիներ կետ որսող մի ամբողջ նավատորմիդ հարստացնելու համար:

— Հը՛, ինչպե՛ս, նավապետ, թույլ չե՛ք տա, որ ես մի քիչ որսամ դրանց, թեկուզ նրա համար, որ շմոռանամ եռաժանի բանեցնելու իմ արհեստը:

— Ինչո՞ւ իզուր սպանել կենդանիներին,— առարկեց նավապետը,— նրանց ճարպը բոլորովին հարկավոր չէ մեզ:

— Այնուամենայնիվ, նավապետ, Կարմիր ծովում դուք ինձ թույլ տվիք որսալ դյուզոնը,— պնդում էր կանադացին:

— Դյուզոնը պետք է թարմ մսի պաշար տար մեր խոհանոցին: Իսկ այժմ դուք թույլտվություն եք խնդրում սպանել միայն սպանելու համար: Ես շատ լավ գիտեմ, որ այդ հատուկ է մարդկային բնության, սակայն չեմ ուզում խրախուսել այդ բարբարոսական ժամանցը: Ոչնչացնելով հարավային կետին, այդ անմեղ ու բարի կենդանուն, դուք, միտք կենդ, ձեր համախոհների հետ միասին սև գործ եք կատարում... Նրանք արդեն Բաֆֆինյան ծոցում ոչնչացրել են բոլոր կենդանիներին, իսկ այժմ ուզում են բոլորովին ոչնչացնել նաև այս օգտակար կենդանիներին: Այդ դժբախտ կետերին հանգիստ թողեք: Դրանք առանց այդ էլ ունեն բավականաչափ բնական թշնամիներ՝ վիշապաձկներ և սուսերակիրներ:

Կարելի է պատկերացնել, թե կանադացու դեմքն ինչպիսի արտահայտություն ուներ այս անսպասելի բարոյախոսության ժամանակ: Այդպիսի դասախոսություն կարողալ պրոֆեսիոնալ որսորդին, նշանակում էր իզուր տեղը բռներ շռայլել:

Նեդ կենդը նայում էր նավապետ Նեմոյին և ըստ երևույթին ուղղակի չէր հասկանում, թե նա ինչի մասին է խոսում:

Սակայն նավապետն իրավացի էր: Կետորսների անխոհեմ գիշատչությունը շուտով այնտեղ կհասցնի, որ օվկիանոսից կչքանան վերջին կետերը:

Նեղ կենդր սուլեց «Յանկի դուդու»<sup>1</sup> մոտիվը և դեմքը շուտ տվեց մեզանից:

Այդ ժամանակ նավապետ Նեմոն, որ շարունակում էր դիտել կետերի վտառը, ասաց ինձ.

— Ես իրավացի էի, երբ քիչ առաջ ասում էի, որ կետերը, բացի մարդուց, ուրիշ շատ բնական թշնամիներ ունեն: Ահա այդ վտառն այժմ ընդհարվելու է ուժեղ հակառակորդի հետ: Տեսնո՞ւմ եք արդյոք, պարոն պրոֆեսոր, այնտեղ, ութ մղոն հեռու շարժվող սև բծերը:

— Տեսնում եմ, նավապետ,— պատասխանեցի ես:

— Դրանք վիշապաձկներ են, սարսափելի կենդանիներ... Ես առիթ եմ ունեցել տեսնելու դրանց մի ամբողջ վտառը, երկու-երեք հարյուր հա՛տ: Այ, հենց այդ դաժան ու վնասակար կենդանիներին իսկապես որ արժե ոչնչացնել:

Այս խոսքերի վրա կանադացին անմիջապես ետ նայեց:

— Ի՞նչ արած, նավապետ,— ասացի ես,— իրոք որ կետերի շահերի համար միտար կենդին կարելի է թույլ տալ...

— Չարժե վտանգի ենթարկվել,— ընդհատեց ինձ նավապետը,— «Նաուտիլուսն» ինքը կցրի վիշապաձկներին: Նավը ղինված է պողպատե ժանիքով, որն իհարկե ոչ պակաս ուժեղ է, քան միստեր կենդի եռաժանին:

Կանադացին առանց քաշվելու թոթվեց ուսերը: Նրա տեսքը պարզ ասում էր.— «Ո՞վ է լսել, որ նավի ժանիքով վիշապաձկներ որսան»:

— Սպասեցեք, պարոն պրոֆեսոր,— ասաց նավապետը,— մենք ձեզ ցույց կտանք այնպիսի մի որս, որ դուք երբեք չեք տեսել: Ո՛չ մի կաթիլ ցավակցութուն դեպի այդ գիշակերները, որոնք երախից ու ատամներից բացի ուրիշ ոչինչ չունեն:

Ամբողջովին ատամներով ղինված երա՛խ. դժվար էր մի այլ, ավելի լավ բնորոշում տալ մեծագլուխ վիշապաձկներին, որոնց երկարութունը երբեմն քսանհինգ մետրի է հասնում: Այդ կետանման կենդանու հակառական գլուխը կազմում է

---

<sup>1</sup> «Յանկի դուդու» Հյուսիսային Ամերիկայի հայրենասիրական երգն է, որ երգվում էր Անգլիայի իշխանութունից ազատագրման պայքարի ժամանակաշրջանում:

մարմնի մեկ երրորդից ավելին: Տարբերվելով կետերի նրա-  
խից, որ ունի միայն եղջերաշերտեր, վիշապաձկան երախը  
զինված է երեսունիննից հիսուներկու սուր ատամներով, որոն-  
ցից յուրաքանչյուրը երկու ֆունտ է կշռում: Վիշապաձկան  
գանգի ետին մասում կան իրար միացած երկու խցիկներ,  
որոնք լցված են երեք հարյուրից շորս հարյուր կիլոգրամ յու-  
ղախառն հեղուկով՝ սպիրամացիտով, որը շատ թանկ է վաճառ-  
վում: Անշուշտ վիշապաձուկն աշխարհիս ամենասանճոռնի և  
այլանդակ արարածն է: Հինգ մետր երկարություն և երեք  
մետր բարձրություն ունեցող հսկայական գլուխն ապշեցնում  
է իր անկանոն մասերով: Այսպես, քթի երկու կեսից կա միայն  
մեկը, իսկ ձախ աչքը շատ փոքր է աջից, իսկ դա անցյալում  
որսորդներին հարմարություն էր տալիս վիշապաձկան վրա  
հարձակվել միշտ ձախ կողմից:

Գիշատիչների վտառն արդեն մոտենում էր: Նրանք ար-  
դեն նկատեցին կետերին և պատրաստվում էին վերջինների  
վրա հարձակվելու:

Կարելի էր վաղօրոք գլխի ընկնել, որ այդ անհավասար  
պայքարում կետերը կհաղթվեն, և ոչ միայն այն պատճառով,  
որ վիշապաձկները կետերից ուժեղ են և ավելի լավ են զին-  
ված, այլև այն պատճառով, որ նրանք կարող են ջրի տակ  
ավելի երկար մնալ, քան կետերը, շնչելու համար դուրս շգա-  
լով ջրի երեսը:

Ժամանակն էր օգնության հասնելու կետերին: «Նաուտի-  
լուսը» ջրասույզ եղավ: Կոնսելը, Նեդ կենդն ու ես տեղ բռնե-  
ցինք սրահի լուսամուտների առաջ: Նավապետ Նեմոն անցավ  
դեկի խցիկը, որպեսզի անձամբ կառավարի նավը, որ հիմա  
ոչնչացման գործիքի դեր էր կատարելու:

Մեքենան սկսեց ավելի արագ աշխատել, և «Նաուտիլու-  
սը» սլացավ ամբողջ թափով:

Երբ «Նաուտիլուսը» վրա հասավ, վիշապաձկների ու կե-  
տերի միջև արդեն սկսվել էր ճակատամարտը: Նավապետ Նե-  
մոն իր նավը վարում էր այն հաշվով, որ վիշապաձկների  
վտառը երկու մասի բաժանի: Սկզբում վիշապաձկներին այն-  
քան էլ շանհանգստացրեց նոր թշնամու երևան գալը, բայց  
շուտով նրանք հասկացան իրենց սխալը:

Ինչպիսի՞ տեսարան էր մեր աչքերի առաջ: Նույնիսկ Նեդ  
Լենդն հիացավ և սկսեց բուռն կերպով ծափահարել:

«Նաուտիլուսը» դարձավ մի վիթխարի եռաժանի, հլու մի  
զենք՝ իր նավապետի ձեռքում: Նավը հարձակվում էր վիշա-  
պաձկների մտտ մարմինների վրա և կտոր-կտոր անում, իր  
հետևից թողնելով կենդանու երկու այլանդակված, արյունա-  
հոս մասերը: Նավի համար զգալի շէին վիշապաձկների պո-  
չերի դաժան հարվածները, նրանց կատաղի ցնցումները:  
Սպանելով մեկ վիշապաձուկ, նավն անցնում էր մյուսին,  
դառնալով իր առանցքի շուրջը, որպեսզի ժամանակ չկորցնի  
և բաց չթողնի իր զոհին: Նավն առաջ էր սլանում, ետ դառ-  
նում, ջրասույզ էր լինում այն ժամանակ, երբ վիշապաձուկն  
էլ ազատվելու համար ջրասույզ էր լինում. դուրս էր գալիս  
ջրի երեսը, եթե վիշապաձուկն էլ նույնն էր անում. գրոհում  
էր կողքերից, ճակատից, թիկունքից և կտոր-կտոր էր անում՝  
ինչ արագությամբ էլ որ ընթանար և որտեղից էլ որ հասներ,  
հարվածը:

Ինչպիսի սպանդանո՞ց: Ինչպիսի որոտ ջրի մակերևույ-  
թին: Վախեցած վիշապաձկների շնչառության ինչպիսի՞ սու-  
լոց: Նրանց ահագին պոչերի հարվածներից ալեկոծվում էին  
նույնիսկ ջրի ստորին շերտերը, որոնք միշտ հանդիստ են լի-  
նում...

Մեկ ժամից ավելի շարունակվում էր այդ համատարած  
կոտորածը, որից շաղատվեց և ոչ մի վիշապաձուկ: Մի քանի  
անդամ, կաղմելով տասը-տասներկու կենդանուց բաղկացած  
ջոկատներ, վիշապաձկները հարձակման էին անցնում, փոր-  
ձելով խորտակել «Նաուտիլուսը»: Սրահի լուսամուտից երե-  
վում էին նրանց բաց երախները, զարհուրելի ատամներն ու  
կատաղությունից փայլող աչքերը:

Նեդ Լենդը, չկարողանալով ինքն իրեն զսպել, անիծում և  
բռունցքներով սպառնում էր վիշապաձկներին: Վերջիններս  
ատամներով կծում էին ստորջրյա նավի կողքերը, ինչպես  
շները կծում են անտառում բռնված գազանի կոկորդը:

Սակայն «Նաուտիլուսը», ավելացնելով արագությունը, շէր  
զգում վիշապաձկների ահագին ծանրությունը և նրանց հու-  
սահատական ճիգերը, նրանց իր հետ տանում էր օվկիանոսի,

խորքը կամ դուրս էր բերում ջրի երեսը, ոչ մի վայրկյան շղա-  
դարեցնելով հերթական զոհի հետապնդումը:

Վերջապես, վիշապաձկների վտառը նոսրացավ: Իրարան-  
ցումը դադարեց: «Նաուտիլուսը» բարձրացավ ջրի երեսը:  
Դռնակը բացվեց, և մենք շտապեցինք դեպի տախտակամած:

Ծովի վրա թափթփված էին վիշապաձկների այլանդակված  
դիակները: Եթե ջրում, վիշապաձկների վտառի մեջ պայթեր  
հսկայական, ավերիչ ուժ ունեցող մի արկ, այդ կենդանիներն  
այդպես պատառոտված, բզկտված, կտոր-կտոր շէին լինի: Մի  
քանի մղոնի վրա ջուրը կարմիր գույն էր ստացել, և «Նաուտի-  
լուսը» լողում էր կարծես արյան օվկիանոսում:

Նավապետ Նեմոն մոտեցավ մեզ:

— Հը՛, միստր Լենդ, ի՞նչ կասեք, — դիմեց նա կանադա-  
ցուն:

— Ես ասելիք չունեմ, նավապետ, — պատասխանեց կա-  
նադացին, որի ոգևորությունն արդեն սառել էր, — դուք մեզ  
ցույց տվիք սարսափելի մի տեսարան, այդ անվիճելի է: Սա-  
կայն ես մսագործ չեմ, այլ որսորդ եմ, իսկ դուք մեզ սպան-  
դանոց ցույց տվիք...

— Այդ շար և գիշատիչ կենդանիների ոչնչացում էր, —  
առարկեց նավապետ Նեմոն, — «Նաուտիլուսն» էլ մսագործի  
դանակ չէ:

— Այնուամենայնիվ ես գերադասում եմ իմ եռաժանին, —  
ասաց կանադացին:

— Ամեն ոք իր զենքն ունի, — պատասխանեց նավապետը,  
աչքերը սևեռելով Նեդ Լենդի վրա:

Ես վախեցա, որ վերջինս հանդգնություններ կասի նա-  
վապետին, այդ կարող էր տխուր հետևանք ունենալ մեր բո-  
լորիս համար, սակայն բարեբախտաբար կանադացու ուշա-  
դրությունը դարձավ մի կետի վրա, որին այդ ժամանակ մո-  
տենում էր «Նաուտիլուսը»:

Այս կենդանին չէր կարողացել ազատվել վիշապաձկների  
հարձակումից: Ես նկատեցի, որ դա հարավային կետ էր, բո-  
լորովին սև, ներս ընկած գլխով: Իր կազմվածքով նա սովո-  
րական կետերից տարբերվում էր նրանով, որ այս կետի պա-



բանոցի յոթ ողները միացած են՝ և նրա կողերը երկուսով  
ավելի են հյուսիսային կետերի կողերից:

Դժբախտ կետը պառկած էր կողքի վրա, վիշապաձկնե-  
րը մի քանի տեղ կծել էին նրա որովայնը: Կետը մեռած էր:  
Նրա այլանդակված լողաթևի տակ ապաստանել էր ձագը,  
որին նա շէր կարողացել պաշտպանել: Սպանված կետի բաց  
երակից ջուր էր հոսում, անվակի պես կարկաշում «կետի  
բեղի» շերտերում:

Նավապետ Նեմոն հրամայեց «Նաուտիլուսը» մոտեցնել  
սպանված կետին: Երկու նավաստի բարձրացան կենդանու  
կողքի վրա, և ես զարմանքով տեսա, որ նրանք կետի կրծքի  
դեղձերից կաթ են քամում: Այս կերպ նրանք երկու թե երեք  
տակառ կաթ քամեցին:

Նավապետն ինձ առաջարկեց մի բաժակ խմել այդ դեռևս  
տաք կաթից: Այդ առաջարկը լսելով, ես շկարողացա թաքցնել  
իմ նողկանքը: Սակայն նա ինձ հավատացրեց, որ կետի կա-  
թը հիանալի համ ունի և ոչնչով չի տարբերվում կովի կաթից:

Ես փորձեցի և գտա, որ միանգամայն իրավացի է նա-  
վապետ Նեմոն: Այդ երեք տակառ կաթը մի արժեքավոր դյուր  
էր մեղ համար, որովհետև դրանից ստացվող յուղն ու պանի-  
րը պետք է հաճելի բաղմազանություն մտցնեին մեր կերու-  
կուրների մեջ:

Այդ օրվանից ես դառնությամբ նկատում էի, որ Նեդ կենդն  
ավելի ու ավելի թշնամաբար է վերաբերում նավապետ Նե-  
մոյին: Ես որոշեցի աշալուրջ հետևել, որ կանադացին մի  
որևէ վայրենի քայլ չանի:

## ԳԼՈՒԽ ՏԱՍՆԵՐԵՔԵՐՈՐԴ

### ՍԱՌՈՒՅՑՆԵՐՈՒՄ

«Նաուտիլուսը» շարունակում էր անշեղ ընթանալ դեպի  
հարավ: Զգալի արագությամբ նա սլանում էր հիսուներորդ  
միջօրեականի երկայնքով: Մի՞թե նա ուզում էր բևեռին հաս-  
նել: Ես դրան չէի հավատում, որովհետև հարավի բևեռային

երկրներում մարտ ամիսը համապատասխանում է հյուսիսային երկրների սեպտեմբեր ամսին, այսինքն աշնան սկզբին:

Մարտի 14-ին 55° երկարության տակ ես առաջին անգամ լողացող սառույցներ տեսա: Դրանք՝ սառույցի փոքր կտորներ էին, կապտավուն գույնի, քսան-քսանհինգ ոտնաչափ երկարությամբ: Ծովի ալիքներն աղմուկով փշրվում էին դրանց վրա:

«Նաուտիլուսն» ընթանում էր օվկիանոսի վրա: Նեղ կենդր, որ հաճախ ճանապարհորդել էր բևեռային ծովերում, առաջ էլ բազմիցս տեսել էր լողուն սառույցներ: Կոնսելն ու ես առաջին անգամ էինք զմայլվում այդ տեսարանով:

Երկնակամարում, հորիզոնի վրա ձգված էր կուրացուցիչ մի լուսաշերտ: Անգլիական կետորսներն այն անվանում են iceblink<sup>1</sup> որքան էլ խիտ լինեն ամպերը, շեն կարող ծածկել այդ լույսը: Այդ լուսաշերտը ցույց է տալիս սառցե դաշտի մոտիկությունը:

Արդարև, շուտով երևացին ավելի խոշոր սառցակոշտեր, որոնք մերթ պայծառ փայլում էին ու մերթ գունաստվում, նայած մթնոլորտի դրություն: Մի քանի լողացող սառցալեռների կողերը ծածկված էին կանաչ շերտերով, որ կարծես ծծմբաթթվուտային պղնձի հանքաշերտեր լինեին: Ուրիշ սառցակոշտեր ամբողջովին փայլում էին թանկագին քարերի պես: Մի քանիսն էլ իրենց բյուրեղներով արտացոլում էին արևի ճառագայթները: Վերջապես, մի քանիսն էլ, որ ձյան խավով էին պատած, թվում էին մարմարի հսկայական կտորներ, որոնք բավական էին մի ամբողջ քաղաք կառուցելու համար:

Որքան մենք գնում էինք դեպի հարավ, այնքան շատ էին լողացող սառցակոշտերը, այնքան խոշորանում էին առանձին կտորներն ու սառցալեռները: Արկտիկական թռչունները հազարավոր բույներ էին հյուսել՝ դրանց վրա: Այդ թռչուններից էին հյուսիսային և այլ մրրկահավերը, պուֆինները, որոնք խլացնում էին մեզ իրենց կոհնչով: Մի քանիսները «Նաուտիլուսը» կետի տեղ էին ընդունում, և նստելով տախտակամածին, սկսում էին կտցահարել զրնգուն երկաթը:

<sup>1</sup> Բևեռային սառույցների արտացոլում (անգլ.):

Սառույցների միջով անցնելիս նավապետ Նեմոն հաճախ ու երկար ժամանակ լինում էր տախտակամածում: Նա մեծագույն ուշադրությամբ դիտում էր այդ ամալի տեղերը: Ստեանում էի, թե ինչպես երբեմն վառվում էր նրա սովորաբար սառը հայացքը: Գուցե այդ ժամանակ նա մտածում էր, որ նա միակ իշխողն է բևեռային այս ջրերի վրա, որոնք անմատչելի են մարդուն: Հնարավոր է: Սակայն նա չէր խոսում այդ մասին: Ժամերով կանգնում էր անշարժ և կարծես քնից արթնանում էր այն ժամանակ, երբ «Նաուտիլուսը» լինում էր սառույցների օղակում և հարկավոր էր դուրս գալ այդ թակարդից:

Այդ ժամանակ նա ինքն էր կանգնում դեկի մոտ և ապշեցուցիչ վարպետությամբ վարում էր «Նաուտիլուսը», խուսափելով սառցադաշտերի ու սառցալեռների հետ ընդհարվելուց, որոնցից մի քանիսն ունեին մի քանի մղոն երկարություն և ջրի մակերևույթից յոթանասուն—ութսուն մետր բարձրություն:

Հաճախ թվում էր, որ «Նաուտիլուսի» ճանապարհը փակված է համատարած սառցե պարսպով: Կայնության վաթսուներորդ աստիճանում սառույցը համատարած զանգված էր արդեն: Սակայն նավապետ Նեմոն արագությամբ գտնում էր մի որևէ նեղ անցք և համարձակորեն անցնում էր այնտեղից, թեև գիտեր, որ անցնելուց հետո իսկույն պետք է փակվի այդ անցքը:

Այսպես, իր նավապետի հմուտ ղեկավարությամբ «Նաուտիլուսը» ընթանում էր հավերժական սառույցների միջով:

Կոնսելին դուր եկավ այն, որ գոյություն ունի սառույցների ճիշտ դասակարգում ըստ նրանց ձևի և մեծության, և նա արագ յուրացրեց այդ դասակարգումը. սառցալեռներ, սառցադաշտեր, լողացող սառցակոշտեր և սառցե զանգված:

Օդի բարեխառնությունը բավական ցածր էր, սնդիկը զրոյից բարձրանում էր ոչ ավելի, քան երկու-երեք աստիճան: Սակայն մենք ցուրտ չէինք զգում, որովհետև փոկի մաշկից կամ սպիտակ արջի մորթուց կարված մուշտակներ էինք հագել: Բացի դրանից, «Նաուտիլուսի» ներսում շարունակ միևնույն ջերմաստիճանն էր լինում, որը կախված չէր օդի բա-

րեխառնությունից և պահպանվում էր էլեկտրական վառարանների միջոցով: Սակայն, եթե հանկարծ վառարանները շաշխատեին, բավական է, որ «Նաուտիլուսը» մի քանի մետր իջներ ջրի տակ, որպեսզի կրկին բարեխառնության տանելի պայմաններում գտնվեր:

Եթե մենք այդ վայրերը ժամանեինք մեկ ամիս առաջ, կտեսնեինք, որ արևը մայր չի մտնում: Սակայն մենք ուշացանք, և գիշերն արդեն մեզանից երեք-չորս ժամ էր խլում, ամեն օր երկարում, որպեսզի հետո վեց ամիս խավարով ծածկի այս բևեռային վայրերը:

Մարտի տասնհինգին մենք անցանք այն զուգահեռականը, որի վրա գտնվում են Նոր Շոտլանդիան և Հարավ Օրկնեյան կղզիները: Նավապետ Նեմոն ինձ պատմեց, որ դեռ վերջերս այդ հողերն իբրև հանգրվան էին ծառայում փոկերի անթիվ հոտերի համար, սակայն անզլիացի և ամերիկացի կետորսները, կուրորեն ընկնելով հարստանալու ետևից, ոչնչացրին և՛ արուններին, և՛ էգերին ու ձագերին: Հիմա այստեղ մահվան անխախտելի լուսթյուն է տիրում:

Մարտի տասնվեցին, առավոտյան ժամը մոտ ութին, «Նաուտիլուսն» անցավ հարավային բևեռային շրջանը, ընթանալով հիսունհինգերորդ միջօրեականի երկարությամբ: Սառույցները բոլոր կողմերից շրջապատել էին մեզ ու ծածկել հորիզոնը: Այնուամենայնիվ նավապետ Նեմոն սառույցների միջև անցքեր էր փնտրում, գտնում էր ու շարունակում դեպի հարավ ընթանալ:

— Ո՞ւր է նա մեզ տանում, — մի անգամ ես ինքս ինձ բարձր ձայնով տվի այդ հարցը:

— Ուր որ պատահի, — պատասխանեց ինձ Կոնսելը, — երբ այլևս ճանապարհ չի լինի առաջ գնալու, նա հետ կըդառնա:

— Ես այդ չեմ երաշխավորում, — ասացի ես:

Բոլորովին անկեղծ լինելու համար խոստովանում եմ, որ այդ անմիտ ճանապարհորդությունը նույնիսկ դուր էր գալիս ինձ: Չեմ կարող նկարագրել, թե ինչպիսի զմայլելի տեսարան էին ներկայացնում այդ սառցե դաժան անապատները: Այստեղ սառույցները բոլորովին անսպասելի ձևեր էին ըն-

դունում: Սառցե դաշտը թվում էր արնեւլյան մի մեծ քաղաք՝  
անհամար մղկիթներով, սրածայր մինարեններով: Այստեղ  
կարծես դռնվում էին երկրաշարժից քանդված քաղաքի ավե-  
րակները: Սակայն բավական էր, որ արևը թեքվեր հորիզոնի  
վրա և ուղղահայաց ճառագայթների փոխարեն թեք ճառա-  
գայթներ արձակեր, և իսկույն կարծես մի կախարդական զո-  
րությամբ սառցե տեսարանն անճանաչելի էր դառնում: Այդ  
Ֆանտաստիկ ներկայացման դեկորացիաները էլ ավելի արագ  
էին փոխվում, երբ արևը ծածկվում էր ամպերի տակ և սա-  
ռուցյունների վրա մշուշն էր իջնում, կամ երբ երկու սառցա-  
կոշտեր ընդհարվում էին այնպիսի դղրդյունով, որ կարծես  
դա հազարավոր թնդանոթների համազարկ լիներ:

Եթե այդպիսի ընդհարման պահին «Նաուտիլուսը» գտնը-  
վում էր ջրի տակ, ապա աղմուկն ավելի սաստիկ էր լինում,  
իսկ վիթխարի սառցակոշտերի խորտակումն ալեկոծում էր  
ջուրը, վտանգավոր ջրապտույտներ առաջացնում: Այդպիսի  
դեպքերում ալիքներն օրորում և այս ու այն կողմ էին նե-  
տում «Նաուտիլուսը», ինչպես ջրի վրա լողացող սովորական  
մի նավ սաստիկ փոթորկի ժամանակ:

Հաճախ լինում էր այնպես, որ սառցակոշտերի մեջ ոչ մի  
անցք չտեսնելով, ես կարծում էի, թե մենք վերջնականապես  
փակված ենք սառույցներում: Սակայն նավապետ Նեմոն, ղե-  
կավարվելով իր անսխաշ բնազդով, նորանոր անցքեր էր գրա-  
նում: Նրան օգնում էին սառցալեռների լանջերով հոսող  
կապտավուն ջրի փոքրիկ կոհակները, կամ ուրիշ, անփորձ  
աչքի համար ավելի սակավ նկատելի նշանները: Այս պատ-  
ճառով ես գտա, որ նա առաջին անգամ շի լողում հարավա-  
յին սառույցներում:

Այնուամենայնիվ մարտի 16-ին, օրվա վերջում, սառույց-  
ները վերջնականապես փակեցին մեր ճանապարհը: Դրանք  
դեռևս հավերժական սառցադաշտերը չէին, բայց թվում էր,  
որ սառցադաշտն ամուր նստել է այնտեղ: Արգելքը շիանգա-  
րեց նավապետ Նեմոյին: Ուժեղ թափ առնելով, նա հսկայա-  
կան ուժով հարձակվեց սառցե պարսպի վրա: «Նաուտիլուսը»  
սեպի նման խրվեց փխրուն զանգվածի մեջ, և սարսափելի  
դղրդոց արձակելով, այն բաժանեց երկու մասի: Դա բաբա-



նի հնադարյան սկզբունքի կիրառումն էր, միայն թե հիմա այդ բաբանն առաջ էր մղվում անսահման ուժով: Դեպի վեր թռած սառցակտորները կարկուտի նման թափվում էին մեր շուրջը: Ցնցումն այնքան ուժեղ էր լինում, որ նավի առջև իսկույն անցք էր բացվում: Երբեմն, թափ առնելու իներցիայով մղված, «Նաուտիլուսը» բարձրանում էր սառցե դաշտի վրա և իր ծանրությամբ թեքում էր այն: Ստացվում էր միևնույն հետևանքը, սառույցը երկու մասի էր բաժանվում, և մենք բացված նեղուցով առաջ էինք ընթանում:

Այդ օրերին մեր շուրջը սաստիկ փոթորիկներ էին լինում: Երբեմն սառույցների վրա իջնում էր մշուշը, այնքան թանձր, որ տախտակամածի մի ծայրից մյուս ծայրը չէր երևում: Քամին այս ու այն կողմ էր արշավում: Գիշերն եկած ձյունը առավոտյան այնքան էր պնդանում, որ մենք այն քլունդներով էինք մաքրում, թիակներով հնարավոր չէր: Հենց որ օդի բարեխառնությունն իջնում էր մինչև հինգ աստիճան զրոյից ցած, «Նաուտիլուսի» տախտակամածը ծածկվում էր սառույցի հաստ շերտով: Առագաստավոր նավն այստեղ չէր կարող գործել, որովհետև նրա բոլոր ճախարակներն ու լիսեռնաթուկերը կծածկվեին սառույցով: Այդպիսի բարձր լայնություններում կարող էր լողալ միայն այն նավը, որ գործում էր էլեկտրականությամբ, հետևապես ածխի կարիք չէր զգում:

Ամբողջ ժամանակ ծանրաշափը ցույց էր տալիս ցածր ճնշում, որը կարող էր է՛լ ավելի իջնել: Կողմնացույցի տրվյալները հիմա ոչ մի վստահություն չէին ներշնչում:

Կողմնացույցի սլաքը ցույց էր տալիս ամենաֆանտաստիկ ուղություններ, այն շափով, ինչ շափով մենք մոտենում էինք հարավի մագնիսային բևեռին, որը չի զուգադրվում երկրագնդի բևեռի հետ: Արդարև, ըստ Հանստենի, հարավի մագնիսային բևեռը գտնվում է  $70^\circ$  լայնության և 130 աստիճան երկարության տակ: Դյուալերեն հաշվել է մի փոքր տարբեր կորդինատներ՝  $70^\circ 30'$  լայնություն և 135 աստիճան երկարություն: Ուղղությունը որոշելու համար այժմ հարկավոր էր լինում կողմնացույցը տեղափոխել նավի զանազան մասերը, մի քանի դիտողություններ կատարել և ստացված միջին թիվը համարել ճիշտ:

Մառախլապատ օրերին, երբ աստղաբաշխական դիտողություններ կատարելը հնարավոր չէր, նավի ուր գտնվելը քարտեզի վրա նշվում էր ուղղությունը որոշող գործիքի տվյալների հիման վրա: Իհարկե այս եղանակը սակավ վատահելի արդյունքներ էր տալիս, որովհետև մանվածապատ անցքերում հարկավոր էր լինում ամեն ընդամենը փոխել նավի ուղղությունը:

Մարտի տասնութին, իր համար ճանապարհ բանալու մի քանի անհաջող փորձերից հետո, «Նաուտիլուսը» վերջնականապես դեմ առավ սառույցներին: Այդ արդեն սառցային քառս շէր, լողացող սառցակտորներ և նույնիսկ սառցե դաշտեր շէին, այլ իրար միացած սառցալեռների մի անշարժ ու անխորտակելի պատնեշ:

— Համատարած սառույցներ են, — ասաց ինձ կանադացին:

Ես հասկացա, որ Նեդ Կենդը, ինչպես նաև բոլոր բևեռացին ծովագնացները, այդ խոշորդոտն անհաղթահարելի էր հասնարում: Կեսօրին մի քանի ընդամենը երևաց արևը, և նավապետ Նեմոն ճիշտ հաշվարկումներ կատարեց: Մենք գտնվում էինք  $51^{\circ}30'$  երկարության և  $67^{\circ}39'$  հարավային լայնության տակ: Ինչպես տեսնում ենք, «Նաուտիլուսը» գնացել էր բավական հեռու, մտնելով Անտարկտիկայի խորքը:

Ոչ առջևում, ոչ էլ ետևում մենք զուտ ջուր չէինք տեսնում: «Նաուտիլուսը» գտնվում էր սառցե կարկառներով ծածկված մի լայնարձակ հարթավայրում, ուր ցրված էին անձև սառցակոշտեր այնպիսի քառսային վիճակում, որ լինում է գետերի վրա, սառույցները հալչելիս, իսկ այստեղ այդ պատկերը հսկայական մասշտաբի էր: Տեղ-տեղ երևում էին սառցաբլուրների սրածայր գագաթները, որոնց բարձրությունը երկու հարյուր և ավելի ոտնաչափի էր հասնում: Ավելի հեռու կանգնած էին ուղղաբերձ ժայռերի շարքերը, որոնք գորշ մառախուղով էին պատած: Այդ տխուր վայրերում տիրում էր մեռյալ լռություն, որ խախտվում էր միայն մրրկահավերի թևերի շաշյունով և նրանց հատուկ կոհնչներով: Այստեղ մեռել էր ամեն ինչ, նույնիսկ ձայները...

Ահա թե «Նաուտիլուսը» որտեղ դադարեցրեց իր համարձակ վազքը:

— Գիտե՞ք, պարոն պրոֆեսոր,— այդ օրն ասաց ինձ Նեղ  
Լենդը,— եթե մեր նավապետին հաջողվի ավելի հեռու գնալ...

— Այդ դեպքում ի՞նչ կլինի, Նեղ:

— Նա շատ քաջ մարդ կլինի:

— Ինչո՞ւ:

— Որովհետև ոչ ոք չի կարող հաղթահարել համատարած  
սառույցը: Չեմ վիճում, ձեր նավապետն ուժեղ է: Սակայն,  
գրողը տանի, նա հո բնությունից ավելի ուժեղ չէ՞: Եվ եթե  
բնությունն այստեղ անհաղթահարելի խոչընդոտ է կառու-  
ցել, ապա նավապետը պետք է կամա թե ակամա կանգ առնի:

— Դուք կարծեմ իրավացի եք, միստր Լենդ, բայց և այն-  
պես ես շատ կուզեի իմանալ, թե ինչ կա այս սառույցներից  
այն կողմ: Ինձ էլ է ջղայնացնում այս պարիսպը:

— Պարոնն իրավացի է,— ասաց Կոնսելը,— պարիսպնե-  
րը հատկապես նրա համար են ստեղծված, որ ջղայնացնեն  
գիտնականներին: Ես քարուքանդ կանեի աշխարհում եղած  
բոլոր պարիսպները, եթե այդ կախված լիներ իմ կամքից:

— Դատարկ բան է,— պատասխանեց կանադացին,— ես  
շատ լավ գիտեմ, թե ինչ է թաքնված այս պարսպից այն կողմ:

— Ի՞նչ,— հարցրի ես:

— Սառույց, միայն սառույց,— պատասխանեց կանա-  
դացին:

— Դուք հավատացա՞ծ եք, Նեղ,— առարկեցի իս,— բայց  
ես կասկածում եմ և ահա թե ինչու ուզում եմ շարունակել  
ճանապարհս դեպի հարավ:

— Ավելի վատ, պարոն պրոֆեսոր,— պատասխանեց Նեղ  
Լենդը,— դուք ստիպված կլինեք հրաժարվել այդ մտքից:  
Դուք հասել եք համատարած սառույցների սահմանը, այդ  
արդեն բավական է: Ավելի հեռու ոչ մի քայլ անել չի հաջող-  
վի ոչ ձեզ, ոչ ձեր նավապետ Նեմոյին, ոչ էլ նրա «Նաուտի-  
լուսին»: Արդյոք նա կցանկանա թե ոչ, միևնույն է, մենք կվե-  
րադառնանք դեպի հյուսիս, այսինքն այն վայրերը, ուր, այլ-  
րում են բոլոր կարգին մարդիկ:

Ես պետք է ընդունեի, որ Նեղ Լենդն իրավացի է մի տե-  
սակետից: Մինչև այն ժամանակ, երբ նավերը կսովորեն

շարժվել սառցադաշտերում, նրանք ստիպված կլինեն կանգ առնել համատարած սառույցների սահմանի մոտ:

Հիրավի, շնայելով իր բոլոր ջանքերին, շնայելով սառույցը ջարդելու հուսահատական փորձերին, «Նաուտիլուսն» անշարժ էր մնում: Սովորաբար երբ նավը շի կարող առաջ շարժվել, ետ է դառնում: Սակայն այստեղ հետ դառնալն անկարելի էր ճիշտ այնպես, ինչպես և առաջ շարժվելը, որովհետև մեր հետևում փակվում էին բոլոր անցքերը: Եվ եթե մեր նավը որոշ ժամանակ էլի անշարժ մնար, անպայման կկպչեր սառույցներին:

Ցերեկվա ժամը մոտ երկուսին սկսեցին երևալ այդ վտանգի նշանները. այն շատած տեղը, ուր կանգնած էր «Նաուտիլուսը», սկսեց արագությամբ սառչել: Պետք է խոստովանեմ, որ հիմա նավապետ Նեմոյի վարմունքն ինձ շափաղանց անզգույշ էր թվում:

Այդ ժամանակ ես գտնվում էի տախտակամածում: Նավապետը, որ արդեն մի քանի րոպե դիտում էր ջրի սառչելը, գիմեց ինձ և հարցրեց.

— Ի՞նչ եք մտածում մեր դրության մասին, պարոն պրոֆեսոր:

— Կարծում եմ, որ մենք կարգին խրվել ենք, նավապետ:

— Խրվե՞լ ենք, այդ ինչպե՞ս հասկանալ:

— Ուզում եմ ասել, որ մենք շենք կարող շարժվել ոչ առաջ, ոչ ետ, ոչ էլ աջ ու ձախ: Գոնե քաղաքակիրթ երկրներում այս դրությունը բնորոշվում է «խրվել» բառով:

— Հետևաբար դուք կարծում եք, պարոն պրոֆեսոր, որ «Նաուտիլուսը» շի՞ կարող դուրս գալ այստեղից:

— Ես այնքան էլ չեմ հավատում դրան, նավապետ: Բանն այն է, որ տարվա այս եղանակին, անտարկտիկական ձմռան շեմին հազիվ թե սառույցները շարժվեն իրենց տեղերից:

— Ա՛խ, պարոն պրոֆեսոր, դուք հավատարիմ եք ձեզ, — հեզնանքով ասաց նավապետ Նեմոն: — Դուք շարունակ խոչընդատներ ու անջրպետներ եք երևակայում: Թույլ տվեք հայտարարելու ձեզ, որ «Նաուտիլուսը» ոչ միայն կազատվի սառույցների օղակից, այլև ավելի հեռու կգնա:

— Ավելի հեռու, դեպի հարավ, — ասացի ես, ուղիղ նայելով նավապետ Նեմոյին:

— Այո, պարոն պրոֆեսոր, նա կհասնի մինչև բևեռ:

— Մինչև բևեռը, — գոչեցի ես, անկարող լինելով թաքցրնել անվստահությունս:

— Այո, — սառը տոնով պնդեց նավապետը, — մինչև հարավային բևեռը, այդ հանելուկային տեղը, ուր միանում են երկրագնդի բոլոր միջօրեականները: Չէ՞ որ դուք գիտեք, որ ես կարող եմ ստիպել «Նաուտիլուսին» անել այն, ինչ ցանկանամ:

Այո, ես գիտեի: Ես դիտեի նաև, որ այդ մարդը քաջարի է խելահեղության շափ: Այնուամենայնիվ միայն խելացնորը կհամարձակվեր պայքար սկսել հարավային բևեռի ճանապարհը փակող բազմաթիվ խոչընդոտների դեմ, իսկ այդ բեվեռն ավելի անմատչելի է, քան հյուսիսային բևեռը:

Ամենահամարձակ, ամենափորձված ծովագնացներն ապարդյուն փորձեր են արել հարավային բևեռին հասնելու և հաղթվել ու նահանջել են, կամ կորել: Ոչ, ուղղակի հրեշավոր էր այդ միտքը, որ կարող էր ծագել միայն խելահեղ մարդու գլխում:

Ես նավապետ Նեմոյին հարց տվի, թե արդյոք նա մինչև այժմ չի՞ հայտնաբերել այդ բևեռը, ուր մարդը դեռ երբեք ոտք չի դրել:

— Ոչ, պարոն պրոֆեսոր, — պատասխանեց նա, — այդ հայտնագործությունը մենք միասին կանենք: Այն, ինչ որ չի հաջողվել մյուսաներին, կհաջողվի ինձ: Ես դեռ «Նաուտիլուսով» երբեք չեմ գնացել այսքան հեռու դեպի հարավ: Սակայն կըրկնում եմ, մենք կգնանք ավելի հեռու, մինչև բևեռը:

— Ես ուզում եմ ձեզ հավատալ, նավապետ, — հեղնակա՞ն տոնով պատասխանեցի ես, — և հավատում եմ ձեզ: Դեպի առա՛ջ: Մեզ համար խոչընդոտներ չկան: Ջարդե՛նք այս համատարած սառույցը: Փորփրե՛նք այն, իսկ եթե նա դիմադրի, թևեր տանք «Նաուտիլուսին», որպեսզի թռչի սառույցի վրայից:

— Սառույցի վրայի՞ց, պարոն պրոֆեսոր, — հանգիստ



պատասխանեց ինձ նավապետ Նեմոն,— ոչ, ինչո՞ւ, ավելի լավ է, որ մենք անցնենք սառույցի տակից:

— Սառույցի տակի՞ց,— գոչեցի ես:

Հանկարծ կարծես պայծառացավ միտքս: Ես հասկացա, թե ինչի վրա էր հույս դրել նավապետ Նեմոն: «Նաուտիլուսի» հրաշալի հատկությունները պետք է մի անգամ ևս ծառայություն մատուցեին նավապետ Նեմոյին, նրա այս անհավանական գիտավորությունն իրագործելիս:

— Տեսնում եմ, որ մենք սկսում ենք հասկանալ մեկմեկու,— ժպտալով ասաց նավապետը,— կարծեմ դուք պատրաստ եք հավատալու, որ այդպիսի փորձը հնարավոր է: Իսկ ես միանգամայն վստահ եմ, որ հաջողություն կունենանք: Այն, ինչ որ անիրագործելի է սովորական նավի համար, հեշտությամբ հաջողվում է «Նաուտիլուսին»: Եթե նա բևեռի մոտ ցամաքի հանդիպի, կանգ կառնի: Բայց եթե, ընդհակառակը, բևեռը ծածկված է օվկիանոսի ջրով, մենք կհասնենք հենց այդ բևեռին:

— Իսկապես,— պատասխանեցի ես, գրավվելով նավապետի տրամաբանական դատողությամբ,— եթե ծովի մակերևույթը սառույցով է ծածկված, ապա նրա ստորին շերտերը շեն կարող սառչել և հեղուկ վիճակում են մնում բնության այն օրենքի հիման վրա, որ ջուրը մաքսիմալ պնդություն է ստանում սառեցման կետից բարձր ջերմաստիճանի դեպքում: Եվ եթե շեմ սխալվում, սառույցի ջրասույզ եղած մասը ջրից դուրս մնացած մասին հարաբերում է ինչպես շորսը մեկին:

— Այո, պարոն պրոֆեսոր, հարաբերությունը գրեթե այդպես է: Զրից դուրս մնացած սառցալեռան յուրաքանչյուր ոտնաչափին ընկնում է ջրասույզ եղած մասից երեք ոտնաչափ: Այսպիսով, քանի որ այդ սառցալեռներն օվկիանոսի մակերեւույթից դուրս են լինում ոչ ավելի, քան հարյուր մետր, ուրեմն պետք է որ ջրասույզ լինեն երեք հարյուր մետրի շափ: Իսկ «Նաուտիլուսի» համար ի՞նչ է երեք հարյուր մետր ջրասույզվելը:

— Ոչի՞նչ, նավապետ:

— Ավելին: Մենք կարող ենք ավելի խորն իջնել, ջրի հենց այն շերտերը, ուր բարեխառնությունը միատեսակ է բոլոր

լայնութիւններում, և այնտեղ անպատիժ կերպով կծաղրենք  
երեսուն—քառասուն աստիճան սառնամանիքները, որոնք լի-  
նում են բացօթյա տեղերում:

— Դուք իրավացի եք, նավապետ, դուք բոլորովին էրա-  
վացի եք,— բացականչեցի ես:

— Միակ դժվարութիւնը, որ մենք պետք է հաղթահա-  
րենք,— շարունակեց նավապետ Նեմոն,— այդ մի քանի օր  
ջրի տակ գտնվելն է սնունց օդի պաշարը լրացնելու:

— Միայն այդքա՞նը,— առարկեցի ես,— «Նաուտիլուս-  
ում» բավականաչափ տարողութեամբ պահամաններ կան:  
Մենք կլցնենք դրանք, որոնք մեզ անհրաժեշտ քանակութեամբ  
թթվածին կմատակարարեն:

— Հրաշալի է, պարոն պրոֆեսոր,— կրկին ժպտաց նա-  
վապետը:— Թույլ տվեք հայտնել ձեզ մի կասկած ևս,— ես  
չէի ցանկանա, որ դուք հետո ինձ մեղադրեք անխոհեմութեան  
համար:

— Էլ ի՞նչ կասկած ունեք,— հարցրի ես նավապետ Նե-  
մոյին:

— Հնարավոր է, որ բեռնի մոտ ծովը, եթե դա գոյութիւն  
ունի, ամբողջովին սառած է, հետևաբար մենք չպիտի կարո-  
ղանանք դուրս գալ ծովի երեսը:

— Ի՞նչ եք ասում, նավապետ: Մի՞թե դուք մոռացել եք,  
որ «Նաուտիլուսը» զինված է ժանիքով: Դուք կարող եք այդ  
ժանիքը թեք դիրքով ուղղել սառցե առաստաղին, և այն հեշ-  
տութեամբ կբանա դուրս գալու ճանապարհը:

— Սակայն, պարոն պրոֆեսոր, այսօր դուք բոլորովին  
այլ լեզվով եք խոսում:

— Ասենք, նավապետ,— շարունակեցի ես ավելի և ավելի  
ոգևորվելով,— ինչո՞ւ մենք չսառած ծով չպիտի գտնենք հա-  
րավային բեռում: Տրտի բեռները չեն զուգադիպում երկրիս  
բեռների հետ թե՛ հարավային և թե՛ հյուսիսային կիսա-  
գնդում: Այս պատճառով, մինչև որ հակառակը չապացուցվի,  
մենք իրավունք ունենք ենթադրելու, որ երկրագնդի այդ եր-  
կու հակադիր կետերում գոյութիւն ունեն շառած ծովեր կամ  
ցամաք:

— Ես էլ եմ այդպես կարծում, պարոն պրոֆեսոր, — պատասխանեց նավապետ Նեմոն, — ուշադրութուն դարձրեք այն հանգամանքի վրա, որ իմ նախագծի դեմ այնքան առարկելուց հետո դուք հիմա ապացույցներ է, որ թափում եք հօդուտ այդ նախագծի:

Նավապետ Նեմոն իրավացի էր: Հիմա ես համարձակության մեջ մրցում էի նրա հետ: Հիմա ես նրան համոզում էի շարունակել ճանապարհը դեպի բևեռ: Ես նույնիսկ որոշեցի այդ ճանապարհը...

Բայց ո՛չ, ողորմելի խեղճ: Նավապետ Նեմոն վաղուց արդեն կշռադատել էր բոլոր «թեր» և «դեմ» կարծիքները և հիմա զվարճանում էր, տեսնելով, թե ինչպես ես մեկ ծայրահեղությունից անցնում եմ մյուսին, ինչպես անզսպելիորեն անձնատուր եմ լինում ցնորքներին:

Մինչ այս մինչ այն, նավապետ Նեմոն ժամանակ չէր կորցնում: Նա իր օգնականին կանչեց տախտակամած: Նրանք խոսեցին իրենց անհասկանալի լեզվով: Արդյոք օգնականին առաջ նախազգուշացրե՞լ էին նավապետի պլանների մասին, թե՞ օգնականն այդ պլանների մեջ անիրագործելի ոչինչ չէր տեսնում, չգիտեմ, միայն թե նրա դեմքը որևէ զարմանք չարտահայտեց:

Սակայն, որքան էլ նա սառնասիրտ էր, այնուամենայնիվ դրանով նա չգերազանցեց Կոնսելին, երբ ես այս հրաշալի մարդուն հայտնեցի նավապետ Նեմոյի որոշումը՝ դեպի բևեռ դնալու մասին: Հանդիստ տոնով ասված «ինչպես որ պարոնը կամենա»-ն այդ քաջի միակ պատասխանը եղավ, և ես չկարողացա նրանից մի այլ պատասխան ստանալ:

Ուրիշ բան է նեղ կենդր. հաղիվ թե կարելի լիներ ավելի շատ թոթվել ուսերը, քան այդ արեց կանադացին, լսելով իմ պատմածը:

— Գիտե՞ք, պարոն պրոֆեսոր, — ասաց նա, — դուք և ձեր նավապետ Նեմոն վարկեցութուն էք ներշնչում ինձ:

— Բայց հասկացե՞ք, նեղ, որ մենք հասնելու ենք բևեռը, այո, բևեռը:

— Հնարավոր է, որ դուք հասնեք այնտեղ, բայց չպիտի կարողանաք վերադառնալ:

Եվ այդ ասելուց հետո նեդ Լենդը գնաց իր նավասենյակը, «որպեսզի փորձանք շառաջացնի», ասաց նա դուռը փակելով:

Այդ ժամանակ «Նաուտիլուսն» սկսեց պատրաստվել իր խիզախ արշավին: Հզոր պոմպերը, որ գործում էին մեքենաների ուժով, բարձր ճնշման տակ օդ էին հավաքում պահամանների մեջ: Կեսօրից հետո ժամը մոտ շորսին նավապետ Նեմոն ինձ ասաց, որ հիմա դռնակը պետք է փակվի: Ես վերջին անգամ դիտեցի մեր ճանապարհը խափանող համատարած սառույցները: Եղանակը պայծառ էր, երկինքը մաքրվել էր ամպերից: Ցուրտը բավական զգալի էր, 12° զրոյից ներքև, սակայն քամի չկար և այդ սառնամանիքն այնքան էլ սաստիկ չէր թվում:

Տասը նավաստի քլունդները ձեռքերին դուրս եկան տախտակամած և սկսեցին ջարդել «Նաուտիլուսի» շուրջը եղած սառույցը:

Նավաստիները կարողացան արագ կատարել այդ գործը, որովհետև սառույցը դեռ բարակ էր: Այդ ժամանակ մենք բոլորս մտանք նավի մեջ, դռնակը փակեցին, և «Նաուտիլուսը» դանդաղ ջրասույզ եղավ:

Ես Կոնսելի ուղեկցությամբ մտա սալոն: Մենք նստեցինք բաց լուսամուտի առաջ և սկսեցինք դիտել Հարավային Սառույցյալ օվկիանոսի ջրի ստորին շերտերը: Զերմաչափի սընդիկը, որ շափում էր արտաքին միջավայրի բարեխառնությունը, արագ բարձրանում էր, խտաչափի սլաքը շարժվում էր թվատախտակի աջ կողմը:

Երեք հարյուր մետր խորությամբ, ինչպես նախատեսել էր նավապետ Նեմոն, ջուրն արդեն ազատ էր սառույցներից, և մենք կարող էինք համատարած սառցե ծածկոցի տակ շարունակել մեր ճանապարհը: Սակայն «Նաուտիլուսը» շարունակեց իջնել, մինչև որ հասավ ութ հարյուր մետր խորության: Այստեղ ջրի բարեխառնությունը երկու աստիճանով բարձր էր վերին շերտերի բարեխառնությունից: Ինքնըստինքյան հասկանալի է, որ «Նաուտիլուսի» ներսում եղած բարեխառնությունը, որ պահպանվում էր էլեկտրական վառարանների միջոցով, բոլորովին կախված չէր արտաքին բարեխառնությունից և միշտ գտնվում էր նորմալ վիճակում:

«Նաուտիլուսը» բոլոր իտրձաշարժերը կատարում էր արտասովոր ճշտությամբ ու հնադանդությամբ:

— Պարոնի թույլտվությամբ կասեմ, որ իմ կարծիքով մենք ճանապարհը կանցնենք հաջողությամբ, — ասաց Կոնսելը:

— Հուսով եմ, — պատասխանեցի ես խորը վստահության տոնով:

Սառույցներից ազատ այս ջրային շերտերում «Նաուտիլուսն» ուղևորվեց դեպի բևեռը, ընթանալով հիսուներկուերորդ միջօրեականի երկարությամբ:  $67^{\circ}30'$ -ից մինչև  $90^{\circ}$  պետք էր անցներ քսաներկու և կես աստիճան, կամ երկու հազար կիլոմետրից մի քիչ ավելի: «Նաուտիլուսը» լողում էր միջին արագությամբ, մոտավորապես մեկ ժամում հիսուն կիլոմետր, այսինքն ճեպընթաց գնացքի արագությամբ: Եթե ճանապարհին ոչ մի արգելք չլիներ, ապա քառասունից մի քիչ ավելի ժամի ընթացքում նավը պետք է հասներ բևեռը:

Տեսարանների նորությունն ինձ և Կոնսելին գիշերվա մի քանի ժամերի ընթացքում պահում էր լուսամուտի մոտ: Էլեկտրական լուսարձակը պայծառ լուսավորել էր ջուրը: Սակայն ծովը բոլորովին թափուր էր: Այս սառցապատ ջրերում ձկներ չեն ապրում:

«Նաուտիլուսի» ընթացքի արագությունն ղգացվում էր միայն նրա անընդհատ երերումից:

Գիշերվա ժամը մոտ երկուսին ես որոշեցի գնալ իմ նավասենյակը, որպեսզի մի քանի ժամ քնեմ: Կոնսելը հետևեց իմ օրինակին: Միջանցքով քայլելիս ես շհանդիպեցի նավապետ Նեմոյին: Ես ենթադրեցի, որ նա հերթապահություն է անում ղեկի խցիկում:

Հետևյալ առավոտ, մարտի 19-ին, ես կրկին տեղ գրավեցի սրահի լուսամուտի մոտ, որ շարունակեմ դիտողություններս: Նավի արագությունը շափող էլեկտրական գործիքը ցույց տվեց, որ «Նաուտիլուսն» ընթանում է պակաս արագությամբ: Հիմա նավը բարձրանում էր դեպի ծովի մակերևույթը, բայց ոչ միանգամից, այլ աստիճանաբար, հետզհետե դատարկելով իր պահամանները:

Միրտա արագ խփել սկսեց: Արդյոք մեղ կհաջողվի՞ դուրս



գալ ջրից: Արդյոք մենք կհանդիպե՞նք սառույցներից ազատ տարածության:

Բայց ո՛չ: Ցնցումն ինձ հասկանալ տվեց, որ «Նաուտիլուսը» հասել է համատարած սառույցի ստորին շերտին և, դատելով ցնցման խուլ տոնից, այդ շերտը շատ հաստ է: Արդարև, խտաշափի տվյալները հաստատեցին այդ ենթադրությունը. մենք գտնվում էինք հազար հինգ հարյուր ոտնաչափ խորության տակ: Նշանակում է մեր վերևում գտնվում էր երկու հազար ոտնաչափ հաստությամբ սառցե շերտը, որից հինգ հարյուր ոտնաչափը դուրս էր եկել ջրից: Հետևաբար այդտեղ համատարած սառույցն ավելի հաստ էր, քան այնտեղ, ուր մենք իջանք ջրի տակ: Դրանում ոչ մի մխիթարական բան չկար:

Օրվա ընթացքում «Նաուտիլուսը» մի քանի անգամ փորձեց դուրս գալ մակերևույթ, բայց միշտ հանդիպում էր հաստ սառույցի առաստաղին: Տեղ-տեղ այդ «առաստաղի» հաստությունը հասնում էր ինը հարյուր մետրի, այսինքն սառցաշերտերի հաստությունը հավասար էր հազար երկու հարյուր մետրի, որից երեք հարյուր մետրը գտնվում էր ջրից դուրս: Այդ արդեն երեք անգամ ավելի էր, քան սառցալեռների ամենամեծ բարձրությունը մեր ջրասույզ լինելու տեղում:

Ես ուշադրությամբ նշում էի սառցալեռների ջրասույզ եղած մասերը և այդ կերպ կազմեցի ստորջրյա լեռնաշղթայի պարզունակ քարտեզը:

Մինչև երեկո մեր դրությունը չփոխվեց: Ստորջրյա սառույցի հաստությունը կլիներ չորս հարյուրից մինչև հինգ հարյուր մետր: Այսպիսով սառցե ծածկոցը մի փոքր բարակել էր, բայց և այնպես ահագին հաստությամբ սառույցը դեռ մեզ բաժանում էր բաց ծովից:

Արդեն երեկոյան ժամի մոտ վեցն էր: Սահմանված կարգի համաձայն, «Նաուտիլուսը» պետք է դեռ չորս ժամ առաջ օդի նոր պաշար վերցներ: Սակայն շնչելիս ես ոչ մի ճնշում չէի զգում, թեպետ նավապետ Նեմոն պահեստի պահամաններից դեռ ոչ մի լիտր թթվածին բաց չէր թողել:

Այդ գիշեր ես վատ քնեցի: Հույսն ու տազնապը միաժամանակ հուզում էին ինձ: Մի քանի անգամ ես վեր էի կենում

անկողնից: Առավոտյան ժամը մոտ երեքին ես մտա սրահ և նայելով խտաշափին, տեսա, որ սառցե ծածկոցի ստորջրյա մասի հաստությունն այժմ ընդամենը հիսուն մետր է: Համատարած սառույցը հետզհետե սառցադաշտի էր վերածվում: Ստորջրյա լեռներից հետո սկսվում էր հարթավայրը:

Ես անընդհատ նայում էի խտաշափին: Մենք շարունակ բարձրանում էինք, անցնելով սառույցի թեք մակարդակով, որը շողշողում էր մեր լուսարձակի լույսի տակ:

Ամեն մի կիլոմետր անցնելիս համատարած սառույցի շերտըն ավելի ու ավելի էր բարակում:

Վերջապես, այն հիշատակելի օրը, մարտի 19-ին, ժամը վեցին, սրահի դուռը բացվեց և շեմքին երևաց նավապետ Նեմոն, ասելով.

— Մովն ազատ է սառույցներից:

## ԳԼՈՒԽ ՏԱՍՆՉՈՐՍԵՐՈՐԴ

### ՀԱՐԱՎԱՅԻՆ ԲԵՎԵՌԸ

Ես շտապեցի դեպի տախտակամածը:

Այն՝ ծովը սառած չէր: Միայն տեղ-տեղ լողում էին առանձին սառցակոշտեր և սառցալեռներ: Ավելի հեռու, հարավային կողմում սառույց բոլորովին չկար: Հազարավոր թռչուններ ճախրում էին օդում, ամեն գույնի անթիվ ու անհամար ձկներ՝ մուգ կապույտներից սկսած մինչև ձիթենագույնները, խաղում էին ալիքներում: Ցելսիուսի ջերմաչափը ցույց էր տալիս երեք աստիճան գրոցից վերև: Համատարած սառույցներում մեր կրած ցրտից հետո այդ գրեթե գարնանային բարեխառնություն էր:

— Որտե՞ղ ենք գտնվում, — հարցրի ես նավապետին: Սիրտս ուժգին խփում էր: — Բևեռո՞ւմ:

— Ես ինքս էլ չգիտեմ, — պատասխանեց նավապետը: — Կեսօրին, արևի բարձրությամբ կորոշեմ, թե որտեղ ենք գրտնրվում:

— Բայց արդյոք արևը կերևա՞ այս մառախուղում, —

հարցրի ես, անվատահուժյամբ նայելով ամպամած երկնքին:

— Եթե նույնիսկ կես թռչելով երևա, այդ էլ բավական է, — պատասխանեց նավապետը:

«Նաուտիլուսից» տասը մղոն դեպի հարավ երևում էր առանձին մի կղզի, որ երկու հարյուր մետր բարձր էր ծովի մակերևույթից: Մենք ուղևորվեցինք դեպի այդ կղզին, սակայն շատ դանդաղ էինք ընթանում, որովհետև ծովում կարող էին ստորջրյա ժայռեր լինել:

Մեկ ժամից հետո մենք մոտեցանք կղզուն: Այնուհետև երկու ժամվա ընթացքում պտտեցինք կղզու շուրջը: Առափնյա գիծը չորս—հինգ մղոն երկարություն ուներ: Կղզին մի փոքրիկ նեղուցով բաժանված էր ինչ-որ ցամաքից, գուցե և մայր ցամաքից, որովհետև դրա սահմանները չէին երևում: Այդ ցամաքի գոյությունը կարծես թե հաստատում էր Մորիի հիպոթեզը: Այդ սրամիտ ամերիկացին ուշադրություն էր դարձրել այն հանգամանքի վրա, որ հարավային բևեռի և վաթսուներորդ զուգահեռականի միջև ծովը ծածկված է հսկայական մեծության լողուն սառցակոշտերով, որոնց նմանները երբեք չեն լինում հյուսիսային կիսագնդում: Այդ դիտողությունից նա եզրակացրեց, որ հարավային բևեռային շրջանի սահմաններում պետք է որ գոյություն ունենա մի ինչ-որ մայր ցամաք, քանի որ սառցալեռները կարող են կազմվել ոչ թե ծովում, այլ ցամաքում: Ըստ նրա հաշվարկումների, հարավային բևեռը շրջապատող սառցե զանգվածը կազմում է մի լայն օղակ, չորս հազար կիլոմետր շառավիղով:

Մինչ այս մինչ այն, «Նաուտիլուսը», վախենալով ծանծաղուտին նստելուց, կանգ առավ ափից երեք կաբելտով հեռու: Ցամաքի վրա վեհորեն կանգնած էին վիթխարի ժայռերը: Մակույկն իջեցրին ջուրը: Նավապետը, գործիքներով բռնելով ծեղուկները, նավաստի, Կոնսելն ու ես նստեցինք մակույկ: Առավոտյան ժամը մոտ վեցն էր:

Այդ առավոտ ես դեռ չէի տեսել Նեդ Լենդին: Կանադացին, տեսնելով հարավային բևեռը, հավանորեն չէր ուզում իրեն հաղթված համարել:

Թիակների մի քանի շարժում, և մակույկը մոտեցավ ավազոտ ափին ու կանգ առավ:

Կոնսեյն ուզում էր ափ իջնել, բայց ես շթողեցի:

— Նավապետ Նեմո,— ասացի ես,— այս հողն առաջինը  
ոտք դնելու պատիվը պետք է պատկանի ձեզ:

— Այո, պարոն պրոֆեսոր,— պատասխանեց նավապե-  
տը,— ես այդ կանեմ, առանց տատանվելու, որովհետև հա-  
վատացած եմ, որ ինձանից առաջ մարդը երբեք ոտք չի դրել  
այս հողը:

Այս խոսքերից հետո նա հեշտությամբ թռավ ավազի վրա:  
Նրա սիրտն ըստ երևույթին ուժեղ խփում էր ամենախորը  
հուզումից: Նա բարձրացավ ժայռը և այնտեղ, ձեռքերը կրծ-  
քին խաչած, անշարժ, լուռ, բոցավառ հայացքը սևեռած,  
կարծես ստանձնեց բեռային այս երկրների իշխանությունը:  
Մի քանի րոպե այսպես հափշտակված կանգնելով, նա դար-  
ձավ դեպի մեզ և գոչեց.

— Խնդրեմ, պարոններ, ափ իջեք:

Ես իսկույն թռա ավազի վրա: Կոնսեյը հետևեց ինձ: Նա-  
վաստիները մնացին մակուշկում:

Հողը, որքան կտրում էր աչքդ, բաղկացած էր կարմիր,  
տուֆից, կարծես այնտեղ մանրած աղյուս էին ցանել: Խա-  
րամը, սառած լավայի հոսանքները, պեմզայի կտորները  
ծածկում էին այն: Կղզին անպայման հրաբխային ծագում  
ունենր: Մի քանի տեղերում գետնի տակից բարձրանում էին  
ծխի քուլաներ, որոնք ծծմբային սուր հոտ ունեին: Այդ ցույց  
էր տալիս, որ ստորերկրյա կրակն ամբողջովին պահպանել էր  
իր ուժը:

Սակայն, նավապետ Նեմոյի օրինակով բարձրանալով  
ժայռը, ես տեսանելի հորիզոնում շնկատեցի ոչ մի հրաբուխ:  
Մյուս կողմից հայտնի է, որ Ջեյմս Ռոսսն անտարկտիկական  
ջրերում, 167° երկարության և 77 աստիճան 32' լայնության  
տակ հայտնաբերել է երկու գործող հրաբուխ, որոնց անվա-  
նել է Տեոոր և էրեբուս:

Կղզու բուսականությունը շատ աղքատ էր: Մի քանի քա-  
րաքոսներ ժայռերի վրա և ծովից ափը նետված ջրիմուռներ:  
ահա կղզու ամբողջ բուսականությունը: Կենդանական աշ-  
խարհը ներկայացնում էին կակղամորթները, զոոֆիտները,  
մասնավորապես կորալային պոլիպները և ծովաստղերը,

բայց գլխավորապես թռչունները: Վերջիններիս թիվն այստեղ  
բավական շատ էր: Նրանք հազարներով ճախրում էին օդում,  
իրենց աղմուկով խլացնում մեզ: Հազարներով նստել էին  
ժայռերին, առանց վախենալու նայում էին մեզ, թռչկոտում  
մեր ոտների տակ: Դրանք պինգվիններ էին, արագ ու ճար-  
պիկ թռչկոտում էին ջրի վրա, այնպես որ, նրանց կարելի էր  
ձկների տեղ ընդունել, իսկ ցամաքի վրա՝ ծանրաշարժ էին և  
անճոռնի: Դրանք հավաքվում էին իրար գլխի, քիչ էին շարժ-  
վում, բայց շատ աղմկում, ուղղակի խլացնում մեզ:

Թռչունների մեջ ես տեսա սպիտակ դաշտակտցարները, որ  
պատկանում են համանուն ընտանիքին, ունեն աղավնու մե-  
ծություն, սպիտակ փետուրներ, կարճ, կոնաձև կտուց և կար-  
միր օղակով շրջապատված աչքեր:

Կոնսելն սպանեց այդ թռչուններից մի քանիսին, որոնք  
հմտությամբ եփվելու դեսպքում շատ համեղ են լինում:

Օդում սավառնում էին խոշոր ալբատրոսները, որոնց թե-  
վերը բացվում են մինչև շորս մետր և որոնք իրավամբ կոչ-  
վում են օվկիանոսային ուրուրներ. հսկայական մրրկահա-  
վերը՝ փոկերի վտանգավոր թշնամիները, ծովահավը՝ բազի  
մի տեսակը և վերջապես հյուսիսային մրրկահավերի մի ամ-  
բողջ երամ: Դրանք լինում են սպիտակ, թևերի շուրջն ունե-  
նում են դարչնագույն շերտեր, լինում են նաև կապույտ մրրր-  
կահավեր, որոնք ապրում են միայն Անտարկտիկայում:

— Այդ վերջիններն այնքան յուղալի են, որ Ֆարենյան  
կղզիների բնակիչները հենց նոր սպանված թռչունի մեջ  
պատրույգ են դնում և ստացվում է պատրաստի ճրագ, — ա-  
սացի ես Կոնսելին:

— Եթե բնությունը մի քիչ էլ ջանք թափեր, — պատաս-  
խանեց Կոնսելը, — այդ կլիներ իդեալական լապտեր: Ափսոս,  
որ դրանց վրա պատրաստի պատրույգ չկա:

Մեր ափ իջնելու տեղից կես մղոն տարածության վրա դե-  
տինն ամբողջովին ծածկված էր պինգվինների բներով, որոնք  
որջերի էին նման: Հետո նավապետ Նեմոն իր նավաստիներ-  
ին հրամայեց այդ թռչուններից որսալ մի քանի հարյուր,  
հատ, որովհետև նրանց թուխ միսը շատ համեղ է: Նրանց  
կռինչը նման է էշի զոռցին: Այս թռչունները, որ կլինեն սա-



գի շափ, ունեն սև փետուրներ, կրծքի վրա սպիտակ բծեր և պարանոցների վրա դեղին շերտ, թույլ էին տալիս իրենց սպանել քարերով և շէին էլ մտածում փախչել:

Մշուշը շէր ցրվում, և ժամը տասնմեկին արևը դեռ շէր երևում: Դա շատ էր հուզում ինձ: Առանց արևի մենք շէինք կարող դիտողություններ անել: Իսկ առանց դիտողություններ անելու ինչպե՞ս կարող էինք իմանալ, թե հասել ենք բևեռին:

Երբ ես մոտեցա նավապետ Նեմոյին, նա կանգնել էր ժայռին հենված և լուռ նայում էր ծովին: Նա դժգոհ էր երևում ու երբեմն անհամբերությամբ դիտում էր երկինքը: Սակայն ի՞նչ արած: Այդ քաջարի և ուժեղ մարդը շէր կարող երկնքի վրա իշխել այնպես, ինչպես իշխում էր ծովի վրա:

Վրա հասավ կեսօրը, իսկ արևը մի վայրկյան անգամ շէրևաց: Ամբողջ երկինքը ծածկված էր ամպերով և նույնիսկ շէր երևում, թե որտեղ է գտնվում ցերեկվա լուսատուն:

— Մնում է հետաձգել վաղվան, — հանգիստ ասաց նավապետը: Այնուհետև սկսվեց ձյան մրրիկ, և մենք վերադարձանք «Նաուտիլուս»:

Այն ժամանակ, երբ մենք գտնվում էինք կղզում, «Նաուտիլուսի» նավաստիները կարողացան ջուրը նետել և հանել ուռկանը: Ես հետաքրքրությամբ դիտում էի բռնված ձկները: Անտարկտիկական ծովն ապաստան է ծառայում մեծ քանակությամբ ձկների համար, որոնք ավելի ցածր լայնությունների փոթորիկներից փախչում են այստեղ, որպեսզի... ընկնեն, ծովացուլերի և փոկերի ճանկը: Ես տեսա մի քանի կոճիկային ձկներ, որոնք ունեն քսան սանտիմետր երկարություն, արծաթավուն, թուխ բծերով ծածկված թեփուկ: Տեսա նաև անտարկտիկական քիմեռներ, երեք ոտնաշափ երկարությամբ, իլիկաձև, սլկուն ոսկոկիկ մարմնով, որը երանգավորված է ոսկեգույն-դեղին, թուխ և սպիտակ գույներով, ունի կոնի նման դեպի առաջ ցցված դունչ և երկար թելանման պոչ: Դրանց միսը ինձ դուր շէկավ, այնինչ կոնսելին բավական համեղ թվաց:

Ձյան փոթորիկը շարունակվեց մինչև հետևյալ առավոտը: Անկարելի էր նույնիսկ մի բոպե բարձրանալ տախտակամած: Նստած լինելով սրահում և օրագրիս մեջ գրանցելով

վերջին օրերի դեպքերը, ես բաց դռնակից լսում էի հյուսիսային և այլ մրրկահավերի կոխնչը, որոնք ճախրում էին օդում, շնայած փոթորկին: «Նաուտիլուսը» ընթանալով սփերկարությամբ, անցավ էլի մի տասնյակ մղոն դեպի հարավ: Արևը, որ արդեն իջել էր հորիզոնի վրա, դալուկ կիսալույս էր սփռում:

Հետևյալ օրը, մարտի 20-ին, փոթորիկը դադարեց: Ցուրտը մի փոքր սաստկացավ: Զերմաչափը ցույց էր տալիս երկու աստիճան զրոյից ներքև: Մշուշը ցրվեց և ես հուսով էի, որ այդ օրը մեզ կհաջողվի աստղագիտական դիտողություններ կատարել: Նավապետ Նեմոն դեռ չէր գալիս: «Նաուտիլուսի» մակույկը Կոնսելին և ինձ տարավ անհայտ ցամաքի ափը: Այստեղ ևս հողը պարզապես հրաբխային ծաղում ուներ: Ամենուրեք երևում էին լավայի, խարամի, բաղալտի հետքեր, բայց ես ոչ մի տեղ չկարողացա գտնել խառնարանը: Այստեղ ևս, ինչպես նախորդ կղզում, հազարավոր թռչուններ կային: Բացի թռչուններից, այստեղ կենդանական աշխարհը ներկայացնում էին ծովային կաթնասունների մեծ հոտերը: Այդ կաթնասունները հեզ աչքերով մեզ էին նայում, երբ մենք անցնում էինք նրանց կողքից: Դրանք փոկեր էին: Մի քանիսը պառկած էին ափում, մյուսները փովել էին սառցակոշտերի վրա, մի քանիսն էլ լողում էին ափի մոտ կամ ափ էին դուրս գալիս: Նրանք չէին վախենում մեր մոտենալուց, որովհետև ըստ երևույթին առաջին անգամ էին տեսնում մարդուն: Հոտն այնքան մեծ էր, որ բավական կլիներ մի քանի հարյուր որսորդական նավերի համար:

— Ազնիվ խոսք,— ասաց Կոնսելը,— ես չափազանց ուրախ եմ, որ Նեդ Լենդը չի ուղեկցում մեզ:

— Ինչո՞ւ, Կոնսել:

— Որովհետև այդ մոլի որսորդը կկոտորեր բոլոր փոկերին:

— Բոլորին չէր կարող սպանել, ձեռքերը կարճ են: Բայց որ այդ հեղաբարո կենդանիներից մի քանիսի բանը բուրդ կլիներ, այդ կասկածից դուրս է: Իսկ այդ դուր չէր գա նավապետ Նեմոյին, որը չի սիրում իզուր թափել անմեղ կենդանիների արյունը:

— Եվ նա բոլորովին իրավացի է:

— Իհարկե, Կոնսել: Սակայն ասա, դու դեռ չէ՞ս դասա-  
կարգել ծովային կենդանիների այդ հիանալի ներկայացու-  
ցիչներին:

— Չէ՞ որ պարոնը գիտե, որ ես գործնական բնագավա-  
ռում այնքան էլ իրազեկ չեմ: Եթե պարոնը նեղություն քա-  
շեր ասելու այդ կենդանիների անունները...

— Դրանք փոկեր և ծովացուլեր են:<sup>1</sup>

— Երկու տեսակ, որոնք պատկանում են կաթնասուննե-  
րի դասին, միաորովայնների ենթադասին, մաշկոտների ջո-  
կատին, — շտապեց ասել Կոնսելը:

— Ճիշտ է, Կոնսել, — պատասխանեցի ես, — բայց այդ  
տեսակները նույնպես տարբեր այլատեսակություններ ունեն,  
և եթե ես չեմ սխալվում, մենք այստեղ հնարավորություն  
կունենանք դրանց դիտելու: Գնանք:

Առավոտյան ժամի մոտ ութն էր: Մինչև կեսօր, աստղա-  
գիտական դիտողությունների մոմենտը, մեր տրամադրու-  
թյան տակ կար մոտ չորս ժամ: Ես Կոնսելին առաջարկեցի  
գնալ ընդարձակ ծովախորշի եզերքով, այն ծովախորշի, որ  
մխրճվել էր գրանիտե ափերի մեջ: Այնտեղ ինչքան աչք  
կտրեր, այդ կարելի էր ասել առանց որևէ շափազանցու-  
թյան, հողը, առափնյա սառցակոշտերը և ջրի շերտերը լիքն  
էին հազարավոր ծովային կաթնասուններով: Ես աչքերով  
ակամա որոնում էի Պրոթեոսին, ծովի աստված Նեպտունի  
այդ հսկայական հոտերի առասպելական հովվին: Այստեղ  
կային գլխավորապես փոկեր: Դրանք տեղավորվում էին ըն-  
տանիքներով՝ արուն, ընտանիքի գլուխն ու պաշտպանը և  
նրա հովանավորության տակ գտնվող էզը, որ կերակրում էր  
ձագերին: Արդեն ուժեղացած, մատղաշ արունները խաղում  
էին առանձին, հեռվում:

Փոկերը ցամաքի վրա շարժվում են մեծ դժվարությամբ,  
անձոռնի ցատկումներով: Նրանք սկզբում կանգնում են հե-  
տին ոտների վրա և առաջ են նետվում ամբողջ իրանով,

---

<sup>1</sup> Հարավային կիսագնդում ծովացուլեր չեն բնակվում: (Մանոթ.  
Խմբ.)

ապա ծալում են առջևի թաթերը, պառկում կրծքերի վրա, ծռում մեջքերը և այդպիսով առաջ շարժում իրանի հետին մասը: Կատարելով այդ, նրանք կրկին կանգնում են հետին ոտների վրա, և ապա կրկնվում է ամբողջ այդ գործողությունը: Սակայն, անճոռնի լինելով ցամաքում, փոկերը շափաղանց ճարպիկ են ջրում, շնորհիվ իրենց ճկուն ողնաշարի, խիտ ու կարճ մազերի և թաղանթավոր թաթերի: Հանգրստանալով ջրի վրա և եզերքին, այդ կենդանիները շատ նրբազեղ պողաներ էին ընդունում: Իզուր չէ, որ հնադարյան մարդիկ, դիտելով նրանց գեղեցիկ շարժումները, շքնաղ աչքերի արտահայտիչ հայացքը, դնչի հեզաբարո տեսքը, բանաստեղծացնում էին այդ կենդանիներին, իրենց լեզենդներում արուններին դարձնելով տրիտոններ, իսկ էզերին՝ ծովահարսներ:

Ես Կոնսեյի ուշադրությունը հրավիրեցի այդ խելացի կենդանիների խիստ դարդացած, բարձր ճակատների վրա: Բացի մարդուց, ոչ մի կաթնասուն շունի այնքան քանակությամբ ուղեղային նյութ, որքան փոկերը: Հենց այս պատճառով փոկերը հեշտությամբ են ենթարկվում վարժեցման: Նրանք արագությամբ դառնում են ընտելացրած կենդանիներ և ես համաձայն եմ այն մի շարք բնագետների հետ, որոնք ասում են, թե համապատասխան դաստիարակություն ստանալով, նրանք կարող են դղալի օգուտ տալ մարդուն, ձկնորսության և ծովային որսի ժամանակ փոխարինելով շներին:

Սրբ մենք անցնում էինք, փոկերի մեծամասությունը քրնած էր: Ավազի և առափնյա ժայռերի վրա ես տեսա սովորական փոկեր դնչից մինչև պոչի ծայրը մեկուկես—երկու մետր երկարությամբ, վերին հաստ շրթունքով, ոլոր-մոլոր կոշտ բեղերով: Դրանց արտաքին ականջները գրեթե աննկատելի էին, երևում էին միայն փոքրիկ, եռանկյունաձև բարձրություններ:

Այստեղ կային նաև հարավի ծովային փղեր, որոնց կրնճիթը կլոր է և համարյա կես մետրի շափ դեպի առաջ է ցրցված: Հինգից մինչև յոթ մետրի շափ երկարություն ունեցող այդ վիթխարի կենդանիները մեզ վրա ոչ մի ուշադրություն չէին դարձնում:

— Արդյոք այդ կենդանիները վնասակար չե՞ն,— հարցրեց Կոնսելը:

— Ոչ,— պատասխանեցի ես,— եթե իհարկե դրանց հանգիստ թողնես: Բայց երբ հարձակվում են դրանց վրա, մանավանդ, երբ հարձակվում են ձագերի վրա, փոկերը սարսափելի կատաղում են, և քիչ չեն այն դեպքերը, երբ նրանք ջարդուփշուր են անում որսորդների մակույկները:

— Այդպես վարվելով, նրանք բոլորովին իրավացի են,— ասաց Կոնսելը:

— Չեմ վիճում:

Մեզանից երկու մղոն հեռու գտնվում էր ծովի խորքը մտած մի հրվանդան, որ ծովախորշը պաշտպանում էր հարավային քամիներից: Հրվանդանի ժայռերն ուղղահայաց դիրքով իջնում էին ջուրը: Ալիքները խփում էին այդ ժայռերի ստորոտներին ու փրփրում:

Այստեղ մենք հանկարծ լսեցինք բարձրաձայն բառաչ, կարծես մոտիկում արածում էր որոճող կենդանիների նախիրը:

— Այստեղ հո եղներ չկա՞ն,— հարցրեց Կոնսելը:

— Դրանք եղներ չեն, այլ ծովացուլեր,— պատասխանեցի ես:

— Կռվո՞ւմ են:

— Կռվում են կամ խաղում:

— Պարոնի թույլտվությամբ ես կուզեի տեսնել այդ:

— Գնանք տեսնենք, Կոնսել:

Եվ ահա մենք սկսեցինք քայլել սև, բազալտե ժայռերի երկայնքով: Մենք մագլցում էինք ժայռերի վրա, երբ անսպասելիորեն մեր ճանապարհը փակվում էր ներքև թափվող հողով, սահում էինք կոկիկ, սառույցներից հղկված քարերի վրա: Մի քանի անգամ ես սայթաքեցի և ընկա, ստանալով վնասվածքներ:

Կոնսելը, որ ավելի զգույշ էր և ավելի շրջահայաց, ոչ մի անգամ չընկավ և բարձրացնելով ինձ, շարունակ ասում էր.

— Եթե պարոնն աշխատեր ավելի լայն քայլեր անել, նրա համար հեշտ կլիներ պահպանել հավասարակշռությունը:



Բարձրանալով հրվանդանը, մենք տեսանք մի ընդարձակ, ճյուղապատ հարթություն, ուր ցրված էին ծովացուները:

Կենդանիները խաղում էին միմյանց հետ: Մեզ հասած աղմուկը զվարճության և ոչ թե կատաղության աղմուկ էր:

Ծովացուները թե՛ իրենց մարմնի ձևով և թե՛ մարմնի անօդամների դասավորությամբ նման են փոկերին: Սակայն նրանց ստորին ծնոտների վրա չկան ժանիքներ ու կտրիչներ, իսկ վերին ծնոտն ունի ութսուն սանտիմետր երկարությամբ և երեսուն երեք սանտիմետր հաստությամբ երկու ժանիք: Ծովացուլի ժանիքները բաղկացած են կոկիկ, հղկված ոսկորից, որ ամուր է և շուտ շի դեղնում ինչպես փղոսկրը, ուստի շատ թանկ է գնահատվում շուկաներում: Այս պատճառով ծովացուներն անխնա ոչնչացվում են և հեռու չէ այն ժամանակը, երբ նրանք բոլորովին կկոտորվեն, սրովհետև որսորդները սպանում են թե՛ արուններին, թե՛ էգերին ու ձագերին:

Անցնելով այդ հետաքրքիր կենդանիների մոտից, որոնք մեզանից շէին վախենում, ես լավ դիտեցի նրանց: Այդ կենդանիների կաշին հաստ է ու կոշտ, ունի թուխ-շեկ գույն և ծածկված է ոչ խիտ ու կարճ բրդով: Մի քանի արուններ ունեն մինչև շորս մետր երկարություն: Հարավային ծովացուները, որ ավելի հանդիստ են և ավելի քիչ երկշոտ, քան իրենց հյուսիսային ցեղակիցները, իրենց պառկելու տեղերում պահակներ չեն կանգնեցնում:

Դիտելով նրանց պառկելու տեղերը, ես որոշեցի վերադառնալ: Արդեն առավոտյան ժամի մոտ տասնմեկն էր, և ես ուզում էի ներկա գտնվել տեղի լայնությունը որոշելիս, եթե եղանակը նավապետ Նեմոյին թույլ տար դիտողություններ կատարել:

Ճիշտ է, դրա համար շատ քիչ հույս կար: Արևը թաքնված էր ամպերում, որոնք ծածկել էին ամբողջ երկինքը: Թվում էր, թե ցերեկվա նախամոտ լուսատուն դիտմամբ թաքնվել է ամպերի տակ, որպեսզի մարդկանցից ծածկի երկրագնդի այդ անմատչելի անկյունը:

Մենք գնացինք մի նեղ կածանով, որ ձգվում էր ժայռերի շուրջը: Տասներկուսի կեսին մենք մոտեցանք այն տեղին, որտեղ ափ էինք իջել: Մակուշկը, որ դուրս էր քաշված ավա-

դի վրա, արդեն ափ էր հասցրել նավապետ Նեմոյին: Նա կանգնած էր բազալտե ժայռի գագաթին: Նրա մոտ գտնվում էին աստղադիտական պարագաներ: Նրա հայացքը շարունակ ուղղված էր դեպի հյուսիս, հորիզոնի այն կետը, ուր այժմ պետք է գտնվեր ամպերում թաքնված արևը:

Ես կանգնեցի նավապետի կողքին և լուռ սպասում էի: Վրա հասավ կեսօրը, սակայն արևը չէր երևում, ինչպես և նախընթաց օրը:

Դիտողությունները, դարձյալ ձախողվեցին: Եթե հետևյալ օրն էլ արևը չերևա, ստիպված կլինենք հրաժարվելու բևեռի տեղը ճիշտ որոշելու փորձից:

Արդարև, մարտի 20-ն էր: Վաղը, մարտի 21-ին, լինելու է գիշերահավասար և եթե հաշվի չառնենք ճառագայթների բեկումը, ապա արդեն վաղն արևը կչքանա հորիզոնի հետեւում և կսկսվի բևեռային երկար, վեց ամիս տևող գիշերը... Սեպտեմբերյան գիշերահավասարից հետո հյուսիսային հորիզոնում ծագած արևը մինչև դետեմբերի 21-ն ավելի ու ավելի երկարացող պարուրներով բարձրանում էր երկնքի վրա: Ամառային արևադարձի այդ օրը հարավային կիսագնդում նա կրկին իջնել սկսեց, օրեցօր ավելի և ավելի ցածրացավ և, վերջապես, վաղն իր վերջին ճառագայթներն էր արձակելու այս ցամաքի վրա:

Իմ այս մտքերը ես հաղորդեցի նավապետ Նեմոյին:

— Դուք իրավացի եք, պարոն պրոֆեսոր, — պատասխանեց նա, — եթե վաղը, մարտի քսանմեկին, ինձ չհաջողվի որոշել հորիզոնի վրա արևի թեքման բարձրությունը, ապա ըստիպված կլինեմ վեց ամսով հետաձգել այդ: Բայց եթե վաղն արևը երևա թեկուզ մեկ րոպեով, ինձ համար առանձնապես հեշտ կլինի որոշել նրա բարձրությունը հորիզոնից, շնորհիվ այն բանի, որ դեպքերի բերմամբ մենք այստեղ հասել ենք գիշերահավասարի նախօրյակին:

— Ինչո՞ւ, նավապետ:

— Որովհետև երբ արևը երկնքում պարուրածն շրջան է կատարում, շատ դժվար է որոշել, թե որչափ բարձր է հորիզոնից: Այսպիսի դեպքերում գործիքների տվյալները հաճախ սխալ են լինում:

— Իսկ վաղն ի՞նչ փոփոխութիւն կլինի:

— Վաղը ես կկարողանամ ճշգրիտ դիտողութիւններ կատարել առանց գործիքների, միմիայն ժամանակաչափի օգնութեամբ: Եթե վաղը, մարտի քսանմեկին, կեսօրին արևի ըսկավառակը, հաշվի առնելով, իհարկե, բեկումը, լինի հյուսիսային հորիզոնի ճիշտ մեջտեղում, այդ կնշանակի, որ մենք գտնվում ենք հենց բևեռի վրա:

— Իսկապես,—ասացի ես,— սակայն մյուս կողմից այդ մաթեմատիկորեն ճիշտ չի լինի, որովհետև գիշերահավասարի մոմենտը չի զուգադիպում կեսօրվան:

— Ես այդ գիտեմ, պարոն պրոֆեսոր, սակայն այդ անճշտութիւնը նշանակութիւն չունի իմ նպատակների համար, այն կարող է լինել հարյուր մետրի սահմաններում, որ ինձ չի հետաքրքրում: Այդպես ուրեմն, մինչև վաղը:

Նավապետ Նեմոն վերադարձավ «Նաուտիլուս»: Ես ու Կոնսելը մինչև ժամը հինգը մնացինք ափում: Մենք թափառում էինք ավազոտ եզերքին, ուսումնասիրում ու դիտում բուսական ու կենդանական աշխարհը, սակայն ոչ մի հետաքրքիր բան չգտանք, եթե չհաշվենք պինգվինի մի ձուն, որ հետաքրքիր էր իր մեծութեամբ ու գույնով: Ունենալով կապույտ գույն և նախշված շինելով բևեռադրերի նմանվող ինչոր շերտիկներով ու կետերով, այն մի զվարճալի առարկա էր, որի համար սիրողը չէր խնայի նույնիսկ հազար ֆրանկ: Ես այդ ձուն հանձնեցի Կոնսելին: Իմ զգույշ օգնականը տարավ այն ինչպես թանկագին ճենապակի և բարեհաջող կերպով հասցրեց «Նաուտիլուս», որտեղ, թանգարանի ցուցափեղկերից մեկում, այդ ձուն իր համար ապաստան գտավ:

Ճաշի ժամանակ ես մեծ ախորժակով կերա փոկի լյարդի մի պատառ, որ իր համով հիշեցնում էր խոզի միսը: Հետո պառկեցի քնելու, շմոռանալով, ինչպես արևապաշտ հնդիկները, ցերեկվա լուսատուին կոչ անել, որ վաղը կեսօրին ողորմածաբար մեզ նայի:

Հետևյալ օրը, մարտի 21-ին, առավոտյան ժամը հնգին, երբ ես բարձրացա տախտակամած, նավապետ Նեմոն արդեն այնտեղ էր գտնվում:

— Եղանակը կարծես պարզվում է,— ասաց նա ինձ,—

ես սկսում եմ հուսալ: Նախաճաշից հետո մենք կզնանք ծով-  
ափ և այնտեղ հարմար դիտակետ կընտրենք:

Պայմանավորվելով նավապետի հետ, ես դնացի Նեդ Լեն-  
դի մոտ: Ես ուզում էի նրան հրավիրել ծովափ: Սակայն  
կամակոր կանադացին կտրականապես հրաժարվեց: Ես նկա-  
տում էի, որ նա օրը օրին դառնում է ավելի ու ավելի մռայլ ու  
ջղագրգիռ: Սակայն այս անգամ նրա կամակորութունն ինձ  
տհաճութուն չպատճառեց. ծովափում խիստ շատ էին փո-  
կերը, և այս շղջացած մեղապարտին չպետք էր իզուր գայ-  
թակղեցնել:

Նախաճաշից հետո ես դնացի ծովափ: Գիշերը «Նաուտի-  
լուսն» էլի մի քանի մղոն դեպի հարավ էր շարժվել: Հիմա  
նավը կանգնած էր բաց ծովում, ափից շորս կիլոմետր հեռու:  
Ծովափից բարձրանում էր շորս հարյուր-հինգ հարյուր մետր  
բարձրությամբ մի գագաթ: Մակուկում, բացի ինձանից,  
գտնվում էին նավապետ Նեմոն և «Նաուտիլուսի» անձնա-  
կազմից երկու նավաստի: Նավապետն իր հետ վերցրել էր  
դիտողութունների հետևյալ ոչ-բարդ դործիքները— ժամա-  
նակաչափը, հեռադիտակն ու ծանրաչափը:

Նավից մինչև եզերք անցնելիս մենք տեսանք մի քանի  
կետեր: Վիթխարի կաթնասուններն, ամբողջ վտառներով  
խայտում էին այդ ծովի անդորր ջրերում, և ես հասկացա,  
որ մարդուն անմատչելի այդ հարավային բևեռային ավա-  
զանը ապաստարան էր ծառայում անխնա ոչնչացվող կետե-  
րի համար:

Ժամը իննին մենք հասանք ցամաք: Երկինքը սպարզվեց:  
Ամպերը չվում էին դեպի հյուսիս: Մշուշը հետզհետե ցրվում  
էր: Նավապետ Նեմոն քայլեց ուղիղ դեպի բլուրը, որի վրա  
ըստ երևույթին ուզում էր դիտակետ ընտրել: Սլկուն, սառ-  
ցապատ ժայռերով բարձրանալը շատ դժվար էր: Նավապետը  
բարձրանում էր ուղղաբերձ լանջերով, այնպիսի ճարակու-  
թյամբ, որը նախանձելի էր պիրենեյան այծյամի որսորդի  
համար: Ես դժվարությամբ էի հասնում նավապետի հետևից,  
զարմանալով նրա արագաշարժության վրա, որ անսպասելի  
էր մանավանդ այն պատճառով, որ նավապետը երկար ժա-  
մանակ չէր եղել ցամաքում:

Գագաթը բարձրանալու համար մենք կորցրինք համարյա  
երկու ժամ: Գագաթից մեր առջև բացվեց ծովային մի հիա-  
նալի տեսարան: Հյուսիսային կողմում պարզ երևում էր հա-  
մատարած սառույցների մի մասը: Բլուրի ստորոտում փռվել  
էր սպիտակափառ, ձյունապատ հարթությունը: Մեր վերևում  
երկինքը դժգույն-կապույտ էր: Ջրից դուրս էր եկել արևի  
հրե սկավառակի մի փոքրիկ ծայրը, որ կարծես ներքևից  
կտրված էր հորիզոնի գծով: Կես ձկների նետած հարյուրա-  
վոր ջրասյունները բարձրանում էին շատրվանի նման ու թափ-  
վում ծովի վրա: Հեռվում, բաց ծովում երևում էր «Նաուտի-  
լուսը», որ զարմանալի կերպով նման էր քնած կետի: Դե-  
պի արևմուտք, դեպի արևելք, որքան տեսներ աչքդ, փռված  
էր ցամաքը, ուր քառսային վիճակում երևում էին տպառաժ-  
ներն ու ժայռերը:

Ելնելով բլուրի գագաթը, նավապետ Նեմոն առաջին հեր-  
թին որոշեց բլուրի բարձրությունը ծովի մակերևույթից, որ-  
պեսզի հետո ուղղումներ մտցնի իր դիտողությունների մեջ:

Տասներկուսից քառորդ պակաս արևի սկավառակը, որ  
մինչ այդ երևում էր ճառագայթների բեկման հետևանքով,  
դուրս եկավ հորիզոնից և իր կարմրավառ ճառագայթներով  
լուսավորեց տխուր, ամայի ցամաքն ու ծովը, ուր մեզանից  
առաջ ոչ մի մարդ չէր եղել:

Նավապետ Նեմոն, դինվելով հեռադիտակով, որի հայելին  
ճառագայթների բեկման շնորհիվ ճշտում էր տեսողության  
պատրանքը, սկսեց հետևել ցերեկվա լուսատուին, որ շատ  
երկար կորագծով սահում էր հենց հորիզոնի վրա: Ես ձեռ-  
քումս բռնել էի ժամանակաշափը և հետևում էի թվատախ-  
տակի վրա դանդաղ սողացող սլաքների: Սիրտս արագ խը-  
փում էր: Եթե արևի սկավառակի կեսը հորիզոնում չքանա-  
րուղիղ կեսօրին, ուրեմն մենք բևեռի վրա չէինք:

— Կեսօր է, — գոչեցի ես:

— Հարավային բևեռն է, — հուզված ձայնով պատասխա-  
նեց ինձ նավապետ Նեմոն: Նա ինձ մեկնեց հեռադիտակը,  
որը ես դրի աչքերիս ու համոզվեցի, որ արևի սկավառակը  
հորիզոնի գծով երկու բոլորովին հավասար մասի է բաժան-  
ված:



Արևի վերջին շողերը դեռ լուսավորում էին բլրագագաթը, մինչդեռ բլուրի լանջերով արագությամբ դեպի վեր էին սողում վեցամսյա բևեռային գիշերի սովերները:

Ձեռքը դնելով ուսիս, նավապետ Նեմոն սկսեց խոսել:

— Պարոն պրոֆեսոր,— ասաց նա,— 1600 թվականին հոլանդացի Հերիկը, մրրիկներով ու հոսանքներով տարված, իր նավով հասավ  $64^{\circ}$  լայնության և հայտնագործեց Հարավ-Շեալանդյան կղզիները: 1773 թվականի նոյեմբերի տասնյոթին հոլանդացի նավապետ Կուկը, լողալով երեսունութորորդ միջօրեականի երկարությամբ, հասավ մինչև  $67^{\circ}37'$  հարավային լայնության, իսկ հետևյալ: 1774 թվականին, հունվարի երեսունին, նա ինքը, շարժվելով հարյուր իններորդ միջօրեականի երկարությամբ, հասավ  $71^{\circ}15'$  հարավային լայնության: 1819 թվականին ռուս հետազոտիչ Բելլինս-հաուզենը եղավ վաթսունիններորդ զուգահեռականի վրա, իսկ երկու տարուց հետո, 1821 թվականին՝ վաթսունվեցերորդ զուգահեռականի վրա  $111^{\circ}$  արևմտյան երկարության տակ: 1820 թվականին անգլիացի Բրանսֆիլդը  $65^{\circ}$  տականգ առավ սառույցների առաջ: Նույն թվականին ամերիկացի Մորելը, որի պնդումներն ի դեպ ասած, այնքան էլ արժանի չեն վստահության, ընթանալով քառասուներկուերորդ միջօրեականի երկարությամբ,  $70^{\circ}14'$  տակ տեսավ բաց ծովը: 1825 թվականին անգլիացի Պոուելին սառույցները խանգարեցին  $62^{\circ}$ -ից ավելի հեռու գնալ: Սակայն նույն թվականին փոկերի հասարակ մի որսորդ, անգլիացի Վեդլը, հասավ մինչև  $72^{\circ}14'$  լայնության,  $35^{\circ}$  երկարության տակ և մինչև  $74^{\circ}15'$  լայնության,  $36^{\circ}$  երկարության տակ: 1829 թվականին անգլիացի Ֆերստերը, «Շանտեկլյոր» նավի պետը,  $63^{\circ}26'$  լայնության և  $66^{\circ}26'$  երկարության տակ հայտնագործեց «անտարկտիկական ցամաքը»: 1831 թվականին, փետրվարի մեկին, անգլիացի Բիսկոեն  $36^{\circ}50'$  տակ հայտնագործեց էնդերբի երկիրը, իսկ մի տարուց հետո, 1832 թվականի փետրվարի հինգին՝ Ադելաիդա կոչված ցամաքը  $67^{\circ}$  լայնության տակ և վերջապես, փետրվարի քսանմեկին՝ Գրամամա ցամաքը՝  $64^{\circ}45'$  լայնության տակ: 1838 թվականին Ֆրոնանսիացի Դյումոն Դյուրվիլը, որ համատարած սառույցներ

րի պատճառով կանգ էր առել  $62^{\circ}57'$  լայնության տակ, հայտնագործեց Լուի-Ֆիլիպի երկիրը: Երկու տարուց հետո, 1840 թվականի հունվարի քսանմեկին  $66^{\circ}30'$  լայնության տակ նա գտավ Ադելի կղզին, այնուհետև, ութ օրից հետո  $64^{\circ}40'$  տակ—Կլարենս կղզին: 1838 թվականին անգլիացի Ուիլկոքը, ընթանալով հարյուրերորդ միջօրեականի երկարությամբ, հասավ  $69^{\circ}$  լայնության: 1839 թվականին անգլիացի Բալլենին հայտնագործեց իր անունը կրող կղզիները: 1842 թվականի հունվարի տասներկուսին անգլիացի Ջեմս Ռոսը, գլխավորելով «էրեբուսի» և «Տեոորի» գիտարշավը  $76^{\circ}56'$  լայնության  $171^{\circ}7'$  արևելյան երկարության տակ գտավ Վիկտորիա ցամաքը: Նույն ամսի քսաներեքին նա հասավ յոթանասունչորսերորդ զուգահեռականին, ավելի շատ գնալով դեպի հարավ, քան իր նախորդներից որևէ մեկը: Հունվարի քսանյոթին նա հասավ  $76^{\circ}8'$ , քսանութին— $77^{\circ}32'$ , փետրվարի երկուսին— $77^{\circ}4'$ : 1842 թվականին Ռոսը վերադարձավ Անտարկտիդա, բայց չկարողացավ  $71^{\circ}$  ավելի վեր բարձրանալ: Վերջապես, ես, նավապետ Նեմոս, 1868 թվականի մարտի քսանմեկին հասա հարավային բևեռը, կամ  $90^{\circ}$  հարավային լայնության և ստանձնում եմ երկրագնդի այդ մասի տիրապետությունը:

— Ո՞ւմ անունից եք ստանձնում այս ցամաքի տիրապետությունը, նավապետ:

— Իմ սեփական անունից, պարոն պրոֆեսոր:

Այս խոսքերի վրա նա բացեց մի մեծ, սև դրոշակ, որի վրա ասեղնագործած էր «N» տառը, և երեսը դարձնելով դեպի ցերեկվա լուսատուն, որի վերջին շողերը դեռ լուսավորել էին հորիզոնը, բացականչեց.

— Մնաս բարով, արև: Չքացիր, շողշողուն լուսատու: Սուզվիր այս ազատ ծովը և վեց ամիս դիշերային խավարով ծածկի՛ր իմ նոր սեփականությունը:

## ԳԼՈՒԽ ՏԱՍՆՀԻՆԳԵՐՈՐԴ

### ԴԺԲԱԽՏ ԴԵՊՔ ԿԱՄ ՉՆՉԻՆ ՊԱՏԱՀԱՐ

Հետևյալ օրը, մարտի 22-ին, առավոտյան ժամը վեցին «Նառատիլուսում» սկսեցին պատրաստվել վերադառնալու: Մթնշաղի վերջին լույսերը կորան գիշերային խավարում: Ցուրտը բավական զգալի էր: Համաստեղություններն ապշեցուցիչ պայծառությամբ էին փայլում երկնքում: Երկնակամարում շողում էր կուրացուցիչ Հարավային Խաչը, որի աստղերից մեկը հարավային կիսագնդում խաղում էր բևեռային աստղի դերը:

Զերմաչափ սնդիկը իջավ մինչև 12° զրոյից ներքև: Պաղքամին խփում էր դեմքներիս: Բաց ծովը եզերքի մոտ ծածկվում էր բարակ սառույցով և կարելի էր սպասել, որ շուտով ամբողջ ծովը կսառչի: Ակներև էր, որ վեց ամիս տևող գիշերվա ընթացքում հարավային բևեռամերձ ավազանը բոլորովին անմատչելի է դառնում: Այդ ժամանակ ի՞նչ էին անում կետերը: Ամենից հավանականն այն է, որ նրանք սառույցի տակ լողում էին դեպի հյուսիս՝ շատ շուտ ծովերը: Իսկ փոկերն ու ծովացուլերը, որոնք ընտելացած են սաստիկ սառնամանիքներին, մնում են այդ սառցապատ երկրներում: Այդ կենդանիները կարողանում են անցքեր բանալ սառցադաշտերում և շեն թողնում, որ այդ անցքերը ծածկվեն սառույցով: Նրանք շնչում են այդ անցքերի միջով: Երբ ցրտից հալածված թռչունները թռչում են դեպի հյուսիս, ավելի տաք երկրներ, ծովացուլերն ու փոկերը մնում են բևեռային ցամաքի միակ տերերը:

Մինչ այս մինչ այն, «Նառատիլուսը» ջուր լցրեց պահամանները և սկսեց ջրասույզ լինել: Հազար մետր խորանալով նավը դադարեցրեց ջրասույզ լինելը, մեքենան սկսեց աշխատել, և նավը մեկ ժամում տասնհինգ մղոն արագությամբ սկսեց լողալ դեպի հյուսիս: Երեկոյան մենք արդեն գտնվում էինք համատարած սառույցների ահագին հաստություն ունեցող կամարի տակ:

«Նառատիլուսը» կարող էր անսպասելի կերպով ընդհար-

վել որևէ լողացող սառցակոշտի հետ, այս պատճառով, զգուշութեան համար, սրահի լուսամուտների փեղկերն ամուր փակվեցին: Այդ օրը ես նվիրեցի իմ գրանցումները կարգի բերելուն: Ես ամբողջովին խորասուզվեցի բենուի վերաբերյալ հիշողությունների մեջ:

Երկրագնդի այդ ամենաանմատչելի կետին մենք հասանք առանց հոգնածութեան, լիակատար հարմարություններով, կարծես մեր լողացող վագոնն այնտեղ հասել էր երկաթուղու ռելսերով:

Հիմա մենք նույն հարմարություններով վերադառնում էինք: Արդյոք այդ ճանապարհին նոր հրաշքեր չէին սպասում մեզ: Ես դրանում գրեթե հավատացած էի, այնքան անսպառ է ծովի գանձարանը:

Հինգ և կես ամսվա ընթացքում, ստորջրյա նավին հանդիպելու մոմենտից սկսած՝ մենք անցել էինք տասնչորս հազար լյո և որքա՞ն հրաշալի, անակրնկալ ու սարսափելի արկածներ էինք ունեցել այդ ճանապարհին, որ գրեթե մեկուկես անգամ ավելի է երկրի հասարակածի երկարությունից:

Ամբողջ գիշերն ինձ պաշարել էին «Նաուտիլուսում» ասլորած կյանքի տեսիլները, ոչ մի վայրկյան թույլ չտալով, որ փակեմ հոգնած աչքերս: Ես հիշում էի Կրեսպո կղզու մոտ գտնվող ստորջրյա անտառներում մեր որսը, հարկադիր կանգ առնելը Թորրեսի նեղուցում, կորալային գերեզմանոցը օվկիանոսի հատակում, Ցեյլոնի մարգարտաբեր ծանծաղուտները, Արաբական թունելը, Վիգո ծովախորշի ոսկին, Ասլանտիդան, Հարավային բենուր...

Առավոտյան ժամը երեքին ես երազներից արթնացա մի ուժեղ ցնցման պատճառով: Ես նստեցի անկողնիս վրա և սկսեցի լարված ականջ դնել: Հանկարծ «Նաուտիլուսը» թեքվեց, և ես անկողնից ընկա հատակին, նավասենյակի մեջտեղը:

Պատերից բռնելով ես հասա սրահ: Այստեղի ամբողջ կահակարասին տեղահան էր եղել և թափվել հատակին: Բարեբախտաբար թանկագին ցուցափեղկերն ամուր փակված էին և հավաքածոները չէին վնասվել: Աջակողմի պատից կախված պատկերները կարծես կպել էին պաստառներին,

մինչդեռ հակադիր կողմում նրանց ստորին ծայրը մի ամբողջ րտնաչափ բաժանված էր պատաններից: «Նաուտիլուսը» թեքվել էր աջ կողմը և կանգնել էր բոլորովին անշարժ:

Միջանցքներից լավեց ոտների դոփյուս և ձայների խուլ դժժոց: Սակայն նավապետ Նեմոն չէր երևում: Այն բոլորները ես պատրաստվում էի դուրս գալ սրահից, ներս մտան Նեդ Լենդը և Կոնսելը:

— Ի՞նչ է պատահել, — անմիջապես հարցրի ես:

— Ես եկա այդ մասին հարցնելու պարոնին, — պատասխանեց Կոնսելը:

— Գրողը տանի, — բացականչեց կանդացին, — ես գիտեմ ինչ է պատահել: «Նաուտիլուսը» նստել է ծանծաղուտին և, դատելով նրա թեքվածքից, ավելի ամուր է նստել, քան անցյալ անգամ, Թորրեսի նեղուցում: Այս անգամ այնքան էլ հեշտ չի լինի աղատվել ծանծաղուտից:

— Չգիտե՞ք արդյոք, մենք բարձրացե՞լ ենք օվկիանոսի երեսը, — հարցրեց Կոնսելը:

— Չգիտեմ, — պատասխանեց կանադացին:

— Դրանում հեշտ է համոզվել, — ասացի ես:

Ես մոտեցա խտաչափին: Որքա՞ն զարմացա, տեսնելով, որ սլաքը ցույց է տալիս երեք հարյուր վաթսուն մետր խորություն:

— Այս ի՞նչ է նշանակում, — հարցրի ես:

— Պետք է հարցնել նավապետ Նեմոյին, — ասաց Կոնսելը:

— Բայց որտե՞ղ գտնենք նրան, — առարկեց Նեդ Լենդը:

— Հետևեցեք ինձ, — ասացի ես ընկերներին:

Մենք դուրս եկանք սրահից: Գրադարանում ոչ ոք չկար: Դեպի դռնակը տանող սանդուղքի վրա նույնպես ոչ ոք չկար: Ես մտածեցի, որ նավապետ Նեմոն գտնվում է դեկի խցիկում: Անհարմար էր նրան այնտեղ անհանգստացնել, այս պատճառով մենք բոլորս վերադարձանք սրահ:

Չեմ պատմի Նեդ Լենդի գանգատների ու տրտունջների մասին: Այս անգամ նա լիակատար հիմք ուներ ջղայնանալու: Ես նրան չէի խանգարում իր վատ տրամադրությունն արտահայտելիս, բայց նաև չէի պատասխանում:

Այսպես մենք նստեցինք քսան բոլոր, լսելով «Նաուտի-



լուսի» միջանցքների ամենաչնչին աղմուկը: Հանկարծ նավապետ նեմոն մտավ սրահ: Թվում էր, թե նա մեղ շնկատեց: Սովորաբար անխռով նրա դեմքն այս անգամ սաստիկ հուզում էր արտահայտում: Նա լուռ մոտեցավ կողմնացույցին, խտաշափին, վերջապես, կանգ առավ քարտեզի առաջ և մատը դրեց մի կետի, այն մասում, ուր գտնվում էր Հարավային օվկիանոսը:

Ես չէի ուզում խանգարել նրա մտքերը: Սակայն մի քանի րոպեից հետո, երբ նա դարձավ դեպի ինձ, ես նրան հարցրի.

— Արդյոք մի որևէ շնչին պատահա՞ր է եղել, նավապետ:

— Ոչ, պարոն պրոֆեսոր, — պատասխանեց նա, — այս անգամ դժբախտ դեպք է պատահել:

— Լո՞ւրջ է այդ դեպքը:

— Գուցե և լուրջ:

— Մեզ անմիջական վտա՞նգ է սպառնում:

— Ոչ:

— «Նաուտիլուսը» նստել է ծանծաղուտի՞ն:

— Այո:

— Այդ ինչպե՞ս պատահեց:

— Բնության մի ինչ-որ անբացատրելի խաղ, որի մեջ մեղավոր չէ ղեկավարը: «Նաուտիլուսը» վարելիս նա ոչ մի սխալ չի կատարել... Սակայն մենք անզոր ենք խանգարելու ձգողության օրենքը, որ իր ներգործությունն է կատարում... Կարելի է խուսափել մարդու սահմանած օրենքներից, սակայն բնության օրենքներից՝ երբե՛ք:

Նավապետ նեմոն փիլիսոփայությունների անելու համար այնքան էլ հաջող մոմենտ չընտրեց: Ըստ էության ասած՝ նա իր պատասխանով ոչինչ չհաղորդեց ինձ:

— Արդյոք կարո՞ղ եք ինձ ասել, նավապետ, թե ինչն է այս պատահարի պատճառը, — հարցրի ես:

— Շուտ է եկել մի հսկայական սառցակոշտ, մի ամբողջ սառցալեռ... Երբ սառցալեռների հիմքերը հալչում են տաք հոսանքներից, նրանց ծանրության կենտրոնը տեղափոխվում է և նրանք շուտ են գալիս: Այդպիսի մի սառցալեռ ընդհարվեց «Նաուտիլուսին», երբ վերջինս լողում էր ջրի տակ: Շուտ

եկող սառցալեռան ստորին մասը վերցրեց «Նաուտիլուսը»,  
բարձրացրեց և շուտ տվեց կողքի:

— Բայց մի՞թե չի կարելի «Նաուտիլուսը» հանել ծան-  
ծաղուտից, դատարկելով նրա օլահամաններն և այդ կերպ  
պակասեցնելով ծանրությունը:

— Հիմա մենք այդպես էլ անում ենք, պարոն պրոֆեսոր:  
Ականջ դրեք, այնտեղ աշխատում են պոմպերը, ջուրը դուրս  
են մղում: Նայեցեք խտաշափի սլաքին՝ «Նաուտիլուսը» վեր  
է բարձրանում, բայց նրա հետ բարձրանում է նաև սառցա-  
լեռը: Իրությունը չի փոխվի այնքան, մինչև որ մի որևէ խո-  
շրնդոտ կանգնեցնի այդ շարժումը:

Հիրավի, «Նաուտիլուսը» շարունակում էր թեքվել աջ կող-  
մի վրա: Անկասկած, նավն ուղիղ դիրք կատանա, հենց որ  
սառցալեռն այլևս չպատվի իր նոր ծանրության կենտրոնի  
շուրջը: Սակայն ո՞վ գիտե արդյոք չի՞ պատահի այնպես, որ  
սառցալեռան պտույտը կանգ առնի համատարած սառույց-  
ների ստորին մակերևույթի միջոցով, և արդյոք մենք հրս-  
կայական ուժով չե՞նք սեղմվի, գուցե և ճզմվի երկու սառցե  
զանգվածների միջև:

Մինչև ես կխորհեի «Նաուտիլուսի» հետ պատահած դրժ-  
բախտ դեպքի բոլոր հնարավոր հետևանքների մասին, նա-  
վապետ Նեմոն շարունակ նայում էր խտաշափի սլաքին:  
Սառցալեռան հետ ընդհարվելուց հետո «Նաուտիլուսն» ար-  
դեն հարյուր հիսուն ոտնաչափ դեպի վեր էր բարձրացել,  
բայց աջակողմի թեքման անկյունը նույնն էր մնացել:

Հանկարծ ստորջրյա նավը ցնցվեց: «Նաուտիլուսն» սկսեց  
ուղիղ դիրք ստանալ: Սրահի աջ պատին փակցված պատկեր-  
ները փոխեցին իրենց դիրքը, պատերը նույնպես նկատելիո-  
րեն մոտենում էին ուղղահայաց գծին: Մենք բոլորս մտա-  
զբաղ էինք և լուռ: Շունչներս պահած հետևում էինք, թե ինչ-  
պես դանդաղ, հետզհետե ուղղվում է նավը: Սրահի հատակը  
հորիզոնական դիրք ստացավ:

— Վերջապես մենք շտկվեցինք, — բացականչեցի ես:

— Այո, վերջապես, — ասաց նավապետ Նեմոն, քայլելով  
դեպի դուռը:

— Բայց հիմա մենք դուրս գալի՞ս ենք ջրի տակից,— հարցրի ես:

— Իհարկե,— պատասխանեց նա,— չէ՞ որ պահամաններն ամբողջովին շեն դատարկված, և հենց որ պոմպերը նրանց միջից դուրս մղեն ամբողջ ջուրը, «Նաուտիլուսը» դուրս կգա ջրի երեսը:

Նավապետը դուրս գնաց և նրա հրամանով իսկույն դարեց պոմպերի աշխատանքը, հետևապես նաև «Նաուտիլուսի» շարժումը դեպի վեր: Արդարև, եթե մենք շարունակեինք բարձրանալ, կարող էինք ընդհարվել համատարած սառույցների ստորին մակերևույթին, այնպես որ ավելի լավ էր մնալ խորության այդ մակարդակի վրա:

— Հը՛, կարծեմ մենք լավ պրծանք,— ասաց Կոնսելը:

— Այո, այդ սառցալեռները հեշտությամբ կարող էին ճղմել մեզ, կամ լավագույն դեպքում գերի պահել: Իսկ այդ դեպքում, հնարավորություն չունենալով օդի նոր պաշար վերցնել... Այո, մենք լավ պրծանք:

— Եթե միայն իրոք որ ազատվեցինք,— կամացուկ ասաց Նեդ Լենդը:

Ես շքանկացա ապարդյուն վեճի բռնվել կանադացու հետ և ոչինչ չպատասխանեցի նրա դիտողության: Բացի դրանից, այդ բոսյեին բացվեցին սալոնի փեղկերը, և մենք նետվեցինք դեպի լուսամուտը:

Լուսարձակի փայլը լուսավորել էր ջուրը: Ինչպես ես արդեն ասացի, նավն ազատ լողում էր ջրում: Սակայն մեզանից տասը մետրի վրա երևում էին սառցե պսպղուն պատերը: Վերևից ու ներքևից՝ նույնպիսի պատեր: Վերևինը համատարած սառույցի ստորին մակերևույթն էր, որ վիթխարի առատադի նման կախվել էր մեր գլխին: Ներքևում հատակի տեղ էր ծառայում շուռ եկած սառցալեռը, որ հենակետեր էր դտել իր կողքի պատերում և ամուր մնացել այդ դիրքում:

Այսպիսով «Նաուտիլուսը» գտնվում էր քսան մետր լայնությամբ և անշարժ ջրով լեցուն մի իսկական սառցե թունելում: Հետևաբար մենք կարող էինք անարգել դուրս գալ այնտեղից, ընթանալով կամ դեպի առաջ կամ ետ, և ապա

իջնելով մի քանի հարյուր մետր, անցնել համատարած սառույցների գոտին:

Չնայած, որ առաստաղի լապտերները չէին վառվում, սրբահր հեղեղված էր պայծառ լույսով: Այդ «Նաուտիլուսի» լուսարձակի լույսի արտացոլումն էր սառցե պատերից:

Ես չեմ կարող նկարագրել այդ լուսավորության կախարդական էֆեկտը, որովհետև սառցակոշտերի ամեն մի կոտրվածք, ամեն մի անկյուն, ամեն մի աստիճան տարբեր գույնի ճառագայթ էր արտացոլում, նայած իր բյուրեղային կառուցվածքին:

Կարծես այնտեղ փռված լինեին թանկագին քարեր, գեմաքարեր, շափյուղաներ, զմրուխտներ, որոնք արտացոլում էին կանաչ, երկնագույն և կապույտ գույնի ճառագայթներ: Լուսարձակի լույսն ուժեղանում էր հարյուր անգամ, ինչպես ուժեղանում է փարոսի հաստ ոսպնապակիների մեջ գտնվող լույսը:

— Որքա՞ն գեղեցիկ է, ինչպիսի զմայլելի գեղեցկություն,— հիանում էր Կոնսելը:

— Այո,— ասացի ես,— սա անմոռանալի տեսարան է, այնպես չէ՞, Նեդ:

— Այո, գրողը տանի, ճշմարիտ է,— խոստովանեց կանադացին,— ինձ կատաղեցնում է այն, որ ստիպված եմ համաձայնվել դրա հետ: Ես երբեք այդպիսի բան չեմ տեսել Միայն թե վախենում եմ, որ մեզ վրա թանկ կնստի այդ տեսարանը: Բնութջուռնը չի սիրում, երբ մարդը թափանցում է նրա ամենանվիրական գաղտնիքների մեջ:

Նեդ Լենդն իրավացի էր: Այդ տեսարանը շափից դուրս գեղեցիկ էր մարդոս համար:

Հանկարծ Կոնսելի ճիշն ինձ ստիպեց ետ նայել:

— Ի՞նչ պատահեց,— հարցրի ես:

— Թող պարոնը փակի աչքերը, թող պարոնը շնայի:

Ասելով այդ, Կոնսելը ձեռքը տարավ դեպի իր աչքերը:

— Ի՞նչ պատահեց քեզ, բարեկամս:

— Ես կուրացած եմ:

Ես ակամա դարձա դեպի լուսամուտը, բայց իսկույն փակեցի աչքերս, անկարող լինելով տանել կուրացուցիչ փայլը:

Ես հասկացա, թե ինչ էր պատահել: «Նաուտիլուսն» ամբողջ տրադուսթյամբ առաջ շարժվեց: Լուսարձակի ցուքերը, որոնք տարածված էին մեր շուրջը, պայծառ շերտեր կազմեցին: Միլիարդավոր ադամանդների լուսո ճառագայթները կազմեցին մի ընդհանուր խուրձ, և «Նաուտիլուսը» սլանում էր շողշողուն փայլակների ծովում:

Այստեղ սրահի փեղկերը ծածկվեցին: Չկարողանալով նայել, մենք ձեռքերով ծածկում էինք աչքերս, որոնց առջև բռնկվում էին համակենտրոն, լուսավառվող օղակներ, ինչպես այն օղակները, որոնք երևում են ցանցաթաղանթի առջև, երբ խիստ երկար ես նայում արևին: Բավական շատ ժամանակ անցավ, մինչև որ մեր տեսողութունը հասավ նորմալ դրության:

Վերջապես, մենք այլևս ձեռներով չէինք ծածկում մեր աչքերը:

— Ազնիվ խոսք,— ասաց Կոնսելը,— չէի հավատա, եթե ինձ պատմեին այդ տեսարանի մասին:

— Իսկ ես հիմա էլ չեմ հավատում,— հայտարարեց կանադացին:

— Երբ մենք կվերադառնանք ցամաք,— շարունակեց Կոնսելը,— հազեցած լինելով բնության այդքան հրաշքներ տեսնելուց, սրբա՛ն խղճուկ կթվան մեզ բնակելի երկրները և մարդկային ձեռքով ստեղծված առարկաները: Ո՛չ, այդ ցամաքն արժանի չէ մեզ:

Դժվար չէ պատկերացնել մեր ոգևորությունը, երբ Կոնսելը, այդ ամենահանգիստ ֆլամանդցին խոսում էր այդպիսի լեզվով:

Սակայն կանադացին առիթը բաց չէր թողնում սառը ջուտ լցնելու մեր ոգևորության կրակի վրա:

— Բնակելի երկրներ՞րը,— զլուխն օրորելով կրկնեց նա,— մի անհանգստանաք, սիրելի Կոնսել: Մենք երբեք չենք տեսնի այդ երկրները:

Առավոտյան ժամի մոտ հինգն էր, երբ զգացվեց մի նոր ցնցում, այս անգամ առջևից: Ես հասկացա, որ «Նաուտիլուսը»



սի» ժանիքը ընդհարուել է սառցակոշտին: Ակներն էր, որ դեկավարն անհաջող մանյովրներ էր կատարել այս թունելում, որը լի էր սառցակոշտերով և որտեղ այնքան էլ հեշտ չէր վարել նավը: Ես կարծում էի, թե նավապետ Նեմոն մի կողմ կթողնի այդ արգելքը և մենք, փոխելով ուղղությունը, նորից առաջ կշարժվենք ծուռումուռ թունելով: Սակայն, հակառակ իմ սպասելիքների, «Նաուտիլուսը» ետ գնաց:

— Մենք ե՞տ ենք վերադառնում, — հարցրեց Կոնսելը:

— Այո, — պատասխանեցի ես, — պետք է կարծիլ, որ այս կողմից թունելը ելք չունի:

— Հետևապես...

— Հետևապես մենք հետ կդառնանք և դուրս կգանք թոնելի հարավային անցքից: Դա շատ հասարակ բան է:

Ես աշխատում էի վստահություն ներշնչել իմ բարեկամներին, ինքս շունենալով այդ վստահությունը:

Մինչ այս մինչ այն, «Նաուտիլուսն» ավելի և ավելի արագ էր շարժվում դեպի ետ, և հիմա նավը սլանում էր լիակատար արագությամբ:

— Սա տհա՛շ ուշացում է, — նկատեց Նեդ Լենդը:

— Է՛հ, մեզ համար ի՞նչ է մի զանի ավելորդ ժամը, քանի որ մենք այնուամենայնիվ դուրս կգանք այստեղից, — ասաց Կոնսելը:

— Այո, — պատասխանեց Նեդ Լենդը, — եթե միայն մենք իսկասլես դուրս կգանք, այս ուշացումը սարսափելի չէ:

Ես սկսեցի քայլել սրահից դրադարան և գրադարանից սրահ: Իմ ընկերները հանգիստ նստել էին բազմոցի վրա: Շուտով ես էլ նստեցի բազմոցին և վերցնելով մի գիրք, փորձեցի կարդալ, բայց կարդալուց բան չէր դուրս գալիս:

Քրտորդ ժամից հետո Կոնսելը մոտեցավ ինձ և հարցրեց.

— Արդյոք հետաքրքի՞ր է պարոնի կարդացած գիրքը:

— Շատ հետաքրքիր է, — պատասխանեցի ես:

— Ես չէի էլ կասկածում: Չէ՞ որ պարոնն իր սեփական գիրքն է կարդում:

— Իմ դի՞րքը:

Արդարև, ես վերցրել էի իմ «Ծովի հատակի գաղտնիքները», բոլորովին շիմանալով այդ: Ես ծալեցի գիրքը և սկսեցի դարձյալ քայլել սրահում: Նեղը և Կոնսելը, ցանկանալով շխանդարել ինձ, վեր կացան բազմոցից և քայլեցին դեպի դուռը:

— Մի հեռանաք, բարեկամներս, — ասացի ես նրանց, — միասին լինենք այնքան, մինչև որ դուրս գանք այս թունելից:

— Ինչպես որ պարոնը կամենա, — ասաց Կոնսելը, վերջրստին նստելով բազմոցի վրա:

Այդպես անցավ մի քանի ժամ: Ես հաճախ նայում էի սրահի պատից կախված պարազաներին: Խտաշափի սլաքը ցույց էր տալիս, որ մենք շարունակ գտնվում ենք երեք հարյուր մետր խորության տակ: Կողմնացույցի տվյալների համաձայն, մենք ընթանում էինք դեպի հարավ, իսկ արագությունը շափող գործիքը ցույց էր տալիս, որ մի ժամում անցնում ենք քսան մղոն, որ շափազանց արագ էր այդպիսի նեղ տարածության մեջ: Սակայն նավապետ Նեմոն հասկանում էր, որ այդ պայմաններում ոչ մի շտապողականութուն չի կարող ավելորդ լինել, որ այստեղ ընկերները թանկ էին տարիներից:

Ժամը ութից քսանհինգ ընկերներն անց զգացվեց երկրորդ ցնցումը: Այս անգամ հարվածը հետին կողմից էր: Ես գունատվեցի: Ընկերներս վեր թռան իրենց տեղերից և մոտեցան ինձ: Ես սեղմեցի Կոնսելի ձեռքը: Մենք հայացքներով հարցեր էինք տալիս մեկմեկու և այդ անբարբառ խոսակցությունն ավելի ըմբռնելի էր, քան ամեն մի այլ խոսակցութուն:

Այդ ընկերներն սրահ մտավ նավապետ Նեմոն:

Ես վազելով մոտեցա նրան:

— Ճանապարհը փակ է նաև հարավից, — հարցրի:

— Այո, պարոն պրոֆեսոր: Սառցալեռը շուտ եկավ և փակեց մեր ճանապարհը:

— Մենք թակարդո՞ւմ ենք:

— Այո:

ՕՂԻ ՊԱԿԱՍՈՒԹՅՈՒՆ

Այսպիսով «Նաուտիլուսը» բոլոր կողմերից, վերևից ու ներքևից շրջապատված էր անթափանցելի ասուցե պատերով։ Մենք համատարած սառույցների գերիներն էինք։

Կանադացին ահագին քառնցքը խփում էր սեղանին։ Կոնսելը լուռ էր։ Ես անթարթ նայում էի նավապետին։ Վերջինիս դեմքը նորից հանգստութուն էր արտահայտում։ Ձեռքերը կրծքին խաչած, նա մտածում էր։

«Նաուտիլուսը» կանգնել էր անշարժ։

Նավապետ նեմոն սկսեց խոսել։

— Պարոններ, — ասաց նա բոլորովին հանգիստ, — մեր այժմյան դրության մեջ կա կյանքին հրաժեշտ տալու երկու միջոց։

Այդ հանելուկային մարդը մեր առաջ ճառ էր ասում մաթեմատիկայի պրոֆեսորի պես, որը դասախոսութուն է կարդում ուսանողների համար։

— Առաջինը՝ այդ սառցակոշտերի տակ ճղմվելն է։ Երկրորդը՝ շնչահեղձութունից մեռնելը։ Ես բոլորովին անկարելի եմ համարում սովից մեռնելու վտանգը, որովհետև «Նաուտիլուսում» եղած ուտեստի պաշարն անպայման կբավականանա։ Այսպես ուրեմն, կշռադատենք այն, թե ինչ հնարավորութուններ ունենք մահվան այս կամ այն տեսակին ընդունելու։

— Ես կարծում եմ, որ մենք շպետք է վախենանք շնչահեղձ լինելուց, նավապետ, — ասացի ես, — քանի որ «Նաուտիլուսի» պահամանները լիքն են խտացրած օդով։

— Այդ ճիշտ է, — պատասխանեց նավապետը, — բայց դրանք ապահովում են օդի միայն ներկու օրվա նորմալ ծախսը։ Բայց չէ՞ որ մենք արդեն երեսուներկու օր մ գտնվում ենք ջրի տակ, և նավում եղած օդը պետք է շրացնել։ Քառասուն ութ ժամից հետո օդի պաշարը կսպառվի։

— Դրանից հետևում է, նավապետ, որ մենք պետք է այստեղից ազատվենք մինչև քառասուն ութ ժամը լրանալը։

— Անք կփորձենք այսպեա ամեղս Կփորձենք ծակել սառցն պատը:

— Ա՛ր կողմից, — հարցրի ես:

— Այդ մեզ ցոսցի կտա զոնդը: Ես հիմա «Նառատիլոար» կնատեցնեմ մեր սառցե վանդակի հատակին և նավաստիները: հաղնելով զրահազգեստները, կփորոշեն, թե սառցե պատերից որն է ամենափխրունը:

— Կարելի՞ է բանալ սալոնի փեղկերը:

— Ի՞հարկե՞, չե՞ որ մենք հիմա չենք շարժվում:

Նավապետ Նեմոն դուրս եկաւ արահից: Շուտով լսվեց սուլոց, որ ցոսցի էր տարիս, թե պահամանները լցվում են ջրով: «Նառատիլոար» դանդաղ իջաւ սառցե վանդակի հատակը, որի խորութիւնը հասնում էր երեք հարյուր հիսուն մետրի:

— Բարեկամներս, — ասացի ես Կոնսելին և Նեդ Լենդրին, — մենք ընկանք վտանգավոր դրութեան մեջ, սակայն ես չեմ կասկածում, որ դուք չեք կորցնի ձեզ հատուկ ոգոս արիութեանն ու եռանդը:

— Պարտն պրոֆեսորը կարող է հավատացած լինել, որ այսպիսի ընդհանուր նրան չեմ անհանդատացնի, գանդատներով ու ողբով, — ասաց կանադացին, — ես պատրաստ եմ անել այն ամենն, ինչ որ հարկաւոր է ընդհանուրի փրկութեան համար:

— Կա՛վ ասացիք, Նեդ, — պատասխանեցի ես, սեղմելով կանադացու ձեռքը:

— Սվեդացնո՞ւմ եմ, — ասաց նա, — որ ես բլունգը բանեցնում եմ նույնքան լավ, որքան և եռաժանին, և եթե ես կարող եմ օգտակար լինել նավապետ Նեմոյին, նա կարող է օգտագործել ինձ:

Ես կանադացու հետ միասին մտա հանդերձարանը, որ «Նառատիլոար» նավաստիները զրահազգեստներ էին հագնում: Կանադացու առաջարկը ես հայտնեցի նավապետ Նեմոյին, որն իսկույն ընդունեց այն: Նեդ Լենդը բոլոր նավաստիներին հետ միասին հագաւ զրահազգեստը: Նրանցից յուրաքանչյուրը ուսի վրա կապեց Թուկեյրոյի ապարատը, որ լցված էր պահամանների թարմ օդով: Դա պակասեցնում էր

«Նաուտիլուսում» եղած օդի ընդհանուր պաշարը, բայց այդ ծախսն ավելորդ համարել չէր կարելի: Ինչ վերաբերում է Ռումկորֆի լապտերներին, դրանք բոլորովին հարկավոր չէին այդ պայծառ լուսավորված միջավայրում:

Երբ Նեդը հագավ դրահաղգեստը, ես վերադարձա սրահ, որի փեղկերն արդեն բաց էին: Կոնսելի հետ միասին նստելով լուսամուտի մոտ, ես սկսեցի դիտել «Նաուտիլուսը» շրջապատող սառցե պատերը:

Մի քանի րոպեից հետո մենք տեսանք, թե ինչպես տասներկու սուզակներ իջան սառցե հատակը: Նրանց մեջ հեշտ էր ճանաչել Նեդ Լենդին, որ աչքի էր ընկնում իր բարձր հասակով: Նավապետ Նեմոն ևս այդ խմբում էր:

Նախքան սառցահատումն սկսելը նա հրամայեց փորձի համար մի քանի անցք բանալ, որոշելու համար, թե որն է ճանապարհ բանալու ամենաձեռնատու ուղղությունը: Երկար շաղափները խրվեցին կողքի պատերի մեջ, բայց տասնհինգ մետր շաղափելուց հետո պարզվեց, որ դեռ հեռու է շառած ջուրը: Բոլորովին անիմաստ էր թունելի առաստաղը ջարդելու փորձ կատարել, որովհետև դա համատարած սառույցի ստորին մակերևույթն էր, իսկ այդ սառույցն ուներ առնվազն չորս հարյուր մետր հաստություն: Նավապետ Նեմոն հրամայեց շաղափել թունելի հատակը: Պարզվեց, որ այդ ուղղությամբ սառցաշերտի հաստությունը տասը մետրից ավելի չէ: Հետևաբար այդ սառցադաշտից պետք էր կտրել այնքան տարածություն, որ մի փոքր ավելի լիներ «Նաուտիլուսի» բռնած տարածությունից, այսինքն կտրել մոտավորապես վեց հազար հինգ հարյուր խորանարդ մետր սառույց, այնպես որ «Նաուտիլուսը» կարողանար այդ անցքից իջնել ծովի ստորին, շառած շերտերը:

Սուզակներն անհապաղ ձեռնամուխ եղան այդ աշխատանքին: Նրանք աշխատում էին մեծ եռանդով: Նավապետ Նեմոն կարգադրեց սառույցը ջարդել ոչ թե անմիջականորեն «Նաուտիլուսի» տակ, որով աշխատանքն զգալիորեն կդժվարանար, այլ նավից ութ մետր դեպի ձախ: Սուզակները սառույցի վրա գծեցին մի հսկայական ձվածիր և միանգամից մի քանի տեղ աշխատել սկսեցին: Նրանք ջարդում էին



սառույցը և մեծ սառցակույտեր հանում: Այդ աշխատանքի մի հետաքրքիր մանրամասնութիւնն. կտրված սառցակույտերն իրենք իրենց բարձրանում էին մինչև թունելի առաստաղը, որովհետև սառույցի տեսակարար կշիռը պակաս է ջրի տեսակարար կշռից: Այսպիսով առաստաղն իջնում էր այնքան, որքան և հատակը: Դա մեզ բոլորովին շէր անհանգրստացնում, որովհետև հետզհետե պակասում էր հատակի հաստութիւնը:

Նեդ Լենդը վերադարձավ սրահ, հոգնած լինելով երկու ժամվա լարված աշխատանքից: Աշխատողներին փոխարինելու համար դուրս եկավ «Նաուտիլուսի» նավաստիների մի նոր խումբ, որին միացանք նաև ես ու Կոնսելը: Նավապետի օգնականը դեկավարում էր մեր աշխատանքը:

Սկզբում սառույցն ինձ շատ պաղ էր թվում, սակայն քլունգով աշխատելիս ես տաքացա: Չնայելով երեսուն մըթնոլորտ ճնշման, ես բոլորովին ազատ շարժումներ էի անում:

Երկու ժամ աշխատելուց հետո ես վերադարձա «Նաուտիլուս», որպեսզի մի բան ուտեմ և հանգստանամ: Ես իսկույն զգացի Ռուկեյրոլի ապարատի մաքուր օդի և «Նաուտիլուսի» խտացած, ածխաթթվուտով հագեցված մթնոլորտի միջև եղած տարբերութիւնը: Համաճիյա քառասուն ութ ժամ նավի պարունակած օդը շէր փոխվել և արդեն այնքան էլ պետքական չէր շնչառութեան համար:

Տասներկու ժամ անընդհատ աշխատելով, մենք կարողացանք գծած ձվարդից փորել միայն մեկ մետր հաստութեամբ սառույց: Եթե հետևյալ յուրաքանչյուր մետրը նույնպես տասներկու ժամվա աշխատանք է պահանջում, ապա մեզ հարկավոր կլինի նորից հինգ գիշեր և շորս օր, որպեսզի վերջացնենք աշխատանքը:

— Հինգ գիշեր և շորս օ՛ր, — ասացի ես իմ ընկերներին, — իսկ մեր պահամաններում ընդամենը երկու օրվա օդի պաշար կա:

— Էլ չխոսենք այն մասին, — ավելացրեց Նեդ Լենդը, — որ ազատվելով այս անիծված բանտից, մենք պետք է դեռ որոշ ժամանակ ընթանանք համատարած սառույցի տակ, հնարափորութիւն շունենալով բարձրանալ ջրի երեսը:

Նեղ Լենդի դիտողութիւնն արդարացի էր: Եվ իսկապէս, հնարավոր չէր որոշել, թե մեզ որքան ժամանակ է հարկավոր, որպէսզի ազատվենք և արդյոք շե՞նք մեռնի շնչահեղձութիւնից, նախքան «Նաուտիլուսը» կբարձրանա ջրի երեսը: Գուցե մեզ բոլորիս վիճակված է գերեզման գտնել սառույցներում...

Մեր դրութիւնն իրոք ողբերգական էր: Սակայն մենք բոլորս պատրաստ էինք վտանգին դիմավորելու և որոշեցինք մինչև վերջ կատարել մեր պարտքը:

Ինչպէս ես նախատեսել էի, գիշերվա ընթացքում մեր փորած փոսը խորացավ ևս մեկ մետրով: Սակայն առավոտյան, հագնելով վրահագգեստը և դուրս դալով, ես նկատեցի, որ թունելի կողքի պատերը մի փոքր մոտեցել են իրար: Դրանց տակ գտնվող ջուրը սառել էր:

Այդ մի նոր և ահարկու վտանգ էր, որ զրոյի էր հավասարեցնում մեր փրկութեան հույսերը: Ի՞նչպէս և ինչո՞վ կարելի էր կանխել ջրի սառչելը և թունելի պատերի իրար մոտենալը, որ սպառնում էր ճզմել «Նաուտիլուսն» ինչպէս ապակու մի կտոր:

Այդ նոր վտանգի մասին ես ոչինչ շասացի իմ ընկերներին: Ինչո՞ւ վհատեցնել նրանց, չէ՞ որ աշխատանք են թափում փրկութեան համար: Սակայն, վերադառնալով նավը, ես նավապետ Նեմոյին հայտնեցի այդ լուրջ դրութեան մասին:

— Ես արդեն նկատել եմ այդ, — ասաց նա իր անվրդով ձայնով, որի մեջ հուզման նշույլ անգամ չկար, — դա մի նոր սպառնալիք է, որը ես անշուր եմ կանխել: Մեր փրկութեան միակ հույսն այն է, որ նախքան ջրի սառչելն ազատվենք այս թակարդից: Ուրիշ ճանապարհ չկա:

Ուրիշ ճանապարհ չկա՞: Ժամանակն էր, որ ես ընտելանայի նրա խոսելու ձևին...

Օրվա ընթացքում ես մի քանի անգամ դուրս եկա նավից և ջանասիրութեամբ աշխատեցի քլունդով: Այդ աշխատանքը զվարթացնում էր ինձ: Բացի դրանից, աշխատել, նշանակում էր «Նաուտիլուսից» դուրս դուրս հնարավորութիւնն ունենալ և նավի խտացած, թթվածնով աղքատ, հեղձուցիչ

օղի փոխարեն մաքուր օղ շնչելու Երեկոյան փոսը խորացաւ  
էլի մի մետրով:

Յրբ ես վերադարձա նաւք, քիչ մնաց որ շնչահեղձ լի-  
նեի ածխաթթվուտով շափից դուրս հագեցված օդում: Ա՛խ,  
որքա՛ն ցավալի էր, որ մենք շունեինք քիմիական միջոցներ՝  
շնչառութեան համար վնասակար այդ գազի դեմ: Թթվածնի  
պակասութեան շէինք զգա: Մեզ շրջապատող ջրում հսկա-  
յական քանակութեամբ թթվածին կար, և մենք մեր մարտ-  
կոցներից ստացվող էլեկտրական հոսանքի միջոցով տար-  
րալուծելով ջուրը, հեշտութեամբ կստանայինք այդ թթվա-  
ծինը: Ես մտածեցի այդ մասին, բայց հետո հրաժարվեցի  
այդ մտքից, որովհետև անլուծելի էր մնում մի խնդիր, հա-  
պա ինչպե՞ս կարելի էր ոչնչացնել մեր արտաշնչած ածխա-  
թթուն, որով ծայրեծայր լցված էր նաւը: Ածխաթթուն ոչնչ-  
ացնելու համար հարկավոր էր մեծ անոթները լցնել կծու  
նատրիումով և անընդհատ խառնել:

Ասկայն «նառախիլուտում» շկար կծու նատրիում, և մենք  
ոչնչով շէինք կարող փոխարինել այն...»

Նավապետ Նեմոն ստիպված եղավ երեկոյան բաց անել  
պահամանների ծորակները և մի քանի խորանարդ մետր օղ  
հայթայթել նավին: Եթե ես այդ շոյներ, տոսվոտյան մենք  
շէինք վեր կենա:

Հետևյալ օրը, մարտի 26-ին, ես նորից սկսեցի աշխա-  
տանքը, փորելով փոսի հինգերորդ մետրը: Թունելի կողքի  
պատերն ու տաստաղը ավելի և ավելի էին մոտենում իրար:  
Պարզ էր, որ եթե աշխատանքն ընթանար այդպիսի տեմպով,  
դրանք իրար կմիանային նախքան «նառախիլուտի» դուրս  
գալը: Մի վայրկյան հուսահատութեանը տիրեց ինձ: Քիչ էր  
մնում քլունգը ձեռիցս ընկնելու էլ ինչո՞ւ սառույցը ջարդել  
երբ միևնույն է, մենք պետք է մեռնեինք շնչահեղձութեանից,  
կամ ճզմվեինք քարի պինդ սառույցների միջև, այն էլ այն-  
պիսի տանջանքներով, ինչպիսին ամենադաժան վայրենիներ-  
ը անգամ չեն հնարում իրենց գերիների համար: Ինձ թվում  
էր, թե գտնվում եմ ինչ-որ մի սարսափելի կենդանու ծը-  
նոտների միջև, որոնք իրար են սեղմվում:

Այդ բոպեին իմ կողքից անցավ նավապետ Նեմոն, որ ղեկավարում էր մեր խումբը և ինքն էլ քրտնաջան աշխատում էր քլունգով: Ես նրան կանգնեցրի և ձեռքով ցույց տվի մեր բանտի պատը: Գիշերվա ընթացքում, աջ կողմից, այդ պատն առնվազն մետրով մոտեցել էր նավին:

Նավապետ Նեմոն հասկացավ ինձ և ձեռքով նշան արավ, որ հետևեմ իրեն:

Մենք վերադարձանք նավ:

Հանելով զրահազգեստը, ես նրա հետ մտա սրահ:

— Պարոն պրոֆեսոր, — ասաց նա, — մենք պետք է ձեռնարկենք ինչ-որ հերոսական միջոցներ, թե չէ սառույցի մեջ կշաղախվենք ավելի ամուր, քան ցեմենտի մեջ:

— Այո, — պատասխանեցի ես, — բայց ի՞նչ կարող ենք անել:

— Օ՛հ, — բացականչեց նա, — եթե իմ «Նաուտիլուսն» այնքան ամուր լիներ, որ դիմանար այդ ճնշման և շճովներ:

— Այդ դեպքում ի՞նչ կլիներ, — հարցրի ես, շհասկանալով նավապետի միտքը:

— Միթե՞ ձեզ համար պարզ չէ, որ ջրի սառչելը կօգներ մեզ: Չէ՞ որ սառույց դառնալով, ջուրը պետք է մեծ ծավալ ընդունի և անխուսափելիորեն ճեղքի մեզ գերի պահող սառցադաշտը, ինչպես սառչելիս ճեղքում է ամենապինդ քարերը: Միթե՞ դուք չեք հասկանում, որ այդ կլիներ մեր փրկությունը և ոչ թե խորտակումը:

— Այո՛, նավապետ, հնարավոր է: Սակայն որքան էլ ամուր լինի «Նաուտիլուսը», չի կարողանա դիմանալ այդպիսի սարսափելի ճնշման, և սառույցի պատերը բոլորովին կճղմեն նավը:

— Ես էլ գիտեմ այդ, պրոֆեսոր: Այս պատճառով էլ հույս եմ դնում ոչ թե բնության օգնության, այլ միայն ինձ վրա: Հարկավոր է ինչ կերպ էլ լինի խանգարել ջրի հետագա սառչելը: Հարկավոր է դադարեցնել այդ: Հիմա արդեն իրար են մոտենում ոչ միայն կողքի պատերը, այլև «Նաուտիլուսի» առջևում ու հետևում ջրի տարածությունն իջել է ընդամենը տասնական ոտնաչափի: Մեր սառցե վանդակը նեղանում է ամեն կողմից:

— Որքա՞ն ժամանակ կբավականանա պահամաններում գտնվող օդի պաշարը, — հարցրի ես:

Նավապետը նայեց ուղիղ աչքերիս:

— Վաղը չէ մյուս օրը, — ասաց նա մի փոքր լուկուց հետո, — պահամանները կդատարկվեն:

Սառը քրտինքը պատեց ինձ: Մինչդեռ ինձ շպետք է դարձացներ այդ պատասխանը. մարտի 22-ին «Նաուտիլուսը» բենոի մոտ խորասուզվեց բաց ծով: Այսօր մարտի 26-ն էր, հետևապես արդեն հինգ օր մենք մեր գոյությունը պահում էինք «Նաուտիլուսում» եղած օդի պաշարով: Բացի դրանից, շատ օդ էր ծախսվում ստորջրյա աշխատանքների սառույց ջարդելու համար:

Այժմ, երբ ես գրում եմ այս տողերը, իմ ապրած սարսափի վերաբերյալ հիշողությունն այնքան թարմ է իմ մեջ, որ երկյուղից ցնցվում է մարմինս, և ես ազահուծյամբ կլանում եմ օդը, կարծես թե այն չի բավականանում թոքերիս համար...

Այդ ժամանակ նավապետ Նեմոն, որ ամփոփված էր ինքնիր մեջ և լուռ, ընկավ տարակուսանքների մեջ: Հանկարծ ես տեսա, թե ինչպես նրա դեմքը փոխվեց գլխում ծագած ինչ-որ մտքից: Սկզբում կարծես նա վանեց այդ միտքը, ըստ երևույթին դժգոհ լինելով նրանից: Բայց հետո նա բացականչեց.

— Եռաջո՛ւր, եռաջո՛ւր:

— Եռաջո՛ւր, — գոչեցի ես:

— Այո, պրոֆեսոր: Մենք փակված ենք շատ նեղ տարածության մեջ: Ինչո՞ւ եռաջրի հոսանքը, դուրս գալով «Նաուտիլուսի» պոմպերից, չի կարող բարձրացնել մեզ շրջապատող ջրի բարեխառնությունը և դադարեցնել սառչելու պրոցեսը:

— Պետք է փորձել այդ միջոցը, — ասացի ես:

— Փորձենք, — պարոն պրոֆեսոր:

Նավից դուրս բերված ջերմաչափը ցույց տվեց զրոյից յոթ աստիճան ներքև: Ես նավապետ Նեմոյի հետ մտա խոհանոց, ուր կանգնած էին ահագին եռամանները՝ ծովի ջու-



դր թորելու և սուլորշիացման միջոցով անաշահամ ջրի վերածելու համար:

Սոսաններն ամբողջովին լցվեցին ջրով և «նստատիլուսի» էլեկտրական մագնակոցների ամբողջ կարողությունը գործի դրվեց պարուրակները տաքացնելու համար, որոնց միջոցով անցնում էր ջուրը: Մի քանի րոպեում ջուրը հասավ նստացման կետին: Պոմպերից ջուրը սկսեց դուրս թափվել, փակ պակասող ջրի փոխարեն կրկին սառը ջուր էր լցվում: էլեկտրական մագնակոցների առաջացրած տաքությունն անաշահամ էր, որ պարուրակների մեջ լցվող սառը ջուրը դրամացից դուրս էր թափվում մինչև հարցուր սաստիճան տաքությամբ:

Երեք ժամ անընդհատ ճաշար մղելուց հետո ջերմաչափի սնդիկը բարձրացավ մեկ աստիճան և հիմա ցույց էր տալիս վեց աստիճան դրոջից ներքև: Էլի երկու ժամ, և ջերմաստիճանը բարձրացավ մինչև շոք աստիճան դրոջից ներքև:

— Ներդրո՞ւնեց, — սաստի ևս նստատիլուսին, հսկելով ջերմաչափի տվյալների վրա, — հիմա հաջողութունն արդասով՝ վաճ է:

— Այո, — պատասխանեց նստատիլուսը, — ես էլ եմ այդպես վարժում: Մենք շենք ճզմվի: Մեռում է աղատվել միայն մեզ սպառնացող շնչահեղձութունից:

Գիշերվա ընթացքում ջերմաստիճանը բարձրացավ մինչև մեկ աստիճան դրոջից ներքև: Որքան էլ մենք աշխատեցինք ավելի բարձրացնել այն, դա չէր հաջողվում: Ասենք, այդ հարկավոր էլ չէր, որովհետև ջուրն այլևս չէր սառչում: Հետևյալ առավոտը, մարտի 27-ին, փոսի խորութունը հասավ վեց մետրի: Այսպիսով մեռում էր փորել միայն ըրա մետր: Այդ պահանջում էր ևս քառասունութ ժամվա աշխատանք:

Այդ օրը «նստատիլուսի» ներսում եղած օգր շփոխվեց, որովհետև նավապետ Նեմոն պահանջաններում գտնվող օդի շնչին քանակը պահպանում էր ստորջրյա աշխատանքների համար: Ժամ տո ժամ նստի մեջ գծվարանում էր մեր շնչառությունը:

Կարծես մի հակադասեցան ծանրութեան ճնշում էր կարծրս։  
Ցերեկվա ժամի երեքին տանջանքն անտանելի դարձաւ։ Սա  
անընդհատ հորանջում էի։ Թողերս ջղածգտքսը ներս էին  
քաշում օդը, «նառուտիլուախ» խտացած մթնոլորտում գրնա-  
րելով կենարար թթվածնի առումները, որոնք հետզհետե պա-  
կասում էին յուրաքանչյուր ներշնչումից հետո։ Ինձ սիրեց  
ինչ-որ մի թմրութեան, թուլացնելով շարժումներս և ուղեղս։  
Սա պակաս էի ուժասպառ, գրեթե կորցնելով գիտակցու-  
թյունս։ Իմ բարի կոնակը, որ ինձնից պակաս չէր տառու-  
տում, ոչ մի վայրկյան չէր հեռանում ինձնից։ Սա բռնում  
էր ձեռքս, քաջալերում էր ինձ, և լսում էլի թե ինչպե՞ս շրշն-  
ջում է նա։

— Ա՛խ, եթե ես կարողանայի շնչել, որպէսզի օդը  
խնայի ի պարոնի համար։

Այս խոսքերը լսելիս աչքերս արտասովում էին։

Որքան նազի ներսում դժվարանում էր շնչառութեանն,  
այնքան հրճվածքով էինք մենք հագնում դրահաղթեստները,  
երբ աշխատելու հերթը մեզ էր հասնում։ Քլանդները դրն-  
դում էին, խրվելով առոււյցի մեջ։ Ուտերս ու մեջքս ցածրում  
էին հոգնածութեանից, ձեռներին վրա կոշտակներ էին գո-  
յանում, բայց ինչ էին այդ հոգնածութեանն ու ցավը, երբ  
կարելի էր լիաթոք ներշնչել թորձ օդը, երբ կարելի էր շնչել

Բայց և այնպէս ոչ ոք չէր մնում ջրի սակ օվելի, քան  
պետք էր։ Աշխատելով երկու ժամ, մեղանից յուրաքանչյու-  
րը շտապում էր նավի հեղձուցիչ մթնոլորտում շնչասպառ  
եղած իր քնկերոջը սալ մաքուր օդով լի փրկարար պահա-  
մանը, որը վերջինին դարձյալ կյանք էր տալիս։ Նազապետ  
Նեմոն առաջինն էր ամենախիտա կարգապահութեան օրի-  
նակ ցույց տալիս։ Երբ լրանում էր ջրի տակ աշխատելու  
ժամանակը, նա հաստատուն քայլերով վերադառնում էր  
նավ, թունավոր մթնոլորտը։ Նրա դեմքն առաջիտ պէս հան-  
գիտ էր և ոչ մի բողոք չէինք լսում նրանից։

Այն օրն աշխատանքն ընթանում էր էլ ավելի մեծ լար-  
վածութեամբ։ Մեկ օրում կարեցինք երկու մետր առոււյց  
և հիմա մինչև ջուրն ընդամենը երկու մետր էր մնացել։

Սակայն օդի պահամանները բոլորովին դատարկված էին: Մնում էր միայն օդի այն պաշարը, որը կար Ռուկեյ-րովի ապարատներում:

Երբ ես վերադարձա նավը և հանեցի զրահազգեստը, քիչ մնաց որ իսկույն շնչասպառ լինեի: Ինչպիսի՛ գիշեր անցկացրի ես: Անկարելի է այն նկարագրել, այդպիսի տառապանքները բառերով չի կարելի արտահայտել: Առավոտյան իմ շնչառությունն ավելի դժվարացավ: Գլխացավիս միացան հաճախակի գլխապտույտները, որոնց ժամանակ ես օրորվում էի հարբածի նման: Ուղեկիցներս տառապում էին նույնպես, ինչպես ես: Նավաստիներից մի քանիսն արդեն խոխոացնում էին:

Մեր գերության այդ վեցերորդ օրը նավապետ Նեմոն տեսավ, որ աշխատանքը քլունգներով շատ դանդաղ է գնում և օդի պաշարն ավելի շուտ կսպառվի, քան կավարտվի աշխատանքը: Նավապետը որոշեց այլ կերպ ջարդել մեր և ծովի միջև գտնվող սառույցը: Այդ մարդը պահել էր մտքի ամբողջ պայծառությունը, եռանդն ու սառնասրտությունը: Կարելով իր կամքը, նա իրեն ստիպում էր շնկատել Ֆիզիկական տանջանքները: Նա մտածում էր, հնարում, գործում:

Նրա հրամանով «Նաուտիլուսի» պահամաններից դուրս մղվեց ավելորդ ջրի մի մասը: Երբ նավը բարձրացավ հատակից և կախվեց մեր փորած հսկայական ձվաձև փոսի վրա: Այնուհետև պահամանները նորից լցվեցին, և նավն իջավ փոսի ուղիղ մեջտեղը:

Այդ ժամանակ ամբողջ անձնակազմը վերադարձավ նավը, և կրկնակի դուռը հերմետիկորեն փակվեց: Հիմա «Նաուտիլուսը» գտնվում էր մեկ մետրից ոչ ավելի հաստությամբ սառույցի վրա, որը, բացի այդ, մի հազար տեղից ծակծրկված էր շաղափով: Այդ ժամանակ ծորակները լայն բացվեցին, և պահամանները նորից լիքը լցվեցին ջրով: Այդ կերպ «Նաուտիլուսի» ծանրությունն ավելացավ հարյուր հազար կիլոգրամով:

Մենք ականջ դրինք և լարված սպասում էինք, նույնիսկ մոռանալով մեր տանջանքները: Մեր փրկությունը բախտախաղի էր դրված:

Չնայելով որ ականջներս սաստիկ դժժում էին, ես շուտով լսեցի, թե ինչպես «Նաուտիլուսի» տակ ճքճքում է սառույցը: Ճքճքոցը հետզհետե ուժեղանում էր: Մենք պարզապես ներքև էինք իջնում: Վերջապես, լավեց ջարդվող սառույցի դղրդոցը, և «Նաուտիլուսը» սկսեց իջնել:

— Մենք անցնում ենք, — ականջիս շնչաց Կոնսելը:

Ես ուժ շունեի նրան պատասխանելու: Ես բռնեցի և ջղաձգաբար սեղմեցի նրա ձեռքը:

«Նաուտիլուսն» իր ծանր բեռի ճնշման տակ հանկարծ սկսեց ընկնել հատակին, ինչպես ումբը դատարկ տարածույթյան մեջ:

Մարտկոցների ամբողջ էներգիան վայրկենապես փոխանցվեց պոմպերին, և ջուրը սկսեց սուլելով դուրս հոսել պահամաններից: Մի քանի րոպեից հետո մեր անկումը դանդաղեց, ապա բոլորովին դադարեց, և խտաշափի սլաքը ցույց էր տալիս, որ սկսվել է վերելքը:

Այստեղ «Նաուտիլուսի» մեքենան սկսեց աշխատել այնպիսի արագությամբ, որ ամբողջ նավը դողդողում էր, և մենք սլացանք դեպի հյուսիս:

Սակայն ինչքա՞ն ժամանակ էր տևելու սառույցի տակ մինչև բաց ծով լողալը: Էլի մի օ՞ր: Այդ դեպքում ես կենդանի չէի մնա մինչև այդ օրվա վերջը...

Ես կիսապառկած էի գրադարանում բազմոցի վրա: Ես շնչասպառ էի լինում: Դեմքս կապտել էր, շրթունքներս բոլորովին սևացել էին: Ես ուժ շունեի անգամ մատս շարժելու: Ոչինչ չէի տեսնում, ոչինչ չէի լսում, կորցրել էի հասկացողությունս ժամանակի մասին: Մկաններս կորցրել էին կծկվելու ունակությունը...

Չեմ կարող ասել, թե քանի ժամ պառկեցի այդ վիճակում: Սակայն գիտակցության հազվագյուտ րոպեներին ես զգում էի, որ հոգեվարքի մեջ եմ: Հասկանում էի, որ մեռնում եմ...

Հանկարծ ես ուշքի եկա: Թարմ օդը լցվեց թոքերիս մեջ: Մի՞թե մենք դուրս ենք եկել ջրի երեսը: Ինչպե՞ս չեմ նկատել, որ մենք անցել ենք համատարած սառույցների գոտին:

Ո՛չ, մենք դեռևս սառույցի տակ էինք: Այդ Գոմսեղն ո՞ր  
Նեղը, իմ հավատարիմ բարեկամները, զոհել էին իրենց, որ-  
պեսզի փրկեն ինձ: Թուկեյրուլի ապարատներից մեկում մի  
քիչ թարմ օդ էր մնացել: Նրանք հրաժարվել էին այդ օդը  
շնչելուց, նվիրել էին ինձ և շնչասպառ վիճակում ինձ կյանք  
էին ներշնչել: Աչքերս բաց անելով, ես ուզում էի մի կողմ  
հրել փրկարար ապարատը, սակայն նրանք բռնեցին ձեռնե-  
րըս, և ես մի քանի րոպեի ընթացքում հսկայական հաճույքով  
կլանում էի կենարար գազը:

Ես նայեցի ժամացույցին: Առավոտյան ժամը տասնմեկն  
էր: Արդեն եկավ մայրտի 28-ը: «Նաուտիլուսը» սլանում էր  
սարսափելի արագությամբ՝ մեկ ժամում քառասուն մղոն,  
նետի պես ճեղքելով ջուրը:

Ուր էր նավապետ Նեմոն: Արդյո՞ք կենդանի մնաց: Կեն-  
դանի մնացի՞ն նրա ընկերները:

Այդ րոպեին խտաշափի սլաքը ցույց տվեց, որ մենք  
գտնվում ենք ծովի մակերևույթից ընդամենը քսան ոտնա-  
շափ ներքև: Ազատ օդից մենք բաժանված էինք միայն սառ-  
ցի բարակ շերտով: Մի՞թե չէր կարելի ջարդել այդ սա-  
ռույցը:

Ո՛չ, կարելի էր: Համենայն դեպս, «Նաուտիլուսը» պատ-  
րաստվում էր կատարել այդ փորձը: Ես դգացի, որ նավի  
հետին մասն իջնում է, իսկ առջևի սուր ծայրը բարձրանում:  
Թափական էր մի քիչ ջուր լցնել հետնամասի պահամանը,  
որպեսզի նախն այդպիսի դիրք ընդուներ: Այնուհետև ի՞նչ  
հզոր մեքենայի ուժով դեպի վեր բարձրանալով, նավը գրո-  
հեց սառցե դաշտի վրա ինչպես մի վիթխարի բաբան: «Նաու-  
տիլուսը» համառորեն խփվում էր սառույցին, մի քանի ան-  
գամ թափ առած հարվածում միևնույն տեղին, մինչև որ  
սառցաշերտը փշրվեց, և մենք դուրս եկանք ծովից, շարու-  
նակելով ջարդել սառույցը:

Դռնակը բացվեց, ավելի ճիշտ՝ պակվեց, և թարմ օդն ա-  
ռատորեն հոսեց «Նաուտիլուսի» բոլոր անկյունները...



ՀՈՐՆ ՀՈՍՎԱՆԳԱՍԻՅ ԳԵՊԻ ԱՄՍԱԶԻՆ

Չեմ հիշում, թե ինչպես բարձրացա տախտակամած: Հնարավոր է, որ Կանադացին էր ինձ այնտեղ տարել: Ես շնչում էի լիաթոք, հաճույքով թոքերիս մեջ քաշում ծովային քամին, որից աղի հոտ էր գալիս: Իմ լընկերները կողքիս հրճվանքով ու կուշտ խմում էին ծովի գով շունչը: Այն մարդը, որ երկար ժամանակ քաղցած է մնացել, պետք է մեծ շափավորությամբ ուտի իրեն առաջարկած կերակուրը, այլ զապես կհիվանդանա: Մեր բանն տարիչ էր, մենք չպետք է տրևէ փերպ սահմանափակվեինք, և մենք շնչում էինք, շրնչում լիաթոք, հարբում էինք օդով, հարբում ժրությամբ, որ ջուրաքանչյուր անգամ ներշնչելիս լցվում էր մեր մարմնի մեջ:

— Ա՛խ, — բացահանչեց Կոնսելը, — որքա՛ն լավ է թարմ օդը: Թող պարոնը շնչի ինչքան կամենա՝ այստեղ օդը կը բավականանա բոլորին:

Նեղ փենդը շէր խոսում, բայց այնքան՝ զայն էր քաց աւնում բերանը, որ նրան կնախանձեր նույնիսկ շնածուկը: Եվ թնչալիս՝ ուժով էր նա ներշնչում օդը: Կանադացին օդը ծծում էր սուլոցով, ինչպես թեժ վառվող վառարանը:

Մեր ուժերն արագ վերադառնում էին: Կիովին գիտակցության գալով և նայելով շուրջս, ես տեսա, որ մենք մենակ ենք տախտակամածում: Այստեղ «Նաուտիլուսի» նավաստիներից ոչ ոք չկար: Չէրևաց նաև նախապես նեմոն: Ըստ երևոցի՞ն այդ տարօրինակ մարդիկ քավականացան նավի մեջ եղած օդով: Նրանցից ոչ ոք չեկավ վազելելու ծովային զեփյուռի թարմությունը:

Իմ արտառանած առաջին խոսքերն այն էին, որ ես շնորհակալություն հայտնեցի իմ ուղեկիցներին և հալատարիմ բարեկամներին: Նեղ կեղն ու Կոնսելը փրկեցին իմ կյանքը, երբ սկավել էր իմ հոգեվարքը: Անվարելի էր քառեր գտնել այդ ծառայության համար շնորհակալություն հայտնելու:

— Թավական է, պարոն պրոֆեսոր, — լընդհատեց իմ ողե-

դումները նեղ կենդր,— այդ մասին շարժե խոսել: Մենք ոչ մի ծառայություն չենք մատուցել: Այդ զուտ մաթեմատիկական սրտբլեմ էր, ո՞ւմ կյանքն է ավելի թանկ: պարզ է, որ ձերը, հետևապես առաջին հերթին պետք էր պահպանել ձեր կյանքը:

— Նեղ, նեղ, իմ կյանքը ձերից թանկ չէ: Ոչ ոքի կյանքը ավելի արժեքավոր չէ, քան բարի և ազնիվ մարդու կյանքը, իսկ դուք թե՛ բարի եք և թե՛ ազնիվ:

— Կավ, լավ,— շփոթվելով քրթմնջաց կանադացին:

— Իսկ դու, իմ թանկագին Կոնսել, դու շա՞տ տանջվեցիր:

— Ինձ մի քիչ թարմ օդ էր պակասում, բայց ես կարծում եմ, որ շուտով կընտելանայի նաև այդպես շնչելուն: Բացի դրանից, երբ ես տեսա, թե ինչպես պարոնը տանջվում էր, ես չէի էլ ուզում շնչել: Ինչպես ասվում է այսպիսի դեպքերում. շունչս կտրվում էր և...

Շփոթված Կոնսելը լռեց, այնպես էլ չվերջացնելով նախադասությունը:

— Բարեկամներս,— հուզված պատասխանեցի ես,— մեր ապրած ժամերը մեզ կապեցին անխախտ բարեկամությամբ, և դուք իրավունք ունեք ինձանից պահանջելու...

— Եվ կպահանջենք,— ընդհատեց ինձ կանադացին:

— Ի՞նչ,— հարցրեց Կոնսելը:

— Որ պարոն պրոֆեսորը կհետևի մեզ, երբ մենք փախչելու լինենք այս անիծված «Նաուտիլուսից»:

— Ի դեպ, ո՞ւր է գնում «Նաուտիլուսը»: Արդյոք մենք դեպի հյուսիս ենք գնում,— հարցրեց Կոնսելը:

— Իհարկե,— պատասխանեցի ես,— չէ՞ որ մենք դեպի արևն ենք գնում, իսկ այս տեղերում արև է, ուրեմն գնում ենք դեպի հյուսիս:

— Սակայն այժմ մնում է իմանալ, արդյոք մենք Ատլանտյան օվկիանոսն ենք գնում, թե՞ Խաղաղ օվկիանոսը, այսինքն բանո՞ւկ, թե ամայի ծովերը,— ասաց կանադացին:

Ես չկարողացա պատասխան տալ այդ հարցին: Սակայն ես վախենում էի, որ նավապետ Նեմոն իր նավն ավելի շուտ կտանի այն ընդարձակ օվկիանոսը, որ գտնվում է

Ասիայի ու Ամերիկայի ամերի միջև Այսպիսով նա կավար-  
տի իր շուրջերկրյա ճանապարհորդութիւնը և կվերադառնա  
աշխարհի այն մասը, ուր «Նաուտիլուսն» իրեն ավելի ազատ  
է զգում:

Սակայն ինչպե՞ս իրագործել Նեդ Լենդի պլանները, եթե  
մենք նորից լինենք Խաղաղ օվկիանոսի ամայի ջրերում,  
բնակելի երկրներից հեռու:

Այդ կարևոր հարցի պատասխանը մենք պետք է ստանա-  
լինք ամենակարճ ժամանակամիջոցում: «Նաուտիլուսը» լո-  
ղում էր մեծ արագութեամբ: Մենք շուտով անցանք բեռնա-  
լին շրջանը և ուղևորվեցինք դեպի Հորն հրվանդանը: Մարտի  
երեսունմեկին, երեկոյան ժամը մոտ յոթին, մենք արդեն  
գտնվում էինք ամերիկյան ցամաքի այդ ծայրակետի մոտ:

Այդ ժամանակ մենք արդեն մոռացանք մեր կրած տան-  
ջանքները: Իրենց սրութիւնը կորցրին նաև սառույցներում  
գերի լինելու վերաբերյալ հիշողութիւնները: Մենք մտածում  
էինք միայն ապագայի մասին: Նավապետ Նեմոն չէր երևում  
ոչ սրահում, ոչ էլ տախտակամածում:

Նավապետի օգնականն ամեն օր ճշումներ էր անում քար-  
տեղի վրա, և այդ նշումներից ես իմանում էի նավի ուղղու-  
թիւնը: Այդ երեկո պարզվեց, որ մենք գնում ենք Ատլան-  
տյան օվկիանոս:

Իմ դիտողութիւնների արդյունքը ես հաղորդեցի Կոնսե-  
լին և Նեդ Լենդին:

— Դա ուրախալի է, — ասաց կանադացին, — սակայն  
ի՞նչ նպատակով է ընթանում «Նաուտիլուսը»:

— Առայժմ այդ շեմ կարող ասել ձեզ, Նեդ:

— Գուցե ձեր նավապետը Հարավային բևեռից հետո ու-  
զում է հայտնագործել հյուսիսայինը և այնտեղից հոչակա-  
վոր Հյուսիս-Արևմտյան ճանապարհով անցնել Խաղաղ օվ-  
կիանո՞ս:

— Համենայն դեպս մենք նրան չենք դրդի այդ անելու, —  
ասաց Կոնսելը:

— Բայց մենք կաշխատենք նրան զրկել մեր ներկայու-  
թիւնից, նախքան նա կկատարի այդ պլանը, — դիտեց կա-  
նադացին:

— Ինչ էլ որ լինի, — հայտարարեց Կոնսեյը, — կեցցե նա, այդ նավապետ Նեմոն: Ես չեմ ցավելու, որ ծանոթացել եմ նրա հետ:

— Մանավանդ նրանից բաժանվելուց հետո, — հեզնանքով ավելացրեց կանադացին:

Հետևյալ օրը, ապրիլի 1-ին, երբ «Նաուտիլուսը» կեսօրից մի քանի ընդամենը առաջ բարձրացավ ծովի մակերևույթը, մենք ինչ-որ եզերք նկատեցինք: Այդ Հրո Նրկիրն էր, որին առաջին հետազոտիչն այդպես է կոչել որովհետև բնիկների խրճիթներից բազմաթիվ տեղերում ծուխ է բարձրանում:

Հրո Նրկիրն իրենից ներկայացնում է մի արշիպելագ, որն ունի հարյուր քսան կիլոմետր երկարություն և երեք հարյուր քսան կիլոմետր լայնություն, գտնվում է 53° և 56° հարավային լայնության և 67°50' ու 77°15' արևմտյան երկարության միջև: Մեզ ամենամոտիկ կղզու ափը ցածրադիր էր, սակայն հորիզոնում բարձր լեռներ էին երևում: Կարծեմ ես ճանաչեցի Սարմիյենտո լեռը, որ երկու հազար յոթանասուն մետր բարձր է ծովի մակերևույթից: Այդ լեռան սրածայր գագաթը ծովազնացների համար եղանակը նախատեսելու միջոց է, եթե գաղաթի ատամնաձև կողաստվերը պարզ ուրվագծվում է կապույտ երկնքում, ուրեմն եղանակը լավ կլինի, իսկ եթե մշուշապատ է՝ վատ: Այդպես ասաց ինձ Նեդ Լենդը:

— Եվ ի՞նչ, Նեդ ծանրաչափի տվյալները ճիշտ են լինում, — հարցրի ես:

— Բոլորովին ճիշտ, պարոն պրոֆեսոր, — պատասխանեց կանադացին, — որքան մենք անցել ենք Մագելլանի նեղուցով, ծանրաչափը երբեք չի խաբել մեզ:

Այդ ընդամենը լեռան գագաթը պարզ երևում էր կապույտ երկնքում: Դա լավ եղանակ էր նախագուշակում: Եվ այդ կանխատեսությունը հաստատվեց:

Նորից ջրասույզ լինելով, «Նաուտիլուսը» մեծ արագությամբ սլացավ դեպի հյուսիս:

Նրեկոյան մենք մոտեցանք Ֆոլկլենդյան կղզիներին և երբ հետևյալ օրվա արշալույսին դուրս եկանք օվկիանոսի երեսը, ես տեսա այդ կղզիների ահեղ լեռնագագաթները:

Այստեղ օվկիանոսը խորը շէր: Դրանից իմ գլխում ծագեց  
այն միտքը, որ արշիպելագի երկու գլխավոր կղզիները և  
նրանց կից բոլոր փոքրիկ կղզիները վաղեմի ժամանակնե-  
րում կաղմել են Մագելլանի երկրի մի մասը:

Ֆոլկլենդյան կղզիներն ըստ երևույթին հայտնագործել է  
հոլանդացի Զոն Դեխը, անվանելով դրանք Դեխսյան հա-  
րավային կղզիներ: Շատ ավելի ուշ՝ Ռիչարդ Հաուկինսը  
դրանց կոչեց ս. Կուլսի կղզիներ: XVIII դարի սկզբում Սեն-  
Մալույի ծովագնացներն այդ կղզիները կոչեցին Մալուինյան,  
ի պատիվ իրենց հայրենի քաղաքի: Վերջապես, անգլիացիք,  
որոնց այժմ պատկանում են այդ կղզիները, դրանք անվա-  
նեցին Ֆոլկլենդյան կղզիներ:

Վայրի սագերի ու բադերի երամները ճախրում էին տախ-  
տակամածի վրա և նրանցից շատերին վիճակվեց այդ օրը  
զարդարել մեր ճաշասեղանը: Ձկներն աչքի էին ընկնում  
իրենց ոսկրաշատ մարմիններով և ամբողջովին ծածկված  
էին թուխ և դեղին բծերով:

Երբ հեռվում չքացան Ֆոլկլենդյան կղզիների լեռնագա-  
գաթները, «Նաուտիլուսը» ջրասույզ եղավ և քսան—քսան-  
հինգ մետր խորությամբ սլացավ հարավ-ամերիկյան ափե-  
րի երկայնքով:

Նավապետ Նեմոն դարձյալ շէր երևում:

Մինչև ապրիլի 3-ը մենք լողում էինք պատագոնական  
ջրերում, մերթ ջրասույզ լինելով և մերթ դուրս գալով օվ-  
կիանոսի երեսը: Ապրիլի 4-ին «Նաուտիլուսը» անցավ Լա-  
Պլատայի գետաբերանի մոտ գտնվող ծովախորշը և մոտե-  
ցավ Ուրուգվային, սակայն գտնվում էր ծովափից հիսուն  
մղոնի վրա: Նավը շարունակում էր ընթանալ դեպի հյուսիս,  
անցնելով ամերիկյան ցամաքի ծուռումուռ ափերի երկարու-  
թյամբ: Ճապոնական ծովից (ուր մենք հայտնվեցինք նա-  
վապետ Նեմոյի ընդծովյայում) մինչև այստեղ «Նաուտիլու-  
սը» անցել էր տասնվեց հազար լյո:

Առավոտյան ժամը մոտ տասնմեկին, երեսունյոթերորդ  
միջօրեականի տակ մենք անցանք Այծեղջյուր արևադարձը:  
Որքան էլ այդ հաճելի շէր Նեդ Լենդին, նավապետ Նեմոյին  
ըստ երևույթին դուր չէր գալիս Բրազիլիայի այդ բնակելի



տեղերի մոտիկութիւնը, և նավապետն իր նավը տանում էր գլխապտույտ արագութեամբ: Ոչ մի ձուկ, ոչ մի թռչուն, ոչ քան էլ արագաշարժ լիներ, չէր հասնում «Նաուտիլուսին», այս պատճառով մենք չկարողացանք ծանոթանալ այս ծովերի կենդանական աշխարհի հետ:

Մինչև ապրիլի 9-ը մենք սլանում էինք նույն կատաղի արագութեամբ: Այդ օրվա երեկոյան մենք հասանք հարավ-աֆրիկական ցամաքի ամենաարևելյան կետին՝ Ռոկ հրվանդանին: Այստեղ «Նաուտիլուսը» փոխեց իր ուղղութիւնը և բավականաչափ ջրասույզ եղած՝ ընթացավ դեպի ստորջրյա հովիտը, որ Ռոկ հրվանդանը միացնում է աֆրիկական ափում գտնվող Սիերրա-Լեոնի հետ: Անտիլյան կղզիների բարձրութեան վրա այդ հովիտը երկու մասի է բաժանվում և հյուսիսում վերջանում է մի վիթխարի անդունդով, որ ունի ինը հազար մետր խորութիւն: Այդ տեղերում օվկիանոսի հատակը մինչև փոքր Անտիլյան կղզիներն իրենից ներկայացնում է վեց հազար մետր բարձրութեամբ մի ուղղաբերձ ժայռ: Կանաչ Հրվանդանի կղզիների մոտ անցնում է երկրորդ, ոչ սլակաս բարձր պարիսպը, որը հարավից սահմանագծում է Ատլանտիդայի ջրասույզ ցամաքը: Այդ վիթխարի հովտի հատակում տեղ-տեղ կան լեռներ, որոնք առանձնապես գեղեցկացնում են ստորջրյա տեսարանները: Ես այդ մասին խոսում եմ՝ հիմնվելով գլխավորապես ձեռագիր քարտեզների վրա, որ ըստ երևույթին կազմել է նավապետ Նեմոն անմիջական դիտումներից հետո:

Երկու օրվա ընթացքում մենք այցելեցինք օվկիանոսի այս մասի բոլոր խորը տեղերը: «Նաուտիլուսը» դորժարկելով խորութեան դեկերը, իջնում էր այդ տեղերն ու նորից բարձրանում:

Ապրիլի 2-ին նավը կրկին դուրս եկավ ծովի երեսը և մենք նորից տեսանք Ամազոնի գետաբերանի մոտ գտնվող ցամաքը: Այս գետից այնպիսի հսկայական քանակութեամբ ջուր է թափվում ծովը, որ ափից բաղմաթիվ մղոն հեռու օվկիանոսի ջուրն անուշահամ է:

Մենք անցանք հասարակածը: Մեզնից քսան մղոն դեպի արևմուտք մնաց Գվիանան՝ Ֆրանսիական գաղութը, ուր

մենք կարող էինք հրաշալի ապաստան գտնել: Սակայն փր-  
շում էր մրրիկի շափ ուժեղ քամի և կատաղի ալիքները թույլ  
չէին տալիս մտածել հասարակ մակուկը ծով իջեցնելու  
մասին: Դա ականերև էր նույնիսկ նեղ լենդի համար, քանի  
որ նա ինձ հետ շխոսեց փախչելու մասին: Իմ կողմից ես  
էլ ոչ մի ականարկ շարեցի այդ ուղղությամբ, որպեսզի նրան  
չդրդեմ անմիտ քայլ անելու, որն անխուսափելիորեն փոր-  
ձանքով պիտի վերջանար:

Սակայն այս հանգամանքն ամենևին չէր վշտացնում ինձ,  
և ես մխիթարվում էի հետաքրքիր դիտողություններով: Եր-  
կու օրվա ընթացքում, ապրիլի 11—12-ին «Նաուտիլուսը»  
շարունակ մնում էր ծովի վրա և, նրա ուռկանը դուրս բերեց  
մեծ քանակությամբ զոոֆիտներ, ձկներ ու սողուններ:

Կոնսելին վիճակված էր երկար ժամանակ հիշել ուռկանն  
ընկած ձկներից մեկին:

Ահա թե ինչպես եղավ:

Նավաստիների նետած ուռկանը մյուս ձկների հետ միա-  
սին դուրս բերեց կատվածկան մի տեսակը, որ տափակ էր,  
և եթե պոչը կտրեինք, բոլորովին կլոր կլիներ: Այս կատվա-  
ծուկը բավական մեծ էր և պետք է, որ կշռեր առնվազն քը-  
սան կիլոգրամ: Նրա որովայնն սպիտակ էր, մեջքը թուխ,  
մարմարագույն մեծ բծերով: Չուկն ուճիկ կոկիկ մաշկ ու  
երկծայր լողաթևեր: Ուռկանից տախտակամածի վրա նետ-  
ված կատվածուկը հուսահատորեն թպրտում էր, փորձելով  
դառնալ փորի վրա, և ջղաձգական շարժումներ անելով այն-  
քան մոտեցավ տախտակամածի ծայրին, որ մի վայրկյան  
ևս, ու նա կրնկներ ջուրը: Սակայն Կոնսելը, որին այդ ձու-  
կը հետաքրքրեց, վրա հասավ և նախքան իմ նախազգուշաց-  
նելը, երկու ձեռքերով բռնեց նրան:

Նույն վայրկյանին նա գլխիվայր ընկավ տախտակամա-  
ծին, կիսով շափ անդամալույծ դարձած:

Նա գոչեց.

— Ա՛խ, պարոն, պարոն, օգնիր ինձ:

Մեր ամբողջ ծանոթության ընթացքում այդ առաջին  
դեպքն էր, երբ խեղճ տղան ինձ դիմեց ոչ երրորդ դեմքով:

Կանադացին ու ես նրան ոտքի հանեցինք և սկսեցինք  
եռանդով տրորել: Երբ նա վերստին կարողացավ շարժել  
ոտքերն ու ձեռքերը, ընդհատ ձայնով շշնջաց.

— Ձկների դաս, կոճկային ձկների ենթադաս, կատվա-  
ձկների ջոկատ, էլեկտրական կատվաձկների ընտանիք,  
մարմարագույն էլեկտրական կատվաձկների տեսակ...

— Այո, բարեկամս,— ասացի ես,— հենց մարմարա-  
գույն էլեկտրական կատվաձուկն էր, որ քեզ հասցրեց այդ-  
պիսի դրուժյան:

— Պարոնը կարող է ինձ հավատալ,— առարկեց Կոն-  
սելը,— որ ես վրեժս կառնեմ այդ կատվաձկներից:

— Ինչպե՞ս:

— Ես նրան կուտեմ:

Եվ նա հենց նույն երեկոյան կատարեց իր խոստումը,  
ըստ երևույթին, միայն նրա համար, որպեսզի վրեժ լուծի,  
քանի որ կատվաձկան միսն անտանելի համ ուներ:

Խեղճ Կոնսելը գործ ունեցավ էլեկտրական կատվաձկնե-  
րի ամենավտանգավոր տեսակի հետ: Այդ տարօրինակ կատ-  
վաձուկը ջրում, որն էլեկտրահոսանքի լավ հաղորդիչ է, ձրկ-  
ներին սպանում է մի քանի մետր տարածության վրա: Ահա  
թե որչափ ուժեղ է նրա էլեկտրական լիցքը:

Հետևյալ օրը, ապրիլի 12-ին, «Նաուտիլուսը» մոտեցավ  
հոլանդական գաղութի ափին, Մարոնա գետաբերանին:

Այստեղ մենք տեսանք լամանտինների մի քանի ընտա-  
նիք: Դրանք մանատներ էին, որոնք, ինչպես դյուզոնները,  
պատկանում են ծովահարսների կամ ծովակովերի ջոկատին:  
Այդ խոշոր կենդանիներն ունեն վեց-յոթ մետր երկարություն  
և մոտ շորս հազար կիլոգրամ ծանրություն:

Ես Կոնսելին պատմեցի, թե կանխատես բնությունն ինչ-  
պիսի օգտակար դեր է տվել այդ կաթնասուններին: Նրանք  
փոկերի հետ միասին արածում են ստորջրյա տափաստան-  
ներում, ոչնչացնելով արևադարձային գետերի բերաններն  
աղտեղող մացառուտները:

— Եվ գիտե՞ք,— ավելացրի ես,— թե ինչ է կատարվել  
այն ժամանակից սկսած, երբ մարդը բոլորովին ոչնչացրեց  
այդ կենդանիներին: Գետաբերաններում փտող ջրիմուռները

Թունավորում էին ջուրն ու օդը, իսկ թունավորված օդում տարածվում էր դողերոցքը, այդ սքանչելի երկրների ցեցը: Թունավոր բույսերն աճեցին արևադարձային ծովերի բոլոր ափերում և այդ հիվանդությունը տարածվեց Ռիո դե Լա Պլատից մինչև Ֆլորիդա:

Եթե հավատանք Թունելին, այդ դեռևս դատարկ բան է, համեմատած այն փորձանքների հետ, որոնք սպառնում են մեր սերունդներին, երբ ոչնչացվեն վերջին փոկերն ու կետերը: Այդ ժամանակ ծովերը, որոնք լիքը կլինեն մեդուզաներով և կալմարներով, կդառնան ամեն տեսակ վարակիչ հիվանդությունների հսկայական օջախներ, որովհետև այլևս չեն լինի «այդ ահագին ստամոքսները, որոնց բնությունը ծովերը մաքրելու առաջադրություն է տվել»:

«Նաուտիլուսի» անձնակազմն ըստ երևույթին այնքան էլ չէր հավատում այդ թեորիաներին և առանց քաշվելու սպանեց վեց մանատ, որոնց միսը տավարի մսից շատ ավելի համեղ է: Այդ կենդանիների որսը բոլորովին հետաքրքիր չէր, դրանք թույլ էին տալիս իրենց սպանելու, չէին պաշտպանվում և փախչելու փորձ չէին անում: Այսպիսով «Նաուտիլուսի» մառանը լցվեց մի քանի հազար կիլոգրամ մսով, որը շորացվեց և մեզ երկար ժամանակ ապահովեց համեղ կերակրով:

Նույն օրն այդ ջրերում տեղի ունեցած յուրահատուկ որսն ավելի ևս հարստացրեց «Նաուտիլուսի» ուտեստի պաշարը: Տախտակամած դուրս բերված ուռկանի օղակներում կային որոշ քանակությամբ ձկներ, որոնց գլուխները վերջանում էին ձվաձև թանթերով և մսոտ, ծալված ծայրերով: Դրանք թյուննոս ձկների ընտանիքին պատկանող և նավակալուկ կոչված ձկներն էին: Նրանց ձվաձև թանթը կազմված է լայնակի շարժուն կոճիկներից, որոնց միջև այդ ձուկը կարող է դատարկություն առաջացնել, որը նրան հնարավորություն է տալիս կպչել ամեն մի առարկայի: Մեր նավաստիներն ուռկանում գտնված բոլոր նավակալուկներին անմիջապես տեղավորում էին հատկապես պատրաստված և ջրով լի դուլ-լի մեջ:

Երբ ձկան որսը վերջացավ, «Նաուտիլուսը» մոտեցավ ափին, այն վայրին, ուր ջրի վրա ննջել էին մեծ քանակությամբ խոշոր, ծովային կրիաներ: Ծովային այդ արժեքավոր սողուններին տիրանալը հեշտ շէր, որովհետև նրանք արթնանում են ամենաշնչին աղմուկից, իսկ նրանց ամուր վահանը պաշտպանության միջոց է եռաժանոց դեմ: Սակայն նավակալուկի օգնությամբ շատ հեշտ կարելի է բռնել կրիաներին: Այդ ձուկը կարող է երջանկացնել ամեն մի համեստ ձկնորսի, որովհետև նրա միջոցով կարելի է կրիաներ որսալ:

Նավաստիները նավակալուկների պոչերից մի-մի օղակ կապեցին, որը բավականաչափ լայն էր և շէր կաշկանդում նրանց շարժումները, և այդ օղակին կապեցին մի երկար պարան, որի մյուս ծայրն ամրացրին տախտակամածի բազրիքին:

Ջուրն իջեցված նավակալուկներն իսկույն լողացին դեպի կրիաները և կպան նրանց վահանին: Նրանք այնպես ամուր կպան, որ ավելի հեշտ էր քաշելիս նրանց կես անել, քան թե պոկել վահանից: Հիմա մնում էր միայն քաշել պարանը, որպեսզի տախտակամածի վրա հանվեին կրիաները, որոնց կպել էին նավակալուկները:

Երբ այդ որսը վերջացավ, մենք այլևս շմնացինք Ամազոնի գետաբերանում և գիշերը վրա հասնելուն պես «Նաուտիլուսը» նորից մեկնեց դեպի բաց ծովը:

## ԳԼՈՒԽ ՏԱՍՆՈՒԹԵՐՈՐԴ

### ՈՒԹՈՏՆԻԿՆԵՐ

Մի քանի օրվա ընթացքում «Նաուտիլուսը» հեռու էր մընում ամերիկական ափից: Ակներև էր, որ նավապետ Նեմոն շէր ուզում մտնել Մեքսիկական ծոցը և Անտիլյան կղզիներին մոտ գտնվող ջրերը: Դրա պատճառը ծանծաղությունը շէր, քանի որ այս ծովերի միջին խորությունը հավասար է հազար ութ հարյուր մետրի: Ավելի շուտ բազմաթիվ կղզիներ ունեցող այս ծովերն ուղղակի դուր շէին գալիս նավա-



պետ Նեմոյին, որովհետև այնտեղ հաճախ շոգենավեր էին գալիս:

Ասլրիլի տասնվեցին գրեթե երեսուն մղոն տարածության վրա մենք տեսանք Մարտինիկա և Գվադելուպա կղզիները: Հեռվում ես նկատեցի այնտեղի լեռների բարձր գագաթները:

Կանադացին, որ հույս ուներ այստեղ իրագործել իր պլանները, հասնել ցամաք կամ կղզիների միջև երթևեկող բազմաթիվ նավերից մեկը, խիստ հիասթափվեց: Փախուստը միանգամայն հնարավոր կլիներ, եթե Նեդ Լենդին հաջողվեր առանց նավապետի գիտության վերցնել մակույկը: Սակայն բաց ծովում ավելորդ էր մտածել այդ մասին:

Ես, Նեդ Լենդը և Կոնսելը բազմակողմանիորեն քննարկեցինք ստեղծված դրությունը: Ամբողջ վեց ամիս մենք գերի էինք «Նաուտիլուսում»: Մենք անցել էինք տասնյոթ, հազար լյո և, ինչպես ասում էր Նեդ Լենդը, ոչ մի հիմք չկար ենթադրելու, որ երբևէ կվերջանա մեր ճանապարհորդությունը: Այս պատճառով կանադացին ինձ առաջարկեց փորձել նավապետին ստիպելու, որ առանց երկդիմության պատասխանի, թե արդյոք ընդմիջտ մեզ պահելո՞ւ է իր նավում:

Նման փորձն ինձ չէր ժպտում: Իմ կարծիքով այդ կերպ մենք չէինք հասնի մեր նպատակին: Չէ՞ որ մենք վաղուց համոզվել էինք, որ կարիք չկա հույս դնել նավապետ Նեմոյի վրա, մանավանդ որ վերջերս նավապետն ավելի մոայլ էր, ավելի ինքնապարփակ, ավելի խիստ, քան երբևէ: Թրվում էր, թե նա խուսափում է ինձնից: Ես նրան շատ ուշուշ էի տեսնում: Մի ժամանակ նա զբաղվում էր այն բանով, որ ինձ ցույց էր տալիս ստորջրյա զանազան հրաշքներ: Հիմա նա այլևս չէր երևում սրահում:

Ի՞նչ փոփոխություն էր կատարվել նրա մեջ: Ինչի՞ց: Ես ոչնչով չէի կարող կշտամբել ինձ: Գուցե նավում մեր ներկայությունը ճնշո՞ւմ էր նրան: Այսպես թե այնպես, ես հույս չունեի, որ այդ մարդը երբևէ կվերադարձնի մեր ազատությունը:

Ես Նեդին խնդրեցի ժամանակ տալ մտածելու նախքան որևէ քայլ ձեռնարկելը: Եթե այդ փորձը հաջողություն չու-

նենա, միայն կասկած առաջ կբերի նավապետ Նեմոյի մեջ  
և կխանդարի կանադացու պլանների իրականացման: Այս-  
տեղ մեր գտնվելն ավելի ծանր էր դառնում:

Ես պետք է ասեմ, որ մեղանից ոչ ոք և ոչ մի կերպ  
չէր կարող գանգատվել իր առողջությունից: Եթե շհաշվենք  
այն ծանր փորձությունը, որին մենք ենթարկվեցինք հարա-  
վային բևեռի սառույցներում, մենք երբեք մեզ այսչափ լավ  
չենք զգացել, ոչ Նեդր, ոչ Կոնսելը, ոչ էլ ես: Առողջ սնուն-  
դը, թարմ օդը, շափած ու ձևած կյանքը, միշտ հավասար  
բարեխառնությունը, այս ամենը չէր նպաստում հիվանդա-  
նալուն: Ես հասկանում էի, որ այդպիսի կյանքը միանգա-  
մայն ընդունելի է նավապետ Նեմոյի համար, որը երկրի  
մասին հիշելիս բոլորովին չէր ցավում, որը ուր էլ գտնվեր,  
զգում էր իրեն ինչպես տանը: Բայց մե՛նք, մենք չէինք խզել  
մեր կապը մարդկության հետ և չէինք էլ ուզում խզել: Օրի-  
նակ՝ ես ոչ մի ցանկություն չունեի ինձ հետ միասին թա-  
ղել իմ ստորջրյա զգայացունց դիտողությունները:

Հիմա ես անվիճելի իրավունք ունեի գրելու մի գիրք այն  
մասին, թե ինչ դադտնիքներ ունի ծովի հատակը, և իհար-  
կե ցանկանում էի, որ այդ գիրքը վաղ թե ուշ լույս տեսնի:

Այո, թեկուզ այստեղ, Անտիլյան կղզիները շրջապատող  
այս ջրերում, օվկիանոսի մակերևույթից տասը մետր ցած  
որքա՛ն հետաքրքիր դիտողություններ էի ես ամեն օր գրան-  
ցում իմ օրագրի մեջ:

Այստեղ հանդիպում էին գեղատեսիլ մեղուզաներ, որոնք  
այրող էին ինչպես եղինջ և բարկ հեղուկ են արտադրում:  
Հողվածոտտոնիներից այստեղ կային օղակաձև անելիդներ  
մեկուկես մետր երկարությամբ, վարդագույն կնճիթով և  
շարժման հազար յոթ հարյուր օրգաններով: Նրանք գա-  
լարվում էին ջրի տակ, ամեն գույնի ճառագայթներ սփռե-  
լով իրենց շուրջը: Կռճիկային ձկներից այստեղ կային հըս-  
կայական կատվաձկներ՝ տասը ոտնաչափ երկարությամբ և  
վեց հարյուր ֆունտ ծանրությամբ, կրծքի եռանկյունաձև  
լողաթևերով, ուռուցիկ մեջքով ու գլխի առջևի մասին ծայ-  
րերում դուրս ընկած աչքերով: Նրանք լողում էին ինչպես  
խորտակված նավի կտորներ, փեղկերի նման ամուր կայչում

մեր լուսամուտներին: Այստեղ կային ամերիկական թիկնեղ-  
ջյուրներ, որոնց բնությունը տվել է միայն երկու գույն՝  
սպիտակ և սև, թյուննոսներ, մեկ ու կես մետր երկարու-  
թյամբ, կարճ և սուր ատամներով: Ապա ամբողջ վտառնե-  
րով լողում էին արքայաձկները, որոնք գլխից մինչև պոչը  
ծածկված են ոսկեգույն շերտերով և ունեն զարմանալի դե-  
ղեցիկ լողաթևեր: Այդ ձկները, բնության ամենագեղեցիկ  
էակները, մի ժամանակ նվիրվել էին Դիանա աստվածու-  
հուն և առանձնապես գնահատվում էին հարուստ հոմեա-  
ցիների կողմից: Նրանց մասին առաջ եկավ նույնիսկ այս-  
պիսի մի ասացվածք. «Արքայաձկներ չեն ուտում նրանք, ով-  
քեր որսում են այդ ձկները»: Վերջապես, այստեղ կային  
առագաստավոր ձկների ընտանիքին պատկանող ձկներ, ո-  
րոնք կարծես թավիշ և մետաքս էին հագել և մեր աչքերի  
առաջ անցնում էին ինչպես Վերոնեզի նկարի ծանրաբարո  
սինյորները: Փոքրիկ, կայտառ ձկները, տեսնելով նրանց,  
շտապ վազում էին այս ու այն կողմ: Կապտաձկներն իրենց  
ուժեղ, շաղկիկ պոչերով ճեղքում էին ջուրը: Արծաթաշող  
լուսին-ձկները, որ արժանի են իրենց անվան, լողում էին  
ջրում ինչպես լուսինը երկնքում, սպիտակ ցուլքեր սփռելով  
իրենց շուրջը:

Դեռ ինչքա՛ն հրաշալի և նոր տեսակներ կտեսնեի ես, ե-  
թե «Նաուտիլուսը» շիջներ ծովի խորքերը: Հորիզոնական  
դեկերը թեքվեցին, և նավը խորացավ երկու հազար, երեք  
հազար և երեք հազար հինգ հարյուր մետր: Այստեղ կեն-  
դանական աշխարհը ներկայացնում էին միայն ծովային  
աստղերը, մեղուզաները և մի քանի կակղամորթներ:

Ապրիլի քսանին մենք լողում էինք մոտավորապես հա-  
զար հինգ հարյուր մետր խորությամբ: Ամենամոտ ցամա-  
քը Բահամյան կղզիներն էին, որոնք հսկայական կոպիճ-  
ների պես ցցվել էին ծովի վրա: Այնտեղ կային ստորջրյա  
բարձր ժայռեր, որոնց ուղղաբերձ լանջերը կանգնել էին  
շարեշար և հղկված էին ջրից: Դրանց միջև կային սև  
ճեղքվածքներ, որոնք չէին կարող լուսավորվել նույնիսկ մեր  
լուսարձակի ճառագայթներով:

Այդ ժայռերը ծածկված էին վիթխարի ջրիմուռներով՝ ծովասեզներով: Դա մի իսկական ծովային այգի էր, որ արժանի էր տիտանների աշխարհին:

Ես, Կոնսելը և Նեդն այդ վիթխարի բույսերի մասին խոսելուց հետո բնականաբար անցանք ծովային հսկայական կենդանիները թվելուն: Դրանցից մի քանիսին վիճակված է լինել մյուսների ուտելիքը: «Նաուտիլուսի» լուսամուտից ստորջրյա երկար ճյուղերի վրա ես նկատեցի խեցգետնանմանների ընտանիքի միայն մի քանի ներկայացուցիչները, երկար շանչերով, խոշոր և մանիշակագույն խաշափառները:

Արդեն ժամի տասնմեկն էր, երբ Նեդ Լենդն իմ ուշադրությունը հրավիրեց փարթամ աճած ջրիմուռներում տեղի ունեցող ինչ-որ բանի վրա:

— Դա շատ հարմար տեղ է ութոտնիկների համար, — ասացի ես, — և ես բոլորովին չէի դարմանա, եթե այստեղ տեսնեի այդ հրեշներից մի երկուսին: Սակայն իմ բարեկամ Նեդն ըստ երևույթին սխալվեց, որովհետև ես այստեղ կասկածելի ոչինչ չեմ տեսնում:

— Շա՛տ ամիսոս, — ասաց Կոնսելը, — ես կցանկանայի մի լա՛վ դիտել այդ ութոտնիկներից որևէ մեկին, որոնք, ինչպես ես լսել եմ, ընդունակ են մի ամբողջ նավ քաշելտանել ծովի անդունդը: Այդ հրեշները կոչվում են կրա...

— Կրա, սլրծավ գնաց, — հեղնաբար ընդհատեց նրան կանադացին:

— Կրակեններ, — անխոռով լրացրեց այդ բառը Կոնսելը, ոչ մի ուշադրություն չդարձնելով հեղնանքի վրա:

— Ես երբեք չեմ հավատա, — ասաց Նեդ Լենդը, — որ աշխարհում այդպիսի հրեշներ կան:

— Ինչո՞ւ, — առարկեց Կոնսելը, — չէ՞ որ մենք հավատում էինք միաժանու գոյության:

— Եվ մենք սխալվեցինք, Կոնսել:

— Անկասկած: Սակայն ուրիշները հիմա էլ են հավատում:

— Հնարավոր է, Կոնսել, բայց ինչ վերաբերում է ինձ,

ես այդ հրեշների գոյությանը կհավատամ միայն այն ժամանակ, երբ նրանց կդիահատեմ իմ սեփական ձեռքերով,—  
ասացի ես:

— Այդպես ուրեմն,— ասաց Կոնսելը,— պարոնը չի հավատում վիթխարի ծովահրեշների գոյության:

— Իսկ ո՞վ է հավատացել,— գոչեց Նեդ Լենդը:

— Բազմաթիվ մարդիկ, իմ բարեկամներ:

— Միայն ոչ ձկնորսները. գիտնականները՝ գուցե:

— Ներողություն եմ խնդրում, Նեդ, թե ձկնորսները և թե գիտնականները:

— Սակայն ես, ես ինքս,— ասաց Կոնսելն ամենալուրջ տոնով,— ինքս սեփական աչքերով տեսել եմ, թե ինչպես ծովահրեշը դեպի անդունդ է տարել հսկայական մի նավ:

— Դուք այդ տեսե՞լ եք,— հարցրեց կանադացին:

— Այո, Նեդ:

— Ձեր սեփական աչքերով:

— Այո, բարեկամս:

— Կուզեի իմանալ, ո՞րտեղ:

— Սեն-Մալոյում,— հանգիստ պատասխանեց Կոնսելը:

— Նավահանգստո՞ւմ,— հեզնաբար հարցրեց Նեդը:

— Ոչ, եկեղեցում,— պատասխանեց Կոնսելը:

— Եկեղեցո՞ւմ,— զարմացավ կանադացին:

— Այո, սիրելի Նեդ: Դա մի պատկեր էր, որի վրա հենց այդպիսի մի ծովահրեշ էր նկարված:

— Ախ, այդպե՛ս,— գոչեց Նեդ Լենդը և քա՛հ-քա՛հ ծիծաղեց,— Կոնսելը ծաղրում է ինձ:

— Բայց չէ՞ որ Կոնսելը ճշմարտությունն է ասում,— միջամտեցի ես,— պատկերի մասին ես լսել եմ: Դրա սյուժեն վերցված է մի առասպելից, իսկ դուք գիտեք, թե ինչպես պիտի վերաբերվել բնական պատմությանը վերաբերող առասպելներին, մանավանդ երբ խոսքը հրեշների մասին է... Այստեղ արդեն երևակայությունը սահման չունի: Մարդիկ շեն բավարարվում մի ամբողջ նավ ծովի հատակը տանելու ընդունակություն ունեցող ծովահրեշների մասին պատմություններ լսելով: Մի ոմն Նիկոլա Մագնուս պնդում է, թե տեսել է մի ամբողջ մղոն երկարությամբ ծովահրեշ, որ



ավելի շուտ նման է եղել կղզու, քան կենդանի արարածի: Մի ուրիշ «ականատես» հաղորդում է, թե մի անգամ Նիդրոսի եպիսկոպոսը եկեղեցական արարողության համար սեղան է կառուցել հսկայական ժայռի վրա: Երբ նա վերջացրել է պատարագը, ժայռը շարժվել է տեղից և ընկել ծովը: Պարզվել է, որ դա ծովահրեշ է եղել:

— Ուրիշ ոչի՞նչ, — հարցրեց կանադացին:

— Մի ուրիշ եպիսկոպոս, — պատասխանեցի ես, — որի անունը Պանդևպիդանա էր, հաղորդել է մի ութնտնիկի մասին, որի վրա կարող էր աղատ զորախաղ կատարել մի ամբողջ հեծելագունդ:

— Սակայն ի՞նչպիսի՛ ստախոսներ են եղել այդ եպիսկոպոսները, — ասաց Նեդը:

— Եվ վերջապես, հնադարյան բնախույզները պատմում էին այնպիսի հրեշների մասին, որոնց երախը նման է եղել մի ամբողջ ծովածոցի և որոնք այնքան մեծ են եղել, որ շեն կարողացել անցնել Զիբրալտարի նեղուցը:

— Ա՛յ քեզ մեծություն, — ասաց կանադացին:

— Սակայն որչա՞փ ճշմարտություն կա այդ բոլոր պատմություններում, — հարցրեց Կոնսելը:

— Ոչ մի ճշմարտություն, բարեկամներս: Այստեղ ճշմարտության հետքն անգամ չկա: Այնուամենայնիվ պատմողների երևակայությանը հարկավոր է, եթե ոչ առիթ, գունե պատրվակ: Չի կարելի ժխտել, որ գոյություն ունեն հսկայական մեծության ութնտնիկներ և կալմարներ, բայց և այնպես դրանք իրենց մեծությամբ զիջում են կետանմաններին: Օրինակ, Արիստոտելը պնդում էր, թե լինում են հինգ լոկտա, այսինքն երեք մետր և տասը սանտիմետր երկարությամբ կալմարներ: Մեր ձկնորսները հաճախ գրեթե երկու մետր երկարությամբ կալմարներ են տեսել: Բնագետների հաշվով գլխոտանին, ընդամենը վեց ոտնաչափ երկարությամբ կալմարը կամ ծովահրեշն ունի ամբողջ քսան յոթ ոտնաչափ երկարությամբ շոշափուկներ: Դա միանգամայն բավական է սարսափելի հրեշ թվալու համար:

— Մեր օրերում է՛լ են դրանց որսում, — հարցրեց կանադացին:

— Զգիտեմ թե արդյոք որսում են, բայց ծովագնացները համենայն դեպս հանդիպում են: Իմ բարեկամներից մեկը, հավրեցի նավապետ Պուլբոսը պնդում էր, թե մի անգամ Հնդկական օվկիանոսում մի հսկայական ծովահրեշ է տեսել: Սակայն 1861 թվից հայտնի է ամենազարմանալի մի փաստ, որն այլևս չի թույլ տալիս կասկածելու, որ այդ հսկայական կենդանիները գոյություն ունեն:

— Այդ ի՞նչ փաստ է, — հարցրեց նեդ կենդր:

— Հիմա կպատմեմ: 1861 թվականին Թեներիֆից դեպի հյուսիս-արևելք, գրեթե նույն լայնության տակ, ուր հիմա մենք գտնվում ենք, «Ալեկտոն» նավի անձնակազմը մոտիկ տեղում նկատեց մի հրեշավոր ութոտնիկ: Նավի հրամանատար Բուզեն մոտեցավ կենդանուն և գրոհեց եռաժանիներով ու հրացանի կրակոցներով, սակայն առանց մեծ հաջողություն ունենալու, որովհետև գնդակներն ու եռաժանիները անցնում էին կենդանու փափուկ մարմնի մեջ, ինչպես ոչ-թանձր ժելեով: Երկարատև ու ապարդյուն փորձերից հետո անձնակազմին հաջողվեց օղակ նետել կակղամորթի մարմնի վրա: Օղակը սահեց մինչև լողաթևը և այնտեղ կանգ առավ: Փորձեցին հրեշին քաշել դեպի նավը, բայց նա այնքան ծանր էր, որ պարանը նրան երկու կես արավ, պոչը կտրվեց, իսկ ինքը, հրեշը շքացավ ալիքներում:

— Եվ այդ փա՞ստ է, — հարցրեց նեդր:

— Անվիճելի փաստ է, սիրելի նեդ: Առաջարկեցին այդ ութոտնիկն անվանել Բուզեի ութոտնիկ:

— Որքա՞ն էր նրա երկարությունը, — հարցրեց կանադացին:

— Վեց մետր, այնպես չէ՞, — ասաց Կոնսելը, որը լուսամուտի մոտ կանգնած, կրկին սկսեց դիտել ստորջրյա ժայռերի ճեղքվածքները:

— Միանգամայն ճիշտ է, — պատասխանեցի ես:

— Արդյոք նրա գլուխը շունե՞ր ութ շոշափուկ, որոնք ջրի մեջ գալարվում էին ձերի նման:

— Այո, ուներ:

— Եվ նա գլխի վրա ուներ խիստ զարգացած աչքե՞ր:

— Այո, Կոնսել:

— Եվ նրա բերանը հիշեցնում էր թութակի կտուցը, միայն թե հսկայական մեծություն ուներ, այո՞:

— Միանգամայն ճիշտ է:

— Հրաշալի: Պարոնի թույլտվությամբ, — հանգիստ ասաց Կոնսելը, — ահա նա, հենց այդ Բուզեի ութսունիկը, կամ գոնե նրա ամենամոտ ցեղակիցներից մեկը:

Ես ապշած նայեցի Կոնսելին: Նեղ կենդր շտապեց դեպի լուսամուտը:

— Զարհուրելի հրեշ է, — գոչեց նա:

Ես նայեցի լուսամուտից և զզվանքով ծոմոեցի դեմքս: Իմ աչքերի առաջ էր մի հրեշ, որ իրոք արժանի էր առասպելական կոչվելու: Այդ հսկայական մեծություն, ութ մետրը երկարություն ունեցող մի ծովահրեշ էր: Նա մեծ արագությամբ լողում էր դեպի «Նաուտիլուսը», անընդհատ մեզ նայում էր ահագին, կանաչավուն-կապույտ աչքերով: Նրա ութ շոշափուկները կամ ոտքերը, որ սկսվում էին ուղղակի գլխից, և հենց այս պատճառով էլ այդ տիպի կենդանիները գլխոտանիներ են կոչվում, կրկնակի մեծացնում էին նրա իրանը և գալարվում ինչպես ֆուրիայի մաղերը: Կարելի էր պարզ տեսնել բոլոր երկու հարյուր հիսուն ծծուկները, որոնք կիսադնդաձև պատիճների էին նման և դասավորված էին շոշափուկների ներքին կողմում: Երբեմն այդ շոշափուկները կարծես կաշում էին սրահի պատուհանին: Հրեշի երախը, որ եղջերային էր ու ծոված ինչպես թութակի կրտուցը, բացվում ու փակվում էր ուղղահայաց դիրքով: Նրա լեզուն, որ նույնպես ինչ-որ եղջերային նյութից էր և ուներ բազմաշարք սուր ատամներ, ցցվում ու դուրս էր գալիս այդ սարսափելի ունելիքից: Բնության ինչպիսի՛ քմահաճույք: Կակղամորթը թռչունի կտուց ուներ: Նրա իլիկաձև, մեջտեղից ուռած մարմինն իրենից ներկայացնում էր մսոտ մի դանգված, որը պետք է ունենար առնվազն քսան կամ քսանհինգ հազար կիլոգրամ ծանրություն: Կենդանու գույնը մըշտական շէր, այլ շարունակ փոխվում էր նայած կենդանու գրգռման աստիճանին, նա լինում էր մոխրագույն կամ դարչնագույն-կարմրավուն: Ի՞նչն էր գրգռում այդ կակղամորթին: Անշուշտ «Նաուտիլուսի» ներկայությունը, որին

նրա ծծող շոշափուկները և ահարկու ծնոտները ոչ մի վնաս չէին հասցնում:

Ի՛նչ սոսկալի են այդ ծովահրեշները, ինչպիսի՛ արտասովոր կենսական ուժ է նրանց տվել բնությունը, ինչքա՛ն կորով կա նրանց շարժումներում: Իզուր չէ, որ նրանք երեք սիրտ ունեն:

Դեպքերի բերմամբ մենք հանդիպեցինք ութոտնիկին, և ես չէի ուզում ձեռքիցս բաց թողնել գլխոտանու այդ տեսակը մանրամասն ուսումնասիրելու հնարավորությունը: Ես հաղթահարեցի այն սարսափը, որ զգացել էի կենդանուն տեսնելիս և վերցնելով մատիտը, սկսեցի նկարել նրան:

— Գուցե սա հենց այն ութոտնիկն է, որին որսում էր «Ալեկտոնը», — ասաց Կոնսելը:

— Ոչ, — առարկեց կանադացին, — չէ՞ որ սա բոլորովին առողջ է, իսկ նա կորցրել է իր պոչը:

— Դա ապացույց չէ, — առարկեցի ես, — այդ կենդանիների շոշափուկներն ու պոչը վերականգնվելու ունակություն ունեն և յոթ տարվա ընթացքում Բուզեի ութոտնիկի պոչը բավականաչափ ժամանակ ո՞նե կրկին աճելու:

— Սակայն, — ասաց Նեդը, — եթե սա Բուզեի ութոտնիկը չէ, գուցե այն գտնվում է այստեղ, սրանց մեջ:

Արդարև, աջակողմի լուսամուտի առաջ էլի մի քանի ծովահրեշներ երևացին: Դրանք յոթ հատ էին, շրջապատեցին «Նաուտիլուսը», և ես լսում էի, թե ինչպես կտուցներով խփում են նավի երկաթե պատերին: Հիանալի՛ առիթ դիտողությունների համար: Ես շարունակում էի իմ աշխատանքը: Հրեշները ոչ մի քայլ չէին նահանջում մեզանից, նրանք թվում էին անշարժ, եթե ես ցանկանայի, կարող էի նրանց ուրվագծել ապակու վրա, մանավանդ որ մենք ընթանում էինք չափավոր արագությամբ:

Հանկարծ «Նաուտիլուսը» կանգ առավ: Ամբողջ նավը ցնցվեց ինչ-որ հարվածից:

— Մենք ընդհարվեցինք որևէ բանի հե՛տ, — հարցրի ես:

— Համենայն դեպս այդ խոչընդոտն արդեն անցանք, քանի որ շարունակում ենք ընթանալ, — պատասխանեց կանադացին:

Անկասկած, «Նառուտիլուար» փորձում էր լողալ, բայց տեղից չէր շարժվում: Պտուտակի թիակներն այլևս չէին ճեղքում ակիքները: Անցավ մի րոպե: Նավապետ Նեմոն և իր օգնականը մտան սրահ:

Բավական երկար ժամանակ ես չէի տեսել նավապետին: Նա ինձ շատ մոայլ երևաց: Ոչ մի ուշադրութուն չդարձնելով մեզ վրա, գուցե և շնկատելով մեզ նա մոտեցավ լուսամուտին, նայեց ութոտնիկներին և մի քանի խոսք ասաց իր օգնականին:

Վերջինս դուրս գնաց: Շուտով փեղկերը ծածկվեցին և սրահի առաստաղը լուսավորվեց:

Ես մոտեցա նավապետին:

— Ութոտնիկների հետաքրքիր հավաքածո է, — ասացի ես հնարավոր անհոգությամբ:

— Դուք իրավացի եք, պարոն բնագետ, և մենք նրանց դեմ պետք է կյանքի և մահվան կռիվ մղենք:

Ես տարակուսանքով նայեցի նավապետին: Ինձ թվաց թե լավ չեմ լսել:

— Կյանքի և մահվան կռիվ, — կրկնեցի ես:

— Այո, պրոֆեսոր: Մեքենան կանգ է առել: Ես կարծում եմ, որ այդ ութոտնիկներից մեկի եղջյուրե ծնոտները մնացել են մեքենայի թիակներում: Այդ խանգարում է մեր շարժումը:

— Եվ դուք ի՞նչ պետք է անեք:

— Բարձրանալ ջրի երեսը և ոչնչացնել այդ բոլոր հրեշներին:

— Դժվար գործ է:

— Կարծում եմ: Էլեկտրական գնդակներն անզոր են այդ փափուկ զանգվածների դեմ: Գնդակները նրանց մեջ դիմադրության չեն հանդիպում և այս պատճառով չեն պայթում: Մնում է նրանց վրա հարձակվել կացիներով:

— Եվ եռաժանիով, նավապետ, եթե դուք չհրաժարվեք իմ օգնությունից, — ասաց կանադացին:

— Ես ընդունում եմ այդ օգնությունը, միստր Լենդ:

— Մենք կգնանք ձեզ հետ, — ասացի ես նավապետին:



Սանդուղքի մոտ արդեն կանգնած էին տասը նավաստիներ, որոնք վինված էին կացիններով: Ես ու Կոնսելը նույնպես կացիններ վերցրինք: Նեղ կենդր վերցրեց եռաժանին:

«Նաուտիլուսը» բարձրացավ օվկիանոսի մակերևույթը: Նավաստիներից մեկը, սանդուղքի վերջին աստիճանին կանգնած, բաց էր անում դռնակի մոտ եղած հեղույսները: Հենց որ նա հանեց պտուտակները, փեղկերն անմիջապես բացվեցին, ըստ երևույթին ութնոտնիկի շոշափուկների ճնշումով: Ութնոտնիկի երկար ոտներից մեկն անմիջապես օձի նման ներս սողաց: Նավապետ Նեմոն կացնի հարվածով կտրեց այդ սարսափելի շոշափուկը, որը սահելով ու գալարվելով, գլորվեց սանդուղքից:

Երբ մենք իրար հրելով շտապում էինք դեպի տախտակամած, երկու ուրիշ շոշափուկներ կայծակի արագությամբ փաթաթվեցին նավապետ Նեմոյի առջև կանգնած նավաստուն և սեղմեցին անհաղթահարելի ուժով:

Նավապետ Նեմոն ճշաց և առաջ նետվեց: Մենք հետևեցինք նրան: Ինչպիսի՜ ահարկու տեսարան: Դժբախտը շոշափուկների մեջ սեղմված, վեր էր բարձրացվել ու կախվել օդում, խոխոացնելով ու շնչասպառ լինելով: Նա գոչում էր՝ «Օգնեցե՛ք: Օգնեցե՛ք»: Ֆրանսերենով արտասանված այդ բառերը խորապես զարմացրին ինձ: Այսպես ուրեմն, այստեղ, նավում ես ունեի հայրենակից, զուցե նույնիսկ մի քանի հայրենակիցներ: Ամբողջ կյանքումս ես չեմ մոռանա այդ սրտաճմլիկ ճիշը:

Դժբախտը կարող էր մեռնել: Ո՞վ կարող էր նրան ազատել այդ հզոր շոշափուկներից: Նավապետ Նեմոն վազեց դեպի ութնոտնիկը և կացնի հարվածով նրա մի ոտն էլ կտրեց: Նրա օգնականը կատաղաբար կռվում էր մյուս հրեշների հետ, որոնք սողում էին «Նաուտիլուսի» վրա: Ամբողջ անձնակազմը կռվում էր կացիններով: Կանադացին, Կոնսելը և ես կացիններով հարվածում էինք մսոտ զանգվածներին: Օդում տարածվեց մուշկի սուր հոտը:

Մի ականթարթ ես հավատացի, թե ութնոտնիկի բռնած դրժբախտ նավաստին կազատվի նրա զարհուրելի ծծուկներից:

Ութ ոտներից յոթն արդեն կտրվել էին և միայն մեկը, փետուրի նման պատելով իր զոհին, գալարվում էր օդում: Սակայն այն բուռն, երբ նավապետ Նեմոն ու իր օգնականը հարձակվեցին նրա վրա, կենդանին իր ստամոքսում գրտնըվող պարկից բաց թողեց ինչ-որ սև հեղուկ: Մենք կարծես կուրացանք: Երբ հեղուկը ցրվեց, ութոտնիկը շքացել էր իմ հայրենակցի հետ:

Որքա՛ն զայրացանք մենք: Կատաղությունից մեզ կորցրել էինք: Տասը կամ տասներկու ութոտնիկ բարձրացան «Նաուտիլուսի» տախտակամածը: Մենք դես ու դեն էինք ընկնում օձանման կտրվածքների քառսում, որոնք գալարվում էին տախտակամածի վրա, արյան ու սև հեղուկի մեջ: Թվում էր, թե այդ կպշուն շոշափուկները նորից կենդանանում են ինչպես հիդրանների գլուխները: Նեդի եռաժանին յուրաքանչյուր անգամ հարվածելիս խրվում էր ութոտնիկների աչքերի մեջ: Սակայն հանկարծ հրեշի շոշափուկները բռնեցին մեր քաջ ընկերոջը, որը շկարողացավ խուսափել դրանից:

Ինչպե՞ս այդ ժամանակ իմ սիրտը շպայթեց վախից ու սարսափից: Ծովահրեշի սոսկալի կտուցն արդեն բացվել էր նեդ կենդի դեմ, ինեղճը պետք է երկու կտոր լիներ: Ես շտապեցի օգնության: Սակայն նավապետ Նեմոն կանխեց ինձ: Նրա կացինը իջավ հրեշի ահագին ծնոտներին և հրաշքով ազատված կանադացին, ոտքի կանգնելով, իր եռաժանին մինչև դաստակը մխեց ծովահրեշի եռակի սիրտը:

— Ես ձեր հանդեպ պարտք ունեի, — ասաց կանադացուն նավապետ Նեմոն:

Նեդը լուռ գլուխ տվեց:

Այս ճակատամարտը տևեց քառորդ ժամից ոչ ավելի: Հաղթված, անդամահատված հրեշները մաքրվեցին ճակատամարտի վայրից և շքացան ալիքներում:

Նավապետ Նեմոն, ամբողջովին արյունոտված, անշարժ կանգնել էր լուսարձակի աշտարակի մոտ և նայում էր ծովին, որը կլանեց նրա ընկերներից մեկին: Արցունքի խոշոր կաթիլները հոսում էին նրա աչքերից:

# ԳԼՈՒԽ ՏԱՍՆԻՆՆԵՐՈՐԴ

## ԳՈԼՖՍՏՐԻՄ

Այս զարհուրելի դեպքը, որը մեզանից ոչ ոք երբեք չի մոռանա, տեղի ունեցավ ապրիլի 20-ին: Ես այդ դեպքը նրկարագրեցի անմիջականորեն ապրած սաստիկ հուզումի թարմ տպավորության տակ: Հետո վերանայեցի իմ պատմըվածքը և կարդացի Կոնսելի ու կանադացու մոտ: Նրանք գտան, որ իմ պատմածը միանգամայն ճիշտ է, բայց ոչ բավականաչափ տպավորիչ: Որպեսզի ի վիճակի լինել նման պատկեր նկարագրելու համար, պետք է ունենալ մեր քանաստեղծներից ամենահոշակավորի՝ Վիկտոր Հյուգոյի, «Մովի մշակների» հեղինակի ձիրքը:

Ես արդեն սասացի, որ նավապետ Նեմոն նայում էր ծովին ու լալիս: Անսահման էր նրա վիշտը: Մեր միատեղ ճանապարհորդության ժամանակ նա կորցրեց արդեն երկրորդ ընկերոջը: Եվ ինչպիսի՛ զարհուրելի մա՛հ: Նրա ընկերը, որը ճզմված, շնչասպառ եղած, կտրատված էր ութոտնիկի հրեշավոր շոշափուկներով, բզկտված էր նրա երկաթե ծնոտներով, նույնիսկ չի հանգչելու իր ընկերների մոտ, կորալային գերեզմանոցի անդորր ջրերում:

Ես ինքս մինչև հոգուս խորքը ցնցվեցի այն սոսկալի ճիշից, որ հանկարծ լավեց պայքարի ժամանակ: Այդ խեղճ ֆրանսիացին մոռացավ իր պայմանական լեզուն և մահվան ժամին խոսեց իր հայրենիքի լեզվով: Այսպես ուրեմն, «Նաուտիլուսի» անձնակազմին պատկանող մարդկանց մեջ, որոնք հոգով ու մարմնով հավատարիմ են նավապետ Նեմոյին, նրա պես խուսափել են մարդկության հետ հարաբերություն պահպանելուց՝ գտնվում էր նաև իմ հայրենակիցը: Արդյոք նա միակ ֆրանսիացի՞ն էր այդ տարօրինակ մարդկանց մեջ, որոնք ակներևաբար տարբեր, ազգությունների ներկայացուցիչներ էին: Այդ մեկն էր այն շուժված պրոբլեմներից, որոնք ծառանում էին իմ առաջ:

Նավապետ Նեմոն գնաց իր սենյակը, և ես մի քանի օր չէի տեսնում նրան:

Սակայն ևս ստորջրյա նավի ընթացքից կարող էի դատել, թե որքան մեծ ու անկեղծ է նավապետի տխրությունը, չէ՞ որ նա նավի ոգին էր և այդ նավի վրա անդրադառնում էին նրա ապրումները: «Նաուտիլուսը» չէր լողում որոշակի ուղղությամբ: Ալիքները տանում էին նավն ինչպես դիակ: Մեքենան կարող էր աշխատել անխափան, սակայն հազիվ էր շարժվում: Նավապետ Նեմոն ոչ մի կերպ չէր կարողանում անջատվել պայքարի տեղից, չէր կարողանում հեռանալ այն ծովից, որը կլանեց իր մի ընկերոջը:

Այսպես անցավ տասը օր:

Եվ միայն մայիսի 1-ին «Նաուտիլուսը» վճռականապես ընթացավ դեպի հյուսիս, անցավ Բահամյան կղզիների մոտից և մեկնեց դեպի Բահամյան ջրանցքի բերանը:

Հիմա մենք լողում էինք օվկիանոսային մեծ գետի հոսանքով: Այդ գետն ունի իր ափերը, իր կենդանական աշխարհը և իր հատուկ բարեխառնությունը: Ես խոսում եմ Գոլֆստրիմի մասին:

Արդարև, դա իսկական մի գետ է, որ ազատ հոսում է Ատլանտյան օվկիանոսի մեջտեղում և նրա ջուրը երբեք չի խառնվում օվկիանոսի ջրին: Այդ գետն աղի է, ավելի աղի, քան իրեն շրջապատող ծովը: Գետի միջին խորությունը երեք հազար ոտնաչափ է, միջին լայնությունը՝ վաթսուն մղոն:

Գոլֆստրիմի ափունքը, եթե կարելի է այդպես անվանել, հայտնագործել է նավապետ Մորին: Ափունքը գտնվում է Բիսկայան ծոցում: Այնտեղ հոսանքն իր բարեխառնությամբ ու գույնով քիչ է տարբերվում շրջակա ջրից: Այնուհետև Գոլֆստրիմը հասարակածային Աֆրիկայի ափերով գնում է դեպի հարավ, ճանապարհին կլանելով արևադարձային արևի ճառագայթների տաքությունը, կտրում է Ատլանտյան օվկիանոսը, հասնում Ռոկ հրվանդանը, բրազիլական ափը, բաժանվում է երկու թևի, որոնցից մեկն է՛լ ավելի է տաքանում, անցնելով Անտիլյան ծովի տաք ջրերից: Այստեղ Գոլֆստրիմը որ կոչված է պահպանել երկրագնդի բարեխառնության հավասարակշռությունը, անցնում է իր պարտականությունների կատարման: Մեքսիկական ծոցում տաքանալով գրեթե մինչև եռալը, բարձրանում է դեպի հյուս-

սիս, դեպի ամերիկական ավերը, հասնում մինչև Նյու-  
Ֆաունդլենդ, Դեխսյան նեղուցի սառը հոսանքի ճնշման տակ  
փոխում է իր ուղղութիւնը և կրկին հոսում դեպի օվկիա-  
նոս, ընթանալով մի մեծ շրջանի գծով: Քառասուներեքերորդ  
զուգահեռականի մոտ Գոլֆստրիմը բաժանվում է երկու թևի,  
որոնցից մեկը հյուսիս-արևելյան պասսատի աղդեցութեամբ  
վերադառնում է Բիսկայան ծոցը, և Ազորյան կղզիները, իսկ  
մյուսը, տաքացնելով Իռլանդիայի ու Նորվեգիայի ավերը,  
գնում է Շպիցբերգենից ավելի հեռու, ուր սառչելով մինչև  
չորս աստիճան, կազմում է Հյուսիսային բևեռի ազատ  
ծովը:

Դուրս գալով Բահամյան ջրանցքը, Գոլֆստրիմը տասն-  
չորս լյո լայնութեամբ և երեք հարյուր հիսուն մետր խո-  
րութեամբ հոսում է առաջ, անցնելով մեկ ժամում ութ կի-  
լոմետր: Քանի նա մոտենում է հյուսիսին, այնքան պակաս-  
սում է այդ արագութիւնը: Եվ պետք է ցանկանալ, որ  
արագութիւնը պակասելու այդ աստիճանը պահպանվի,  
որովհետև եթե հոսանքի արագութիւնը և ուղղութիւնը փոխ-  
վի, ապա Եվրոպայի կլիմային կսպառնան այնպիսի ցրն-  
ցումներ, որոնց հետևանքը դժվար է նույնիսկ պատկե-  
րացնել:

«Նաուտիլուսը» լողում էր օվկիանոսային հենց այդ գե-  
տի ուղղութեամբ:

Կեսօրին ես ու Կոնսելը կանգնած էինք տախտակամա-  
ծում: Ես նրան պատմեցի Գոլֆստրիմի մի քանի առանձ-  
նահատկութիւնների մասին:

Վերջացնելով բացատրութիւնս, ես նրան առաջարկեցի  
ձեռքը սուզել հոսանքի մեջ:

Կոնսելն այդպես էլ արեց և շատ զարմացավ, զգալով,  
որ ջուրը ոչ տաք է, ոչ էլ սառը:

— Այդ նրանից է,— ասացի ես,— որ Գոլֆստրիմի ջրե-  
րի բարեխառնութիւնը Մեքսիկական ծոցից դուրս գալիս  
քիչ է տարբերվում մարդու մարմնի ջերմաստիճանից: Գոլֆ-  
ստրիմը ջերմութեան մի հսկայական աղբյուր է, որի շնոր-  
հիվ Եվրոպայի ավերը ծածկված են մշտադալար կանաչով:  
Մորիի հաշվով, ջերմութեան այն էներգիան, որ բնութիւնը



ծախսում է Գուլֆատրիմի ջրերը տաքացնելու համար, կարող է հալված վիճակում պահել Ամազոնի կամ Միսսուրիի մեծությամբ մի ամբողջ երկաթե գետ:

Այստեղ Գուլֆատրիմը մեկ վայրկյանում անցնում էր երկուս և քառորդ մետր: Հոսանքը խիստ տարբերվում էր շրջապատող ծովից: Մովի կանաչ ալիքների ֆոնի վրա պարզ երևում էին նրա մթին, աղերով հարուստ, ջինջ-կապույտ ջրերը:

Դրանց միջև սահմանաբաժան գիծը այնքան պարզ էր, որ Կարոլինյան կղզիների մոտ եղավ մի ակնթարթ, երբ կարելի էր նկատել, թե ինչպես «Նաուտիլուսի» սուր ծայրը ճեղքում է Գուլֆատրիմի ջրերը, մինչդեռ պտուտակը դեռ շարունակում է փրփրեցնել օվկիանոսի ալիքները:

Գուլֆատրիմն իր հետ տանում էր կենդանի արարածների մի ամբողջ աշխարհ: Արգոնավտները, որ ապրում են Միջերկրական ծովում, անհամար վտառներով ճանապարհորդում էին այստեղ: Կռճիկավորներից աչքի էին ընկնում կատվաձկները, որոնց պոչերը կազմում էին ամբողջ մարմնի գրեթե մեկ երրորդ մասը: Դրանք իրենցից ներկայացնում էին մի տեսակ վիթխարի շեղանկյունիներ, քսանհինգ ոտնաչափ երկարությամբ: Հետո մենք տեսանք մի մետր երկարությամբ փոքրիկ շնաձկներ, մեծ գլխով, կարճ ու կլլոր դնչով և սուր ատամների բազմաթիվ շարքերով: Նրանց մարմինը կարծես թեփուկով էր ծածկված:

Ոսկրոտ ձկներից ես տեսա ծածանազգիները, որ սովորաբար լինում են այդ ծովերում, մեկ մետր երկարությամբ շերտավոր օձագլուխները, որոնց մարմնի վրա կարծես գծված են շերտերը և կետերի ձևով շարունակվում են նաև լողաթևերի վրա, ոսկե թյունիկը — հիանալի ոսկե գույնով և կապտավուն երանգավորումով, վահանաձկները, որոնց աչքերը գտնվում են աջ կողմում, ոտմբները, որոնք պատկանում են նույն ընտանիքին, ինչ-որ վահանաձկները, բայց սրանց աչքերն ու լայն բերանը գտնվում են ձախ կողմում, բազմաթիվ մանր բեկասյան ձկներ փողածև դնչով, որոնց մեջքը դժգույն կարմրավուն է, իսկ որովայնը՝ արծաթա-

վուն, սալմոն ձկների ընտանիքի զանազան ներկայացուցիչները և այլն:

Գիշերը Գուլֆատրիմի ջրերի Ֆոսֆորային փայլը մրցում էր մեր լուսարձակի էլեկտրական լույսի հետ: Այդ լույսն առանձնապես պայծառ էր փոթորիկին նախորդող ժամերին:

Մայիսի ութին մենք գտնվում էինք Հատտերաս հրվանդանի մերձակայքում, Հյուսիսային Կարոլինայի լայնության տակ: Այստեղ Գուլֆատրիմի լայնությունը յոթանասունհինգ մղոն է, խորությունը՝ երկու հարյուր մետր: «Նաուտիլուսը» շարունակում էր լողալ բախտի վրա հույս դրած: Կարծես բոլոր նախազգուշությունները մի կողմ էին թողնված: Այս պայմաններում փախուստը միանգամայն հնարավոր էր մեզ համար: Արդարև, կարելի էր ապաստան գտնել բնակելի ափերում: Բազմաթիվ շոգենավեր լողում էին Բոստոնի ու Նյու-Յորքի կամ Մեքսիկական ծոցի միջև: Գիշեր ու ցերեկ երթևեկում էին փոքրիկ, բեռնված երկկայմանավերը, որոնք բեռներ էին տանում ամերիկական ափի զանազան կետերը: Մենք կարող էինք հուսալ, որ մեզ կփրկեն: Այսպես, ուրեմն, սա հենց երկար սպասված «հարմար առիթն» էր, շնայելով, որ Միացյալ Նահանգների ափերից մենք հեռու էինք ամբողջ երեք հարյուր մղոնով:

Սակայն մի վրդովեցուցիչ հանդամանք խանգարում էր կանադացու պլանների իրագործման. եղանակը շատ վատ էր: Մենք մոտենում էինք այն տեղերին, ուր հաճախ կատաղի փոթորիկներ են լինում: Այստեղ իսկական հայրենիքըն է թաթառների և ցիկլոնների, որոնք առաջ են գալիս հենց Գուլֆատրիմից: Փոթորիկի ժամանակ ճանապարհ ընկնել փոքրիկ մակույկով, նշանակում էր կորստի մատնվել: Նեղ կենդր հասկանում էր այդ, և անդոր բարկությունից կրճտացնելով ատամները, օրեցօր հետաձգում էր փախուստը: Վերջիվերջո հայրենիքի հուսահատական կարոտը հիվանդության հասցրեց նրան և նա միայն փախուստի միջոցով կարող էր բուժվել:

— Պարոն պրոֆեսոր, — ասում էր նա ինձ, — պետք է վերջ տալ այս դրության: Ձեր Նեմոն հեռանում է բնակելի երկրներից և դեպի հյուսիս է գնում: Սակայն ես արդեն ա-

սել եմ ձեզ, որ Հարավային բևեռը գնալը բավական է և ես ոչ մի դործ չունեմ Հյուսիսային բևեռի հետ:

— Հապա ի՞նչ անել, Նեդ, եթե այժմ հնարավոր չէ փախչել:

— Ես պնդում եմ իմ առաջարկի վրա: Պետք է խոսել նավապետի հետ: Դուք լուր էիք այն ժամանակ, երբ մենք լողում էինք ձեր հայրենիքի ափերի մոտով: Հիմա մենք մոտ ենք իմ հայրենիքին, և ես չեմ կարող լուել: Երբ մտածում եմ, որ մի քանի օրից հետո «Նաուտիլուսը» կլինի Նոր-Շոտլանդիայի մոտ և որ այնտեղ, Նյուֆաունդլենդի մերձակայքում գտնվում է մի լայն ծովախորշ, ուր թափվում է սուրբ Լավրենտիոսի գետը, որ սուրբ Լավրենտիոսի գետն իմ հայրենի գետն է, Կվեբեկ քաղաքի, իմ հայրենի քաղաքի գետը, երբ ես մտածում եմ այդ բոլորի մասին, դողում եմ կատաղությունից: Պարոն պրոֆեսոր, ես այլևս չեմ կարող, ես կնետվեմ ծովը: Ես այստեղ չեմ մնա: Ես շնչասպառ եմ լինում:

Ակներև էր, որ կանադացին բոլորովին կորցրել էր համբերությունը: Նրա ուժեղ բնավորությունը չէր կարող հաշտվել մեր երկարատև բանտարկության հետ: Օրեցօր մոայլվում էր նրա դեմքը: Ես լավ էի հասկանում նրա տանջանքները, որովհետև ինձ էլ էր մաշում հայրենիքի կարոտը:

Անցել էր արդեն յոթ ամիս այն օրից, երբ մենք բոլորովին կտրել էինք մեր կապը երկրի հետ: Բացի դրանից, նավապետ Նեմոյի ինքնապարտիակված լինելը, ծովահրեշների դեմ ճակատամարտելուց հետո նրա տրամադրության փոխվելը, նրա լուակյացությունը, այս բոլորը փոխում էր իրերի դրությունը: Ես արդեն չէի զգում առաջին օրերի խանդավառությունը: Հարկավոր էր լինել Ֆլամանդացի, ինչպես Կոնսելը, որպեսզի հաշտվել այս դրության հետ, որը միանգամայն հարմար է կետերի և ծովային այլ կենդանիների և ոչ թե մարդկանց համար: Հիրավի, եթե այդ հիանալի մարդը թոքերի փոխարեն քիմուխտներ ունենար, կլիներ իսկական ձուկ:

— Ուրեմն ի՞նչ, պարոն պրոֆեսոր, — հարցրեց Նեդ Լենդըրը, տեսնելով, որ ես իրեն չեմ պատասխանում:

— Ուրեմն այդպես, Նեդ Լենդ, դուք ուզում եք, որ ես նավապետ Նեմոյից իմանամ, թե ինչ դիտավորություններ ունի մեր նկատմամբ:

— Այո, պրոֆեսոր:

— Եվ դուք պնդում եք այդ, շնայելով, որ մի անգամ նա հայտնել է այդ դիտավորությունները:

— Այո: Վերջին անգամ ես ուզում եմ պարզել ամեն ինչ: Խոսեցեք իմ մասին, միայն իմ մասին, եթե ուզում եք:

— Բայց ես գրեթե չեմ հանդիպում նրան: Նա խուսափում է ինձանից:

— Ուրեմն ավելի ևս հիմք կա նրան տեսնելու:

— Լավ, ես կհարցնեմ, Նեդ:

— Ե՞րբ, — պնդում էր կանադացին:

— Երբ որ ես նրան հանդիպեմ:

— Պարոն Արոնաքս, ուզո՞ւմ եք ես ինքս գնամ և գտնեմ նավապետին:

— Ոչ, ոչ, այդ թողեք ինձ: Վերջ...

— Այսօր, — ասաց Նեդ Լենդը:

— Շատ լավ: Այսօր ես նրան կտեսնեմ, — պատասխանեցի ես կանադացուն, վախենալով, որ նա կփչացնի ամբողջ գործը, եթե դրանով ինքը զբաղվի:

Ես մնացի մենակ: Խոստանալով պարզել ամեն ինչ, ես որոշեցի անմիջապես անել այդ: Դառն ճշմարտությունը ես միշտ գերադասել եմ տանջալից անորոշությունից:

Ես վերադարձա իմ սենյակը: Պատի մյուս կողմից լքավում էին նավապետ Նեմոյի քայլերը: Չէր կարելի ձեռքից բաց թողնել այդպիսի լավ առիթը: Ես թակեցի նրա դուռը: Ոչ մի պատասխան: Ես նորից թակեցի, հետո պատեցի դռնան բռնակը: Դուռը բացվեց:

Ես ներս մտա: Նավապետն այնտեղ էր: Իր աշխատասեղանին թեքված, նա ինչ-որ բան էր գրում: Նա չսեց իմ քայլերը: Որոշելով, որ չպիտի հեռանամ սուանց խոսելու, ես մոտեցա նրան: Նա կտրուկ շարժումով բարձրացրեց գլուխը, կիտեց հոնքերը և բավական կոպիտ տոնով հարցրեց ինձ.

— Դուք այստե՞ղ եք: Ի՞նչ եք ուզում ինձնից:

— Ուզում եմ խոսել ձեզ հետ, նավապետ:

— Բայց ես զբաղված եմ, պարոն, ես աշխատում եմ: Ես ձեզ լիակատար իրավունք եմ տրամադրել առանձնանալու, արդյոք դուք մտածո՞ւմ եք, որ ես ինքս զբղված եմ այդ իրավունքից:

Այդպիսի ընդունելութունն այնքան էլ հույս չէր տալիս, թե բանակցութունները հաջողությամբ կվերջանան: Այնուամենայնիվ ես որոշեցի գործը հասցնել մինչև վերջ:

— Պարոն,— սառը տոնով ասացի ես,— ձեզ հետ պետք է խոսեմ մի գործի մասին, որը հետաձգել չի կարելի:

— Ի՞նչ գործի մասին, պրոֆեսոր,— հեզնանքով հարցրեց նա,— դուք բախտ եք ունեցել անելու մի որևէ հայտնագործութիւն, որը վրիպել է իմ ուշադրութունից: Ծովը ձեզ մի որևէ գաղտնի՞ք է հաղորդել:

Նախքան ես կպատասխանեի, նա ինձ ցույց տվեց սեղանի վրա դրված ձեռագրի թերթերը և ավելի լուրջ տոնով ավելացրեց.

— Ահա, պարոն Արոնաքս, մի ձեռագիր, որը գրված է մի քանի լեզուներով: Այն պարունակում է ծովում իմ կատարած դիտական հետադոտութունների արդյունքները, և ես հույս ունեմ, որ չի կորչի ինձ հետ: Այս ձեռագիրը, որ ստորագրված է իմ անունով և լի է իմ կյանքի պատմությամբ, կդրվի մի փոքրիկ, ջրի տակ շանցնող ապարատի մեջ: «Նստուտիլուսում» կենդանի մնացած վերջին մարդը ծով կնետի ապարատը և ալիքները կվերցնեն այն:

Այդ մարդու անո՛ւնը: Նրա պատմութիւնը, որ գրված է իր իսկ ձեռքո՛վ: Այդպես ուրեմն, երբևէ պետք է բացվի նրա գաղտնիքը:

Բայց այդ ժամանակ ես նրա հաղորդածը միայն առիթ համարեցի ինձ հետաքրքրող թեմային անցնելու համար:

— Նավապետ,— ասացի ես,— կարող եմ միայն հավանութուն տալ այն քայլին, որ դուք պատրաստվում եք անելու: Խելահեղութուն կլիներ, եթե ձեր աշխատանքի պտուղները կորչեին: Սակայն այն միջոցը, որ հնարել եք դուք, ինձ չափազանց պարզունակ է թվում: Ո՞վ գիտե, թե քան մին ուր կտանի այդ ապարատը և դա ում ձեռքը կընկնի: Զի՞ կարելի արդյոք մի ավելի նպատակահարմար բան մը-



տածել: Գուցե դուք ինքներդ կամ ձեր ընկերներից մեկը...

— Երբե՛ք պարոն,— անմիջապես ընդհատեց ինձ նավապետը:

— Այդ դեպքում ես և իմ ուղեկիցները... մենք պատրաստ ենք պահպանել այդ ձեռագիրը, և եթե դուք վերադարձնեք մեր ազատությունը...

— Ազատությո՞ւնը,— վեր կենալով ասաց նավապետ Նեմոն:

— Այո, նավապետ, դա այն է, ինչի մասին ես ուզում էի խոսել ձեզ հետ: Ահա արդեն յոթ ամիս է, որ մենք գտնվում ենք «Նաուտիլուսում», և ես ուզում եմ այսօր իմ անունից և իմ ընկերների անունից հարցնել ձեզ, արդյոք դուք մտադիր եք մեր ամբողջ կյանքում մեզ փակված պահել ձեր ստորջրյա նավում:

— Պարոն Արոնաքս, ես ձեզ կպատասխանեմ նույնը, ինչ որ պատասխանել եմ յոթ ամիս առաջ. ով ընկել է «Նաուտիլուսի» վրա, նա այլևս երբեք չի հեռանա այս նավից:

— Բայց չէ՞ որ դա իսկական ստրկություն է:

— Անվանեցեք այդ ինչպես ցանկանաք:

— Ստրուկն իրավունք ունի դեպի ազատությո՞ւն ձրգտելու: Դրա համար ներելի են բոլոր միջոցները:

— Այդ իրավունքը ոչ ոք չի խլել ձեզանից,— պատասխանեց նավապետ Նեմոն,— մի՞թե ես ձեզ կաշկանդել եմ որևէ երգումով:

Նավապետ Նեմոն ձեռները խաչաձև դրեց կրծքին և նայեց ինձ:

— Պարոն,— ասացի ես նրան,— ոչ ես, ոչ էլ դուք չէիք ուզում երկրորդ անգամ խոսել այս թեմայի շուրջը: Սակայն քանի որ շոշափեցինք այն, հարկավոր է խոսել մինչև վերջ: Ես կրկնում եմ, խոսքը միայն ինձ չի վերաբերում: Ինձ համար գիտությունը հանդիսանում է մի հզոր նեցուկ, հրապուրանք, զվարճություն, եթե ուզում եք՝ կիրք, որի օգնությամբ ես կարող եմ մոռանալ ամեն ինչ: Ինչպես դուք, այնպես էլ ես կարող եմ ապրել անորոշ վիճակում, բավականանալով այն հույսով, որ իմ աշխատանքների արդյունքները երբևէ

կկտակեմ մարդկության: Մի խոսքով, ես կարող եմ ձեզնով  
հիանալ, որոշ շափով ընդունել ձեր իրավացիությունը և նույն-  
նիսկ որոշ հաճույք զգալ, որ մասնակցում եմ ձեր թափառում-  
ներին: Սակայն ձեր կյանքն ունի նաև ուրիշ կողմեր, որոնք  
ինձ պատկերանում են իբրև բարդ, առանձնահատուկ գաղտ-  
նիքներ, որոնց հետ այս նավում միայն ես ու իմ ընկերները,  
ոչ մի առնչություն չունենք: Նույնիսկ այն ժամանակ, երբ մեր  
ու ձեր սրտերը բաբախում էին միասին, հուզվելով ձեր վշտից  
կամ հիանալով ձեր տաղանդի ու խելքի հանդեպ, մենք պետք  
է հրաժարվեինք այն համակրանքն սմենաշնչին շափով իսկ  
ցուցաբերելուց, որ անխուսափելիորեն ծնում է այն, ինչ որ  
գեղեցիկ է և բարի: Եվ այն հանգամանքը, որ մենք օտար ենք  
ձեզ վերաբերող ամեն ինչին, մեր այստեղ գտնվելն անհնարին  
է դարձնում նույնիսկ ինձ համար: Սակայն դա առանձնապես  
անհանդուրժելի է նեղ կենդի համար: Յուրաքանչյուր մարդ,  
հենց միայն այն պատճառով, որ նա մարդ է, արժանի է, որ  
մտածեն նրա մասին: Արդյոք ձեզ դբաղեցրե՞լ է այն հարցը,  
թե վրեժխնդրության ինչպիսի ծրագրեր կարող է հղանալ այն  
մարդը, որ սիրում է ազատությունը և ատում սարկությու-  
նը, այնպիսի մարդը, ինչպիսին է մեր կանադացին: Արդյոք  
ինքներդ հարցրե՞լ եք ձեզ, թե նա ինչ կարող է ծրագրել, ինչ  
քայլ կարող է անել...

Նավասպետ Նեմոն վեր կացավ:

— Ի՞նչ կարող է ծրագրել նեղ կենդը և ի՞նչ քայլ կարող  
է անել: Ես ի՞նչ գործ ունեմ այդ ամենի հետ: Ես նրան չեմ  
որոնել: Սեփական հաճույքիս համար չէ, որ ես նրան պա-  
հում եմ այստեղ: Ինչ վերաբերում է ձեզ, պարոն Արոնաքս,  
դուք այն մարդկանցից եք, որոնք կարող են հասկանալ ա-  
մեն ինչ, նույնիսկ լռությունը: Ես այլևս ոչինչ չունեմ ձեզ պա-  
տասխանելու: Այս թեմայի մասին ինձ հետ խոսելու ձեր ա-  
ռաջին փորձը պետք է վերջինը լինի, որովհետև երկրորդ  
անգամ ես ձեզ նույնիսկ չեմ լսի:

Ես հեռացա: Այդ օրվանից սկսած՝ մեր հարաբերությունն  
ները խիստ լարվեցին:

Այս խոսակցությունը ես հաղորդեցի իմ երկու ընկերնե-  
րին:

— Հիմա մենք գիտենք, որ ոչ մի սպասելիք չունենք այդ մարդուց, — ասաց Նեդ Լենդը: — «Նաուտիլուսը» մոտենում է Լոնգ-Այլենդին: Ինչպիսի եղանակ էլ լինի, մենք պետք է փախչենք:

Սակայն երկինքն ավելի և ավելի սպառնալից էր դառնում: Փոթորկի նշաններ երևացին: Սպիտակ-կաթնագույն մշուշը պատել էր մեր շուրջը: Հորհզոնը ծածկվել էր փոթարկաբեր ամպերով: Ամպերն արտասովոր արագությամբ շվում էին ծովի վրա: Ծովը հուզվում էր ու ալեկոծվում: Թռչունները շքացան, բացի մրրկահավերից՝ փոթորկի այդ բարեկամներից: Ծանրաչափն իջավ:

Փոթորիկը պայթեց մայիսի տասներկուսին, ցերեկը, հենց այն ժամանակ, երբ «Նաուտիլուսը» գտնվում էր Լոնգ-Այլենդի մերձակայքում, Նյու-Յորքից մի քանի մղոն հեռու: Ես կարող եմ նկարագրել տարերքի այդ պայքարը, քանի որ, ծովի խորքն իջնելու փոխարեն նավապետ Նեմոն անբացատրելի քմահաճույքով մնաց ծովի վրա:

Քամին փչում էր հարավ-արևելքից, մի վայրկյանում տասնհինգ մետր արագությամբ: Ցերեկվա ժամը երեքին նրա արագությունն հասավ մի վայրկյանում քսանհինգ մետրի: Դա արդեն փոթորիկ էր:

Նավապետ Նեմոն տեղ գրավեց տախտակամածում: Նա ինքն իրեն կապեց բազրիքին, որպեսզի փոթորկահույզ ալիքներն իրեն չտանեն: Ես էլ բարձրացա այնտեղ և ինձ կասկեցի նրա կողքին, միևնույն շափով հիանալով փոթորկի և այդ անսովոր մարդու հանդեպ, որը բաց ճակատով էր դիմավորում փոթորկին:

Ամպերի փեշերը շոշափում էին ծովի լեռնացող ալիքները: Ես չէի տեսնում փոքրիկ, միջանկյալ ալիքները, որոնք սովորաբար առաջ են գալիս մեծ ալիքների միջև: Երևում էին միայն մրուրի նման սև ալիքները, որոնց գագաթը նույնիսկ չէր թափվում ու փրփրում, այնքան ամուր էր: Նրանց բարձրությունն ավելանում էր շարունակ: «Նաուտիլուսը» մերթ պառկում էր կողքի, մերթ նրա առաջամասը վեր էր բարձրանում, իսկ հետնամասը մտնում ջուրը, և ամբողջ նավն օրորվում էր անընդհատ: Երեկոյան ժամը հինգին հորդառատ

անձրև եկավ, սակայն քամին ու ծովը շահնդարտեցին: Հողմը սլանում էր մեկ վայրկյանում քառասունհինգ մետր արագությամբ: Այդպիսի քամիները տներ են քանդում, պոկում են կղմինդրե տանիքները, ջարդում երկաթե ցանկապատերը և գնդակի նման նետում նավերի տախտակամածներում եղած մեծ թնդանոթները: Սակայն այդ քառսում գտնվող «Նաուտիլուսը» միանգամայն արդարացնում էր մի հռչակավոր ինժեների հետևյալ խոսքերը՝ «Չկա այնպիսի նավ, որը չկարողանա մաքառել ծովի հետ, եթե լավ է կառուցված»: Դա մի անշարժ ժայռ չէր, որը կարող էին քանդել ալիքները, դա պողպատե, իլիկաձև մի մարմին էր, որը շարժուն էր և մարդուն հնազանդ: Չունենալով պարանասարք և կայմեր, մեր նավն անպատիժ կերպով կռվում էր փոթորկահույզ տարերքի դեմ:

Ես ուշադրությամբ դիտում էի ալիքները, որ կարծես պոկվել էին շղթաներից: Դրանք հասնում էին տասնհինգ մետր բարձրության և հարյուր հիսունից մինչև հարյուր յոթանասունհինգ մետր երկարության, և արշավում էին քամուց կիսով չափ պակաս արագությամբ: Ալիքների ծավալն ու հզորությունն ավելանում էր նայած ծովի խորությանը: Ես այն ժամանակ հասկացա, թե ինչ դեր են խաղում այդ ալիքները, որոնք իրենց մեջ օդ են հավաքում, տանում են ծովի խորքը, այդ կերպ թթվածին հասցնում այնտեղ: Գիտնականների հաշվով նրանց ամենաբարձր ճնշումը հասնում է մեկ քառակուսի ոտնաչափի վրա երեք հազար կիլոգրամի: Ահա այդպիսի ալիքները Հեբրիդյան կղզիներում տեղահան արեցին ութսունչորս հազար ֆունտ կշռող մի ժայռ: Այդպիսի ալիքներն էին, որ 1864 թվականի դեկտեմբերի 23-ին, ոչնչացնելով Ճապոնիայի Իյեդո քաղաքի մի մասը, մեկ ժամում յոթ հարյուր կիլոմետր արագությամբ սլացան օվկիանոսի վրա և նույն օրը հասան Ամերիկայի ափերին, որոնց դիպչելով ցրվեցին:

Գիշերը վրա հասնելիս՝ հորիզոնում ես տեսա մի մեծ նավ, որ հուսահատական պայքար էր մղում փոթորկի դեմ: Նավը խոտորվել էր ու պահպանում էր գոլորշին, որպեսզի դիմադրի քամուն: Գուցե սա մեկն էր այն շոգենավներից, որոնք երթե-

վեկում են Նյու-Յորքի ու Լիվերպուլի կամ Հավրի միջև: Շուտով այն շքացավ խավարում:

Երեկոյան ժամը տասին ամբողջ երկինքը կարծես բոցավառված լիներ: Շողշողուն կայծակները ճեղքում էին օդը: Ես չէի կարողանում դիտել դրանց արտասովոր փայլը, իսկ նավապետ Նեմոն անընդհատ նայում էր երկնքին: Կարծես նա ներշնչում էր փոթորկի ոգին...

Աներևակայելի բոմբյունը ցնցում էր օդը, մեկմեկու վրա փշրվող ալիքների թնդյուն, քամու ոռնոց, որոտի ճայթյուններ... Քամին կարծես փչում էր բոլոր շորս կողմերից և արևելքից սկսված ցիկլոնը, անցնելով դեպի հյուսիս, արևմուտք ու հարավ, կրկին վերադառնում էր արևելք:

Ա՛խ, այդ Գոլֆստրիմը: Նա միանգամայն արժանի է «փոթորիկների արքա» իր անվան: Այս հրեշավոր մրրիկներն ինչի՞ց են առաջանում, եթե ոչ նրա ջրերի և օդի բարեխառնության տարբերությունից:

Անձրևին հաջորդեց իսկական հրեղեն տարափը:

Ջրի կաթիլները կարծես դարձան հալված մետաղի հեղեղներ:

Կարելի էր կարծել, որ նավապետ Նեմոն, արժանավոր մահ ընտրելով իր համար, ուզում է կայծակնահար լինել:

Այն մոմենտին, երբ սարսափելի օրորվում էր «Նաուտիլուսը», նրա պողպատե ժանիքը ցցվում էր դեպի վեր ինչպես շանթարգել, և ես տեսնում էի, թե ինչպես նրանից կայծեր էին թափվում:

Բոլորովին ուժասպառ եղած, ես փորիս վրա սողացի մինչև դռնակը, բացեցի այն և իջա սրահ: Այդ ժամանակ մրրիկը հասավ ամենաբարձր լարվածության: «Նաուտիլուսի» ներսում ոչ մի վայրկյան չէր կարելի ոտքերի վրա կանգնած մնալ:

Նավապետ Նեմոն ներքև իջավ միայն կեսգիշերին: Ես լսեցի, թե ինչպես լցվեցին պահամանները և «Նաուտիլուսը» դանդաղ իջավ ծովի անդորր խորքը:

Սրահի փեղկերը բաց էին, և ես տեսնում էի մեծ ձկների մի ամբողջ վտառ, որոնք ուրվականների սլես այս ու այս



կողմ էին վաղում հրեղեն ջրերում: Դրանցից մի քանիսն իմ աչքերի առաջ կայծակնահար եղան:

«Նաուտիլուսը» շարունակում էր իջնել: Ես կարծում էի, թե նա տասնհինգ մետր ջրասուղվելով, կլինի հանգիստ վիճակում: Սակայն ծովի վրա այնքան ուժեղ էր փոթորիկը, որ մենք ստիպված եղանք իջնել օվկիանոսի խորքը, հիսուն մետր:

Ինչպիսի՛ լռություն էր այստեղ, ինչպիսի՛ անդորրություն ու հանգստություն: Ո՞վ կարող էր կարծել, թե այն զարհուրելի մրրիկը շարունակվում է ծովի վրա:

## ԳԼՈՒԽ ՔՍԱՆԵՐՈՐԴ

47° 24' ԼԱՅՆՈՒԹՅԱՆ ԵՎ 17° 28' ԵՐԿԱՐՈՒԹՅԱՆ ՏԱԿ

Փոթորիկը մեղ նետեց դեպի արևելք: Նյու-Յորքի ափերի կամ Լավրենտիոս գետի բերանի մոտ փախչելու բոլոր հույսերը կործանվեցին: Խեղճ Նեդ Լենդը հուսահատության դուռը հասավ և խորշում էր բոլորից, ինչպես նավապետ Նեմոն: Ես ու Կոնսելն իրարից չէինք բաժանվում:

Ես արդեն ասացի, որ «Նաուտիլուսը» գնացել էր դեպի արևելք, ավելի ճիշտ՝ դեպի հյուսիս-արևելք: Մի քանի օր նա թափառում էր մերթ ջրի տակ, մերթ ջրի վրա: Մեր շուրջը գրեթե միշտ մշուշ էր, որ այնքան վտանգավոր է ծովագնացների համար: Այս մշուշի ժամանակ հալվում են սառույցները և մթնոլորտը հագենում է ջրի գոլորշիներով:

Քանի - քանի նավեր են խորտակվում այս տեղերում, փորձելով հասնել ափը և դրա համար կողմնորոշվելով ցամաքի խաբուսիկ լույսերից: Քանի՛-քանի դժբախտություններ են պատահել մառախուղի պատճառով: Քանի՛ անգամ ընդհարվել են նավերը, շնայած լապտերներին, շնայած սուլոցներին, շնայած նավազանգերի տազնապալից ղողանջյունին: Քանի՛ անգամ նավերը զարնվել են ստորջրյա քարերին, այնտեղ, ուր քամին անլսելի է դարձնում մակընթացության աղմուկը:

Զարմանալի չէ, որ այս տեղերում ծովի հատակը պատե-  
րազմի դաշտն է հիշեցնում, այնտեղ թափթփված էին խոր-  
տակված նավերի մնացորդները, մի քանիսը հին ու խար-  
խուլ, մի քանիսը նոր, դեռևս շփշացած արտաքին պղնձե  
մասերով, որոնց մեջ անդրադառնում էր մեր լուսարձակի  
լույսը: Քանի՛-քանի անհայտ նավեր էին ընկած այստեղ  
իրենց ամբողջ անձնակազմով և վտարանդիների բեռով: Ամեն  
տալի քանի՛ նավաբեկումներ են լինում բոլոր տեղեկատու  
գրքերում նշված ամենավտանգավոր տեղերում՝ Սեն-Պոլ կըղ-  
ղու, Ռաս հրվանդանի, Բելիլ նեղուցի, Կավրենտիոս գետի  
բերանի մերձակայքում: Միայն վերջին մի քանի տարում այս  
տեղերում խորտակված նավերի սգո ցուցակի մեջ մտան «Սուլ-  
վեյ», «Իդիդա», «Պարամատտա», «Հունգարացի», «Կանադա-  
ցի», «Անգլոսաքս», «Հումբոլդտ», «Միացյալ Նահանգներ»,  
նավերը, որոնք բոլորն էր խորտակվել էին մրրկից, «Արկտի-  
կա» և «Լիոնցին», որոնք խորհակվել էին ընդհարվելուց,  
«Պրեզիդենտը», «Խաղաղ Օվկիանոսը», «Գլազգո քաղաքը»,  
որոնք խորտակվել են անհայտ պատճառներից:

«Նաուտիլուսը» լողում էր խորտակված նավերի միջև,  
կարծես մեռելների ստուգատես էր կատարում:

Մայիսի տասնհինգին մենք գտնվում էինք Նյուֆաունդ-  
լենդի ծանծաղուտի հարավային ծայրում: Այս ծանծաղուտն  
առաջացել է ջրաբերուկներից: Այստեղ կուտակվել են ամեն  
տեսակ օրգանական մնացորդներ, որ հասարակածից բերել է  
Գոլֆստրիմը կամ հյուսիսային բևեռից՝ հակադիր սառը հո-  
սանքը, որ անցնում է ամերիկյան ափերով: Այստեղ առա-  
ջացել է նաև միլիարդներով ոչնչացված ձկների ոսկորների,  
կակղամորթների ու զոոֆիտների մնացորդների հրեշավոր  
կուտակում:

Նյուֆաունդլենդի ծանծաղուտում ծովի խորությունը շատ  
չնչին է, ընդամենը մի քանի հարյուր ոտնաչափ: Սակայն դե-  
պի հարավ հանկարծ սկսվում է երեք հազար մետր խորու-  
թյամբ հսկայական մի անդունդ: Այստեղ լայնանում է Գոլֆ-  
ստրիմը: Նա այստեղ լցվում է մի ամբողջ ծով, սակայն կոր-  
ցրնում է իր արագությունն ու մինչ այդ ունեցած ջերմաստի-  
ճանը:

«Նաուտիլուսից» վախեցած ձկների թվում ես նկատեցի կեռ մետր երկարությամբ, սև մեջքով և նարնջագուշն որովայնով կլորաթև ձկները, որոնք ամուսնական բացառիկ հավատարմության օրինակ են հանդիսանում, երկար, զմրուխտե փողոշները, որոնք խիստ դուրեկան համ ունեն, մեծաշյա ծովածածանները, որոնց գլուխը մի քիչ նման է շան գլխին, արջառներն ու ծածանազգիները: Ամենից շատ մեզ հանդիպում էր ձողածուկը, որ ապրում է իր սիրած տեղերում, Նյուֆաունդլենդի ընդարձակ ծանծաղուտներում:

Կարելի է համարձակ ասել, որ ձողածուկը լեռնային ձուկ է, որովհետև Նյուֆաունդլենդն ուրիշ բան չէ, եթե ոչ ստորջրյա մի լեռ: Երբ «Նաուտիլուսն» անցնում էր ձողածուկների շրջապատված, Կոնսելը շկարողացավ պահել զարմանքի բացականչությունը:

— Ինչպե՛ս, սա ձողածու՞կ է,— դռչեց նա,— իսկ ես հավատացած էի, թե ձողածուկը նույնպես տափակ է, ինչպես և տափակածուկը:

— Ի՛նչ անհեթեթություն, ձողածուկը տափակ է լինում միայն ձկնեղենի խանութում, ուր հասնում է փորոտիքը մաքրված դրությամբ: Սովում դա նույնիսկ իլիկանման ձուկ է, ինչպես ծածանածուկը և հրաշալի հարմարություններ ունի լողալու համար:

— Պարոնն ավելի լավ գիտե,— պատասխանեց Կոնսելը,— բայց այստեղ որքա՛ն շատ են ձկները, անկարելի է հաշվել:

— Դրանք ավելի շատ կլինեին, բարեկամս, եթե չլիներ գիշատչական որսը: Գիտե՛ս, թե մի էգ ձկան մեջ խավյարի որքան հատիկ կա:

— Ենթադրենք հինգ հարյուր հազար:

— Տասնմեկ միլիոն՝ բարեկամս:

— Տասնմեկ միլիոն: Է՛հ, դրան ես երբեք չեմ հավատա, մինչև որ ինքս չհաշվեմ:

— Հաշվիր: Բայց ես կարծում եմ, որ ժամանակի խնայողություն կանես, եթե հավատաս ինձ: Զմոռանաս, որ Ֆրանսիացիք, անգլիացիք, ամերիկացիք, դանիացիք, նորվեգացիք հսկայական քանակությամբ ձողածուկ են որսում: Այս ձու-

կը շափազանց շատ է սպառվում, և եթե շունենար բազմա-  
նալու արտակարգ ունակութիւն, վաղուց չքացած կլիներ:  
Այսպէս, միմիայն Անգլիայում և Ամերիկայում հինգ հազար  
նալ յոթանասունհինգ հազար նալորդներով զբաղված են ձո-  
ղաձկան որսով: Յուրաքանչյուր նալ մի որսաշրջանում որ-  
սում է միջին թվով առնվազն քառասուն հազար հատ, ուրեմն  
բոլոր նավերը քսան միլիոն: Նորվեգիայի ափերի մոտ այս  
ձուկը որսում են նույն քանակութեամբ:

— Հրաշալի է, — ասաց Կոնսելը, — ես հավատում եմ պա-  
րոնին և շեմ հաշվի:

— Ի՞նչը շեմ հաշվի, Կոնսել:

— Տասնմեկ միլիոն խավչարի հատիկը: Սակայն ես պետք  
է մի դիտողութիւն անեմ:

— Հապա՞:

— Եթե խավչարի յուրաքանչյուր հատիկից ձուկ դուրս  
գար, բավական կլիներ մի զույգ ձողաձուկ, որպեսզի կերա-  
կըրվեին ամբողջ Անգլիան, Ամերիկան և Նորվեգիան:

Այն ժամանակ, երբ մենք անցնում էինք Նյուֆաունդլենդի  
ծանձաղուտները և քիչ էր մնում, որ նալի ողնուցը թաղվեր  
ավազի մեջ, ես տեսա երկար ու բարակ պարաններ, որոնց  
վրա, ձողաձուկ որսալու համար, կար երկու հարյուր կեռ:  
Յուրաքանչյուր ձկնորսական նալակ դրանք դյուժիններով է  
նետում ծովը: Պարանի մի ծայրը կապվում է կեռին և ձողա-  
նշանի միջոցով մնում է ծովի վրա: «Նաուտիլուսը» ստիպված  
էր առաջախաղ կատարել այդ ստորջրյա ուռկանի մեջ:

Սակայն ստորջրյա նավը երկար շմնաց այդ մարդաշատ  
տեղերում: Նավը բարձրացավ մինչև Նյուֆաունդլենդի լայ-  
նութիւնը, ուր Սեն-Ջոնս կղզու վրա դուրս է գալիս անդր-  
ատլանտյան մալուխի ծայրը:

Այստեղից «Նաուտիլուսը», փոխանակ շարունակելու իր  
ճանապարհը դեպի հյուսիս, ուղևորվեց դեպի արևելք, կար-  
ծես ցանկանալով հետազոտել այդ տափարակ բարձրութիւ-  
նը, որի վրա գտնվում է մալուխը: Այդ բարձրութեան ռելեֆը  
հայտնի էր բոլոր մանրամասնութիւններով, շնորհիվ հատա-  
կի բազմաթիվ ուսումնասիրութիւնների:

Մայիսի տասնչոթին Սեն-Ջոնսից հինգ հարյուր մղոն հե-

ոու, երկու հազար ութ հարյուր մետր խորության տակ ես տեսա ավազի վրա ձգված մալուխը: Կոնսելը, որին ես շէի նախազգուշացրել, մալուխն ընդունեց ծովային վիթխարի մի օձի տեղ և ուզում էր այն դասակարգել իր մեթոդով: Բայց ես հիասթափեցրի հրաշալի մարդուն և նրան մխիթարելու համար մի ամբողջ շարք մանրամասնություններ պատմեցի այն մասին, թե ինչպես է անցկացվել այդ մալուխը:

Առաջին մալուխն անցկացվեց 1857 և 1858 թվականների ընթացքում: Սակայն շորս հարյուր հեռագիր հաղորդելուց հետո հանկարծ մալուխն այլևս չաշխատեց: 1863 թվականին ինժեներներն անցկացրին մի նոր մալուխ, որի երկարությունը հասնում էր երեք հազար շորս հարյուր կիլոմետրի: Այդ մալուխը կշռում էր շորս հազար հինգ հարյուր տոնն և այդ հսկայական բեռը տեղավորելու համար հատկապես հարմարեցվեց «Գրեդ-Իսթերն» շոգենավը: Սակայն այդ փորձը նույնպես անհաջողության մատնվեց:

Մայիսի քսանհինգին «Նաուաիլուսը» խորասուզվելով երեք հազար ութ հարյուր երեսունվեց մետր, հասավ հենց այնտեղ, ուր կտրվել էր մալուխը: Այդ տեղի ունեցավ Իռլանդիայի ավերից վեց հարյուր երեսունուրթ մղոն հեռավորության վրա: Յերեկվա ժամը երկուսին նկատեցին, որ Եվրոպայի հետ հաղորդակցությունը կտրված է: «Գրեդ-Իսթերն»-ում գտնվող ինժեներները գտան կտրված տեղը և մինչև երեկոյան ժամը տասնմեկը կարողացան ջրից դուրս քաշել մալուխի երկու ծայրերը: Ուղղելով վնասվածքները, նրանք մալուխը կրկին իջեցրին ջուրը:

Սակայն մի քանի օրից հետո դարձյալ մալուխը կտրվեց և այս անգամ չհաջողվեց այն ջրից հանել:

Ամերիկացիք շէին նահանջում դժվարությունների առաջ: Քիրուս Ֆիլդը, այդ ամբողջ գործի համարձակ նախաձեռնողը, որ դրա համար ներդրել էր իր ամբողջ կարողությունը, նոր բաժնեգրություն կազմակերպեց: Նոր բաժնետոմսերը անհասլաղ սպառվեցին: Պատրաստվեց մի նոր, ավելի կատարելազործված մալուխ: Մետաղալարի կապոցը, որ շեղոքացված էր գուտապերշի թաղանթով, հարմարեցվեց մանրաթելից բաղկացած բարձիկին և դրվեց մետաղյա արմատուրայի մեջ:



«Գրեդ-Իսթերնը» ծով դուրս եկավ 1866 թվականի հուլիսի 13-ին:

Ամեն ինչ լավ էր գնում: Սակայն մի անգամ տեղի ունեցավ հետևյալը. ինժեներները մալուխը խորասուզելուց առաջ զննելիս նկատեցին, որ մի քանի տեղից այն ծակված է մեխերով, ըստ երևույթին միջուկը փշացնելու համար: Նավապետ Անդերսոնը, նավի սպաները և ինժեներները հավաքվեցին, քննարկեցին այդ գործը և որոշեցին, որ եթե գտնեն հանցավորին, նա առանց որևէ դատարանի դեն կշարտվի նավից: Այդ ժամանակից սկսած՝ հանցավոր փորձերն այլևս չէին կրկնվում: Հուլիսի քսաներեքին «Գրեդ-Իսթերնը», որ գտնվում էր Նյուֆաունդլենդից ընդամենն ութ հարյուր կիլոմետրի վրա, Իռլանդիայից հեռագիր ստացավ, թե Պրուսիան և Ավստրիան Սադովի ճակատամարտից հետո զինադադար են կնքել: Հուլիսի 27-ին, անցնելով մշուշի միջից, նավը հասավ ամերիկական ափը: Զեռնարկումը հաջողությամբ վերջացավ և երիտասարդ Ամերիկան ծեր Եվրոպային ուղարկեց մի հեռագիր, որով ողջունում էր հաշտություն կնքելը:

Իհարկե ես հույս չունեի էլեկտրալարը տեսնել իր սկզբնական վիճակում, այսինքն այնպես, ինչպես այն դուրս էր եկել գործարանից:

Մետաղյա օձը, որ ձգվել էր քարքարոտ հատակում, ծածկված էր կրի կեղևով, որը նրան պահպանելու էր կակղամորթներից: Մալուխը ձգված էր օվկիանոսի հատակում, ալեկոծությունից պաշտպանված. և էլեկտրական կայծն այդ լարի միջով Եվրոպայից Ամերիկա հաղորդելու համար պահանջվում էր ընդամենը երեսուներկու հարյուրերորդական վայրկյան: Այդ մալուխը պետք է հավիտյան գոյություն ունենա, քանի որ նկատված է, թե գուտապերչն ամրապնդվում է ծովի ջրի ազդեցության տակ: Բացի դրանից, մալուխի ուղղությունն այնքան հաջող էր ընտրված, որ այն ոչ մի դեպքում չի հասնի այնպիսի խորության, ուր կարող է կտրվել ջրի ուժեղ ճնշումից:

«Նաուտիլուսն» ընթանում էր այն տեղերով, ուր մալուխն ամենից շատ էր խորասուզված, շորս հազար շորս հարյուր երեսուն մետր խորությամբ:

Մենք մեկնեցինք այն տեղը, ուր 1863 թվականին կտրվել էր մալուխը:

Այստեղ, օվկիանոսի հատակում կար ընդամենը հարյուր քսան մետր լայնությամբ մի ձոր: Եթե Մոնթլանը նստած լիներ այս ձորում, նրա գագաթը դուրս չէր գա ջրից: Այս ձորն արևելյան կողմից եզերվում էր երկու հազար մետր բարձրությամբ ժայռերով: Այստեղ մենք հասանք մայիսի 28-ին: Հիմա «Նաուտիլուսը» գտնվում էր Իռլանդիայից ընդամենը հարյուր հիսուն կիլոմետրի վրա:

Գուցե նավապետ Նեմոն մտադիր էր անցնել Բրիտանական կղզիների մոտից: Ոչ: Նա դարձյալ ուղևորվեց դեպի հարավ, դեպի եվրոպական ծովերը, և այդ հանգամանքը շափազանց զարմացրեց ինձ:

Երբ մենք անցնում էինք էնգլեզի կղզու մոտից, ես մի ակնթարթ տեսա այնտեղի փարոսը, որ լուսավորում է Գլադգոյից կամ Լիվերպուլից մեկնող հազարավոր նավերի ճանապարհը:

Մի կարևոր հարց զբաղեցրել էր միտքս. արդյոք «Նաուտիլուսը» կհամարձակվի՞ մտնել Լամանշ: Նեղ Լենդը, որ դուրս էր եկել իր որջից, հենց որ մենք մոտեցանք ցամաքին, այդ մասին անդադար հարցնում էր ինձ: Ես նրան ի՞նչ կարող էի պատասխանել: Նավապետ Նեմոն առաջվա պես չէր երևում: Նա կանադացուն ջղայնացրեց Ամերիկայի ափերով անցնելով, արդյոք մտադիր չէ՞ անցնել Ֆրանսիայի մոտից, որպեսզի ինձ ջղայնացնի:

«Նաուտիլուսը» շարունակում էր լողալ դեպի հարավ: Մայիսի 30-ին մենք տեսանք Լենդ կղզին, որ հեռու չէ Բրիտանական կղզիներից:

Եթե նավապետ Նեմոն ուզում էր մտնել Լամանշ, պետք է նավը տաներ դեպի արևելք:

Բայց նա այդպես չարեց:

Մայիսի 31-ի ամբողջ օրը «Նաուտիլուսը» ծովում ինչ-որ տարօրինակ շրջաններ էր գծում, որոնք շափազանց հետաքրքրեցին ինձ: Կարծես նավն ինչ-որ մի տեղ էր փնտրում, բայց չէր գտնում: Կեսօրին նավապետ Նեմոն ինքը դիտողություններ կատարեց: Նա ոչ մի բառով չդիմեց ինձ: Նա երբեք

այդքան մուսլ շէր եղել: Ի՞նչն էր հուզել նրան: Գուցե եւրոպական ափերի մոտիկութիւնը: Գուցե նրան իր հայրենիքին վերաբերող հուշե՞րն էին տանջում: Ի՞նչ էր զգում նա, գղջո՞ւմ, թե՞ ափսոսանք: Այս միտքը երկար ժամանակ զբաղեցնում էր ինձ: Կարծես թե ես նախազգում էի, որ դեպքերի բերմամբ այսպես թե այնպես կբացվի նավապետի գաղտնիքը:

Հետևյալ օրը, հունիսի 1-ին, «Նաուտիլուսը» շարունակում էր իր տարօրինակ մանյովրները: Ակներև էր, որ նա օվկիանոսում ինչ-որ մի որոշ տեղ էր փնտրում: Նավապետ Նեմոն, ինչպես և նախընթաց օրը, ինքն էր կատարում կեսօրվա դիտողութիւնները:

Ծովը հանգիստ էր, երկինքը՝ ջինջ: Ութ մղոն դեպի արեւվելք, հորիզոնում պարզ սևւրվագծվում էր ամբողջ արագութեամբ ընթացող մի նավ: Նավի վրա շկար ոչ մի դրոշակ և ես չկարողացա որոշել, թե որ պետութեանն է պատկանում:

Այն մոմենտին, երբ արևն անցնում էր միջօրեականից, նավապետ Նեմոն վերցրեց սեքստանտը և մանրազնին կերպով դիտողութիւններ կատարեց: Այդ շատ հեշտ էր անել, որովհետև ծովը բոլորովին հանգիստ էր: «Նաուտիլուսը» շէր օրորվում, բոլորովին անշարժ էր:

Այդ րոպեին ես գտնվում էի տախտակամածում: Հենց որ դիտողութիւնները վերջացան, նավապետ Նեմոն ասաց.

— Դա այստեղ է:

Նա սանդուղքով իջավ ներքև: Արդյոք նա տեսա՞վ այն նավը, որը կարծես շափավորում էր իր ընթացքը և մոտենում էր մեզ: Այդ ես շեմ կարող ասել:

Ես վերադարձա սրահ: Դռնակը փակեցին, ու ես լսեցի պահամանները լցվող ջրի ֆշշոցը: «Նաուտիլուսն» սկսեց ջրասույզ լինել: Նա իջնում էր ուղղահայաց գծով, որովհետև պտուտակը շէր աշխատում:

Մի քանի րոպեից հետո նավը կանգ առավ ութ հարյուր երեսուներեք մետր խորութեան տակ և իր առջևի մասով շոշափեց հատակը:

Սրահում լույսը հանգավ: Փեղկերը բացվեցին և լուսամուտից ես տեսա ծովը, որ կես մղոն տարածութեամբ պայ-

ծառ լուսավորված էր մեր լուսարձակի լույսով: Չախ լուսամուտից ես ոչինչ չէի տեսնում բացի անդորր ջրից:

Նավի աջ կողմից ես նկատեցի մի սև զանգված, որ գրավեց իմ ուշադրությունը: Դա ինչ-որ մի առարկա էր, որ ծածկված էր կարծես ձյունե պատմուճանով, սպիտակ խեցիներով: Ավելի ուշադիր նայելով, ես նկատեցի անկայմ նավի ուրվագիծը: Ըստ երևույթին այդ նավը ջրասույզ էր եղել առջևի մասի վրա: Խորտակված նավը պետք է որ վաղուց գտնվեր օվկիանոսի հատակում, քանի որ ծածկվել էր կրային նյութերով:

Այդ ի՞նչ նավ էր: Ինչո՞ւ «Նաուտիլուսը» եկավ այցելելու նրա գերեզմանը: Գուցե ծովային փոթորիկը չի եղել նրա խորտակման պատճառը:

Ես չգիտեի ինչպես բացատրեմ այդ: Հանկարծ նավապետ Նեմոն սկսեց խոսել շափված ձայնով.

— Մի ժամանակ այդ նավը կոչվում էր «Մարսելցի»: Նավը ծով իջեցվեց 1762 թվականին և ուներ յոթանասունչորս թնդանոթ: 1778 թվականի օգոստոսի տասներեքին այդ նավը Լա-Պոչպա-Վերտրիյեի հրամանատարությամբ կատաղի ճակատամարտ մղեց «Պրեստոնի» դեմ: 1779 թվականի հուլիսի շորսին նավը ծովակալ Դ' Էստենի նավախմբի հետ մասնակցեց Գրենադայի գրավման: 1781 թվականին, սեպտեմբերի հինգին, Չիլպիկ ծովախորշում նավը ճակատամարտեց կոմս դե-Գրասսայի ղեկավարությամբ: 1794 թվականին Ֆրանսիական հանրապետությունը փոխեց նրա անունը: Նույն թվականի ապրիլի տասնվեցին Բրեստում այն միացավ Վիլարե ժուաչոզի նավախմբին, որին հանձնարարված էր ուղեկցել հացահատիկի տրանսպորտը, որ գնում էր Ամերիկայից, ծովակալ Վան-Ստաբելի հրամանատարությամբ: Այդ թվականի ապրիլի տասնմեկին և տասներկուսին նավախումբը հանդիպեց անգլիական նավերի հետ: Պարոն պրոֆեսոր, այսօր, 1868 թվականի հունիսի մեկն է: Ուղիղ յոթանասուն տարի առաջ հենց այստեղ, 47° 24' լայնության և 17° 28' երկարության տակ, հերոսական մարտից հետո կիսով չափ խորտակված բոլոր կայմերը և իր անձնակազմի մեկ երրորդը կորցրած նավը գերադասեց անցնել ջրի տակ, բայց անձնատուր:

չինել... Կենդանի մնացած երեք հարյուր հիսունվեց մարտիկները, նավախելում բարձրացնելով հանրապետության դրոշը, ջրասույզ եղան բարձրաձայն գոչելով՝ «Կեցցե՛ հանրապետությունը»:

— Սա «Վրիժառու՞ն» է, — գոչեցի ես:

— Այո, պարոն պրոֆեսոր, «Վրիժառուն» է: Հիանալի անուն է, — ձեռները խաչելով շշնջաց նավապետ Նեմոն:

## Գ.ԼՈՒԻՍ ՔՍԱՆՄԵԿԵՐՈՐԴ

### ԵՂԲԱՅՐԱԿԱՆ ՇԻՐԻՄ

Այդ ամբողջ տեսարանի անսպասելիությունը, հեղափոխական նավի այդ պատմությունը, որ սկսվեց անհոգ տոնով ու վերջացավ ինչ-որ մի առանձնահատուկ հուզումով, այդ «Վրիժառու» անունը, որի նշանակությունը չէր կարող վրիպել իմ ուշադրությունից, այդ ամենը խորապես ապշեցրեց ինձ: Ես չէի կարողանում շնայել նավապետին: Ձեռքը մեկնելով դեպի ծովը, նա ազահուստամբ դիտում էր խորտակված նավը:

Թերևս ինձ երբեք չհաջողվի իմանալ, թե ով է եղել նավապետ Նեմոն, որտեղից է եկել և ուր է գնում, բայց ես տեսնում էի, թե ինչպես նրա մեջ մարդը հաղթահարում է գիտնականին:

Ոչ, սոսկ մարդատյացությունը չէ, որ նավապետ Նեմոնին և իր ընկերներին արգելափակել է այս պողպատյա պատերի մեջ, այլ սարսափելի, ահեղ ատելությունը, որը չի թուլացել նույնիսկ ժամանակի աղդեցության տակ:

Արդյոք նա ծարա՞վ էր վրեժի: Ապագան պետք է ցույց տար դա:

Այդ ժամանակ «Նաոսախլուար» դանդաղ բարձրացավ ջրի երեսը և «Վրիժառուի» ուրվագծերը հետզհետե շքացան մեր տեսողությունից: Շուտով նավը սկսեց թեթև օրորվել, և դա նշանակում էր, որ մենք լողում ենք ծովի վրա: Այդ րոպեին



ես լսեցի մի խուլ պայթյուն: Ես նայեցի նավաստիին: Վերջինս շէր շարժվում:

— Նավաստի՛տ, — ասացի ես:

Նա շարտասխանեց:

Ես նրան թողեցի և բարձրացա տախտակամած: Կոնսելը ու կանադացին արդեն այնտեղ էին:

— Այն ի՞նչ դղրդյուն էր, — հարցրի ես:

— Թնդանոթի որոտ էր, — պատասխանեց Նեդ Լենդը:

Ես նայեցի այնտեղ, ուր առաջ գտնվում էր նավը: Այն մոտենում էր «Նաուտիլուսին» ամբողջ արագությամբ: Նավը գտնվում էր մեզանից ընդամենը վեց մղոնի վրա:

— Այդ ի՞նչ նավ է, Նեդ:

— Գրազ կգամ, որ դա ռազմանավ է, — պատասխանեց կանադացին, — այդ երևում է նրա սարքավորումից և կայմերի բարձրությունից: Օ՛, եթե նա հարձակվեր մեզ վրա և խորտակեր այս անիծված «Նաուտիլուսը»:

— Սիրելի Նեդ, — պատասխանեց Կոնսելը, — այդ նավն ի՞նչ վնաս կարող է հասցնել «Նաուտիլուսին»: Չէ՞ որ նա չի կարող ջրի տակ հարձակվել «Նաուտիլուսի» վրա, կամ ծովի խորքում ուժեղացնել նրան:

— Ասացեք, Նեդ, — դիմեցի ես կանադացուն, — արդյոք կարո՞ղ եք որոշել, թե որ պետությանն է պատկանում այդ նավը:

Հոնքերը կիտելով և աչքերը կկոցելով կանադացին սկսեց լարված դիտել նավը:

— Ոչ, պրոֆեսոր, — վերջապես պատասխանեց նա, — ես չեմ կարող որոշել, թե այդ նավը որ պետությանն է, նավի վրա այդպիսի դրոշակ չի երևում: Սակայն ես դարձյալ պընդում եմ, որ նա ռազմանավ է, որովհետև նրա միջնակայմի վրա ծածանվում է երկար ռազմադրոշակը:

Քառորդ ժամի շափ մենք շարունակում էինք դիտել ուղիղ դեպի մեզ եկող նավը:

Նավը դանդաղ մոտենում էր:

Ես շէի կարողանում պատկերացնել, որ նա այդպիսի տարածության վրա տեսել է «Նաուտիլուսը»: Ավելին՝ ես շէի

ենթադրում, որ այդ նալն առհասարակ տեղյակ է ստորջրյա նալի գոյության մասին:

Շուտով կանադացին հայտնեց ինձ, թե այդ մի մեծ ուղմանով է, ունի ժանիք և երկու զրահապատ տախտակամած: Նրա ծխնելույզներից բարձրանում էր թանձր, սև ծուխը: Առագաստները հավաքված էին: Նալի վրա ընդհանուր դրոշակ չի եղել: Տարածությունը խանդարում էր տեսնելու, թե ինչ գույն ունի ուղմադրոշակը, որ նեղ ժապավենի նման ծածանվում էր օդում:

Նալն արագ մոտենում էր:

Եթե նավապետ նեմոն թույլ տա շատ մոտենալու, մենք ազատվելու առիթ կունենանք:

— Պրոֆեսոր, — ասաց Նեդ Լենդը, — երբ այդ նավը մոտենա մեզ այնքան, որ մնա ընդամենը մի մղոն, ես կնետվեմ ծովը և առաջարկում եմ ձեզ հետևել իմ օրինակին:

Ես ոչինչ չպատասխանեցի կանադացու առաջարկին և շարունակեցի դիտել նավը, որ քանի մոտենում, այնքան մեծանում էր: Կինի այն անգլիական, ֆրանսիական, ամերիկյան կամ ռուսական, միևնույն է, կվերցնի մեզ, եթե կարողանանք լողալով հասնել նրան:

— Հավանորեն պարոնը հիշում է, որ մենք լողալու որոշ փորձ ունենք, — ասաց Կոնսելը: — Նա կարող է ինձ հանձնել իրեն բուքսիրի առնելու հոգսը, եթե միայն որոշի հետևել մեր բարեկամ Նեդի խորհրդին:

Ես ուզում էի պատասխանել, սակայն հանկարծ ուղմանալի առաջամասում սպիտակ ծուխ երևաց: Մի քանի վայրկյան անց, ծանր մարմնի ընկնելուց փրփրած ջուրը հեղեղեց «Նատտիլուսի» հետնամասը: Կրակոցի ձայնը խլացրեց ինձ:

— Ինչպե՛ս, նրանք կրակո՞ւմ են մեր վրա, — գոչեցի ես:

— Քաջ մարդիկ են, — շնչաց կանադացին:

— Ուրեմն նրանք մեզ չեն համարում նավաբեկման ենթարկվածներ:

— Եթե պարոնը կամենում է... — սկսեց Կոնսելը:

Այդ ժամանակ մի նոր ուռմբ, ընկնելով ավելի մոտիկ, նրա վրա ջուր շարտեց ոտից մինչև գլուխ:

— Պարոնի թույլտվությամբ կասեմ, — շարունակեց Կոն-

սելը, — որ նրանք մեզ միաժանու տեղ են ընդունում և որմբակոծում են այդ միաժանուն:

— Բայց նրանք պետք է տեսնեն, որ գործ ունեն մարդկանց հետ, — գոչեցի ես:

— Գուցե նրանք հենց դրա համար էլ կրակում են, — պատասխանեց Նեդ Լենդը, շեշտակի նայելով ինձ:

Այդ խոսքերը կարծես հայտնագործություն լինեին ինձ համար: Անկասկած, հիմա ամբողջ աշխարհին հայտնի էր, թե ինչ կարծիք պետք է կազմել մտացածին հրեշի գոյության մասին: «Աբրահամ Լինկոլնի» հետ եղած ընդհարման ժամանակ, երբ կանադացին իր եռաժանիով խփեց հրեշին, նավապետ Ֆարագուտը կարողացավ իմանալ, որ միաժանին, այդ սարսափելի հրեշն ուրիշ բան չէ, եթե ոչ ստորջրյա նավակ, ավելի վտանգավոր, քան ամենավտանգավոր կետանմանը:

Այո, այդպես էլ եղել է, և հիմա բոլոր ծովերում հետապընդում են այս վտանգավոր նավը:

Արդարև, այս նավն իրենից ներկայացնում էր մի սարսափելի սպառնալիք, եթե, ինչպես դյուրին էր ենթադրել այդ, նավապետ Նեմոն պատրաստվում էր «Նաուտիլուսը» նվիրել վրիժառության գործին: Հիմա ես այլևս չէի կասկածում, որ Հնդկական օվկիանոսում եղած ժամանակ, այն գիշերը, երբ նավապետ Նեմոն մեզ արգելափակեց պողպատե խցիկում, «Նաուտիլուսը» կռվում էր մի ինչ-որ նավի հետ: Ես այլևս չէի կասկածում, որ հիմա կորալլային գերեզմանոցում թաղված մարդը եղել էր «Նաուտիլուսի» կողմից դիտմամբ ստեղծված ընդհարման զոհը:

Նավապետ Նեմոյի խորհրդավոր կյանքի վարագույրը մի քիչ բարձրացավ: Եվ եթե նրա անձնավորությունը դեռ չէր պարզված, ապա համենայն դեպս, զանազան ազգերի ներկայացուցիչները համախմբվել և հետապնդում էին ոչ թե երևակայական կենդանուն, այլ երդվյալ թշնամուն, մի մարդու, որ ուխտել էր անհաշտ ատելություն տածել դեպի մարդկությունը:

Այդ ամբողջ սարսափելի անցյալը պատկերացավ իմ աչքերի առաջ: Մեզ մոտեցող նավի վրա բարեկամների փո-

խարեն, մենք պետք է հանդիպեինք միայն անդուժ թշնամիներին:

Թնդանոթների ումբերը շարունակում էին թափվել մեր վրա: Իրանցից մի քանիսը, որ որոշ անկյան տակ ընկնում է էին ջուրը, այնուհետև շեղակի թռչում էին մեծ տարածությամբ և շքանում էին անլիքներում: Սակայն ոչ մի ումբ չէր հասնում «Նաուտիլուսին»:

Հիմա ուղմանավը գտնվում էր մեզանից ընդամենը երեք մղոն հեռավորության վրա:

Չնայած հետզհետե ուժեղացող թնդանոթաձգության, նավապետ Նեմոն չէր բարձրանում տախտակամած:

Մինչդեռ եթե այդ կոնաձև ումբերից մեկը խփեր «Նաուտիլուսին», այդ կրակոցը կարող էր ճակատագրական հետեվանք ունենալ ստորջրյա նավի համար:

Կանադացին ինձ ասաց.

— Պարոն պրոֆեսոր, մենք պետք է գործադրենք մեր բոլոր ջանքերը, որպեսզի «Նաուտիլուսին» վրա հարձակվող նավին ցույց տանք, թե մենք ոչ մի առնչություն չունենք այս նավի շարագործությունների հետ: Փորձենք ազդանշան տալ: Գրո՛ղը տանի: Գուցե նրանք այնուամենայնիվ հասկանան, որ գործ ունեն ազնիվ մարդկանց հետ:

Նեդ Լենդը գրպանից հանեց թաշկինակը: Սակայն դեռ չէր բացել այն, երբ բռնվեց երկաթե մի ձեռքով, և, շնայած իր բացառիկ ուժին, գետին շարտվեց:

— Թշվա՛ռ, — գոչեց նավապետը, — դու ուզում ես, որ այդ նավի վրա հարձակվելուց առաջ քեզ կապեմ ժանիքի՞ն:

Սարսափելի էր լսել նավապետ Նեմոյին, բայց ավելի ևս սարսափելի էր նրան նայելը: Նրա դեմքը գունատ էր ինչպես մեռելի դեմքը: Բիբերը լայնացել էին բարկությունից: Չայնը մոնչոցի էր նման: Թեքվելով պառկած կանադացու վրա, նավապետն ահագին ուժով սեղմում էր նրա ուսերը:

Վերջապես, նա թողեց Նեդին և դարձավ դեպի ուղմանավը, որ շարունակում էր ումբեր տեղալ մեր շուրջը:

— Իսկ դու գիտե՞ս, թե ես ով եմ, անիծվա՛ծ ժողովրդի նավ, — գոռաց նա ահարկու ձայնով, — ես կարիք չունեմ տես-

նելու քո դրոշակի գույնը, որպեսզի ճանաչեմ քեզ: Նայի՛ր, հիմա ես քեզ ցույց կտամ իմ դրոշակը:

Եվ նավապետ Նեմոն բացեց սև դրոշակը, որ նման էր հարավային բևեռում բարձրացրած դրոշակին:

Այդ րոպեին մի ումբ խփեց «Նաուտիլուսի» հետնամասին, առանց վնաս հասցնելու: Անցնելով նավապետ Նեմոյի կողքից, ումբն ընկավ ծովը:

Նավապետը թոթվեց ուտերը: Դառնալով դեպի ինձ, նա կտրուկ ասաց.

— Գնացե՛ք ներքև: Դուք և ձեր ընկերները...

— Նավապետ, — գոչեցի ես, — մի՛ թե դուք մտածում եք գրոհել այդ նավը:

Ոչ միայն գրոհել, այլև խորտակել, պարոն պրոֆեսոր:

— Դուք այդ չեք անի:

— Ես այդ կանեմ, — սառը պատասխանեց նավապետ Նեմոն, — շմտածեք դատել ինձ, պարոն պրոֆեսոր: Պատահմամբ դուք տեսաք այն, ինչ որ չպիտի տեսնեիք: Իմ թշնամիները հարձակվեցին ինձ վրա, նրանց սոսկալի հակահարված կտրվի:

— Այդ ո՞ւմ նավն է:

— Դուք այդ չգիտե՞ք: Ավելի լա՛վ: Դուք այդ չե՛ք իմանա: Գնացե՛ք:

Կանադացին, Կոնսելը և ես շհամարձակվեցինք առարկել «Նաուտիլուսի» տասնհինգ նավաստիներ շրջապատեցին նավապետին, անհաշտ ատելությամբ նայելով մոտեցող նավին:

Այն ժամանակ, երբ ես իջնում էի սանդուղքով, մի նոր արկ խփեց «Նաուտիլուսի» հետնամասին: Ես լսեցի, թե ինչպես նավապետը գոռում էր.

— Դեհ, կրակի՛ր, խելահեղ նավ, վատնիր քո անզոր ումբերը: Դու չե՛ս ազատվի «Նաուտիլուսի» ժանիքից: Ես քեզ կխորտակեմ ո՛չ այստեղ: Ես չեմ ուզում, որ քո բեկորները խառնվեն ազնիվ «Վրիժառուի» բեկորների հետ:

Ես գնացի իմ սենյակը: Նավապետը և նրա օգնականը մնացին տախտակամածում: Պտուտակը շարժվեց: «Նաուտիլուսն» արագ հեռացավ այնքան, որ ուղմանավի արկերն այլևս չէին կարող հասնել նրան: Սակայն հետապնդումը չէր



դադարում, և նավապետ Նեմոն շարունակում էր պահպանել այդ տարածությունը:

Ցերեկվա ժամը շորսին, այլևս չկարողանալով ինձ մաշող անհամբերությունն ու անհանգստությունը զսպել, ես մոտեցա գլխավոր սանդուղքին:

Դուռը բաց էր: Ես դներս եկա տախտակամած: Նավապետը հուզված հետ ու առաջ էր քայլում այնտեղ: Նա անընդհատ նայում էր նավին, որ քամու ուղղությամբ ընթանում էր մեզանից ընդամենը հինգ—վեց մղոն հեռու: Նա պտտում էր նավի շուրջն ինչսպես վայրի գազան, տանելով այն դեպի արևելք, թույլ տալով, որ այն հետապնդի իրեն: Սակայն առայժմ ինքը չէր հարձակվում նավի վրա: Գուցե դեռ տատանվում էր:

Ես փորձեցի կրկին միջամտել: Բայց հազիվ էի մի բառ արտասանել, երբ նավապետ Նեմոն ինձ ստիպեց լռել:

— Արդարությունն ու իրավունքն իմ կողմն է,— ասաց նա,— ես ճնշված եմ, իսկ սա ճնշող: Այդ նրա պատճառով էր, որ ես կորցրի այն ամենն, ինչ որ սիրում էի, այն ամենն, ինչ որ ինձ համար թանկ էր ու սրբազան, հայրենիքս, կնոջս, երեխաներիս, հորս, մորս, ամեն ինչ: Այն ամենն, ինչ որ ես ատում եմ, այնտեղ է, այն նավի վրա: Լռեցե՛ք:

Ես վերջին անգամ նայեցի ռազմանավին, որ մոտենում էր արագ, և իջա ներքև, Նեդի և Կոնսելի մոտ:

— Մենք պետք է փախչենք,— գոչեցի ես:

— Հրաշալի,— ասաց Նեդը,— բայց այդ ո՞ւմ նավն է:

— Այդ ես չգիտեմ: Այսպես թե այնպես, այդ նավը կըխորտակվի մինչև գիշերը: Համենայն դեպս, ավելի լավ է մեռնել նրա հետ միասին, քան մասնակից դառնալ մի վարմունքի, որի արդարացիության մասին մենք չենք կարող դատել:

— Ես էլ եմ այդպես կարծում,— սառը պատասխանեց Նեդը,— սպասենք գիշերվան:

Գիշերը վրա հասավ: Նավում խորը լռություն էր տիրում: Կողմնացույցի տվյալներն ասում էին, թե «Նաուտիլուսը» չի փոխել իր ուղղությունը: Ես լսում էի պտուտակի շափածո հարվածները: Նավը ծովի վրա էր:

Մենք որոշեցինք փախչել այն պահին, երբ նավը մեզ մոտենա այնքան, որ կարողանան մեզ լսել կամ գոնե տեսնել, երեք օրից հետո լուսինը լրանալու էր և բավականաչափ պայծառ էր լուսավորում: Հասնելով այդ նավին, մենք, եթե չկարողանանք կանխել նրա խորտակումը, համենայն դեպս կփորձենք անել այն ամենն, ինչ որ թույլ կտան հանգամանքները: Շատ անգամ ինձ թվում էր, թե «Նաուտիլուսը» պատրաստվում է սկսել ճակատամարտը: Սակայն երբ հակառակորդը մոտենում էր, «Նաուտիլուսը» դարձյալ ավելացնում էր արագությունը և հեռանում նրանից:

Գիշերվա մի մասը հանգիստ անցավ: Միայն երբեմն բառեր փոխանակելով, մենք հարմար պահի էինք սպասում փախչելու համար: Մենք սաստիկ հուզված էինք: Նեղ կենդնուզում էր լողալով գնալ դեպի ուղմանավը: Ես նրան ստիպում էի սպասել: Ես հավատացած էի, որ «Նաուտիլուսն» իրեն հետապնդողի վրա կհարձակվի առանց ջրասույզ լինելու, իսկ այս դեպքում մեր փախուստը ոչ միայն հնարավոր, այլև հեշտ կլինի:

Առավոտյան ժամը երեքին, սաստիկ անհանգստանալով, ես նորից բարձրացա տախտակամած: Նավապետ Նեմոն այնտեղ էր: Նա կանգնած էր նավի առջևի մասում: Նրա գլխավերևում փողփողում էր սև դրոշակը: Նա շարունակում էր դիտել նավը: Նրա լարված հայացքը կարծես դեպի իրեն էր քաշում հետապնդողին, հիպնոսացնում վերջինիս, քաշում իր հետևից ինչպես բուքսիրային պարան:

Լուսինն անցնում էր միջօրեականի վրայով: Արևելքում ծագում էր Լուսնթագը: Շուրջը լուռ էր ամեն ինչ: Երկինքն ու օվկիանոսը կարծես անդորրությամբ մրցում էին իրար հետ:

Եվ երբ տարերքի այդ անդորրությունը ես համեմատում էի այն ատելության հետ, որ գոյություն ունեւր «Նաուտիլուսի» ամեն մի անկյունում, զգում էի, թե ինչպես ցնցվում եմ իմ ամբողջ էությամբ:

Նավը գտնվում էր մեզանից երկու մղոնի վրա: Նա մոտենում էր, շարունակ ընթանալով «Նաուտիլուսի» լուսարձակի ֆոսֆորային փայլի հետքերով: Ես տեսա նրա ճանաչման

կրակները, կանաչ ու կարմիր, և սպիտակ լապտերը, որ կախ-  
ված էր առաջակայմի վրա: Նավի ծխնելույզից կայծեր էին  
դուրս գալիս և լուսավորում շուրջը, պարզ էր, որ շոգու ճըն-  
շումն ամենաբարձր աստիճանի էր հասցրած: Ես տախտա-  
կամածում մնացի մինչև առավոտյան ժամը վեցը: Նավա-  
պետ Նեմոն շարունակում էր անտարբեր մնալ դեպի ինձ:  
Ռազմանավը գտնվում էր մեզանից ընդամենը մեկուկես մղո-  
նի վրա և հենց որ լույսը բացվեց, նավը վերսկսեց ուժեղ-  
ծուխյունը:

Մոտենում էր այն պահը, երբ «Նաուտիլուսը» պետք է  
հարձակվեր իր հակառակորդի վրա, ու հենց որ այդ տեղի  
ունենա, ես ու իմ ընկերներն ընդմիջտ կհեռանանք այդ մար-  
դուց, որին դատել ես չէի համարձակվում: Ես ուզում էի ներ-  
քև իջնել, որսյեսզի նախազգուշացնեմ Կոնսելին և Նեդին:  
Այդ ժամանակ նավապետի օգնականը բարձրացավ տախտա-  
կամած: Մի քանի նավաստիներ ուղեկցում էին նրան: Նա-  
վապետ Նեմոն չէր տեսնում նրանց, կամ չէր ուզում տեսնել:  
«Նաուտիլուսում» մարտի էին սլատրաստվում: Այդ սլատրաս-  
տություններն այնքան էլ բարդ չէին: Տախտակամածը շրջա-  
պատող բազրիքը ծալվեց: Կուսարձակի և դեկի աշտարակները  
քաշվեցին ստորջրյա նավի իերսը, այնուհետև նրանք դրսից  
հազիվ էին երևում: Երկաթե, սիգարաձև նավի դրսի  
կողմում այլևս չկար որևէ ցցվածք և նրան ոչինչ չէր խանգա-  
րում ճարպիկ շարժ կատարելու:

Ես վերադարձա սրահ: «Նաուտիլուսը» շարունակում էր  
մնալ ծովի վրա, որ լուսավորված էր արևի առաջին ճառա-  
գայթներով: Նրա կարմրավուն ցուլերն անդրադառնում էին  
ապակիներում:

Վրա հասավ հունիսի 2-ի զարհուրելի օրը:

Ժամը հինգին արագությունը շափող գործիքը ցույց տվեց,  
թե «Նաուտիլուսը» շափավորել է իր արագությունը: Ես հաս-  
կացա, որ նա ուզում է մոտ թողնել ռազմանավը: Թնդանոթ-  
ների կրակոցներն ավելի հաճախ էին լսվում: Մեր շուրջը ջու-  
րը փրփրում էր արկերից, որոնք ընկնում էին ինչ-որ հատու-  
սուլոցով:

— Բարեկամներս, — ասացի ես, — եկել է ժամը. սեղմենք մեկմեկու ձեռները և թող լինի ինչ որ լինելու է:

Նեղ լենդը համակված էր վճռականությամբ, Կոնսելը հանգիստ էր, իսկ ես դժվարությամբ էի զսպում ինձ պաշարած հուզումը: Մենք անցանք գրադարան: Այն բոպեին, երբ ես հրեցի դռան փեղկը, որ բացվում էր դեպի գլխավոր սանդուղքը, լսեցի, թե ինչպես հանկարծ փակվեց դռնակը:

Կանադացին նետվեց դեպի սանդուղքը, բայց ես պահեցի նրան: Հսկեց ծանոթ վշտոցը, «Նաուտիլուսի» պահամանները լցվում էին ջրով: Մի քանի վայրկյանից հետո «Նաուտիլուսն» իջավ մի քանի մետր ջրի տակ:

Ես հասկացա այդ մանյովրը: Մենք ուշացրել էինք մեր փախուստը: «Նաուտիլուսը» չէր հարձակվելու ծովի վրա, ուր մարտանավը պաշտպանված էր անխոցելի զրահով: Ստորջրյանավը գրոհելու էր ջրի տակ, ջրագծից ցած, այնտեղ, ուր վերջանում էր նրա մետաղյա կողվածքը:

Այսպես ուրեմն, մենք դարձյալ գերիներ էինք, այն էլ սպասվելիք մոայլ ողբերգության ակամա ականատեսներ: Սակայն մտածելու ժամանակ չկար: Փակվելով իմ սենյակում, մենք լուռ նայում էինք մեկմեկու: Ինձ տիրեց խորը մի սարսափ: Ես գտնվում էի այն ծանր կացության մեջ, որ սովորաբար նախորդում է արևէ սարսափելի ցնցման: Ես տանջալից կերպով սպասում էի պայթյունին, ես ուշադրությամբ լսում էի ամեն մի շշուկ, ես ամբողջովին լսողություն էի դարձել:

Մինչ այս մինչ այն, «Նաուտիլուսը» զգալիորեն ավելացրեց իր արագությունը: Պարզ էր, որ հարձակվում է: Ամբողջ նավը ցնցվում էր:

Հանկարծ ես ճշացի: Տեղի ունեցավ ընդհարում: Ցնցումն այնքան էլ ուժեղ չէր: Այնուամենայնիվ ես զգացի, թե պողպատե ժանիքն ինչպիսի ուժով մեխվեց փայտի մեջ: Հսկեց ճոինչ և շրխկոց: «Նաուտիլուսը», որ շարժման իներցիայով առաջ էր սլանում, անցավ նավի պինդ զանգվածի միջով, ինչպես ասեղն է անցնում քաթանից:

Ես այլևս չէի կարողանում հանդուրժել այդ: Սարսափից խելքս կորցրած՝ սենյակից վազեցի սրահ: Նավապետ Նեմոն

այնտեղ էր: Անխոս, մռայլ, անողորք, նա դիտում էր այն, ինչ որ կատարվում էր ապակու մյուս կողմում:

Հսկայական, գրեթե անձև զանգվածը սուզվում էր ջրի տակ և նրա հոգեվարքին մինչև վերջ ներկա գտնվելու համար «Նաուտիլուսը» նրա հետ իջնում էր հատակը: Ինձանից տասը մետր հեռու ես տեսա նավի իրանը, որ համարյա կիսվել էր: Զուրը սոսկալի աղմուկով լցվում էր այնտեղ: Տախտակամածում բազմաթիվ սև ստվերներ էին շարժվում:

Նավը լցվում էր ջրով: Դժբախտ մարդիկ նետվում էին դեպի կայմապարանները, բարձրանում կայմերը, գալարվում ջրի տակ: Դա մի մարդկային մրջնանոց էր, որը հեղեղվել էր հանկարծ:

Սարսափից թուլացած, մտղերս բիզ-բիզ եղած, աչքերս լայն բացած, ես դիտում էի այդ ցնցող տեսարանը, անկարող լինելով հայացքս շուռ տալ ապակուց, կարծես շղթայված լինելով լուսամուտին: Հսկայական նավը դանդաղ ջրասույզ էր լինում: «Նաուտիլուսը» կրնկակոխ հետևում էր նրան: Հանկարծ պայթյուն լսվեց: Խտացած օդը նավի տախտակամածը ճեղքեց մի այնպիսի բոմփյունով, կարծես թե վառոդի պահեստ էր պայթել: Զրի ճնշումն այնքան մեծ էր, որ «Նաուտիլուսը» մի կողմ շարտվեց:

Այդ ժամանակ դժբախտ նավն սկսեց ավելի արագ սուզվել: Երևում էին կայմերն իրենց կառչած զոհերով, առագաստափայտերը, որ ծուվում էին մարմինների ծանրությունից, հետո — միջնակայմի ծայրը և վերջապես, մթին զանգվածն իր ամբողջ խեղդված անձնակազմով շքացավ ջրապտույտում... Ես դարձա դեպի նավապետ Նեմոն: Այդ սարսափելի դատավորը, ատելության իսկական դեր, շարունակում էր դիտել խավարը: Երբ ամեն ինչ վերջացավ, նա քայլեց դեպի իր սենյակը, բացեց դուռը և ներս մտավ... Ես նայում էի նրա հետևից:

Սենյակի պատի վրա, սիրած հերոսների պատկերներից մեկը ես տեսա դեռ բոլորովին երիտասարդ կնոջ և երկու փոքրիկ երեխաների նկարները:

Նավապետ Նեմոն մի քանի ականթարթ դիտեց այդ նկարները և ծունկ շոքելով, սկսեց հեկեկալ:



## ԳԼՈՒԽ ՔՍԱՆԵՐԿՈՒԵՐՈՐԴ

### ՆԱՎԱՊԵՏ ՆԵՄՈՅԻ ՎԵՐՋԻՆ ԽՈՍՔԵՐԸ

Սոսկալի տեսարանը շքացավ և լուսամուտները փակվեցին: Բայց սրահում լույս չէր վառվում: «Նաուտիլուսում» թագավորում էին խավարն ու լռությունը: Նավն արագ փախչում էր ավերման ու վշտի այդ վայրից:

Ես վերադարձա իմ սենյակը, ուր նեղն ու Կոնսելը լուռ սպասում էին ինձ: Ես անհաղթահարելի մի սարսափ զգացի նավապետ Նեմոյի հանդեպ: Ինչպիսի տանջանքներ էլ որ նա կրած լիներ մարդկանց մեղավորությամբ, այնուամենայնիվ իրավունք չուներ նրանց այդպես պատժել: Եվ նա ինձ դարձրեց իր վրեժխնդրության ականատես, եթե ոչ մասնակից: Այդ արդեն չափազանց էր:

Ժամը տասնմեկին վառվեց էլեկտրական լույսը: Ես անցա սրահ: Այնտեղ ոչ ոք չկար: Ես նայեցի պարագաներին: «Նաուտիլուսը» մեկ ժամում քսանհինգ մղոն արագությամբ ընթանում էր դեպի հյուսիս, գտնվելով մերթ ծովի վրա, մերթ երեսուն ոտնաչափ ջրի տակ:

Քարտեզի վրա գտնելով մեր տեղը, ես տեսա, որ մենք անցել ենք Լամանշի գետաբերանը և հիմա զգալի արագությամբ սլանում ենք դեպի հյուսիսային ծովերը:

Մինչև երեկո մենք Ատլանտյան օվկիանոսով անցել էինք երկու հարյուր լյո:

Մթնշաղը թանձրանում էր, և մինչև լուսնի ծագումը ծովը ծածկված էր խավարով:

Ես վերադարձա իմ սենյակը: Սակայն չկարողացա քնել: Մղձավանջները խեղդում էին ինձ: Նավի խորտակման ամբողջ վարհուրելի տեսարանը շարունակ կանգնած էր աչքերիս առաջ:

Այդ օրվանից սկսած՝ քարտեզի վրա այլևս չէին նշում օրվա անցած ճանապարհը:

Ո՞վ կարող է ասել, թե «Նաուտիլուսը» որքան հեռու էր գնում դեպի Ատլանտյան օվկիանոսի հյուսիսային կողմը, մեծ արագությամբ սլանալով հյուսիսային միզում: Արդ

դյոք նաև Շպիցբերգենի՞ն էր մոտենում, թե՞ գնում էր դեպի Նոր Երկրի ափերը: Գուցե նա անցնում էր սակավ հայտնի ծովերով, Սպիտակ ծովով, Կարայի ծովով, Օբի ծովախորշով, Լյախովի արշիպելագի մոտից, Հյուսիսային Ասիայի գրեթե անհայտ ափերից ոչ հեռու: Ես դրան պատասխանել չէի կարող:

Ես կորցրեցի ժամանակի հաշիվը: Թվում էր, թե ցերեկն ու գիշերը, ինչպես բևեռում, սովորական կարգով չէին հաջորդում իրար: Ես զգում էի, որ ընկել եմ խորհրդավոր ու սարսափելի մի բնագավառ, որ ավելի շատ հատուկ է էդգար Պոյի հիվանդ երևակայության, քան իրական կյանքին: Ես ամեն բոպե սպասում էի, որ Պոյի գրվածքի հերոս Գորդոն Պիմուլի նման կտեսնեմ «ծածկոցով փաթաթված մարդկային մի կերպարանք, որ իր մեծությամբ գերազանցում է երկրիս բոլոր կենդանի արարածներին և փակում բևեռի մուտքը»:

Ինձ թվում է, սակայն ես գուցե և սխալվում եմ, որ այդ ճանապարհորդությունը հաջողությամբ շարունակվեց տասնհինգ կամ քսան օր, և ես չգիտեմ, թե դեռ որքան կշարունակվեր, եթե տեղի շունենար այն աղետը, որով վերջացավ մեր ճանապարհորդությունը:

Նավապետ Նեմոն և իր օգնականը կարծես թե նավում չլինեին: Անձնակազմից ոչ ոք և ոչ մի բոպե չէր երևում: «Նաուտիլուսը» գրեթե միշտ լողում էր ջրի տակ: Երբ այն բարձրանում էր ջրի վրա, որպեսզի օդ վերցնի, դռնակը բացվում ու փակվում էր ավտոմատ կերպով: Ես ոչ մի գաղափար չունեի, թե որտեղ ենք գտնվում մենք:

Այլևս չէր երևում կանադացին, որ սպառել էր իր բոլոր ուժերն ու համբերությունը: Նա համառությամբ լողում էր: Կոնսելը չէր կարողանում գեթ մի բառ լսել նրանից և շատ էր վախենում, որ կանադացին կարող է ինքնասպան լինել հուսահատությունից և հայրենիքի կարոտից: Կոնսելը շարունակ հետևում էր կանադացու յուրաքանչյուր քայլին:

Հասկանալի է, որ այսպիսի պայմաններում կյանքն անտանելի էր դարձել:

Մի անգամ, շեմ կարող ասել ամսի քանիսին, ես առավոտյան դեմ քնել էի հիվանդոտ ու ծանր քնով: Երբ արթնացա, տեսա նեղ կենդին, որ թեքվել էր դեպի ինձ:

Նա շնչալուվ ասաց ինձ.

— Մենք փախչում ենք:

— Ե՛րբ, — հարցրի ես:

— Առաջիկա գիշերը: Հիմա «Նառուտիլուսում» շկա ոչ մի հսկողութուն: Նավը կարծես քնած է: Իուք համաձայն եք, պարոն պրոֆեսոր:

— Այո: Մենք ո՞րտեղ ենք գտնվում:

— Ինչ որ ցամաքի մերձակայքում: Այդ ցամաքն ինձ հաջողվեց տեսնել այսօր առավոտյան, մշուշում, քսան մղոն դեպի արևելք:

— Այդ ի՞նչ երկիր է:

— Չգիտեմ, բայց ինչ երկիր էլ որ լինի, մենք այնտեղ ապաստան կգտնենք:

— Այո, նեղ... Այո, այդ որոշված է, մենք կփախչենք այս գիշեր, եթե անգամ մեզ վիճակված է մեռնել ծովում:

— Ծովը հուզվում է, քամին ուժեղ է, սակայն այնքան էլ դժվար չի լինի «Նառուտիլուսի» թեթև մակույկով անցնել քսան մղոն: Ինձ հաջողվեց մի քիչ ուտելիք և մի քանի շիշ ջուր տեղավորել մակույկում:

— Ես կհետևեմ ձեզ:

— Իմացեք, որ եթե ինձ բռնեն, ես պետք է պաշտպանվեմ: Ես պատրաստ եմ մեռնել, բայց անձնատուր չլինել:

— Մենք միասին կմեռնենք, սիրելի նեղ:

Ես պատրաստ էի ամեն ինչ անել: Կանադացին գնաց: Ես բարձրացա տախտակամած: Այնտեղ հազիվ կարելի էր ոտքի կանգնել, այնքան ուժեղ էին ալիքների հարվածները: Ահավոր էր երկինքը: Բայց քանի որ այդ թանձր մշուշից այն կողմ գտնվում է ցամաքը, ուրեմն պետք է փախչել: Մենք ոչ մի օր և ոչ մի ժամ չպիտի կորցնեինք:

Ես վերադարձա սրահ, վախենալով և միևնույն ժամանակ ցանկանալով հանդիպել նավապետ նեմոյին: Ես թե՛ ուզում էի և թե՛ չէի ուզում տեսնել նրան: Ի՞նչ պիտի ասեմ նավապետին: Արդյոք կհաջողվի՞ թաքցնել այն սարսափը, որ նա

ներշնչում էր ինձ: Ո՛չ, ավելի լավ է մենք շահողիպենք դեմ  
առ դեմ: Ավելի լավ է մոռանալ նրան: Եվ այնուամենայնիվ...

Ի՛նչ երկար էր տևում այն օրը, վերջին օրը, որ ես պետք  
է անցկացնեի «նաուտիլուսում»: Ես շարունակ մենակ էի  
մնում: Նեղ Լենդն ու Կոնսելը վախենում էին ինձ հետ խո-  
սելուց, վախենում էին, թե կմատնեն իրենց:

Ժամը վեցին ես ճաշեցի: Քաղցած չէի, բայց ստիպված  
կերա, որպեսզի չկորցնեմ ուժերս:

Վեցն անց կեսին Նեղ Լենդը մտավ իմ սենյակը:  
Նա ինձ ասաց.

— Մինչև փախչելու ընդհանուր պլան մենք այլևս չենք տեսնվի:  
Ժամը տասին լուսինը դեռ չի երևա: Օգտվենք խավարից: Գնա-  
ցեք ուղղակի դեպի նավակը: Ես ու Կոնսելն այնտեղ կըս-  
պասենք ձեզ:

Կանադացին դուրս գնաց, ժամանակ շտալով, որ ես պա-  
տասխանեմ իրեն:

Ես ուզում էի ստուգել «նաուտիլուսի» ընթացքի ուղղու-  
թյունը և վերադարձա սրահ: Մենք հրեշավոր արագությամբ,  
հիսուն մետր խորությամբ սլանում էինք դեպի հյուսիս-  
հյուսիս-արևելք:

Ես վերջին անգամ դիտեցի բնության հրաշալիքները և ար-  
վեստի գործերը, որ պահվում էին թանգարանում, բոլոր հա-  
վաքածոները, որ իրենց նմանը շունեին ամբողջ երկրագնդի  
վրա և պետք է կորչեին այն մարդու հետ, որ դրանք հավա-  
քել էր այստեղ: Ես ուզում էի դրանք երկար ժամանակ պա-  
հել հիշողությանս մեջ: Մի ամբողջ ժամ ես դիտում էի այդ  
գանձերը, որ դարաված էին ապակու տակ և լուսավորված ա-  
ռաստաղում գտնվող լապտերների պայծառ ու մեղմ էլեկ-  
տրական լուսով: Հետո ես վերադարձա իմ սենյակը:

Այստեղ ես ծովային դիմացկուն զգեստ հագա, հավաքեցի  
իմ բոլոր գրանցումները և դրեցի հագուստիս մեջ: Միրտս  
ուժեղ բաբախում էր: Իմ հուզումը, իմ ջղազրզիւ տեսքն ինձ  
անպայման կմատնեին նավապետ Նեմոյին, եթե նա տես-  
ներ ինձ:

Ի՛նչ էր անում նա այդ ընթացքին: Ես մոտեցա նրա սենյակի  
դուռն և ականջ դրեցի: Ոտնաձայներ լսվեցին: Նավապետ

Նեմոն այնտեղ էր: Յուրաքանչյուր շշուկ վախեցնում էր ինձ: Թվում էր, թե հիմա նա դուրս կգա և կհարցնի, թե ինչու եմ ուզում փախչել: Երկյուղը տիրել էր ինձ, երևակայությունս գործում էր: Այս դրությունն այնքան էր տանջալից, որ ես ինձ ահամա հարց էի տալիս, թե ավելի լավ չէ՞ դեմ առ դեմ հանդիպել նավապետին:

Այդ, իհարկե, խենթություն կլիներ: Բարեբախտաբար, ժամանակին ես զսպեցի ինձ: Վերադառնալով սենյակս, ես մեկնվեցի անկողնի վրա և աշխատում էի հանգստանալ:

Իմ հուզումը հետզհետե անցնում էր, բայց ուղեղս շարունակում էր տենդորեն աշխատել: Ես հիշում էի այն ամենն, ինչ որ ապրել էի «Նաուտիլուսում», բոլոր երջանիկ ու դժբախտ դեպքերը, որ տեղի էին ունեցել այն օրվանից սկսած, երբ ես ընկա «Աբրահամ Լինկոլնի» տախտակամածից, ըստորջրյա որսերը, Թորրենսի նեղուցը, Նոր Գվինեայի վայրենիներին, ծանծաղուտում կանգ առնելը, կորալլային գերեզմանոցը, Արաբական թունելը, Սանտորին կղզին, Կրետեի սուզակին, Ատլանտիդան, սառցակույտերը, Հարավային բեվեռը, համատարած սառույցները, ութոտնիկների դեմ մրդված ճակատամարտը, Գոլֆատրիմի գոտու փոթորիկը, «Վրիժառուն» և վերջապես, ռազմանավի և իր ամբողջ անձնակազմի կործանման սոսկալի տեսարանը: Այս բոլոր պատկերներն անցնում էին իմ աչքերի առջև, որպես դեկորներ, որ անդադար փոխվում են թատրոնական բեմի վրա: Այդ բոլոր հիշողությունները կապված էին նավապետ Նեմոյի հետ: Իմ երևակայության մեջ նրա դեմքը հրեշավոր պատկեր էր ներկայացնում: Այդ արդեն բոլոր մարդկանց նման մարդ չէր, այլ ջրերի ինչ-որ մի խորհրդավոր բնակիչ, օվկիանոսի հանճար:

Արդեն ժամի ինն անց կես էր: Այրվում էր գլուխս, ես այն սեղմում էի ձեռներովս և փակում աչքերս: Ես փորձում էի ոչնչի մասին շմտածել: Մնում էր ևս կես ժամ: Մղձավանջայի՛ն կես ժամ: Քիչ էր մնում խելագարվելի:

Հանկարծ լսեցի երգահոնի անորոշ հնչյուններ, տխուր մեղեդի, ինչ-որ մի երգ: Հազիվ շնչելով, ես իմ ամբողջ էու-



Թյամբ կլանում էի այդ ձայները, հափշտակվում երաժշտությամբ, ինչպես և նավապետ Նեմոն:

Հետո հանկարծակի մի միտք ապշեցրեց ինձ. նավապետ Նեմոն դուրս էր եկել իր սենյակից: Նա գտնվում էր սրահում, իսկ ես կես ժամից հետո պիտի անցնեի այնտեղից: Ես նրան կհանդիպեմ վերջին անգամ, և նա կխոսի ինձ հետ: Նրա միմիայն մի շարժումը կարող է ոչնչացնել ինձ, միմիայն մի բառը կարող է ինձ ընդմիշտ շղթայել այս նավին:

Խփեց ժամը տասը: Վրահասամբ այն րոպեն, երբ ես պետք է դուրս գայի սենյակից և միանայի իմ ընկերներին: Ես այլևս չէի կարող տատանվել, եթե նույնիսկ նավապետ Նեմոն դուրս գար իմ առաջ:

Մեծագույն զգուշությամբ ես մի քիչ բաց արի դուռը, ինձ թվում էր, որ այն բացվում էր սարսափելի ճոխնշով: Գուցե այդ ճոխնշը գոյություն ուներ միայն իմ երևակայության մեջ: Ես շոշափելով անցնում էի «Նաուտիլուսի» խավար միջանցքներով, յուրաքանչյուր քայլափոխում կանգ առնելով, որպեսզի չափավորեմ սրտիս բաբախումը:

Վերջապես, ես հասա մինչև սրահի անկյան դուռը և կամացուկ բացեցի:

Սրահում անթափանցելի խավար էր տիրում: Մեղմ հրնշում էին երգեհոնի ակորդները: Նավապետ Նեմոն այնտեղ էր: Նա ինձ շտեսավ: Ես կարծում եմ, որ նա ինձ չէր տեսնի նաև ցերեկվա ամենապայծառ լույսի տակ, որովհետև խորը հափշտակված էր երաժշտությամբ:

Ես ոտք դրեցի գորգի վրա, վախենալով ամենաչնչին շշուկից, որ կարող էր մատնել իմ ներկայությունը: Հարկավոր էր ամբողջ հինգ րոպե, որպեսզի հասնեի դռանը, որ գտնվում էր սրահի մյուս կողմում և տանում էր դեպի գրադարանը:

Ես պատրաստվում էի բաց անել այն, բայց հանկարծ լսեցի նավապետի հառաչանքը: Ես քարացա: Հասկացա, որ նավապետ Նեմոն վեր է կացել իր տեղից և նույնիսկ խավարում տեսա նրա ուրվականը, որովհետև գրադարանից այստեղ էին թափանցում լույսի թույլ ճառագայթները: Նավապետը ձեռքերը կրծքին խաչած, կամացուկ մոտենում էր ինձ՝ կարծես

չէր քայլում, այլ սահում էր ինչպես ուրվական: Նրա կուրծքը դողում էր հեկեկանքներից: Ես լսեցի այն խոսքերը, որ նա շշնջաց, իմ լսած վերջին խոսքերը:

— Բավական է, բավական է:

Ուրեմն խղճի խայթը տանջում էր այդ մարդուն...

Ինքս ինձ կորցրած, վազեցի գրադարան: Բարձրացա գրել-խավոր սանդուղքով և վերին անցքով քայլեցի դեպի մակույկը:

«Նաուախիլուսի» երկաթե պատի մեջ եղած անցքը պինդ փակվում էր անզլիական բանալիով, որ նեղ կենդր վերցրել էր իր մոտ: Մակույկի կափարիչը փակվում էր նույն կերպ: Կանադացին արդեն սկսեց քանդել պտուտակները, վերջին պարագաները, որ մեզ կապում էին ստորջրյա նավին: Հանկարծ մենք լսեցինք խուլ աղմուկ, որ գալիս էր նավի ներսից: Այդ ի՞նչ կարող էր լինել: Գուցե այնտեղ նկատե՞լ են մեր անհետանալը:

Ես զգացի, թե ինչպես նեղ կենդր ձեռքիս մեջ դրեց դանակը:

— Այո,— շշնջացի ես,— մենք պետք է պատրաստ լինենք մեռնելու:

Կանադացին դադարեցրեց իր աշխատանքը: Մակայն մի բառ, որ կրկնվել էր տասնյակ անգամ, մի սարսափելի բառ ինձ համար պարզեց «Նաուախիլուսում» եղած իրարանցման պատճառը:

Այդ պատճառը բոլորովին մեր փախուստը չէր:

«Մալշտրեմ, մալշտրեմ»:

Մալշտրեմ: Այդ ամենասարսափելին էր, որ մենք կարող էինք լսել: Այսպես ուրեմն, մենք գտնվում էինք ամենավտանգավոր տեղերում, նորվեգական ափի մոտ: Մի՞թե «Նաուախիլուսին» վիճակված էր ընկնել այդ մահացու անդունդը, հենց այն ընկնելին, երբ մենք պատրաստվում էինք ազատություն ձեռք բերել:

Հայտնի է, որ այստեղ, մակընթացության ժամանակ Ֆարարյան և Լոֆոտենյան կղզիների միջև եղած ջուրը հոսում է անհաղթահարելի ուժով: Առաջանում է ջրապտույտ, որից դեռ

ոչ մի նալ դուրս չի եկել: Ամեն տեղից, հորիզոնի ընդ որ կե-  
տերից այստեղ են սլանում հրեշավոր ալիքները: Նրանք այս-  
տեղ առաջացնում են անհատակ մի անդունդ, որ կոչվում է  
«օվկիանոսի պորտ» և որի կենտրոնաձիգ ուժը տարածվում  
է տասնհինգ կիլոմետրի վրա: Այս ջրապտույտում կորչում են  
ոչ միայն նավերը, այլև կետերն ու նույնիսկ արկտիկական  
երկրների սպիտակ արջերը:

Եվ ահա նավապետ Նեմոն ակամա, գուցե և դիտմամբ,  
այստեղ բերեց իր «Նաուտիլուսը»: Նավը այստեղ շրջան էր  
կատարում, որի շառավիղը հետզհետե փոքրանում էր: Նավի  
հետ միասին սարսափեցնող արագությամբ պտտվում էր նաև  
մեր մակույկը, որ դեռ կապված էր նավին: Ես այդ զգում  
էի: Ես զգում էի մաշող, հիվանդագին գլխապտույտ: Խելա-  
հեղ սարսափն ու երկյուղը տիրեցին ինձ, արյունս կանգ էր  
առնում երակներիս մեջ: Սիրտս արդեն չէր խփում: Սառը  
բրտինքը պատում էր մեզ, ինչպես հոգեվարքի վերջին բուպե-  
ներին: Ինչպիսի դժոխային աղմուկ էր այն փոքրիկ մակույկի  
շուրջը: Ինչպիսի՛ մոնչոց, որ անվերջ արձագանքվում էր տաս-  
նյակ մղոն տարածության վրա: Ինչպես էին դղրդում ալիք-  
ները, փշրվելով ստորջրյա ժայռի սուր գագաթներին, այն-  
տեղ, անդնդում, ուր ամենապինդ մարմինները, ծառերի ա-  
մենահուժկու բները ջարդ ու փշուր են լինում:

Ինչպիսի՛ սարսափ:

Մենք զարհուրելի կերպով օրորվում էինք: «Նաուտիլուսը»  
կենդանի արարածի նման պաշտպանվում էր ալիքների հար-  
վածներից: Նրա պողպատե մկանները ճթճթում էին: Երբեմն  
նավը կարծես ծառս էր լինում:

— Հարկավոր է ամուր կառչել «Նաուտիլուսից», — ասաց  
Նեդը, — փորձենք նորից ամրացնել բոլոր պտուտակները: Եթե  
մենք չկտրվենք «Նաուտիլուսից», գուցե կարողանանք փրկվել:

Նա դեռ չէր վերջացրել խոսքը, երբ լսվեց զարհուրելի մի  
ճայթյուն: Պտուտակները դուրս թռան և մակույկը, պոկվելով  
իր տեղից, ինչպես պարսատիկից նետված քար, շարտվեց  
ջրապտույտի հենց մեջտեղը:

Իմ գլուխը խփվեց երկաթե նավին, և ես սաստիկ ցնցու-  
մից կորցրեցի գիտակցությունս:

# ԳԼՈՒԽ ՔՍԱՆԵՐԵՔԵՐՈՐԴ

## ՎԵՐՋԱԲԱՆ

Այսպե՛ս վերջացավ մեր ստորջրյա ճանապարհորդութիւնը:

Թե ինչ կատարվեց այն սարսափելի գիշերը, մեր մակույկն ինչպես դուրս եկավ կործանարար ջրապտույտից, ինչպես նեղ կենդը, կոնսելն ու ես ազատվեցինք անդնդից, ես այդ շեմ կարող պատմել: Ես ուշքի եկա Լոֆոտենյան կղզիներում ապրող մի ձկնորսի խրճիթում: Իմ երկու ընկերները, որ առողջ էին ու անվնաս, կանգնել էին ինձ մոտ և հրճվանքով սեղմում էին ձեռքերս: Մենք ջերմորեն գրկվեցինք:

Այդ ժամանակ ավելորդ էր մտածել Ֆրանսիա վերադառնալու մասին:

Հյուսիսային և հարավային նորվեգիայի միջև հազվագյուտ դեպքում է հաղորդակցութիւն լինում: Մենք ստիպված էինք սպասել այն շոգենավին, որ ամսական երկու անգամ մեկնում է դեպի Հյուսիսային հրվանդանը:

Այստեղ, մեզ ազատող այս հասարակ, բարի մարդկանց մեջ ես վերանայում եմ իմ արկածների պատմութիւնը: Այն միանգամայն ճիշտ է: Ոչ մի փաստ չի վրիպել: Ոչ մի մանրամասնութիւն չի փոխված: Դա բոլորովին ճշմարիտ մի պատմութիւն է մարդու համար անմատչելի տարերքում կատարված արտասովոր ճանապարհորդութեան մասին, այն տարերքում, ուր մարդկութիւնն ու գիտութիւնը երբևէ ազատ ճանապարհներ կստեղծեն:

Արդյոք կհավատա՞ն ինձ: Չգիտեմ: Միևնույն չէ՞ ինձ համար: Ինչ էլ որ լինի, ես իրավունք ունեմ խոսելու այն ծովերի մասին, որոնց խորքերում տասն ամսից պակաս ժամանակամիջոցում անցել եմ քսան հազար լյո, այդ ստորջրյա աշխարհաշուրջ ճանապարհորդութեան մասին, որ ինձ համար այնքան հրաշքներ հայտնագործեց խաղաղ օվկիանոսում, Հնդկական օվկիանոսում, Կարմիր ու Միջերկրական ծովերում, Ատլանտյան, Հյուսիսային ու Հարավային սառուցյալ օվկիանոսներում:

Բայց ո՞ւր մնաց «Նաուտիլուսը»: Արդյոք նրան հաջող-  
վե՞ց փրկվել ջրապտույտից: Արդյոք դեռ կենդանի՞ է նավա-  
պետ Նեմոն: Արդյոք նա շարունակո՞ւմ է վրեժխնդրության իր  
սարսափելի գործը, թե՞ բավարարվեց այդ վերջին եղեռնա-  
գործությամբ: Արդյոք երբևէ ալիքները կբերե՞ն նրա ձեռա-  
գիրը, ուր տրված է նրա ամբողջ կյանքի պատմությունը: Ար-  
դյոք ես կիմանա՞մ այդ մարդու անունը: Կիմանա՞նք մենք  
նրա ազգությունը, երբ պարզվի, թե ուր երկրին էր պատկա-  
նում խորտակված ուղմանավը:

Ես հուսով եմ, որ կիմանանք: Ես հուսով եմ նաև, որ  
նրա սքանչելի նավը հաղթահարել է ծովի ամենազարհուրելի  
անդունդը և որ «Նաուտիլուսն» ազատվել է այն տեղից, ուր  
այնքա՛ն նավեր են խորտակվել:

Եթե այդպես է, եթե նավապետ Նեմոն դեռ լողում է օվ-  
կիանոսում, որ դարձել է նրա հայրենիքը, թող ատելությունը  
չքանա նրա անողոք սրտից: Նա այնքա՛ն հրաշալիքներ է  
տեսնում, թո՛ղ ուրեմն դրանք հանգցնեն վրիժառության կրա-  
կը: Ահեղ դատավորը պետք է չքանա և իր տեղը դիջի ծովը  
հանգիստ ուսումնասիրող գիտնականին: Բախտը լինում է ար-  
տասովոր, բայց նաև վեհ: Մի՞ թե ես ինքս չզգացի այդ: Չէ՞  
որ ես տասը ամիս ապրեցի այդ գերբնական կյանքով: Եվ  
հիմա այն հարցին, որ վեց հազար տարի առաջ տվել էր  
էկլեզիաստը, «Ո՞վ է երբևէ շափել անդունդի խորությունը»,  
երկրիս բոլոր մարդկանցից միայն երկուսն իրավունք ունեն  
պատասխանելու՝ «Ես»:

Այդ երկուսից մեկը նավապետ Նեմոն է, մյուսը՝ ես:



ԲՈՎԱՆԴԱԿՈՒԹՅՈՒՆ

Առաջին մաս

|  |     |
|--|-----|
| Գլուխ առաջին. Հողացող խութը                                  | 7   |
| Գլուխ երկրորդ. Թեր և գեմ                                     | 14  |
| Գլուխ երրորդ. Ինչպես որ պարոնք կամենա                        | 21  |
| Գլուխ չորրորդ. Նեղ և նեղը                                    | 28  |
| Գլուխ հինգերորդ. Կուրորեն հետապնդում                         | 36  |
| Գլուխ վեցերորդ. Արագ ընթացք                                  | 44  |
| Գլուխ յոթերորդ. Կետի անհայտ տեսակը                           | 55  |
| Գլուխ ութերորդ. Mobilis in mobile                            | 63  |
| Գլուխ իններորդ. Նեղ և նեղը վրդովված է                        | 72  |
| Գլուխ տասներորդ. Անդամդի մարդը                               | 80  |
| Գլուխ տասնմեկերորդ. «Նաուտիլուսը»                            | 91  |
| Գլուխ տասներկուերորդ. Ամեն ինչ էլեկտրականության միջոցով      | 100 |
| Գլուխ տասներեֆերորդ. Մի քանի թվեր                            | 108 |
| Գլուխ տասնչորսերորդ. «Սև գետը»                               | 117 |
| Գլուխ տասնհինգերորդ. Գրավոր հրավեր                           | 131 |
| Գլուխ տասնվեցերորդ. Զբոսանք ստորջրյա հարթավայրում            | 141 |
| Գլուխ տասնյոթերորդ. Ստորջրյա անտառը                          | 148 |
| Գլուխ տասնութերորդ. Զորս հազար լյո խաղաղ օվկիանոսի ջրերի տակ | 156 |
| Գլուխ տասնիններորդ. Վանիկորո                                 | 167 |
| Գլուխ քսաներորդ. Թորիեսի նեղուցը                             | 178 |
| Գլուխ քսանմեկերորդ. Մի քանի օր ցամաքում                      | 189 |
| Գլուխ քսաներկուերորդ. Նավապետ Նեմոյի կայծակը                 | 203 |
| Գլուխ քսաներեֆերորդ. Անբացատրելի քնկոտություն                | 217 |
| Գլուխ քսանչորսերորդ. Կորալների աշխարհը                       | 227 |

## Երկրորդ մաս

|   |     |
|---|-----|
| Գլուխ առաջին. Հնդկական օվկիանոսը . . . . .                              | 241 |
| Գլուխ երկրորդ. Նավապետ Նեմոյի առաջարկը . . . . .                        | 253 |
| Գլուխ երրորդ. Տասը միլիոն արժողութեամբ մարգարիտը . . . . .              | 266 |
| Գլուխ չորրորդ. Կարմիր ծովը . . . . .                                    | 279 |
| Գլուխ ճիւղերորդ. Արաբական թունելը . . . . .                             | 294 |
| Գլուխ վեցերորդ. Հունական արշիպելագը . . . . .                           | 305 |
| Գլուխ յոթերորդ. Քառասունութ ժամում անցանք Միջերկրական<br>ծովը . . . . . | 318 |
| Գլուխ ութերորդ. Վիգո ծովախորշը . . . . .                                | 329 |
| Գլուխ իններորդ. Կորած մայր ցամաքը . . . . .                             | 342 |
| Գլուխ տասներորդ. Ստորջրյա ածխահանքեր . . . . .                          | 355 |
| Գլուխ տասնմեկերորդ. Սարգասյան ծովը . . . . .                            | 369 |
| Գլուխ տասներկուերորդ. Վիշապաձկներ և կետեր . . . . .                     | 380 |
| Գլուխ տասներեփերորդ. Սառույցներում . . . . .                            | 394 |
| Գլուխ տասնչորսերորդ. Հարավային բևեռը . . . . .                          | 410 |
| Գլուխ տասնհինգերորդ. Դժբախտ դեպք կամ շնչին պատահար . . . . .            | 426 |
| Գլուխ տասնվեցերորդ. Օդի պակասութիւն . . . . .                           | 436 |
| Գլուխ տասնյոթերորդ. Հորն հրվանդանից դեպի Ամազոն . . . . .               | 449 |
| Գլուխ տասնութերորդ. Ութսունիկներ . . . . .                              | 458 |
| Գլուխ տասնիններորդ. Գոլֆստրիմ . . . . .                                 | 471 |
| Գլուխ քսաներորդ. 47°24' լայնութեան և 17°28' երկարութեան տակ . . . . .   | 484 |
| Գլուխ քսանմեկերորդ. Եղբայրական շիրիմ . . . . .                          | 493 |
| Գլուխ քսաներկուերորդ. Նավապետ Նեմոյի վերջին խոսքերը . . . . .           | 504 |
| Գլուխ քսաներեփերորդ. Վերջաբան . . . . .                                 | 512 |

ԺՅՈՒՆՆ ԿԵՆՈՒՆ

Երկերի ժողովածու տասն հատորով

Հատոր IV

20 000 լյո ջրի տակ

Հրատ. խմբագիր՝ Ա. է. Թովիչյան  
Գեղ. խմբագիր՝ Վ. Մանդակունի  
Տեխ. խմբագիր՝ Կ. Սարգսյան  
Վերստուգող սրբագրիչ՝ Լ. Խուդոյան

Պատվեր 1083

Տիրաժ 20000

---

Հանձնված է արտադրութեան 8/VI 1963 թ.:

Ստորագրված է տպագրութեան 28/VIII 1963 թ.:

Թուղթ՝ 84 × 108<sup>1</sup>/<sub>32</sub>, տպագր. 32,25 մամ. = 26,44 պայմ. մամ.,  
հրատ. 22,4 մամ.: Գինը՝ 85 կ.:

---

ՀՍՍՌ Կուլտուրայի մինիստրութեան հրատարակչութեան  
և պոլիգրաֆ արդյունաբերութեան գլխավոր վարչութեան  
պոլիգրաֆկոմբինատ, Երևան, Տերյան 91: